


नयाल शाखा

वाधिसूत्रावदानमाला



नयाल वीर्य प्रकाशन

नेपाल भाषा

बोधिसत्वावदानमाला

स्वंगूगु द्या
द्वापरयुगय् जन्म बाख्ने

नेपाल भाषा याह्य
पं० वै० आशाकाजी (गणेशराज) बज्राचार्य

किपा च्चःह्य
ईश्वरी प्रसाद कर्माचार्य

१९०५

नेपाल बौद्ध प्रकाशन

ढकलक :

नेपाल बौद्ध प्रकाशन

P. O, Box No. 843, Kathmaudu.

④ नेपाल भाषा याम्ह

थान:- ९५०

बु. सं. २५२९

ने. सं. ११०५

सू: ६५/-

प्रावकथन

नमस्तस्मै भगवतेऽहंते संप्यक संवुद्राय

तृष्णातुराणां ममृतावतारं
क्लेशोपहारं सुगतिः प्रदानम् ।
रोगातुराणां भिषगवतारं
भैषज्यराजं प्रणतोऽस्मि नित्यम् ।

संसारया तृष्णायागु रोग जुया च्वंविगु उपरे भमृत स्वरूप जुया च्वंम्ह, पापयागु तिसांतिया च्वंविगु कारणं पाप फुडगु उपाय याका भिगु गति विम्ह । पाप रोग पीड जुया च्वंविगु निमित्ते धमयामु वासत्वंका वंछराज जुया विज्याम्ह भैषज्यराज तथागतयात नित्य प्रणाम दु ।

तां देवीं मातरं स्मृत्वा प्राण रूपेण संस्थिताम् ।
नमः प्रज्ञाप्रभाकारां वायुरूपेण सून्यताम् ।

गुम्हजा देवीरूप प्राण स्वरूप जुया विज्याम्ह मांयात धर्म धका लुमका, प्रज्ञा नाम जानया रस्मि आकार जुया मवं व्यापक वायुरूप खनेमदेक सून्यताजुया विज्याम्ह प्रज्ञापारमितायात नास्कर ।

आदौ महाभयहरं भदसागरेऽपि
जन्मान्तरे षट्गतिं तरणाय दुःखम् ।
संधं यदाच शरणं हरणाय पापं
तस्मै नमः प्रतिदिनं करुणामयाय ।

म्हापां तच्चगु च्यागू प्रकारया भययात फुका बिम्ह ख्व संसार सागरे जन्म जन्मम पापं पद्गति चक्रेलाना दुख भोगयाय् माग्यात पद्क्षरि मंत्र बोका पापं मुक्तयाना तरेयाइम्ह संघरत्न खः । महायान बुद्ध धर्मया उत्तमगु लेहुं धया ले क्यनेगुलि नायो जुया बिज्याम्ह लोकेश्वर लोकनाथयागु महिमा सुनां गुगू बखते लुमका शरण वनि वइत करुणा तथा सुखावन्ति बुद्धभुवने छोया बिम्ह प्रभू छलपोल खः । पाप शमन जुइगु उपोषधत्रत तथा पद्क्षरि मंत्रया राजाजुया च्वम्ह एवं आदि बुद्ध बज्रसत्त्व गुरुया द म्येच्चकां उत्पत्ति जूगु ही मन्त्रं उत्पन्न जुया बिज्याम्ह करुणामययात ह्लिह्लि अष्टांग प्रणाम ।

अष्टांग प्रणाम वाक्य

नमो गुरुभ्यः । नम रत्नत्रयाय । नमो मंजुश्रिये ।

नमः सुश्रिये । नम उत्तमश्रिये स्वाहाः ।

गुरुपिन्त नमस्कार । शिरानयात नमस्कार । मंजुश्रियात नमस्कार । सुश्रियात नमस्कार उत्तम श्रियात नमस्कार ।

अष्टांग प्रणाम यायगु सीके -

उरक्षा शिरसा दृष्ट्वा वचसा मानसा तथा ।

पद्भ्यां कराभ्यां जानुभ्या मष्टागोऽपि इतिस्मृतम् ।

नुगतं शिरं मिखां म्हुतु मनं पालिनिपा । मल्लयाना ह्लाःनिपां विन्तियाना पुलिनिगतं नापंतया भूमीस शरीर गोनुना प्रणाम यायगुयात अष्टांग प्रणाम घाइ ।

रत्न मण्डल द्वादश

अष्टश्रृंग मयंमेरु श्रुतुर्दोषोपशोभितं ।

सप्तरत्न समाकीर्णं ददेद् उत्तरदायणी ।

गुरुभ्यो बुद्धधर्मभ्यः संघेभ्यश्च तथैवच ।

निर्यातयामि भावेन संपूर्णं रत्न मण्डलम् ।

च्यासिलि नूगु ख्व रत्न सुमेरु पर्वतस प्यंगू द्वीपं चाहुला वांलाना च्वंगु याउपद्वीप राउपद्वीप लाउपद्वीप वाउप-
द्वीप अनपिने १) पूर्वे विदे' द्वीप २) दक्षिणे अपर गोडानीय द्वीप ३) पश्चिमे जम्बूद्वीप ४) उत्तरे कुरु द्वीप अनपिने
१) तुयूम्ह किसि गजरत्न २) पुरुषरत्न ३२ लक्षणं युक्तम्ह तुयूम्ह मिजं ३) अश्वरत्न वाउम्ह सल ४) स्त्रीरत्न ३२
लक्षणं सहितम्ह मिसा तुयुः ५) चक्ररत्न हिला च्वनिगु चक्र ६) खड्गरत्न पंचरस्मि दुगु खड्ग ७) मणिरत्न

चित्तामणि । थुजागु न्हेगू रत्न ब अमृतं पूर्णगु सुवर्णया सर्वनिधान कलश समेत च्यागू दिशा विदिशास चाहुला
अतिनं वाँलाना च्वंगु । मेगुनं अनेक वाकिगु रत्नया खानि सहितगु रत्नमण्डल गुरुपिन्त एव बुद्धधर्म संघ (त्रिरत्न)
पिन्त नुमका निमन्त्रणायांना श्रद्धा भावतया जि नं चढेयाना । महायान बुद्ध धर्मया चय्यं नित्य यथ्ये जुइ ।

बुद्धोक संसारामय ग्रन्थे उल्लेख

संसारपार गन्तूनां बज्रसत्त्वेन देशितम् ।
गुरुकर्णधरे विद्वान् नौका धर्म प्रकाशितम् ।

आदिबुद्ध वज्रसत्त्व परम गुरु एव प्रकारं देशनायाना बिज्यत संसारं पारजुया वनेगु इच्छा यानाच्वपि
धर्मानुपिनि विद्वान्म्ह गुरु माकि समान् खः धका सीकेमा छाय् घा.सा प्रमाण थये सीके नौकारूपि द्वंगा तुल्यगु
धर्म प्रकाश याइम्ह जुया खः ।

कर्णधारं विना नौका पारंप्राप्तं भवेनहि ।
गुणैःसर्वैःप्रपूर्णोऽपि नागुरु भव पारगः ।

माकि मद्गु द्वंगा नदिया पारं तरेयाय् फइमखुः वथ्ये संसार रूपि समुद्रं पार जुइत नं सम्पूर्ण गुणं पूर्णम्ह
गुरु मदेकं संसार पारजुया वने फइमखुः । धर्मरूपी द्वंगा माकिरूपि गुरु, माकि नदीस द्वंगाय् तथा पार तरेयाइ ।
गुरु धर्मयागु द्वंगाय् तथा संसारं पार तरेयाइ । अध्येया निम्ति बोधिसत्त्व चय्यं महायान बुद्धचय्ये च्वपिसं
न्हापालाक गुरुपिन्त प्रणाम याइ । गुम्हसियाजा विद्वान्म्ह गुरु हे मद्गु अथवा विद्वानपि गुरुपिन्त अहंकारी निम्दा
याना च्वनी उजाम्ह सदानं संसारे चाहुला दुःखासया च्वनेमालि घयातल ।

गुरु शब्द निगः आखया अर्थ सीकेगु
योग सिद्धि तंत्र टीकास थय्ये उल्लेख दु

गुकार स्तेजबान् बिद्युत् रुकारो जलदा स्मृता ।
बिद्युत् मेघ यथाऽऽकाशे गुरु एव तथा भुवि ।

गुकार आख चंचल स्वभावगु बिजुलि अग्निरूप गुरुष धका सीकेगु । रुकार आख लः दगु मुपाय् तिर्यं खः
स्त्री रूप धका बिचार याय्गु । गथ्येजा आकाशे बिजुलि व मुपाय् निम्ह मिले जुया पृथ्वीस जल वृष्टि जगुलि सकल
प्राणीपिन्त उद्धार जुल । वथ्ये गुरु धागु निग आखयात त्वेक शिष्यपिन्त उद्धार जुइगु शिक्षा दिक्षा ज्ञानोपदेश बिया
वाँलाक स्यना कना उद्धारयाय् फेकेगु ।

भगवान् कालवक सम्बर वचन, मंजुश्री गुरु यशोराजा जुया, वज्रपाणि बोधिसत्त्व, मुचन्द्र मंत्री जुम्हयात कंगु ।

कलियुगया प्रथम चरणे शाक्यमुनि बुद्धं बज्राभिष्येक प्राप्तयागु खं कालचक्र तत्र टीका विमल प्रभा सूत्र अभिष्येक प्रथम पटले बांलाक ध्ये उल्लेख दु ।

मूल

अथ कलशादिभि राराधनेत्यर्थः । बज्रयानाभिरुद्धेति । इहतंज्रयानं संम्यक संबुद्धयानं । तीर्थिक श्रावक प्रत्येक बुद्धयानाना मभेद्यत्वाद्, कथंमोक्षो जायतेऽनेनेति बज्रयातम् ।

अर्थ

अथेया निमित्ते ध्ये छः मागर तिर्यं स्वरूप कलशादि पूजाद्वारा आराधन यायु उत्तम कार्यं अत्यन्त योग्यजुः । कारण बज्रयान प्राप्तयायु याकेगु जुया । धन बज्रयान संम्यक संबुद्धयान घाल । तिर्थिक श्रावक प्रत्येक बुद्धयानपिसं सीकेत याकुमानं भेदयायु योग्यमजुः । मोक्ष गध्ये लाभ जुइगु धाःसा थ्व हे बज्रयानं मोक्ष लाभ जुइगु जुया युगु जानयात च्वेलागु उत्तम बज्रयान घयातल ।

भगवान् शाक्यमुनि बुद्धयान सप्ताभिष्येक तथा

बज्रचार्यं पद प्राप्त जुगु दिन सीकेगु ।

मूल

बोधिवृक्षमूले वैशाख पूर्णिमाया मरुणोदिने धर्मधातु मण्डल त्वाङ् रस्मिणो बुद्धाभिष्येक स्तथा सप्ताभिष्येकप्राप्तः । सर्वगः सर्वज्ञो महर्षि तथागतैव । स येन भगवतो बोधिवृक्षमूले लब्धोऽसौ अभिष्येकाग्र लब्धो हि यस्मात्तस्मात् काय वाक चित्तात् अभेद्यत्वाङ् बज्राचार्यः शाक्यमुनि तथागतेति ।

अर्थ

वसन्तोल बुद्ध गयाम वंगनमिमाण क्वम तायाना विज्यावने वैशाख (वच्छला) पुन्हिबुद्ध मुयन्हापा आकाश कवाहाः वगु धर्मधातु मण्डलया रस्मियाके बुद्धपिगु न्हेगु अभिष्येक प्राप्त जुल । छु छु धाःसा-

- (१) उदकाभिष्येक, तथागतपिगु तिर्यया अमृत लखं स्नान तुन्य कलशाभिष्येक ।
- (२) बज्राभिष्येक, तथागत बुद्ध चिन्ह शून्यता तयता ज्ञानं युक्तगु पञ्चरस्मि सहितगु बज्र प्राप्त जुल ।
- (३) गण्ठाभिष्येक, प्रज्ञा ज्ञान स्वर्ण धर्म चिन्ह मय गब्दोच्चारण जुइगु घण्ट प्राप्त जुल ।
- (४) मकुषाभिष्येक, आदि बुद्ध पद्म तथागतपिगु मूर्ति चिन्ह रस्मि शिरे धारण जुल ।
- (५) व्रताभिष्येक, तप ध्यान योग समाधियागु चिन्ह पताकादि प्राप्त जुल ।
- (६) नामाभिष्येक, संम्यक संबुद्ध नाम बज्राचार्य जुन धेगु अभिषेक दत्त ।
- (७) प्रज्ञा ज्ञानाभिष्येक, गम्भीरगु ज्ञानं पार जुया निर्वाण चक्र प्रवेश जुइफइगु जुल ।

थुजागु ऋगु अभिष्येक प्राप्त जुया संगूणं खंम्ह अनुभोग याय्त्रुं कुम्ह सकल स्यूम्ह महर्षि तथागत जुल । थुजागु
म्ह ज्ञान मुतां प्राप्त यागु सीके भगवान् धाम्हसिनं छ । वंगलसिमाया ववे तप दाना लाभ जूगु थगु ऋगु अभिष्येक
न्त्यानेमं लाभ यागु निश्चय छः । अध्येया निमित्ते थुजागु प्रभाव कायवाक चित्त शुद्ध जुया भेद याय् थाक्गु
बज्राचार्यं शाक्यमुनी तथागत नाम प्रसिद्ध जुल ।

बज्राचार्यं निर्णय बांलाक क्रिया संग्रहे दु ।

मूल

बज्र श्रासौ आचार्यं, बज्राचार्यः ।

अर्थ - बज्र छः थव बुद्ध चिन्ह, आचार्यं ज्ञान चिन्ह घण्ट धर्म चिन्ह जुइ ।

एवं ज्ञान धारणं नियमाचारं अस्तीति आचार्यः सो बज्राचार्यः ।

अर्थ - थुगु प्रकारं ज्ञान धारण तथा नियम आचार दुम्ह आचार्य्य सु छः, वइत धाइ बज्राचार्यः ।

पुनः मूल

आरात् पापकेभ्यः सर्वेभ्यश्चरतीति आचार्यः ।

अर्थ - तापाकनिर्घ्ये पापया ज्यायात तापाका धर्मया ज्या ज्ञान सतिका कने कमेने फुह अथवा मन
दुम्हयात धार्थ्येयाम्ह आचार्यं धाइ ।

पुनरपि मूल

यद्वा बज्रमार्गेण देशकयो वा आचार्यः सो बज्राचार्यः ।

हानं अर्थ सीके- गुम्हजा अथवा बज्राभिष्येक प्राप्त याना बज्रयानया लें म्हसीका बांलाक कनेफुम्ह सु छः
अथवा उजाम्ह आचार्ययात धार्थ्येयाम्ह विद्वान् बज्राचार्यं धाइ ।

सप्ताभिष्येकयात गुह्याभिष्येक धाइ । गुह्याभिष्येकयात तंत्रराज (तंत्रया राजा) धाइ । थुजागु तंत्रराजया
महर्षि योगेश्वर (योग समाधि दक्कका नाथ) कलियुगया परमगुरु बज्राचार्यं शाक्यमुनि भगवान् बुद्ध निश्चयमेव
खः धयातल । सद्गुरु गुह्याभिष्येक हीनपि पिनेलागु वाहायाने जक च्वना च्वपिसं शाक्यनुनि बुद्ध योगेश्वर महर्षि
बज्राचार्यं छः धका म्हमीकेन थाक्नुइ, धध्ये उल्लेख जुयाच्चंगु दु ।

वसपोल महर्षि योगेश्वर जूगुलि थःगु शिरे संमखास्ये संधागु मकुटाकार धरे याना विज्यात । । छम्ह
बौद्ध विद्वान् जर्मन बुद्धं ध्याय् संमखास्ये थःगु शिरे संधानेयागु धका जिके प्रश्न यात । । जि अल्पज्ञ जूमानं
बुद्ध योगेश्वर महर्षि गुरु गुया थः सें मखास्ये सें पालेयागु धका उत्तर विया । । न्हिना छः छ तंत्रज्ञ बौद्ध
दर्शने विचारवान्म्ह छः धया खुमिजुल ।

थुजाम्ह परम गुरु बज्राचार्यं भगवान् संम्यक संबुद्ध तथागत अहंत सुगत शास्ता निर्वाण दायक विद्याया
आचरण सम्पन्न जुया उत्तम पदे विज्याम्ह अनेक लोक धातु भुवनयागु ज्ञान स्पूम्ह उपमात्रीगु मदुम्ह अनुत्तर देव

मनुष्य दैत्यगणपितृ हित याय्गु पुनः मारगणपितृ दमन याय्गु निमित्ते सारथी जुया विज्याम्ह सकलया महागुरु शाक्यमुनि शाक्याह महामानव गीतम बुद्ध खः ।

बसपोल ४५ वचनक थाय् थासे भ्रमण जुया मनुष्यपिगु रवभाब बुद्धि देश स्थान विचारयाना जगतो हिताय निमित्ते संसार श्रृष्टिनिस्ये प्रत्ये जुडगु इत्याद ज्ञान धर्मस्कन्ध उपदेश विद्या विज्यागु अमृतवचन महायान धर्मया नियमाचरण सीकेगु मैत्रीबोधिसत्त्व ये जापि महान गुरुपिसं उत्पेच्च य नातगु महा रत्न नव सूत्र तथा तंत्रादि पुस्तक आपाल नेपाले विद्यमान् जुया च्वगु दृ धंगु सीका विदेशी विद्वान्पिसं सोवया च्वंगु नं सकसिनं खनाच्वगु दु ।

अध्ययन बःमनागुलि महायान धर्मया नियम आचरण सकसिनं बांलाक मसिल । सफूजक पूजादि पाठ यात उकीत्वगु ज्ञान मसिया पूजाय् मद्य मांस प्रयोग एवं आहार यागुलि उत्तम महायान धर्मयात विद्वानपिस घृणायाना मान्यता हीन यात ।

सकमिनं घुजागु सीका पूजादिकर्म भन्तेगुरु तथा लामागुरुपसंख्ये मद्य मांस प्रयोग मयाय्गु योग्यजुः । ख्व खे जिगु मन वाच्छा धय गु मख् । सदमं लंकाकपतर आदि नव सूत्रे व्याख्या दु । पूजादि पाठ यानाख्ये थाकाये नियमनं बांलाकेगु पुरोहित जजमानपिगु नं कतंख्य खः ।

सःतःधंगु यन्थे यथ्ये उत्पेच्च दुः बुद्ध केशल ऐतिहासिक व्यक्ति मखुः । विज्ञान बाद सून्य बाद सत्य वादी अनन्तमवादी कामवादी तथ्यवादी सम्यक संबुद्ध जुया आज्ञा जूगु ज्ञान धंगु बोधिसत्त्वावदान पुस्तक अध्ययन यात थाःसा महायान बुद्ध धर्म बोधिसत्त्वचर्यं खः छका बांलाक बोध जुड ।

दान जीन क्ष निन वीयं ध्यान प्रज्ञा ख्व पट्पारमितायाचर्य महायान धर्म बोधिसत्त्वचर्यं (क्रिया) खः । धुगु बोधिसत्त्वचर्यं लिपा बुद्ध पद प्राप्त जुड, बोधिसत्त्व चर्यं विना बुद्ध पद लाभ जुड मखुः धया तल ।

महायान बोधिसत्त्व क्रिया उगोपध वत षडक्षरि मंत्र धारण याय्गु खः । षडक्षरि मंत्र दुगु माणि हीकेगु बोनागु तुल्य जुड धुगु पुण्य लिपा पाक स्वाथ ज्यो गुवले जुडमखु दुगति नरकादि दुःख भोग याय् नं माली मखुः ।

हानं बोधिसत्त्वया नियम श्रीस्वयंभू नेन्य धर्मधातु मण्डल वज्रधातु एवं कर्णामय त्रिरत्न मूर्ति बुद्धोपदेश पुस्तक पुनः विद्वान धर्मयाय्गु थाय् धर्मागार (गुदा) खनेवं बाहुला प्रणामयाय्गु । य्गु पुण्य तथागत आरंभतारा मोक्षेश्वर वज्रधरा बोधिसत्त्वपि विज्याना च्वगु सुखावति बुद्ध भुवन बाहुला प्रणाम यानागु तुल्य जुया लिपा गुवने पणु पंथि प्रेत राक्षस दैत्य कीटाणु लक्षे जन्म जुडपि जुया कदापि जन्म जुड मखुः ।

उत्तागु बुद्धालय बोर्गोठार यानागु पुण्य महापण्डित राजा धनी बोधिसत्त्व जुया स्वर्गया इन्द्र मानेयाका च्वने वड । अहकार मिथ्या दृष्टिस्वया युत्रागु बुद्धालय स्वयंभू चैत्यय त हेलायाना निःदायत थाःसा तथागतपित्त हेला बागु तुल्य जुया निरा मदानं दरिद्र दु खिम्ह स्वाथ जुड । बोधिसत्त्व जुडत आपालं तापाइ ।

बुद्ध वचन बोधिसत्त्वचर्यं महायान धर्म विषये ज्ञान सीकेगु छुं भतीका योग्यगु खं च्वया । तथागतपिनि आहार २ प्रकारया भेद दु १) धर्म प्रीत्याहार धर्मया खं जककना तूष्ट जुडग २) ध्यान प्रीत्याहार ध्यान जक य ना

तुप्त जुडगु । चतुर्बंहा विहार ४ गु दु १) मैत्री सकल प्राणिनि यः समान यायगु २) करुणा प्राणिपिन्त गुवल्ले हिंसा
यायगु वचन विद्या मयाकेगु । ३) मुदिता म्येपिनि धर्मय गु खना लेःतायगु बोधिजान सद्धमं चय सायगु ।
१) उपेक्षा यः छद्दा जक सुन्न जुडगु इच्छातोता परायें उद्यां यायगु । दान स्वंगु (३) प्रकारया भेद दु १)
६ मंदान धर्मयानागु पुण्यं प्राणिपि सकलें उद्धार जुडमा घका मतीतेगु । २) क्रियादान भिगुचयं ज्या स्यनगु लोभ
यायगु । सत्यगु ज्या तोता असत्यगु ज्यायाना विद्वांनपिगु न्ह्योने यः जान्या जुडगुनं तापाका शिष्ययागु रूपे च्वना
दान न्यना मोका पराहित जुडगु ज्या यायगु । ३) अभय दान, शरण मदुपित्त शरण वनेगु याय चूनाका वीगु ।
दानं घन विद्या सुमन्न दान यायगु । पशुपक्षि पित्त नवेगु दरिद्रपित्तनं आहार वीगु । ध्व फुकं दान पारमितास्
दुय्याइ घयातल ।

बुद्धोपदेश चंत्यपुंगवदाने उल्लेख

अहिंसा परमोधर्म अहिंसा परमोगतिः ।

अहिंसा परमं ज्ञानं अहिंसा परमं पदम् ।

अहिंसा छः प्राणि मस्यायगु उत्तमगु धर्मं जुड । प्राणि मस्यायगु धर्मं च्वेलागु भिगु धर्मं छः । प्राणि मस्यायगु
च्वेलागु ज्ञान छः । प्राणि मस्यायगु धर्म संसार दुःखं मुक्त जुडगु परम पद प्राप्त जुया आयं धर्मं बोधिसत्व त्रिया
उत्तम बुद्धचर्यं छः ।

ने० सं० १०९७ साले यल हिरण्य वर्णं विहारस नित्य धर्मं याद्वि । गुंवाखलपिगु निमन्त्रणाय विज्याह्य १९
वर्षं दुहा १३ जन्मया अन्तारि लामा गुरु जारिबु बोद्ध विद्वांनजुं विमल टजुर पुस्तक त्रिवोत संस्कृत न्ह्योनतया
हनी ७ ताः निस्यें ६ ताः तक गुंलामास लछिया आपालं जनतापिन्त बोध जुडक विशेष बोधिसत्वचयं महायान
बुद्धधर्म व्याख्यायाना विज्यावलेनं न्ह्योने च्वना न्यनागु निगू प्यगू सीके वहगु ज्ञानया खं लुमका प्रचारार्थे च्वया ।

पापया हाः हिंसा छः स्वंगु (३) प्रकारया भेद दु १) हेतु हिंसा कस्तुरि सैं वा लुमि लिकायगु निमित्तो मारित
यायगु कुनानं द्यौ लाकेगु ज्यातुक कुत्रीकान दयगु थुगु पापं लिपा सदानं रोगी जुडगु । २) विपाक हिंसा, राम
द्वेष क्रोध यःमयपि अथवा शत्रुपित्त गुप्त विष नका स्थायगु । थुगु पापं लिपा अनिसार नरके भोग याये मालि,
अनंलिपा पशु पंछी जुड । ३) भोग हिंसा, स्वाधि तामासं यःपिनि नेगु निमित्तो यम अथवा वचन विद्या प्राणि
याना स्याका च्वनि । थुगु पापं लिपा चिकं दायकातगू जसिथले (अवीचिनाम) नरके च्वना दुःख भोग यानान
म्येगु जन्मे दैत्य राक्षस प्रेत जुया च्वने मालि । अनंलिपा पशु जन्म जुया यत स्याका पौसा पुलेनालि पथ्ये अकाल
सीमाली भोग दु ।

मिन्हा दृष्टि स्वंगु (३) प्रकारया भेददु (१) सत्य धर्मयात अनविश्वास यायगु । असत्यगु पापयात धर्मधका
पत्पार याना जुडगु । (२) धर्म कर्म पापपुण्य स्वंगं नरक छुन मदु घका यःधर्म गुरु जुया हाना जुडगु (३) देवतान
मदु धया यथार्थं अन्ध विश्वासे च्वना मन्बुध्ये अकथं मानेयाना जुडगु । बुद्धोपदेश ज्ञानयात अनपत्पार यायगु थुजागु
मिथ्या दृष्टिपार्प लिता का खू पु स असिद्धि गलदुम्हजुया ताः कालं म्वाना दुःख भोगयाय मालि ।

प्रज्ञा ज्ञान स्वंगु (३) प्रकारया भेद दु (१) सूत्रप्रज्ञा बुद्धोपदेण सकुयात हेलायायगु तोता, उजागु पुस्त ॥ पूजादि पाठ याय्बने मद्य मात तापाकेगु उख्ये, थुख्ये मसोसे एक चित्तं च्वाखेमह्लासे शुद्ध रूप बोना सिधे केगु । (२) भावना प्रज्ञा, दुर्गन्ध आस नवईगु अशुद्ध अशुचि वस्तु सुतिथा कुं त्वनेगु बोधित्त भावनायान हेलायाय्गु । तोता एकचित्तं भाव याय्गु परयातनं याकेगु । (३) परमार्थ (तृष्णा लोभ) तोता, निवृत्तिमार्ग उत्तमगु ज्ञाने च्वाने फयेकेगु । एव स्वगु ज्ञान निकेगुयात प्रज्ञापारमिता ज्ञान धयातन ।

यः स्नान पूजादि पाठ हीन जुईका विद्वानम्ह गुरूयात हेमा याईम्हसिनं, धर्मयासानं माजि मदुगु द्वंगास च्वानेप्ये जुई, पार तरे जुईमखुः विचेनाई कित लिहां ग्यमालि ।

परया दोष मखंकेत मिखा तीमोगु, थगु दोष खंकेत मिखा तःगो याना स्वंगु । छुख्ये धर्म याना छुख्ये हिा याना याका तामामया ज्या याना च्वानि । दुपि मभिगु दुर्गति लाई निपा ज्ञान बुद्धि हीन जुईका दरिद्र नीचकुने बन्म जुईमालि । एवहे दुर्गति व सुर्गति पाप पुण्य निगू जक दु सोकेमा ।

धर्मयानानं हिसा याना याका च्वानेगु होः गगु थले रस वस्तु तेथे ज्वया वनि भोःपूगु थले वस्तु तेथे जुगु धर्मयानागु फल मितिबनि ।

श्री स्वयंभू धर्म घातु महा चंत्य नेपालया बुद्ध भुवन समान धर्ममुख खः । नेपाले जन्म जुषानं स्वयंभू कनीबले वन्दना याय् मफेका च्वानेगु रत्नया खानि दुधाय् जन्म जुषान रत्न म्हमसीका च्वानेप्ये जुई ।

हानं १९०४ माल आषाढ (दिलाख) १४ दिनतक यल हिरण्यवर्ण विहारे युवक बौद्ध मण्डल पाखे निमण । नाम् विज्याम्ह छेसे लोप्सा ऊयांपा लामा गुरू बौद्ध विद्वानजुं बुद्धोपदेण आचार्य दिपंकर श्री ज्ञानजुं संग्रह ता तगु बोधिपथ प्रदीप पुस्तक न्होने तया बोधसत्त्व चयं श्रोतालुपित आपालं बोध जुईक महायान बुद्ध धर्म विशेष अहिंसा खः धका व्याख्या याना विज्याबले नं न्ह्याने च्वामा ग्यनागु जिनं लुमका छगू निगू खं च्वाया ।

पापया हाः प्राणि स्याय्गु हिसा खः । रोग पाप खः । रोग शमन याईम्ह बैद्य डाक्टर समान बुद्ध खः पा रोग लाय्केगु उपाय धर्म कनीम्ह धका सोकेगु । वहे धर्म खः अमृत भाषा वास रोगीं वास मनल घाःसा रोग शमन जुईमखु वप्ये धर्म मयाम्ह मिया पाप फुईमखुः ।

हीनयान महायान बुद्ध धर्म निगू लंपु दु वहे बुद्ध धर्म खः परस्पर अहंकारं बिरोध यायगु अज्ञान खः । थःथःगु ईच्छां धर्मयाय्गु ज्ञान खः । किन्तु हीनया बुद्ध धर्म व महायाय बुद्धधर्म आकाश जीवन फरक । एव खं स्वयानं गंखा दुसा बोनातमि थन न्होने बिज्यासा जिनं समाधान याय् धं बिज्यात । छम्ह निम्हसिन छं प्रपनया धका जिा घापि दुः । खःगुहे घागु यात प्रपन याय् मागु छुं मदु धया । म्येपि मुं न्होने वया प्रपनयावपि मदु मुसुक न्हिना उखु भूया व्याख्या सिधेका आशीर्वाद विया बिज्यात ।

X

X

X

थन मन्त्रया खने छं प्रतिवा च्वाग, तन्त्रराज या ज्ञान च्वेलागु गुरू धर्म खः धाई । नालापित्त स्यने कने वयने मज्जुः धागु कारण तन्त्र शास्त्रे थप्ये उल्लेख दु । । आदिकिरा स्वगुत्राणां दासी दास सनान्वतम् । इत्यादि ।

पूर्वम् स्वभाव षड्गुरु महमस्युपि विद्वानपिन्त हेलायाडपि लावव नया त्वना हाला जुईपि स्वांथ ज्वो जुल घासा थः कला काय ग्हायितनं गुम्ह धर्म लागु वज्रयानांतर तन्त्र मन्त्र सहज्यान त्रिया ईत्यादि विधान कंसानं भतांचा मात्रहे धनीमखुः विश्वासनं याईमखु गुया थुमित मकना भीजुड घागु मात्र खः । केवल अध्ये अज्ञानि मखुपि बुद्धिमान् श्रद्धा गुरु भक्ति दुपि खःसा च्यो भ्वातीयातनं कने नयने स्येने ज्यु धंतल ।

ह्लापा जुया वगु यथ्ये दु छम्ह यांगेश्वर धर्म भाणक गुरुया थासे सुसंभव नाम जुजु छम्ह च्योछम्हनं वोना वना आदर तथा विन्ति यात ।

भो गुरु वज्रयान तन्त्रविद्यानं गुम्ह पूजायाना सिद्धि लाय्गु इच्छा दु । ह्लापा लाक छुयाय्मा कना बिज्याहुँ । एव खं न्यना च्योयात पिने तथा दुने जुजु तथा खं कन ।

सन्ध्या भाष तन्त्रया अर्थ सीके

मातरं पितरं हन्ति यथेच्छा । सिद्धि प्राप्नुयात् इत्यादि ।

भो ! नृप खं थुइका न्यना बिज्याहुँ, मातरं पितरं हन्ति घागु संस्कृत अर्थ मां अबुनिम्हयात, स्यायगु घागु थ्व अर्थ ताता सन्ध्या मन्त्रया अर्थ ह्लापालाक मातरं घागु राग व पितर घागु द्वेष थ्व निगू मदेकेगु (राग द्वेष निम्हयात स्वाय्गु) थुगु अर्थ सीकेगु ।

हानं सीकि, राग हिंसा द्वेष मांस थ्व निगू वजित याना, याम्ह गुम्ह पूजादि क्रिया याय्गु थःगु ईच्छाथ्ये शुद्धगु सिद्धि दइ । स्वार्थीया व्यवहार प्राणि हिंसा मांस दुर्गन्ध अशुद्धगु वस्तु पूजाय प्रयोगाहार य'ना ज्यायात घाःसा भभिगु भमिद्धि लाभ जुई । घन फुला गरीरं परिभ्रम यानागु पूजा विफल जुइ ।

गुरुं यथ्ये उपदेण ब्यूगु न्यना तथाऽस्तु धया जुजुलिहां वना कन्हे खुन्हु वने तपया वहा अबुयात हया मां नापं तथा खं न्येकल । भो मां अबुपि छिपि बुडा बुढी जुन दुःख सिया च्वने स्वाल । गुरुया वचनय्ये कन्हे वज्रयाना-न्तर तन्त्र । बधान गुह्य पूजा याय् न्यना ह्लापालाक मां अबु निहा स्वर्ग छोय्गु जितनं धर्म दईगु खः । थ्व खः न्यना स्वर्ग वने दईगु जुस्येलि लेः ताया ज्युः धका मां अबु वचन बल ।

काय् खुसिजुया कन्हे खुम्हु पूजा जलं पिक याना मां अबु स्वर्ग छोय्गु मती तथा चुपि च्वला च्वन । च्योन घना पालकं मखुय्ये ज्यायावन घका याना हतासनं गुरुयात खं कवन । च्यो लिछोयाहया गुरु आकाशमागं वया जुजुनाप लाना गथ्य ज्या याय् न्यना धरा न्यन प्रणामयाना छिपि घाथ्ये ह्लापालाक मां अबु निहा स्वर्ग छोय् न्यना धया चुपि वचन ।

गुरुं धं विज्यान त्रि कनागु खं धर्म मथुन, मातरं घागु रागयात पितरं घागु द्वेष यात हन्तिघागु मदेकेगु मां

[८]

स्यायुगु अयं मत्तु । मां अबु स्याना पूजाययुगु बुद्ध बोधिसत्व बिद्वानपिगु बचन खंता, ईमू छह्महे स्यायुगुते लिपा
घोर दुःख जुई घं बिज्याह्म बुद्ध छः । गद्ये बिचार मत्त, छपिनि च्यांनं खं कं मवगु जूसा छपिस मां अबु स्या ।
साई धन छगत्त जुईगु ।

ज्ञान मदुगित तत्रया खं बने मज्जुः घागु जित पत्थार जुल नचाय मते छति कने योग्यमजुनि छपिनि च्यो
यान कने योग्यजु । यून प्रयं गुरु निती वर । जुनुं निरा खं युईका मां अबुरिहे क्षया फोना भयंकरगु पाप हिंसा
कर्मतोता राग व द्वेष निगू मदेका मांस नाराका शुद्धगु बुद्ध बचन बिदि गृह्य पूजायना लिपा गुरुयायास बना प्रणाम
पाय धुंका आदरतया बिन्तियात । भो गुरु ! मन्ध्यभाष बिधि पूजा सिधेका, हानं म्येगु ज्ञान न्यनेगु इच्छा जुल
आज्ञा जुया बिज्याह्म । एव खं न्यना गुरुं घं बिज्यात ।

आदि बुद्ध भगवान् वज्रसत्व वचन तंत्र उत्तम दु ।

मद्यं मांसं विना पुज्य होम चैव विनाऽप्युप इत्यादि

भो नृप ! मन थाते तग न्यामा नरा बकमिनं मांकेगु योग्यजु । यज्ञादि होम यायेवले घ्यो मदेकं मज्जुः घाद्ये
बज्रयान बिभानं गुम्ह तत्रादि पूजा यायवमनं मद्य माम (एव अयला ला) मदेकं मज्जुः एव संस्कृत अर्थ खः सन्ध्या
भाष अर्थ मत्तु । बज्रयाणि बोधिसत्व ला स्वंगु नगु लाया छु अथ घका प्रश्नयावले बज्रसत्व गुरु बालक मांसया
अर्थ आज्ञा जुन व खं घद्ये खः । (गृह्य समाज तत्र ३० पतले दु ।)

एवं विचित्रा भोजनं मद्य मांसं समुद्भवम् ।

प्रियाय भोगशुभगः श्री बज्रसत्वः प्रसिह्यति ।

पक्वान्नं पन समुद्राक्षा नारोकेलोदकादयः ।

नानाफलं विचित्रांच दापयेद् गणमण्डलम् ।

अनेन गीतं मुद्रावं नृत्यंचापि विशेषमः इत्यादि ।

अर्थ सीके पूजाय् लातेगु युजागु खः ।

एवं प्रकारं बुद्ध पूजादि भोजने विभिन्न फल उत्पत्ति जुया च्वंगु प्रीति खः एव निमित्तो भोग यायुगु शुभ जुहुगु
कारणे श्री परम गुरु वज्रसत्व भगवान् प्रसिद्ध जुया बिज्यात । मांस 'ला' या अर्थ युजागु जुई । क्वाला पुः
नेयमज्जुगु पाकेजुगु कटह फमि अं मेवा घामे मुन्तला केरा पासी हल विहल अम्ब बेसि तु तुसि दाख प्यस्त । नंकया
छोहरा बदी लुसि लुचि इत्यादि विभिन्न फल गृह्य पूजा मण्डले एव गृह्य देव देवीगणपित्त चढे याना वहे
बस्तु फल प्रसाद नया (भोजनयान) गीत हासेगु हस्तमुद्रा याके नृत्य (प्याखं) थिक जुहुक छ्यान आकर्षणयाना क्यनेगु
बिषेय गुरु गिष्य पित्त श्रद्धाञ्जलि भक्ति तथा प्राणि हिंसा पाप मांसाहार स्तभोगुण तोता सिद्धि प्राप्त यायुगु खः ।

मद्यं अर्थं क्रियासमुच्चये

इदं तं नारिकं वारिसमयादि क्रमावदेत् ।

समय रक्षणा सिद्धिः पिव बज्रामतोदकम् ।

कचिगु नैवप्रागोया दुने च्वंगु रस लः समयानुकूल वज्रयानान्तर तंत्रयान पूजादिस क्रमणः चवेयाना समयरक्षणा सिद्धि प्राप्ति रसना ललना अवधूतिउ नाडी मस्तिष्क मूत्रपु य्यंक शुद्ध जुडगु निमित्तो पूजाया प्रसाद ग्रहण यागु ।

नैवप्रागोया ति रस मन्त्र धाःसा मेगु सोम रस घाः फलयागु ति तेगु वनमन्त्र धाःसा अन्नया रस मद्य पलेतया दुर्गन्ध मदेकेत कस्तुरि कपूर सहितयाना मंत्र द्वारा शोधन यानागु वज्रामृत (वज्रयानान्तर तंत्र पूजायागु) शुद्ध अमृत भाषा स्वर्गे मर्त्ये पाताले विन्दुबिया बाकिगु पान यात धाःसा शरीर वचन मन शुद्ध जुया सिद्धि दह । थुकी भिन्नगु अशुद्ध दुर्गन्ध मद्यपान तथा सुतिया कुं समेत सेवनयात धाःसा थके च्वंगु ज्ञान भ्रष्ट जुया असिद्धि जुई । यानागु ज्या फुक सिति बनि थय्थे घंतगु दुः । यथा छिद्र घटं जलम् । गथ्येज। होःगु घटस (बले) लः तेये ज्वया बनि । प्रमाण थय्थेन दुः वंद्यं विष शोधन याना नका ततःघंगु रोग शमन याईथ्ये योगेश्वर सिद्धिबान्ह गुरुं मंत्रद्वारा शोधन याना मद्य अमृत तुल्य जुईका पानयाना शरीर बांलाकि ।

मयूर पंछिराज (ह्ये य्खा) विषनया शरीर बांलाका बयनि । वं नय्थे जिमिसनं नय् घका मेपि को इत्यादि पंछितेमं विष नबले फुक सिनावन । गुरुयाके थ्ये सिद्धिया बल सकसिकेनं दय् थाकुई । थुजागु ज्ञान विचार याना पूजायात धाःसा थःनं शिष्यवर्गं यजमानपिन सकलें जय सिद्धि प्राप्त जुइ घका आचार्यं धर्म भाणक गुरुं जुजुयात धया विज्यात । थुगु उपदेशानुसार लिपा जुजुं दिक्षाकया गुह्य पूजादि याना मत्र सिद्धि क्रिया सिद्धि वाक सिद्धि लाना थःगु मनोरथ काय्यं सफल यात ।

छत्रहृ हानं जुजुं गुरुया शरणवना क्लापा दिक्षा विधान याना वपि मुमुक्षुः आज्ञा दय्का विज्यासा किञ्चित् मात्र जूमानं धन सकसिनं बोध यानाकाई थय्थे वित्तियागु न्यना धर्ममाणक गुरुं कना विज्यात ।

सद्गुरु वज्रमन्त्र द्वारा ज्ञान देका न्हापा दिक्षा कापि, वज्रगमं बोधिसत्त्व, धर्मोद्गत बोधिसत्त्व, सदाप्रहृदिन बोधिसत्त्व, गुणाकर बोधिसत्त्व, शुद्धि व विशुद्धि बोधिसत्त्व, हानं नेपाल देश निर्माण याहा ऋद्धिवन्त महामंजुश्री गुरु खः । मंजुवज्र जिनसिद्धि बोधिसत्त्वया मुख्यमह शिष्य शान्तिकराचार्यं, वयान शिष्यपि बन्धुदत्ताचार्यं, गुणदत्ताचार्यं, सर्वेश्वराचार्यं, अनंग बज्राचार्यं, नागार्जुनाचार्य, गुरु मण्डलन रचितयाह्य न्हापालाक गुरुपिन्त प्रणाम याय् म गु ।

सद्वयवज्र आचार्य, क्रिया संग्रह समुच्चय रचितयाम्ह कुन दत्ताचार्य, लूडपा सिद्धाचार्यं प्रमूखं ८४ सिद्धान्तपि बोद्धि बद्धानपिस बुद्धचर्यं यया क्रमं मढंका बांलाक ययायं ज्ञान सीका क्रमशः ध्यावक प्रत्येक महायान ध्व स्वंगु (त्रयान) या गुरुद वज्रयान तंत्र मंत्र सहित प्रज्ञोपाय खः । प्रज्ञाशब्द स्त्रीलिङ्ग वाचक गंभीर ज्ञानं पूर्णं जुयानं पुलवह्म प्रज्ञापारमिता नाम देवी जगज्जननी मौ खः । पुनः उपाय शब्द पुलिङ्ग वाचक महाकरुणा पुरुष पिता स्वरूप आदिबुद्ध भगवान वज्रसत्त्व खः । उपाय शब्द क्वेलाना प्रज्ञाशब्द च्वे लावले व्याकरण प्रयोग गुणजुया प्रज्ञोपाय सिद्ध जुन । थुपि निह्य हेतु प्रत्यय, आकाश पृथ्वी स्वरूप सहजयान शिक्षा ज्ञान, शिक्षा क्रिया (चर्यं) ध्यंक हितापाप कर्म मासाहा अशुद्धकर्म वर्जितयाना गुह्याभिष्येक प्राप्त जुईका बुद्ध सिद्धि लाना ऋद्धिवान्त पुरुषार्थवान गुरुका मोक्षपद लाभ याना वन ।

घर्मं भाणकं गुरुं यथ्ये आज्ञा जूगु खं न्यना सुसंभवराजा अत्यन्तं खुषि जुया स्वागतयाना लिपा गुरुन शिष्यवर्गपिनं दिक्षा विधानं सुगति प्राप्त जुथा उद्धार जुन ।

एवं प्रकारं शुद्धरूपं यानावंगु उल्लेख जिनं स्वया सीका वहे विधानं हिता पाप कर्म माहिषमांस (मेया ला) पूजायुनं आहार पायगुनं वज्रितयाना नेपाल सम्बत १९०३ माघ शुक्ल (मिल्लाध्व) प्रतिपदा शुभ दिने आरंभयाना बज्रयानान्तर मत्र विधान यः पुत्र पुत्री जहान्पि जिलाज तथा गुरुभक्ति श्रद्धा दुपि शिक्षित वर्ग ४८ दम्पती महित बज्राचार्य शाक्यजु शिष्यपिन्त भिगु मंत्रदान यानागु क्रिया निविघ्नं सफल जुईका २९ दिनतक दिक्षा विधान बभियान तत्रया उपदेश बहनी ७ ताः नित्ये ९ ताः तक व्याख्यानं जुब । युगु ज्या आरंभ जूगु पाय यन ईकुननि तोलम बुद्ध घर्म उचिततया साद कुलनरसिंह शाक्यजुया छे छः । श्रोतालुपि सकसिने दिक्षा विधानया ज्ञान युईका खुसिजुईकल । शिष्यपि मत्र मिष्टि प्राप्त जुया उद्धार जुईमा घका जिनं कामना याना । महायान चर्य नामकयाध्वे बीलाक हामीकेगु पुनः छुं भनीचा बज्रयान तंत्र विधान समंत बोध जुईगु छ । युगु बोधिसत्त्वावदानमाला पुस्तक मग्जन पितं अठ्ययन याना सोत वासा बीलाक खं थुई ।

अथ मङ्गलं शिष्याय मास्व द्रव्यं न्यूह्य जापान बोद्ध बिद्धानं हितेनोबु ताकाओकाजुयात तथा ध्वया पाशापि न्या यापिन्त ह्लापांगु पाय भूमिका च्वया विज्याह्य बुद्ध घर्मजः श्री मीन वाहादुर शाक्यजुयात, किपा च्वया दिहा भक्तपुर जन्म ईश्वर बाल कर्माचार्यजु यात तथा प्रेमयातनं आपालं घन्य प्रशसा दु ।

स्वयां छुं मती संखा दुमा पुस्तकया नाम उल्लेख यानागु सोया सगतोष जुईगुनं आशा याना । । अस्तु ।

आशीर्वाद

युगु पुण्यं जगते जय जय जुईमा ।
 प्राणिदक्खं याकनं मुक्ति बने फयेया । १ ।
 युकीय गृ प्रभावं सुमिल्ल गदां जुईमा ।
 दणाकूण पाप नाश जुया बनेमा । २ ।
 युगु घर्मं वद्धते जन वृष्टि जुईमा ।
 सृन्धु जुईगु अकालं गुबले मदेमा । ३ ।
 ध्वहे पुण्यं सन्धपिनि सप्तवृद्धि दयेमा ।
 बिम्बगाके याकनं तरेजुया बनेमा । ४ ।
 यूगुठे घर्मं हानं जन्म मरण मदेमा ।
 जरा व्याधि ध्व प्यंगु सदाकालं मदेमा । ५ ।

धलः षौ

स्वर्गुं द्या
द्वापरयुगे जन्म

२२.	सुवर्णवर्णकुमारावदान	५७७
२३.	श्रीमद्वाहननृपावदान	६५४
२४.	जलवाहनराजकुमारावदान	६७०
२५.	पद्मशेखरराजकुमारावदान	६८२
२६.	वीरकूशनृपावदान	७३५
२७.	महासत्वरजकुमारावदान	८४०
२८.	सिंहलसार्थवाहावदान	८६२
२९.	श्येननृपावदान	९०५
३०.	विश्वन्तरराजकुमारावदान	९२१
३१.	मणिचूडराजकुमारावदान	९७६

छगूगु द्या

सत्ययुगे जन्म,

१.	रूपावत्यवदान
२.	सुप्रभामनृपावदान
३.	पुण्यवलनृपावदान
४.	धर्माकरनृपावदान
५.	दूर्धननृपावदान
६.	प्रदीपप्रद्योतनृपावदान
७.	अम्बरनृपावदान
८.	यक्षनृपावदान
९.	शिविराजावदान
१०.	मैत्रीवलनृपावदान
११.	कविकुमारावदान

निगूगु द्या

त्रेतायुगे जन्म,

१२.	चन्द्रप्रभनृपावदान
१३.	धर्मपालराजकुमारावदान
१४.	मैत्रीकन्यककुमारावदान
१५.	सर्वज्ञमित्रावदान
१६.	सुधनकुमारावदान
१७.	सर्वानन्दनृपावदान
१८.	सुप्रियसार्थवाहावदान
१९.	सुतशोमनृपावदान
२०.	सर्वानन्दनृपावदान
२१.	सुरूपनृपावदान

द्वापर युगे जन्म

१०

सुवर्णवर्णकुमारावदान

नमः सर्वबुद्ध बोधिसत्वेभ्यः

सकल बुद्ध बोधिसत्त्व पिन्त नमस्कार ।

थनंलि छगु समये भगवान् बुद्ध जेतवन बिहारे बिज्यात ह्लापाथ्ये धर्मया खं न्यनेधका इच्छा याना ल्युल्यु वपि भिक्षुगण तथा म्येपि नं वया चाहुला भगवान् बुद्ध यात प्रणाम याय् धुंका क्रमशः मामागु थासे सकलें च्वना बिन्तियाना ह्वाः स्वया च्वन ।

थुगु इले काश्यप भिक्षु न्ह्योने च्वना बिन्तियात । भो भगवान् सर्वज्ञ ! लक्ष चैत्यया प्रशंसा जिके न्यं वपि दु जिनं सःथ्ये कनाछोया । थुगु बिषये आः थन सकलयात छलपोलं हानं खें श्वीका न्यंका, सुरूप राजाया लिपा यागु जन्मया खेंनं आज्ञा जुया बिज्यासा मस्यूपि सकल यात गथ्येजा पृथ्वीस सूर्य यागु तेजंखया अन्धकार मदया चःकंगु थासे च्वनेथ्ये आनन्द जुइ ।

थ्व खें न्यना ध्यानं खंका भगवानं आज्ञा जुल । ह्लापा द्वापर युगया समये भगवान् काश्यप तथागत थन जेतवन बिहारे बिज्याना धर्मोपदेश बिधा बिज्यागु समयेनं लक्ष-चैत्य ब्रत महायान धर्मया खें न्यंका वंगु जिनं लुमंका कने मन समाधान याना सकसिनं न्य ।

बैशाली नगरे दिवाकर महाजन बैश्य जाति छह्य दु । वया धन संपत्ति यको दःसानं थः युवन्ता अवस्थास इष्ट मित्रपि नापं रत्नाकर वना धन कमाय् याना हया इष्ट मित्रादि पित्त सन्तोष याना व्यापाद यात । छुं लिपा थः गु कुलानुसारं योग्यताह्य शीलावती नाम स्त्री विवाह याना आनन्दं सुख भोख याना चवन । माँ अबुपि स्वर्ग वास जुल छेयागु ज्याखँ फुकं थः गु ह्लाते लात । श्व दिवाकर महाजन संपत्तिया ऐश्वर्ये चवना स्त्रीनाप रति क्रीडास अतिनं भुले जुया मनं इच्छा जूगु तक नया तोना छुं व्यापाद ज्या मयास्पे धर्मयाय्मा धैगुनं लोमंका थः के दया चवंगु धन जक खर्च याना नओगु बस्तुस भुजीं भुले ज्वीगुथ्ये स्त्री बिलासे भुले जुया काल दिन फुका चवन । श्व महाजन कुमित्रनाप संगत यागुलि थथ्ये जूगुखः । । अशंचयस्य शीलस्य समुद्र स्यापि शोषतः । धाथ्ये । बांमलागु अलक्षण कुशील स्वभावय लागुलि समुद्र समान धन दुसानं चिकुलां (पोहेला शिल्ला) या बखतय् बागमतीस लः मदइथ्ये दिवाकरया धुकुति धन मदया वन ।

छे अलक्षण जुया सुं मनुत मवल न्हिन्ह नय तोनेत समेतं कष्ट जुल । छन्हुं न्हकु तिया ऊले जुल-अहो जि यको संपत्ति दुह्य खः थनि नय तोनेतहे थाकुल धिकार हाहा हे दैव ! त्रिरत्न धया खोबि वय्का ऊसुका तया चवन । । थुगु इले शीलावती स्त्री न्होने वया धाल, स्वामीजु लातले भापीमफु आः मलाका न्हकु तिया दैव धका त्रिरत्न लुमंकल जिनं न्हापा धयागु खः नेगु तोनेगु बां लाकेगु कामरागे जक भुलेजुया धर्म तापाका चवनेगु थुजागु कु स्वभाव याना चवने मते धका बिन्ति यानागु खः मिसा खँ धका मानेमया ।

आः चेत नल मखुला जिगु खँ न्यंगु जूसा आमथ्ये न्हकु तिया खोबि वेय्के मालीमखुः । धन संपत्ति दतले ज्ञान तापा आः सुना रक्षा यावइगु । जिगु खँ न्यना भिगु ज्याया जेतवन बिहारे वना काश्यप भगवान् दर्शन याहुं । छु धर्म यासा कुले मत समानह्य काय् दया कल्याण जुइ न्यनावा ।

थथ्ये स्त्रीनं धागु खँ न्यना कन्हे सुथे जुस्येलि स्नान धुंका दिवाकर महाजन काश्यप भगवान् विज्यागु जेतवन बिहारे वन ।

प्रदक्षिणा यायधुंका भगवान्या पालि भोः पुयालिपा पुलि चूया थगां न्यया
ह्लाः बिन्ति यात । भो भगवान् जिगु दुःख कनेगु थन योग्य मजु छपिसं फुक सिया चोंगु
खः । तथापि छकुचा बिन्ति याय् ।

जि आजु या पालं निस्ये घनाद्यह्म खः जिनं रत्नाकर थ्यंकवना कमाययाना हया
महाजन घाय्का च्वना । थौं नय् तोनेत समेत कष्ट जुल आःतकनं सन्तान मदुनि, छू
धर्म यासा सन्तान दया जित कल्याण जुइ आज्ञा जुया विज्याहुं जिनं याय् ।

थथ्ये बिन्ति यास्येलि भगवानं ध्यानं विचार याना थथ्ये आज्ञा जुल । हे
दिवाकर ! छ घनाद्यह्म खः जिनं सीके धुन, छंगु छे शुभ जुया च्वंगुनं खः । छं कु मित्र
द्वारा कु आचरण यात, अशंचय शीलघाइ, पशुथ्ये, नेगु तोनेगु काम रागेजक भुलेजुया,
भिगु धर्म कर्म इत्यादि छुं मयास्ये दयाच्वंगु धनजक कोकया छुं ज्यानं मयास्ये जुल
घाःसा समुद्रे लः सुके जुइथ्ये संपत्ति दक्क मदया दुःख जुइ ।

सोकि गृहस्थिया नियमाचरण अथ्ये मखुः शील स्वभाव धर्म कर्म बांलाका
करुणा तथा बरोबर सूपात्रे त्यागी जुया दान याना पर उपकार यायगु थः नं कल्याण
जुइ लिपानं सुख जुइगु नियम याय्मा, थ्व महायान धर्म बुद्ध चर्य्य बुद्ध यान घाइ ।
थुजागु ज्ञाने छं लिमलागु लि आः छन्त दुःख जुल । । जिनं उपाय कने न्यनाथ्ये
निश्चय याना ज्यानंया मनोरथ कार्य्य सफल जुया लिपा (बोधिसत्व) धय्का निर्वाण
हसिया मोक्ष लाभ जुइ ।

थ्व ज्ञान ह्यसीका लक्षचैत्य व्रत महायान धर्म या । न्हापा सत्ययुगे विपश्चि आदि
बुद्ध भगवान् पिगु उपदेश न्यना स्वर्णवती देशया राजा स्वर्णकेतु तथा पुष्पकेतु,
चन्द्रकेतु, सूर्यकेतु, रसकेतु, द्वीपकेतु, इन्द्रपृष्ठ इत्यादि बौद्ध विद्वान् पिसं स्वयंभू आदि
बुद्ध भगवान् त्रिरत्न शरण लक्षचैत्य व्रत सत्य त्रेता द्वापर कलि युग प्रमाण कार्तिक माघ
बंशाष श्रावण पर्यन्त प्यलाया छगु छगु लाखतक चैत्य याना नियमानुसारं मद्यपान
मांसाहार तोता क्षीर पंचामृत फलाहार याना थः पिगु मनोरथ कार्य्य सफल जुईका बुद्ध
सिद्धि लाना मोक्ष लाभ यात ।

आः छनं ध्वहे लक्ष चैत्य ब्रत यासा छंगु मनोरथनं सफल जुया लिपा सदानं कल्याण जुया सन्तान अवश्य दइ । ध्व उपदेश न्यना भगवान् यात प्रणाम याय् धुंका बिवाकया बिवाकर छे वया थः स्त्री यात फुक खं कना कुमित्र संगत तोता सुमित्र पिंगु सहाय कया भगवानया आज्ञानुसारं शील स्वभाव बांलाका सद्गुरु पाख्ये प्यलाया लाख लाख चैत्य याना चैत्य ब्रत यात ।

लिपानं बारंवार सद्धर्म चर्यं त्रिरत्न सरण स्वयंभू बुद्ध पूजादि यानावं च्वन । बिवाकरया यानागु ज्या सफल जुया न्हापाथ्ये बुलुहुं घनाद्य जुया बल ।

थुगु समये स्वर्गस न्हृत्त ईन्द्रया पाशा पुण्य महेश देवपुत्रया न्याता च्युति लक्षण (रोग) खनेदत ।

न्याता च्युति लक्षण छुछु घाःसा (१) थःगु शरीर कंप जुइगु (२) थःगु क्किपालु यमं मखनीगु (३) स्वां सुखु चिना वनी ध्ये थःगु शरीर या तेज मदया वनीगु (४) थःगु कपाले तिनागु सिंह मगंस्ये प्याना च्वनीगु (५) छुं म्वाक थःगु शरीरे भुयु चःतिनं वइगु ।

ध्व न्याता कुलक्षण खने वइगु स्वर्गे देवता पिसं जित मृत्यु रोग जुल न्हेनु खुन्हु मृत्यु जुइगु घका सोका छेनं पिहां वना पुण्य महेश देव पुत्र छे मच्चंस्ये कयवे च्वना ध्यान यात ।

थुगु समाचार सोका इन्द्र वया तवह विद्या घाल । हे पुण्यमहेश पाशा ! सकलया थय्ये जुइ तिनिगु खः । आः थुगु जन्म तोता मर्त्य लोके बेशाली नगरे दिवाकर महाजनया स्त्री शोलावती निहृत्तपु सद्धर्म चर्यं चैत्य ब्रत याना सन्तान या इच्छा याना च्वन । ध्व शोलावती स्त्रीया गर्भे वास याहुं धया खं न्यंकल । । धर्मयाइ ह्यु छःसा वइगु गर्भे जि वास यावने धया ध्याने च्वन । थय्ये घास्येलि इन्द्र न्हिला थमं धागु छः जि वना चारत्र सोवने खनं न्यंका वय् धया इन्द्र स्वर्ग लोकं क्वहां वया बेशाली नगरे दिवाकरया कसि रस्मि सहित जुइका विज्याना च्वन, बिवाकरं खंका प्रणाम याना छपि सुः धका न्यन ।

इन्द्रं धै विज्यात, जि कौशिक (इन्द्र) खः थन छे चैत्य व्रत यागुया प्रभावं लेः
ताया वया न्हापायागु कुस्वभाव तोत्ये धुंकल थिक जुल । आवंलि तोमफिक थुगु व्रत
धारण या कल्याण जुया सुपुत्र जन्म जुइ । थथ्ये मिगु खे ह्लाना जि वने त्यल घास्येलि
दिवाकरया पत्नी नापं च्वना पूजा याता तथाऽस्तु धया बिनित्यात, अनंलि इन्द्र अन्तर गत
जुया स्वर्गस थ्यंका ध्यान याता चोह्य पाशाया थाय् वना खं न्यंकल । पाशा पुण्य
महेश ! जि वना सोया वय् धुन । थ्व दिवाकरया छे महा मंगलोत्सव सद्धर्म बुद्ध
चर्य चैत्यव्रत याता बुद्ध भक्ति जुया च्वन थ्वया स्त्रोया गर्भे वास याता जन्म कावंसा
थिक जुइ ।

इन्द्रं धागु खे न्यना स्वर्ग लोक तोता पुण्य महेश देवपुत्र शोलावती महाजननीया
गर्भे वास यावल । स्वर्गे पुण्य महेशया मृतक शरिर इन्द्र तथा म्येपि देवपुत्रपि मिले जुया
स्वर्ग लोक या बिधानं मागु ज्या सिधेकल । । अनंलि महाजननीया गर्भे यथाक्रमं
बढे जुया वल । जगु ब्यको बवसं जक सनीगुलि पुत्र जन्म जुइगु लक्षण सीका थः
स्वामियात कन महाजन खुसि जुल । फिला दस्येलि ब्यथा जुल मामापि कोथास तथा
थिक यात कार्तिक मासया पुन्हो खुन्हु चान्हे शोलावतीया मचा बुल दिव्य सुन्दरह्य काय्
मचा । थुगु खे न्यना जोतोष गुरु नापं दिवाकर काय् मचा सोबल कोथास ह्यासुगु तेज
सकभनं खन ।

लुथ्ये ह्यासुगु शरीर सुगन्ध वासना तेज सहित शरीर पलेस्वांया हःथ्ये जागु
मिखा (३२) लक्षणया चिन्ह दुह्य बालक पुत्र खना आपालं हर्षमान जुया च्वन ।

(३२) लक्षण सीके

- | | |
|--------------------------------|--------------------------|
| १ मकुटथ्ये गुलिच्चागु शिर | २ थिकगु शरीर |
| ३ ह्यासुगु वर्ण | ४ नायुगु जवं चातुगु सें |
| ५ कुलिचिगु हाकुगु सें | ६ कपा तः वला |
| ७ पलेस्वांया हः थ्ये जागु मिखा | ८ अज थ्ये हाकुगु मिखा |
| ९ धनु थ्ये चातुगु मिखा फुसि | १० छाईस्ये च्वंगु न्हाय् |

- | | |
|-------------------------------------|---------------------------------|
| ११ सालुस्ये ताहाकगु म्ये | १२ ह्याउस्ये चोंगु म्हुतुसि |
| १३ चीपुस्ये तुयूगु वा | १४ घालेथ्ये उति न्यंगु वा |
| १५ हेराथ्ये थोगु वा | १६ फुकं बराबरगु वा |
| १७ चन्द्रमाथ्ये चा क लागु ख्वा | १८ नाइस्ये बांलागु स्वर |
| १९ चीसकं हासानं थ्वगु शब्द | २० तुग पाय् माथं वंगु |
| २१ सिंहया थ्ये जागु जे | २२ सिंहया थ्ये जागु मनचा |
| २३ त्यफु गाः वंगु | २४ किसिया स्वों थ्ये जागु ह्लाः |
| २५ कलम थ्ये जागु पति चक्का ह्याउंगु | २६ चिकिचा गोगु प्वा |
| २७ पुष्टगु खंवा | २८ त्यफु चाक लागु |
| २९ चिकिचा गोगु पुलि | ३० पुष्ट थिकगु त्वाना |
| ३१ पालि छपां चूगु | ३२ सूष्म लिग |

थुलि (३२) लक्षणं सहितह्य बालक जन्म जूगु इले उगुछें पीत वस्त्र पुनः लुंगजू स्वां वृष्टि जुल । अन चोंपि सकलया थ्व बालक जन्म जूगु प्रभावं अन महा मंगल जुल । त्रिरत्न शरण भोदैव गणपि प्रणाम दु घया बालकया ख्वाः स्वया घाल बुद्धोपदेश चैत्यव्रत यानागु पुण्यं जिगु कुले सूर्य उदय जूगु प्रमाणं (३२) लक्षणं सयुक्तह्य महापुरुष पुत्र जन्म जुल थ्वया निरोगी तथा दीर्घायु जुइमा घया आशीर्वाद बिल ।

अनंलि सुये जुस्येलि गुरु पुरोहित जोतिष भिक्षु ब्राह्मण बुढा बुढी मचा याचक पित्त लोलोगु वस्तु अन्न द्रव्य इत्यादि दान याना बहनी छें दीपावली मत च्याका उत्सव यात ।

प्यन्हु दुवले जातकर्म व्यंकेगु ज्या सिधेका फिन्हु खुन्हु ईष्ट मित्र पुरोहित गुरु जोतिषपि निमन्त्रणा याना नामकरणया ज्या यात । छु नाम याय्गु धका सल्लायात सकसिन घाल, थ्व बालकया शरीर लुं थ्ये ह्यासु हानं जन्म जुइवं लुंगजूस्वां पीत वस्त्रनं वृष्टि जुल । थुकि यात त्वेक थ्व बालकया नाम सुवर्णवर्णकुमार धाय् योग्य जुः ।

यथ्ये खं न्यंकूगु प्रमाण याना दिवाकर महाजनं पुत्र यात सुवर्णवर्णकुमार धका नाम याना मंगल यात ।

अनंलि सकसिया नय् धुस्येलि भिगु दुरू वपिं घाइमां यात लः ह्लाना प्रतिपाल यात । खुला दस्येलि कुलदेवता दर्शन याका अन्न प्राशन (जानकेगु) जंकु बिधिया मंगल कार्यनं सिधेकल ।

क्रमशः प्रतिपाल याना यंका शुक्ल पक्षया चन्द्रमा थ्ये न्हिन्हि तः धिक जुया बल । न्यावं दस्येलि भिगु दिने गुरु यात लः ह्लाना विद्यारंभ याकल । लिपि विद्या व्याकरण काव्य कोश न्याय साहित्य धर्म शास्त्र नीति गणित रत्न धातु वस्त्र किसि सल पशु पंछि एवं मनुष्य अन्न बृही इत्यादि समेत परिक्षा याय्गु सकतां स्यना यंकल ।

सद्गुरु द्वारा थुजागु विद्यां पूर्ण जुइका क्रमशः युवनावस्था जुल । गुरु यात दक्षिणा बिया सन्तोष याय् धुस्येलि मां अबु काय् स्वह्वासियां मन हर्ष याना चवन ।

अनंलि थ्व कुमार यःनं परनं कल्याण जुइगु (यः पर उथ्ये धेगु) गंभीर ज्ञान सोका विशेष मां, अबु सेवा तथा सकल यात खुसि याना यःतनं लोकं माने याका सत्य धर्म पलातया बोधिसत्वया स्वभाव धारण याना जुल ।

काय्या बांलागु आचारण खना मां अबुपि आपालं खुसि जुया न्हापाथ्ये चैत्य ब्रत धर्म यानावं चोन ।

थुगु समये थुगु देशया बिमला नाम महाजन रत्नाकर व्यापादं लिहां वया जेतवन बिहारे विज्याह्म काश्यप तथागत तथा भिक्षुगण सकल यात चीवर वस्त्र दान याना पूजावि धुंका भोजन बिया लोके जय शब्द प्रचार यात ।

यथ्ये भिगु ज्या यागु खना दिवाकर यानं थःस्त्री पुत्र यात खं न्यंकल फीसनं छक यथ्ये याय् दुसा बां लाइगु खः । आः छक परदेश वना धन कमाय् योना हया धर्म याय् जित गनेमते जि परदेश वनेत्यना ।

स्वामीं यथ्ये घाःगु न्यना स्त्रीनं विन्ति यात, भो स्वामीजु ! भिगु मती तल गने मखु याकनं लिहां वया छपिगु इच्छा पूर्णया विज्याहं । जि स्वामी भक्ती जुया चवनागु थमं सिया चोंगु खः विस्तार याना चवने मते । हानं काय्न् धाल, भो पिताजु मांनं घागु थिक जु लुमंका याकनं लिहां विज्यासा थिक जुइ ।

यथ्ये परस्पर खंल्लाना धर्मं दुपि बंजालपि नापं शुभ दिने मंगल कार्यं याना स्त्री पुत्रपिके बिदा कया दिवाकर महाजन परवेश गमन जुल ।

अनंलि छुं लिपा काश्यप तथागत निर्वाण जुया विज्यात । थ्वसपोलया मुख्य ह्य शिष्य अर्हत् स्थविरानन्द महाभिक्षु थाय् थासे अमण जुया धर्म देशनायाना विज्यात । । थुगु समये सुवर्णवर्णकुमार (बोधिसत्त्व) सुं क मचोंस्ये धर्मं दुपि सज्जनपि पाशा याना बुद्धि दुपि मनुत मुंका गुवलें वेणु बने गुवलें थःगुहे वयवे सिमाववे चवना संसार नित्य मखु नाशवान् अनित्य खः घयागु ज्ञानखण्ड ग्रन्थ सोया थमं सीका परयातनं कना विद्वान पिगु संगत द्वारा थःनं विद्वान जुइका चवन ।

यथ्ये समयानुकुल विचार याना छन्हु वेणु बने वना सिमाववे चोना धर्मया खं भक्त जनपिन्त न्यंका लिपा याकचा आनन्दं चवनेगु बानि यात ।

थुगु समये स्थविरानन्द भिक्षु अमण याना ववले थ्व कुमार खन थ्व बोधिसत्त्व खः घका सीका न्ह्योने वया आशीर्वाद विद्या नित्य थुगु गाथाबोना पाठ या घया न्यंका विज्यात ।

मूल

आयुर्दिवाच रात्रौच चरतौ वा स्थितस्य च ।

श्रोतो महा नदीनां वा यात्येव न निवर्त ते । १ ।

अर्थ

प्राणिपिगु आयुः दिन रात वना चोंगुलि स्वायगु फुनावन स्थीरं मचों । गथ्येजा

नदीस लः न्ह्याना वंगु हानं लिहां वइमखुः वथ्ये फुइ धुंकुगु आयुः लिहां वइमखु ।

मूल

तेषां रात्रौ दिवा सेन आयु रत्नतरं भवेत् ।
अल्पोदके वा मत्स्यानां कातु तेषां रति भवेत् । २ ।

अर्थ

रात्रि दिन वंथ्ये आयुनं फुना वन, गथ्येजा लः मतिचाजक दुगु थासे न्या चवनी
पिनि थःगु इच्छाथ्ये सने फइमखुः वथ्ये प्राणोपनिनं खः । २ ।

मूल

परि जीर्णं मिदं रूपं रोग निद्रा प्रभंगुरां ।
भेत्स्यते पूति संघातं मरणान्तं हि जीवति । ३ ।

अर्थ

मचाय्क बुढा बुढी जुइवलेसिगु रूप खने मदुगु रोग खः न्ह्यो वइगु सने मफंगु छुं
मचाइगु धुसि लुइगु गंसि जुया वनिगु मिखा न्हेपं वाया ज्या फुकं हीन जुया ला स्येकुना
वांमलाना वनोगु । नवगु न्हि खं लाः सोसो वया स्वाना चवनीगु खः निश्रयनं छन्हु
मत सोथ्ये सिना वनि ।

मूल

न चिरा द्रुहंत छाया पृथिवीमपि मध्यमे ।
अन्या व्यपेत बिज्ञानां निरस्तव्य करं गुरुम् । ४ ।

अर्थ

पृथ्वीस कीगु किच तां चोनिमखुः किच गनं बल हानं गन वन । न्ह्योने छुदु
उगु लिउने किच खनि, न्ह्योने च्वंगु मंतकि किच खनी मखुः बिज्ञानबादि बुद्धिमानी
पिगु ध्येय सून्य एवं सून्यतानं धाइ ।

मूल

किं मनेन शरीरेण पूति विस्रवता सदा ।

नित्यं रोगाभि भूतेन जरा मरण भीषणाः । ५ ।

अर्थ

छु थुजागु खि चो नवगु सदानं घाना जुइमागु थ्व शरीर खः । थुजागु दुर्गन्ध दुनेतया, हानं रोगं पीड जुइका बुडा बुढीया अवस्थानं थ्यनीवले ग्यानापुह्य कालं ज्वना यंकी । मचा त्याप्ह्य त्यासोपिन्तनं ज्वना यंकीह्य खः सित घाइ ।

मूल

अनेन पूति कायेत भंगु रणान्तरेण च ।

निमित्त परमा गायो क्षेम मनुत्तर मिति । ६ ।

अर्थ

न्हि खं ला खि चो थुजागु नवगु दुने घाना जुयागु थ्व शरीर छन्हु सिमा कोदलीय्ये, कथि तोःधुलीय्ये निकु दला शरीर व प्राण बायु छुते जुइ थ्व मृत्युया अवस्था खः । थुगु इले रक्षा याइह्य पुण्य छह्य मात्र दइ । उपमा बीगु मडुगु गंभिर अनुत्तर बुद्ध ज्ञानं खकेमा । मडुगु आत्मां रक्षा याइ घायागु मचा बुद्धि तोति ।

थुजागु गंभिर ज्ञानया गाथा बोना न्यंकूगु बुद्धोपदेश न्यना खं थुइका संसार खना ग्याना बंराग्य चित्त जुइका निर्वाण पद (मोक्ष) लाय्या निमित्ते सुवर्णवर्णकुमारं विन्तियात । भो आर्य्य स्थविरानन्द गुरु ! जित प्रवज्या बुद्ध चर्य्य फोने थय्ये बिया बिज्याहुं ।

थय्ये विन्ति यास्येलि थ्व भिक्षुं धं बिज्यात, हे कुमार ! छे वना मां अबु याके बिदा कया वा । कुमारं तथास्तु याना छे थयंका मां यात प्रणाम याना विन्ति यात । भो माता जित गनेमते जि स्त्री बिमुख कामरागे ललाच मडुः गूहत्याग याना प्रवज्या ब्रत (भिक्षु चर्य्य) धारण याना जगतो हिताय ले पला छिना भिक्षा

धारि जुया गुरुया ल्यु ल्यु बुद्धया शरण वने त्यना, जित बिदा बिया बिज्याहुं ।

काय् नं थथ्ये धाःगु न्यना माँहस्ये खोवि वय्का नगले ह्लाः तथा लिस बिल ।
हे पुत्र ! त्रिरत्न शरण चैत्यव्रत धर्म यानागुया प्रभावं दुहा जि याक काय् छ खः ।
बिवाह याना कुल धर्म प्रकाश जुइका माँ अबु म्वाना च्वंतले प्रतिपाल याना छे
तःप्वागु मत समानं उज्ज्वल याना च्वं ।

जि प्राण समानह्य सुपुत्र छ खः जित तोता गथ्ये वनेगु छे अबु पर देशे तिनि
जि याकचा छे वाना छ पिहां वने योग्य मजुः जिनं बिदा बीफइमखुः ।

काय् नं माँ यात हानं प्रणाम याना बिन्तियात, माँनं धागु खः तथापि छन्हु माँ अबु
काय् बियोग जुइ तिनि । पाप यावनेगु मखु धर्म यावनेगु खः गनेमते जि वनेत्यना
बिदा फोने संसारे भुले जुइगु इच्छा मन्त धका अनेक प्रकारं धाल ।

माँहस्ये हानं न्यंकल, माँया खे न्यः छे अबु गुवले छे थ्यंक वइ उगु समये अबु
याके बिदा कया हुं आः वने धाय्मते ।

माँनं थथ्ये धास्येलि चित्त बोध जुया माँया ख्वाः सोया धाल, माँया बचन
तथाऽस्तु अबुजु छे मथ्यंतले जि गनं वने मखुत धया सुंक च्वन ।

थनंलि न्हिन्हि गाथा (श्लोक) पाठ याना इले नया माँयात बिचार याना न्हिने
सोफः ई जुइवं थःगु कयवे वना सिमाववस याकचा च्वना सफु सोया अनेक ज्ञान
लुमंका च्वनि बहनीया इले छेवया माँ नापं नया छने मत्योतले माँयात जानया खे कना
माँनं छंहुं धालकि छं वनि थथ्ये नित्य याना च्वन ।

श्व कुमार पिहां वनीवले श्वंगु रूप यौवन ऐश्वर्य्य तेज पला छिना वनीगु गमन
खना सकलया खनेदतले सोया च्वनीगु, स्वस्वं स्वय् मगा सकसिनं प्रेम भावं प्रणाम
याना नोः तुइगु । श्व कुमार यागु कोमल बचन न्यना सकल छुसि जुया ताउति सोया
न्हिला च्वनीगु ।

बिवाह मयानिपि मिसातस्ये खनीवले ऊनहे मोह एवं आश्रय्य जुइका गुलिजक सुन्दरह्य अहो धन्य २ पुण्यया शरीर खः । श्व मिजं जित पुरुष याय् दय्मा धका थःथःगु मनं भालपा चवनीगु ।

गुलि मिसातस्ये गोप्य रूपं जित माया तया बिवाह याना बिज्याहुं भो कुमार ! जिनं प्रणाम याना हया धका पत्र चोया बिया हंगु । उगु देशया सकल कन्यापिसं सुवर्णवर्णकुमार भात याय् देमा धका इच्छा याइगु । गुलि मिसापिसं श्व कुमार थ्ये जाह्य जित भात दय्मा धका कल्पना याइगु ।

श्व कुमारं चिठ्ठिया उत्तर स्वीतनं मव्युः । माँह्यस्ये बिचार यात श्वैत याकनं बिवाह याय् माल धका इष्टमित्रादि पिंगु पाछ्ये भौ मचा सोकल ।

काय्न् सीका माँयात घाल, माँया जित बिवाह याय्गु तंता याय् भ्वानि अबु छे थ्यनिवले मागु ज्या जुइ । थथ्ये धास्येलि माँह्यसिनं चिन्तनायात श्व काय्या स्त्री बिमुख अवश्यनं गृह धर्म तोता भिक्षु जुइगु इच्छा दु ।

न्हिन्हि एकान्त क्यवे चोना धर्म शास्त्र सोया चवनीगु धर्मयाना दुह्य काय्न् छु याइगु जुइ थुलिमछि मिसापिसं चिठ्ठि छोया हल जवाफ स्वैतनं मव्युधया सुंक चोन ।

श्व कुमार भिक्षु पण्डित सज्जनपिंगु आश्रमे बराबर वना सद्धर्म ज्ञाने भुले जुया चवन । अबु दिवाकरं बांलाका तगु क्यवे भतिचा तापासानं इले नित्यथ्ये वना आनन्दं सिमाक्वसं चवना सफु सोय्गु ज्या मतोतुः । उगु क्यव अतिनं यैपुस्ये चवं स्वां फल सया ऊंग पंछि हाला चवनीगु । दथ्वी निर्मल लखं पूर्णगु पुख्न् दया चवंगुलि शोभा दया चवन । थुजागु थासे कुमार न्हिन्हि बास यावनीगु बानि दु ।

उगु बैशालि नगरे काशी सुन्दरी धयाह्य स्त्री (वेश्या) बृत्तिह्य छह्य दु । श्व मिसा अप्सरा तुल्य सुन्दरी पिहां वइवले सकल मोह जुया सकसिनं सोया चवनीगु युवती (ल्यासी) ह्य हृष्ट पुष्ट मिसाया रूप लक्षणं पूर्णह्य ।

उगु" देशे अजातशत्रु धैह्य राजा जुया चवन, श्व राजाया मुख्यह्य प्रचण्ड मंत्री
खः । श्व मंत्रीया श्व काशी सुन्दरी मिसा अतिनं प्रेम जुया चवन । ह्लिह्लि गोप्य याना
छगु थासे थुपि निह्य नापं चवनीगु । छन्हु श्व मिसां धाल जि छें यंकि, मंत्रीं धाल छें
यंकेगु खः छें चोह्य मंत्रीनी यात, खं न्यंका मागु याय् हताय् चाय् मते घया तिसा वसः
बिया हेकातल ।

छन्हु छगु ज्याय् पिहां वह्य काशी सुन्दरी नं सुवर्णवर्णकुमार पिहां वगु खना मोह
जुइका खने दतले स्वया चवन । कुमार थःगु थासे वन । श्व मिसां चिन्तना यात
अहो धन्य श्व कुमार साक्षात दैव समान खः । लुं थ्ये म्हासुगु सुन्दर रुप शिरे
चूडामणि मिखा पलेस्वांया हःथ्ये युवन्नावस्था (त्याय्हा) श्वया बिवाह सिमधनि जिनं
बिवाह मज्जनि । श्व देशे श्व मिजं समान सुन्दरम्ह मेम्ह मद्रु, जिथ्ये जाम्ह सुन्दरीम्ह
मिसानं म्येपि मद्रु, जित श्व मिजं स्वामी याय्गु लो श्व कुमारयानं जि कला याय्गु लो
जि ह्लापां खंगु जूसा श्व मंत्री नाप लाय्मखुः । छें कला दुह्य उकीसनं तं मभीम्ह मंत्रीनाप
भूले जुया चवना धिकार । जित छें यंके घका हेका जक तल थनि निस्ये श्व मंत्री नाप
लाय्गु मखुत अनेक जतन यानानं श्व कुमार भातयानां तोत्ये थथ्ये इच्छा याना थःगु
ज्याय् मवंस्ये सुवर्णवर्णकुमार चोनीगु वयवे वना सिमां किका छथाय् सुला चवन ।

बखत जुल कुमार थःगु नित्यथ्ये वयवे वना सिमाववे फेतुना सफु सोया चवन ।
थुगु इले श्व मिसा तीजक कुमारया न्ह्योने वया प्रणाम याना काम रागं दाह जुइका
मिखा वयलेहनं कना मुसुहुं न्हिला दुरु बापो वयना प्याखं हुलीम्ह थ्ये सना थथ्ये
धाल ।

भो कुमार ! थौंया दिन बराबर वइ मखुः जिगु भाग्य अथवा छपिगु भाग्यं
थन कोपि निम्ह एकान्त जुल । जित सोया बिज्याहुं छपि जिनं स्वामीयाय्गु जुल घया
घेःपुना खा त्वाका चुपा नया जिगु इच्छा पूणयाना बिज्याहुं धाल ।

काम राग इच्छा मद्रुम्ह बोधिसत्व महापुरुष कुमार थाराक न्हल । जित थौं
आपत्ति जुल श्व मिसा काल सपं वय्थ्ये वया जित दुःख व्यूवल थथ्ये चिन्तना याना
धाल ।

जिनं थुजागु पाप भोग मयाना जित तोति छ मागु थासेहुं ।

थय्ये कुमारं धाःगु न्यना जिखना ग्यात धका कुमारयात तोतल । कुमार
जुरुक दना वन । थव मिसा ल्यु ल्यु वना घाल, भो महापुरुष ! थन सुनं मदु लज्जा
चाय्म्वाः जि छपिनि इच्छाथ्ये भित्तेत लाय्कम्ह खः । थव समय सिति छोय्मते जिनं
नापं वया छपि सदानं सेवायाय् जिगु वचन न्यना जि बिवाह याना बिज्याहुं ।
थय्ये घासानं थव मिसायात मसोसे विषदुम्ह सर्प ल्यु ल्यु वल भापा मती तया कुमार
थःगु छे वन ।

थव मिसाया मन अन्दोल जुइका थःगु छे वना कोथास चवना कुमार जक लुमंका
जुले जुया चिन्तनायात । कन्हे जिनं अनेक जतन याना खे न्यंका थव कुमारयात
आलींगन याना जिनं इच्छा पूर्ण याय् बिवाहया ज्यानं सिधेकां तोत्ये ।

थय्ये चिन्तना याना चवंवले प्रचण्ड मंत्री नाप लावल । अरे प्रिय सुन्दरी थौं
छाय् मवया घाल । प्रणाम याना मिसां विन्तियात, भो मंत्रीजु ! थौं जि कपा स्यात
इकुल दनेनं मफुः उकीं मवया थौं म्वाल बिज्याहुं ।

मिसां थय्ये घास्येलि कन्हे नाप लाये धया मंत्रीजु छे वन । मंत्रीया पाशाछम्ह
सिनं छे वया गुप्तयाना खे कन । भो मंत्रीजु ! छपि पाशाखः जिनं छगु खे कने ।
काशी सुन्दरी थौं सुवर्णवर्णकुमार नापलाना थवयागु वयवं पिहां वगु जिनं खना थव खे
घाथ्ये खः धया लिहां वन ।

पाशां थय्ये घागु न्यना मंत्री तँमोय्का थय्ये चिन्तनायात । जि प्रेमयाना
तय्कं हानं म्येम्ह लिस्ये भुले जुया जित कपास्यात धया हेका लिछोया हल । कन्हे
जिनं चरित्र सोये गुप्त याना थव कुमारयागु वयवे ह्नापालाक वना सुला चवने थव
मिसा वलकि जीव घाटक यानां तोत्ये । हानं थव कुमारयातनं जीव फुका छोये ।
थुजागु कुचिन्तनायात कन्हे जुस्येलि इले नय् तोने धुंका राजगृहे मवंस्ये थः मनु छम्ह
सःता गोप्ययाना एकान्ते थय्ये घाल ।

छ किजा भापायाना पाले याना तथा जिगु गुण लोमंके मते हानं घन बिया गुणयाय् जिगु खं छगु न्य । श्व खड्ग ज्वं जिनापं वा घया खड्ग ज्वंका न्हिने गुप्त याना सुवर्णवर्णकुमारया वयवे वना छथाय् निम्हं सुला च्वन ।

छुं लिपा काशो सुन्दरी बांलाका सुवर्णवर्णकुमार नाप लायत कुमार च्वनिगु वयवे वना छथाय् तिमाववसं च्वना उख्ये थुख्ये सोया च्वन । श्व मिसां मंत्री पिहां वगु खन त्राश जुइका बिस्सुं वन । मंत्री ब्वांवना मिसाया संज्वना साला करुणा मतस्ये पृथ्वीस चता वाना बिल हानं थना थथ्ये धाल ।

अरे चाण्डाली बेश्या ! जि प्रेमयाना तेकं जित द्रोह यानां थुगु थासे वया सुवर्णवर्णकुमार नाप काम भोग याना ह्यिग जित कपास्यात घया हेका लिछीत । थौं नं श्वहे कुमार नाप संभोग याय्त थन वल छ यापि यात सासना याय्गु घया ख्वाः स्ये कुंका वा कटटटं न्ह्याया दाया त्वाकमं च्वाना कसायात । । श्व मिसां जिगु जीवया आशामंत घया मंत्रीया तुति भोः पुया खोया बिन्ति यात । भो मंत्री पुरुष ! न्हापायागु गुणं लुमंका जिगु अपराध क्षमा याना बिज्याहुं । बिवाह विषय श्व कुमार नाप काम भोग यानागु मदु ।

मिसां थथ्ये धाःसानं विवेक विचार धर्म मदुह्य क्रोधो मंत्रीं खड्ग ज्वंका हयाह्य पाशायात धाल । हे पाशा श्व मिसायात खड्गं प्रहार याना शिर ध्यना वां छोया न्यु ।

थथ्ये धागु भयंकरगु खं न्यना श्व पुरुषं थःगु शरीर कंप जुइका चिन्तना यात । श्व देशे शुलिदिव्य सुन्दरीह्य मिसा म्येपि सुं मदु श्व मिसायात स्याय्गु स्त्री हथ्या तःधंगु अकर्तव्य पाप याय्गु योग्य मजुः थथ्ये विचार याना मंत्रीया ख्वाः स्वया बिन्ति यात ।

भो मंत्रीजु ! न्हापा श्व मिसां छपिन्ति इच्छापूर्ण याना आपालं गुण याना तगु लुमंका माफि याना तोतां मिजुइ जितं श्व ज्या याय् मखुः । थथ्ये धागु न्यना मंत्रीं गुलि च्याक मिखा कना लिस बिल । अरे दुष्ट ! छ पाशा धका बोना हया व्यर्थयात

धाःसा छन्त समेतं जीव रक्षा जुइमखुः याकनंया । । थुजागु दैत्य स्वभावया
वचन न्यना त्राही जुया सर्पया न्ह्योने चवने मज्यु, सर्पनैह्य गरुड नाप चवनेगु तुल्य जुल
जित तःसकं मखुथ्ये जुइन थन मचवनां भौं जुइ बिस्युं वनेमाल धका मती तया मिसाया
ख्वाः सोत मिसा ग्याना बिस्युं वन । थुगु इले खड्ग ज्वना च्वंहा पुरुषनं खड्ग नाप
ज्वना पखा पुला बिस्युं वन ग्याना गामे वास यावन ।

थुगु इले मिसानं बिस्युं वन पखा पुले मफु खापा तिना तगुलि छथाय् कुने सुला
चोन । अकस्मात् कालसर्प छम्ह वया थ्व मिसायात जगु पालिया म्हाला पतिने न्याना
वन । मिसां हेदैव जित थौं गुजोगु कुदिन जुल जिगु जिवया आशा मन्त धया गोः तूमह
मूर्छा जुल । । मंत्रीया उख्ये थुख्ये चाहुला मिसा सोत छन बेरा साला हया तुति
प्यंका दाल आःजा सित जि थन चवन मजिल म्येपिसं खनेव नाना प्रकारं खं ह्लाई
यथ्ये मती तया गोप्य याना मंत्री राजगृहे वना महाराज अजातशत्रु नाप लाना
बिन्ति यात ।

भो महाराज ! दिवाकर महाजनया वयवे काशी सुन्दरी मिसा छम्ह स्याना
तल सुनां जुइ विचारयाय् माल स्याम्ह यात छु याय्गु ।

थ्वखं न्यना राजां आज्ञा जुल, मंत्रीजु ! मिसा स्याम्ह सुखः सोकि छंगु बिचारं मागु
निशाफ या । राजां यथ्ये वचन व्यूगु न्यना लेः ताया कार्यालये वना राजपुरुषपि च्याम्ह
सःता घाल । हे राजपुरुषपि ! दिवाकर महाराजया वयवे मिसा छम्ह स्याना तल
धका समाचार वल छिपि वना सोहुं सुख सीका ज्वनाहति ।

मंत्री थय्ये धाःगु न्यना सिपाहीत तथाऽस्तु याना वन । थुगु इले सुवर्णवर्णकुमार
थःगु नित्यथ्ये वयवे वन म्हिगथ्ये काशी सुन्दरी द्वहांवइ धका लुखास खापातिना दुने
चुकू तया वन पुखलि ह्लासिला उख्ये थुख्ये सोजुल सँ धपलें तया चताः वाना च्वंम्ह, मिसा
छन लिक वना सोत काशी सुन्दरी धका सीकल ।

थन छाया वया यथ्ये जुया च्वंगु धया भतीचाऊले जुया बिचार यात । म्हिगथ्ये
जित नाप लावम्ह जुइमा सु बतमासं थमं धयाथ्ये मदया सास्ति याना बंगुला । अथवा विष

नया थथ्ये जुलला जिनं थवं धागु खं मन्यनागुलि जित अपजस बीकेत तमं थनवया विष
नया चोंगुला । । आश्चर्य जुल सितला म्वा निला सःता स्वत नोंमवा सासः
मल्लागुलि नाडो विचारयात नाडो मसं ह्लासे नुगले प्वाथे थिया सोत सितधका सीका
नुगः मद्धिका आः छुयाय्गु थन तय्मज्यु गनयंकेगु सुयात छुः धाय्गु सुलिस्ये सल्ला
धाय्गु जित मखुथ्ये जुइन धया तुती कपालेनं थिया विचार याना च्वन ।

थुगु इले सिपाहीं च्याह्म वपि क्यवे खापा तिना तःगुलि खनेमजिया पखा पुला
वना सोवंबले चता वाना सिनाच्चंह्म मिसानापं च्वना चोंह्म कुमार खना धाल । थ्व
मिसा सुनां स्यागु धका न्यन ।

कुमारं लिस बिल स्याह्म जिनं मखना मस्युः जि थःगु क्यवे वया थ्व मिसा थथ्ये
जुया च्वगुलि सुनां यागु जुइ सितला म्वा निला धंगु बिचार याना च्वनागु खः । थ्व
कर्तव्य यागु याम्ह दैवस्युः जिनं सत्यमेव मस्युः जि खंसा स्यूसा तोता छोइला ज्वनाहे
तये । यदि थ्व ज्या यानाम्ह जि खःसा जि थन च्वनीला बिस्सुं वनि । कुमारं थथ्ये
धास्येलि च्याम्ह सिपाहींतय् सल्ला याना धाल ।

हे कुमार ! छंगु क्यवे थन मिसा सिना च्वन म्येपि थन सुं मदु ल्हा याकचा च्वना
सीम्ह मिसा नापं चोना म्हे थिया चोन जिमिसं छन्त तोत्ये मजिल राज सभाय्
कार्यालिये यंके मागु न्याय निशाफ याइ ।

थथ्ये हाला चोंवले हानं मंत्रीजुं म्येपि च्याम्ह सिपाहीं छोया सोकेहल अन थ्यंका
सोत फुक खें न्यन थुमिसं थथ्ये धाल । थन यागु ज्या खें न्यने धुन सिना चोंगु थासे
छे छम्ह जक दु म्येपि सुं मदु छन्त गथ्ये तोत्येगु कित छं म्येपि क्यने मानि क्यने मफुसा
छहे थहरे जुइफुः जि मस्यु मखना धयां पत्यार जुइ मखु ।

थथ्ये धया सीम्ह मिसा खातास तया सिपाहिं प्यम्हस्ये ज्वना थ्व कुमार यात
खिपतं चिना ल्यु ल्यु तथा उगु थासं पित हया मंत्री चोना चोंगु कार्यालिये यंकल । सिपाहिं
तेसं क्यवे जुया च्वंगु खें फुक कना थ्व कुमार यात चिना हया मागु याना बिज्याहुं धया
बुछे यात । । मंत्री लेः ताया धाल थिक यात छिमित मान बीगु जुल धया कुमार

यात त्वया वान्हाया तुति वः स्वाना ह्लाः बुबु स्याना मिखा ह्याउंक कना धाल ।

अरे पापि मिसा स्याम्ह चाण्डाल ! श्व मिसा यात वयवे तथा काम भोग यावले छु खं मिले मजुल दाया सास्ति याना स्यागु अवश्य खं छाया थुजागु कुकर्म यानागु । छ तस्सकं अपराधि खः श्वंत छु याय्गु घका अनःचोपि कर्मचारी पिके न्यन ।

सकसिनं धाल. श्वहे स्यागु अथवा म्येपिनं जुइफुः मिसा स्यागुया निशाप राजा लिस्ये सल्ला याना मागु ज्या याय् माल । थुगु थासे सकल यागु ख्वाः स्वया कुमारं धाल । । भो राज पुरुषपि ! थिक धाल तर जित चिनाहल अपराधि जि सत्य मखुः लिपा कन्हे कंस अपराधि लुया वइ । कुमार भतीचाहे मग्थास्ये सुरा जुया थय्ये घागु खं न्यना अपराधि थःहे जुया चोम्ह मंत्री मतीतल । श्व ज्या विस्तार जुलकि थःहे लाइ याकनं श्व ज्या सिधेके माल धंगु विचार याना मंत्री राजाया थास वना न्यं वन ।

थुगु वखतस राजा कसि च्वना रानीनं तुति उसि उसि याका आनन्दं च्वना चोन । मंत्री छह्ये चोना बिन्तियात । भो महाराज ! काशी सुन्दरी मिसा यात थःगु वयवे तथा थमं घयाथ्ये मचोवका सुवर्णवर्णकुमार स्यागु पक्का खः । श्व अत्याचारि यात छुयाय्गु । थय्ये मंत्री न्यंवेले राजाया आनन्द जुया च्वंगु वखत जुया थय्ये धे बिज्यात । हे मंत्रीजु ! राजाया तंता मदेकेत जिनं छन्त पत्यार याना महा मंत्री याना तथागु खः श्व मिसा स्याम्ह सुखः वयात न्याय नीति बिबेक याना छु याय् मागु खः उगु ज्या छंगु तजवोजं मट्ठक ज्या या ।

थय्ये राजाया वचन न्यना तथाऽस्तु घया सुगन्धस फ्न सुगन्ध लेः ताया कार्यालिये वया मंत्रीजु-हं कारं परमं देवं धाथ्ये भैरव स्वभाव पिकया खं न्यंकल ।

जि राजाया थासे वना न्यना वया मिसा स्याम्ह अपराधि पापि श्व कुमार यात थोहे निपुन याना ज्या सिधेकि घया बिज्यात । श्व सुवर्णवर्णकुमार मिसा स्याम्ह जुया शमशाने यंका सुरा बिद्या जोव मोचन याय्गु योग्य जुः । थय्ये घया चाण्डाल प्यम्ह सःता हया कुविका थो सूर्य अस्त मजुवं श्व ज्या सिधेके माल घया कुमार यात ह्लाः लिउने तथा चिना, लिउने सोम्ह मिसा खातास तथा ख्वाः खने देक म्हय् गां तोपुया न्होने बाजा

थाका देशे चाहुइका यंकि धका वचन बिया छोट मिसाया माँ दाजु किजा पिसं सीका सो
वल खन खोया घाल । अहोजि ह्या यात गुजागु तालं सास्ति याना स्यात जुइ । हाहा
जि ह्याय् दिव्य सुन्दरी । श्व स्याह्य पापि यात सुरा बीगुहे थिक जुः । श्व कुमारं यथ्ये
छाय् यागु पाप याय्मते धाइह्यस्ये थमहे यात हे देव धया खोया सीह्य ल्युल्यु वल ।

मंत्रीजुनं याकनं ज्या सिधेकेत सलगया ल्युल्यु वना च्वना । सिपाहींत थाय् थासे
चोना वया च्वन । चाण्डाल पिसं कुविया वपि थासे थासे दिना कुमारया ख्वाः सोया
खं न्यंकल, भो कुमार ! जिमिगु बिनित् दु । जिमिगु दोष मखुः मंत्रीजुं धाःथ्ये याय्
मागु छु याय् । छपिन्त श्व ज्या याय्गु अयोग्य खः जिमिसं स्युः । श्व मिसा स्याह्य
छपि खं मखुः गुलि हताय् चागु जिमिसं धाय् मज्युः जिमिगु नुगः दाह जुल ।

गुलि मनुत सोवपि अद्भुत जुइका छु जुल श्व उपद्रव छाय् धया कोलाह शब्दं
हाला वपि बुढा बुढी ल्याय्हा ल्यासी बिद्यार्थी मिसा मिजं मचात समेत वया खोवि वय्का
श्व कुमारं थुजागु अकतंन्य याइ मखुः निशाफ यागु अखः जुल धया वपि । गुलि
कुमारया पाशापि स्वप्ना लाकि बिपना श्व छु हेतु छु कारणे सत्य धारि कुमार यात
जीव घातक याय् त्यन धया हाला वपि । गुलि फुकित इष्ट मित्र दिवाकरया
वंजापि गुजागु जुल आः जक धुनका धया खोया वपि ।

गुलि युवती सुन्दरी कन्यापि श्व कुमार भात याय् देमा धका इच्छा याना
चोपि । गुलि जि बिवाहया धका चिट्ठि बियाहया चोपि । गुलि जि ह्याय् धाः वसा
कन्यादान याय् धका मती तथा चोपि सकल छैनं पिहाँ वया खोया सो वपि । गुलि
ऊयाले गुलि छेक्वे गुलि ल्युल्यु वपि मिखास खोबि मडुपि छह्यहे मडु न्यपि सोवपि
सकलया खोवि हाय्का धिकार छु निशाफ यागु धया वपि ।

दुने दुने खं जुल श्व ज्यायाह्य प्रचण्ड मंत्री खः धाय् मज्यु हाले मज्यु छु याय् राजां
छु सोया चोन धकानं भुनु भुनु हाला सोवपि ।

महाजन पण्डित साधु महात्मापि श्व कुमार अकालं फुइगु जुया मने दुःख जुइका
देव नाम कया बिलाप शब्दं हालावपि ।

उगु देशवासो मनुत गुलि थय्ये हाला वपि यको दु । हे देव कुमार यात छु बिपरीत
जुल थय्ये जुइ महु थ्व देशे सत्यया न्ह्यो वय्का च्वनला न्ह्यल चाय्कि सत्य धर्म इश्वर
दुसा प्रकट जुइ मागु खः । थ्व कुमार अकालं फुके मज्जु थुगु देशे थुजाह्य महापुरुष हानं
जन्म जुइ मखुः थ्व समानह्य पुरुष थन देशे महु थ्व महारत्न खः । शिरे चूडामणि
ह्यासुगु वर्ण (३२) लक्षणं संयुक्तम्ह विद्वांन परउपकारि सकलया प्रीतिम्ह करुणा दुम्ह
पुरुष रत्न गुणिक तःप्वागु मत तुल्यम्ह शीतल स्वभाव धर्मया शरीर युवक शोभायमानम्ह
थ्व कुमार यात विनापराधे मोचन याय्त हल थ्व निर्दय खः । थुजागु शब्दोच्चारण
याना मनुत सो वल ।

थनंलि दिवाकर महाजनया छे ववसं थ्यन अन चोपि सकसिनं खन इतः मतः कंका
कुमारया मां शीलावती महाजननी कोथाय् चोना चोम्ह यात थुगु खं कन । मनस त्राहि
जुइका ववहां वया सोवल काय्यात ह्लाः लिउनेतया चिना कुविया आपालं मनुतस्ये
लिका वगु खना थ्व छु ज्या छाय् जि काय् यात थय्ये याना हगु धका न्यना सोत ।

राजपुरुष पिसं न्यंकल सुवर्णवर्णकुमारं काशी सुन्दरी मिसा यात थःगु वयवे तथा
स्यागुलि मिसा स्याम्ह धका थुगु देशं दक्षिण दिशास शमशाने तथा सुरा बिया मोचन
याय्त लें हगु खः । राजाया आज्ञानं मस्युः विशेष प्रचण्डमन्त्रीया निसाफ खः धका
कन ।

थ्व खं न्यना महाजननी चिमिसं बोह मिका म्ह खाका हाः चंगु सिमा फसं गोः
तुइकेथ्ये गोतुला अद्यं जुया मूर्छा जुल । पासापिसं लःतोंका मूर्छा जुगु लंका थय्ये विलाप
यात ।

हाहा हे देव ! जि काय् यात गुजोगु आपत्ति जुल आः गन वना सोवनेगु जि याक
काय् घया थःगु सें थमं पुया नुगले दाया ह्लाः बुबु स्याना दनीगु चताः वा वनीगु वाकू
छिना मिखा भोय् कना वनीगु ।

छुं लिपा जि प्राण हेरा काय् यागु ह्वाः सोय् दइ तिनिना गन यंकल गन थ्यन
जिनं सोय् माल घया उज्जो सनेथ्ये सना हाला सें फें फें तथा खोया ब्वां वन । लें वपिके

न्यन जि प्राण पुत्र गन न्यन सितला म्वानिला जि स्वामी पर देशे तिनि काय् मां बियोग जुइन ।

हाहा जि प्राण पुत्र यात गन यंका छु सास्ति याना स्याय् त्यन गुजोगु भयंकर अकालं सीमागु दुःख जुल । अकस्मात् मलः जू वइथ्ये अकाल भय जि काय् यात जूवल । हाहा जि नुगचुः समानह्य काय् विनापराधे फुइन । थथ्ये मचातना च्वंह्य सा हालिथ्ये हाला गुवलें लें ग्वारातुला जिःगन वनेगु गन चोनेगु गथ्ये सहयाना चोनेगु । जि स्वामी लिहां वइबले काय् गोः घाइ जिनं गथ्ये कनेगु जि रत्न काय् यात तः छ्याना मदेकीन छु जत्न याय्गु सुनां रक्षा याइगु धका खोया अमल नःह्य थ्ये ध्येः ध्येः चुइका पाशा पिगु खवाः सोया खोल ।

जिनं ह्लापा छु पाप याना वल जिगु दोष जि स्वामीया दोष अथवा जि काय्या दोष दुसा माफि याना बिज्याहु हे त्रिरत्न ! चैत्यन्नत यानागु प्रभावं जन्म जूवह्य महारत्न जि पुत्र खः धया भूमीस भोःमुना खोल ।

थुगु इले परदेश वंह्य दिवाकर महाजन वंजलपि नापं लिहां वया बंशाली नगरे द्दहां वल लें सर्पं लं त्वा ह्लाना वन । अकस्मात् नुगमछिना ह्य कंप जुया गरख्येस्ये चोंका मति तल ।

अहो आश्चर्य्य छु बिधन जुल देशे द्दहां वय् धुन अवश्यनं छे कला काय् यात मखुथ्ये जुल खैः । अमंगल क्यन छु जुइ त्यन धका धंदा कया वल । उगु समये देशे मनुत उख्ये थुख्ये व्वां जुया हाहाकारं हाला जुगु खन । देशे को इमा हाला बोया जुल । मिसा मिजंत मिखा बुबु स्याना खोवि वय्का सुवर्णवर्णकुमार विनास काले फुइन धया खंल्लाना वःपि नाप लात ।

थ्व दिवाकर महाजन इतः मतः कन जि पुत्र यात छुः उपद्रव जुल मुनां छुः यात न्यने माल धया लें नाप लापिके न्यन ।

अरे दाजु किजा तता क्यहेंपि ! फोगु देशे थौं छु जुल । थथ्ये न्यस्येलि दिवाकर

महाजन थ्यंक वल घका सीका प्रणाम यात । थौं थ्यंक बिज्यागु असल जुल छपिनि पुत्र यात तः धंगु शंकष्ट जुया च्वन इत्यादि फुक खँ कन ।

थ्व खँ न्यना छँ मवंस्ये पुत्रया खाः सोवन लें थः स्त्री ग्वारातुला खोया च्वंहा खन घेःपुना धाल । अरे प्रिय स्त्री ! छन्त छु दुःख जुल थन चोना थथ्ये छाया खोयागु घका न्यन ।

भातं घेःपुना थथ्ये न्यस्येसि खाः सोवले थः भात जुया चोन ह्य पीस्ये वय्का छय्ये हर्ष छय्ये महा पिड जुइका थमनं घेः पुना खाः त्वाका लिपा तुति भोः पुया बित्ति यात ।

भो स्वामी ! कीगु भाग्य छु जुल दतनं छह्य काय् थौं बिनापराधे काय् यात मोचन याना फुकिन छक खाः सोय् घका वया नाप लाके मव्यु कारण न्यना बिज्याहुं ।

काय् नं काशी सुन्दरी मिसा थःगु क्यवेतया स्यात घका दोष याना चाण्डलया ल्हाः तेलः ल्हाना शमशाने तया सुरा बिया स्याय् त बाजा थाका कुवीका हल । थ्व खँ छपिसं सीका काय् यात याकनं रक्षा याय् माल छलपोल थौं थ्यंक बिज्यागु असल जुल । कीपि निम्हं वना काय्या खाः सोय्गु जतन याय् माल विस्तार याय् मजिल थ्व ज्या याकुहा प्रचण्ड मंत्री धाल उपाय दुसा मागु ज्या याना बिज्याहु । । थथ्ये धागु न्यना । जि नकतिनि परदेशं थ्यंक वया अहो आश्चर्य काय्यात गुजोगु महा शंकष्ट अकाल मृत्यु भय वल घया दिवाकर महाजनं स्त्रीनं बिलापयाना धागु ख न्यना केहि धैर्य याना लें वपिगु खाः सोया बित्ति यात । । भो दाजु किजापि ! ज्यू थाय् तक उपकार यायगु मनुष्य पिनि कर्तव्य छः । प्राण दण्ड बोगु ज्या याय् त थौं हे याय् मागु कारण छाया । यदि मिसा स्याह्य जि पुत्र छः सानं गंभिरता पूर्वक न्याय याय्मा । मिसा स्याह्य मेह्य लुया वसा जि पुत्र यात सुरा बिया मोचन याय् धुकल अले छु न्याय् याय्गु ।

स्याह्य अपराधि यात माफि बिया, मस्याह्य यात दोसबिया स्याना छोय्गु थ्व न्याय्

खःला । मिसा स्याह्य जि काय् खः मखुः साछि दुः आकाश पृथ्वी गंगा अग्नि बायु चन्द्र
सूर्य तारा यमराज सत्य । सकसिनं अन्याय सोया चवने मज्युः जित साहिता बिया
बिज्याहुं त्रिरत्न शरण ।

दिवाकरं थथ्ये विलाप याना धागु न्यना प्रजा पिनि खः धयागु मतो तथा पासापि
मिलेजुया राजदरवारे वना बिन्ति यावन ।

भो महाराज ! सुवर्णवर्णकुमार यात लित हया हानं न्याय यासा प्रजापिनि मन
सन्तोष जुइ । म्येह्य अपराधि लुया बल धाःसा राजा तथा प्रजापिन्त कल्याण जुया थ्व
कुमार यातनं रक्षा जुइ । थुलि जिमिगु बिन्ति दु । थ्व कुमारं मिसा स्यागु खैः मखुः
विस्तारं निशाफ याना बिज्याहुं ।

प्रजापिसं थथ्ये बिन्ति धागु न्यना राजां मंत्री यात धाहुं धका चीका छोट । प्रजापि
हानं मंत्रीया थासे वना बिन्ति यात । भो मंत्रीजु ! क्षमा दुसा थ्व कुमार यात लित
हया विस्तारं न्याय यासा सकलया चित्त बुजे जुइ । लिपा अपराधि लुयाबल धाःसा
कुमार यात रक्षा जुया छलपोल यात धर्म रक्षा याइ । सकमिनं धाल थ्व कुमार थुजागु
अत्याचार याइ मखुः । थ्व कुमारया मां अबु पिसनं थथ्ये बिन्ति याना हल ।

थथ्ये प्रजापिगु बिन्ति न्यना अवमि प्रचण्ड मंत्रीजुं खै न्यंकल, छिपि सकलें अपराधि
कुमारया पक्ति लिना छुः धावयागु । मिसा स्याह्य अपराधि यात न्याय निशाफं सुरा
बोगु धका निश्चित याना ह्य् धुंका हान लित यंकेवले ध्यवा दुह्य साहु जुया आपालं लुंदां
घूस नया मखु यात मघाइला ।

थ्व को जुजुनं जिनं ध्यवाया ललाच दुपि मखु छुः धका हावयागु सुंक चवं ।
मंत्रीजुं थथ्ये धागु न्यना सकल त्राहि जुइका लिहां वना दिवाकर यात थ्व खै कन ।

न्यनामात्रं दिवाकरया निम्ह त्यपु अधेयं जुया फसं गोः तुइकूगु सिमाथ्ये पृथ्वीस
गोः तुला निम्हं मूर्छा जुल । अन चोपिमं लखं सेचन याना मूर्छा जूपि निम्हयातनं घेः
पुना खोवि बय्का धाल । भो महाजन पि ! धोर याना बिज्याहुं छुयाय् बिन्ति यानागु
खःसफल मजुल ।

थय्ये इष्ट मित्र पिसं धाःसानं धीर याय् मफया निम्ह त्पुनं विलाप यात, श्व देशे महारत्न जिकाय् फुत जिगु नुगचु लिकाल जि कलाया स्ये सों लिकाल । जिगु छे मत सित कुमारया शरीरे मखंक बज्ज मल जुत जि पुत्र सीन हा हा हे देव ! श्व देशे राजां मंत्रीजुं थय्ये छाया यागु थन देशे सत्य मन्त असत्य वल आः सुनां रक्षा याइगु धका खोया चवन । देश वासीपिनं खोया जुल ।

थुगु समये अन छहा दयालु उपाशक थयंक वया दिवाकरं बिलाप याना च्वंगु खना धीरया खोयां उपकार जुइमखुत जिनं छगु घाय् भक्ति याना लुमंका नाम का घाल ।

काश्यप तथागतं मुख्यम्ह शिष्य स्थविरानन्द महाभिक्षु यात मावव उपदेश बिया यः निर्वाण जुया बिज्याय् घुंकल ।

श्व भिक्षु दिव्य चक्षु, दिव्य श्रोत, पर चित्त ज्ञान, पूर्वनिवासानु स्मृति, ऋद्धिच (आकाश गमन) एवं पंचाभिज्ञ पद लाना परउपकारिम्ह खः । श्वसपोल. यात आरा घना यासा उपकार जुइफुः । थय्ये घास्येलि दिवाकर न्ह्यलं चाम्हथ्ये जुया लुमंकल । उपाशक यात प्रणाम याना, ह्लाःनिपां दिन्ति याना आकाशे थ सोया खोबि वय्का प्रार्थना यात ।

न्ह्यापा जुया वंपि आः जुया चोपि लिपा जूबिज्याइपि बुद्ध बोधिसत्त्व पित्त प्रणाम दुः । पुनः स्थविरानन्द महाभिक्षु यातनं नमस्कार याना । जित दारिद्र दुःख मदेका पुत्र रत्न दङ्गु उपदेश बिया लक्ष चैत्य ब्रत याका उपकार यात । थौं वहे पुत्र यात सुरा बिया प्राण मोचन याय्त हल ।

भो तथागत तुल्य अर्हत् स्थविरानन्द महाभिक्षु ! छलपोलं सुदृष्टि सोया जि पुत्र यात जीव रक्षा जुइका उद्धार याना बिज्याहुं । अत्याचारि गन सुला चोन सत्य वयना बिज्यासा थन सकलया मन सन्तोष जुया जिमिनं आनन्द जुया जि काय् यात रक्षा जुइ । एवं प्रकारं दिवाकरं बिलाप याना बिन्ति यात । । थुगु बखतस अर्हत्

स्थविरानन्द महाभिक्षुं दिव्यचक्षुं सोया सकभनं ध्यानं खंका बिज्यात । गनं मनुष्यपिनि
महाऐश्वर्यं, गुह्यसियां शंकष्ट । गुह्यसिनं पाप कुकर्मस पला तथा पाप याना ले: तापि ।
गुह्यसियां पापया भारि कुबिया फुं फुं मिका ह्लिला जूपि । गुलि नरके चोना खोया
चोपि, गुलि भिगु ज्या याना पर उपकारिपि । गुलि काम रागे भुलेजुया मद्यपान मांसाहार
हिंसा कर्मजक याना दुःखया गाले कुतुंबका जित कावा धका खोया चोपि । गुलि बुद्धि-
वन्तपिन्त उपहास याना अहंकार अभिमाने चोना जि छन्हु मृत्यु जुइतिनि धका मस्युपि
महामूर्ख जुया पर यात दुःख बिया पाप याना जुइपि । गुलि थुजापि मूर्खतेत बोध
याय्गुलि अलासि मच्चापि । गुलि भिगु ज्या याइपिन्त दोष बिया मभिगु ज्या याइपिन्त
सिलपा बिया ले: ताइपि । गुलि जहान पिन्त दुःख बिया थ: छहजक भि जुइगु बिचार
पि । गुलि परयातणं थ:तनं चितासुख मदेका जुइपि । गुलि सत्कर्मस नुग: स्याना
कुकर्मस घनफुका जुइपि । गुलि भिगुजक स्यंका मभिगु जक देका वयना पापस ले: ताया
जुइपि खंका हानं बैशाली नगरे ध्यान दृष्टि सोया बिज्यात । । दिवाकर महाजनया
निहत्त्यपु खोगु शब्द ताय्का छाये खोगु धका हानं बिचार याबले थमं भ्रथाय् बने नाप-
लाना गंभीर जानया गाथा खुपु स्यना तथाह्य शिष्य सुवर्णवर्ण कुमार यात बिना पराधे
सुरा बिया मोचन याय्त् लेंहयातगु खंका थ्व ज्या मंत्रीजुं मखुथ्ये पाप कर्म याइन जि
वना रक्षा याय् धका सुदृष्टि सोया स्थविरानन्द महाभिक्षु थ:गु ऋद्धि बल प्रकाश याना
पंछि बोया यय्थ्ये आकाश मार्गं वया बैशाली नगरे राजदरवाया फुसे थयंका थथ्ये
आज्ञा दय्कल ।

थन देशया राजायात भि जुइगु छगु शब्द जिनं न्यंकेत्यना स्थविरानन्द अर्हत्
भिक्षु जि ख: महाराज न्यना बिज्याहुं । १) बिबेक २) बिचार ३) धर्म ४) सत्य
५) करुणा ६) न्याय ७) नीति ८) बिद्या (परमार्थ ज्ञान) थुजागु च्याता गुणं
संयुक्तह्य मंत्री यासा देश राजा प्रजापिनि सदानं सुख जुइ ।

थुजागु च्याता गुण मदुह्य मंत्री यात धा:सा देश राजा प्रजापिनि सदानं दुःख जुइ ।
थन आ: छुया हाहाकार शब्द वया चवन । छपि राजां सोकेमागु ख: । बिना पराधे
सुवर्णवर्ण कुमार यात सुरा बिया मोचन याय्त्थन अन थासे वना सो बिज्याहुं मिसा

स्याह्य अपराधि श्व कुमार मखुः । थमं बिचार मयास्ये मंत्रीयागु बुद्धिजक सकार याना
चोनेगु योग्यमजुः राजा जुयागु व्यर्थं जुया देशे उपद्रव जुइ । बिस्तार याय् मजिल थासे
थ्यन जि वने त्यना न्याय थमं याय्माल याकनं महाराज अन थ्यंक बिज्याहुँ ।

थुगु प्रकारं धागु खे न्यना राजा कसि चोना थःसोया प्रणाम यात । स्थबिरानन्द
महाभिक्षु थासे बिज्यात सकसिनं सोया प्रणाम याना चोन ।

राजाया मती च्वन गुबले स्वय् मनंनि बोया वइह्य भिक्षु श्व अहंत् धन्य खः श्वं
धाःगु खे सत्य खः धका चिन्तना याना हतासनं सलगया शमशाने थ्यंक वन । राजा वगु
खना मंत्रीनं राजा नापं चोन । । राजां सकभनं सोबले मिसा मिजं मनुत कोलाह
शब्दं हाला सोवपि आपालं खना बिचार यानाचोन । काशी सुन्दरी मिसायात खाताय्
तया स्वाः उला तुयूगु, वचुगु, ह्यासुगु, ह्यांगु, वांगु न्याता रंगया कापतं तोपुया श्वया माँ
वानु किजा फुकीत इष्ट मित्र धापि खोया ल्युल्यु वया सिथंहेथ्ये हया अन शमशाने
थ्यंकेहल ।

मंत्री घाल- मिसा स्याह्य अपराधि श्व सुवर्णवर्ण कुमार यात ह्लापालाक सुराबिया
मोचन याय् घुस्येलि लिक्का श्व मिसानापं तया उना छोय्गु धया भूमोस सुरातिया
थिकयात । सुरा खना कुमारं माँ अबु लुमंका खोया थथ्ये घाल ।

हाहा हे त्रिरत्न ! आः जिगु जीव रक्षा जुइ मखुत जि अबु परदेशे वंह्य मथ्यंनि
जिमाँया छु गति जिनापनं बियोग जुइगु जुल । जि सित धेगु जिमाँनं न्यनीबले गुजागु
तालं बिलाप याइगु जुइ । भतोचा मखनीबले जि रत्न याक काय् धका प्रीतियाना जिगु
स्वाः स्वया छ गन वना वया घाइह्य माँ खः जि सितकि जिमाँनं धीरयाय् फइमखु मूर्छा
जुइका सिना वनि । अबु छे वइबले काय् नं कलानं भदइबले अबुनं मूर्छा जुया सिनावनि ।

थुलि माँ अबु लुमंका शोक याय् घुस्येलि वाकूछिना धैर्ययात थुजागु शंकष्ट
सोइतनं मजुइमा जि सिना वंसानं जि माँ अबु अकालं मृत्यु मजुइमा धका आशिका याना
खोबि बय्काचोन । । चाण्डालपि प्यह्यसिया ह्लाः खाका जिमाय् ह्याः छं या

घका हाला चोन । मंत्री सकलयात न्यंका घोषणायात, मिसा स्याह्य जुया श्व कुमारयात सुराबिया मोचन याय्गु जुल । सीह्य मिसा नापं उना छोइगु खः सुयानं छुं बिषाव याय् म्वाल ।

थुलि धया चाण्डालपिन्त घाल- छाया बिस्तार यानागु याकनं श्वंत सुरास तथा ज्याया छिमित सिलपा बी, खंसन्यनकि सास्तिनय् माली यथ्ये धागु न्यना ग्याका सुनानं छुं धाय् मछा राजानं फुले जुया च्वन ।

राजा मंत्री तथा चाण्डालपिगु धंग खना कुमारं बिचार यात । आः जिगु जीब रक्षा जुइगु ले मन्त गुलि सन्ताप याना च्वने । याकनं थुगु लोक तोता मोक्ष वनेगु बिचार याय् यथ्ये मतीतया ग्यागुलि शरीर कंप जुइका फुसुका तथा खोबि वय्का तस्सकं बिषाद जुइका च्वन । । दुर्लभ मनुष्य जन्म कया सद्धर्म चर्ये चोनेगु इच्छा व्यर्थ जुल । हानं षट्गति चक्रे चाहला दुःख भोगयाय् म्वाक रक्षायाना बिज्याइह्य काश्यप तथागत निर्वाण जुइ धुंकल आः स्वंगु नाम कासा कल्याण जुइ यथ्ये बिचार याना थःत गाथा स्यना उपदेश ब्यूह्य अर्हत स्थविरानन्द महाभिक्षु लुमंकल । ह्लाः लिउने तथा चिना तसानं मनं बिन्तियाना खोबि वगु मिखा तिसिना थः सोया प्रार्थना यात ।

भो महागुरु आयं स्थविरानन्द ! छपि छह्यसिनं छुं अपराध मदुह्य जित रक्षायाइगु आशा याना । जित सुरा बिया स्याय्त्पन सुदृष्टि सोया बिज्याहुं । जि अकालं सीन थुगु भय तरे याइह्य छपि छह्यजक दु । अनाथया नाथ, छपिसं बिषया गाले कुतुंबना च्वनाह्य जित बिष शोधन याना अमृत जुइका रक्षा याना बिज्याहुं ।

यथ्ये कुमारं प्रार्थना यागु ताय्का सन्ध्याइले नमोग्वागुथ्ये सकमनं रश्मि खय्का कुमारं जक ताइगु निर्घोष (शब्द) श्व भिक्षुं धया हइ बिज्यात ।

हे कुमार ! जि थन दु छ ग्याय्मते सुंकचों । कालसर्प तुल्यह्य मंत्री छन्त स्याय्त्पन श्व बिष जिनं लिफया म्वाके । छन्त अकाल मृत्यु राजभय मंत्रीभय मरेकेगु ज्याभ ज्वना वषा चोनागु दु । सीत्यंहायात अमृत वासलं म्वाकेगु उपाय जिके दु ।

अज्ञानयात ज्ञान चक्षु जुइगु अजलं उयेका बिये । क्रोध अग्नि दाह जुयाचोंहयात
प्रज्ञा ज्ञानया फसंकेका शीतल याना बिये । पुण्यया पुसापिना सुख जुइगु फल सेका बिये ।
ऋद्धि (पराक्रम) या द्वंगास तथा संसार समुद्रं पार याय् त्यता । छुं धन्दाकाय् म्वाः यथ्ये
धया हगु शब्द न्यना कुमार सोधुंकुहा हानं म्वाना वह्मथ्ये जुइका आनन्द मन
याना च्वन ।

थुगु इले प्रचण्ड मंत्री हताय् चाया चाण्डाल पित्त घाल- याकनं थ्व कुमारयात
सुरास ति धयागु खें मिचेयाना सुंक चोना च्वन मयात धाःसा छिमिगु परिवार समेतया
जीवरक्षा जुइ मखुः । मंत्रीया मनुतेसनं थथ्ये हे धया च्वेकल ।

थुजागु भयंकर बचन न्यना त्राहि जुइका चिनातयागु ल्लाः फेता मंमदुसानं थ्व
महापुरुष सुवर्णवर्ण कुमार बोधिसत्त्वयात चाण्डालपिसं बुयायंका सुरास तथा बिल ।

थुगु समये देवतापि आकाशं वया मखंक चोना मखुथ्ये ज्या यात धका कोलाह शब्दं
हालाहस । अन सोयाचोंपि मनुत सकसिनं हाहाकारं हाल लापाथाना खोया हगु शब्द
जक वल । काय्यात सुरास तल धाःगु न्यना दिवाकरया निह्यत्यपु भूमीस गोःतुला
मूर्छा जुल ।

थुगु बखतस स्यबिरानन्द महाभिक्षुं गथ्ये धयागु खः अथ्ये हे थःगु ऋद्धिया प्रभावं
सुरास पंचरश्मि खेका सुरा मखेका दलछि हःदुगु लुंया पलेस्वां याना बिल । स्वयानं याद
मदु सकलया कुमार सित हा हा हे दैव धका हाला खोयाचोंपि ।

राजा मंत्री राजपुरुषपिनिनं सितला म्वानिला धंगु मतीतया सोयाचोन । कुमार
पलेस्वांया छोने पंचरश्मि खेका त्रिरत्न नामकया आनन्दं छनाचोन ।

थुजागु इले सकसिनं ताय्क स्थबिरानन्द महाभिक्षुं सिंहनाद याना आज्ञादेका
हल । हे वत्स कुमार तथा सकसिनं एकाचित्तं न्यं । संम्यक्संबुद्ध धंहा देव मनुष्य दैत्यपि
सकलया परमगुरु खः ।

संसारे प्राणिपिसं नानाप्रकार पापकर्म याइगु समये सद्धर्मज्ञान कना उद्धार पोय्त

तःप्वागुमत समान जुया विज्याइह्य बुद्ध लिवा बिश्वे जन्मका बिज्याइ । सीकि गंभीर
ज्ञानया सुमेरु स्वरूप महाकारुणीक मैत्रीबल दशवल षडभिज्ञ धर्मराज समन्तभद्र
भगवान् तथागत धाय्का बिज्यापि सत्ययुगे बिपश्चि शिखिदि निह्य बुद्ध खः । त्रेतायुगे
विश्वभू क्रकूछन्द निह्य बुद्ध खः । द्वापर युगे कनकमुनि काश्यप बुद्ध निह्य खः ।

थ्व खुह्य मध्ये काश्यप बुद्धनं निर्वाण प्राप्तयाना बिज्यात । थ्वसपोलया छह्य
शिष्य जि स्थविरानन्द धयाह्य भिक्षु खः । मारया बलयात छिन्न भिन्न याना बिज्यापि
बुद्धपिगु ज्ञान जिनं छकूचा लाना तयागुलि पाप दक्क नष्ट जुया अर्हत् भिक्षु धाय्का थन
करुणया तेजंवेका कुमारयात रक्षा यावया । थथ्ये उादेश ब्यूगु न्यना सकलें खोगु विना
सुंक चोन ।

थुगु समये पलेस्वाने गोःतुला चोंह्य कुमारया शरीर निर्मल जुया अज्ञान मिथ्यादृष्टि
क्लेश व्याधि रागादि दोषदक्क बज्रं छेद याय्थ्ये तुग्गन्त मदया वन । पुण्यया कुशां कुया
चोंह्य तुल्यजुया बज्र शरीर जुया तेज प्रकाश जुल ।

थ्व कुमार अकाल मृत्पु भयं तरेजुया बुढाम्ह त्याय्म्ह जूथ्ये रत्नाकर वना रत्न
लाभयाम्हथ्ये, शत्रुपिन्त संग्रामं त्याका चक्रवर्ति जूम्हथ्ये, महाहर्षमान जुइका च्वंम्हसिगु
यासेवना ख्वाः स्वया थ्व महाभिक्षुं थथ्ये धैबिज्यात ।

हे कुमार ! अकस्मात् छन्त छु जुल- थथ्ये धास्येलि कुमार बुलुहुं दना ववहांवया
थ्व महाभिक्षुयात स्वचा चाहला पुलिचुया ब्रित्तियाना स्तोत्र यात ।

मूल

नमस्ते स्थविरानन्द नमस्ते स्थविरोत्तम ।

नमस्ते जिनपुत्राणां केतु भूत महामुने । १ ।

अहो ते करुणास्फोता अहो कारुण्य मुत्तमः ।

महतः शंकटा दस्मा छेनाहं परिमोचितः । २ ।

लोकनाथ इतिख्याते शब्दस्ते बिसृतो भुवि ।

भयार्तादय नाथोऽहं त्वया नाथेन मोक्षितः । ३ ।

दुःख धर्माणि संतप्तं लोकं ह्लादयतु भवान् ।

मैत्री कारुण्य शीतांशु रुदितो मुनि चन्द्रमा । ४ ।

तत्कृतं न च मेमाता न पिता न च बान्धवाः ।

कल्याण मित्र मागम्य त्वा महं यद वाप्नुयात् । ५ ।

पिहिता दुर्गतिः सर्वा मोक्षद्वार मया वृते ।

सोषिताः सागराः सर्वं लंघिता अपि पर्वताः । ६ ।

संसार आदि मध्यान्त संक्लेश भयसंकुलः ।

धियाम मे जगुणितः पर्यंके स्थापित स्त्वया । ७ ।

अनादिकाल संलग्नो दृष्टिसत्पु सम वृताः ।

भिषग्वर मिह प्राप्य सुखजातोऽस्मि निज्वरः । ८ । इति ।

अर्थ

ओ स्यविरानन्द ! ओ स्थविर मध्ये उत्तम जुया विज्याम्ह छपिन्त नमस्कार ।
तथागतपिनि पुत्रपि बोधिसत्त्वपिगु कृपाया कुशा समानम्ह, ओ मुने ! छपिन्त
नमस्कार । १ ।

अहो धन्य छपिगु करुणाया तेजं सकम्भनं खल । अहो धन्य उत्तमगु महाकरुणा
दुम्ह छपि खः । आपालं शकष्ट जुया च्वंगु ख्व अकाल मृत्युया भय खः जिगु दुःख फुका
विज्यात । २ ।

लोक नाथ त्रयागु नाम छपि खः पृथ्वीस युगु लोक नाथ शब्द सकम्भनं प्रचार
जुल । अकालं सोमागु महाभयं पीडाजुया च्वम्ह जि अनाथयात लोक नाथजुया छपिसं
रक्षायाना विज्यात । ३ ।

दुःखयागु गाले कुतुबना मिपुना च्वम्ह जित ज्वना थकया रक्षायाम्ह छपि खः ।
दाहजुया खोया च्वनाम्ह जिखना मैत्रीयागु बल करुणाया शीतलगु चन्द्रमा समान जुया
तेजं सेका मुनि समानजुया जित रक्षायत । ४ ।

मां अबु दाजु किजा इष्टमित्रादिपिगु भरोसा सुनं मदुम्ह अनाथ जित कल्याण मित्र
जुया थन बिज्याना करुणाया मिखांस्वया बिज्याम्ह छपि नापं चवनेगु समय जित
प्राप्त जुल । ५ ।

मभिगु गति फुक मदय्का भिगु गति (मोक्ष) या लुखाचाय्किम्ह छपिख । लः
मदुगु पुना च्वंगु फिया नदी बःकाय्गुनं गनं छुं मदुगु पवंत इत्यादि फुकं लंघनायाना
आनन्द जूम्ह तुल्य जुइका जित सुखयाना बिज्यात । ६ ।

हानं ह्लापा लिपा आःनं संसारे आपालं दुःख जुइगु भय त्रास दक्क लिकयानं
वांछोया जित करुणातल जि आः महासुखी जुल प्रभू छपि धन्य ज्यामछिगु थासे बांलाक
ज्याच्छिक पर्यंकासन याना चवनेगुथ्ये जित छपिसं तथा बिज्यात । ७ ।

उबले थुबले धाय्मफुगु अकस्मात् जूवइगु बज्रमलनं कइथ्ये अकाल मृत्यु कुदृष्टिया
वाणं कया चेतना मदुम्ह जित महाबैद्यराज जुया छपि थन थ्यंक वया सीत्यंम्हयात म्वाइगु
अमृत वास तोंका म्वाका बिज्यात । आः जित सुख प्राप्त जुया सन्निपात ज्वरं तोतूम्ह
तुल्य निरोगी जुल । ८ ।

हानं थथ्ये प्रार्थना यात । भो गुरु ! छपिसं रक्षा मयासा जि अकालं सोधुंकल
थुगु भयं तरेजुल थ्व छपिगु कृपा खः । जि सिनावंगु जूसा ह्लापालाक जिमानं प्राण त्याग
याइ । हानं जि अबुनं बचेजुइ मखु । आः तिनि जिमां अबुपिनि शोकहरण जुइ अवश्य ।

करुणाधारि छपि थन बिज्याना बुद्धया ऋद्धि क्यना बिज्यागुलिं सकलयानं थन
शोकं कया हाहाकार शब्द भय मदया आनन्द चित्त जुइकल । गुलिं सत् ज्ञानिपि बुद्धचर्य
अति गंभीर खः छीपिनं बुद्धचर्ये चवनेगु जुल धया हताय् चाया च्वंपि दइ । बथ्ये जिनं
बुद्धचर्ये चवनेगु हताय् चाल ।

थुगु इले आकाशवाणीं देवतापिसं मंगल बाजा थाना सुगन्ध धूपथना हःगु बायुः
बहन जुया बल । छत्र ध्वज पताक किंकिनी जाल स्वां स्वांमाला वृष्टि जुया अकस्मात्
योग्यगु आसन उत्पन्न जुया थुकी च्वना बिज्याहुँ धैगु शब्दोच्चारण आकाशवाणी जुल ।

थुगु शब्द न्यना उगु स्थाने च्वंपि सकलें आपालं लेः ताया आकाशे थःस्वया बिन्ति याना प्रणाम यात । स्थविरानन्द भिक्षुयात आसने बिज्याका बिन्तियात । उगु थासे अट् भूतगु तालं थय्ये मंगल जुल । सुवर्णवर्ण कुमार शरत् ऋतु (कार्तिक मंसिर मास) या पुह्ली बलेथ्ये चन्द्रमायागु तेज प्रकाश जुइगुथ्ये शीतलगु तेजं युक्तजुया प्रकाशमान् जुया च्वन ।


सुरातिया तगुनं तःफोगु पलेस्वां जुया न्ह्योने चन्द्रमण्डल खनेदया बांलाना च्वंगुनं खना अन च्वंपि सकलें धन्य गुजोगु रक्षाकारो जुयावल धका जय शब्दोच्चारण याना लेःताया च्वन ।

थुगु समये उगु बढतयाह्य राजा अजात शत्रु थःगु आश्रमं दनावना स्थविरानन्द महाभिक्षुया पालिस भोःपुया बिन्तियात । भो महास्थविर गुरु ! जिगु अपराध क्षमा, तर जिनं सुवर्णवर्ण कुमारयात सुरास तथा प्राणदण्ड बियेम्बानि आस्ये धया हयागु खः तथापि याइ धका जिहे वया सोवया ।

छलपोल बिज्याना अद्भुतगु चरित्र करुणाया पराक्रम वयना थ्व कुमारया रक्षा याना बिज्यात । थ्व अहो धन्य, तःधंगु भाग्य खः । जिनं आः भगवान् बुद्धया शरणे च्वना ज्यायाय्गुलि छपिगु ल्युल्यु वय्गु जुल धया बिन्तियाना चोन । प्रचण्ड मंत्री छम्हसिया खाः खिउका क्वछुना मने आकुल जुइका छुयाय् गुगुयाय् जुइका धन्दा कया च्वन ।

उगु इले सुवर्णवर्ण कुमारयात घेःपुना प्रीतिभावं खाः त्वाका थः नापं फेतुका थय्ये घाल । हे कुमार ! थ्व ज्यायाकाम्ह जिमखु जित क्षमाया- छ थन सीत्यंम्ह स्थविरानन्द गुरुया कृपां बचेजुल वय्कयात प्रशंसा याना साध्यमजू वसपोल गुरु यात जिनं सहस्र प्रणाम दु ।

सुरा पलेस्वां जुया च्वंगुलि छोने आनन्दं गोःतुला च्वंम्ह यात जिनं घेःपुना क्वय् तथागु तुल्य जुल । जिगु दोष दुसानं माफि फोने । चन्द्र, सूर्य, पृथ्वी, नदी, बायु, अग्नि, यमराज, चित्रगुप्तपि साछि दु । छथ्येजाम्ह महापुरुष सत्यधारियात बिना अपराधे फुके



सुवर्णवर्णकृमानयागमिहासालधका प्रचक्षुमंथीरुं सजा सगिया
 माननयायगृधका कायानाभ्रभनयंका सजाव्यवलसुवर्णवर्ण
 कृमानयागृधस्थविजानन्दतिरुयागृधस्मिंस्वगृधिसजापल
 लांशया कृमानवचकललिपा भिस्यासालमंथीरुयाकुरुं मंथीयाग
 सायत्पने मारुयागृधिव —

त्यन । श्व कुकर्तव्य ज्या याह्य अपराधि छ मखु धका जिनं सीकेधुन ।

धर्मयात बिरोध याना बिषनया म्वाय्गु इच्छायाह्य पापियागु ज्या खः । छन्त

मिसा स्याह्य धका निसाभ याना स्याकेहःह्य सुखः जित बिस्तार मयास्येधा । राजां थथ्ये
धाःगु न्यना सुवर्णवर्ण कुमारं मनं चिन्तना यात, राजा धयाह्य उग्र स्वभाव निख्येसनं
धादुगु चुपिथ्ये न धाय्गु न मधाय्गु । आः थथ्ये थुह्य प्रचण्ड मंत्रीनं जित स्याके हःगु खः
धका कनेवं मंत्री यातहे स्याय्गु ज्या याय्फुः । मकने धाःसानं मजिल धका थथ्ये
बिन्तियात ।

भो महाराज ! जित थौं थुगु ज्या जूगु स्वैगुनं दोष मखुः जिगु पूर्व जन्मया दोषं
जुल । स्वैतनं पा :मयाना थमं ह्लापा याना वयागु पाप शत्रु ल्यु ल्यु वया थुजागु सासना
बिल । गथ्येजा न्यानागु ध्यबा बाकिगु साहु पुलेथ्ये जिनं पुलेधुन जिगु भावी कर्म दोष
खः । कुमारं थथ्ये बिन्तियागु न्यना राजा सन्तोष मजु ।

थुगु समये स्थबिरानन्द भिक्षुं आज्ञाजुल । हे सुवर्णवर्ण कुमार ! छं छुं धन्वा
काय्म्वाः । खातास तयाह्य काशी सुन्दरी मिसाया थासेवना फुसे च्वना थथ्ये चिन्तना
या । श्व मिसा कालसर्पं न्यागुलिं बिषं दाहजुया अचेतजुया च्वंगु मात्र खः भापायाना ।
सत्य धैह्यदु खःसा जिनं सत्याधिष्ठान याय्त्यना, श्व मिसा म्वानावड खँ फुकं वंहे धाइ ।
थनचर्बिं राजा मंत्री सकल लोकिपिनं चित्त सन्तोष जुइ ।

थुगु गुरुया अमृत बचन न्यना तथाऽस्तु धया मिसा थ्यनातगु खाता स्वचा चाहुला
आकाशे थःस्वया ह्लापा आः जुयाचर्बिं लिपा जूवइपिं तथागत एवं त्रिरत्न गुरुपिन्त
प्रणामयाना सुवर्णवर्ण कुमारं मिखातोसिना ह्लाः बिन्तियाना थथ्ये सत्याधिष्ठान
याना धाल ।

हे सत्य ! नमस्कार- छपि न्ह्योवसा न्ह्यलं चाय्कि, न्ह्योमवसा जिगु बिन्ति
न्यना सत्य प्रकटजुया वयनेमा । जिनं श्व काशी सुन्दरी मिसायाके मनवंका किंचित्
मात्र पापचित्तं काम क्रोडाया इच्छायाना ह्लिला नोंतुया एकान्ते शरीर थियागु मडु ।
राग, द्वेष, मोह, माया, तृष्ण, क्रोध, अभिमान, भहंकार, ममता, स्यखि, घमण्डी श्व

मिश्रादृष्टिभावं सूखंबुद्धिं जुया बोबिया ह्लाःतुति अथवा म्येगु छुं शस्त्रं प्रहार याना ह्यय्यिया सास्तियाना स्यानागुनं मदु । श्वयात छुं धन द्रव्य बस्त्र तिसा इत्यादिनं गुबले बियागु मदु अथवा कयागुनं मदु । श्व मिसाया च्वनीगु थासे छेगनं वना नाप लानागुनं मदु - श्वंत जिगु छे वा घयागु मदु ।

थुलि जिगु सत्य वचन खःसा श्व मिसा बिषशान्ति जुगुथ्ये तत्कारणं न्हापाथे सजीव जुया दना वय् माल । श्व मिसा म्वाना मवल धाःसा जिनं निश्रययाना जि असत्य जुया म्वाना च्वनेगु व्यर्थजुइ जि थनसं सिना वनेत्यना । थन सत्य दुला मदुला-- घया सुवर्णवर्ण कुमारं थुगु प्रकारं सत्य अधिष्ठान यात ।

थुगु समये सत्यया प्रभाव प्रकटजुया श्व काशी सुन्दरी मिसाया पिहांवंह्य प्राण बायु शरीरे प्रवेशजुया तीजक ह्लाःतुति सना शरीर शीतल जुइका हास्त्रिका तथा न्ह्योवह्य न्ह्यलंचागु समानं मिखाकना दना सकभनं स्वत ।

उगुइले अनच्चपिं सकसिनं पालाक हाहाकारं हाला लापाथाना धन्य सत्यधारि सुवर्णवर्ण कुमार महापुरुष खः । जय २ जुइमा घया आपालं हर्ष व उत्सुक जुइका स्वया-च्वन । कुमारया सत्यप्रभावं सीधूंकूह्य मिसानं म्वानावल अहो धन्य अहो भाग्य अहो सत्य थका जयशब्द उच्चारण यात ।

उगु बखते काशी सुन्दरी मिसाया आश्चर्य जुइका जित थन छाय् हगु थन छु जुल आपालं मनुष्य छाय् वयाच्चंगु । थन शमशाने भिक्षुछह्य सिंहासने च्वना म्येपिं भिक्षुगण पिसं चाहुइका च्वन । पुह्लीखुन्हु बहनो चन्द्रमायात आकाशे शोभायमान जुइक तारागणं चाहलीथ्ये थन शोभादया च्वंगु खना मन आनन्द जुइकल ।

हानं राजा प्रचण्ड मंत्री सुवर्णवर्ण कुमार यःमां दाजुपिं फुकीतनं खन । थःत खातास तथा पंचरंगीयागु पात बस्त्रं मुना खातास् तथाहगुनं सीका मनं घाल । अहो श्व छु घयागु जित स्वत्नजकं जुलला मुनानं माया जाल चतकजकं याना क्यंगुला थथ्ये चिन्तनायाना उष्ये षुष्ये सकभनं स्वया गरुष्येस्ये च्वंका च्वन ।

थुगु इले मांहस्ये थथ्ये घाल-- हे पुत्री काशी सुन्दरी ! छं मनस आश्रयचाय्
म्वाल । छ सीधुंकूह्ण खः छन्त थुगु खाताय् तथा पात वस्त्रं तोःपुया यन शमशाने दाह
याय्त हयागु खः ।

आः स्थविरानन्द भिक्षु गुरु बिज्याना छ सीह्ण म्वाका उद्धार याय्त ह्यापां सुवर्ण-
वर्ण कुमारयात उद्धार याना खँ स्यना सत्य अधिष्ठान याकूगु प्रभावं मृत्यु जुइधुंकूह्ण
छन्त म्वाकल थुगु ज्याखँ जूगुया कारण फुकं छं हे स्युः इत्यादि घटना जूगु खँ फुकं कना
सुवर्णवर्ण कुमार सुराय्तगु पलेस्त्रां जुया रक्षाजूगु छनं हानं म्वानावगु वसपोल भिक्षु गुरु
स्थविरानन्दया ऋद्धि प्रभावं खः । थथ्ये बन्धुबर्गपि मुंकावह्ण मांहसिनं धागु खँ न्यना
थ्व मिसा खातां क्वांवया स्थविरानन्द भिक्षुया थासेवया स्वचा चाहुला पालि भोःपुया
बिन्तियात । छुं भतीचा लिपा थ्व मिसाया क्यबेजूगु घटनाया ज्याखँ फुकं लुमंस्ये वय्का
थथ्ये प्रार्थनायात ।

धिकार मिसा जातोजूया मिजंतय्सं अनेकतालं सास्तियाका च्वनेगुनं पापहे खः ।
अन्यापं परयात सास्तियाना दुःखबीपि मिजंतनं धिकार खः । न्याय नीति बिबेक बिचार
धर्म मदुह्ण राजा मंत्रीनं धिकार । मचाबले अर्थात् काय् म्हाय्पिन्त विद्या व ज्या स्यना
मतपि मां अबुपिनं धिकार । संसारे मनुष्यजुया जन्मकया विद्या ज्ञान बुद्धि इलम मदेय्का
मसय्का च्वनेगुनं धिकार । गृहस्थजुया धन जन थःगु कुलया आचारण छुं मसेय्का
मदय्का च्वनेगुनं धिकार खः ।

थुलि धया थःत भुनाहगु पंचरंगीया पात बस्त्र ज्वना स्थविरानन्द भिक्षु गुरुयात
द्वहलपे धुंका भोःगुरु ! छलपोलया गुण प्रशंसा याय्गु जिनं समर्थ मदु । यन जिके छुं
मदु थ्व बस्त्र छगु चधेयाना प्रशन्नजुया बिज्याहुं धया प्रणामयात । उगु इले थ्व स्त्रीयाके
बोधिचित्त उत्पत्ति जुल ।

हानं आकाशे थःस्वया ह्लाः बिन्तियाना प्रणिधान यात । जिनं थुगु बस्त्र चढे-
यानागु प्रभावं सकल बुद्ध बोधिसत्त्वपि प्रशन्न जुइमा ।

हानं श्रावक गणया जि सिंह जुइ फय्मा । श्रावक गणया गुरुजुया पलेस्त्रांय् सुगन्ध

निर्मल चित्तम्ह सारथि जुइफ्यमा । श्रावक गणया माळितुत्यजूया बुद्धचर्यया ज्या लाभ
जुइका ज्ञान गुणं पूर्णम्ह जुइ फ्यमा । श्रावक गणया महाजन धाय्का चन्द्र सूर्यथ्ये
प्रकाशमान जुया चिन्तामणि सिमाथ्ये जुइफ्यमा श्रावक गणमध्ये ऋद्धि पराक्रम
व्यनेफुम्ह जुइफ्यमा यका प्रणिधान यात ।

थुगु बेलास अजात शत्रु राजां आज्ञाजुल, हे काशी सुन्दरी वयहेंमेजु ! छन्त स्याम्ह
सुखः छुयाना स्यात छं छुयाना छु धया । थुगु इले सुवर्णवर्ण कुमारं न्ह्योनेवना धाल ।
हे भगिनो, काशी सुन्दरी ! राजां आज्ञाजूगु खँ थिकजुः सत्यतायाना धाः छन्त सुनां थुगु
अकर्तव्य पागु खः बिस्तार मयास्ये याकनं धाः ग्याय्मते ।

थथ्ये निहासिगु खँ न्यना थ्व मिसां सत्यबाचा याना बित्तियात । भो महाराज !
भो सुवर्णवर्ण कुमार ! जि थ्व सुवर्णवर्ण कुमार धाहासिगु वयबेछक वनाबले जिगु थासे
छाय् मवयागु धया वयबया कुनेच्चंगु ऋालं पिहाँवया जित सँज्वना लुतुलुया चतावाना दाया
तुतिप्यंका कसायाना जिनं छं धाय्मफुस्येलि जिगु प्राणकाम्ह थनहे दु- हँ प्रचण्ड मंत्री खः
धया पतिचां वयन ।

थथ्ये घयावयने मात्रं मंत्री ववछुना ह्य खाकाच्चन । राजां धँबिज्यात - अरे मंत्रीजु !
छु खः थमं कुकर्तव्ययाना परयात पाःयाना मिसा स्याह्य धका सुराबिया स्याय्त थिव-
यात । याय्लासा छु गति जुइगु धया मंत्रीयात ह्लाः निपां लिउनेतया चित । राजां तँ पिकया
धँबिज्यात, छ कुबुद्धि अत्याचारि पापि दुष्ट धका सिल- छन्त छुयाय्गु धाःसा- छहे आः
निसाफ याथ्ये मिसा स्याह्य छ खः सुरासतया स्याय्गु जुल धया म्येगु सुरा थिकयाना
चाण्डालपिन्त सःतो बिस्तार याय्म्वाल थ्वइत सुराब्युः धया बिज्यात । थथ्ये
घागु राजाया वचन शिरोपर याना, चाण्डालपि जक मखु अनच्चंवि सकलें लेःताया प्रचण्ड
धाःगु नामयात लोगु कुबुद्धि ग्यानापुसे च्वंहा मंत्री खः धया गुलिसिनं ककु ज्वना ववछुकल,
गुलिसिनं चाण्डालह्य मंत्री छंगु बुद्धि धिकार धया बोबियाहल । गुलिसिनं फुःकनं
बियाहल । गुलिसिनं पातापुतुनं दाल । गुलिसिनं राजां धँबिज्याथ्ये याकनं ज्या याय्माल
धया लापायाना लाय्बोयाहल । चाण्डाल धापिनं लेःतागुलि जि स्याये, जि जँ
ज्वना सुरास तये धया बोहले ह्लाःतया तिगा न्ह्या न्यासिचापि ।

गुलि सज्जनपिसं धयाहल- सुरा पलेस्वांजुया रक्षाजुगु कारण थ्व सुवर्णवर्ण कुमार सत्यधारि महापुरुष बाधिसत्व जुया खः । गुलिसिनं थथ्ये धया न्यंकल- गुह्यजा सीधुंकूह्य मिसा- सत्यधारि कुमार सत्याधिष्ठान याकुगु प्रभावं म्वाना सत्यबचन प्रकट जुल आः थन सकलें सन्तोषजुया मन आनन्द जुल । गुलि मनुतस्ये बिशब्द हाहाकारं हाला सीधुंकूह्य मिसा म्वानावया सत्यबचनं धयाक्थन थ्व अहो सत्यवाचा अहो धन्यखः । थ्व मिसा म्वाना थुलि नोःमवागुजूसा गुलि मनुतय्त थनजक मखुः सकभनं मनस ब्याकुल जुइगु ।

सकसिनं ताय्क धयाहल थ्व मंत्रीजा महापापि चाण्डाल खनि थमं अकर्तव्य याना म्येपिन्त पाःयाना स्याय्त ग्वसायात, उकीसनं थुगु बेशाली नगरे महारत्न जुयाच्चंह्य पुरुषयात मोचन याय्त सन थ्व मंत्रीयात लाफपिया सासना याय् योग्यजुः । भो महाराज ! बिबेकयाना बिज्याहुँ थथ्ये सकसिनं कोलाह शब्दयाना बिनित्यात ।

थुगु अबस्थाय् स्थबिरानन्द महायान भिक्षु गुरूं सुवर्णवर्ण कुमार बोधिसत्वयात सोया आज्ञाजुल । हे सत्ज्ञानि शिष्य ! छ योग्यह्य महायुरुष खः । थन छु याय् माल-सोकि, जिगु छगु खँ न्यो । भिगु महाकरुणा शान्तियागु ज्या या- जिनं सोया लिहांवने ।

थथ्ये धैबिज्यागु न्यना सुवर्णवर्ण कुमारं बोधिज्ञान मैत्रोचित्त लुमंका करुणाया मिखांसोया राजाया न्ह्योनेवना थथ्ये बिनित्यात ।

भो महाराज ! जिनं छगु बिनित्याये, छलपोल ज्ञानि महाराज खः राजनीति बिचार याय्मागु नं खः । तथापि सहयाना बिज्याहुँ थ्व देशे उपद्रवया ज्या जुल खः । तर भगवान् बुद्ध धाइ गुजाह्ययात भगवान् बुद्ध धाय्गु । कोसं सीके बहगु परम कर्तव्य खः । दसपोल भादि बुद्ध स्वयंभू दीपंकरादि तथागतपिगु बुद्धचर्यया ज्या याना बिज्याह्य स्थबिरानन्द महाभिक्षु थन बिज्यानाच्चंगु कृपा व गुणयागु सुदृष्टि खगुलि थो थन देशे उपद्रव जूवगु जुइमलात । मृत्यु जुइधुंकूह्य म्वानाहे वल । गथ्येजा पापयागु अग्नि दाह जुया छोयाच्चंगुलि पुण्यरूपि जलवृष्टिजुया मि सिनावन । थ्व भिसायात अन्याय अकर्तव्य याह्य प्रचण्ड मंत्री खः धका सकसिनं सिल थ्व अन्याययागु ज्याखँ त्रैलोक्य भुवने प्रकाश जुइ । सुराय्तह्य

जिनं सुरा पलेस्वांजुया म्वात । सीधुकूह्य मिसान म्वाया सत्य प्रकट जुल ।

आः हानं थ्व प्रचण्ड मंत्रीयात सुराप्तया स्याय्मागु कारण मदु । थ्व मंत्री छह्य पापि दुष्ट चाण्डाल जुल धाय्वंहे म्येपिनं पापि जुइमज्यु जुइनं मखुः थ्व मंत्री महामूर्ख जुल खः । अथ्ये जूसानं कोप शान्तयाना क्षमातया माफ याना बिज्याहुं ।

थ्वइत जिनं ह्लापा छुं दुःख बिया ब्यइजत् याना ह्लिछितक दुःख बिया वयागु कर्मभोग दतखैः । थुकोयागु दोषं जित थौं प्राणदण्ड सझाइ बिया वयागु ब्यइजत् यात जिनं सहयाय् धुन । न्हापायागु कर्मभोग खःसा जिनं भोगयाय् धुन- मखुसा थुगु भोग बंहे लिपायाइ । न्ह्यागुहे जूसानं थ्व मंत्रीयात छुं दुःख मयास्ये तोताछोयां भिजुइ ।

अनंलि हानं काशी सुन्दरो मिसायातनं चित्त बोधयात । अरे तता छ खः काशी सुन्दरो ! जिगु खँ न्यः । छनं छुं न्हापायागु दोषं थुजागु भयंकर ज्याखँ जुल खैः । आः छ म्वाय् हे धुकल- छ स्याह्य धका मंत्रीयात सुराबिया स्याय्त्यन वइगुनं गुण छन्त यानातगु लुमंकी ।

झीपि निह्यसिनं न्हापा थ्वैत दुःख बिया वयागु मदेकं थुजागु भयंकरगु ज्याखँ जुइमखुः । सीत्यंह्य जि म्वात, सीधुकूह्य छनं म्वात थ्व अत्यन्त आश्चर्यगु ज्याखँ खः । न्ह्यागुहे जूसानं म्वाल थन आपलं मनुत वया सोया च्वंगु दु, छं खनाच्वंगु खः ।

थ्व मंत्रीया उपरे करुणातया कोप शान्तयाना मंत्रीयात छुं मयास्ये माफिबिया तोता बिज्याहुं, धया छनं सत्याधिष्ठान या ।

गथ्ये धाःसा- थ्व मंत्री व-सुवर्णवर्ण कुमार निम्ह जि कर्ममित्र जुल जिनं थनिनिस्ये थुगु मिसाया शरीर मख्या पुरुषयागु शरीर जुइमा, मजुल धाःसा थनसं जिनं प्राण त्याग याना हानं सीत्यना हे सत्य देवता ! थथ्ये सत्याधिष्ठान या धका खँ स्यन ।

थथ्ये धागु न्यना- थ्व मिसा स्यबिरानन्द भिक्षुयात राजायात कुमारयातनं प्रणाम याना राजाया न्ह्योने बिनितयात । भो महाराज ! मंत्रीयागु तथा जिगुनं अपराध यात क्षमातया- थ्व मंत्रीयात छुं सास्ति मयास्ये तोता बिज्याहुं ।

आः जिनं सत्यवाचा अधिष्ठान यायत्यना । भो सत्य देवता ! यनि जितश्च
मिसाया इन्द्रिय मखया पुरुषया इन्द्रिय जुइमा-- मजुल धाःसा थनसं हानं सिनावने त्यना
धया मिखा तीसिना आकाशे थसोया बिन्तियाना सत्य अधिष्ठान यात ।

छुं लिपा श्व काशी सुन्दरी मिसाया स्त्री इन्द्रिय अन्तरगत जुया पुरुष इन्द्रिय
प्रादुर्भाव जुया मिजंया खाः जुल । सुन्दर रूप पीताम्बर बस्त्रं पुना च्वंम्ह श्व खना उगु
थासेच्चंवि सकलं अद्भूतजुया अहो धन्य सत्यया प्रभाव प्रकाशजुगु थन फीसं खन घका
जय शब्द उच्चारणयाना हालाच्चन ।

मखंक आकाशे बोयाजुइपि देवतापि पीताम्बर बस्त्र व पुष्प वृष्टियाना आकाश-
वाणी थथ्ये शब्द न्यंकाहल । स्थविरानन्द भिक्षुया पीताम्बर बस्त्र चढेयागु व सत्य प्रकट
जुगुलि मिसा मखया मिजंया शरीर नं जूगु प्रभावं श्व पात बस्त्र व पुष्प वृष्टि जुया
मंगल कार्यजुल स्वयांमती संदेह कायम्वाः ।

थुजागु मंगल कार्य आकाशवाणी भिगु शब्दवगु न्यना सकसिनं आकाशे थःस्वया
प्रणामयाना खुसि जुइका गुलिसिनं वृष्टिजुगु पातबस्त्र स्वां वागागु कया छेवन । गुलि
अनसंच्वना सोयाच्चन ।

थुजागु अद्भूताश्चर्यं जूगु सीका बोधिसत्व भुवनेच्चंवि तथा देवतादिपिसं देवबाजा
थाना भिगुशब्द न्यंकाहल । पारिजात सुधन्धगु स्वां आपालं हानं वृष्टियाना नस्वागु धूप
थनेगु तुल्य शीतलगु फय्वल ।

थुगु बेलास स्थविरानन्द भिक्षु व सुवर्णवर्ण कुमारयात तथा राजायात प्रणामयाना
मुसुहँ ग्हिला च्वंगु स्वया-- श्वसपोल भिक्षुं श्वैगु खाः स्वया थथ्ये धैबिज्यात-- ।

थन काशी सुन्दरी मिसां सत्य अधिष्ठान यागुलि सत्य प्रकटजुया-- श्व आः मिसा
मखया मिजं जूगुलि यनिनिस्ये श्वैगु नाम काशी सुन्दर दारक जुल धया सकलयात न्यंका
श्वैगु शिरे थिया भिक्षु गुरुं नामकरण याना बिज्यात । सकसिनं हाइ हाइ धया लापा-
थाना जयशब्द न्यंका उत्सवयात । आकाशं दुंदुभि बाजाथाना पोंगा म्वाहाली शंख

काहांपुया देवतापिसंनं उत्सवयाना हगु सकसिनं ताल ।

थुलि जुस्येलि आकाशे थस्वया प्रणामयाना अनच्चं पिन्तनं बिन्तियाना स्थबिरानन्द
गुरुया पालिस भोःपुया थुगु प्रकारं काशि सुन्दर दारकं स्तोत्र यात ।

मूल

नमस्ते दुर्लभा चिन्त्य मुनि शुद्ध गुणैश्चितं ।

एनाद्यैव मनापस्व दत्त मे जीवितं त्वया । १ ।

यदि त्वं नम्रवे त्तातो बिशुद्धो ज्ञान लोचन ।

अहं प्राणा वशिष्ठास्या त्वं मे प्राण प्रदो मुने । २ ।

अहो ते गुण महात्म्य महासत्त्व हितेसिता ।

यदेवं शंकटात् घोरात् परित्रात स्त्वयाजन । ३ ।

अहो ते दक्षिणीय त्वं सुबिशुद्धं सुदुर्लभं ।

यत्रैक वस्त्र त्यागोऽपि प्रयात्य च महार्घताम् । ४ ।

तथैक वस्त्रमादाय मया त्वयि महामुने ।

यथाभि लषितं प्राप्तं सद्यफल मिदं शुभम् । ५ ।

आधीर मिव यन्मव्य दोषाणां महतापति ।

तत स्त्री त्वं त्यक्त मद्यै वंपुस्त्वं चा गतं मया । ६ ।

यच्चंष दिव्य सदृशो दिव्यालंकार भूषितः ।

गगना द्वस्त्र वर्षं च पतत्यति मनोहरं । ७ ।

एवं गुणि निसुक्षत्रे येवैकारा न्नकुर्वन्ते ।

अधर्म्या वंचिता तेऽद्य मोहाद्यैः क्लेश शत्रुभिः । ८ ।

अर्थ

भो महागुरु ! दुर्लभ चिन्तना याय् मफुगु आपालं शुद्धगु गुणया खानिम्ह छपिन्त
नमस्कार । गुम्हजा छपिसं थौं जिअनायया नाथजुया सीधुंकूम्हनं जित म्वाका बिज्यात । १ ।

यदि छपि मदुसा, हे बिशुद्धि ज्ञान लोचन ! जि सीहा सितहे जुइ । हे मुने ! जि सीधूंकूगु
श्व शरीर खः छपिसं जिगु प्राण बायु पिहांवने धूंकूगु ज्वना हया शरीरे दुबिका
म्वाकल । २ ।

अहो छपिगु गुण प्रभाव या वयान जिनं याय्मफुः । छपि हे महासत्त्व ! हित सुख
याय्गुलिःनायखः । गुगु जा श्व जिगु भयंकर शंकष्ट प्यख्येसनं रक्षायाना बिज्याह्य कृपावन्त
छह्य गुरु छलपोल खः । ३ । अहो धन्य प्रशंसनीय छपि अत्यन्त शुद्धगु दुर्लभ ऋद्धि
वयना दक्षिण दिशाया राजा यमराज स्वरूप जुया बिज्याह्य खः । गनजा छगु वस्त्र त्याग-
याना दान यानागु प्रभावं अमूल्यगु आपालं बस्त्र बृष्टि जुइका वयना बिज्याह्य महारत्न
छपि खः । ४ ।

हे महामुने ! अध्येतुं छगुमात्र बस्त्रज्वना छपिन्त द्वहलपा यानागुया फल गथ्येजा
थन यानागु पुण्य थनहे तुरन्त श्व भिगु शुद्धगु मनोरथ जिगु पूर्णजुल । ५ । आपालं
दोषया मालीकजुया च्वंहा खःसानं थौं जि महाज्ञानिह्य तुल्य जुल । अध्येया निम्ति मिसाया
शरीर मखया थौं थन तुरन्त मिजंया शरीर जिनं प्राप्तयाना श्व ज्या जूगु सत्यता व
छपिगु प्रभावं खः । ६ । । श्व दिव्यगु वस्त्रं पुना तिसां तियागु थ्ये सुन्दर मिजंया
रूप जूवले आकाश मार्गं अतिनं बांलागु बस्त्र वा गात, श्व जूगुनं छपिगु हे प्रभावं खः । ७ ।
थुगु प्रकारं गुणिकह्य थुजागु भिगु पवित्रगु थासे बिज्याह्य छलपोल यात पूजादि सत्कार
सुनांजक मयाइ । धर्ममदुपि मूर्ख, मोहादि पापं संयुक्तपि शत्रुगणपिसं जक मयाइ, म्येपि
सकसिनं अवश्यनं पूजादि याइ । ८ ।

थुगु प्रकारं स्तोत्र याना जिगु इच्छा पूर्णजुल पोताम्बर बस्त्रं पुना मिजं जुइधुन ।
छपि नाप वये जित बोना यंका बिज्याहुं धया बिनित्यात । थुगु बेलास राजा आश्चर्य
जुइका गुरु स्थविरानन्द भिक्षुयात नमस्कार याना बिनित्यात ।

भो गुरु ! छलपोल धन्य- श्व महाप्रचण्ड मंत्री महापापियात सुरास तथा मोचन
याय् त्यनागु खः । माफि याय्माल धया श्व मिसां सत्य अधिष्ठान याना मिजंया शरीर
समेत् जुइ धूंकल । हानं श्व सुवर्णवर्ण कुमारं करुणाया बोधिचित्त उत्पन्न याना माफि या

धका अमृत वाक्य ह्यात । जि सन्तोष जुल माफियाय् त्यना धका खँ न्यंकल ।

राजाया श्व बचन न्यना भिक्षुं आज्ञाजुल- हे महाराज ! थुपि निह्यसिनं राग, द्वेष, मोह, माया, काम, क्रोध, लोभ, तृष्णा, ममता, अहंकार, मिथ्यादृष्टि, असत्य, फृष्टागु, मूर्खबुद्धि, कुज्ञान दक्क शत्रुयात तोता, अधर्म अकीर्तियात त्याकल । थुकोयागु सत्यया प्रभावं काशी सुन्दरी मिसा मिजंजुइ धुंकल ।

हानं श्वहे मिसाया उपरे क्रोधयाह्य कुमारयात द्वेषभाव याना मोचन याय्त श्वसा याह्य प्रचण्ड मंत्रीयात रक्षाया धाय्फुह्य जुया बोधिचित्त उत्पत्ति जुल धका सीकि । थुजाह्य बोधिसत्त्व खः सुवर्णवर्ण व काशी सुन्दर निह्यसिगु नं खँ न्यना, मिथ्यादृष्टि कुज्ञाने लाह्य मंत्रीयात राजनीति निरंकूशं छुतेयाना उपद्रव मयास्ये बोधिज्ञाने च्वना बुद्धया शरण वने फुसा सदानं कल्याणजक जुइ । । हानं कुमार व काशी सुन्दर निह्यसिगु स्वाः स्वया धेविज्यात । छिमिसनं श्वहे ज्ञान सीकि सीकेनं धुंकल छिपि धन्य खः ।

थुपि निह्यसिनं बित्तियात, भो महागुरु ! थौंया दिनंनिस्स्ये राग, द्वेष, मोह शत्रु दक्क तोता अधर्म अकीर्ति पापं मयीक जिपि निम्हं सत्तमार्गे च्वनेगु इच्छाजुल । थःथःगु कर्मफल थमं थमंहे भोग याय्मा, भोग याय्मं धुन हानं याय् मासानं याय् । । श्व मंत्री-यागु दोष वांछोया माफि याय्गु खँ जक मखुः । ज्याय्हे याय्माल धया राजायागु स्वाः स्वया याकनं श्व मंत्रीयात तोता छोया बिज्याहुँ धका निह्यसिनं बित्तियात ।

अनच्चंवि म्येपि सकसिनं छाय् श्व मंत्रीयात छुं मयास्ये च्वंगु याकनं श्वयात प्राण बण्डयाना बिज्याहुँ सोय् धका सकलें च्वना च्वन, बिलंबयाय् स्वाल धका कोलाह शब्दं हालाहःगुलि राजाया छुयाय् गुगुयाय् जुया मतोच्चा सुंक च्वनाच्च्वन ।

×

×

×

थुगु समये सुवर्णवर्ण कुमारं गृहस्थ त्याग याय्गु हे भौंजुइ- अनेक श्व ब्वबहारे च्वना जित कल्याणजुइ मखुत धका सीका भिक्षुजुया महायान चर्ये च्वनेगु इच्छायात । श्व कुमारयागु इच्छा सीका काशी सुन्दरदारकं बित्तियात । भो कुमार ! जिनं थःगु

कर्मफल प्रत्यक्ष स्वयं धुन श्व संसारया मायास भुलेजुइ मखुत धया स्थविरानन्द भिक्षु गुरुया शरण वना तुति भोःपुया बिनित्यात ।

भो गुरु ! छपिसं ब्यूगु उपदेश शिरे धरेयाना प्रवज्याव्रतस चवनेगु इच्छाजुल, जित शिक्षा बिया बिज्याहुं जिनं बोधिचर्यव्रत याना थुगु जन्मश बोधिज्ञान लाये थुलि धया थः मां दाजुपिके बिदाकया विराग चित्तयाना गुरुया न्होनेसं चवना बिनित्याना चवन ।

थुगु बेलास अलग छगु सिमाक्वसं चवना अष्टशील अभिष्येक बिया स्थविरानन्द भिक्षु गुरुं थ्वेत शिरे ह्लाःति बुबुस्याना बीमत्रं खोचां चाय्थ्ये संफुकं पाचुक मदया पिचुस्ये चवन । आकाश मार्गं वृष्टिजुगु काषाय वस्त्र (चीवर) पिण्डपात्र लः ह्लाना काशीसुन्दर नामछुना भिक्षुयाना बिज्यात । ० । उह्य काशी सुन्दरी मिसा मिजं जुयानं शुद्ध चित्त-जुया पापकुना शान्त स्वभावह्य भिक्षुया पद प्राप्त जुल ।

थनंलि दिवाकर महाजनया थः स्त्रीनाप चवना मन खिन्नयात । थः काय्लिसेनं बियोग जुइगु शोकांगारे दुःखयागु दाहं कय्का चवंपि निह्य स्त्री पुरुषया क्वागुलखे न्याः पुतुपुलोथ्ये भूमीस गोःतुला बिलापयागु खना, छह्य ज्ञानि पुरुषं भरोसा बिया घाल । छाया खोय्गु- थन मभिगु फसंपुइके छोया भिगु मंगल कार्य जुया चवंगु दु । हे महाजनपि ! हताय्चाय् मते छपिनि काय् अकालमृत्युं तरेजुया नं भिगु उपदेश सत्य अधिष्ठान याका मिसा मिजं जुइका कयन- हानं उह्य मिजं भिक्षु समेत् जुल थ्व महासौभाग्य खः । काय् नं छपिन्त दुःख याइमखुः । आः काय्या द्वारं सुखहे जुइ ।

थय्ये भरोसाब्यूगु खं न्यना निह्यत्यपुया हर्ष जुइका उगु थासे सकभनं स्वया बिचार यात । राहु ग्रहनं किना चवंगु अन्धकार लिपा तोतीबले निर्मल जूह्य चन्द्रमा सूर्यथ्ये प्रकाशमान जुइका चवंह्य काय् आनन्दं चवनाचवंगु खना अन सकलया ख्वाः चकनाचवंगु बिचारयाना गथ्येजा देबलोकेथ्ये दुर्लभ प्रातिहार्य पराक्रमया स्वभावनं खना स्थविरानन्द गुरुया शरण वना प्रार्थनायात । ० । भो भगवान् तुल्यह्य महागुरु ! छलपोलं तच्चगु समर्थ कयना जिक्कायात अकाल मृत्युं तरेयाना हानं सीधुंकूह्य मिसायात स्वाकानं मिजं जुइगु सत्य कयना भिक्षु चर्य समेत् शिक्षा बिया उद्धारयाना बिज्यात । थ्व गुण ह्लाना साध्यमखु थ्व जिमिनु अहोभाग्य खः । थुजाह्य करुणाघारि जिमिसं म्येपि मखना ।

अघोरगु समुद्रे कुतुंबना दुःख जूहा जि काय्, दुःखयागु नालेदुना शोकयागु जंगले याना बिलापयाना चोनापि जिपिनिह्यत्यपु। हानं ताःजागु पुखुलो कुतुंबना थाहांवप् मफया च्वंपिन्त भयंकरह्य कालसर्पं न्यानां बिषं दाहजुया अचेत जुइका च्वनापि जिमित करुणाया मिखां स्वया गरुडथ्ये वोयावया मामागु उपकारया वास नका त्वंका अमृतं हाहायाना, बृक्षन्ह्योने वइबले अजिगर (काल सर्पनं) बिस्मू वनीथ्ये थुजापि बिषधारितय्सनं छुं याय् मफइथ्ये प्रातिहार्यं वयना रक्षाकारि जुया बिज्यात ।

हानं बिना अपराधे मृत्यु दण्ड बिया दुःख यागुलि शोक सन्तापया मिगाले कुतुंबना दाह जुइका च्वंपि जिमित शीतल अमृत लखं हाहायाना तोंका उजागु शंकष्टं तरेयाना उद्धार याना बिज्यात ।

भो करुणाधारि गुरु ! आः तिनि जिमि शीतलगु शरीर जुया महामित्र प्राप्त जुया जीवन सफल जुल । यथा योग्यगु सत्य धर्म सुकर्म याना, अयोग्यगु पाप असत्य कुकर्म तोता करुणाया मिखां सोया उपकारि जुया बुद्धज्ञाने च्वंपिन्त-- सर्वदा महामंगल कल्याण जुइगु घका सीकेधुन आःतिनि जिमि आनन्द जुल ।

युलि घाय्धुंका यः काय् नापं च्वना घेःपुना चुपानया हर्षया खोबि वय्का काय्यात थ्ये खे न्यंकल । हे स्नेही पुत्र ! छंगु रूप पुह्नीखुन्ह चन्द्रमा स्वय्गुथ्ये स्वय्दत । छ निर्मल शान्त रूप शीतल स्वभाव बुद्धिमान् कृपालुह्य खः ।

देवराज इन्द्र मनुष्यजुया भिक्षा कावह्यसिगु उपदेश न्यना, आदिबुद्ध स्वयंभू श्री धर्मधातु- त्रिरत्न शरण चेत्यब्रत महायान बुद्धचर्य चेत्यथाना दान यानागु पुण्यानुभावं जन्मजूहा काय् छ खः जिपि आपालं हर्षयाना च्वना थुजाह्य पुत्रयात थौंयादिने अकालं मृत्यु याय्त थिकयात ।

जि परदेशं थ्यंकवया छंगु आपत् बिपत् न्यना सोवया, छं मानं प्राण त्याग याय्त थिकयात । जित शोक सन्तापया मि पुना दाहजुया जिनं सीत्यंह्य खः । आः थुजागु महा- भयंकर दुःखं मुक्तजुल- थुजागु दुःख लिपा सोइतनं मजुइमा, थुजागु दुःख याइपि पापितनं

मदय्मा । धन्य कीगु भाग्यं स्थविरानन्द भिक्षु गुरु छह्य थन विमज्ज्यागु जूसा छुगति जुइगु । वसपोलया प्रभावं थन महाविघ्नोपद्रव जुइत्यंगु शान्तजुया छंगु ख्वाः सोय्दत ।

अबुं थय्येधागु खँ न्यना माँ अबुया पालिस भोःपुया हर्षया मिखांकना ह्लिला बित्ति याना बोधयात । भो माता-पिता ! जित थन छुजुल खः व खँ जिनं छुं धाय्गु समर्थ मदु सकसिनं खना सियाच्चंगु दु ।

दैवयोगं परदेशंवह्म अबुयात थौं हे थुजागु विपत्ति चूलात । सद्गुरुया प्रभावं माँ अबुया ख्वाः सोय्दत थ्व कीगु भाग्य व कर्मया फल खः ।

थुलि धाय्धुंका सुवर्णवर्ण कुमार राजाया न्ह्योने वना बित्तियात । भो महाराज ! प्रचण्ड मंत्रीयात माफियाना बिज्याहुँ - छाया धासा-- थ्व थुजागु ज्या मयासा काशी सुन्दरी मिसा मिजं गुवले जुइ-- हानं भिक्षुनं गुवले जुइफइगु ।

हानं जिनं थमंयाना वयागु पाप गुवले मोचन जुइ । थ्व मंत्री जिपिं निम्हसिया कर्म मित्र जुल जिमिके छुं दोष मदु । थुलि घया राजायाके क्षमाफोना थ्व सुवर्णवर्ण कुमारं मंत्रीयात चिनातगु फेनाबिल । ख्वाः सोया थय्ये घाल, भो मंत्रीजु ! सन्तोषजुया चवनेमा-- धर्म छु खः, सत्य, अहिंसा, पाप छु खः, असत्य, हिंसा थुलिसीका बिज्याहुँ छपिन्त नमस्कार ।

थनंलि काशीसुन्दर भिक्षुनं न्ह्योनेवया अथ्येहे घया बित्तियात । अनच्चंवि राजा प्रजा सकसिनं धन्य २ कुमार-- धन्य २ काशीसुन्दर भिक्षु, धन्य २ भिक्षु गुरु, वका जय शब्द प्रशंसायाना हल । मंत्रीया ख्वाः हि बुलातगुथ्ये ह्याउँस्ये च्वंका लज्जाचाया ववछुना चवन । राजां आज्ञाजुल-- मंत्री छ पापियात छु यात, छु घाल-- थन छु जुल, छु यात, बांलाक धर्म म्हसीका सोयाच्चं आः छ गन वनेत्यना छन्त तोत्ये मखुनि । ० ।

थुगु बेलास कुमारं माँ अबुया न्ह्योनेवना बिदा फोन । माँ अबुपिं जिनं छगु खँ बित्तियाय् न्यना बिज्याहुँ । जिनं कर्मभोग याय्धुन-- थ्व संसार ब्यवहारेलापि प्राणिपि कुनातइगु पंज खः । जि ब्यवहार तोता थ्व संसार पंजलं मुक्तजुया वनेगु ज्ञानत्ताना माँ अबु

तथा म्येपिनं उद्धारयाय् फय्मा धंगु बुद्धचर्ये पलाछिना वनेत्यना जित गना बिज्याय् मते जि भिक्षु जुइगु अवश्य जुल ।

छन्हु कोपि सिना वनेमानि, गुम्हजा बेश्या वृत्तिजुया च्वंम्ह काशी सुन्दरी मिसा मिजं जुयानं भिक्षुजुया बुद्धचर्ये च्वन । तर वइत तुच्छयानागु मखुः संसार खना ग्याना मोक्ष लाभ याय्गु बिचार यात । आः भिक्षुजुया जिनं गृह त्याग याय् त्यना जित बिदा बिया बिज्याहुं ।

हानं विन्तियाय् त्यना न्यना बिज्याहुं जि गृहस्थ जुइगु शोभामन्त छायाःसा, गनं वनेबले मिसा स्यागुलि सुरासतया मोचन याय्गु ज्या याय् धुंकूम्ह, छम्ह भिक्षु गुरूं रक्षायाम्ह थ्व कुमार खः घका जित अवश्यनं धाइ लोकया म्हुतु ची फइमखुः । अथ्ये घाय्का गृहस्थजुया छाया च्वनेगु- याउंस्ये च्वंक पिनेवना धर्म यावनेगुहे सार जुइ बिदाफोने ।

यथ्येहे सीधुंकूम्ह मिसा म्वाना वम्ह खः घका अवश्यनं लोकं अनेक खँ धाइ न्यंकीगु शब्द न्यनेमालि धंगु सीका- ह्लापा मिसा खः लिपा मिजं जुया याउंस्ये च्वंक भिक्षु जुल । वय्ये मिसा मिजं जुम्ह जि मखुसानं जिनं भिक्षु जुइत्यना- काय् नं भिगु ज्यायाय् त्यना घागु खः घका सीका बिज्याहुं घया जानयागु खं कना बोधयाना माँ अबुयाके बिदाकया लेःताया अनच्चंम्ह भिक्षु गुरूया न्ह्योनेवना जितनं प्रवज्याव्रत बुद्धचर्य भिक्षुयागु शिक्षा फोनेबिया बिज्याहुं घका विन्तियात ।

यय्ये विन्ति यास्येलि छथाय् आनन्दगु थासेच्चना प्रथम अष्टशील पंचामिष्येक चीबर वस्त्र पिण्डपात्र बिया स्थविरानन्द भिक्षु गुरूं सुवर्णवर्ण कुमारयात भिक्षु याना बिज्यात ।

चछि (रात्रि) फुना सुयसिगु ई जुल- अन शुद्धगु बिहार समानं शोभा दया बांलात । अत धर्मया खँ न्यनेगु इच्छादुपि सज्जनवर्गपिनं उपस्थित जूवल । उगु समये मिसा मिजंजुया भिक्षु जूम्हनं न्ह्योनेतया सकलया मन आनन्दगु सीका भिक्षु गुरूं दश अङ्गुलस कर्मया बांलाक खँ कना सकलयात न्यंका बिज्यात ।

ह्लापां स्नान धुंका त्रिरत्न गुरु लुमंका अष्टांग प्रणाम याना रत्न मण्डल द्रव्येणु ।
पापदेशना पुण्यानुमोदना ध्यान जाप धारणो पाप पूजादि नित्य याय् फय्केमा । खँजक
सय्का थुजागु बुद्धचर्य मसल मयात धाःसा- खँजकसम्ह छुं ज्या मसम्ह मनुष्ये जुइ ।
सुनां थुजागु उपाय कुशल मूल ज्ञान करुणाया रसं जागु महायान जगतहित याय्गु दान
पारमितादि पूर्णजुया बोधिज्ञान दुम्ह बोधिसत्व जुइधुंका बुद्धत्वपद प्राप्तजुया मोक्ष
(निर्वाण) प्राप्त जुइगु उत्तमगु ज्या यात मसीका अपहासयाइ । थुजापि छुथ्ये धाःसा
खँसम्ह ङ्ग समान खः धका ततःधंगु सूत्रे ह्लापायापि बुद्ध बोधिसत्वपिगु वचन चवपातगु
दु । अन्त्यावस्थाय् थुजापि तीर्यक (पशु पंछि) जुया दुःख भोग याइ । थुजागु सीका
बांलाक महायान बुद्धचर्य याय् सय्कि-

दश (१०) अकुशल- मभिगु ज्या सीकेगु थथ्ये खः ।

मूल

कायकं त्रिविधं पापं बाचिकर्तु चतुर्विधं ।

मानसं त्रिप्रकारेण तत्सर्वं देशयाम्यहम् ।

अर्थ

शरीरं स्वंगु, म्हुतुं प्यंगु, मनं स्वंगु प्रकारं याइगु मभिगु पाप कर्म याइगु थन जिनं
कने त्यना । सकसिनं चित्त स्थोरयाना न्यः ।

शरीरं याइगु स्वता (३) पाप थथ्ये सीके ।

१) प्राणाति पाप हिंसा प्राणि स्याय्गु दोषं ताःकालं दुर्गन्धगु नरके भोगयाना हानं
जन्म जुइबले अल्पायु जुइ । स्याय्गु हिंसा कर्म मयात धाःसा स्वर्गलोके भोगयाना दीर्घायु
जुइ ।

२) अदत्ता दान परया धन संपत्ति मबीकं मखंक काय्गु (खुँज्या) यागु दोषं जन्म
जन्मपत्ति दारिद्र जुया दुःख भोगयाय् मालि । थ्व खुँज्या पाप मयात धाःसा महाघनि
जुया सदानं सुखसिया चवने दइ ।

३) काम मिथ्याचार पाप, पुरुषं थःम्ह स्त्री तोता, परया स्त्री, स्त्रीनं थःम्ह पुरुष
तोता पर पुरुष नाप संभोग यागु दोषं, पुरुष नं स्त्रीनं बेश्यावृत्तिया (ज्या) याना दुःख

सोमालि । श्व काम मिथ्या पाप मयात धाःसा बाँलाम्ह सकसियां यःम्ह तेज लक्षण दुम्ह भाग्यमानि जुइ ।

वाक म्हुतुं याइगु पाप प्यता (४) थथ्ये सोके ।

१) मिथ्यावाद कूठा खँ ह्लाय्गु पापं लिपाया जन्मे असिद्धि पाक लाता लाती (स्वाँथ ग्वाज्यो) जुया दुःख भोग याइ । श्व मिथ्यावाद पाप मयात धाःसा वाक सिद्धि दुम्ह महाज्ञानि मनुष्यजुया सकल थमं धैश्ये दइ ।

२) पिशुन (पेशुन्य) पाप धाइ मखुगु चुकरि खँ ह्लाना त्वापुयाका थः ह्लिला च्वनिगु । श्व पापं लिपाया जन्मे स्वयांहे स्वय्मयेका असिद्धि (सिद्धि मदुम्ह) मान्यता होनजुया दुःख सोमालि । श्व पिशुन पाप मयात धाःसा सिद्धिदुम्ह गुरु बिद्वाँन् जुया उच्चगु पद लाना सकसिनं मान्य याका च्वने दइ ।

३) पारुष्य पाप धाइ- परयात नुगले स्याक छागु कडा बचनं खँ ह्लाना परयात बोबोगु अपजस बोगु स्थापनं बोगु । श्व पापं लिपाया जन्मे थमं घयागु खँ सुनानं मान्यता याइमखुः । धिकार छ असिद्धि (हिंसि मदुम्ह) धाय्का दुःखमन याना च्वनेमालि । श्व पारुष्य पाप मयास्ये नम्रताजुया नाइस्ये च्वंक खँ ह्लानागु पुण्यं सिद्धिबान् लोकप्रिय (सकलया यःम्ह) जुया भाग्यमानि जुइ ।

४) संभिन्न प्रलाप पाप धाइ- उख्ये थुख्ये जुया स्वामदु नातिकुतिया छोखँ बुखँ- चिकिधंगु तःधंयाना अःखगु खँ वय्तं श्वइतं कना त्वाका मिलेजूपिं फाया बोगु पापं, लिपाया जन्मे शत्रुजक आपालं दया, इष्टमित्र बन्धुबर्ग जहान्पिनं सुंहे मदय्का याकचा जुया दुःख भोगयाना यानागु ज्यानं असफल जुइका च्वनेमालि । श्व संभिन्न पाप मयात धाःसा सकलें थमं घयाथ्ये बसेदया शत्रु मदया मित्रपिं जक चूलाना शत्रुपिनं थःगुहे बसे- वया थःगु मनोरथ कार्य सिद्धजुइ ।

चित्त (मनं) याइगु पाप स्वता (३) सोके ।

१) अविद्या (पाप) अहंकार मूर्खता अभिमान मखुगु असत्ययात सत्य खः भाषा

याना जुडगु श्व पापं लिपाया जन्मे दैत्य राक्षस पशु पंछिपिनं जुया वने चा चा हुला दुःखसिया च्वनेमालि । श्व अविद्या पाप मयात धाःसा सिद्धिबुद्धि बिद्वांन् गुरु जुया न्याथाय् वंसानं सकलया यःह्य मालीकजुया मानेयाका च्वने दइ ।

२) व्यापाद पाप- परया मभि स्वय्गु, परया दुःख खना मन हर्षजुडगु, परया सुख खना मन दुःख ताय्गु सन्ताप जुडगु । श्व पापं लिपाया जन्मे सदानं चितासुख मदया मन अथोर जुडका वेय्ताल जुया दुःखजुड । श्व व्यापाद पाप मयात धाःसा-- ज्ञान बुद्धि सिद्धिबुद्धि जुया भाग्यमानि जुड ।

३) मिथ्या दृष्टि पाप-- नास्तिक जुया खगु दयाच्वंगु यात, मखु मडु घया, मखुगु यात खः मडुगु यात दु अन्धविश्वासे भुलेजुया, सःह्य स्युःह्य गुरुयात निन्दायाना, स्वार्थिह्य मसःह्य मस्यूह्य गुरुयात मानेयाना सत्यधर्म लिउने लाका, असत्य अधर्म न्ह्योनेतया यथ्ये ण्डागु भावना याना जुयागु पापं, लिपाया जन्मे वनाथाय् तक मान हीन जुडका यानागु ज्या फुकं असफल जुयानं प्रेतजुया च्वनेमालि । श्व मिथ्यादृष्टि पाप मयात धाःसा लिपाया जन्मे धर्मदुह्य राजा जुयानं हानं लिपा स्वर्ग भुवने इन्द्र जुया सुखभोग याय् दइ । श्व समेत फिता (१०) प्रकारया अकुशल पाप, काय वाक चित्तं फिता (१०) याडगु तोता-- सुकुशल पुण्य फिता (१०) याय् फेय्केमा ।

हानं भयंकरगु पंच महापाप न्याता (५) दु सोके ।

१) गुरु द्रोही-- गुरु स्याय्गु २) मातृ द्रोही-- मां स्याय्गु ३) पितृ द्रोही-- अबु स्याय्गु ४) देव द्रोही-- द्यःया मूर्ति शास्त्र स्यंकेगु ५) भिक्षु द्रोही-- भिक्षु स्याय्गु ।

यथ्येहे पंच कषाय पाप न्यात (५) दु सोके ।

१) स्त्री हथ्या-- मिसा स्याय्गु २) बाल हथ्या-- मचात स्याय्गु ३) गर्भ हथ्या-- मासंपूर्ण जुडधुंकूह्य मचा ववथय्गु ४) गुप्त हथ्या-- म्हुतुं नाइस्ये खँ ह्लाना स्याइह्यय् सिथाय् छोया म्येपिसं स्याकेगु ५) बिष हथ्या-- मसीक मखंक बिष नका स्याय्गु । थुजागुनं गुबलें मयाय्गु । थुजागु पापं पंचमहापाप यागु तुल्यजुया दुःख भोग याय्मालि ।

भिक्षु जुइमा गृहस्थि जुइमा चिकिधंगु ज्ञानं क्वेलाइ-- च्वेलागु ज्ञानं तथा धर्मं च्वेलाइ । सकसिनं सीका सन्तोष जुइमा । थय्ये कंगु उच्चज्ञान न्यना अन च्वंवि सकसिनं थ्व महागुरु भिक्षु खः घका प्रणामयाना प्रशंसा यात । थनंलि सुवर्णवर्ण कुमार भिक्षुया ज्ञान चक्षु प्राप्त जुया पूर्वजन्मयागु खं तुमना बोधिचित्त ज्ञानं संयुक्त जुल । सन्तान मदया जिमां अबुं सद्गुरुया उपदेश न्यना आदिबुद्ध स्वयंभू ज्ञान महायान चैत्यव्रत बुद्धचर्यया ज्या याना म्येपिन्तनं याका दानयागु पुण्यं स्वर्गलोके पुण्य महेश देवपुत्र धाय्का च्वनाह्य जि दिवाकर महाजनया काय् जुया जन्म कावयाह्य खः घका सीकल । अनं ह्लापायागु कर्मभोगनं याय्-धुन । लिपा कलिया समये थ्यंकनं बोधिचित्त धरेयाना बुद्धपद लाय् फय्मा घका इच्छा-याना थःगु शरीरे च्वंगु पीताम्बर बस्त्र तोया भिक्षु गुरुयात द्रुहलप्ये धुंका प्रणाम यात ।

तत्कारणं म्येगुबस्त्र ह्लापाथ्ये उत्पन्न जुल, हानं तोया दान यात हानं उत्पन्न जुल थुगु तालं सखिक तक ह्लापाथ्ये बस्त्र उत्पन्न जुगु दानयात । थय्ये दान व्यूगु कया भिक्षु गुरुं छयाय् मुंकातल । सुवर्णवर्ण कुमार भिक्षु मां अबुपिन्त खं न्यंका योग्यता पिन्त ह्यतिनिजो अनच्वंविन्त दान याकन । भिक्षु गुरुं सुवर्णवर्ण कुमार भिक्षुयात पंचाभिषेक पद बिया छगु बांछा पूर्णं जुइमा घका आशीर्वाद बिल । क्षणमात्रं सुवर्णवर्ण कुमार भिक्षु पंचाभिज्ञ पद प्राप्त जुया उगु इले आकाशे पंछिथ्ये बोया थाहांवना चाहुला वयन । हानं पीताम्बर बस्त्र वागात सकसिनं लानाकया हर्षयात । । आकाशे थः स्वया सकसिनं थ्व भिक्षुयात प्रणामयात बिस्तारं क्वहांवया थःगु थासे ह्लापाथ्ये बासयात । थुजागु ऋद्धि-छना अन च्वंह्य राजा तथा सकलं हीस जुयाच्वन धन्य २ बुद्धचर्यया प्रभाव अत्यन्त गंभीर खः घका नीका राजा सुवर्णवर्ण कुमार भिक्षुया न्ह्योनेवया आज्ञाजुल । ।

हे आर्य पुत्र भिक्षुजु ! थ्व प्रवण्ड मंत्री यात आः सुराबिया मोचन याय्गु माफि याय्गु घका यमं घागु बचन खः चिना तथागुनं फेने धुंकल-- म्येगु छु याय्गु । माफि मयाय् घाःसा छगु करुणा लंघना याय्गु जुल-- याय् घाःसा थ्वपापि मंत्रीयात माफि याय्गु योग्य मज्जु । । राजा जुया च्वनाह्य जिनं थ्वइत सासना याय् हे माः । राजां थय्ये घागु न्यना अनच्वंवि सकसिनं बिन्तियात । भो महाराज ! थ्व पापि मंत्रीयात माफि याय्गु योग्यमज्जु याकनं सासना याना बिज्याहुं ।

थय्ये धयाहःगु शब्द न्यना राजां तें पिकया मिखानं गुलिच्याक कना ल्लाः बुबुस्याना वा कटटटं न्ह्याया कर्मचारि तय्त सःता धेंबिज्यात ।

अनाथ मिसायात थमं स्याना छुं दोष मदुह्य सुवर्णवर्ण कुमार यात पाः याना मिसा स्याह्य धका सुरास तथा स्याय् त्यन । थ्व महापापि दुष्टयात जिनं बाकितय् मखुः । लोकं धागु खें नं न्यनेमा राजनीतियाकें राजदण्ड बीहेमा धया मंत्रीया ल्लाः लिउने तथा चिका सासना याय्त हानं थिक जुल । थ्व मंत्री ग्याना थरररं खाना च्वन । थुगु समये सुवर्णवर्ण कुमार भिक्षुं राजाया ख्वाः स्वया बिन्तियात । भो महाराज ! जिगु बिन्ति न्यना बिज्याहुं । राजनीति याकें राजदण्ड बीमागु अबश्य नं खः । तथापि करुणा तय्मा । छाय् धाःसा-- मिसा स्याह्य धका जित दोषबिया सुरास तथा स्याय् त्यन-- जि भवानाहे च्वन । हानं थ्व मंत्रीजुं मिसा स्यात-- मिसानं भवाना हे वल-- आः हानं थ्व मंत्रीयात छाय् स्याय्गु । अथ्येया निम्ति थ्व मंत्रीयात मस्यास्ये तोतां भीं जुइ ।

मूल

ततो बोधिचित्तोत्पन्नः सुवर्णवर्णं कुसार भिक्षु मंत्रीसकाशं गत्वा
पुनश्चा वदत् । प्रचण्डो मात्य त्राशं माकुरु पाशं मुमोचितम् । इति ।

अर्थ

थनंलि बोधिचित्त उत्पत्ति जूह्य सुवर्णवर्ण कुमार भिक्षुः मंत्रीयाथाय् वना हानं थय्ये धाल । हे प्रचण्ड मंत्रीजु ग्याय् मते धया हानं चिनातगु खिप फेना बिल । तीजक खें न्यंकल बिस्पूहें धाय् धुंका राजाया ख्वाः स्वया बिन्तियात ।

भो महाराज ! ल्लापानं याय् धुन तथा हे लोकपि ! न्यना बिज्याहुं-- थ्वं यागु याय् हे धुंकल । जिपि निम्हं थ्वंयाना भिक्षु भिक्षुणी जुइफत थ्व मंत्री जिपि निह्यसिया कर्ममित्र जुल सकलयाके कोटिवार बिन्ति दु माफि बिया बिज्याहुं दिसें । सीक्ये योग्यजु-- थ्व ज्या दान शील क्षान्तिपारमिता खः महायान धर्म बुद्धचर्य धका सीकि ।

मूल

प्रचण्डोमात्यः सहस्रोत्थाय निष्पलायितु मारब्धः ।

अर्थ

उगु समये प्रचण्ड मंत्री हतासनं दना उख्ये थुख्ये सोया बिस्यू वनेगु मतीतया च्वन, लिपा बेगं व्वां वना बिस्यूवन । ० । थुगु बेलास सकसिनं वेंय्यात गिल्ला याय्थ्ये हाहाकारं लाय् बुया लिनायंका ज्वना सकलें मुना छ्वालं च्वना थ्वइत दथुइतया गुलिसिनं दाल, गुलिसिनं तुति प्यंकल, गुलिसिनं सँ पुल, गुलिसिनं त्वापाः नका ककुतिल, गुलिसिनं चाण्डाल पापि ख्वाः हे स्वय् मत्योह्य धका बोबिल, गुलिसिनं ख्वाले फुकनं बिल । गुलिसिनं सँ ज्वना इति मिति कंका ख्वालेदाल, गुलिसिनं छंगु बुद्धि छंगु जन्मनं धिकार धाल ।

यथ्ये सासनायागु सहयाय् मफया थ्व मंत्री बिशब्दं हाला आर्यानिन्द भिक्षु गुरुया नाम कया खोल । जितनं रक्षायाना बिज्याहुँ- जि यानागु अन्याय माफि बिया प्राणरक्षा यात निह्यसिनं, जिगु अनराध सहयात आः सकसिकेनं माफि फोने धया खोया बिन्तियात ।

करुणादुह्य आर्य स्थविरानन्द भिक्षु अन सकलयात संबोधन याना आज्ञाजुल । हे नृप तथा प्रजापि ! मुख्यपि निह्यसिनं बोधिचित्त उत्पत्ति याना ज्या याथ्ये सकसिनं यासा उत्तम पुण्य क्षान्तिपारमिता या प्रभाव तस्सकं बांलाइ । । कुकर्म यागु बारे सकसिनं सास्ति याय् धुंकल सहयाना माफि बियाछो । राजां बिन्तियात माफि याय्गु जित दोष लाइथ्ये चों, जिके तें शान्त मज्जनि थ्वइत सासना याय् धुनेवंतिनि जिके तें शान्त जुइ । राजां यथ्ये धाःगु न्यना भिक्षु गुरू राजायात बोध जुइगु खँ कना बिज्यात ।

भो नृप तथा सकल लोकपि ! ताः हाकगु ज्याखँ याय् भ्वाल । थ्व मंत्री कुकर्म यागु ज्या बिफल जुया थुपि निम्हं रक्षाकारो जुइ धुंकल । जानिगुणि योगीपिसं क्रोध तोता क्षान्तियाना बने तपयाना मोक्ष लाभ याइ । वथ्ये आः सकसिनं सहयाना क्षान्ति यासा सकसितं कल्याण जुइ ।

मूल

नच क्रोधसमं पापं नच क्षान्ति समंतपः ।

नच मिथ्यासमं मूढं नच द्वेष समं भयम् ।

अर्थ

क्रोध व हिंसा समान पाप म्येगु मदु- क्षान्ति छः सहयाय्गु समान तप म्येगु मदु । मिथ्या दृष्टि छः मूर्खबुद्धि समान असत्य कर्म म्येगु मदु द्वेषभाव समान लिपा यः शत्रु भय जुइगु म्येगु मदु । । थथ्ये धागु सत् बचन न्यना क्रोध (तँ) शान्त याना हानं राजां ब्रित्तियात । भो गुरु ! थ्वयात माफि बिलकि जित लोकं छु जक मघाइ लोकेनं लोक्के मा । राजां थथ्ये धाबले सुवर्णवर्ण कुमार भिक्षु न्ह्योनेवना राजायात खँ न्यंकल । भो महाराज ? थ्व मंत्री जिपिं निहसिया कर्ममित्र जुइ धुं कल धका ब्रित्तियाय् धुन । हानं थ्वैत सासना याय्गु योग्य भजुल । लोकं छुधाइ छुमधाइ लिपा लोकं थ्व खँ सीकाहे अवश्य काइ । क्षान्तिपारमिता याकनं सीका क्षमाचर्ये च्वना माफि याना बिज्याहुँ ।

थुगु इले काशी सुन्दर भिक्षु न्ह्योने वया धाल । भो महाराज ! यागु याय् धुं कल थ्व पापीयात स्याय्गु ज्या तोता माफि याना बिज्याहुँ । छह्य पापि जुइवं सकल पापि छाया जुइगु जिगु नं सहस्र ब्रित्ति दु ।

थथ्ये ब्रित्ति यास्येलि राजां बिचार याना भिक्षु गुरुया खाः सोया ब्रित्तियात ।

भो आर्य भिक्षु गुरु ! माफि ब्रियेवं थ्व हानं म्येथाय् वना कुकर्मयाना म्येपिन्तनं दुःख बोफुः । उकीं थ्वैतनं भिक्षुयाना बुद्ध चर्य याका ल्युत्यु यंका बिज्याहुँ । थ्व भिक्षु जुइह्याः धालकि थ्वैत मोचन यानां भौजुइ ।

राजां थथ्ये तँ पिकया धागु शब्द न्यना ग्यागुलि ह्यः खाका भूमीस ग्वारातुला प्रचण्ड मंत्री मूर्खजुल । हतासनं वया सुवर्णवर्ण कुमार भिक्षुं घेः पुनाथन, काशीसुन्दर भिक्षुं लः तोंका चेतना दय्का बिल । राजां ख्वाले ल्वापा नका पति तः स्वाका आः छं युमित छुः धोय्मागु छः धाः धया हकल । । जिगु अपराध दक्क क्षमा याना बिज्याहुँ

घया राजाया पालि भोःपुया, प्रचण्ड मंत्रो हानं सुवर्णवर्णं भिक्षुयागु तुति भोःपुया ब्रिन्ति-
यात । जिनं तस्सकं द्वेष भावं मखुगु अकतंव्य यानागु खः माफि बिया क्षमायात धन्य छपि
खः जित हानं रक्षायाना बिज्याहुं । । हानं काशीसुन्दर भिक्षु यातनं तुति भोःपुया
ब्रिन्तियात । जि कामो जुया मोह जालं तोपूगुलि भापिइ मफया अकतंव्य अपराध यानागु
फुकं माफि बिये धुंकल हानं जित रक्षायया घया अनच्चंवि सकसिगुं ख्वाः स्वया ब्रिन्तियात
। । हे लोक जनपि ! जिनं यानागु अत्याचार (अपराध) खः । थ्व फुकं लोमंका
जित मस्याकेगु ज्या याना बिज्याहुं सकलयाके क्षमा फोना सकसितं नमस्कार थुगु समये
राजा प्रजा सकसिनं क्षमा धर्म ह्यसीका थ्व मंत्रोयात माफिबिया तोता बिल ।

अनंति लिपा राजा व थ्वहे मंत्रोनिम्हं आर्य स्थविरानन्द भिक्षु गुरुया शरण वना
संभ्यक संबुद्ध भगवान्या ज्ञान ह्यसीगु प्रवज्याब्रत बुद्ध चर्य धारण याय्गु फोना राजा
मंत्रोनिम्हं भिक्षुजुया प्रवज्या ब्रत धरेयात ।

थनंति थुगु शमशानं प्रस्थान जुया आकाशमार्गं थःगु थासे थ्व महाभिक्षु गुरु
लिहां बिज्यात । म्येपिनं थःथःगु थासे सकलें लिहांवन ।

सुवर्णवर्ण कुमार भिक्षु ऋद्धि पराक्रम क्यना थाय् थासे धर्मोपदेश बिया प्राणिपिन्ति
बोधयाना उगु समय यागु आयुः पीढल (४००००) वर्षं स्वाना निर्वाण ह्यसीका क्रमथ्ये
छन्हु ह्यापाय्ये स्वर्गभुवने बास यावन ।

अनंति काशीसुन्दर भिक्षु तथा राजा मंत्री भिक्षु जूपिनं थःथःगु आयुः भोगयाना
देहतोता कर्मानुसारं बास यावन ।

थुगु प्रकारं श्रावस्ता नगरे बिज्याना शाक्यमुनि भगवान् बुद्धं शालिपुत्र महामौ-
गल्यायण आनन्द काश्यप सुचेतन तथा म्येपि भिक्षुवर्गं सकल मुंका सभा लोकपिगु ख्वाः
स्वया उगु समये सुवर्णवर्ण कुमारं आन्तिवारमिता ह्यसीका आन्ति धर्म च्वना अन भोग
याना वन धका धर्मोपदेश बिया बिज्यात ।

पथ्ये आज्ञा जगु छं न्यना सकल सभा लोकपिसं धन्य भगवान् शाक्यमुनि बुद्ध धन्य

सुवर्णवर्ण कुमार धन्य काशीसुन्दर भिक्षु धका प्रशंसायाना भगवान् बुद्धयात प्रणाम
याना च्वन । ० ।

×

×

×

थन हानं सुवर्णवर्ण कुमार यागु पूर्वजन्मया खँ सोके

उगु बखते आनन्द महाभिक्षु दनावना भगवान् बुद्धया आश्रम चाहला तुति भोःपुया
न्होने च्वना पुलिचुया थुगु प्रकारं बित्तियात ।

भो भगवान् सकलया छुं मती संदेह जुयाच्वंगु छगु खँ बित्तियाय् त्यना । लुं समान
शोभायमानगु वर्णया शरीर, करुणा व शान्तिया पराक्रम वयना सहयाय् फुह्य थ्व सुवर्ण-
वर्ण कुमार भिक्षु जुया लोके तःधंगु कीतिया पुसा पित ।

ह्लापा थ्वं सुख दुःखया अनुभोग याना छु पुण्य यानावल । बिना पुण्य यानावगु
मदय्कं थुजागु करुणाया ऋद्धिवयने फइमखु सकलया थ्व खँ न्यनेगु इच्छा दु ।

आनन्द भिक्षुं यथ्ये बित्तियागु खँ न्यना ध्यानं लुमंका भगवान् बुद्धं आज्ञा दय्का
बिज्यात । सकसिनं एकचित्त याना न्य ।

ह्लापा सत्ययुगे बिपश्चि भगवान् बुद्धया पर्याये, गुह्यजा बिपश्चिनाम तथागत
लोकवित् अनुत्तर पुरुष दक्खया सारथि शास्ता देव मनुष्य गणपि सकलया भगवान् बुद्ध
गुरु- बन्धुमती नाम तःधंगु नगरे छगु बांलागु बिहारे आपालं शिष्यपि मुंका बिज्यात ।

उगु बखतस बन्धुमती वेशे कर्ण नाम महाजन छह्य दु थ्वया छन्हु थःगु जाती कुले
लोह्य सुन्दरी रूप सुभद्रा नामस्त्री छह्य विवाह याना सुख भोगं काल हना च्वन ।

छुं समय बितय् जुस्येलि थ्व स्त्रीया गर्भवती जुल- थ्व महाजनं आपालं बंजालपि
मुंका समुद्रान्त पारयाना व्यापाद या वनेगु ज्या चिन्तना यात । स्त्रीनं बित्तियात, भो
स्वामी ! छाया हताय् चाया परदेश वनेगु । जि न्हेलादुह्य गर्भवती स्त्री तोता बिवेशे
तापाक भ्रमण जुइ म्वानि । छेँ संपत्ति यको दु नय् तोने पुने तियेगु छुं धन्दा मदु आः

थय्ये बिज्याय् मते वनेहे मासा जि मचाबुइ धुंका जक बिज्याहुँ ।

स्त्रीनं थय्ये घाःगु खँ न्यना भातहसिनं धाल, अरे प्रिय स्त्री, छं घागु खँ खः । आपालें लुं वह नवरत्नादि मोगु थिक याना तय् धुन आः थय्येवंसा यको लाभ जुइगु खने दु लिपालाके मजिल सोला वा प्यलाजक बिस्तार जुइ । बस्तु फुकं बिक्रीयाय् धुनेवं याकनं छेँ थ्यंक वय् छं छुं घन्दा काय् भ्वाः । जित गनेमते भिगु ज्या खः धया मामागु बस्तु ज्वंका मंगलयाना कर्णमहाजन परदेश गमन जुल ।

ववं निला पुला वस्येलि व्यापादं आपालं घन लाभ जुल- बस्तु बाकि जूगुलि फुकं मोधुंकाजक छेँ वनेगु मती तया वन । छगु नदी थ्यन द्वंगास च्वनावंबले दथुइ थ्यनेवं (काल बायु घाइ) गोः फय् तस्सकं वया द्वंगा फुकं फसंब्बाका क्वे यंका ब्यूगुलि बंजापि च्वनावंगु द्वंगा फातापुला नदीस कुतुंवना सित शरीर बिपत्ता जुल बस्तु घन संपत्ति नं फुकं लखे कुतुंवना फुत । । थः च्वना वनागु द्वंगा छगु क्वे थ्यंका बलात्कारं माझीं जतनयाना पार तरेयाना बिल । माझीं बिनितयात, भो सार्थवाह ! जिगु दोषमखु गोःफसं यागु खः छपिगु भाग्यं बचेजुल म्येपि फुकक गनंगन जुल- आः जिगु दस्तुर नं काय्मखुत जि तापाक लिहां वनेमानि जि पासा माझिपिनं सित । अन थन धाय् मफुत छुयाय्गु खः धया माझी माथाय् वन ।

कर्ण महाजन याकचा जुल छयाय् सिमाक्वय् च्वना याकचा खोयाच्चन । अहो जित गुबोगु बिपत्ति जुल । लाखं मयाक संपत्ति ज्वनावयागु लखे कुतुंवना फुत, नापं बोनाहयापि पासापि (बंजात) नं नदीस कुतुंवना बिपत्ता जुल । धिकार जिगु भाग्य आः जि याकचा गन वनेगु गन च्वनेगु स्वंगु शरणेवना कल्याण जुइगु । नेगु तोनेगु च्वनेगु थाय् गन मालेगु गुयले छेँ वनेगु ।

गर्भवती कलानं गंक परदेश वयागु बिफल जुल हाहा हे दैब जि छाया वल । छेँ गथ्ये थ्व खँ थ्योगु- जिगु दुःख थ्व खँ सिलकि जि स्त्री जक मखुः बोनाहयापि पासाया जहानपि सकलें गुलि बिलाप याइगु जुइ थय्ये हाला नुगले ह्लाः तया कर्णसार्थवाहं बिलाप यात । बहनी जुल खंत प्यहा वल छ सुः घाल कने मलावं छुं भतीचा म्हेदुगु निग प्यंग हेरा बुगु नं लुतेयाना यंकल मुथे जुल न्हकुतिया ऊसुका तया च्वन ।

श्वहे बेलाय् छेँ रात्रिस (कातिक पुन्ही चान्हे) सुभद्रा महाजननीया मचाबुल
 १८ प्रकारया अलक्षणम्ह काय्मचा । गुगु प्रकारया १८ अलक्षण धाःसा । १) कपिल
 केशा- माकयासैथ्ये सीस्ये च्वंगु २) स्थूलंच पांशुः- छ्योतःगो ३) खर्बुजैक मस्तकं-
 खर्बुज फलथ्ये जागु शिर ४) द्वि अंगुल व्यायाम भावं- निलंगु जकगु कपा ५) सिंहोवक्र-
 सिंहया ख्वाथ्ये ला स्येकुंगु ६) भृकुतिश्च नासा- न्हाय् पतचिगु ७) कपिलाक्षं- माकया
 मिखाथ्ये चिकिगोचा भुयूगु ८) कपोल गह्वलं- न्हकु गाःवंगु ९) गज शूल्यंच-
 किसियाथ्ये क्वाचुगु छ्याकगु छ्यंगु १०) स्थूलोदर- प्वाः तगो ११) ग्रीवं बामन-
 मनचा चीब्या १२) हृदयोच्च- नुगपा द्वंथ्या १३) दीर्घ बाहु- बोह द्वंथ्या १४)
 षट्दीर्घ भुज- ह्लाःपु ताहाक १५) तथैब पादौ- पालिनं निपां ताहा चिकिब्या १६)
 अदीर्घोसौ स्थूलोदर- ग्वाराचिगु प्वाः १७) ताभिउच्च- त्यफु द्वंथ्या १८) लिंग दीर्घ-
 पुरुषचिन्ह ताहाक । ० ।

थुजाम्ह काय् जन्म जूगु खना मांम्ह तथा अनच्वंपि अहो श्व बालक गुजोम्ह जन्म
 जुल धिकार धका ख्वाः खिउँका स्वयाच्वन । उगु इले अलक्षणम्ह मचा जन्म जूगुलि
 अकस्मात् श्व महाजनया छेँ छचाख्यलं मीं नया गंगु सि छोय्थ्ये भयंकर रूपं मि
 च्याना वल ।

छेँ कोथाय् च्वने मजिया नकतिनि जन्मजूम्ह काय् घेःपुना महाजननी म्येपिनं छेँनं
 पिहांवया न्ह्योनेसं छगु फलेचास च्वना छेँ मीनगु सोया च्वन ।

अहो आः जक धुनका मचाबुल उजोम्ह अलक्षण बिरूप । भात परदेशे छेँ मीनल
 नय्गु त्वनेगु गनंगन छेँ च्वने मजिल जित गुजोगु बिपत्ति जुल हा हा हे दैब धका खोया
 च्वच्वं सुथेजूबले छेँ, संपत्ति दक्क भस्मयात अग्नि देवतां । । मचाबूम्ह मिसाया
 शरीरे च्वक जक बस्त्रजुया थःगु पतासि बात्वा खुना लासायाना बात्वा पतासि मचायात
 ईचा बस्त्र फांगा तथा तःचवतं बिलापयात । सकलें वया सोवल मिखाय् ख्वबि मवपि सुंमदु
 गुजोगु दुःख जुल श्व महाजननीया धका मती दुःख जुइका च्वंपि, गुलिसिनं श्व बालक
 अलक्षणम्ह जन्म जूगुलि थथ्ये उत्पात्त जुल धापि । थथ्ये अनेक तालं खेँ ह्लाना सोयावंपि
 सोवपि दयाच्वन ।

મચાબૂબલે કોથાય્ ચ્વંપિ ઇષ્ટમિત્ર દિદિ અજિમાં ધાપિ સકલે ગ્યાના વિસ્યૂવન ।
મત્તિ દુમ્હ પ્રેષ્યાદારિકા ધામ્હ દાસી જુયાચ્વંમ્હ મિસા છમ્હસિનં થઃગુ છેવના નેગુ બસ્તુ
કયાહયા મચાબૂમ્હ મહાજનની યાત નકા ત્વંકા મતોતૂસ્યે વિચાર યાત ।

બન્ધુવર્ગં થઃથિતિપિ વયા વિચાર યાવલ મહાજનનીયાત છે ન્યંકલ । શ્વ વિપત્તિ
જૂગુ કારણ છે બુદ્ધકાહ્ય કાય્ અલક્ષણહ્યસિગુ પ્રભાવં અમંગલ જુયા છે થથ્યે અગ્નિ ઉત્પાત
જુયા સંપત્તિ છે દક્વ ભસ્મ જુદ્ધક અગ્નિદેવતાં નલ । આતક નં મિ ચ્યાના ચ્વનતિનિ
છે વનેછાપિ સું મદુ । છ ફોગીં જુલ છુયાય્ગુ આમ મચા મિમ મહુ વાય્પંકૂસા મિજુદ્ધ
સિનાવંસાનં અસલ જુદ્ધ । આમ મચા ત્યાગ યા શ્વ મચા દતલે છન્તજક મહુ શ્વ દેશેનં
અમંગલ જુદ્ધ ।

થથ્યે ધાગુ છે ન્યના હિહિઃ લના હિકુ હિકુ કયા કપાલે નુગલે દાયા થઃગુ સંપુયા
હ્લાઃ બુબુસ્યાના હે દેવ ! જિ સ્વામી ગુબલે થ્યંકવડગુ યાકનં થ્યંક વય્મા છેયા ગતિ
શ્વહે છઃ આઃતકનં છું હબર મવનિ થુજાગુ વિપત્તિ દુઃખ સ્વંતનં મજુદ્ધમા ધકા કષ્ટં
વિલાપ યાના મોનગુ છે સ્વયા ચ્વન । પ્યન્હુ દસ્યેલિ મિ સિનાવન ।

મચાયા પિઃ પ્રેષ્યાદારિકાનં માગુ થાસે વાય્પંકલ । ગુરુ પુરોહિત વયા ઘાલ
મહાજનની છંગુ છે છું મન્ત બાલકયાત બ્યંકા નામકરણ યાય્માગુ મનંગ્વયા જ્યાયા છે હે
નામ છુનાતિ લિપા છેમાત વદ્ધલે માગુ જ્યા જુદ્ધ ધયાવન । હુન્હુ દસ્યેલિ માહ્યસિનં
બાંમલાહ્ય જુયા વિરૂપ કુમાર ધકા નામયાના દુરૂતોંકા સુનાંનં છું બીહગુ દુસા નયા
ધોરયાના ચ્વન । લછિ પુલાવસ્યેલિ ચાન્હે ન્હ્યો મવ પ્રેષ્યાદારિકા નાપ છે હ્લાત । પ્રેષ્યા !
પાસા છ ધંન્ય છઃ છ છહ્યસિનં જિત વિચાર મયાગુ જૂસા શ્વ મચાનં જિનં સીધુંકલ જુદ્ધ ।
ગુલિસિનં શ્વ મચા ત્યાગયા ઘાલ ગથ્યે ત્યાગ યાય્ગુ- સુનાં કાઈ ગન વાંછોય્પંકેગુ ।

જિ બેશયા જુયા ત્યવકયા બુદ્ધકાહ્ય શ્વ બાલક મહુઃ છુયાય્ માં અબુ શ્વ બાલક
સ્વહ્યસિગુ કર્મ મોગં અલક્ષણહ્ય જન્મ જુલ શ્વ બાલકયાગુ પ્રભાવં છે દક્વ સંપત્તિ ભસ્મ
જુલ ઘાલ । લાખં મયાક લું વહ હેરા નવરત્ન જ્વના બંજા પાસાપિ નાપં બ્યાપાદ યાવંહ્ય
જિ સ્વામી છે થ્યંક વદ્ધલે શ્વ છે સંપત્તિદક્વ ભસ્મ જૂગુ હાનં બાંલાક ન્હુગુ છે
વય્કા ચ્વને ।

व्यापादं लाभ जुइका वइबले ह्वापाथ्ये भाग्यमानि जुइतिनि । छंगु गुण जिनं तोत्येमखुः थव बालक जिगु लाहि खः म्येपिनि बांगलासानं जिपुता जित बांला । थथ्ये घया दुःख जूगु सहयाना च्वन । सुथेजुल स्नान धुंका प्रेण्यादारिका थःगु छेवना छुं वस्तु नेगुहया मालिकयात नका बिचार यात ।

कन्हैखुन्ह छे वंबले दाजु किजापिसं प्रेण्यायात थथ्ये घाल । अरे कयहे मेजु ! जिमिगु खे खैन्य फीपिनं गरीब खः छंस्यु व महाजननी मखुत वइगु पाख्ये छन्त कल्याण जुइमखुत वइत नकेगु बिचार यायगु वइत छे बोनाहयगु ज्यायायगु तोति । अलक्षणह्य काय् जन्म जुइवं अग्नि कोपजुया दक्क भस्म यात मालीक धका छे बोनाहइ फीगु छेन भस्मजुइफुः ।

भ्रनं सोया खना छह्य मिजं लिस्ये हुँ लिपा छ भाग्यमानि जुइ- थव खं मन्यन घाःसा छन्तनं थन छे दुकाय् मखुः थथ्ये घया पितना हल । महाजननीया नय् पित्यागुलि छुं वस्तु नेगु हइ धका आशायाना च्वन ।

मिखा बुबुस्याना खोबि वय्का बह्य दाशी खना छाया छुःजुल धका न्यन । हिहिः लंका दाजु किजापिसं धयाहःगु खे कन मचाबूह्य निरास जुइका ह्नुकु तिया फुसुका तया खोबि वय्का काय् घेःपुना दुरुतोंका मचायात छ्यनेपिया खोल प्रेण्या दासीनं अलग च्वना खोल ।

जि मां अबु मदुसानं जि दु धया धुकुति छोया म्हायथ्ये नका तोंका पुंका पत्यार यानातम्ह मालिकया गुजागु दुःख जुल । अप्सरा तुल्य सुन्दरीम्ह- तस्वागु चिकं इला बांलागु स्वां शिरे छुना रत्न मोतिया तिसांतिया बांलागु भिगु वस पुना यःगुतक नया म्येपिन्तनं बिया दाता जुया च्वंम्ह महाजननी मालिक जि मां तुल्यम्ह या गुजागु अकस्मात- या दुःखं पीडजुल जितनं छे वय्मत्ये धया दाजु किजां पितना हल आः जि गनवनेगु गन च्वनेगु हे दैव ! धया प्रेण्या दासीं तच्चतं बिलापयात ।

महाजननी धेःधेः चुइक दनावना थःगु दुःख छख्येछोया प्रेण्यायात हेकल । छ म्हाय् समान खः जिगु दुःखसोया खोल खोय्मते । जि स्वामी महाजन छे अबु समानह्य खः

बाछि लछि थ्यंक वइ आः निन्हु प्यन्हुनं थ्यंक वय्फुः । बिस्तारं ह्लापाथ्येजागु ऐश्वर्य जुइ
तिनि खोय्मते धीरया घया दासोया ह्यय्घेःपुना थःनं धीर याय् मफया बिलाप यात ।

मालिक खोगुलि प्रेष्या बुलुहुँ दना मखोस्ये मालिकयात घेःपुना हेका निम्हं खोय्गु
दित । निह्यसिया सल्लायात आः थथ्येजक च्वनानं मजिल, महाजननीनं धाल-- जित
तोता छ गनं वनेमते जिभात थ्यनि ह्लापाथ्ये सुख जुइतिनि छुं धन्दा काम्म्वा छन्तमागु
ज्या याय् ।

मालिकं थथ्ये भरोसा ब्यूगु न्यना मन धीरयाना च्वन । मीनया भस्मजूगु थासे
भ्वाथगु काप थाय् थासे मिलापु सिं धंका खाया भुतु दय्का सुनानं बीहगु नया गुबले लः
मात्र तोना छांलाना गंसी बिरूप जुइका पो पोरींतथ्ये च्वना जीविका याना च्वन ।

लछि प्यला खुला दछि निदं प्यदं खुद पुलावन भातयागु खबर छुं मव-- परदेश वंह्य
भात छु जुल छाया मवगु छुं हे खबर मदु बंजा पासापिनं छह्यहे लिहांमव सुइके न्यनेगु गन
च्वन सीके मफु थथ्ये बिलंब जुइ मदु । गर्भबतीह्य कला तोतावंह्य मचा खुदं दय् धुंकल
आःतकं लिहां मवनि छेया गति थ्वहे खः नय्गु पुनेगु छुं मदु च्वनेमाल थुजागु थासे सिना
वंसानं जिल छाया भ्वानाच्वनेगु घया स्वामी लुमंका हे देव कुलदेवता हे भगवान् प्रभू धका
ह्लाः बुबुस्याना थःगु नुगले दाया तच्चतं बिलाप यात ।

काय् बिरूप कुमारं माँ माँ घया ह्यय् घेः घेः पुना खोल । दासीनं ग्वारातुला खोल ।
ले वपिसं खन नुगः मछिका थःपिके दुगु ध्यबा, अन्न, बस्त्रबिया खोय्मते छुयाय्
दुःख जुल खः ।

भातं कमाय्याना बंजापि नापं छे थ्यंक वइबले थुगु दुःख मदइ । महाजन रत्नाकर
थ्यंक वन जुइमा उकीं ढिला जुल खैः हताय्चाय् मते धीरयाना च्वं घया वनीगु ।

नय्गु च्वनेगु पुनेगु मदया दुःखिपि सः मुक खोय् धुंका काय् मुलेतया क्सुका तया
दुःख प्रकटयाना खे ह्लात । लोकं घागु खः दया दुपिसं बिया थकुगु दुथ्ये पुथ्ये ज्वरेयाना
नय्माल थौजा नय्गु वत कन्हे छु नय्गु आः कीपि निह्य नापंवना फोंवने घया हलिचा

(चायागु) थले मिलापु सिं घ्याकां फोगीं स्वभावं बुका स्वम्हसिया नया दिन वंकल ।
कन्हैजुल चायागु थल गोपस लः हया दाय्का त्वन-- काय् नय् पित्याना ह्लाः चुचुप्याना
मां मां धया हालाच्वन नेगु कयाहय् सुंकच्व न्हैः धया हेका काय् तोता दासी नापं चायागु
थल ज्वना महाजननी फोंवन ।

छह साहु याथाय् वना जिगु अबस्था थ्वहे ख दया कृपा तथा बिज्याहुं धाल । उगु
छेंया मिसातय्सं थ्व महाजननीनं अथ्ये धया फोंवगु खना अहो गुजोगु जुल सोसो धया
नुगः मछिका लक्ष्मी समानह्य मिसां फोंवल कासं तले धया यंका मानेयाना नकेत्यन ।

फोंवह्यस्ये धाल- थन च्वना नया च्वने ह्याल जिमि जक नयां छुयाय् काय् द्यांलाइ
निघा जूसा दानयाना बिज्याहुं ज्वनावने । मिजंतेसं धाल खः नय्गु बियाछोय् । सकसिनं
धाल अलक्षणह्य काय् जन्म जूगुलि मांया दुःखजुल अबु परदेशेवंह्य लिहांमवल ह्लिह्लि जा
बीफइ मखुः प्यन्हु न्यान्हु दय्वं छक वा तर छं बिरुपम्ह काय् बोना वय्मते जिमिगु
छें नं मिनया भस्म जुइ जिपिनं दुःख जुइ- थथ्ये धया नेगु बियाछोत ।

हानं म्येगु थासेवन अथ्येहे धया छुं अन्न इत्यादि ब्यूगु कयाहया छें वया मामागु
तालं याना स्वम्हसिया नल । थुगुतालं फोना नया जोविका यागु काय् च्याद दत तथापि
भात छें मथ्यनि ।

छन्हु सुथे काय्यात मांम्हसिनं धाल- हेकुमार ! छनं छक थों फोनाहति धया
चायागु थल (मिलाचा) छग बिया छोत । मांया खँ न्यना बिरुप कुमार फोंवन ।

ऊयाले च्वना च्वंपिसं हूं वम्ह बिरुप मचा अलक्षणम्ह ख कीगु छें द्रहां वइ छें मीं
नइ दुकाय् मज्यु धया लुखास खापातिना सुनानं दुमका । छम्ह निम्हस्ये दयातया पिहांवया
बीहल फुवाचाय् जाय्क दत न्यासिचाया लिहांवल । । छथाय् लें म्हिताच्वंपि
मचात प्यम्हसिनं थ्व बिरुप कुमारयात आम छुः कयाहयागु धया छम्हसिनं घ्वानाछोत,
छम्हसिनं तुति प्यंकल, छम्हसिनं दाल, छम्हसिनं लिउने पार्ये गपते ज्वना बेगं घ्वाना
जुकछोत । भूमीस जूवना कपाले घाः जुया हिवल मिलाचानं तःज्याना बियाहगु अन्न
फुकं वात वागु सिना मकास्ये तःज्यागु थल ज्वना मां मां धया खोयावल, हि सोसो वय्का

खीयावम्ह काय् खना मांम्हसिनं घेःपुना मुले तथा छ दलला धका न्यन ।

प्यह्यसिनं यानाहगु खँ कन मांम्हसिया नुगः मछिना खोबि वय्का कपाले हिवगु हुया काय्पात ख्वाले पितु पिया तुति उसि उसि याना धाल । बिरूप अलक्षणह्य जूसानं जि बुइकाह्य काय् जिपुता खः अबु ह्यमस्यूनिह्य छँ मवु नेगु मदया फोंवह्य मचायात सास्तियाना भिक्षापात्र तःज्याक छछाक नेगु अन्न सितिवंक घ्वांना प्यंका दायाहल ।

थुमि जय जुइमा पुता खोय्मते छँ अबु महाजन खः यकोबंजा पासापि नापं रत्नाकर प्यंकवना यको घन ज्वना कन्हे कंस थ्यंक वइबले थ्वछँ तःखा जुइक दना व्यापाद याइबले छनं महाजन जुया लिपा सुख जुइतिनि । खोय्मते छुयाय् कीत तःधंगु दशा जुयाच्वन थ्व कीगु कर्म भोग खः आः छन्त फोंके छोय् मखुत दुथ्ये पुथ्ये नया च्वने पुता धया ई ई पना खोल ।

काय् नं मांयागु ख्वाले पितु पिया धाल, मां खोय् मखुत छनं खोय्मते जि अबु ह्य मस्यु अबु गथेचों छाया मां तोता परदेश वंगु गुबले वइगु आःतकं छाया मवगु गुबले वये घयावन मां- काय् नं थथ्ये घया न्यंगुलि ऊन् ई ई पना खोल । दासीनं घेःपुना हेकल-उगु दिने गनं भिक्षाका मवस्ये सोह्यसिया मामाथ्ये याना नया सन्तोष जुइकल । ० ।

थन परदेश वंह्य कर्णमहाजनया खँ सोके

परदेशे च्वंह्य कर्ण महाजनया बिपत्ति थमं बोना हयापि बंजा पासापि फुकं धन संपत्तिनं दक्क लखे कुतुंबूना प्राण बचे जुइका च्वंह्य खः । याकचा जुल छुं भतीचा थःके बाफिदुगु धन छुं लुतेयाना यंकल छँ वय्गु समर्थ मन्त असहाय जुया गन वनेगु स्वंगु शरणे च्वनेगु जुल ।

गनवंसा सुनानं पत्यार मयात मनेकं शरीर बलाइ मखु नेगु मदु बास च्वनेत सुनानं थाय् मबिल ह्यय् पुनेत वस्त्र पुनातयागु मात्र हाकुल जीर्णजुया च्वन म्हस्यूपि सुं मदु गंसी जुइका थ्व महाजनं भिक्षा फोनानल । भिक्षु महात्मा साधु मखु फोना नइम्हसिया मान हीन जुइ । अथ्ये जूसानं थाय् थासे भ्रमण जुया सत देवालये गनं फलेचाय् बासयाना

फोना जीविका याना जुया च्वन । गंसि जुल लुसि सँ ताहाक भ्म्य् खितिदत लँ हाकुस्ये च्वन गनं होगं जि गुबले गथ्येयाना छँथ्यकेगु हे देव भगवान् ! थुजागु दुःख छँ च्वंम्ह कलानं सिलकि गुलिजक खोइगु जुइ ।

हानं बंजा पासापिनि जहान्पिनं सुंक च्वनीमखुः । गर्भव्रती कला तोतावया मचाबुल काय् अथवा म्हाय् इत्यादि छुं स्यूगुनं मखुत । सुनां भरोसा बिया जित छँ थ्यंका बीगु खः । अहो जिगु जन्म धिकार-- गुलितक थ्ये जुइतिनिगु नेगु च्वनेगु पुनेगु मदु सुनानं दया कृपा मतल गनवंसा खुंला वेंय्ला धका थन च्वने मते हुँ नं घया हइगु जुल । वनाथाय् तक कर्ण महाजन बिज्यात फ़ाल धाय्का सकसिनं मानेयाका च्वनाम्ह थन वया फोना नेमाल हाहा गुजागु दुःखया बेदनास लात घया खोया चाहला जुल ।

थुजागु तालं च्यादतक भ्रमण जुया छथाय् बास याबले छम्हसिनं करुणा तथा न्यन छ सुखः धाल । थःगु बन्धुमती देश नाम कना जि छँ वनेत थाकुया च्वन धाबले-- छुं मतीचा नेगु बिया छ थनं हुँ याकनं थ्यनि घया लँ क्यना बिल छः बचन जुइमा घया नमस्तेयाना उगु थासं बल प्यन्हु दुबले बन्धुमती देश खनेदत । सन्ध्याइ जुल छथाय् चिकि धंगु छँ द्वाहांवना बिनितयात । जि छम्ह दुःखि खः खुं लुच्चा वेंय्मखुः कन्हे सुथे छँवने थन चछि बासयाय् धाबले-- छंगु नाम छु धका न्यन नामकन म्हमस्यु तस्सकं दुःखिखाः थनच्वं घया बासतल ।

छँ थुवातय् बहनीसिगु नल बास च्वंम्हयात धाल छुयाय् जिपिनं गरीब थउँ माय् ओ छुना छुं लुसातया नयागु जुया ल्यंगु ओ निपा दनि नयादिसं घयाबिल । लेःताल कया सुवाबिया ओछपा नय् धुंकल । मतीतल कन्हे छँ थ्यनीगु रीक्तहस्त (खालि ह्लाः) याना छँ द्वाहां वनेमत्य । लाखं मयाक संपत्ति ज्वना परदेश वना वयाम्ह खः छुयाय् थुजागु दुःखजुल-- थ्व ओछपा लुंपाय् समान याना छँ द्वाहांवने । थ्ये मती तथा मनस्ये तल । कलायात-- दुःखया खँकने थउँ चछिया गरीप जि जुल कन्हे छँथ्यनिगु अवश्य खः जि कर्णमहाजन धनिम्ह (साहु) खः कोथाय् च्वना मागु खँ ह्लाना सन्तोष याय् । साहुनी जि स्त्रीया खाः स्वय्गु काय् अथवा म्हाय् जन्म जूम्ह न्ह्योनेतया लासाय फेतुना महाजन जुया ज्यायायेगु दिन कन्हे निस्ये जुल धका मन हर्षयाना बासघात ।

कःहे सुथे जुल बिदाकया ओ छपा ज्वना वन ले थमं म्हस्यूपिं छम्ह निम्ह नापलात
थः बिरूप जूगुलि सीका छुं मघास्ये ववं बागमती (तीर्थे) थ्यन शरीर शुद्धयाना बुलुहुं
वंम्ह ह्तिने थःगु छेक्कसं थ्यन छे मदया जुले जुइका उख्ये थुख्ये सोया लिधुः थिधुः
जया च्वन ।

थुखुन्हुया सुथे बिरूप कुमार सुनांनं स्वयेमयेका थुजागु अपा चा घाय् ह्लाय्कं
इत्यादि दुगु यासे भ्वायगु कापया पर्जा खायातगु यासेच्वना नयेमखंका पित्याका च्वनेगु
धिकार सिना वनेगु मती तथा क्यबे जि छकः वने न्है धका मांयाके न्यना अबुं दयेकातगु
क्यबे वना अमा सिमास गया थःथमं कुतुंवया मूर्छाजुया च्वन थ्व मांम्हसिनं मस्यु ।

छे थ्यंक वम्ह कर्ण साहुयानं थःगु छे मखना थ्व यासे हाकुस्ये खितियागु भ्वायगु
लनंफिना गंसिपि मिसानिम्ह नाप च्वना चा आपा या द्वय् फेतुना च्वंपिंदु । गनं न्हायकं
घाय् बुया च्वंगुनं खन जवे खवे सकभनं स्वत मिलेजु बांलागु थःगु छे मखना अलमल
जुइका लिपा जिगु छे थनहे थः छे घासामदु कला म्हमसिल फोंगीथ्ये च्वंपि मिसात निम्ह
निभा पानाच्वन । थन गरख्येस्येचों जिगु छे थन मखुथ्ये नं चों । थुमिके न्यना सोये धका
चा अपाया द्वे थाहांवना न्यन ।

अरे क्यहे मेजुपि ! थन कर्णमहाजनया छे गुथाय छिपिसु ! थथ्ये धागु न्यनेमात्रं
अनच्वंपि मिसात निम्ह दना ख्वाः सोत । म्हमस्यु दुःखिम्ह सँ लुसिताहाक खितिदुगु
जीर्ण वस्त्रंपुना गंसि जुइका वम्हजुया थः भात धका म्हमसिया च्वन । । ताउति
स्वया घाल- छ सु फोंवयाम्ह जूसा जिमिगु गति थ्वहे खः भिक्षा बीगुमदु म्येथाय हुं ।
कर्ण महाजनया छे थ्वहे खः छुयाय महाजन परदेशे कांम्ह आःतक छुं खबर मदु सितनं
मस्यु म्बानिनं मस्युः बंजा पासापिनं छम्ह हे लिहां मवनि साहुया नाम कया छ वल छं
स्यूला महाजनयागु खबर छु दुः । थथ्ये धागु छं न्यना मतीचा जुलेजुया लिपा घाल । थन
छिपिसु कर्णमहाजनयागु छं जिनं कने व महाजन यागु छे सीके माल थन जित
अलमल जुल ।

महाजननी सःतिक वना घाल छं गथ्ये सिल छ सु छंगु नाम छुः । महाजनं म्हुतुसि

खाका घाल- कर्ण महाजन घयाह्य जिहे खः ह्यसीकि वडगु छें ग्वः ।

यथ्येजक धाय्वं महाजननीनं ताउति सोया ह्यसीका बिन्तियात छलपोलया छें
ध्वहेख कलाह्यनं जि खः । थ्व प्रेष्यादारिका ह्यसीकि । थ्व खें न्यनेवं ताउति स्वया
ह्यसीकल खोबि वय्का न्यना- छिपि जिनं ह्यसिल जि छिमिसं ह्यसीके धुंकल थ्व छें
थथ्ये भस्म जुया च्वंगु गुलिदत छु जुया भस्म जुल ।

महाजननीनं खोबि वय्का ह्याः ज्वना छथाय् यंका खेंकन । मचाबुल १८ प्रकारया
अलक्षणह्य काय् जन्म जुया भतीचा लिपा मिच्याना छें संपत्ति दक्क भस्म जुल ध्वहे ख
जिमिगु गतिनं थथ्ये जुल ।

छपिनि आमथ्ये ब्येथ्ये स्वभाव् छाय् बंजापासापि ग्वः ? आमथ्ये दुःखि जुइका
छाय् वयागु छु जुल धका महाजननीनं न्यन ।

कर्ण महाजन शरीर कंप जुइका घाल यको कमाय् यानागु खः समुद्रे द्वंगास च्वना
वनाबले गोःफय् वया द्वंगा फातापुला बंजा पासापिनं संपत्ति दक्क लखे कुतुंवना मन्त,
जि छह्य बाकि चाहला फोना नया जुया सुनानं पत्यार मया च्यादे दत बल्लं थौं छें
थ्यंक वया ।

छें थ्यनेवं छेंया संपत्ति व्यापाद याना लखे कुतुंवंगु धन दछि निदें लाभयाय् धका
हर्षयाना वया थन छेंयानं गति थुजागु जुल गुजागु बिपत्ति धिकार ।

हानं महाजननीनं न्यंकल गुजागु खें न्यनेमाल स्वय्माल जिभातं धन कमाय् याना
तिहाँवइ ह्यापाथ्ये जि सुख जुइतिनि धंगु आशायाना च्वनागु फुकं व्यर्थ जुल धका भूमीस
चतावाना मूर्छा जुल । महाजनं घेःपुना प्रेष्या दासीनं लः तोंका चेतना दय्कल । निह्य
त्यपुया ह्याः ज्वना भूमीस ग्वारातुला धैर्ययाय् मफया कष्टं बिलाप यात ।

अहो जिगु कर्म थ्वहे ला- ह्लिह्लि मोल्हुया शुचिबस्त्रं पुना मती लूगु नया तोना
आपालं संपत्तिया मालिक जुया राजगृह समानगु छें च्वना दानकावपिन्त बिया मदु
धापिन्त सुख जुइका उपकार याना च्वनाह्य खः । आ सुनां जित उपकार यावइगु जि
छु याना थुगु शंकष्ट मदय्केगु ।

સ્વંગુ શરણે વનેગુ શ્વ દુઃખ ફુકાબોહ્ય સુ ખઃ ગન દુ । સુ વયા જિ થુજાગુ દારિદ્રયા
 દુઃખગુ સમુદ્રે કુતુંવંહ્યાત થકયા બોહ્ય સુ ખઃ । સુ વયા થુગુ શોકયા નદીસ કુતુંવંહ્યાત
 થકયા બોમ્હ સુ વડે । સુ વયા થુજાગુ વિપત્તિ મદય્કા બોગુ । સુ વયા થુગુ શોકયા નદી
 કુતુંવંહ્ય જિત જિ થકયાબો ધાવડમ્હ સુ વડેગુ । સુ વયા થુગુ દરિદ્ર શત્રુયાત જિતય્ યાડગુ ।
 સુનાં શ્વ દરિદ્રયા હાઃ લિકયા બોગુ । સુ વયા થુગુ દરિદ્રયા ધઃવા લેનેદય્કા ગ્યાનાપુક
 હાહાકારં હાલીમ્હ ભૈરવ તુલ્ય રાક્ષસયા હ્લાતેલામ્હ જિ દારિદ્રયાત ઉદ્ધાર યાય્ત
 ઝજાપિન્ત ત્રાશબોમ્હ જિ દુ ઘકા સુ વડેગુ । સુ ખઃ જિત શ્વ દારિદ્ર યાગુ પહલમાનં જ્વના
 સાસ્તિયાના તગુ મદય્કોમ્હ સુ વડેગુ । નય્ પિત્યાના તઃપ્વાગુ મત ચ્યાના મિ દાહ જુયા ચ્વંગુ
 દુઃખ જિ મદય્કા બોધકા સુ વડેગુ । સુ વયા શ્વ મત્તાહામ્હ કિસિ સમાનગુ દારિદ્રયા
 શંકણ્ટ ફુકોમ્હ ગુબલે વડેગુ । થુજાગુ ઘયાં સાધ્ય મજૂગુ અનેક દુઃખયા સર્પં ન્યાના વિષં
 વાહજુયા મૂર્છા જૂમ્હયાત ઉપકાર જિયાય્ ઘકા સુ વડેગુ । સુ વયા જિયાય્ ઘકા જિગુ શ્વ
 સર્વસ્વ છે ફુકા દરિદ્ર યાના દુઃખ જુડકા વ્યૂમ્હયાત ત્યાકોમ્હ બીર ગુબલે થ્યંક વડેગુ ।
 જિગુ શ્વ મહા શંકણ્ટગુ સહયાય્ મફુગુ તચ્વગુ દારિદ્ર દુઃખયા પોડ મદય્કોમ્હ જિ દુ ઘકા
 ગુબલે બિજ્યાડગુ । હું જ્યાયાના દુઃખ બિયા ચ્વંમ્હસિગુ હ્લાઃતિલામ્હ જિ દુઃખ દારિદ્રયાત
 સુખ જિ યાય્ફુઃ ઘાડમ્હ ઉપકારિ ગુબલે ઝાડગુ । દૂર બનાન્તરે થ્યંક દારિદ્રયા લાતાય્ તયા
 વાય્યંકૂમ્હ જિત, નય્ મલના સાસઃ હ્લાય્મફયા સોત્યંમ્હ જિત, છું દોષ મદુમ્હયાત અઘર્મ
 યાગુ દોકં તોપુયા તમ્હ જિત, જિ જહાન યાતનં સહયાનાં સહયાય્ મફુગુ દારિદ્રયાં મહાદુઃખ
 ફુકાબોમ્હ ગન ચ્વના ચ્વન સુ ખઃ યાકનં બિજ્યાના ઉદ્ધાર યાવસા મ્વાઈતિનિ, મવસા
 જિપિ સોન, હે પ્રભૂ ભગવાન્ વિપશ્ચિ તયાગત ! જિ લોયાગુ તાય્કા મિલાં સ્વયા બિજ્યાહું,
 એવં પ્રકારં બલ પિકયા હાહાકારં લોયા ચ્વન ।

ઊગુ બલતસ બન્ધુમતી દેશયા દથુદ્ધ બિહારે બિજ્યાના ચ્વંમ્હ ભગવાન્ વિપશ્ચિ
 તયાગતં તસ્સકં અનેક દુઃખયા વિલાપ યાગુ શબ્દ તાય્કા ધ્યાનં લંકા હ્લાતિકાં રશ્મિ
 (તેજ) પિતહયા સકમનં લય્કા આજ્ઞા જુલ ।

શ્વ લોકે મહાશંકણ્ટં દુઃખ પોડજુયા વિલાપયાપિ સુઃ ગન દુ ઘકા સોબલે કર્ણ
 સાર્થવાહ (મહાજન) યા નિમ્હત્યપુ લંકા બિજ્યાત । થુમિત ઉદ્ધાર યાય્યા નિમિત્તે

वसपोल पिण्डपात्र ज्वना बन्धुमती वेशे सकमनं बिचार याना मिनया स्यना च्वंगु चा
अपाया द्वेय् घांय् चुया बांमलाना च्वंगु थासे च्वना बिलाप याना च्वंगु दुःख स्वया अन
थःगु रश्मि खय्का हानं सिमां कुतुंवया मूर्छाजुया चताःवाना च्वंम्ह बिरूप कुमार यातनं
करुणाया मिखां स्वया उगु केबेवना जःगु पाह्लाया तेजं खेका अलक्षणगु बिरूप दक्क
लिकया बांलागु स्वीनिता (३२) प्रकारया सुलक्षणं पूर्णगु शरीर याना बिज्यात ।

उगुइले मूर्छाजुया च्वंम्ह बिरूप कुमार चेतना दया हाछिका तया दनासोबले द्वछिगु
कल्प जन्म जुयानं दर्शन लाय् थाकुम्ह करुणा धारि बिपश्चि बुद्ध खना अद्भूत जुइका
श्व सु धका मतीतया स्वयाच्वंबले पीत रक्त (म्हासुगु ह्यांगु) बांलागु निगु बस्त्र अकस्मात्
ह्लाःते दयावल । कुमार दनावना ह्यांगु बस्त्र छगु द्वहलपायाना तुति भोःपुया भगवान्
बिपश्चिया खाः स्वया पुलिचुया बित्तियात ।

बिपश्चि बुद्ध आजा जुल, हे बालक ! छंगु दुःख थनिनिस्ये फुत, छंगु नाम बिरूप
कुमार मखुत सुरूप कुमार जुल घया- उगुथासं हानं बिलाप याना च्वंगु थासे बिज्यात ।
खोयाच्वंवि धैर्ययाना दनावया भगवान् बिज्यागु सीका प्रणाम याना महादरिद्रम्ह दुःखिया
थासे बिज्यात छलपोलयात द्वहलप्येगु छुं बस्तु मटु जि धिकार खः घया कसुका तया
ताःहाकगु सास पिकया श्रद्धातया थमं ज्वना वयागु माय् ओः छपा बिपश्चि बुद्धया पिण्ड-
पात्रे देछाया तुति भोपुया प्रणिधान यात ।

करुणाधारि भो भगवान् ! जिगु दुःख थ्वहे खः परदेश वना घौछिया दुने फोगीं
जुल छे चछिया मि नया जहानया थुजागु बिपत्ति जुइका च्वन, जि छेवया गति थ्वहे खः
भो प्रभू ! थ्व सहयाय्त् थाकुल जिनं प्राण त्यागयाय् त्यना, जिके दुगु ओमधि छपा
छलपोलयात छाया क्षमाफोने जिमित छुं पुण्य दया कुशल जुइगु आशा दु घया खोबि
वय्का बित्तियाना च्वन । । थुगु समये भस्मजुया च्वंगु छे सकमनं तेजं खय्का
अमण याना बिपश्चि बुद्ध आजा जुल । छंगु दुःख जिनं खन छ खोधाहःगु शब्द जिनं
ताल । श्रद्धातया जित छागु थ्व ओमधि छंगु तःचोगु भक्ति खः थुगु दानयोगु कुशल मूल
पुण्यया प्रभावं थ्वछे न्हापाथ्ये बांलाना सकल बस्तुनं पूर्णजुया सुख जुइमा धीरया घका
आशीर्वाद बिया लिहां बिज्यात । । थय्ये आजाजूगु न्यना उगु देशबासी मनुत

तथा बंजापासाया जहान्पिनं वया सोवल खुशिजुया लिहां बिज्याम्ह भगवान्यात प्रणाम
 याना, कर्ण महाजनयात गुलिसिनं थय्ये धाल भो महाजन ! जिमि जहान्पि बोनायंका
 गन तोतावया नापंवना नापं वय्मागु खः बिस्तार छाय् छु जुल । । थय्ये घागु
 न्यना खोबि वय्का परदेशे वनाबले सिगु दुःख फुकं कना न्यंकल । जिगु दोष मखुः समुद्रे
 चवनावनागु खः गोफसं याना माफि थामेयाय् मफया द्वंगा फातापुला लखे कुतुंवना सकलें
 मृत्युजुल जि छह्य बाकि दंबयोगं म्वात फोना नयाजुया न्यादें दत बत्तलं छें थ्यंक वया छेंया
 गति जिगु दुःख थ्वहे खः जि छुं घन बीगु समर्थमन्त । थ्व खें न्यना सकलें थःथःगु छें वना
 बिलापयाना मागु ज्या सिधय्कल ।

अनंलि कर्णसार्थबाहं स्त्रीयाके खें न्यन, अरे अद्रे ! छं जन्म यानाम्ह काय् गनवन
 गो स्त्रीनं उत्तर बिल, भो स्वामी ! क्यबे वने बिरूपम्ह छु म्वाना चवनेगु नय्गु छुं मदु
 सिनावंसा ज्यु घया क्यबेवंह्य आःतकं मवनि । सार्थबाहं हानं न्यन वइगु नाम छुः स्त्रीनं
 कन, छुयाय् आपालं बांमलाह्य जुया बिरूप कुमार घका नामयाना तया । स्त्रीनं थुलि
 धाय्वं हताय्चाया कर्णसार्थबाह क्यबेवना सोवन ।

बांमलाम्ह मदु- म्हासुगु वर्ण म्हासुगुहे लनंफिना च्वंम्ह दिव्य सुन्दर मूर्ति ३२ लक्षणं
 पूर्णम्ह कुमार खना बिचारयात धन्य ख श्द स्वया काय्जुइ थन बांमलाम्ह सुनं मदु घया
 सतिक वना न्यन । हे कुमार ! छ स्वया काय् छंगु नाम छु ? कुमारं लिस बिल, जि
 कर्ण सार्थबाहया काय् जिगु नाम न्हापा बांमलागुलि बिरूप कुमार खः आः बांलागुलि
 मुरूप कुमार जुल, जि अबुया नाम कर्ण सार्थबाह धाल जिनं म्हमस्यु ।

सार्थबाहं थ्व खें खला मखुला घंगु मतीतया हानं धाल, हे कुमार ! आम खें सत्यनं
 खःला ? कुमारं धाल- सत्यनं खः । जि अबु परदेशवंम्ह मध्यंनि छं म्हस्यूला वइगु खबर
 छु बु । म्हुतुसि खाका सार्थबाहं धाल- छ न्हापा बिरूपम्ह आ छु याना मुरूप जुल
 सत्ययाना घाः छं अबुयागु खें जिनं घाय् । कुमारं सत्य बचनं धाल- नेगु छुं मदु पित्या
 पिहांवंसा बांमलाम्ह अलक्षण घका दाया कसा याइगु फोंवंसानं सुनां दुमका मव्युः छें
 चवनेगु गतिपति मदु अबु परदेशे धाल छु म्वाय्गु घका थन वया सिमाय् थाहांवना थःथमं
 बःमलागु कचाय् पलातया ह्लाः तोता सिमाकचा तोःधुला कुतुंवल मूर्च्छजुल । लिपा

हाछिकातया दना उख्ये थुख्ये सोयावले भगवान् बिपश्चि बुद्ध धाम्हा थन बिज्याना जित
पंचरश्मि खय्का, सुसुहुँ न्हिला छंगु बिरूप कुलक्षणया दुःख मन्त । थनिनिस्थे भिगु रूपजुया
सुरूप कुमार जुल धका नामयाना बिज्यात । त्रित्तियाना तुति भोःपुया लिपा वसपोल
थनं लिहां बिज्यात, जि भ्वाथगु छे वने मंमदया थन च्वना च्वना, छंगु नाम छु धाल ।
कर्ण सार्थबाहं आकाशे थस्वया मिथ्वा तीसिना स्तोत्र यात ।

मूल

नमस्ते भगवन् बुद्ध इति घोषं उदीरितः ।
एतं कृत्वा ह्य कुशलं ममेदं रूपमोदृशं ।
प्रादुर्भूतं मनापंच वर्णं कांचन संनिभं ।
इत्यर्थे तद्रूपं श्रुत्य कर्णसार्थं कृताञ्जलिः ।

अर्थ

भो भगवान् बिपश्चि बुद्ध ! छपिन्त प्रणाम, गुजागु प्रकारं कुशलया ज्यायागु खँ
न्यनेदत, थुजागु भिगु ज्या स्वय्दत, जिनं थुलितक सुन्दरगु रूप खन । मनं चीमफुगु
पित्यागु बिरूपया दुःख फुका पंचरश्मि खय्का सुवर्णथ्ये जागु शरीरयाना जि काय्यात
उद्धार यागु खँ न्यनेदत धन्य छलपोलया कृपा धका कर्ण सार्थबाहं ह्लाःहा ज्वलपा याना
भक्तिपात ।

थुलि भक्ति याना, सुरूप कुमारयात तस्सकं प्रीतिभावं घेःपुना छं अबु कर्ण सार्थबाह
सत्यनं जि खः पुता थौं थ्यंकः वया धया ख्वाः त्वाका चुप्पानया छ्यने उसिउसि याना
जिगु दुःख छं मस्यूनि लिपा कने छ जि काय् खः भ्वाथगु जूसानं छे माँ याथाय् वनेनुः धया
ह्लाः ज्वना वा धाल ।

सुरूप कुमारं अबुया तुति भोःपुया अबुयानं दुःख जुइका वल धंगु सोका खोबि वय्का
फसुका तथा ख्वाः स्वया च्वन । अबुं दुःख ताय् मते नुः धया ह्लाः ज्वना थ्वाथगु छे वल,
माँम्हस्ये खन, बांलाम्ह मचा ज्वना छाव्वगु धका आश्रय जुया धाल । सोया काय् बोना
हयागु छ सु धका सुरूपयाके माँम्हसिनं न्यन । । न्हिला माँया तुति भोःपुया

बिन्तियात । मो जननी ! (माँ) छपिनि काय् जि खः घया वयबे जूगु खँ फुकं कना चित्त
बुजेयात । मांम्हसिनं काय्पात घेःपुना चुपानया म्हय् पितुपिया न्हिला धन्य भगवान्, धन्य
जि काय् घया मुलेतल । थुगु प्रकारं प्यन्हुतक दुःखया खँ ह्लाना दुथ्ये पुथ्ये नया च्वन ।

देवराज इन्द्र बिपश्चि बुद्ध दर्शन यावंबले वसपोल बुद्धं आज्ञाजुल । हे देवराज
इन्द्र ! बन्धुमती देशेच्वंम्ह कर्ण सार्थबाहया पुत्र सुरूप कुमारयात कृपातया मि भस्मयागु
छे न्हापाय्ये च्वंका उद्धार याय्गु अबस्था जुल । थुगु बचन न्यना तथाऽस्तु घया लिहांवना-
स्वर्गे देवराज इन्द्रं मंजुश्री अवतार बिश्वकर्मयात सःता धंविज्यात-

हे बिश्वकर्मजु ! मर्त्यलोके बन्धुमती देशे च्वंम्ह कर्ण सार्थबाहया छे १८ प्रकारया
अलक्षणम्ह पुत्र जन्मजुया अग्नि छे भस्मयात । आः उम्ह बालक भगवान् बिश्वभू बुद्धया
प्रभावं ३२ लक्षणं संयुक्त जुल व सुरूप कुमार च्वंगु छे न्हापाय्ये च्वंका भस्म जूगु बस्तु
फुकं उत्पत्ति याना न्हापाय्ये च्वंका उद्धारयाना वा घागु खँ न्यना तथाऽस्तु याना
बिचार यात ।

उगु अबस्थास कर्ण सार्थबाहया पुत्र ३२ लक्षणं संयुक्त जूगुलि खुसिजुया कर्ण
महाजनया पाजुपिन्याय् सकलें निमन्त्रणा याना चछि चाहिका तल ।

वहे इले बिश्वकर्मया मामापि बोनाहया मि भस्म जूगु छे चछिया ज्या याना
न्हापाय्ये च्वंका छे सिधेका कोथापत्ति गथ्ये न्हापा धन संपत्ति बस्त्र अन्न नवरत्न, सुवर्ण
इत्यादि अनेक दया च्वंगु खः उलिहे उत्पन्न जुइका वयबेनं नानाप्रकारया फल, स्वां, सिमा
इत्यादि सहित जुइका सुयन्हापां बिश्वकर्म घापि तथा म्येपि सकलें गुप्तयाना थःथःपिगु
थासे लिहांवन । अन जल खलपि स्वयां न्ह्यलं मचा ।

युखुन्हु सुयसिया न्हापां नय् घुंका पाजुपिके बिदाकया स्वम्ह नापं लिहांवया थःगु छे
वयसं थ्यंबले स्वप्ने खंगु तुल्य जुया खछि ऊलेजुया स्वया च्वन । तसकं हर्ष जुइका कर्ण
सार्थबाहं जवं काय्पा ह्लाज्वना स्त्री खवे तथा स्वम्हं छे दुहाँवबा स्वबले न्हापाया दुगंछि
कोथापत्ति बस्तुनं पूर्णगु न्हापाय्ये जागु छे वयबेनं अनेक फल स्वां सिमादया बांलाना
च्वंगु खना लेःतागु घयां साध्य मजुः चिमिसं ब्वहं जाय्का काय् न्ह्योनेतया निम्हसिया
अनेक परस्पर खँ ह्लाना खुसि जुइका च्वन । वयबे सोवंबलेनं मन आनन्द जुइगु स्वां

ह्वया थाय् थासे बांलाना च्वंगु खना द्वाफो स्वां ह्वया च्वंगु थासे च्वना स्वम्हसिनं भगवान्
बिपश्चि बुद्ध लुमंका अर्घ्ययाना मनं पूजायाना द्वाफोस्वां आंकाशे होला यस्वया ह्लाः
बिन्तिपाना ख्वाः चकंका प्रार्थनायात ।

मूल

अहो गुणमयं क्षत्रं सर्वदोष विवर्जितं ।
यत्रान्यस्तं मयाबीजं मद्यैव फल दायकम् ।

अर्थ

अहो धन्य थुगु थाय् गुजागु गुणदायक जुया च्वंगु स्वय्दत । सकल मभिगु मखुगु
दोष फुना जि बाय् च्वनागु थासे ब्यूगु ओछपा दान यानागु पुण्य पुसाजुया थनिया दिने
फल बिल । थ्व दक्क मभिगु अलक्षण मदय्का भिगु सुलक्षण जक तुरन्त उत्पन्न जुइका
व्यंगु जिनं सोकेधुन । अनुत्तर संम्यक संबुद्ध भगवान् बिपश्चि बुद्धयागु प्रभाव खः । जिनं
छलपोलयागु पलेस्वां समानगु पालिस द्वलंद्वक प्रणामयाना धया भक्तियाना च्वन ।

थुगु इले महाजननीयात सेवायाना च्वंम्ह प्रेष्ठ्या दारिकानं अथ्येहे भावयाना
मालिक पिन्तनं तुति भोःपुया महाहर्षयाना प्यम्हसियानं आपालं खुसि जुइका न्हापाथ्ये
शरीर बांलाका वस तिसांतिया शुद्ध भोजन याना च्यान्हु पुला वस्येलि थमं बोना यंकापि
बंजापासापिनि जहान्पि सःता चित्त सन्तोष जुइक खं कना प्रसस्त जुइक धन बियाछोत ।

अनंलि बिपश्चि भगवान् बुद्धया भिक्षु संघ सहित निमन्त्रणा याना इष्टमित्रादिपि
तया ज्या याका सप्तविधानुत्तर बुद्धपूजादि योग्यानुसारं भोजन दानयाना छे मंगलोत्सव
यात । न्हापा बिरूप कुमारयात कसायापि नं फुक सःता प्रसस्त जुइक नका बांलागु बस्त्रं
पुंका सन्तोष यात । वस्ये म्येपिन्तनं दानयाना सन्तोष यात । थुलि धुंका बिपश्चि भगवान्
बुद्धया न्ह्योने च्वना स्तोत्र यात ।

मूल

नमोऽस्तु तस्मै नाथाय पुण्य क्षत्राय तायिने ।
यमागम्याह मद्यैव तीर्ण दारिद्र सागरं ।

नमोऽस्तु लोकनाथाय सर्वज्ञाय बिपश्चिने ।
यमागम्य मयाद्यैव प्राप्तासंपत्ति रीदृशां ।

अर्थ

नृपाणां निस्थे पुण्यया क्षत्र स्वरूपम्ह बिपश्चि बुद्ध भगवान् खः श्वसपोल मालिकयात जिनं प्रणाम यानागु दु । गुम्हजा वसपोल बिज्याना जित थनिनिस्थे दुःखया सागरे कुतुम्ह-यात दुःखं तरेयाना बिज्यात । लोकनाथ सर्वज्ञ बिपश्चि भगवान् बुद्ध थन बिज्याना थुजोगु प्रकारं संपत्ति छे प्राप्त जुइका दारिद्रम्ह दुःखियात थउं सुखियाना बिज्यात जिगु भक्ति ख प्रणाम दु । थुगु प्रकारं स्तोत्रयाय् घुस्येलि परत्तेनं सुख जुइगु ज्ञान न्यने घका बिन्तियात ।

भो प्रभू बुद्ध समान ज्ञान करुणा दाता उपकारि निर्मल शुद्ध चित्त शान्त स्वभाव लक्षण तेज बल नामि गुणदुम्ह सुं म्येपि मदु घका जिनं सीके घुन । आः जिनं छु धर्म यासा सकलया कल्याण जुइ आज्ञा दय्का बिज्याहुं ।

थय्ये बिन्तियागु न्यना वसपोलं आज्ञा जुल । धर्म अनेक दु उत्तमगु चर्यं गृहस्थि राजा प्रजा सकलयात अनेक भय शान्तिजुया सकलया सदानं सुख जुइगु अन्त्ये चक्रवर्ति जुयानं बुद्धपद प्राप्त जुइगु महायान चर्यया क्रिया शील धर्म जिनं कने एकचित्त याना न्य-न्यनाथ्ये ज्यानं याय् फय्कि ।

चैत्यव्रत स्वयंभू धर्म धातु पूजा थमं यानाथ्ये म्येपिन्तनं याकि चैत्य स्थापना जीर्णोद्धार या- तूं पुखु हिति जल दानया निमित्ते दय्का उपकार याय् फय्कि । बिद्वांन् शील स्वभाव बांलापि गुरुपिगु उपदेश न्यनेगु । हानं धैबिज्यात छं पित्यागु सहयाना मनस्ये थयाहगु ओ जित दानयागु पुण्यया प्रभाव खः पुसाजुया नृपाथ्ये छे धन संपत्ति बुया-बल । स्वर्गे इन्द्रया वचन न्यना मंजुश्री अवतारि बिश्वकर्म धाम्हसिनं थः पासापि नापं वया चछिया मामागु ज्या याना सिधेका भस्म जूगु छे संपत्ति फुकं हानं उत्पन्न जुइका लिहांवन । सुं कच्चने मते उद्योग याय्मा परोकारार्थे । लौकिक स्वार्थी ब्यबहार, असत्य, हिंसा कर्म-तामास धर्म तोता, लोकोत्तर धर्म निःस्वार्थी सत्य धर्म अहिंसा जुइमा । । पूजावि-व्रत धर्म याय्बले मांस नय्गु मदिरा तोनेगु हिंसा कर्म व्याघावृत्ति (प्राणि स्याना मांस

मिया ब्यबहार याना च्वनीपिंगु संगत समेत् बजित याय् फय्केमा । पूर्णरूपं मनोरथकार्यं सिद्ध जुइ छ लिपा भद्रमुख बोधिसत्त्व जुया स्वर्गलोके बासयाइ ।

थय्ये आशीर्वाद बिया भिक्षुपि ल्युत्यु तथा बिपश्चि भगवान् बुद्ध थः च्वनेगु बिहारे बिज्यात । वसपोलं आज्ञाजुय्ये कर्ण सार्थवाहं म्येपिनं मुंका थःगु छे लक्ष चेत्यव्रत आरंभयाना क्रमशः थःगु छे क्वसं चुके धर्म धातु बागीश्वर स्वयंभू चेत्य स्थापनायाना मंगलोत्सव बुद्ध पूजादि क्रम सिधेका आनन्दं बास याना च्वन ।

तदनन्तरं २० वर्ष पुलावस्येलि उगु देशया राजा सुश्रीमान् स्वर्गबास जुल । सन्तान मदया मंत्रीगणपिनि सल्लाजुल सु राजा याय्गु धका आपासिनं घाल भगवान् बिपश्चि बुद्धं रक्षायाना बोधिज्ञान दुम्ह ३२ लक्षणं संयुक्तम्ह सुरूपकुमार राजायाय् योग्यजु धका ल्यम्ह राजगृहे हया राज्याभिषेक बिया किसिम्हय् तथा देशे परिक्रम याना कोगु देशे थनिनिस्से सुरूपकुमार राजाजुल धयो प्रजापिन्त न्यंका मंगलोत्सव याना ज्या सिधय्कल । मां अबुपि सकल्ले खुसि जुइका धन्य सुरूप कुमार राजाया नाम कया दीर्घायु जुया लोक हित याय् फय्मा धका आशीर्वाद बिया हर्षयात ।

थ्व राजां सुख दुःखया खँ कना बोधिज्ञान प्रकाशयाना बिपश्चि भगवान् बुद्ध बारंबार निमंत्रणा तथा पूजायाना प्रजागणपिन्त आनन्द जुइका राज्य भोगयाना च्वन । लिपा थ्व राजा बिपश्चि भगवान् बुद्धयाके शिक्षा कया बुद्ध चर्यया प्रबजित धर्मेच्वना ६०००० खुइद्वल वर्षया राज्य भोगयाना लिपा देह तोता निर्वाणरति भुबने बोधिसत्त्व जूवन ।

न्हापा सुरूप राजाया च्वे बन्धुमतो देशे सुजातक राजा स्वर्गबास जुस्येलि वया काय् बन्धुमान् राजा जुल, अनंक्वे थ्वया काय् सुश्रीमान् राजा जुल थ्वया काय् मदुस्येलि थ्व सुरूप कुमारयात राजा यागु खः धका च्वयातल । ० ।

भगवान् बिपश्चि बुद्धयात पीत बस्त्र सुरूप कुमारं देछागु पुण्यं लिपा सुवर्ण तुल्यगु शरीर जुया सुवर्णवर्ण कुमार धैगु नाम प्रचार जुल । ० ।

सुरूप कुमार राजा जुयालि लिपा सुवर्णवर्ण कुमार जूवम्ह खः । कर्ण सार्थवाह

मृत्यु जुयालि लिपा दिवाकर महाजन जूवल । कर्ण सार्थवाहया स्त्री दिवाकर महाजनया स्त्री शीलावतो धाय्का जन्म जुल ।

कर्ण सार्थवाहया स्त्रीयात सेवायाना वम्ह स्त्री प्रेष्वा घाम्ह काशीसुन्दरी जूवल । न्हापा उगुसमये प्रेष्वा स्त्री (दासी) जुया च्वम्ह हरणयाना यंकूम्ह छम्ह दास खः । उम्ह दास लिपा प्रचण्ड मंत्री जूवल एवं प्रकारं शाक्यमुनि बुद्धं आज्ञा दय्का बिज्यात । थन तक सुवर्णवर्ण कुमारया पूर्वजन्म सुरूप कुमार राजाया खं जुल । ० ।

x

x

x

सुवर्णवर्ण कुमारयात बिना अपराधे सुरास तथा मृत्युदण्ड याय्त्यंगु नं छुपापं जुइ थ्व खं नं न्यनेदुसा सकलया मन संतोष जुइ धंगु अन च्वं पि सकलया चिन्तना यागु खं न्यने घका थिकयाम्ह आनन्द भिक्षु खः ।

थुगु प्रकारं चिन्तनायागु सीका शाक्यमुनि भगवान् बुद्धं ध्यानदृष्टि खंका सकल यागु खवाः स्वया आनन्द भिक्षु न्ह्योने तथा आज्ञा दय्का बिज्यात ।

थन सुरूप कुमार राजायानं न्हापाया जन्मयागु खं सोकेगु बिपश्चि बुद्ध भगवान्या पर्यायं न्हापा चन्द्रोनाम तथागत अर्हत् संम्यक संबुद्ध लोके प्रख्यातम्ह विद्याया आचरणं संपन्नम्ह सुगत लोक विट् अनुत्तर पुरुष दक्खया सारथि शास्ता देव मनुष्यपिनि महागुरु जुया बिज्याम्ह भगवान् बुद्ध- अन्यतम कर्पटक नाम छगु राजधानीस बिहारे आपालं शिष्यपि मुंका बिज्यात । । निश्चय रूपं उगु समये म्येगुहे बिहारे छम्ह धार्मिक घयाम्ह भिक्षुं आपालं गृहस्थि जन तथा ब्राम्हणपि मुंका धर्म देशना याना लाभ सत्कार याना च्वन ।

उगु बखतस अजित नाम छम्ह म्येम्ह भिक्षु गुरुं थः शिष्यपि लिख्ये थाय् थासे चाहुला म्येगु छगु कर्पटनिक नाम बिहारे च्वना न्हापा लिपा आः नं कल्याण जुइगु धर्म देशना ब्रम्हचर्य ज्ञान प्रकाश यात ।

उगुबेलास लछि पुला वंस्येलि धार्म कथिक भिक्षुं बिचारयात, थ्व अजित भिक्षुंयाना जिगु थासे वइपिनं मवल जित लाभ सत्कार हीन जुल । आः थथ्ये च्वना मजिल छगु

जतन याय् मालि धका थःगु थासे ह्लिह्लि शील कावइम्ह ब्राह्मणी कुमारी छह्य दु गोप्यं नापलाना छगु मखुथ्ये खँ स्यन ।

हे भगिनी ! छ वयहें धासानं शिष्य धासानं ज्युः जिगु खँ छगु न्य छु धाःसा थन वडिपि मनुत अजित भिक्षु याथाय् वंगुलि जित मान सत्कार हीन जुल छं खनाच्चंगु दु । छनं निक प्यक वंगु खना निन्हु वा स्वन्हु प्यन्हु थन मवस्ये वडगु थासेहुँ । अजित भिक्षुं कुमारी ब्राह्मणीयात एकान्ते नाप लाइगु जि थ्व खँ धाय्बले छं खः धा ।

थ्व खँ न्यना ब्राह्मणीनं बिनियात, भो गुरु ! थ्व खँ बांमलागुलि जि माँ अबुं जित छें दुकाइला बोनंबिइ । भिक्षुं घाल छं माँ अबुपिन्त जि चित्त बोधयाय् छं छुं शंखा काय् म्वाः । थ्ये खँ स्यना गथ्ये घाल अथ्यहे यात ।

ब्राह्मणी नाप भुलेजुइह्य अजित भिक्षु धका दुर्नामिजुया मनुत सुनं मवन लोकं पत्यार मयात । ब्राह्मणीया माँ अबुपिवया बिनित यावल भो भिक्षुजु ! जिमितनं बांमलाक लोकं खँ न्यंकल - जिपि पत्यार मजु जिमि म्हाय् नं गोप्ययाना फुक खँ कने धुंकल अजित भिक्षु गोप्यं नाप लानागु सत्यनं मखुः धका धागु दु धाःसानं छपिन्त बांमलात, जि म्हाय् छोयाह्य् मखुत धया लिहांवन । तथापि अजित भिक्षुयात पत्यार मदया सकलें धार्मकथिक भिक्षु याथाय् ह्लापाथ्ये मनुत वन । उगु बखतस अजित भिक्षु धार्मकथिक भिक्षु याथाय् वना धावन । छं जिगु उपरे मिथ्यावाद खँ ह्लाना छाया दुर्नाम यानागु ?

धार्मकथिक भिक्षुं लिस बिल, जि जक धयागु मखुः म्येपिसनं धाल । जित दोष बिल धाःसा, छं पापकर्म यागुलि लिपाया जन्मस सुरास च्वना दुःख सीमालि । थुजागु खरवाक (फुठ्ठा खँ) ह्लाना स्नापयूगु न्यना अजित भिक्षु उगु बिहारं पिहांवया थः च्वनेगु आशने पर्यंकासनयाना मिखा तीसिना समाधिस च्वना एकाग्रचित्तं प्रार्थना यात ।

त्रिरत्न धापिं गन सुखः जि शरणवया, जिनं अकर्तव्य यानागु खःसा लिपा सुरास च्वनेमागु स्नाप भोगयाय् । मखुसा सुनां फुठ्ठा खँ ह्लाना स्नाप बिल वंहे ब्यूगु स्नापया पाप भोग वइतहे लाइ वंहे भोगयाय् मालि । तथापि उगु समये जिहे उद्धार याय् फय्मा

धका बोधिचित्तं प्रणिधाना याना च्चंबले - क्रमश पंचाभिज्ञ पद लाना अजित भिक्षु अहंत् जुया आकाशमार्गं भ्रमणजुया वया वयन धार्मकथिक भिक्षुं खना अहो जिनं गुजागु पाप यात धका पश्चात् ताप जुइका सोयाच्चन ।

अजित भिक्षु यगु आशनेनातुं वया च्चंबल । धार्मकथिक भिक्षु वया अष्टांग प्रणाम याना समाफोन । भो अहंत् अजित महाभिक्षु छपि पासा खः जिगु अपराध दवव माफ याना बिज्याहुं ।

अहंत् अजित भिक्षुं धैबिज्यात-

मूल

चित्त प्रबिषणात् हेतोः सत्त्वा गच्छन्ति दुर्गतिम् ।

चित्त प्रसादनात् हेतोः सत्त्वा गच्छन्ति सङ्गतिम् ।

अर्थ

गुह्यसिनं चित्ते हाकुथाका लोकायण धर्म स्वार्थोस भुलेजुया परयात दुःख जुइगु पापया ज्याखें याना जुइगु कारण लिपा मभिगु भोगयाना दुःख जुइका च्वनेमालि । गुह्यसिनं चित्त यचुका निःस्वार्थिजुया परयात सुखजुइगु धर्मया ज्या याना जूगु कारण लिपा सदानं सुखभोग याना भाग्यमानि जुइ । सुनां ऊठ्ठा बचन ह्लाना स्त्राप ब्यूगु खः बंहे भोग याइबले जिवना रक्षा यावनेगु थय्ये प्रणिधान याना जिनं माफि बियेधुन धाल ।

युगु समये चन्द्रो भगवान् संस्यक संबुद्ध उगुथासे बिज्याना अजित भिक्षुयात धन्य साधु छ खः घया प्रशंसायाना बिज्यात । सुगन्ध बायु बहनजुया जल वृष्टि जुल । चन्द्रो भगवान् नापं अजित भिक्षु आकाश मार्गं वसपोलया स्थाने बिज्यात । अनंलि प्रणाम याना सकलें मामागु स्थाने लिहाँवन । ह्लाप अहंत् अजित भिक्षुयात धार्मकथिक भिक्षुं ऊठ्ठा खें ह्लाना सुरास च्वनेमा धका स्त्राप ब्यूगु पाप (दोषं) लिपा यःत लाना धार्मकथिक भिक्षु सुवर्णवर्ण कुमार जुया जन्म जूगु अबस्थाय् बिना अपराधे सुरास च्वनेमाल ।

अजित भिक्षु स्यबिरानन्द अहंत् भिक्षु गुरुजुया सुवर्णवर्ण कुमार यात सुरास तबले रक्षायात । ह्लाप ब्राह्मणी कुमारीनं ऊठ्ठाखें जिनं धाय् मखु मधास्ये, जित अजित भिक्षुं

एकान्ते नापलागु खः धका छह्य निह्य पासापिन्त घया दुर्नमियागु दोषं (पापं) प्रेष्यादासी
जुयानं लिपा काशी सुन्दरी मिसा जूवल ।

अनंलि लिपा धार्मकथिक भिक्षुजं लक्ष चैत्य थाना चैत्यव्रत याना वगु पुण्यानुभावं
स्वर्ग भुवने पुण्यमहेश देवपुत्र जुया जन्म जुल । वहे पुण्यमहेश देवपुत्र सुवर्णवर्ण कुमार
घाय्का जन्मकावह्य खः ।

भगवान् शाक्यमुनि बुद्धं हानं धैबिज्यात, उह्य सुवर्णवर्ण कुमार म्येह्य मखुः । थुगु
समये जि धका सोकि । एवं प्रकारं आज्ञा जूगु न्यना अनचोपि सकलें दनावना चाहुला
भगवान्या पालिस भोःपुया विदाकया थःथःगु यासे लिहांवन । ० ।

थुलि खँ सुवर्णवर्ण कुमारया जातक जुल ।



थुगु खँ ब्रतावदान माला तृतीयोऽध्याये दु ।



श्रीमद्वाहन नृपावदान

नमः सर्वबुद्ध बोधिसत्त्वैभ्यः

सकल बुद्ध बोधिसत्त्वपिन्त नमस्कार

गुह्यजा शास्ता भगवान् शाक्यमुनि बुद्ध छन्हु भिक्षुगण तथा गृहस्थि राजा मंत्री महाजन बनिज उपाशकोपाशिकापि मुंका धर्मोपदेश याय् धुंका आराम कया बिज्याबले षडक्षरि मंत्रयागु सिद्धिदुह्य उपोषध देवपुत्रं वसपोल बुद्धयात चाहुला पालिस भोःपुया जगुह्लाः थकया गांन्यया ह्लाः बिन्तियाना अनाथपिण्डद महाजन नापं च्वना श्रावस्ती नगरे सुन्दरगु स्थान कयबे बिज्याबले थय्ये बिन्तियात ।

भो भगवान् गुरु ! जिनं छगु बिन्तियाय् छलपोलं आपालं त्यागचित्तं दान पारमिताया ज्या याना बिज्यानावगु बोधिसत्त्व महायानचर्य्य यागु उत्तम ज्ञानया खँ न्यना सन्तोष मजूपि सुंदइ मखुः ।

ह्लापा लोकपिन्त उद्धार याय्या कारणे गुबलें पाताल लोकेनं बिज्याना नागराजा पिन्तनं अकाल मृत्यु मय मदय्का थमं कष्ट यानागु सारयाना बिज्यागु खँ लोके प्रचार जूसानं मस्यूपि यकोदनि । आज्ञा जुया बिज्यासा सकलया मन सन्तोष जुइ ।

उपोषध देवपुत्रं थय्ये बिन्तियागु न्यना अनच्चंविगु चित्तया आशय सोका भगवान् आज्ञाजुया बिज्यात । हे उपोषध तथा सकल श्रोतालुपि ! जिनं लुमंके धुन कनेत्यना एकचित्तं न्य । अकालं मृत्यु जुइत्यंह्य यात रक्षा याय्गुनं दान, शील, क्षान्ति, वीर्यं पारमिताय् दुह्या थुजागु सोका ज्या याना वंह्यसिगु खँ गथ्ये धाःसा-

न्हापा द्वापर युगे कनकमुनि बुद्धया पर्याये धर्मपुरि नाम नगरे श्रीमद् वाहन धाम्हा राजां राज्य याना च्वन । श्वया माँ सुबिलासबती, अबु सत्यवाहन, पत्नी सिद्धि भक्तीदेवी जाति क्षत्रि ।

दयालु श्रीमद्वाहन राजाया पर्याये, श्रीमदार्याबिलोकितेश्वर करुणामय भक्ति जुया आपालं प्रभाबित जुया प्रजागणपिन्तनं उपोषधव्रत याका थमनं याना वसपोल करुणामय-या सेवा भक्ति यागुलिं छन्हु दर्शन प्राप्तयाना षडक्षरि मंत्र सिद्धि लाना अमोघपाश (खिप) त्रिदण्ड (त्रिशूल) बरदान कया- गनं स्वया छु दुःख जुयाच्वन थःहे वना उगु दुःख भय मदय्का प्राणिपिन्त सुख बिया च्वन ।

छम्ह पापि गरुडं लिंछम्ह छम्ह याना नागलोके च्वं पि नागराजा स्याना नया दुःख बिया च्वन । नागराजापि स्याना यको नय् धुं कल तथापि सन्तोष मजु । आपालं नागपि अकालं सिना नागगणपि फुनावन श्व खँ मनुष्यपि सुनानं मस्युः ।

छन्हु नागिनी छम्हसिया याककाय् तक्षक नागराज दु, श्व नागराज गरुडं नइगु दिन जुया काय्यात सुचका बिया भातमदुम्ह नागिनी- भातनं गरुडं नया जित दुःखयात । आः हानं नकतिनि ल्याय्म्ह जुयावम्ह जि याकचा काय्यात वहे पापि गरुडं स्याना नइगु दिन थौं जुल ।

हाहा हे दैब ! सुनां जि काय्यात रक्षा याइ श्व काय्यात गन यंकेगु स्वैगु शरणे तय्यंकेगु जिकाय् बराबर खोयाच्वन थौंया रात्रिस गरुड वया सो वइबले छं काय्या पाः थउंखः गोः गनवन धाइबले जिनं छु धाय्गु जितनं सास्तियाना स्याइ, जिकाय् यातनं स्याना नइगु अबश्य जुल । आगथ्ये उपाय याय्गु छुयाय् मालि घका बिशब्दं सुथ नापं खोया च्वन ।

उगु इले श्रीमद्वाहन जुजु थःगु नित्यकर्म त्रिरत्न पूजा सिधेका भोजनालये वंभले अति करुणा स्वरूपं बराबर बिशब्दं नागिनी खोयाहःगु शब्द ताल । भोजन सिधय्का राजसभाय् च्वना पुरोहित मंत्री तथा राजपरिवारपि मुंका धर्मया खँ राजनीति छलफल याय् सिधय्का महारसनं पुरोहित गुरुपिन्त धैबिज्यात ।

पुरोहित गुरुपि ! जिनं छगु धाय्- भगवान् बुद्ध बोधिसत्त्वपिसं छु धयावन थमं भिगु छु ज्या याना वन । उजागु ज्ञान शिष्य यजमान तथा म्येपिन्तनं कना थमनं ज्या याना वयनेमा, उजाम्हयात गुरु पुरोहित धाय्गु योग्य जुइ । थः सःगु बिद्या ज्ञान दानयाना निःस्वार्थि जुया उपकार पाय्गुलि अलासि मचास्ये हानं थःयासिनं बिद्वांन्म्ह गुरुया सेवा याना थःनं बिद्वांन् जुया ज्ञानोपदेश बोफुम्हयात धाय्थ्येयाम्ह पुरोहित गुरु धाइ । थुजागु खं ततःधंगु सूत्रे च्वयातगु जिनं अध्ययन याना तथागु दु । खं जक सःम्ह बुद्ध चर्यया ज्या मसम्ह मयाम्ह पापिन्तनं तुच्छयाना जुल धाःसा सिद्धि दइमखुः । सिद्धि मदुम्ह गुरुंयागु क्रिया सफल जुइत थाकुइ । थ्व खं बुद्धोपदेश सूत्र अध्ययन पाय्गुलि ध्यानतया जुइमा ।

थुलि धाय् धुंका कसिवना आराम काबले नागिनी खोयाहगु शब्द ताल न्यने धुंका हानं राज सभाय् वया धं बिज्यात । हे मंत्री तथा प्रजागणपि ! बराबर उच्चस्वरं खोयाहगु शब्द बल दुःख मज्झकं खोइमखु । थ्व खोयाच्चंम्ह सु जुइ गन छाप् खोगु याकनं सीकेमात सोयावा ।

थुगु जुजुया बचन न्यना राजपुरुषपि देशे चाहुला सोत गनं खोपिमदु । न्यनास्वत खोयाहगु शब्द जिमिसनं ता सीकेमफु घाल । देशं पिनेवना चाहुला बिचार यावंबले धर्मपुरि नगरं पिनेलागु चिन्तामणि नाम छगु तीर्थदु थुगु तीर्थे थ्यंबले तस्सकं खोयाहगु शब्द ताल । थनहे खः धका सीका लखेदुने च्वना खोयाच्चंम्ह सु जुइ सीकेयानिम्ति मुख्यम्ह राजपुरुषं घाल ।

हे तीर्थराज ! नागराजपि छिमि थउं थन छु जुल छाप् खोयागु तस्सकं बिलाप यानाहगु तागुलि छु आपत्ति जुया थथ्ये बिशब्दं बारंबार खोल सीकेत थनया राजां आज्ञा जूगुलि जिपि चाहुला वया । थन अवश्यनं खोयाच्चंम्ह दु धंगु जिमिसं सीकेधुन । छु जुया थथ्ये खोयागु छन्त छु जुल सुनां छु यात सुनां छु दुःखयात थथ्ये बिलाप यानां च्वनागु कारण सत्ययाना धा ।

थुजागु तालं न्यंगु ताया नागिनी उगु थासं थाहांवया सकसिगुनं ख्वाः स्वया मनुष्य बोलि बिनितयाना घाल । भो लोकपि ! छुयाप् थन जि थउं महादुःख जुल । जि

भातनं गरुडं सास्तियाना स्याना तयःधुंकल - आः थउं काय् छह्यदु तक्षक नागराजखः गरुड वइगु थासे पाच्चवं वनेगु पावल जिकाय् यात सास्तियाना सनेमफयवं स्याना नइगु ।

भयंकर रूपह्य चण्डाल पापि गरुडं आपालं थन नागलोके च्वंप्पि नागराजप्पि तथा म्येप्पिनं यको नयधुंकल थथ्ये दुःख बिया च्वन । ह्तापां मिजंप्पि नागराज स्याना नय्गु - लिपा मिसाप्पि नागिनीत मिसाह्य गरुडनी वया स्याना नइगु थिति दु धका गरुडं खँ न्यंकल । थन थ्वंयाना आपालं नागराजाप्पि आकालं सित । भातमदुप्पि विधवा नागिनी यकोदत जिनं विधवाह्य नागिनीखः । जियाक काय् तक्षक नागराज अकालं थउं सिनावने मागुलिं बराबर खोयाहयागुखः - खोयमते धासानं मज्यु आः छथाय् सुच कातया थउं बहनी जुलकि गरुडं नइगुजुल छुं उपाय दुसा कना थकि ।

थथ्ये हिक् हिक् याना खोया नागिनीनं बिन्तियागु न्यना राजपुरुषप्पि हतासनं वना नागिनीनं धागुखँ फुकं जुजु यात कन । जुजुं बिचार यात अहो थ्व धर्मपुरि (देशे) जुजु जुया प्रजापिन्त पुत्रपुत्री भापा राज्ययाना सकल यात दुःख शंकण्ट मजुइका च्वना । थ्वहे तीर्थे च्वंप्पि नागराजपिनं जिहे प्रजापिंखः । गरुडं दुःख बिल धागुशब्द न्यना बिचार यात । गरुड पंछिराजखः चाण्डाल भुजंगाहार तीर्यक जाति ताहा की नइप्पि जुया गरुड कुपंछि गृद्धतुल्य धयातल ।

आः बिस्तार याय्मजिल थ्व नागिनीयात खोय्म्वाकेगु उपाय वयाकाय् अकालं सीम्वाकेगु अनच्चवंप्पि म्येप्पि नाग नागिनी पिन्तसमेतं आनन्द जुइगु उपाय जिनं याय् फुसा थ्व बीर्योत्साह बीर्यपारमिता बुद्ध धर्म खः महायान चर्य जगतो हिताय सुखाय लोकानुकुंषाय कुसलमूल सीकि ।

थ्व खँ राजसभाय् न्यंका जुजु सलगया उगु चिन्तामणि तीर्थे थ्यंकासलह्यं ब्वहा वया सल छथाय् तया तीर्थे च्वंह्य नागिनी आवाहन यात । हे नागिनी ! छंगु दुःख मदय्काबी धका जि हतासनं थन वया थाहांवा धका स्वक तक धावले नागिनी न्हापाथ्ये

थाहांवया जुजुयात प्रणामयाना खोबियय्का बिन्तीयात ।

जुजं धै बिज्यात, नागिनी छंगु दुःखयाखँ न्यनेधुन, हानं छक जित धाः । राजाया बचन न्यना दुःखया खँ फुकं न्हापाय्थ्ये कना न्यंकल भो महाराज ! थ्व गरूडं सलंसः नागराजपि नय् धुंकल अथ्येनं नागराजपिंगु लाहिनय्गु संतोष मजून, थउंया रात्रिस् गरूड वइगु थासे बन्धिपुरया पिने कोथाय्थ्येजागु गुकादु अन पाच्वंवनेगु जिकाय् तक्षक नागया पाला जुल ।

जि म्येपि थ्वयां थकालिपि निह्य कार्यापिदु थ्वहे गरूडं ज्वना सास्तियाय् फको हालेगु सनेगु फतले त्वाथंक्वाना सास्तियाना लिपा प्याखंहुला न्हिला स्याना नयधुंकल थमं नया अपोगु म्येपिंगरूड सःता नका वनीगु हानं कन्हे जुलकि रात्रिस वइगु । थनया नागपिनि जुजु त्राहिमानं ग्याका च्वन, न्हापालाक वइत ज्वना स्याय्त्वंगु खः । गरूड चलाख जुया धाल छ बचेजुइगु खःसा जिगुखँन्य – न्हिन्ह रात्रिस् छह्यछह्य नाग बन्धिपुर या पिने गुफा कोथाय पाः च्वनेगु छोयाहति छन्त तोतेगु जुल छोयाहय्गु सत्य जुल धका सत्य कबल या । छोयामहलकि छं जहानपि फुकं वैततेज गरूड नापंवया स्याना नयगु धया ख्यानातल । छंगु पालानं वइतिनि गरूडयाके माफिफोना थःपि बचय जुइगु ग्वसा याना थन च्वंपि नागराज मिर्जापि थन च्वंह्य नागजुजुया तजबीजं थउं छंगुवनेपा हुं धका खबर बिया हइगु ।

हानं मिसाह्य गरूड वइबले मिसाह्य नागिनी छोय्गु धकानं खबर बीगु । आः बाकिदनिह्य याकचा जिकाय् तक्षक नागया पालावल व कायया सन्तान मडुनि कलाह्य जि भौमचा नागिनी ग्याना खोया थःछे वन थजागु दुःख जि बुढीजुल बुढीह्य गरूडनी वइबले छंगुपा वइगु धकानं जित न्यंकेधुंकल । उकिंजि थउं सुथंनिस्स्ये खोया च्वनागुखः ।

थुजागु दुःखया खं नागिनीथा वचन न्यना – जुजु गुजागु ज्या जुइयो धैगु बिचार याना आश्रय जुइकल । जुजुं तबहबिया नागिनीयात धै बिज्यात । हे नागिनी! छंगु दुःख जिनं सिल छंजक मखु थन नागलोके च्वंपि सकल नागराजा पिनिनं तच्चोगु दुःखवया च्वन अकालं मृत्युजुइ धैगु स्वयाजक यई । कालंजा सीमयः । आ जि छेवने छं

काय् छोय्मते । गरुड वया छुधाइ छुयाइ जित छमनुष्य जुया कंवा फुसा थ्व गरुड यात बोध याय् बोधमजुल धाःसा युद्धयाय् मासानं याना गरुडया भय मदय्का बिइ जतन याय् धया जुजु छें लिहांवन ।

नागिनीया मन धीरयाना थः काय् यात जुजुं धागुखें कनाच्चन । बहनी मजुवं गरुडया लेः ताया थउंजा तक्षक नाग भोजन याय्गु धका जलीतया वल पा च्वंनेमाह्य तक्षक नाग मदु गरुड वया छं काय् तक्षक छाया भवल् गो गनवन धया त्राश बिया-धाल । नागिनी ग्याना ब्रिन्तियात भो गरुडराज क्षमायाना बिज्याहुं जिकाय् वइगुखः भतीचालाना वइ छपिं थउं वगु ह्यथ्यात विज्यानाच्चं ।

थ्व खँ न्यना गरुड थःगु थासेनिं वन । नागिनी मनुष्यरूप जुया जुजुया थासे वया विन्ति यात । भो महाराज ! गरुड वया छंकायया पालाखः मवनि गो गनवन याकनं छोयाहति धया वन । । महाराजं न्हिला धै बिज्यात । व गरुड मायाय् वनि छंकाय् छोय्म्वाः तक्षकया सत्ता जिवने छनापं वय्नुः धया जुजुं छें च्वंपिन्ति न्यंकल । नागराजपिनि बिष समानह्य गरुडं दुःख विपारिर्हिं नाग स्थाना सलंसः नागया ला हि नयानं संतुष्ट मजुया आपालं त्राहि बिया च्वन । बिष धयागुलिं नाग जकमखु सकलें स्याइगु खः । बिष नलकि सुनं वचे जुइमखु तुरन्त सिनावनि । उजागु बिष बैधराजं शोधनयाना अमृत जुइका वासले प्रयोग याना रोगीतय्त नका रोगं मुक्तयाइ । वथ्यें सिद्धि दुह्य बिद्वानह्य गुरुं दुर्गन्ध क्रोधपिहां वइगु मदिरा मंत्रं शोधन याना अमृत जुइका नया तोना ततः धंगु पुरुषार्थ वयना ज्या याइ ।

आः थउंजिनं नागतय् बिष जुयाच्चंह्य दुष्ट पापि गरुड यात शोधन याना फुसा शान्तिरूपं ज्या सिद्धयाय् । मजिल धाःसा गरुड नाप त्वाय्भासानं त्वाना नागपिन्ति अकाल मृत्यु भय मदय्का बिइ त्यना । थ्व बुद्ध धर्मया ऋद्धिखः छह्य दुष्ट पापि फुक-सितं दुःख बिया च्वनि थुजाह्य दुष्ट पापियात त्याकेगु पापयात त्याकेगुखः । स्वयां छुं धन्दा काय् म्वा धया खँ न्यंका श्रीमद्बाहन जुजु थमं आर्याविलोकेश्वर (करुणामय) याके वरदान कयातयागु अमोघपाश (खिण) त्रिदण्ड (त्रिशूल) धरेयाना तुय्गु बस्त्रं तोपुइगु (काप) ज्वना नागिनी मनुष्यनापं सलगया याकनं उगुथासे (तिर्थ) थ्यंका

नागिनी नापं नाग लोकेवना नागराजा पित्त भरोसा बिया गरुड वडगु थासे बन्धिपुर
या पिने कोथाय् गुफास् दुहां वना अमोघपाश खिप त्रिशूल माथाय तथा तुयुगु बस्त्रं
तोपुया षडक्षरि मंत्रः तथा करुणामय लुमंका गोतुला ज्वन ।

थुगु इले तक्षक नाग बल जुइ धका गरुड थ्यंकवल उगुथासे द्वाहां वना सोबले
तुयुगु बस्त्रं तोपुया घना च्वंह खन । ग्याना तोपुया च्वंगु जुइ धका मतीतया बिचार
यात नाग तःधिकनं जुइफुः चीधिकनं जुइपिण्डः छयोंह्मचपं सीमदु उला सोय्माल धका
पपुति दाबले तुति पाख्ये लात ।

जुजु जरूक दना गरुड यात अमोघ पाश खिपतं चिना त्रिशूल म्हुया जि हसि-
लला छ पापि दुष्ट गरुड जिनं हसिल भुजंगाहार ताहा की नइह्य कुपंछि तीर्यक जाति
खः सन्तोष मजूनिला नागराज पित्त रक्षा याय्गु छ गरुड यात बोधयाय्गु धका जिथन
वयाच्चना जि जुजु खः श्रीमद्बाहन, छं छु याय् त्यना छु धाय् त्यना धया बिज्यात ।

गरुड आश्चर्य जुइका अहो थ्व मनुष्य खनि तें पिकया धाल - जि पंछिया राजा
गरुड खः जिनाप त्वाय् धका वह्य छमनुष्य जिगु द्वोछिबोय् छबोनं छंके बल दइमखुः ।
थन सीत वह्य छखः धया तुति कताका आकासे थतयंका कुतकेहया चूर्ण याय्माल धैगु
मतीतया ज्वनेत थिक याबले, तुति संकेमजिक खिपतं चिनातल । ऊन् तं पिकया पपुः
चकंका भारा भारा संका त्वाथं क्वाना स्याय् थिक याबले त्रिशूलं त्वाथय् लाक सुया
त्रिशूल ज्वना सुया च्वन ।

पपुः संकूगुलि अनच्चंगु सिमा स्वांमा कोदला धू अपा लोहं पुइक यंका तुफि बपु-
इगु थ्ये जुल । जुजुया तानोया पंखां गालेथ्ये शीतल जुया आनन्द जुया च्वन । श्री
करुणामय दर्शन प्राप्त याना ऋद्विबल बरदान विया थकुगु अमोघपाश त्रिशूल दुह्य
जुजु श्रीमद्बाहनं क्वातुक पाशं चिना त्रिशूलं सुया क्वत्यला तगुलि सनेमफया गरुड
भूमोसं ग्वारा तुला च्वन ।

उगु बखतय् गरुड राजया अदभूत जुइका अत्यन्त क्रोधयाना वाथाक दना ह्मफुले

याना बलपिकया धाल । अरे निर्दयार्ह जुजु जिनाप स्येखियाना सनेमते जिगुबल
छं मस्यूनि छं मिखा पति याय् मात्रं छगु कोशया प्रमाणं आकाशे बोयावनेगु गरुड याके
बलदु छंगु शरिर क्षणमात्रं वांछोया छगु योजन (प्यक्वेतक) वांछोया बीगु समर्थ
जिके दु ।

छंगु शरीर चर्णजुया भस्म जुइगु सो । थुलि धया वेगं ह्यफुले याना चिनां तगु
व्यनावंक सना पपुतिं जुजुयात दाया त्वाथं ववाना स्याय् धका सन । जुजुं त्रिशूल पाशं
फया थःगु शरिर यात वेदना मजुइका च्वन । थथ्ये निहसिया युद्ध जुल, लिपाजुजुं पाशं
गरुडया ककु व तुतिस तः क्यंका सनेमछिक विना पपुलि त्रिशूलं सुया धै बिज्यात ।
अरे पापि दुष्ट! थः निर्दया जित निर्दया धाल, जि छत्त स्याय् धका वयाह
मखु : ।

थन च्वंप्पि नाग सकल यात अकाल मृत्यु भय मदय्केत पर उपकार याय्त
वयाह खः । छथें भुजंगाहार नाग ताहा की नइह तीर्यक पंछि जि मखुः । परात्मा
स्वआत्म सीकि परया शरीर व थःगु शरीरया वेदन उथेंजुइ धैगु मस्यूह छत्त थथ्ये
सासना यानातय्गु कर्तव्यजु । आः छं छुयायगु बलदु धया ख्यात । गरुडया बलहीन जुया
सनेगु समर्थ अदुगुलि भूमीस् ग्वारा तुला सुंक च्वन ।

हानं जुजुं धै बिज्यात आः छं छुयायगु समर्थ दुसा या मखुसा छत्त यमपुरे छोया
बीगु जिके समर्थ दु । केवल छायाय् धका मयाना । सीकि परयात दुःख मबीगु, थःनं
परनं कल्याण जुइगु ज्या याना च्वने फुसा आमथ्ये गरुड पंछि जुया कीनय् मागु पशु
योनिजुइ माली मखु ।

ह्लापा परयात स्याना पाप याना वयागु दोषं थुजागु पशुदेह जुल । आःनं थुजागु
पाप यात धाःसा थ्वयासिनं लिपा दुःखजुइ धैगु चेतना दय्कि । यमपुरे वने धया लाकि
जिधयागु छँ न्यने धया । थ्व निताय् छं छु बिचार दु याकनं धाः ।

थथ्ये धागु जुजुया बचन न्यना गरुडया जि सीमालीन धका ग्याना नम्र जुया
धाल भो मानव राजा! जित यमपुरे छोय्गु ज्या याय्मते, छपिंगु पुण्य बल जिनं सिल

छपिगु खँ जिनं पालन याय् । त्वास्येलि निहसिया अनेक जुइफुः जिगु अपराध दक्व माफि फोने । जित चिनातयागु खिपफेना बिज्याहुं जि थःगु थासे लिहांवने ।

गरुडं थय्ये धास्येलि जुजुं बिचार यात अबोधपिन्त बोध याय्गु कर्तव्य खः पशु जाति तय्त ज्ञान बीगु फन्हे थाकु जुइ । आः सत्य वचन यात धाःसा फेना बीगु चिन्तना याना खँ न्यंकल । छ पंछिराजा गरुड खः जिगु खँ न्यनेगु छन्त सुखजुईगु खः । परयात दुःख बिया सास्तियाना स्याना वइगुहे ला नया पाप याना थः जक सुखजुल धका म्वानाच्चनेगु असत्यकर्म जिनं छन्त धाय् त्यनागु खः सीकि ।

यनिनिस्स्ये थन जक मखु म्येगु थासेनं वना नागराजपि तथा म्येपि प्राणिपिनं स्याना ला नय्गु ज्या सत्यनं याय्मखुत धका सत्य बाचाया, जिनं छन्त चिना तयागु खिपफेनाबिये । सत्यवाचा याय् धुंकानं लिपा असत्य जुया थुजागु तालं ज्या यात धाःसा श्वय्यासिनं तच्चगु वेदना नय्मालि ।

जुजुं थुलि धास्येलि गरुडं खँ न्यंकल, भो महाराज ! छपिगु बचन जिनं पालन याय् । यनिनिस्स्ये जिनं नागराजपि तथा म्येपि प्राणि स्याना ला नयगु ज्या सत्य ३ नं याय्मखुत धका त्रिसत्यह्लाना विन्तियात ।

थय्ये त्रिसत्य वाचा गरुडं धास्येलि थ्व जुजुं ख्याले च्वंगु मिखा तीसिना नुगले च्वंगु मिखा (दिव्य चक्षु) कना ह्लाः विन्ति याना प्रार्थना यात । । भो अबलोकितेश्वर करुणामय ! संघरत्न जुया बिज्याह्म छलपोल यागु कृपा व सिद्धियाबलं थडं जिनं थ खगेश्वर आकाशं बोया वनेगुलि तच्चकं पुरुषार्थ दुह्य पंछिया राजागरुड नाप त्वाना त्याका । श्व छपिगु कृपाया सिद्धि खः छपिन्त जिनं जन्म जन्मान्तर थ्यंक प्रणाम दु । थुलिधया गरुड यात चिनातयागु असोघपाण (खिय) फेना बिल ।

गरुडं विन्तियात, भो महा वीर्यवान् राजा ! छपिगु पराक्रम जिनं ह्लापामस्यु आः सिल थुलिधया जुजुया तुलिस भोः पुया हानं धाल । छपिगु भक्तिया प्रभाव श्रद्धाबल खना जि तच्चकं आश्रय जुइ थुन । मनुष्य जातिनं गरुड यात सनेमफयक

चिना वेदनायाय्गु चिकिचा धंग ऋद्विबल मखुः । गरूडं ज्वना त्वाथं क्वाय धुनेवं बचय्
जुइफुपिं द्विचिबोय् छबोनं दइमखु । गरूडं पपुतिं दाय्बले मूर्छा जुया सिनावनि ।

थउं उजागु सासना यानानं किंचित् मात्र जक जुल । गरूड या बल ऊन् हीन
जुया सनेगु हालेगु समर्थ मदया वेदना जूगुलिं मृत्यजुइत थिक जुल । थुजाह्य गरूड जित
करूणातया छुं ज्ञानबिया थःगु ऋद्विक्यना सीत्यंह्य यात खिपःफेना रक्षा यात धन्य धन्य
छापिं धया नम्रजुया च्वन ।

थुगु बेलास जुजुं मैत्री चित्तं धै बिज्यात, गरूडराज, जिगुजक खैमखुः बुद्ध बोधि-
सत्व लोकेश्वर पिंगु बचन खः धका सिकि, मैत्री थः समान् म्येपिन । करूणा, दया
कृपा तया जुइगु । मुदिता, परया जय मंगल जूगुखना खुसिजुइगु । उपेक्षा, म्येपिनि
दुःख जूगु खनी बले नुगमछिका उजापिन्त रक्षा याय्गु ।

थुजागु सुनां ह्यसीका ज्या याइ थुंजाह्ययात बोधिसत्व धाइ । बोधिसत्व जुई
फय्वं क्रमशः बुद्धयाऋद्वि बलदया महा ज्ञानिह्य पराक्रमि जुइ थुजाह्य यात सुनानं
छुंयाय् फइमखुः यासानं पर्वत यात फसंकगु समान मात्र जुइ ।

आः छन्त कल्याण जुइगु उपाय कना ज्या याय्-थन कीपिं निह्य ल्वानागु जिगु
दोषमखु छंगु दोषखः । जिनं छन्त क्षमायाय् धुन । छं त्रिसत्य बाचा याना ह्युतुं
धयाथ्ये ज्यानं याय्मा । ज्यामयास्ये ह्युतुं जक धयां खँ सेका जुइपिं कदापि बोधिसत्व
जुइ फइ मखुः । बोधिसत्व मखुह्य बुद्धज्ञाने लाह्य मखुनि । बोधिसत्व चर्य (ज्या)
बोधिज्ञान बुद्धया ज्ञान खः बुद्धया ज्ञाने मलाह्य संसार या पंजले दुने लाह्य जुइ ।

थुजागु ज्ञान पंछिजूसानं छन्त कने धुन न्यानाथ्ये ज्यानं या सदानं सुख जुइ । ।
थुलि धया जिगु मनोरथ कार्य सफल जुल धका मतीतया गुलुचारंभ धैगु पर्वते गरूड
नापंवना श्रीबिस्तुक्रान्ता लोकेश्वर करूणामय या थासेथ्यंका अष्टांग व्रणाम याय्धुंका
त्रिरत्न शरण धया वसपोल करूणामय या सेवक (दास्) जुल धया गरूड लः ह्लाना-
बिल । । थुगु समये गरूडनं खुसिजुया जुजुया ख्वाःस्वया बिनित्यात, भो महापराक्रमि

राजा ? मानव राजा मध्ये श्रेष्ठह्य जुया बिज्याह्य छपिं जि गुरु जुल । छपिसं कंगु ज्ञान जिनं लुमंका धारणा याय्गु अवश्य जुल ।

थुजागु ज्ञान जिनं मस्यु कनीपिनं चूमला । ह्लापा जित गुरु पिसं धागु थथ्येख । छ गुरुड यात लोगु आहारा नागराज पिके बिषदुसानं छन्त जकमखु गुरुड पित्त थिइ मखु स्याना नसानं दोषमदु धका अहंकार बुद्धिया खं कनातत । जि किंच्याह्य (१८) मिथ्याय् तापिं गुरुदु । थुमिगु खं न्यना जिनं आपालं नागराज पिं स्याना ला नय् धुन । आः पाप धका सिल पाप फुकेत पाप देशना याना थिरत्त शरण वना बिस्नुक्रान्ता लोकेश्वर करुणामय बराबर लुमंका दर्शन बन्दन पूजन याना शरण वने ।

आ मंत्री बल दुह्य करुणामय भक्ति गुरु छपिं चूलागुलिं धर्मया मूल सत्य अहिंसा, पापया मूल हिंसा असत्य, धका बांलाक सिल । थुलि प्रार्थना याना करुणामय यात भोपुया तथा जुजुयातनं तुतिभोःपुया बिदाकया थःगु गुरुड लोके लिहांवन ।

अनंलि श्रीमट् बाहन जुजु बिस्नुक्रान्ता लोकेश्वर करुणामय यात प्रदक्षिणा अष्टांग प्रणाम याय् धुंका हस्तमुद्रा रत्त मण्डल द्वहलपा पाप देशना पुण्यानुमोदना याय सिधेका हानं नागमण्डल स्थाने वना तक्षक नागराज थ्वयामाँ नागिनी, म्येपिं नाग नागिनीपिं मुंका आज्ञा दय्का बिज्यात ।

हे नागलोकपि ? जि थन वयागु कारण छिमिसंहे सीकि । ह्लिंलि वया गुरुडं छिपिं नाग आहारा याना दुःख बिया च्वंह्य लिस्ये त्वाना त्याका थःगु बसे तया धर्मया खं कना सन्तोष जुइका थनिं निस्ये नागराज पिगु उपरे दयातया स्याय् मखुत म्येपिगुनं ला नय् मखुत धका त्रीसत्य (३) स्वक कराल याका बिस्नुक्रान्ता लोकेश्वर (करुणामय) या सेवक याका छोय् धुन ।

आः थन छिमि थनिंनिस्ये अकालं मृत्यु जुइगु गुरुडया भयमन्त-छिपिं ह्लापा यागु पापं भोगयायत नाग राज जुया थन नागलोके च्वना दुःख भोग याय् माल । थ्व दुःख फुकेत (हानं नागराजा तीर्थक योनि ताहा की जुया जन्म काय् म्वाकेत) म्हुतुनं

ज्या नं त्रिरत्नया शरणवना संघ नायक श्री करुणामय सेवा भक्ति ब्रत धारण याना पुण्य यानाच्चं लिपा छिपिं सुखि जुइ ।

मनुष्यरूप कया अष्टमी पुह्नी भिंगु पर्वकाले मर्त्यलोके वया दर्शन मन्दन पूजन पापदेशन पुण्यानुमोदन रत्नमण्डल द्वहलपा वसपोल लोकेश्वरया शरण हुं पशुपंछि जन्म जुया अकालं मृत्यु जुइ मालीमखु ।

थुजागु अमृत बचन न्यना थ्व जुजुयात नागराजपिसं वन्दना याना हेरा मोति नव रत्नादिद्वहलपा ह्लिला हर्षमान् जुइका आदरतया भक्तियाना बिन्तियात ।

भो करुणा चित्त मैत्री रूप जुया बिज्याम्ह पुण्यबल ऋद्धि पराक्रम क्यना खगेश्वर पंछिराज गरुड थिं जाम्ह बलवान् नाप युद्ध याना त्याका थनचोंपि नाग नागिनी पिंगु उपरे दयातया हानं थन नागपुरे थ्यंक बिज्याना जिमिगु गरुड भय अकाल मृत्युया महादुःख मदय्का धर्मया खँ कना बिज्यात थ्व जिमिगु महाभाग्य खः । गुह्यजा पापि दुष्ट गरुडयातनं सन्तोष जुइका त्रिसत्य बाचा ह्लाका उह्य गरुड यात समेतं रक्षा जुइका जिमितं नं आनन्द जुइक रक्षायाना बिज्यात ।

धन्य छलपोल यात जिमिगु भाव भक्ति याकें द्रुतद्वको नित्य नमस्कार दु । छपिंगु वया कृपां याना थन नागपिनि सुखजुइका च्वनेदत । छपिनि दीर्घायु यश कीर्ति शुभ कल्याण महामङ्गल ऐश्वर्य आनन्द महासुख मनोरथ कार्य पूर्ण जुइमा धका आशीर्वाद बिया थःथःगु थासे नागराजपिं वन ।

थनंलि ह्लापा खोया च्वंह्य मांह्य नागिनी यात बोध याना काय्ह्य तक्षक नागराज यात नं रक्षा जुइगु खँ धै बिज्यात । थउं छिमि अकाल मृत्यु गरुड भयं मुक्त जूगु जिगु बलं मखु सीकि । तथागत पिं बासयाना बिज्याइगु सुखाबति बुद्ध भुवनया गुरु अमिताभ तथागत भगवान् आदि बुद्ध खः ।

वसपोलया मुख्यह्य शिष्य आर्यावलोकितेश्वर बिश्वे करुणामय नामं प्रख्यातह्य,

स्वर्गं मर्त्यं पातालं यमलोकं प्रेतलोकं इत्यादि दिग् बिदिग् चाहुला गन स्वया छु दुःख
जुल जिनं उद्धार याय् धाका बिचारबान् जुया बिज्याह्य संघ नायक खः वसपोलया
वया कृपां जिनं थउं गरुड यात जितय् याय् फुगु छिमिसं सीकि ।

श्वसपोल यात लुमंका नित्य भक्ति तथा ब्रत याय्ःगु स्व । थन चवने म्वाल हानं
म्येह्य गरुड वय्फुः । अथ्येया निम्ति नेपाल पुण्य तीर्थे चवना स्नान याना उगु थासेनं
नाग चवनेगु थाय् दु अनवनेगु असल जुइ ।

श्री अमोघपाश लोकेश्वर नं धाइ करुणामय वहे छह्य खः लुमंका शुक्लाष्टमी
खुन्हु ब्रतयाना फुसा निराहार मफुसा फलाहार यानाचवं सदानं जय जुइ ।

युगु खँ न्यना नागिनी तक्षक नाग(माँ काय्)निह्य सिनं जुजु यात प्रणाम याना
बिन्ति यात । भो महापुरूष जुजु ! जिमि करुणामय गुरु छपिहे भापायाना छपिसं
उपदेश ब्यूगु शिरेतया पुण्यतीर्थे जिपि वनेगु अवश्यजुल छपिनि मनोरथ सफल जुइमा
धया बिदाकया पुण्यतीर्थे माँ काय् निह्य नागपि बासयावन । श्री करुणामय नित्य
लुमंका पुण्यतीर्थ या अधिपती जुया म्येपि नागपिन्त नं जुजुं उपदेश ब्यूगु खँ न्यंका आनन्दं
बासयाना चवन ।

अनंलि व जुजु उगु स्थानं लिहांवया धर्मपुरी देशे थ्यंका राजगृहे चवना थःस्त्री
अनचवंपि देशबासी सकल सःता नागलोके माँह्य नागिनी खोगु खँ, काय्ह्य तक्षक नाग
राज स्याना नय्त वह्य गरुड नाप युद्ध याना त्याका गरुड यात त्रिसत्य याका बिस्तु-
क्रान्ता लोकेश्वर दर्शन याका धर्मोपदेश बिया लिछोयागु खँ, अकाल मृत्युं मुक्तयाना
माँह्य नागिनी व काय्ह्य तक्षक नागराज यातनं लोकेश्वर अमोघपाश करुणामय लुमंका
ब्रत याय्गु नेपाल पुण्यतीर्थे छोयागु खँ, नागराजापि खुसि जुया बियाहगु नवरत्न मणि
मुक्तादि क्यना थमंयाना वयागु फुक खँ कनेधुंका राज भोजन याना आनन्दं चवना
बिज्यात ।

अनंलि प्रजागण पिसनं जुजुयात प्रणाम याना बिन्तियात । भो महाराज ! छलपोन

धन्य प्रशंसनीय खः थुगू उपोषध व्रत यागु पुण्य प्रशंसा भतीचामात्र न्यनागुलिं जिमिगु चित्त प्रशन्न जुल जिमितनं स्यनायाका बिज्याहुं जिमिसं नं याय्गु इच्छा दु ।

थय्ये प्रजापिसं चिन्तना यास्येलि खुसिजुया आज्ञाजुल । हे प्रजालोकपिं ! छिपिं धन्य ख सीकि । सुनां बुद्ध भूवनया महागुरु अमिताभ तथागतया मुख्यह्य शिष्य श्री आर्यावलोकितेश्वर लुमंका बन्दन पूजन व्रतयाना षडक्षरि महाबिद्याराज मंत्र धारण याना षड्गति दुःखं मुक्त जुइगु सिका फुसा आजीव पर्यन्त मफुसा छगु करवल जूसानं एकान्ते च्वना बोनेगु । । उलि बोह्य सिनावनिबले वइगु मृतक शरीर दाह यागु कुं आकाशे वंगुलि पंछि बोया वइगु उगु कुंस लात धाःसा थुपि पंछित हानं पंछि अथवा पशु जुया जन्म जुइ म्वाला स्वर्गे देवपुत्र जुया बोधिसत्व यागु ज्ञान प्राप्तजुइ । मंत्र करवल बोनावह्य लिपा बोधिसत्व जुइ धुंका अन्त्ये अर्हत् पद प्राप्त जुया महागुरु जुइ दइ ।

थय्ये उपदेश बिइधुंका क्रियाबान् बौद्ध गुरुपिं तथा थः सपरिवार तथा प्रजागणपि सहित त्रिरत्न शरण अमोघपाश लोकेश्वर करुणामय पुजादि उपोषध व्रत याना मेपिन्त नं याका जय मंगलोत्सव देशे सुभिक्ष जुइका सत्य मार्गस पलातया तस्सकं बल बोर्य पराक्रम क्यना परप्राणि पिन्त उद्धार याना बिज्याह्य करुणामय भक्ति थ्व श्रीमद्बाहन जुजु खः ।

भगवान् शाक्य मुनि बुद्धं श्रावस्ती नगरे बिज्याना उपोषध देवपुत्रादि आनन्द काश्यप शालिपुत्र महामौगल्यायण भिक्षु प्रमुखं सकल मुंका थुगु प्रकारं धर्मोपदेश कना बिज्यागु न्यना उपोषध देवपुत्रं हानं बिन्ति यात ।

भो भगवान् ! व श्रीमद्बाहन जुजु आः सुजुयाच्वन । भगवान् मुसुहुं ह्लिला आज्ञा जुल, हे उपोषध देवपुत्र ! थिकगु खँ न्यन, व जुजुं उगु बखतस आपालं षडक्षरि महाबिद्याराज मंत्र धारण याना सिद्धि प्राप्त याना लोकपिन्त उद्धार याना वगु पुण्य मारजित् जुइका संम्यक संबुद्धया पद बोधिज्ञान लाना शाक्यमुनि महाबुद्ध धाय्का च्वन । बिचारया व जुजु म्येम्ह मखु थुगु समये जि धका सीकि । । थुजागु अमृत वचन न्यना उपोषध देवपुत्र प्रमुखं सकलया चित्त हर्षोत्सुक जुईका ह्लाः बिन्तियाना

साधुकार बिल । धन्य २ षडक्षरि मंत्रसिद्धिया प्रभाव, धन्य कीगु भाग्यं बोधिज्ञान
अमृत वाक्य न्यनेदया उपोषध व्रतयाय् कत ।

ह्रिंहि जान्य अजान्य काय वाक् चित्तं कीगू अकुशल (पापं) षडगति स लाना
मयंकर दुःख भोग याय्मवालीगु बुद्धचर्य महायान धर्म म्हसीगु ज्ञान न्यनेदया शुद्ध-
चित्त जुल थ्व कीगु तःधंगु भाग्य खः । थय्ये धया सकलेंदना वसपोल भगवान शाक्य-
मुनि बुद्धयात स्वचा चाहुला पलेस्वांथ्ये सुगन्ध बासना वगु पालिस भोःपुया बिदा
कया थःथःगु स्थाने प्रस्थान जुल ।

युगु उपोषध व्रत षडक्षरि मंत्र सिद्धिया गुण प्रभाव त्रैधातु भुवने प्रख्यात
जुया च्वन । पाताल नागलोके थ्यंकनं थ्वहे धर्म नागराजपिसं भक्ति याना च्वन । थ्वहे
बुद्धचर्य मर्त्यलोक उत्तर हिमाल तथा पुण्यभूमि नेपाल देशेनं अध्यापि प्रख्यात जुया
च्वन । ०।

। थुलि खँ श्रीमद्वाहननृपजातक जुल ।



थ्व खँ व्रतावदान माला प्यंगु (४) अध्याये दु ।

अनंलि छुं लिपा अष्टमी तिथि खुन्हु करुणामय लुमंका व्रत याना च्वंम्ह
तक्षक नागराज पुण्यतीर्थे च्वे वया स्नान याय् धुंका निभापाना च्वंम्ह यात म्येम्ह
गरुड वया ज्वना यंकेत थिक जूबले, जि थउं व्रत सिमधनि तोति धागु नागया खँ
मय्यंस्थे गरुड थःगु स्वभावं सन । नाग व गरुड निम्ह उगु थासे युद्ध जूल - नागं
गरुड यात हिना सनेमफयका तल ।

गरुडया वेदना जुया थः मालिक नारायण लुमंकल - नारायण उगु थासे थ्यंका
नागयात सुदर्शन चक्रं प्रहार याय् थिक जूबले - नागं श्री करुणामय लुमंकल तुरन्त
उगु स्थाने करुणामय सिंह गया बिज्याना नारायण गरुड नागराज पित्त बुद्धज्ञान कना

शान्ति जुईका, नागपाशयाका द्योने सिंह तथा, सिंहया म्हय् गरूड तथा गरूडया म्हय्
 नारायण बिज्याका नारायणया म्हय् च्वे करुणामय बिज्याना, हरि हरि हरि हरि
 बाहन लोकेश्वर नाम प्रख्यात जुईका आकाश मार्गं स्वर्ग लोके बिज्याना तक्षक नाग
 गरूड पित्त उद्धार याना बिज्यात ।०। थ्व खँ नेपाल तीर्थ महात्म्य, बृहत्स्वायँभू
 पुराणे, बांलाक उल्लेख दु ।०।



जलवाहनकुमारावदान

नमः सर्वबुद्ध बोधिसत्वेभ्यः

सकल बुद्ध बोधिसत्त्वपिन्त नमस्कार

छन्हु उगुस्थानं प्रस्थान जुया गृद्धकूट पर्वते भगवान् बिज्यात, ह्लापाथ्ये आपालं श्रोतालुपि वया भगवान् बुद्ध दर्शन तथा प्रणाम याना थः थःगु थासे बास यात ।

उगु अवस्थाय् बोधिसत्त्व समुच्चय, महाकुलदेवता कुलदेवी, सरस्वती, महादेवी लक्ष्मी महादेवी, वनदेवी प्रमूखं अनेक नामी जुया च्वंपि देव असुर गन्धर्व किन्नर महोरग मनुष्य अमनुष्य यक्ष राक्षस नाग गरुड आदिपि वया प्रणामयाना चाहुला बासयात ।

युगु समये कुलदेवता धाम्ह दना वना भगवान् यात प्रदक्षिणा याय् धुंका प्रणाम याना पुलिचुया जगुह्लाः थकया गां न्यया बिन्तियात । भो भगवान् थन च्वंपिनि सकल या मती, सुनान्हापा हानं म्येपि बोधिचित्त बोधिज्ञान म्हसिका दुःख जुया च्वंपि प्राणि उद्धार जुइगु ज्या यानावंपि सु जुइ धका न्यनेगु इच्छा जुइका च्वन, जिनं अथ्यहे चिन्तना याना, थय्ये बिन्तियास्येलि भगवान् बुद्धं आज्ञादय्का बिज्यात ।

सकसिनं मनस्थोर याना न्य न्ह्योने च्वंम्ह सिगु ख्वाः स्वया हे कुलदेवते ! जिनं तुमंके धुन कन्येत्यना ।

ह्लापा छगु समये धर्मकौशल नगरेसुरेश्वर प्रभ नाम जुजुया पर्याये उगु वेशे जन्म जुया च्वंम्ह सिनं प्राणिपिन्त दया कृपा तथा उद्धार याना वंगु खँ छगु न्यंके त्यना ।

उम्ह जुजु दयावान् त्यागी धर्मात्मा (शरीर) रूप तेज लक्षणं संयुक्तम्ह, सकल सत्व पित्त ज्ञानोपदेश बिया उपकार याय्गुलि उद्योग जुया च्वंम्ह थ्व राजा क्षत्रि जाति । । उगु समये व देशे जलवाहन नाम कुमार दु । थ्वया माता शुद्धधरी, पिता जटिधर वाहनराज वैद्य (जुजुया वैद्य) पत्नी जलाम्बु गर्भा जाति वैश्य । । थ्व श्रेष्ठि दारक जलवाहन धाम्हख आपालं बिद्या सया च्वंम्ह परोपकारी सिद्धिदुम्ह दया कृपा बिचारवान्म्ह । रोगी पित्त योग्यानुसारं वासदानबिया चिकित्सायाना रोगलाय्का परया शंकष्ट व्याधि दुःख शान्त याना थः धनिम्ह जुया धन वीमासानं बिया परयात खुसि जुइका आनन्द याना पुण्य कमाय् याना च्वन ।

हानं थ्व वैद्यराजं थाय् थासे बिद्वान् पिसं धर्म व्याख्या याका पुरुष नारी युवक युवती बृद्ध बृद्धि पित्त बोध ज्वीका ज्ञान बीका थमनं कना देशे मंगल कार्ययाना सुखी जुइका च्वन । बिशेष वालक वृद्ध वृद्धी रोगी दारोद्र पित्तदान याइम्ह । हानं नाना-प्रकार मभिगु खँ तोता भिगु खँ जकह्लाना परस्पर वाद विवाद शास्त्रार्थ याय्तनं तत्पर जुया निःस्वार्थि जुया च्वंम्ह ।

अति सुन्दर, रूप कोमल वचन शील वन्त स्वभाव शुद्धम्ह । हिंसाकर्म मांस मदिराहार मखूम्ह, साक्षात् बोधिसत्व चर्य धारण याना रक्षाकारि जुया च्वंम्ह महा वैद्यराज जलवाहनया स्त्री जलाम्बुगर्भाया गर्भं जन्मजूपि निम्ह पुत्र दु । थकालिम्ह सिया नाम जलाम्बर क्वकालिम्हसिया नाम जलगर्भ । थनंलि निश्चय याना हानं हे कुलदेवते थुपि निम्ह पुत्रपि लिस्ये ह्लापाथ्ये ग्राम नगर देशंपिने दुने सहरे राजगृहे चाहुला चिकित्सा याना जुल ।

अथ्ये जुजुं छन्हु जलवाहन काय्पि नापं चाहुलाजुल दूखनान्तरे च्वे थ्यंवले उगु थासे कचिगु ला नइपि गुं खिचा धों को आदि पशु पंछि पिनं अन थःथःगु तालं हाला चाचा हुला ब्वांब्वांजुया न्ह्योने वगु खना बिचार यात ।

थुजागु वनान्तरे थुपि थथ्ये दिशा बिदिशास ब्वांब्वांजुगु कारण छगु अवश्यनं बइ । थुपि गन गन वन अन अन वना सोवन । छथाय् अटवीसंभव धैगु पुखु छगु दया

च्वंगु खन । व पुखु खना जलवाहन तस्सकं अद्भूत् आश्चर्य जुल ।


उगु थासेनं अथ्येहे कचिगु ला नइपिं गुं खिचा धों ब्वांब्वां जुया हानं को पंछि बोया हाला जूगु खना फन आश्चर्य जुइका उगु थासेनं वहेतालं गुं खिचा धों लिसे लिसे जुल । व पशु पंछिपिं पुखु चाहुला म्येथाय् वन ।

जलवाहन ह्लापाथ्ये उख्ये थुख्ये चाहुला सोयाजुल म्येगु छुं मखं चिन्तना यात थ्वहे अटवीसंभव नाम पुखुलि छगु हेतु (कारण) दइ धैगु सीका च्वन उगु पुखुलि फिद्व (१००००) न्याः बास याना च्वंगु दु । पुखुया जवे खवे वुं ज्या याय्त पुखुया लः पिछोय्गु ज्या यानावंगुलि लः पाः जुया न्या तय् गन वने गन च्वने जुल सूर्ययातापं न्या या पुचः वाथा वाथा मिका च्वन ।

अनया महिमा थुजागु न्यातेगु दुःख सीका खोवि वय्का जलवाहन बैद्यराजं करुणा चित उत्पन्न याना थ्ये चिन्तना यात । अहो थुपिं न्यातय् गुजागु दुःख जुल थुमित छुयासा उद्धार जुइ याकनं जलवृष्टि जुसा थुपिं सुखीजुइ, जिनं जलवृष्टि जुइकेगु समर्थ मदु तंत्र मंत्र यागु प्रभावं जलवृष्टि जुइकेत नाग साधन याय्मा वज्यायाय्त याकचां मज्जु थन जि काय् पाशापिं दुसानं उजागु ज्या सफल जुइमखुः थुजागु विपत्ति सोया गथ्ये लिहां वनेगु ।

थुपिं गुं खिचा धों को धापिसं थुमित रक्षा यावा धका जित सुचना बिया थनहगु खः थन जि थ्येनेवं थःपिं मागु थासे वन । थन जित उपदेश वोम्ह पाशा याकनं थ्यंक वय्मा धका मतीतया उगु पुखुया सिथय् फेतुना मिखातीसिना ध्यान यात ।

उगु वखते अन पृथ्वीलं वनदेवता थःगु शरीर वाम्ह थाहांवया ध्यानयाम्ह जल-वहान यात स्वया यथ्ये धाल । साधु साधु कुलपुत्र धर्ममित्र उपकारि छखः जलवाहन नाम यात ल्वेक न्या तय्गु दुःख या कारण लया अभावं जुगुखः छं सीका काल । छं निम्ह पुत्रपिं साहिता कया नां यात ल्वेक छं मनंतुनागु बोधिचित्त यागु ज्या या । छंगु यश किर्ति त्रैधातु लोके प्रख्यात जुइ । । हानं धाय् गुगुजा जुया चोंगुख, सीका



जलवाहनयाजकूमावंप्रखलित्वपिभिदलन्यागलमदयादाहृष्टा
 सीगंपिन्नकिसिगयावनासिमाकवायाग्रहलभापूयाभीकृतया
 नाभीगूभासंलःहयाप्रखलितखंपूर्णयानाकंलिहांवनान
 ग्रवस्तुकयाहयानसाहलान्पारुकंम्बाकृग्रचिय-

,

.

r

लः हया वीगु ज्या, या हुँकन ल बायया च्वंगु दु । अनंनिस्ये लः हया थन य्यके
हति । सीकि न्या धैपिसं छम्हसिनं सलंसः ख्ये थ्वका न्या उत्पत्ति याइ । सूर्यया तापं लः
क्वाना लः पाःजुया थन पुखुली च्वंप्पि न्यातय् महाशंकष्ट जुया च्वंगु छंसीके धुंकल
याकनं मती लूगु ज्या याना थुमित उद्धार या ।

थथ्ये वनदेवतां धागु न्यना बिनित्यात, धन्य धन्य वनदेवता छपिं खः । हे वन
रक्षकदे वता ! गथ्येयाना थुपिं जलज न्या तय्त उपकार याय्गु जिमिसं लः हय्त थाकुइ
थन पुखुलि न्या गुलि दुः ।

वन देवतां धाल थन थासे फिद्व न्या दु, छंगु बिचारं याकनं ज्या या धया
वनदेवता अन्तरगत जुल । उगु समये जलवाहनया तःच्चकं करुणा चित्त उत्पन्न जुल ।
पुखुली छचालं चाहुला स्वत, पुखुयात मल्वेक लःया अभाव जूगुलि न्यातय् गन
वंसा जी धका चा चाहुला जुल गुलि सनेमफुपिं नं दु ।

थुपि न्या खना इतमतः कना छुयाय् गुगुयाय् जुया प्यंगु दिशाय् चाहुला जूम्ह
जलवाहन गन गन वन अन अन न्या मुना जलवाहन सोवइगु जुल ।

कार्यपिं नापं जलवाहन श्रेष्ठिपुत्रं उख्ये थुख्ये लः सो जुल गनं लः खंकेमफु
छथाय् तःमागु सिमागया गन लः आपादु धका सोत खंकेमफु गनं छथाय् निथाय्
ताकुगु भति भति लः मात्र खन थुलि लखं ज्या सफल जुइमखुः धया सोम्हसिनं सिमाकचा
आपालं ध्यना हया पुखुली तोपुया सूर्यया ताप किका बिल केहि शीतल जुया सनेमफुपिं
न्यानं सनेफया वल ।

उगू पुखूया थासं तापाक जलागमा नाम नदी छगू दुगु थासं वःगु लःया शब्द
ताल स्ववना बिचार याबले म्येपि हे स्वाथि पापितय्सं उगूथासं वगु लः म्येगुथासे
धः दय्का लः क्वफाना पुखूली च्वंप्पि न्या फुकं स्याना थःपिगु स्वाथि पूर्णयाय्गु ज्या
याना च्वंगु सीका स्वम्हसिनं अन च्वंगु लः हय्गु ज्या फइमखुगुलि लिहांवल ।

हतासनं स्वम्हं देशे थ्यंका राजगृहे सुरेश्वर जुजुया समीपे च्वना अटबीसंभव
पुखुलि जुया च्वंगु न्या तय्गु दुःखया समस्या फुक खं कना उगु थासे च्वंप्पि प्राणिपि

जलज (न्या) तयत् जीवदान याय्गु खः भो महाराज ! थ्व ज्या सकल यायत् माक्व मनुत व नोम्ह किसि साहिता विल धासा थुपि तीर्यक योनि लापि सीत्यपि न्या फुकं म्वाइ बिस्तार याय् मजिल ।

राजबैद्य जटिधरया पुत्र जलवाहनं धागु शुभ वचन न्यना खुसिजुइका मंत्री यात सक्थ घै विज्यात । हे मंत्री तथा म्येपि जनता थ्व जलवाहनं धागु ज्या सफलयायत् माक्व मनु किसि नोम्हनं विया साहिता या ।

थय्ये धागु राजाया वचन न्यना मंत्रीजुं हस्ति शालास बोनायंका धाल बैद्यजु छपि उपकारि महापुरुष ख, नोम्ह किसियंका विज्याहु (दिसं) मामापि मनुत नं यंकि । थय्ये मंत्रीजुं धागु खँ न्यना बःलापि किसि नोम्ह व लःतयत् घट नं मनुत नं मामापि तथा काय्पि निम्ह थःनं किसिगया वना जलागम नोद थ्यंका अन चोपि ग्रामवासी पिनं साहिता कया उगु नदीचोंगु लः घटस फया किसिम्हे तथा हया अटवीसंभव पुखुलि प्येस्येसनं प्बंके हल ।

थुगु प्रकारं ज्या याना पुखुली जाय्क लखं पुर्णजूइका सीत्यपि न्या इत्यादि फुकं वज्रवान् जुइका मत्स्यागणपि (न्यात) लेःताया सना म्हिता जूगु खना सकल हर्ष जुइका स्वया न्न । जलवाहनजु गन गन वन अन अन न्या पुच मुना जुइगु ।

थय्ये जुयाकयंगु नं विचार यात थुमि नय् पित्यात जुईमा धका सीका थः पुत्र जलाम्बर यात न्यंकल पुत्र सीकिछं न्यातय् अवश्य नयपित्यात किसि गया हुं छें वना छं आजु खः जि अबुजु जटिधर जुजुया बैद्य यात थनयागु खँ फुकं कना न्याया आहार अन्न सत्तु इत्यादि छुछु द जि धयाहल धाः कया हति ।

अबुं थय्ये धागु न्यना काय्म्ह जलाम्बर किसिगयावना छें थ्यंका आजुयात प्रणाम याना गथ्ये धयाहगु खः फुकं खँ कना विन्तियात । विद्वान् बैद्यराज रोगि चिकित्सक जटिधर खुसिजुया मत्स्याहार सीका अन्न सत्तु आदि माक्व विल-किसिम्हय् तथा याक्कमं पुखुलिस थ्यंकवल । थनंलि निश्चय पुत्र थ्यंक वगु खना न्होने वना संतुष्टगु हर्षमम जुइका छं ज्वना वगु फुकं किसिम्हं वक्कया कूथला गुलि चूर्ण याना पुखुलि

बांछोयो बिल । । थथ्ये नय्गु क्वफानाहवले अन च्वंपिं खिदो न्यातय् जाहार चू
लाना नया सन्तोष जुइका च्वन ।

थुगु अवस्थाय् हानं थ्व जलवाहनया मती थथ्ये बिचार वल । ह्यापाजि छुं
समये न्यनातयागु दु । जि गुरु अरण्यायतन त्यागी भिक्षु खः । प्रथम श्रावक तथा
प्रत्येकयान बुद्ध चर्य फुक म्हसीका महायान तथागत चर्यया ज्ञाने निपुन जुइक बिद्वा-
न्म्ह खः चर्य धारण याना च्वंम्हस्ये सज्जनपिं मुंका थुगु प्रकारं उपदेश व्युगु दु ।

गुम्हजा ह्यापा रत्नशिखि तथागत अर्हत् सम्यक्संबुद्ध भगवान् निर्वाण जुइ त्येगु
समये नाम काय्का न्यंका वंगु दु वसपोल बुद्ध भुवने बिज्यात । मरण जुइगु समये न्यंकि
लुमंकि फुसा नित्य स्मरण या धैबिज्यागु खः थथ्ये । गुगुजा निश्चय याना जि थन
न्यातय् गंभीर रूपं हताय् मचास्ये प्रतीत्य समुत्पाद धर्म देशना याना न्यंके हानं
रत्न शिखितथागत अर्हत् सम्यक्संबुद्ध भगवान्या नाम जिनं उच्चारण याना थुमित्तनं
न्यंके । थुगु अवस्थाय् थुगु जम्बुद्वीपे मनुष्यतेगु बुद्धि निगु दृष्टि जुइ । गुलिं बिद्वांनपिसं
महायान बुद्ध चर्यस तच्चक्रं श्रद्धातइ । गुलिं अबिद्वांन पिसं पापयायगुलि जक मन
जुइ । गथ्ये धाःसा थःपिं बोधिज्ञान लाय् महायान चर्य याना च्वनि । उकीयातहे
निन्दा याना च्वनि । थनंलि निश्चय हानं जलवाहन श्रेष्ठिपुत्र उगुबखते निपातुति
पुलिंथ्यंक अन पुखुलि क्वछोया थुगु प्रकारं भिगु उत्तमशब्द नामोच्चरणयात ।

थ्व भगवान् रत्नशिखि तथागत अर्हत् सम्यक्संबुद्धयात नमस्कार । ह्यापा
बोधिसत्व चर्यास च्वनावलेसिगु ज्या थुगु प्रकारं प्रणिधान याना वन । सुनां गनं किगू
दिशास च्वंपिसं सिनावनीगु अवस्थाय् जिगु नाम कया न्यंका बीगु यात धाःसा बुगु
लोकंतोता देवतापिं च्वनीगु त्रार्यात्रिंशा भुवने सभामण्डले च्वंवेनेदइ ।

थनंलि निश्चय जूह्य श्रेष्ठिपुत्रं थुपिं तीर्थक योनिस वना न्या जन्मकया दुःख सिंघा
च्वंपिं पापितय् थुगु प्रतीत्य समुत्पाद उत्तम धर्म देशना याना न्यंकल । थ्व सत्यखं
वांलाक सीकी थननिस्थे थुगु रूपं जुइ । थ्व उत्पत्ति याकें थुगु उत्पत्ति जुइ धंगु
ज्ञान खः ।

१. धनं धाल प्रथमं अविद्या उत्पत्तिं जुइ, अज्ञान अहंकार व मूर्ख बुद्धि जि जिगु ।
२. अविद्या याकें संस्कार उत्पत्तिं जुइ, अनित्यगु कर्म दय्केगु ह्तिह्ति थमं हे ।
३. संस्कार याकें बिज्ञान उत्पत्तिं जुइ, चित्तं ज्ञान बिज्ञान बिचार याय्गु ।
४. बिज्ञान याकें नाम रूप उत्पत्तिं जुइ, अनेक वस्तु खना रूप व नाम दइ ।
५. नाम रूप याकें षडायतन उत्पत्तिं जुइ, खुगु इन्द्रिय खुता प्रकारं दइ ।
६. षडायतन याकें स्पर्श उत्पत्तिं जुइ, थोगु क्वागु ख्वाउंगु क्वाचू नायू ।
७. स्पर्श याकें वेदना उत्पत्तिं जुइ, ह्ताया जुया वंगु लुमंका तर्कना अनेक जुइगु ।
८. वेदना याकें तृष्णा उत्पत्तिं जुइ, प्यास न्हाक दुसानं मगाना च्वनीगु ।
९. तृष्णा याकें उपादान उत्पत्तिं जुइ, थःजक कते लाका लोभं दग्ध जुइगु ।
१०. उपादान याकें भव उत्पत्तिं जुइ, योनिं जन्मजुया दुःख भोग यायेगु ।
११. भवयाकें जाति उत्पत्तिं जुइ, षट्गतिया अनित्यगु संसारे म्हितेगु ।
१२. जातियाकें जरा मरण शोक परिदेव दुःख दौर्मनस्योपायासा उत्पत्तिं जुइ ।

अर्थ - बुद्धा बुढी जुइगु सिना वनीगु शोक सन्तापया दुःखं मने दुःखया भारिजुया उपाय गन दइ धंगु अनेक आशाकयाः धर्म अधर्म मसीका जन्मवित्त्यु जुइगु ।

थ्व धागु सीके हानं । (१) अविद्या मन्त धाःसा संस्कार दइ मखुः । (२) संस्कार मन्त धाःसा बिज्ञान दइमखुः । (३) बिज्ञान मन्त धाःसा नामरूप दइमखुः । (४) नाम रूप मन्त धाःसा षडायतन दइमखुः । (५) षडायतन मन्त धाःसा स्पर्श दइमखुः । (६) स्पर्शमन्त धाःसा वेदना दइमखुः । (७) वेदना मन्त धाःसा तृष्णा दइमखुः । (८) तृष्णामन्त धाःसा उपादान दइमखुः । (९) उपादान मन्त धाःसा भव दइमखुः । (१०) भवमन्त धाःसा जाति दइमखुः । (११) जातिमन्त धाःसा बुढा बुढी रोगि सिनावनीगु विचे विचे सन्ताप खोय्गु मने दुःख जुइगु इत्यादि छुनं दइ मखुः । (१२)

केवल थःत तःधंगु दुःखया पुचः मुना च्वंगु छुमन्त धाःसा छुहेनं दुःख जुइ मखुः । थ्वहे खः प्राणित्यु दुःख जुइगु थमं हे याइगुखः धका सीकि । थुलि निश्चय खः

हे कुलदेवते ! उगु वखते जलवाहन श्रेष्ठिपुत्रं थुपि तीर्यक योनिसलाना च्वंपि न्या तय्त थुजागु गंभीर धर्मया खँ कना न्यंका च्वन । । अनंलि लिपा निम्ह कार्यापि जलाम्बर जलगर्भ लिसे किसिगया थःगु छें थ्यंकवल ।

अनंलि कह्लेखुनुया समये जलवाहन श्रेष्ठिपुत्र छें तस्सकं उत्सवयाना हर्ष जुइका नया तोना बहनी जुस्येलि कोथाय् अनन्दं छन ।

उगु वखते (उगुइले) तःधंगु निमित्त उत्पत्तिजुल रात्रिस पुखुलि गुपिंजा बासयाना च्वंपि फिदोल न्या फुकं छगुपाखं आनन्दं न्ह्योवय्कूपि मृत्युजुया इमिगु पाप दक्क प्रतीत्यसमुत्पादया खँ गंभीर ज्ञानया धर्म न्यंगुलि फुनावना स्वर्गस त्रायत्रिंशा भुवने देवपुत्रपि जुया उगु सभामण्डले बासयावन । अन इपिफुकं मिले जुया छथासं च्वना थुगुप्रकारं ह्वापायागु खँ चेतना दयावया (न्याजुया च्वनागु लुमना) तच्चकं मती तर्कना जुइका च्वन ।

इमि खँ जुल कुशलकर्म छुंयाना वयागुलि फिपिसकलें थन स्वर्गलोके त्रायत्रिंशा भुवने लावल हानं थुमि थथ्ये खँ जुलकि कीपि जम्बूद्वीपे छगु पुखुलि फिदोन्या जुया च्वंपि खः । थुपि तीर्यक योनिस लापिफुकं कीपि खः । जलवाहन श्रेष्ठि पुत्र छम्हसिनं पुखुलि लः पूर्णयाना नय्गु आहार समेतं चूलाका सीत्यंपिन्त म्वाका रक्षायात ।

गंभीरगु ज्ञान कीसं न्यनेदत-वं कंगु प्रतीत्यसमुत्पाद धर्मया खँ देशनायागु खः । रत्नशिखि तथागत अर्हत्संम्यक्संबुद्धया नामोच्चारण न्यनेदुगुलि कीगु पाप याकनंफुत । वं कंगु कुशल धर्मया हेतु(कारणं)याना थुगुहे जन्मस थन च्वंवय्गु प्रत्यक्ष कीपि देवलोके आः देवपुत्र जुया च्वंवय्दत । गुम्हजा निश्चय याम्ह थ्व जलवाहन श्रेष्ठि पुत्रया समीपस कीपि वने भाल । नापलाना योग्यानुसार वइत पूजा यावने नुः । गुण महमस्यूपि हानं न्या जुया जन्म जुइ । । थुलि धाय्धुंका थुपि फिदोल देवपुत्रपि त्रायत्रिंशा भुवने निस्ये अन्तरगतजुया क्वहांवया जलवाहन श्रेष्ठिपुत्रया छें छचालं चोंवल । उगु इले जलवाहन कोथाय् छना च्वन । थुपि देवपुत्रपिसं छना चोंह्य श्रेष्ठिपुत्रया शिरे (फुसे) तुतिक्वे जवे खवे फिदो मोतितया स्वागतयात ।

छे छ्वालं पुलि थ्यंक वय्क मान्दारव (जीस्वां) चःस्वां, अजीस्वां आदि सुगन्ध पुष्प वृष्टिजुल । स्वर्गया दुंदुभि बाजा थानाहल । थय्ये यागुलि अन जंबूद्वीपे च्बेपि सकलें हलंचाल - अनंलि जलवाहन श्रेष्ठि नं हलंचाल । । अनंलि सुथसिया प्रहर जुस्येलि फिद्वल देवपुत्रपि आकाशमार्गं पंछि थ्ये बोया लिहांवःवले जुजु सुरेश्वर प्रभया रीजंगहे थासे थासे जीस्वां इत्यादि वृष्टिजुइका अटवीसंभव पुखुलि वन ।

अननं जीस्वां वृष्टिजुइका उगुस्थानं हानं ब्रांलागु देवालये थःपि च्वनेगु भुवने च्बेक वन । अन न्याता कामगुणं युक्तगु थासे च्वना आनन्दं वासयाना च्वन । तःच्वकं तःछेगु ऐश्वर्य सौभाग्य अनुभवया ज्या याना च्वन । थुछ्ये जम्बूद्वीपस रात्रिफुना प्रीतिः समय बांलाक (सुथे) जुल ।

अनंलि थय्ये निश्चय जूगु ज्या खना सुरेश्वर प्रभ जुजुं बिचारयात । थउंया रात्रिस आश्चर्यगु निमित्त उत्पन्नजुल थ्व छुःजूगु खः धका जोतीष मंत्रि आदिपि सःता न्यन । इमिसं विन्तियात गुगुजा थ्व जूगु कारण देवतापिसं जकसी । तर थ्व निमित्त जूगु थय्ये खः जलवाहन श्रेष्ठिपुत्र छपिनि बैद्यराज जटिंधरया काय्खः । वइगु छेनं आपालं मोति व दिव्यपुष्प जीस्वां आदि वृष्टि जूगु दु । जुजुं धं विज्यात अथ्ये खः सा छिपिबना जलवाहन यात प्रिय वचनं खं ह्लाना नापं बोनाहति । । अनंलि जुजुया खं न्यना थुपि जोतिष मंत्रीगणपि जलवाहनया छे थ्यंकवन - थ्यस्येलि जलवाहनयात सःता जुजुं धागु खं न्यंका नुः धाल । तथाऽस्तु याना इपि नापं जलवाहन वना जुजु च्वना चौंगु थासे थ्यंकल । थ्यस्येलि छछ्ये एकान्ते च्वना जुजुं न्यन हे बैद्यराज जलवाहनजु ! थउं रात्रिस थन ऊथाय् छुजुल छं स्पूला गुगुजा भिगु खः थुजागु निमित्त उत्पत्तिजुल ।

थुगु नृपवचन (जुजुं धागुखं) न्यना जलवाहनजु विन्तियात । भो महाराज ! जिनं सोकि धुन अवश्यनं खः न्यना विज्याहुं अटवीसंभव पुखुलिचोपि फिद्वल न्या मृत्यु जूगुलि थय्ये जूगु खः । जुजुं हानं धाल - छं गथ्ये सिल । । जलवाहनं विन्तियात, भो महाराज ! जि काय्पि जलाम्बर जलगर्भं निम्हसिनं स्युः । अटवीसंभव तःधंगु पुखुलि वना सोविज्याहुं छुः अनचोपि फिदो न्यात म्वाना च्वनला मृत्युजुलला, जुजुं धं विज्यात ज्युः ।

देवते ! उगु कालया समये, जलवाहन श्रेष्ठिपुत्र, कुमार जुया च्वंम्ह म्येम्हमखुः
निश्चयनं हानं थथ्ये धाय् त्यना सीकेगु योग्यजु । थ्व छुया कारणं धाःसा उगु ब्रखते
याह्य उपकारि जलवाहन आः जन्म कावम्ह शाक्यमुनि जि हेखः धका लुमंकि ।

थथ्ये खः निश्चयमेव हानं सीकि छिमिसं छु धाइ हेकुलदेवते ! उगु कालया समये
जलवाहनया जलाम्बुगर्भानाम पत्नी (स्त्री) दु । व म्येम्ह मखु धका सीकि । निश्चयनं
हानं थ्वखँ थथ्ये खः । छु कारणं धासा आः गोपा नाम शाक्यकन्या (यशोधरादेवी) जुया
जन्म जुवह्य खः । । हानं धाय् सीकि आः राहुलभद्र बोधिसत्व धाय्का जन्म जुवह्य
उगु कालया समये जलवाहनया तःधिकह्य काय् जलाम्बर नाम जुया च्वंम्ह खः । । आः
थ्व आनन्द भिक्षु जुवह्य नं उगु कालया समये जलवाहनया दातिह्य काय् जलगर्भ नाम
जुया च्वंम्ह खः । जुया वंगु जुया च्वंगु अवश्यमेव हानं सीकि छिमिसं छु गथ्ये धाइ ।
हेकुलदेवते ! उगु कालया समये अटवीसंभव पुखुलि फिदो न्या जुया जन्मकया च्वंम्ह
थुपि हानं म्येपि मखुः थ्वखँ नं सीके योग्य जु । थ्व छु कारणं धाःसा थुपिफुकं आः
ज्वलनान्त तेजोराज धाय्का फिदो देवपुत्रपि स्वर्गं च्वे त्रार्यात्रिशा भुवने बासया-
वपि खः ।

थुमित ह्यापा जलवाहनं लः तोनेगु अथवा च्वनेगु तृप्त जुइक नेगुनं थिकजुइका
गंभीरगु प्रतीत्यसमुत्पाद धर्म कना न्यंकल । हानं पूजनीय रत्नशिखि तथागत अर्हत्
संन्यकसंबुद्धया नाम कनानं न्यका बिल ।

उगु कुशल मूल धर्मया कारणं याना थउं जिगु न्ह्योने जिथाय् सःतिक वइ च्वन ।
गुह्यसिनं जा थथ्ये भिगु अनुत्तर संन्यक संबोधिज्ञान व्याख्यायाना च्वन । आपालं स्नेहया
कृपां हर्ष व उत्सुक जुइका खुसिजुया गौरवगु धर्मन्यंका ब्यूगुलि सकल व्याकरणया नाम
सीका काल ।

जुयाच्वंगु खः निश्चय हानं सीकि थ्वखँ छिमिसं गथ्ये धाइ । हेकुलदेवते ! उगु
कालया समये उगु पुखुया सिथे बृक्षदेवता (वन देवता) धाह्यदु भूमीं शरीर बाह्यप्याहां वया
नोः बाह्य व म्येह्य मखुः थ्वखँ नं सीके योग्यजुः ।

यनंलि छुं बिस्तारगु खं थय्ये खः जलवाहनजुं थः पुत्र जलाम्बर यात धाल पुत्र अटवीसंभव पुखुलि वना सोहुं । अनच्चर्वापि न्या सितला म्वातला । थ्व खं न्यना जलाम्बर सोवन छचालं बांलाक बिचार यात फिदो न्या फुकं सिना च्वन । उगु थासे नं छचालं पुखुलिनं थाय् थासे पुष्प वृष्टि जुया च्वंगु नं खन थुगु निमित्त सीका लिहांवया अबुयात बिन्तियात ।

भो जनक ! अबुजु आश्चर्यगु निमित्त जुल खः न्याफुकं सिना च्वने धुंकल अन पुष्पवृष्टि नं आपालं जुल खं स्वांयको सकभनं दु । काय् नं थय्ये धागु खं न्यना जलवाहनजु जुजुया थासे वना बिन्तियात ।

भो राजेन्द्र ! सीका बिज्याहुं छु निमित्त जुया च्वंगु धका अन्दोल चित्त जुया बिज्याय् म्वाल । अन पुखुलि जि पुत्रवना सोयावय् धुंकल थ्व निमित्त जूगु निश्चय खः । अन पुखुलि च्वं पि न्या फिदल दु फुकं मृत्युजुया स्वर्ग लोकनं च्वे त्रार्यात्रिशा भुवने बासया बने धुंकल जुइमा थ्व जिगु बिचार खः । थुपि देवपुत्रपिंगु प्रभावं थउं रात्रिस थुजागु शुभनिमित्त उत्पन्न जूगु खः । जोगु छे आपालं मोतिरत्न सुगन्ध दिव्य पुष्प वृष्टिजूगु भिगु हे निश्चय खः । थ्वखं न्यना थ्व जुजु तस्सकं हर्षजुइका आनन्दं च्वन ।

यनंलि निश्चये याना भगवान् बुद्धं हानं बोधिसत्त्व समुच्चय कुलदेवता यात थय्ये धं विज्यात । जुया वंगु खः निश्चयमेव हानं बांलाक सीकि । हे कुलदेव ते! म्येगु खं गथ्ये धाःसा उगु कालया समये व सुरेश्वर प्रभ नाम जुजु जुयावम्ह म्येम्ह निश्चय मखुः हानंधाय् थय्येखः धका सीकेगु योग्यजुः । थ्व छुः कारणं धासा, आः शाक्य कुले जन्म जूबम्ह वण्ड पाणिजुजु खः । । उगु कालया समये जटिंधरनाम श्रेष्ठि धाय्का राजवंध रोगचिकित्सक जुया च्वंम्ह खः व म्येह निश्चय नं मखुः हानं थय्ये खः धका सीके योग्यजुथ्व छु कारणं धाःसा आ जुजु शुद्धोदन धाय्काजन्म जुवल उगु वखते याह्म जटिंधर श्रेष्ठ खः ।

ह्लापा जुया वंगु-आः जुया च्वंगु निश्चय हानं सीकि छिमिसं गथ्ये धाइ-हेकुल

थ्व छु कारणं धाः सा - व वनदेवता आः छु खः हेकुलदेवते ! । । थुगु धर्मपर्यायं
सकलं थथ्ये जुया वगु धका सीकेगु अत्यन्त योग्यजु । जिनं ह्लापा आपालं संसारं भ्रमण
याना प्राणि पित्त बोधिज्ञान बुद्ध धर्म क्यना कनास्यना थुइका विया वयागु दु ।

गुह्यसिनं जा गुगु तालं छु यात छु धाल व खँ थुइका अनुत्तर संम्यक्संबोधिज्ञान खः
व्याकरण भूमो प्राप्त याना काल । वथें आः छिमिसं नं थुगु समये अनुत्तर संम्यक्संबुद्ध
या बोधिज्ञान बोधिसत्व चर्ये च्वना व्याकरण भूमो प्राप्त याना काय्गु योग्यजु ।

थथ्ये आज्ञाजुया बिज्यागु उच्चपदया खँ न्यना अनच्चर्वापि सकल सन्तोष जुइका
धन्य धन्य भगवान् (बुद्ध) धन्य धन्य जलवाहन कुमार बैद्यजु धका साधुकार तथा
धन्य प्रशंसा याना भगवान् बुद्ध यात चाहुला प्रमाण याय्धुंका बिदा कया सकल थः
थःगु आसने लिहांवन ।

थुलि खँ जलवाहन कुमारया जातक जुल



थ्व खँ सुवर्णप्रभास सूत्रेन्द्रराज (१८) अध्यये दु ।



पद्मशेखरराजकुमारावदान

नमः सर्वबुद्ध बोधिसत्त्वैः

सकल बुद्ध बोधिसत्त्वपिन्त नमस्कार

अनंलि छन्हु भगवान् बुद्ध धर्मपत्तन नगरे छगु शुद्धगु विहारे फिस्वसल (१३००) भिक्षुगणपि सहित याना आनन्दं विज्यावले छुं लिपा अनेक देव गन्धर्व किलर मनुष्यरूप जुयावपि नागराजपि, महोरग धापि महाजन वणिज शिल्पक इत्यादिपि उपस्थित जुया प्रदक्षिणा पाय्धुंका प्रणामयाना थःथःगु थासे च्वना वसपोल बुद्धया खाः स्वयाच्चन ।

थुगु इले देवपुत्र छहसिनं भगवान् याके थय्थे विन्तियात । भो भगवान् गनं विहारे छे धर्मशालाय् देवतापिगु मुर्तिया प्रतिमा चोयातल धाःसा छु पुण्य दइगु अथवा छुं घातु वस्तुयागु प्रतिमा दय्का तइ उजागु प्रतिमा नं गनं देवालये प्रिति यानातगु खना ।

युक्रियागु पुण्यफल छुं दुसा न्यनेगु इच्छा दु, भो वदवादिन्द्र भगवान् ! जिगु कारणे जकमखु सकल यागु निम्ति खः ।

थय्थे विन्तियागु न्यना भगवानं थ्वयागु मनया संशय सीका ध्यानं न्हापाजुया वंगु खंका सीका आज्ञाजुया विज्यात । हे देवपुत्र ! छंगु अभिलाष छुदु - गन छु चित्र च्वेगु वा छु च्वयातगु स्वयावया जिगु न्होने धाः ।

देवपुत्रं विन्तियात, भो भगवान् गुरु ! चित्र गन्धिनी नाम छगु बांलागु तःधंगु पुखुया सिथय् मनोरम (सुन्दरगु) थासे छयाछे तःखागु दु, उगु छे धर्म शाला खः । उगु छे जिनं बांलाक देव देवी तथा म्येम्येगु नं लोय्क अष्टमंगल इत्यादि चित्र च्वय्गु

इच्छायाना । भिंगुला अथवा मभिंगुला थुकीयागु धर्म एवं गुण प्रभाव आज्ञाजूसा न्यनीपि सकलया मन आनन्द जुइ ।

श्वखं न्यना भगवानं आज्ञाजुल, साधु साधु महाज्ञानि देवपुत्र छ खः । देवतापिंगु प्रतिमा आदि भिंगु नानाप्रकारया चित्र बिचित्र शुभ लक्षणं युक्तगु थिकयाना मनोरम जुइक चव्यगु सीकि । हे महावाह ! गृहे देवालये धर्मशालाय् अत्यन्त योग्यजु, गुण प्रभाव मनोरम कार्य सिद्धिफल बलवीर्य धनसंपत्ति तथा पुण्य लाभ जुइ ।

देवपुत्रं हानं बित्तियात – भो भगवान् गुरु ! ह्लापा सुनां गन थय्ये देवतादिपिंगु मूर्ति अनेक चवया अथवा धातु वस्तुया मूर्ति बिहारे अथवा देवालये देछायावन – श्वनं छुं छगु निगु खँ आज्ञाजूसा जिगु मन तथा म्येपिंगु नं चित्त बोधजुया सन्तोष जुइ ।

भगवानं आज्ञा जुल चित्त पिमछोस्ये न्य । हेदेवपुत्र ! सीकि – ह्लापा द्वापरयुगे काश्यप तथागतया पर्याये जुयावंगु खँ लुमंस्वेवल उगु खँ आः थन कनेत्यना । चित्र चव्यगुया प्रशंसा तः धंगु प्रभाव दु । निश्चय याना न्य । । ह्लापा बिमला नाम निर्मलगु छगु तीर्थ दु उगु तीर्थया समीपस छेँ छखा बांगु दया चवन । उगु बखतस सेमन्तपुरे (देशे) च्वंह्य महाज्ञानिह्य ज्ञानदत्त छह्य श्रेष्ठि जाति दयालु शान्त स्वभाव धर्मया शरीर ब्रतधर्म याय्गु धर्मशाला दयकेगु अतिइच्छाह्य चोज्या चित्र चव्यगुलि नायजुयाच्वंह्य खः । । श्व ज्ञानदत्त थमं दय्का तयागु बिमला तीर्थया समीपस च्वंगु छेँ बिचार याय्तनं तीर्थेवना स्नान दानकर्म धुंका थमं दय्कातयागु धर्मशाला छेँ वास यावन । बिचार यात जि चित्र अनेक चव्यस चवयाचोनाह्य नं खः । थन धर्म शालाय नं योग्या-नुसारं चव्यमाल धका लछितक वासयाना लोय्करंग मिलेयाना छेँ दुने पिने मामाथाय् त्रिरत्न चैत्य अष्टमंगल इत्यादि म्येम्येगु नं बांलाक चवया लिहांवन ।

तिर्थे स्नान यावइपिसं खना खुसिजुइका श्व छेँ थुवायात तथा चवयातम्हयात नं सेवा नं जय जुया भिजुइमा धन्य खः धका आशिर्वाद विया वनीगु जुल ।

छन्हु त्रायत्रिंशा भुवन (स्वर्गलोके) च्वंह्य देवपुत्रं तिलोत्तमा अप्सरा नापं उगु विमल

तीर्थे स्नान यावल । उगु तीर्थया समीपस विचित्र रूपं देवतापिङ्गु मूर्ति च्वमात्तमु छे
छवा खना तस्सकं हर्षजुइका उगु छे मामागु तालं खापा चाय्का थाहांवना सकभनं सोल
सुनं मवु ।

बुधि निम्ह ले: ताया उगु धर्मशाला(छे) लछित्तक वास यात । छन्दु ज्ञानदत्त तीर्थे
स्नान धुंका धर्मशालास वना सोवंवले जिनं चुकु तथा खापातिना तयागु ख: । आ:
खापा चाय्का तल थन अवश्य नं वास्यापिं दु सुजुइ धका सकभनं सोवले देवपुत्र
छगु कोथाय् आनन्दं च्वना च्वंगु मखं छगु कोथाय् तिलोत्तमा सुन्दरी अपसरा च्वना
च्वंगु खन ।

कोथाय् द्वाहांवना मोहजुइका धाल-अरे सुन्दरी ! याकचा थन कोथाय् छाय्
च्वनागु छसु ख: । अपसरां धाल-जि तिलोत्तमा धयाह्य अपसरा देवकन्या ख: बिमला
निर्मल तीर्थे स्नान यावया थुगु लक्षणं संयुक्तगु त्रिरत्नपिङ्गु देव प्रतिमायागु अनेक मूर्ति
च्वमात्तगु धर्मशाला(छे) जुया वासयाना च्वना लछिदत्त, जिस्वमी धाय्माह्य देवपुत्र नं दु ।
छे मखं च्वना च्वन-वइके सुलेगु बिद्या दु छे खनीमखु: जिखना छ मोह जुल-जि
थोक्ते जि देवकन्या छ मनुष्य-छ थन छाय् वयागु छ सु: । थ्व छे थुवा छखला-मखुसा
लिहांहुं ।

थय्ये धागु न्यना ज्ञानदत्तजुं बिल्लियात अहो जिगुभाग्य देवकन्या दर्शनदत्त । थ्वछे
थुवा जि ख: थन अनेक मूर्ति च्वया तथाह्य नं जिहे ख: । अपसरा ल्लिला धाल थन जिपिं
निह्य लछि च्वनागुया दस्तुर सुवर्ण दोछि तोलाया छगु वस्तु (छपाय्गु) धन लुं बिये
ना: धया बिल-जिपिं कह्ले वा कंस् लिहां वने आ: छ लिहांहुं ।

थय्ये धया व्यगु लुंपाय् ज्वना छे थ्यंका थ: स्त्री यात क्यना छे कन । निह्य तपु
तय्थाय् हे मदय्क हर्ष मन याना अनेक तालं छे ल्लाना नयातोना आनन्दं बास यात ।
धर्मशालाय् बास च्वपिं निह्य थ:गु थासे लिहां वन ।

भगवान् काश्यप तथागतं आज्ञाजुल छे वा देवालये बिहारे योग्यतानुसारं देवतापिङ्गु
अथवा आष्टमंगल कलश पलेस्वां सिमा अनेक चित्र बिचित्र मूर्ति च्वमात्तगु प्रभावं

ज्ञानदत्तया स्वप्नेथ्ये धन लाभजुल ।

थुगु खँ न्यना अन उपस्थित जुया चव्ह्या चित्ररति देवपुत्र छह्य अति हर्ष
जुया- ज्ञानदत्त भाजु धन्य धया, जिनं थुजागु चवज्या सय्का तयागुदु । अमः जिनं
थुजागु ज्या याय् धया बिदाकया भगवान् काश्यप तथागतया तुति भोः पुया लिहांवना-
थाय् थासय् तीर्थे स्नान दान याय् धुंका - पंचरंगीया आपालं रंग मिले याना देवालये
बिहारे धर्मशालाय् थाय् थासय् वना गन गुगु तालं बांलाइ उग तालं अनेक प्रतिमा
मुर्ति चित्र चवया सकल खुसिजुइका धन्य साधु धाय्का शुद्धमन याना भःगु छेबन
। अनंलि लिपा बाराणसी (काशी) देशे नं वना पुण्य क्षेत्र इन्द्रपृष्ठ राजां
दय्कातगु सुगत शान्त बिहारे थ्यंका चैत्य त्रिरत्न देवतादि अष्टमंगल इत्यादि प्रतिमा
चित्र चवया शाभायमान जुइका सकसिनं साधु धन्य प्रशंसा याका जुल ।

उगु बखतस काश्यप भिक्षु दनावना शाक्यमुनि भगवान् यात स्वचा चाहुला
प्रणाम याना मुनीन्द्रयागु ख्वाः स्वया थथ्ये बिल्लियात । भो भगवान् नाथ सर्वज्ञ! धन्य
ख. चित्ररति देवपुत्र महाज्ञानिधीमान् बुद्धिवन्त वृत्ताचारि खः । अनंलि लिपा छु यात गन
वन अथवा गन जन्म कावन । उगु पुण्य छु प्राप्त यात - थ्व खँ नं फुक क्वजिक आज्ञा
जुसा - भोगरू बदवादिन्द्र ! जिपिं सकलया चित्त आनन्द जुइका बोधजुइ ।

थुग प्रकारं काश्यप भिक्षुं बिल्लि यास्येलि - शास्ता सर्वज्ञ भगवान् बुद्ध काश्यप
भिक्षु प्रमुखं अन सभास चवंपिं सकलयात नं स्वया आज्ञा दय्का बिज्यात । चित्र
चवयागु पुण्यया प्रभावं उत्तमफल प्राप्तजूग खँ जिनंकने त्यना, थुगु अवस्थाय् हे भिक्षुगण
तथा सकसिनं वृद्ध बिश्वास याना न्यनेगु बिचारया । थुजागु खँ नं मुबले खैः धक्का
अबिश्वास याना नकतिनि छपला निपला पलाछि सःह्य मचा व्वावनेत सनीथ्ये अहंकारं
मिथ्यादृष्टिया भावनायाइ - होसियार या लिपा अमनुष्य जुइ (पशु पंछि) जुया
चवनेमालि । तथागत धयाह्य सोकि (बुद्ध) मिथ्यावाद गवलें यइ मखुः ।

थ्व चित्ररति देवपुत्र म्येगु थासे वना जन्म कागु खँ थथ्ये खः । बुद्ध क्षेत्रे बराबर
चाहुला चित्र चवया धर्मयाना जुजुं छन्हु बखत जुल मृत्यु जुयावन । छुं लिपा बैशाली नगरे

राजायाकुले जन्मकया लिपा वखत जुस्येलि थः जुजु जुल ।

थ्व जुजु धीमान् धनवान् बलवान् योग्यह्य, धन प्रजा सैन्य रथ सल किसि आपालं सहित जुइका राजनीति तथा धर्मशास्त्र स्वीनिता (३२) लक्षणं संयुक्तह्य रूपवान् जुया प्रजापिन्त काय् म्हाय् तुल्य प्रतिपाल याना क्षात्रिशील स्वभावं संपन्न जुइका भुबनाकर नाम धाय्का क्षत्रिकुल राजाजुया आनन्दं बास याना च्वन ।

थ्वया पत्नी सुमती नाम सुन्दरी स्त्री धर्म प्रतिब्रता शील स्वभाव धर्म शास्त्र ह्यसीका सुखं आनन्द जुइका च्वंह्य महारानी नाप बासयाना च्वन । राजनीति धर्म बिचार याना राज्यभोग्य यागुलि प्रजागण पिसं नं अबुतुल्यं जुजुयात नं मानसत्कार याना राजा प्रजा आनन्दं कालहना च्वन ।

बिबाह सिधगु १२ वर्ष पुलावना नं सन्तान मदुस्येलि भुबनाकर जुजुया छन्हू चिन्तनायात । अहोदैव जुजु धाय्का सकसिनं मानय् याका च्वनागु यकोदत आः तर्कं काय्मदुनि न म्हाय् दु । पुत्र बिना कुल जुइमखु अन्त्ये कुल हीन जुइ अथ्येया निम्ति कुल हीन मजुइकेत छेया मत खः काय्मदय्कं मज्युः छु धर्म अथवा छु यत्न याना काय दइ ।

यथ्ये चिन्तना याना छन्हूचाह्ले थः स्त्रीनाप खँ ह्लात । हे स्त्री ! गथ्ये कीपि अभाग्य जुल – पुत्ररत्न (काय्) मदय्कं संपत्ति छुः सारजुइ राज्य भोग म्वाना च्वनागु नं फुकं ब्यर्थ । पुत्रविना (काय् मचा मदय्कं) राजा जुया च्वनागु नं शोभा मदु । उपाय छुयासा काय् दइगु खः । हे स्त्री ! आः छु उपाय याय्माल ।

स्वामों थथ्ये धागु न्यना उगु वेलासु सुमती देवी (महारानी) नं स्वामी यात प्रणाम याना थथ्ये ब्रिन्ति यात । भोमहाराज स्वमी ! छाय् शोक याना विज्यानागु – कीपि बुढा बुढी जूगु मखुनि उमेर हे तिनि । छन्हू सन्तान दइ – दैव योग थःगु कर्म खः तथापि धर्म याय्मा, पुण्य मयाय्कं पुत्र जक मखुः थः थःगु मनोरथ कार्य छुं लाभ जुइमखुः अथ्येया निम्ति संपूर्ण ज्या सिद्धयाय्त उत्तमगु सद्वर्मा ज्ययाना विज्याहुं । थथ्ये जिनं छगु निगु ह्लापा सद्गुरुपिसं कंगुज्ञान न्यना तयागु दु ।

स्त्री नं थुगु प्रकारं धागु खँ न्यना जुजुहानं धाल – अरे प्रिय स्त्री ! छं धागु खँ

थिकजु । सद्धर्म या ज्या याय्गु सोइके न्यनेगु खँ जकमखु ज्याहे याय्माल छुछु याय्गु छं
स्यूसा धाः ह्तापां छुयाय्गु ।

महारानीं बिन्तियात - भोस्वामी ! जि अबला खः (मिसाजाती) छुःसी तथापि
न्यनातयागु छुं खँ बिन्तियाय् । सद्धर्म क्रिया महायान बुद्धचर्य - उपोषध व्रत करुणामय
स्मरण त्रिरत्न शरण, स्वयंभू चैत्य बुद्ध पूजादि याय्गु खः । थुजागुयानावंगु पुण्यया
प्रभावं ह्तापा उपोषध नाम देवपुत्र तथा पराक्रमी स्वर्ण केतु जुजुपिसं सन्तानया विषये
दान धर्म याना पुत्र लाभयाना वन । कोस नं अथ्येहे यासा पुत्ररत्न अवश्य नं दइ ।

स्त्री नं थ्ये भिगु खँ न्यं कूगुलिं हर्षचित्त याना - निह्य स्त्री पुरुषया सल्हा द्वारा
छुं लिपा सत्गुरु सःता खँ न्यना यथा विधिक्रमं तीर्थेस्तान शरीर शुद्ध नियम याय् धुंका
श्रावण मास लछिया चैत्यव्रत छगु लाख चैत्य थाना त्रिरत्न शरण स्वयंभू धर्मधातु
बुद्धालय मण्डल सहित अष्टांग प्रणाम दर्शन पुजन पापदेशना पुण्यानुमोदना ध्यान जाप
पाथ पुजादि दिपावली सहित सर्वसत्त्व हित जुइमा थुगु पुण्यं जिमित पुत्र रत्न नं
प्राप्त जुइमा धैगु इच्छा याना राजा रानी निम्ह दंपती नं थःगु छें एकाग्र चित्तव्रत आरंभ
याना थ्ये स्तोत्र यात ।

मूल

नमस्ते भगवन् भूयो देव देव नमोस्तु ते ।

देहि मे पुत्ररत्नं तु देहि मे मोक्ष भव्ययम् ।

अर्थ

भो भगवान् चैत्यराज स्वयंभू छलपोल यात नमस्कार - हानं हेदेव देवप्रभू !
छपिन्त सदानं नमस्कार दु । जित पुत्ररत्न बरदान विया विज्याहुं । जित मोक्षपद लाभ
जुइगु बरदान फोने विया विज्याहुं ।

थुगु प्रकारं दंपती सहित जुया प्रार्थना एवं प्रणाम याय् धुंका व्रत समाप्त विधि
बुद्धोपदेशानु सारं असत्य पापमूल हिंसा - ला हि छाचा प्याज लाभा आमीष मदिरापान

ब्राह्मणं मिथ्यादृष्टि अन्धविश्वासस्वार्थि व्यवहार लौकिक धर्म होःगंगु थले लःतयगु ज्या
दुर्गन्ध आमोष बस्तु आहार बजित याना । बुद्ध धर्मया मूल सत्य अहिंसा लोकोत्तर धर्म-
होः ममंगु थले लःतया याकनं जाय्केगु बुद्धसिद्धिया ज्या - शास्त्रोक्त विधि क्रमानुसारं
व्रत पुजादि क्रीया संपुर्ण धुंका विसर्जन सिध्यक्कल । देवमनुष्य वाजा उत्सव सहित
नदिस चैत्य यानागु प्रवाह याना पुर्ण यात ।

अर्नलि हानं - पुत्ररत्न प्राप्तयाय्गु व जगतो हिताय निम्ति त्रिमण्डल (काय
वाक चित्त) शुद्ध जुइका थुगु प्रकारं धर्म यात ।

सोला दय्का सत्ययुग प्रमाणं कार्तिक मास लछिया श्री अमोघपाश लोकेश्वर
मण्डल सहित उपोषध व्रत आरंभ याना सद्गुरु द्वारा त्रिरत्न शरण अमोघपाश
करुणामय शरण वन्दन पूजन रत्नमण्डल पाप देशन पुण्यानुमोदन यथाविधि प्रमाणानु
सारं ह्लाणाय्ये नियम आचरण स्वभाव शुद्ध दान शील धारण अर्घ्य पूजादि दीपावली
पाठ ध्यान जाप षडक्षरि मंत्र ग्रहण धुंका थय्ये स्तोत्र यात ।

मूल

नमो वो देव देवेभ्यो देहिमे पुत्र मुत्तमं ।
पूर्व जन्म कृतं पाप मिह जन्म कृतानि च ।

अर्थ

त्रिरत्नादि तथा बेबतादि पिन्त जिमिसं नमस्कार याना । जिपि निह्य त्यपुयागु
इच्छा खः सुपुत्रह्य पुत्ररत्न बरदान फोना चवना बिया बिज्याहुं । पूर्वजन्मस याना वयागु
युगु जन्मस यानागु पाप दक्क फुकेगु कारणे पाप देशना याना, दक्क पाप हरण याइह्य
छन्नपोलपि खः अथवा लोकनाथ करुणामय खः ।

युगु प्रकारं भुवनाकर राजा व रानी नं प्रार्थनायाना व्रत तथा मण्डल विसर्जन
धुंका, इले पंचामृतादि (पाय्स क्षीर फल मरि दुरु धौ) भोजन याय् सिध्यक्का हानं
कब्बे खन्नु नं कुमारी मचात १२ वर्ष वर्षेपि सद्य बालकुमारीपि (३१) स्वीछह्य
निम्बबणा मासा आसनबिया फेतुका वस्त्र अन्न मधि फल वक्षिणा दान धुंका आमोष

वर्जित याना क्षीर पायस भोजन तथा गुरु व्रतयापि सकलया सिध्यकल ।

वथ्ये हानं याचक बुढा बुढी भिक्षु ब्रह्मचारी गणपिन्तनं अथ्येतुं दानयाना सन्तोष जुइक नका, दान शील क्षान्ति पारमिताया प्रभाव यात लोय्क बुद्ध धर्म न्होने लाका धर्म यात । । थथ्ये सद्धर्मचर्य यागु पुण्यं गर्भवती जुया फिला क्यस्येलि श्रावण कृस्न द्वीपतिथि धाइ (द्वादशी तिथि) पुष्पनक्षत्र बृहस्पतिवार सुथसिया प्रथम प्रहरे सुमती महारानीया गर्भं मचाबुल ।

पुत्र अथवा पुत्रीया आकार छुं व्यक्तमज्जु मांसपिण्ड (पिलिनं भुनाच्चंगु लाग्वारा) जन्मज्जु खना उगु थासे च्वपि राजपुरुष स्त्रीगण दिदिअजिमा धापिसं सोत - तस्सकं अद्भूत जुइका च्वन ।

महारानीया मनस दुःख (चिन्तना) जुइका धाल मासंपुर्ण जुइका जन्मज्जु ॥ : । पुत्र पुत्रीया छुं आकार सीमदुः खालि लाग्वारा मात्र जन्मजुल - जिगु कर्म तथा जन्म नं धिकार धया खोल ।

चेतिकादि दिदिपिसं तबह बिया बिनित्यात भो महारानी! खोया बिज्याय्मते थःथःगु भोग खः । जन्म जुइवं सिना वनीपि सिपि मना अथवा माकया आकारपि भुयूपि सियूपि फसिथ्ये गोलागु अनेक तालं ग्यानापुस्ये चोपि जन्म जुइगु नं दु । छपिनि थुजागु छुं मखु खालि लाया शरीर खः मनुष्य छुं आकार छुतय् मज्जु मात्र खः थःगु कर्म भोग लुमंका धोजं याना बिज्याहुं । चेतिकादि दिदिपिसं थथ्ये धया हेकूसा नं महारानीया दुःख सब जुइका खोय्गु मतोतुस्ये धाल । गनं वनेबले सभाय् च्वना खँ ह्लाय्मासा जित तस्सकं लज्जाजुइगु जुल धया रानी खोगु शब्द तागुलि जुजुं न्यना सोत ।

हे चेतिकादिपि! महारानीया मचाबुल धाल छाय् खोगु पुत्रला अथवा पुत्रीला सोह्यला छगुहेतु मज्जुइकं खोइमखु बिचार याना जित याकनं कंवा । राजां थथ्ये धागुन्यना चेतिकादिपि न्होने वया बिनित्यात । भोमहाराज! आपालं छु खँ ह्लाय् महाअद्भूत जुल - पुत्र पुत्री केवल मनुष्यया रूप छुं सीमदु खालि लाग्वारा मात्र जन्मजुल - ह्लाः तुति छपों छुनं थन अन धका धाय्मफुः । थुजागु तालं जन्मजुगुलि महारानी खोगु खः तस्सकं सब जुइका च्वन ।

थय्ये धागु खँ न्यना जुजु उगु बेलास केहि ठुलेजुया च्वन । लिपा मनस चिन्ता जुइका धिकारजिगु भाग्यधया कसुकातया धाल । आः छुयाय्गु खः दैवं यागुला थःगु कर्म भोगला निगुलि छगु अवश्य खः । शत्रुयागु धाय्त् सोइत पायाय्गु । थय्ये जक हाला अथवा सुंकच्चना नं मजिल, सोइत छु धाय्गु खोवि वय्का सुंक च्वन ।

उगु इले धातृवर्गं (धाइ च्वनी पिसं) बिन्तियात । भो महाराज ! शोक सन्ताप याना खोया बिज्याय्मते थुलि धया कोथाय् च्वना खोया च्वंह्य महारानीयात नं हेकल । भो महादेबी ! थःगु कर्म भोगसीका धीरता जुया बिज्याहुं । । महारानी नं आज्ञा जुल - काय् मखुसा नं म्हाय् जुसानं छुं खँ मद्दु । नकाय् नम्हाय् उकीं शोक याय्मागु खः । भुय्पि मचा बुइपि नं दु जिपापिया अथ्येनं मखुः । दैवं छुयानाक्यंगु - हे धातृवर्ग पाशापिं युगु वखतस जि छुयाय् दैव नाप जोरिमजु, दैव धापिनं नापलाय् फइगु मखुः । जि छुपाप ! याना बलजुइ थुजागु अदभूत दुःख जुइका सोय्माल । फिलातक गर्भ धारण याना बालक जन्मजगु ब्यर्थ जूल - लोकं छुधाइगु जि गुजागु खँ न्यने मालीतिनि ।

दैवं जित गुजोगु बिजोग यानाक्यन धर्म अनेक दुसानं सद्गुरुं उत्तमगु सद्धर्म बुद्ध चर्यया ज्या याका पुत्र लाभ जुइ धागु खः थ्वनं ब्यर्थ जुल इत्यादि अनेक धया महारानीं शोक यागु दिकेमफुः ।

युग समये राजां रानीयात बोध याना, मंत्री सज्जन वर्ग धातृवर्ग चेतिकादिपिं कोथासमुना योग्यगु खँ सल्लायात । आः थुगु प्रकारं अनेक खँ ल्लाना शोकयाय्गु ब्यर्थ । थ्व जन्म जगु मांसपिण्ड दुर्गन्ध जुघावइ गन यंकेगु - गनं तीर्थे (लः दुथाय्) तय्गुला अथवा मितया भस्म याय्गुला छुयाय् माल भूमीस् गाःम्हुया सोथनेगुनं ज्यूला निश्चय यागु ज्याखँ गथ्ये खः ।

थुगु समये धातृवर्गया मुख्यह्मसिनं बिन्तियात - भो राजा, रानी, मंत्री वर्ग तथा सज्जनपिं ! जिगु बिन्ति न्यना विज्याहुं । थ्व मांसपिण्ड (ला ग्यारा) खः गनं अशुचिगु यासे वांछोय्गु भूमीस गाःम्हुया सोथनेगु मि छोय्का भस्म याय्गु योग्यमजु । हानं बिन्तियाय् - पलेस्वांया हः ईचाकाप प्रमाण याना क्वातुक बांलाक पोचिना कीगु क्यब्रे निर्मलगु लखं पूर्णगु पुखु दु अनपुखुलि दथ्वी लाक तय्यंकेगु असल जुइ ।

थथ्ये धागु खँ न्यना सकल खुसिजुया समर्थनयाना पलेस्वांहले पोचिना थ्व जन्म
जूह्य मांसपिण्ड (लाग्वारा) चाह्लेयंका क्यवयागु पुखुया दथ्वी दिदिअजिमा नं तीजक
क्वफाना लिहांवल ।

क्वफाना वय्धुन धका खँ कना शोक मयास्ये बास याना च्वन । अनंलि प्यन्हु
दुवले उगु पुखुलि चाह्ले वया पूर्बे सिंह – दक्षिणे धुं – पश्चिमे किसि – उत्तरे गुवले
बुढाजुया सीम्वाह्य अजरामरण महापुरुष च्वना प्यदिगस् थुजापि पुरुष प्राणिपि पाः
च्वना च्वन ।

प्यन्हुया दिनखुन्हु मुथे उद्यानपालक (क्यवे विचार याइह्य) नायो नं थुपि प्यह्य
प्यंगु दिशास च्वना च्वंगु खना त्राहिमानं ग्याका राजाया ह्लोने वना विन्तियात । भो
महाराज ! ऋगु वांलागु क्यवे रक्षा याय्गु जिन समर्थ मन्त छाया धाःसा पुखुया प्यंगु
दिशाय् भयंकर रूपपि सिंह धुं किसि तःधिकह्य सुन्दर रूप पुरुषछह्यनं क्रमानुसारं
बास यावया चोन । थुपिखना ग्याना विन्ति यावया ।

थथ्ये धागु अद्भूतगु खँ न्यना न्याह्य दूतापि सःता जुजुं धै विज्यात । थ्व क्यव
नायोनं धागु खँ छिमिसं न्यनाच्वंगु दु क्यवेवना सोयावा धयासोके छोट ।

जुजुया आज्ञा तथास्तु याना न्याह्य राजदूतपि क्यवेवना सोवन – दुने वने ग्याना
पखा गया सोबले पुखुया दथ्वी तफोगु पलेस्वां प्यंगु दिशाय् सिंह धुं किसि अजरामरण
धाह्य सुन्दर पुरुष छह्य नं बासयाना थुखेपत्ती सोया च्वन ।

ग्यासानं दुने क्यबे वना उत्तरे च्वंह्य सुन्दर पुरुषया न्होनेवना दूतपिसं न्यन । अरे
महापुरुष ! थनक्यबे अकस्मात् प्यंगु दिशाय् सिंह धुं किसि हानं छपि नापं प्यह्य पाः
च्वना च्वन थ्व अपूर्व अद्भूत आश्चर्यगु ज्या खः ।

छपि सु खः नाम छु – थन थुगु प्रकारं बास यावयागु कारण छाया गनं विज्यानापि
मुनां छोयाहगु । राजदूतपिसं थथ्ये प्रश्न यागु खँ न्वना उत्तर बिल ।

भो राजदूतपि ! जिगु नाम अजरामरण महापुरुष खः । थन राजाया महामंगल

उत्पन्नजुल छुःघासा उत्तम दर्शनीय संपुर्ण राजलक्षणं युक्तं राजकुमार जन्मजुग खः धूगु पुखुया दध्वी पलेस्वां होया च्वंगुलि च्वे आनन्दं बिज्याना च्वंह दिव्य रूप कुमार बालक दु । वसपोल यात रक्षा याय्गु निमित्ते जिपिं बोधिसत्त्व स्वरूपिं खः । स्वर्ग लोकं छोया हपिं जिमिगु बास स्थान स्वर्गस दूरवने प्यन्हुदत मचाबुवले थन छुछुखें जुल-आः थन पुखुलि छु जुया च्वन बांलाक सोया राजा यात कंहं ।

अनंलि सिंह धुं किसि ह्लिला हर्षयाना मनुष्य बोलिं धयाहल हे राज पुरुषपिं ! जिपिंखना ग्याय्म्वाः । जिपिं थन थुगु पलेस्वांने बिज्याह्य बालक स्वरूप बोधिसत्त्वया सैन्य पिखः ।

जन्म जुइवं थन पुखुलि कुतकेहगुलि वसपोल यात रक्षा याय्त् । जिपिं थन पाः च्वंवया बांलाक सोया च्वना राजा यात कना मागु ज्याया । थुमिसं घागु खें नं हानं अजरामरण महापुरुषं धया न्यंकल ।

राजपुरुषपिं लिहांवना राजायात बित्तियात । भो महाराज ! जिमिसं सोया बय्धुन पुखुया दध्वी ह्लापामदुगु तःफोगु पलेस्वांया छोने अति सुन्दरम्ह बालक आनन्दं च्वना च्वन । अनंलि पूर्वें सिंह – दक्षिणे धुं – पश्चिमे किसि – उत्तरे अजरामरण महा पुरुषपिं प्यदिगस स्वया – थुमिसं जिपिं खना ग्याय्म्वाः धाल थ्व मांसपिण्ड बोधिसत्त्व जन्म जूवह्य खः । । जिपिं थन पाः च्वंवया जिपिनं बोधिसत्त्व स्वरूप थन महा मंगलजुल राजायात कना माःगुज्याया धयाहल ।

दूतपिसं थय्ये खें कंगु न्यना जुजु आश्रयं जुल तथापि निभंयजुइका मंगल उत्पन्न जुल धैगुसीका आपालं बांलागु भिगु सुख ऐश्वर्य जुल खः धका हर्षजुइका जुजु मंत्री नापं बय्बेवना सोवन ।

अन पुखुया दध्इ पलेस्वांया फोले च्वे बास याना च्वंह्य राजलक्षण वुह्य सुन्दर ह्य बांलाक कुमार खना तय्थाय् मदेक खुसिजुया सोबले हानं प्यंगुदिशाय् क्रमशः सिंह धुं किसि अजरामरण महापुरुषपिं बासयाना च्वंगु नं खंवले ताउति बिचार याना च्वन ।

मांसपिण्ड (लाग्वारा) जन्मजुल घका थन पुखुलि तय्हल पिलीनं मुनातगु जुइ मसिया थन पुखुलि तय्हगु नं असल जुल । पिने अथवा गनं छोय्लागु जूसा भूमिस गाले तगु जूसानं मिं भस्म याय्लागु जूसानं गुजोगु बिध्न जुइधुंकल जुइ । । श्व तःधंगु भाग्य धाय्मा धातृवर्गया मूख्यह्यसिगु बचन पालन यानागुलिं उत्तम कार्य पुण्यफल प्राप्तजुया दिव्य कुमार (काय्) जन्मजुल धंगु निश्चयजुल । त्रिरत्नोच्चारण चंत्यव्रत उपोषध करुणामयव्रत पूजादि दानयानागु प्रभावं थय्ये महामंगल प्राप्त जुल । थुपिं प्यह्य नं करुणामयं छोयाहपिं बोधिसत्त्व अवश्य खैः ।

थुगु प्रकारं चिन्तना याना आकाशे थःसोया प्रणाम यात । थुगु बेलास उत्तरे च्वंह्य अजरामरणपुरुषं धाल । भो महाराज ! छपिनि जयजुल सुपुत्र कुमार (बालक) जन्मजुगु खः श्व बालक विज्ञम्ह महापुरुष कुलनायक कुले तःप्वागु मत समानह्य संसारं पारजुया वनीह्य थउं थन राजकुले जन्मका विज्यात । श्व बालक कयायंका राजगृहे मामागु कुलानुसारं ज्यायाना आनन्दं चवना विज्याहुं छुं आश्चर्य जुइम्वाः ।

हानं पुर्वे च्वंह्य महावीर्य सिंहं धाल भो राज राजेन्द्र महाराज ! विशेष छपिगु कुले महारत्न महापराक्रमीम्ह पुत्र लाभ जुल ।

दक्षिणे च्वंह्य धुनं धाल— भो महाराज ! प्रणाम जयजुइमा थनकुले अमूल्य रत्न पुत्र जन्म जुल । आपालं बलवान्पिं शत्रुपिन्त नं संग्रामं त्याके फुह्य । वथ्वे गंभीरगुज्ञानं थःके च्वंगु बलेश (पाप) शत्रुयात नं त्याका संसार यागु दुःख समुद्रं पारजुया वनीह्य पुत्र छपिनि दत्त ।

हानं पश्चिमे च्वंह्य किसिनं थय्ये धयाहल— भो महाराज ! प्रणाम छपिनि पुण्यया प्रभावं जयजुल । आकाशे तारागण (नौ) यको दुसानं अंधकार तंकेमफुः । चन्द्रमा छह्यसिनं पुत्तिखुन्हु गथ्ये अन्धकारदक्क नष्टयाइगु खः वथ्ये थनदेशे अथवा कुले अंधकार अज्ञान नष्टयाइह्य चन्द्रमा तुल्यह्य काय् जन्मजुल छपिनि जय मंगल जुइगुजुल ।

थनंलि राजा आश्चर्य जुइका चिन्तनायात— अहो गुजागुहेतु खः श्व काय् जन्मजुल थन भयंकरपिं जन्तुवया च्वन थुमिसं थनच्वंपिं मनुष्य सहिना तर्भापिं पशु तथा पंछिपि ।

नया नसा गुवले वाकितइ धका फुले जुया चवन । थ्व राजायामने च्वंगु खँ सीका थुपि जन्तुरूप सिंह धुं राजायात खँ न्यंकल । भो नृपेन्द्र (जुजु) ! नया नसा खः तथापि यनच्वंपि मनुष्य पशु पंछीपि स्याना लानय्गु हितोनेगु धका वयापि जिपि मखुः ।

सीका बिज्याहुं थ्व पुखुया दश्वी पलेस्वाने आनन्दं बिज्याह्य छपिनि काग्र्यात रक्षा याय्गु कारणे वयापि स्वर्गं छोयार्हपि खः छपिनि शत्रु सुंदत धाःसा लिपा थ्व राजकुमारं जिपिसैन्य (सिपाहों) याना संग्राम जित्य् याइ । थुजागु ऋद्धि बल पराक्रम क्यना बिज्याइ छपिसं छुमती संखाकया ग्याना आश्रय जुइका च्वने म्वाः ।

यनंलि थुपि प्यह्यसिनं थथ्ये धागु न्यना जुजु तस्सकं हर्षगु चित्त जुइका पुखुली वना पलेस्वाने उत्पन्न जुया च्वंह्य बालक तीजक लिकया शुद्धगु पीताम्बर बस्त्रंहिना राजगृहे यंकल ।

उगु बखते नं सिंह धुं किसि अजरामरणपि ल्युल्युवया जुजुया छें क्वसं वासयाना चवन । उगुइले प्रजागणपि सकलवया सोवल थुपि हर्षयाना हागु शब्द न्यना आपालं छु धंगु हेतु ल्या धका मतीतया ब्रह्मं खुसि जुया हाहाकारं हाला गनंवपिजुइ सुनाछोयाह पि छाय्वापि लिपा छुछु जुइतिनि इत्यादि नाना प्रकारं खँल्लाना हर्ष चित्त जुया अनेक वस्त्र द्रव्यलपा उत्सवयाना परस्पर भिगु खँ ल्लाना थः थःगु छें वपि गुलि सोवपि नं आपालं दया चवन ।

उगु बखते नानाप्रकारया बाजाथाना गुलि नृत्य गीत (प्याखें हुला म्येहाला) मंगलकार्य यावपि दयाचवन । अनंलि राजा अत्यन्त हर्षजुइका उगु समये याय्मागु ज्या नं याना—सुमती महारानी यात बालक लः ल्लाना तिसावस महारानीयात लोगु बिया ह्लिला शुभकार्य जूगु बिषये भिगु खँ ल्लाना थाय् थासे च्वंपि सः ता बुढा बुढी मचात गरीब याचक रोगी कांपि धुसिपि भिक्षु ब्राम्हण ब्रम्हचारी संन्यासी थुजापि अर्थपिन्त नय्गु त्वनेगु पुनेगु द्रव्य वस्त्र अन्न दानयाना गुरु पुरोहित पिन्त नं दिया सन्तोष यात । । राजगृहे ज्यायाइपि मंत्री तथा राज पुरुष दूत चेतिकादि स्त्रीगणपिन्तनं लोलोगु बस्त्र तिसा बिया मान बढे याना सकलयात सन्तोष यात ।

अनंलि धातृवर्गं धापिं च्याह्य थिकयाना दुरुतोंकिह्य निह्य बालकयात सुधर याना बांलाकिपिं निह्य - ह्यितेकेगु ज्याय् निम्ह - चिकनंबुइका विचार याइपिं निह्य । जुजुया कुले लोय्क बालकयात जातकर्म ब्यंकेगु ज्या याना दिदि धापिं पुखुली पलेस्वांहले पोचिना तय्गु असलजुइ धाम्ह धातृवर्गया मुख्यम्ह यातनं आपालं खुसिजुइक सिलपा बिया सन्तोषयात ।

जुजुया मन सुखैश्वर्य आनन्द जूगुलिं कोथाय् वना आज्ञाजुल-अहो हेदेवी सुमती रानी! कींगु भाग्य प्रकत जुल । जन्मजूवले खालि लाग्वारा मात्र धका अनेक तालं हाला खोया पुखुली तय्यंकल थ्व तच्चगु भाग्यजुल! म्येगु थासेतय्यंके लागु जूसा गुजागु बिध्न जुइ धुकल जुइ ।

बिशेष पुण्यया प्रभावं शुभकार्यं जुल थ्व बालक (काय्) या दीर्घायु जुइमा । थय्ये बांलागु खँ ह्याना फिन्हु दुवले विधान अनुसारं पुजादि कर्षयाना जन्मजूवले मांसपिण्ड खसानं पुखुलीतया पलेस्वानं उत्पन्न जुम्ह खः थ्व बालक काय्या नाम पद्मशेखर राजकुमार धका जुजुं नामकरण यात । । राजगृहे सकभनं दीपाबली (मत) च्याका उत्सव तस्सकं यात । अनंलि क्रमशः न्याला खुला दस्येलि अन्नप्रासन विधि क्षीर (जा) भोजन बालकयात अन्न नकेगु जंको बिधि कुलशेखर दर्शन पुजादि ग्वे दक्षिणा स्वांसिह्य (अभीर) ताय् आख्यो (जाकिं) लुना अथवा होला उत्सव कार्य याना तिसा वस (वस्त्र) पुंका मंगल यात ।

अनंलि धातृवर्गपिसं पालंपाः थः थः ज्या बांलाक राजकुमार (बालाक) यात पालन पोषण याना खुसि जुइका च्वन । थय्ये इले नका तोंका म्हितका प्रतिपालयाना यथाक्रमं शुक्ल पक्षया चन्द्रमा थ्ये शरीर पुष्टजुया बांलाना तःधिक जुया वस्येलि सद्गुरुपिंगु ह्याते लःह्याना लिपि बिद्यारंभयाना थःगु क्षत्रिया कुलानुसारं व्रत वन्दन क्रिया राजकुमाराभिष्येक बिया राजगृहे सुख आनन्द बासयाना च्वन ।

हानं म्येपिं काय् म्हाय् जन्म मजु थ्वहे याकचा काय् जुया पर्वकाले जुजुया बराबर काय्या नामं उत्सव याना धन द्रव्य दान याना च्वनीगु स्वभाव जुल । लिपा जुया वलिस्ये काय्यात राजनीति तथा म्येगुनं बिद्यारंभ याकातल ।

कुमार किनिदे (१२) वर्षं दस्येलि छन्हु राजसभाय् गुरु मंत्री बिद्वांन्पि मुना च्वंबले थ्व राजकुमारं न्होने च्वना थथ्ये बिन्तियात । भो पिता माता तथा गुरु बर्ग ! थन मंत्री सज्जनपि सकल दु - जि बालाबस्था तिनि तथापि छगु निगु शब्द नोः वाय्त्यना न्यना बिज्याहुं ।

जि काय् जन्म जुल हानं याकचा काय् धैगु बिषये आपालं हर्षमान जुइका ततः सकं धन द्रव्य फुका उत्सव याना सभाय् काय्यागु नमोच्चारण बराबर याना च्वनीगु जिनं न्यना च्वना । थुगु बिषये धर्मशास्त्रे च्वयातगु गुरुं स्यनातगु खः थुगु सभाय् संक्षिप्त रूपं सकल यात न्यंकेत्यना ।

मूल

पुत्र भेदं त्रयं तात मित्र शत्रुं च लीनकं ।

मित्र सुतोऽहं जानासि तव भाग्य प्रसादपि ।

अर्थ

काय् मचाया भेद स्वंगु (३) प्रकार या दु - भो तात अबुजु ! जि धाय्मागुजा मखु स्वयं सिया च्वंगुवं खः ।

(१) मित्र पुत्र (२) शत्रु पुत्र (३) लीनपुत्र - थ्व स्वता प्रकारया भेद दु - थ्व स्वता प्रकारया भेद मध्ये जि मित्र पुत्र खः सीका बिज्याहुं थ्व छपिगु भाग्यया प्रसादं खः ।

हानं थुक्कियागु परिचय धाय् - मित्र पुत्रयात अमृत पुत्र सुपुत्र नं धाइ । सुपुत्र जन्म जुलकि कुले तप्वागु मत कुल प्रकाश जुइका कुलयागु बांलागु आचार धर्म ज्वना - बांमलागु अनाचार अधर्म (पाप) याना लालाथ्ये सना हाला कुस्वभाव कुशील कुसंगत् तोता अन्त्ये सुख जुइगु थःनं जहान्पिनं स्वर्ग वनीगु ज्या याइ । १ ।

शत्रुपुत्र यात कुपुत्र धाइ - कुपुत्रम्ह काय् जन्मजुलकि कुले च्याना च्वंगु मत स्याना अर्थात् कुल खिउंस्ये चोंका बिइ । भिगु आचार धर्म तोता - मभिगु अनाचार अधर्म (पाप) स फला ब्रया थःनं अपरिवारपि नं दुःख जुइगु ज्या याना जुइ । २ ।

लीनपुत्र यात अकुल पुत्र नं धाइ । हानं लीनपुत्रम्ह काय् जन्म जुलकि म्हितेगु साकनेगु मदिराहारा याना छुं ज्या मयास्ये अशंचय शील (मभिगु कुस्वभाव) जुया साहुं क्यंका छेंबुं धन संपत्ति दक्कफुका थः नं सपरिवार पित्त नं दुःख पीडा जुइगु जक ज्याय् भुले जुया सकसिनं धिकार धाय्का जुइ ।

श्व स्वंगु प्रकारया काय् पिंगु भेद लिपा ल्याय्म्ह जुइबले स्वय् दइगु । उकीं काय् जन्म जुल धका आपालं हर्ष जुइका तच्चकं आपालं धनफुका उत्सव याना सभाय् जि काय् थुजाम्ह भिम्ह धका बयान याना जुइगु लिपा थःत कुपुत्र लीनपुत्रम्ह काय् जुलकि अःख जुइफुः ।

भो पिता अबुजु ! जि नुगस्याना धयागु मखुः काय् जन्म जुल धंगु बिषये आपालं संपत्ति (धन) खर्च याना उत्सव याय्गु थिकमजु छाया धासा लिपा शत्रुपुत्र (कुपुत्र) खः-पुनः लीन पुत्रः (अकुल)पुत्र खः, थुजापि काय् जुलकि धनफुका उत्सव यागु ब्यर्थ जुइ । जि शत्रु कुपुत्र-लीन अकुल पुत्र मखुः । मित्र सुपुत्र अमृत पुत्र धका छपिसं मती तथा बिज्याहुं ।

थुलि खँ राजकुमारं सभाय् न्यंकूगु सकसिनं न्यना श्व खँ तथ्य बचन सत्यगु खँ खः धन्य राजकुमार धका सकल खुसि जुया प्रशंसायात ।

अनंलि राजकुमारं राजनीति धर्मनीति गणित अर्थशास्त्र धनुस बिद्यास निपुन जुइक सय्का युबन्नाबस्था जुल । पुखुली पाचवंवपि प्यम्हनं राजगृहया पिनेछगु थासेतया प्रतिपाल याना आनन्दं तयातल ।

राजकुमारं हानं छन्हु अबुयात थथ्ये बिन्तियात । भो पिता अबुजु ! छपिसं राज्य भोग यानागु गुलिबत सैन्य शस्त्रास्त्र धन प्रशस्त जूला मजूला । हानं लिपाथ्यंक लोक पित्त सुख जुइगु ज्यानं याय्मा । सुख दुःखयागु अनुभोग नं थमं याना सीका च्वनेमा । छपिनि छु नय्गु त्वनेगु पुनेगु च्वनेगु छुतक इच्छा दु । शत्रुपिनं सुख जितफुकं धै बिज्याहुं छुंमती संदेह कया बिज्याय्म्वा छपिन्त मागुतक जिनं पूर्णयाना सुख याय्गु इच्छा दु ।

थथ्ये पुत्रं भरोसा बिया धागु न्यना अबुम्ह(जुजु)अति हर्ष जुइका चिन्तना यात

अहो बुद्धिमान् ज्ञानिन्ह सुपुत्र खः । भुवनाकर जुजुं पुत्र यागु ख्वास्वया हिला धै बिज्यात ।
 ह्लापा अमृत समान्ह त्वाय् लिपा काय् जुया जन्म कावल धाःसा - अमृत पुत्र मित्रपुत्र
 सुपुत्र धाय्गु धका सभाय् च्वना न्यंकूगु दु । अतएव उजाम्ह सुपुत्र साधु महाबिज्जम्ह
 काय् छ खः धका सीकेधुन ।

छंगुहे भाग्यया प्रभावं आः जित थन शस्त्र अस्त्र सैन्य नय्गु अन्न अनेक वस्तु
 पुनेत बस्त्र तीत (तिसा) हेरा मोति भिपु पन्ना नवरत्नादि लुं वह छे प्रशस्त जुयाच्वंगु दु ।
 जि राजा जुयागु नं युवन्नाबस्थाय् अबुं तोता वंस्येलि खः । प्रजापि नं यकोदु सैन्यपिनं
 नेगु लाख आः दया च्वंगु दु थुपि पराक्रमीपि खः ।

जिमि दुःख छुं महु ह्लापा काय्छह्म मदया जक दुःख जुया च्वंगु आः छथ्येजाह्म
 अमृत मित्र सुपुत्र दत्त आयागु अबस्थायात छं मां अबुपिनि भाग्यमानि हे धाय्मा, हे पुत्र!
 छं छुं मती कौतुक (संदेह) अथवा खेद याय्न्वा सुखं बासयाना च्वं । । थथ्ये अबुं धागु
 बचनन्यना कुमारं हानं मति चिन्तना यात । आजु अबुं कमाय् याना तःगु धन राज्यस ज्जक
 सुख भोगयाना भाग्यमानि धका च्वनेगु नं योग्यगुजा मखु । थमंहे ऋद्धि (पराक्रम) या ज्या
 क्यना धन पुनः राज्यस्थीर जुइक साधनयाय् फुसा सुपुत्रम्ह काय्मचा जुया जन्मजुयागु
 सार जुइ । थुजागु मती लुइका विचार याना अबुयात बिस्तारं हानं छन्हु बीरम्ह काय् नं
 एकान्ते थथ्ये विन्ति यात ।

मो पिता ! आजु अबुजुपिसं कमाय् याना दय्कातगु धनसंपत्ति तथा राज्य एवं
 राजगृह (छे) जक च्वना नया च्वनेगु छुं हिसिमदु शोभा नं मजुः । सैन्यपि नं थमंहे
 बनोबस्थ मिलेयाना माक्वसामग्री (ज्वलं) थमं थिकयाना कमाय् याय्फुसा बांलागु
 पराक्रमया ज्याखः । जिनं थथ्येयाय्गु समर्थ एवं इच्छा दु । छे जक च्वना थुजागु समर्थ
 क्यने फुइमखुः थ्वखे सीका विज्याहुं । । जिछक पिहांवने छपिनि शत्रु अवश्य नं दइ
 जितकना विज्याहुं जिनं सत् युद्ध धाइ धर्म युद्ध याना क्यने - असत् कुतयुद्ध धाइ अधर्म
 युद्ध याना क्यनेगु मखुः । रण संग्राम थथ्ये निगूप्रकारया भेद दु । क्षत्रिकुले राजपुत्र
 जुया जन्मजुयागु सारजुइक वियोत्साह ऋद्धिवल पराक्रम नं धाइ सकलयात छक क्यनेगु
 इच्छाजुल । पिता नं थ्व जिगु खे यात स्वीकार याना विज्याहुं ।

कायनं थथ्ये धागु खँ न्यना अबुम्ह जुजुं उत्तर बिल । हे पुत्र ! छं धागुखँ खः
तथापि छ नकतिनिया युबन् अवस्था क्यातुगु शरीर तिनि । रण (संग्राम) याय्गु
अवस्था मखुनि छं त्याकेनं फइमखुः थ्व राजगृहे दुगु धन संपत्ति राज्यफुकं छन्त हे तोता
वनेगु छंगुहे खः । छुया दुःख छाया दुःख सिया संग्राम यावनेमागु । आपालं धनफुका
धर्मयाना जन्मजूम्ह छ याक काय् खः ।

संग्रामे छ सिना वनीबले जिमि (माँ अबु पिनि) गुजागु दुःख जुइ । हानं जिनापं
नं त्वाना जितनं स्याना थ्व देश राज्य धनफुकं शत्रुया ह्लाःते लाइ । छं माँया छु गति
जुइ । हानं छनं जिनं मदय्का च्वनेबले म्येह्म काय् मदु । छन्हु जि परलोक जुइबले
काय् मन्त धाःसा उप्रान्त थ्व राज्य परया ह्लाःते लाइ अवश्य ।

संग्राम यास्यैलि धन जन सर्व नष्ट भ्रष्ट जुइगु खः त्यासानं परप्राणिपि आपालं
अकालं मृत्युजुइ देशे प्रजापिनि नं चिता सुखदइगु मखुः आपालं मिसातय् भातपि सिना
वनीगुलि बिधवापि यकोदइ । हानं प्रजापिनि नं याकचा काय् संग्रामेवना सित धाःसा
छँ बुढा बुढीपि (माँ अबुपिनि) मचा मिसातय् छुगति जुइगु । थ्व जुजुं अथवा थ्व
राजकुमारं म्वागु तालं संग्रामया ज्या याना थः नं परयानं दुःख जुइकल धका सकसिनं
धिकार धाय्का धन जन राज्य ऐश्वर्य फुका थः नं अकालं मृत्यु जुयावनीगु थुजागु कार्य
छाय् याय्गु छन्त बिबाह याय् मानि संग्राम याय्मते ।

एवं प्रकारं अबुह्म जुजुं थुलि खँ धागु न्यना पुत्र राजकुमारं मन सन्तोष मजुइका
पुनः बिलितयात । भो जनक (अबुजु) ! न्यना बिज्याहुं छपि ग्याय्मते । जित छपिगु धन
जन सैन्य शस्त्र अस्त्र छुनंम्वाः । छपि सुक च्वं पराक्रमं बिना क्षत्रियाकुल
राजपुत्र जुइमखुः बिना छगु पराक्रम मदुह्मसिनं थथ्ये धाइमखुः धका चिन्तना याना
जित बिदाबिया बिज्यासा असलजुइ जिनं छगु पराक्रम क्यनेत धयागु खः । छपिनि
शत्रु गनदु सुखः अबिलंब धै बिज्याहुं ।

उह्म शत्रुयाके च्वंगु अहंकार स्यखि घमण्डी अभिमान दक्व जिनं लिक्का शान्त
याना विइ त्यना । थुलिया कारणे जि रण (संग्रामयुद्ध) यावना बीरता क्यने

त्यनागु खः । । थय्ये पुत्रं अनेक तालं खँ न्यंका धास्येलि अबुह्य भुयनाकर जुजुं धै विज्यात । हे बीरताभिलाषी पुत्र ! छन्त जिनं गने फइ मखुत छंगु अभिलाषा इच्छा पूर्णं याना वा । संग्रामे वना जय मंगल जुइका पुत्र यागु ख्वाः स्वय् दय्क याकनं लिहां वय् फय्मा धया राजगृहे सकलें तया सल्लायाना सुमतीरानी नापं च्वना मागुतक खँ ह्लाय् धुंका अबुं काय्यात शत्रुया बिषये खँ कन । । हेपुत्र ! छं बराबर अबुया शत्रु सुदु धका धाइगु जिनं मकना । छाय् धाःसा थमं न्हापा अपराध याना वयागुलि शत्रु धेह्य दइगु खः । शत्रु सुजुल थःगुहे अन्याय् ल्केश धाइ पाप खः शत्रु थःके च्वंह्य पापजुल शत्रु थःहे जुल । थ्व जिनं छगु निगु छं भतीचा सद्गुरू पाख्ये न्यनातयागु बोधिज्ञान खः ।

हानं धाय् म्येह्य शत्रु नं दु पुर्वजन्मस म्येपिन्त दुःख विया अथवा नुगले स्याक खँ ह्लाना वयागुनं दय्फुः । दत्त धाःसा थुगु जन्मस वं थःत दुःखविया अथवा नुगले स्याक खँ ह्लाना बीगुनं दु सहायत धाःसा न्हापायागु साहु पुत्येथ्ये जुया थःतहे कल्याण जुइ । थ्व क्षान्तिपारमिता यागु बोधिज्ञान सहायागु बुद्ध ज्ञान खः ।

हानं धाय् पुर्वजन्म यागु भावी धाइ कर्म भोग जिनं मस्यु । छं मां सुमती देबी बिबाह मयानानिवले सेमन्तपुरया राजा सेमन्तक धाह्यसिनं बिबाह याय् धका धाय्केहल । वया म्येपिनं रानीपि दु सन्तान मदया हानं बिबाह याय्त्थंगु जुइमा । न्ह्यथुपि यक्व बुयाय् बीमखु धका वइत मव्युस्ये जित धाय्के छोबले मां अबुपिसं जित कन्यावान बिबाहल वहे स्त्रीखः जि पत्नी सुमतीदेबी महारानी छं मां खः ।

छुं लिपा छथाय् समास जित निमंत्रणा बिल वनाबले अन सेमन्तक राजा नं वयाच्वन । अनयागु निमंत्रणाया ज्या 'सधस्येलि व सेमन्तक राजां जित ग्यानापुक मिखांस्वया पतिचा तःस्वाका नुगलेस्याक थय्ये धागु दु । जित बीत तया तह्य जिनं यःह्य - मिसायानं यःह्य सुमती देबी छं बिबाह तात । छलिस्ये ल्वाना त्याका छं बिबाह याम्ह सुमतीदेबी जि हानं बिबाह याना तोत्ये धाबले जिनं सहयाना छुं उत्तर मव्युस्ये लिहां वया - छं मां लिस्ये वं धागु खं न्यनावले आम खँ जिनं मस्यु धाल । अनं निस्ये व सेमन्तक राजा खना जि केहि मती ख्येद जुया ग्यागुथ्ये गरख्येस्ये आश्चर्य धाइ कौतुक जुया च्वन ।

परया जय जूगु खना सहयाय् मफुह्म यात ब्यापाद चित्तह्म मिथ्यादृष्टि अबिद्याय् ताह्म (अहंकार मूर्खबुद्धि घमण्डी स्येखि अभिमान दुह्म धाइ) थुजाह्म नाप संगत् मयासा थःत भिजुइ धया तगु दु ।

जि शत्रु म्येपि सुंमदु थ्वहे घमण्डी सेमन्तक राजाछह्म जक दु । थ्वं धागु खँ न्यनेमागु नं जिगु पूर्वजन्मया भाबि ख - न इहजन्मया भाबि खः जिनंमस्युः ।

अबुं थ्वखँ धागु न्यना राजकुमारं मती खेद याना बिचारयात छुं लिपा अबु - माँ यात बिन्तियात । भो पिता महाराज ! भो महारानी माँ ! न्यना बिज्याहुं । अबुं बिबाहयाना काय्दय् धुंकल छपिनि पत्नी जि माँयात लोभ चित्तयाना जि अबुनाप त्वाना त्याका जि माँयात हानं बिबाहयाय् धाइह्म थ्व अबुया जकशत्रु मखुः जि माँयानं जिनं अबुयानं स्वह्मसियानं शत्रु खः ।

थ्वं म्हुतुं धाथ्ये ज्यानंयाय्फुः सुंक च्वनेमज्युः । थ्वयागु घमण्डी अभिमान लिकयां तोत्ये अबु माँनं छुं धन्दा काय्म्वाः । थ्ये तबहबिया भिगु दिन खुन्हु त्रिरत्न श्री करुणामय लुमंका पूजादियाना माँ अबुया तुति भोःपुया बिदाकया छेनं प्यहांवया - सिंह धुं किसि अजरामरण पुरुषपिंगु थासेवना मागु खँ न्यंका बुक्के याबले थुपि देश (राजगृह) थोक ह्लिला हूँकार शब्दं हाला खुसि जुल ।

उगु बेलास राजकुमार किसिगया जवे सिंह खवे धुं ह्लोने अजरामरण महापुरुष तया देशे भ्रमणयाना प्रजागणपिन्त नं भरोसाबिया थुपि प्यह्ममात्र सहायकया देशं पिहांवना छगुबने आनन्दं सिमाववसं च्वना राजकुमारं बोनाहयापि प्यह्म न्होनेतया खँ ह्लाल ।

हेसैन्य पाशापि ! ऊपि वयागु कारण सेमन्तपुर (देश) या जुजु समेन्तकया स्वीनिह्म (३२) महारानीपिं दु तथापि आःतकं सन्तान मदुनि सैन्य धन संपत्ति प्रजापिनं आपालं दु बलबीर्य पराक्रमं युक्तम्ह धाल ।

थ्व जुजु जि अबु माँ जिनं शत्रु खः । थ्वयाके हाकुगु तःगोगु लोहं तुल्यगु अहंकार मिथ्यादृष्टि नास्तिक ब्यापाद चित्त परया जय मंगलजूगु खना सहयाय् मफुम्ह परद्रोही

नीन्दक पाप चित्त ऊयातुक हाकु लोहं घाना च्वंम्ह खः । थ्व यागु अभिमान तःगोगु पाप (ल्लेश) या ग्वरा लिकया जिनं वांछोया बीगुलि संग्राम याय्त छिपिं प्यम्ह पाशा बोना वयागु खः । थ्व जुजुया शस्त्र अस्त्र सल किसिरथ यकोदुम्ह जुया सकलें ग्याः सुनानं ल्याय्मफुम्ह थुजाम्ह नाप संग्राम यावनेगु थाकुइ धका जि अबुजुं न्यंकल । अबु मां प्रजागण पित्त भरोसा बिया थ्व जुजुनाप युद्धयाय् धका वया ।

थुगु प्रकारं राजकुमारं धागु खें न्यना सिंहादि प्यम्हसिनं बित्तियात - भो मालीक ! जिपिं दु धन्दा काय् मते मानागु तालं युद्ध याता त्याकेनुः बिज्याहुं ।

थथ्ये खें ल्लाना च्वंबले भुबनाकर राजाया छें मती व्याकुल जुइका मंत्री पित्त न्यंकल । थ्व कुमारं जन्तुपिं स्वम्ह थ अजरामरण छम्ह नाप प्यम्हमात्र म्येगु शस्त्र अस्त्र सैन्यपिं हानं नय्गु इत्यादिनं मज्जंस्ये बीरम्ह सेमन्त राजा नाप संग्राम याय् धका वन धयागु खें मन्यं छुयाय् धका धन्दा कया शस्त्र अस्त्र सैन्य नय्गु बस्तु किंसि कुबीका छोया हाल । राजकुमार च्वनाच्वंगु थासे थ्यंका प्रणामयाना अबुं धयाहगु खें कना सहाय दियाहल जिपिं वया धका बित्तियात ।

थ्व खें न्यना राजकुमार खुसिजुल तथापि छिपिं सहायता म्वाल लिहांहुं जितथुपिं प्यह्य दय्वं जिगु कार्य (मनोरथ) सफल जुइ धया अबुं छोयाहगु फुक्कं लिछोत । थुपिं लिहांवना राजकुमारं धयाहगु खें कना भुवनाकर जुजुयात बोधयात ।

अनंलि राजकुमार सेमन्तपुर (देशे) थ्यनीथ्ये चोंवले विचारयाना सोत न्हेव पखा न्हेव ताज वृक्ष (ताइग्वसिमा) छचालं चाहुइका तगु बांलागु देश खन । दुर्लभगु जयमंगल जुयाच्वंगु थ्व सुन्दर नगर खः थुगु नगरे द्वाहां वना छकलं ल्वाय्गु खें ल्लाय्त ज्यामछि हानं खबर मबीकं वनेनं मज्युः ।

थथ्ये चिन्तना याता च्वंबले अजरामरण पुरुषं छाया छु चिन्तनाजुल भो राजकुमार ! धका त्यना सोत । थुगु समये राजकुमारं धाल । थ्व राजायात पराक्रम क्यना न्याके धका वया गथ्ये लिहांवनेगु थ्वनं वांमलात । मूलगु लुखा गनजुइ खंका उगुहे थासं द्वाहां वने फुसा जक समर्थ वान् खः । म्येगु थासं वने बले छुजुइ गुगुजुइ

धायफुगु मखुः । थुगु प्रकारं खँ न्यंका सह्ला याबले ह्वापां सिंह पाशां विन्तियात

(१) भो राजकुमार मालीक! छपिन्त नमस्कार ग्याय् म्वाः जि वनया जक मखुः वनेदक्वसिया राजा खः । जिगुरूप खनीबले मनुष्यपि त्रही जुया सोय्हे फइमखुः । धाय्येयाह्म सिंह मूर्ति गुबले दर्शनइइगु जि लोहं धरवत् याह्म दय्का तम्ह मूर्ति मखुः हानं वने जन्मजुयाम्ह नं जि मखुः । उद्धलोक स्वर्गं भुबनं वयाम्ह गथ्येयाना वयागु धाइ । उजागु हे उपाय दु । महावीर्यवान् पिंगु पुण्यानुभावं कनेगु वयनेगु थाय् हे सदय्क ज्याखँ मिलेजू वइगु दु । वखत जुलकि जिनं पाशापि वा धका हँकारं हाला नांहे सिंहनाद धाइ हिलेगु थन देशे वने थोक मलगर्गे जुइथ्ये जिगुशब्द वेंगं पिकया हालेबले जिथेजापि हानं म्येपि द्वछिम्ह तिगान्हुया जि हालेथ्ये हाला थन थ्यंक वइ । उगु बखते थन च्वंपि छु जुइगु जुइ । भो नरेन्द्रपुत्रकुमार ! रण संग्रामं त्याकेया निमित्ते दुनेदेशे बिज्याहुं धागु थासं वनेत जिपि तयारि जुः ।

(२) अनंलि धुं बिन्तियात — भो राजकुमार मालीक ! जन्तु मध्ये छम्ह बल दप्यं जिगु नाम खः लोके शार्दूल (धुं) धाय्का सिंह तुल्य बलं युक्तम्ह सैन्य जिनं खः । सिंह थ्ये जिनं हाला पाशापि सत्येबले द्वछिम्ह धुं जि समानपि म्येपि थन थ्यंकवइ जिनं वने जन्म जुयाम्ह मखु—सिंह थ्ये स्वर्ग लोकं नापं वयाम्ह खः । जिमिगु मूर्ति शब्द खना न्यनीबले थन देशे चोपि गनवनीगु गनचवनीगु जुइ छपि ग्याना बिज्याय् म्वाः दुने देशे बिज्याहुं धागु थासं वने त्यना ।

(३) अनंलि किसि बिन्तियात, भो नृपपुत्र कुमार ! संग्रामे तथा छुं मंगलया ज्याय् किसिगया राजापि भ्रमण जुइ । जितगया छपि देशेदुने बिज्याहुं । महानाग पराक्रमी धंगुजा जिगुनाम खः जिनं अथ्येहे तःसकं हालेबले जिथ्येजापि म्येपि द्वछिम्ह किसि थनथ्वंकवइ उगु वेलास थन चोपि गन वनेगु गन च्वनेगु जुया सकले मूर्च्छा जुइफुः । छपि ग्याना बिज्याये मते सुराजुया बिज्याहुं ।

(४) हानं अजरामरणं विन्तियात, भो मालीक नरेन्द्रपुत्र कुमार ! जिगु नाम यात त्वेक जिनं ज्या वयने अजर बुढा जुइमखुम्ह—अमरण अकालं गुबले मृत्यु जुइ म्वाम्ह तर संग्रामे अनेक जुइफुः जिगुबल जिनातुं धाय्गु योग्यमजुः सिंह धुं किसिपि हाथ्ये जि हालेगु

मखुः जिनं लापा थाना हिलेबले जि समान म्येपि दोछिम्ह थन थ्यंक वइ । थुमिसं संग्रामे मागु तक शस्त्रास्त्र पुनः बलदइगु नय्गु तोनेगु अमृत वास इत्यादि धरेयाना वइबले छपिनि छु धन्दा । दुने वने बले थन च्वपि मिजंत ल्वावइपि जुजु समेत बिस्पू वनि किसिगया छपि याकचा बिज्याहुं जि ल्युल्यु वय् म्येपि सुं मदुसानं मनस त्राश याय् म्वाः ।


किसि सल गयावपि छम्ह छम्ह दतले पहलमांनं कोथला भूमीस चता वाकीथ्ये किसि यासों ज्वना जुक छोय्, सलयात ल्वाकमं च्वाना गोःतुइका बीगु समर्थ जिके दु । आपालं ल्वाना च्वने माली मखुः थनया जुजुं राज्य तोता बिन्तियाइ । थ्व ह्लापा छपिंगु पुण्यया प्रभावं खः । आःथथ्ये लापा थाना सत्येला छपिंगु बचनमा । अवश्य नं थ्व संग्रामं छपि बिजय जुइ नुः बिज्याहुं ।

थुपि प्यम्हस्ये थथ्ये धया भरोसा ब्यूगु न्यना राजकुमार हर्षजुया साधु धन्य छपि जिगु मनोरथ कार्य सिद्ध याइपि छपि खः याकनं छिमिनं महामंगल जुइमा धया सिमाक्वसं बिश्रामयाना च्वन ।

थुगु समये ब्राम्हण छम्ह ह्योने थ्यंकवल राजकुमार खना प्रणामयाना ब्राम्हणं बिन्तियात । भो राजकुमार छपिनं राजा तुल्य खः थन छाया गनवनेत बिज्यानागु । राजाकुमारं उत्तर बिल, गथ्ये मसिल जि संग्राम याय्त वयाम्ह । सेमन्तक राजाया राज्य काय्त वयाम्ह अवश्यनं खः ।

छं बिषाद याय् म्वाः हेब्राम्हण ! जय जुइमा जिगु खँ छगु न्य । थन देशया राजायात खँ छगु ह्लाः वया, भो महाराज ! धया थ्व चिठि (पत्र) छगु जि बियाहल धया लः ह्लाना ब्युः । थुलि धया पत्र लः ह्लाना दक्षिणानं बिया सन्तोषयाना छोट ।

ब्राम्हणया मती छाया जि थनवल धेगु बिषाद चित्तयाना मवंस्ये मजिल थ्व खँ चिकिधंगु मखुः वनेहे मालि धका विचारयाना सेमन्तक राजाया न्ह्योने थ्यंका ह्लापा लाक स्वस्ति मंगलया आशिर्वाद बिया पद्मशेखर राजकुमारं धागु खँ कना बियाहगु चिठिपत्र नं लः ह्लाना बिल ।



यम (कखज घाङ्ग कुमाजं श्रुव्या भङ्गु भमङ्ग कङ्गुनाप
 युङ्ग यानात्पाकाप जाङ्ग मङ्गना जाङ्गलितविया थमं
 योनायंकापिं किसि धुं सिंह श्रुङ्ग नामजभ पूरुष
 पिं नापलि हांत्र याविवा रसिध काउत्सवयाय चित्र -

1

2

3

4

5

6

नाम शरणं गच्छामः

— १०० —

उगु बेलास ब्राम्हणं धागु खँ धाथ्ये सत्यला असत्यला छुम्वाकं भयंकरोमु खँ न्यने
माल यदि थ्व खँ सत्यनं खला धका न्यन । ब्राम्हणं हानं धाल भो नृप ! सत्यमेव खः
पिने न्होनेसं थ्यंक वया चवने धुंकल । राजाया चिठि बोना सोबले च्वयाहगु थथ्ये खः ।
मन्त्रिपतिं स्यन्तु जिपिं छपिगु आश्रमे वया प्यंगु प्रकारं युद्धयाय् मासा नं त्याग्जिनुः
कुञ्जयास्त-खन्नर ब्राह्मणयात ब्रियाहयागु दु छपिं नं थिक जुया चवं । जि बुबायात त्स्या
अयोग्यकुम्भमलाक छपिसं खँ ह्लागु दु उकीयागु बिषये काय्हा वया त्वाय्त बल धका
सीका थिकजुः ।

मन्त्रिपतिं थुज्जमु खँ पत्रे च्वया हगु बोना थ्व जुजुया ताउति चिन्तनायात गुज्यागु हेतु धका
कुञ्जया च्वन । जिपा जुमंस्ये च्वका पत्यार जुल — ब्राह्मणजुयात छ धन्य छ सिति
याय् मज्जु तःधंगु खँ न्यकूहा धका खुसिजुया अन्न दक्षिणा बिया ब्राह्मणयात लिखोत ।

सेमन्तक जुजुं मंत्रीयात सःता पत्रक्यना सह्ला माक्वयाना संग्राम याय्गु ज्वलं
सैन्य किस्ति सल शस्त्र अस्त्र धनुषबाण इत्यादि नय्गु पुनेगु योग्यानुसारं माक्व चिक
याना सकल सैन्य तथा प्रजागण पित्त सूचना (खँ) न्यंकल ।

हेसंत्री सैन्य तथा प्रजागणपि ! छु जुइत्यन कोत अथवा जित थन अकस्मात्
वधमल तुल्यगु ज्या न्होनेवल संग्राम याय्मागु थ्व युद्ध खः । जिनं त्याकेफइगु खला
अथवा मखुला बिशेष मंत्रीं जवाफव्युः ।

जुजुया खाः स्वया मंत्रीं बिस्तियात, भो महाराज ! छु संखा कया बिज्याय्
म्वाः सैन्य, शस्त्र अस्त्र किसि सल थ्व चतुरंग बलं पूर्णजुया च्वंगु दु । थ्व त्वाय्
धका बहा शत्रुया दक्व सैन्य पित्त तुरन्त नाशयाय् फुः । देश ग्राम सैन्य प्रजा धनद्रव्य
अन्न बस्त्र इत्यादि पूर्णगु धुकु कोकेति समान् म्येपिके दइ मबुः । हानं बलवीर्य पराक्रम
नं छपिं समान् म्येपिं सुं दइमबु । संदेह कया बिज्याय् म्वाः । सर्वत्र थासेनं त्याके
फइ । उत्साहयाना संग्रामयाय्गुलि नाय जि दु । न्ह्यचिला बिज्याहुं लिचिले म्वाः ।

मन्त्रीजुं थथ्ये तबह बिचा खँ न्यंकूगुबले जुजु हिला हर्षयाना देशे सकभनं घण्टा
घोष (गंथाना) प्रजा पित्त न्यंकल । हेप्रजागणपि ! सकल सराज जि नाप त्वाना

कीगुदेश त्याके धका थन जुजु जुइगु इच्छायानावह्य शत्रु पद्मशेखर राजकुमार धाह्य
थन ग्यंकवल ।

बिस्तार मयास्ये जि संग्राम यावनेत्यना कोगु देशे दक्ख बाजा थाना जित सहाय
बिया मंगलयाय् मा । थथ्ये खँ न्यंका प्यन्हु दुबुन्हु गथ्ये धयागु खः अथ्येतुं अनेक बाजा
थाका शंख पुइका मंगलोत्सव न्यंका सुथसिगु भोजन सिधय्का महारानी पित्त नं
तबह बिया सेमन्तक जुजु संग्रामयागु बस्त्रं पुना किसिगया मंत्री सैन्य नायक पराक्रम
वुपि सकल मुंका मंगल पूजा सगंकया थाय् थाय् पतिं पूर्णघट तथा शत्रु जितय् याय्गु
इच्छा याना राजगृहया मूलगु लुखां पिहांवल ।

आपालं संग्रामया ज्वलं ज्वंका सैन्यगणया न्होने ध्वजा पताकादि बोय्का
किसिहय् च्वनावह्य सेमन्तक जुजुं पिने च्वंम्ह कुमार खन । सैन्यपि मखंगुलिं मनं
कोत्यला शब्द नं बिया धनुषे बाण तय्थ्ये पत्र (चिठी) छगु तथा राजकुमारयात केका
सूचना बिल ।

राजकुमारया न्होनेसं पत्र जूवल, कया पोलास्वत च्वयाहगु खँ थथ्ये खः जि
समानह्य बीर राजा सु दु जिलिसे युद्धयाय् धकावल जिगुन्होने छमचा तिनि तथापि
छ शत्रुयात आः थथ्ये मोचनयाना बोत्यना गन च्वना युद्धयाय्गु छं धाथाय् च्वना
त्वाय्गु जि तयारि जुः छं सैन्यपि मखना जिखना ग्याःसा आः तक लानि लिहाहुं ।

थथ्ये च्वया हःगु पत्र बोना राजकुमार ह्लिला बिचारयात । पत्रजिनं ह्लपाछोय्
धुन, हानं उत्तर बियाच्वने मखुत । तयारि जुया वय्धुन सुंक च्वने मखुत धया पत्रया
खँ, बोनाहयापि प्यह्यसित न्यंकल ।

उगु समये सेमन्तक जुजुया थःगु बीरता वयनेत ह्लाःतिं भाइयाना लापा थाना
युद्ध याय्गु शब्द शंखपुइका थमं गयावयाह्य किसियात तस्कं हाय्का सैन्यपित्त नं बाजा
थाका कोलाह शब्द हाय्का धयाहल । सिंह धुं किसि पाशा बोना वह्य छन्त थथ्येस्याय्
फुः । छ ल्युल्यु वपित्त चिनायंका लहिना तय् छंगुबल छु दु स्वय् त्वना ।

युगु बखतस राजकुमारं सुंकच्वने मजिल, हेसिंह धुं किसि अजरामरणपि ! म्हुतुं

ध्याथ्ये ज्यानया तयारि जुया वनेमाल ।

मूल

गच्छ गच्छेति उक्तेऽसौ महानाग सहस्रकाः ।
 प्रादुर्भूता स्तथा सिंहाः शार्दूराश्च सहस्रकाः ।
 प्रादुर्भूता स्तथा तत्रा जरा मरण पौरुषाः ।
 खड्गहस्ता बज्रहस्ता चक्रहस्ता धनुर्धराः ।
 शूलहस्ता महातेजाः पर्शुहस्ता च केवला ।
 प्रादुर्भूता महासैन्या महाऋद्धि प्रभा वतः । इत्यादि ।

अर्थ

राजकुमारं तयारि जुया वनेमाल नुनुः धया न्यंकूस्येलि - ह्नापां महाबीरम्ह किसि थःगु बलं तस्सकं स्वकहाबले वथ्येजापिं किसि द्वछिम्ह म्येपिं उत्पन्नजुया उगु थासे थ्यंकवल । वथ्ये हानं सिंह थःगु स्वभावं सिंहनाद धाइ ह्लिला हूँ हूँ हूँकारं स्वकहाबले द्वछिम्ह म्येपिं सिंह वथ्येजापिं उत्पन्नजुया उगु थासे थ्यंकवल ।

वहेतालं हानं धुं थःगु स्वरं बेगंथोक स्वकहाबले द्वछिम्ह धुं म्येपिं वथ्येजापिं उत्पन्नजुया उगु थासे थ्यंकवल । । अनंलि अजरामरण महापुरुषया नं बेगंहाला लापाथाना पाशापिं याकनं थ्यंकवा धया खबर बिल । द्वछिम्ह वथ्येजापिं म्येपिं उत्पन्न जुया उगु थास थ्यंकवल । थुमिसं संग्रामेमागु शस्त्रास्त्र ज्वलं, ह्लातिं खड्ग ज्वना, गुलिसिनं बज्र, गुलिसिनं चक्र, गुलिसिनं धनुषबाण, गुलिसिनं त्रिशूल, गुलिसिनं पर्शु (पाः) गुलिसिनं कःति, खिप इत्यादि ज्वना वपिं तेजदुपिं शूरबीर पराक्रमं युक्तपिं उपस्थित जुया ह्लिलाक्यन ।

थुजापिं सैन्यपिसं राजकुमारयात आदर पूर्वक प्रणामयाना बित्तियात । भो मालिक ! छपिगु पुण्यानुभावं जिपिं थ्यंकवया धं बिज्याहं गनवनेगु छुयाय्गु छपिनि

मूल

अर्थ

मूल

અર્થ

घृं द्वयिह्य थ्यंकवपि नं अय्ये हे वांझाया बेगं हाला खवेपत्ति दुनेपिने छचालं

च्वन । । द्विष्टिह्य श्यंकवर्षि बलवान्पि किसित लिउनेपत्ति देशे दुनेपिने च्वना बेगंहालां
च्वन । । अजरामरण महापुरुष मरण जुइगु तायापि बीरता पराक्रमी क्यतीपि
हेकेदुने पिने च्वना नानाप्रकाया शस्त्रास्त्र ज्वन्तावर्षि हाला लायबुया छचालं च्वन
सेमन्तक जुजु पुनः म्येपि सैन्यगण मंत्री धार्पि सकसयात दध्वी लाका च्वन मात मात

अन च्वंपिसं सकभनं सोबले सिंह धुं किसि अजरामरण बीरपुरुषपि पूर्व दक्षिण
पश्चिम उत्तर विशास देशेदुने पिने छचालं च्वना हाला च्वंपि भयंकर रूप (मूर्ति) पि
खना आपालं त्राहिमानं ग्याका ह्य खाका हाहा हीही गुजागु कारणया अवस्था जुल धया
खोया ध्यानवने गनच्वने जुया भूमोस भो सुल दैव नामकया च्वंपि गुलि मूर्छा जुइका
च्वंपि, गुलि पुलि घेःपुता मिखा तीसिना च्वंपि, गुलि थौं यमलोके वनेगु दिन जुल
भाःछुयाय्गु धया छे च्वंपि जहान् लुमंका खोया आकाशे थःस्वया बिनित्यज्ञा
च्वंपि गुलि गनं विस्पू वनेगु धका इति मिति कंका व्वां जूपि ।

शब्द वया च्वन ज्व ज्वं च्यु च्यु छ्यौं त्वाह्ला धया खड्ग ज्वना चाहुलाजूपि बीर
पुरुष अजरामरण धार्पिगु शब्द । हानं हूं हूं हूं हां हां हां हुं हुं हुं धका अधोरं देशेथोक
सिंह धुं किसि पिगु भयंकर शब्द न्यना थारा थारा मींका महामारी रोगजूपिथ्ये कोंन
च्वनं वय्का बमतयाना गोःतुला च्वंपि नं दत ।

मूल

सेमन्तक महासैन्याः स्वपरात्य बिचारतः ।
परस्पर प्रहारेणा गमन् शस्त्रादि संत्यजन् ।
देश ग्रामादिकं त्यक्त्वाऽरण्यग्रामे प्रदुद्रुः ।
ततः सेमन्त पूर्यासं प्रवेश्य पद्मशेखरः । इत्यादि ।

अर्थ

युजागु बखतस सेमन्तक जुजुया सैन्यगणपिनि छुयाय् गुगुयाय् जुया इतःमतः कन
थःमनु पर शत्रुयामनु धकानं बिचार याय् मफुत परस्पर वं वइत, वं वइत शस्त्रं-प्रहास्त
यात थःथःपि हे जुया कन् हाहाकर जुल । हानं सिंह धुं किसि अजरामरणपिगु रूप खना

इपिहागु शब्द न्यना अति त्राहिमानं ग्याका प्राणया माया कया सेमन्तक जुजु मंत्री
सैन्यगणपि फुकसिनं थःगु देश ग्रामआदि शस्त्र अस्त्र सल किसि फुकंतोता बिस्युंवना
वेशंपिने तापाक म्येगुहे बने बास्यावन ।

अनंलि सेमन्तक जुजु तथा म्येपिं बिस्युं वंगु खना पद्मशेखर राजकुमार थः
पाशापि हर्ष जुया उगु देशे सकभनं चाहुला राजगृहे वना सिंहासने च्वना थमं बोना
हयापि सिंह धुं किसि अजरामरण प्यंगु दिशास पाःतया प्यन्हुया आरामयाना सकलया
नया आनन्दं बास याना च्वन । द्वछि द्वछि लिपा वपिं सकलें गनं वल अनसं लिहां वन ।

उगु देशे चोपिं मनुत गुलिं जि पुत्रमदु- गुलिं जि अबु मदु हाहाहेदैव गुलिं मिसा
पिनि जि स्वामीमदु हाहा गुलिं जि ककामदु गुलिं जि दाजु किजामदु युद्ध यागु थासे
सितला भ्वानिला बिस्युंवनला गुलिसियां ह्लाः मदु- गुलिं तुतिमदुपिं अहो गुजागु जुल
छाय् थय्ये संग्राम यावगु धका प्रजापिं बिलाप याना हःगु शब्द तागुलिं राजकुमारं छाय्
थय्येखोगु फिसं स्वैतनं शस्त्र प्रहारयाना स्थानागु मदु सोया वा धका अजरामरण पुरुष
यात सोके छोट तथाऽस्तु याना सोवन ।

छे च्वना चोपिं खोगु मात्र खः गुलिं सिंह धुं किसि खना हागु शब्द न्यना मूर्च्छा
जुपि सम्मखः सोपिं गनं मदु । थाय् थासेवना प्रजापिं सःता छुं धन्दा काय् मते स्वैतनं
छुं यागु मदु आःनं छुं याइमखु धया बुक्के याना तोलया नायत बोनाहया राजकुमारया
ह्लोने हल ।

अतिगंभोरह्य सुन्दर युवनावस्थातिनिह्य पुरुष राजकुमार सिंहासने चोना जुजुया
पदविकया च्वंह्य खना सकसिनं विन्ति याना प्रणाम यात । गुलिसिया ह्यखाका च्वन
गुलिं मुरा जुया नम्ररूपं थय्ये विन्तियात ।

भो महाराज ! छपिगु पुरुषार्थ स्वय् धुन जिमित दुःख याना बिज्याय्मते धर्म दुह्य
जुजुयात तथा पुरोहित गुरुयात अबु समान प्रजापिसं मानेयाइ । थन देशे संग्रामजुल
बाह्नि जाबले ल्वापु मन्त तथापि जिपिं गुलिसियां काय् दाजु किजा कका अबु मिसातय्
स्वामी इत्यादि दु मदु छुं मस्युगुलिं सितला भ्वानिला बिस्युंवनला धंगु नं मसिया
बोया च्वपिं दु ।

थौया समये छलपोल दर्शनदया खुसिजु थ्व जिमिगु भाग्य खः । जिमित करुणातया पालन याना विज्याहुं । छुखें थथ्ये संग्राम यावल इत्यादि जिमिसं छुं मस्युः क्षमा फोने ।

प्रजापिसं थथ्ये बिन्ति यागु न्यना अजरामरण पुरुषं सकलयात चित्त बोध यात । हे लोक पिं ! छुं धन्दा काय्म्वाः थ्व राजकुमार दयाधारिह्य खः थन वया थनचवंगु धन देश हरणयाना जुजु धाय्का सुख याय् धका वह्य मखुः । छिमिसं खने धुंकल सिंह धुं किसि जिगु र्पापिं दलंद्व गनं वल आः गन वन थन प्यह्य मात्र जिपिं दनि ।

हानंमालकि तुरन्त थ्यंक वइ थुजार्पि पाशा सैन्य सहाय दुह्य मनुष्य छिमिसं गनं खंकेफइमखुः दइनं मखु सोकि चिकिधंगु पुण्यया प्रभावं थुजार्पि महापुरुष जन्मजुइ मखुः ।

थन जिपिं संग्राम यावया खः स्वैतनं स्याना घाटक यानागु महु थनया जुजु मंत्री सैन्यपिं बिस्युंवंगु जिमिसं सिल बिचार याना लुइका मागु ज्याखँयाइ धया सन्तोषयात ।

राजकुमारं हिला सकसिगु ख्वाः सोया धाल । थ्व महापुरुष तथा सिंह धुं किसि प्यह्य जि जन्मजुस्यें निस्यें वया जित बिचार यार्वापि खः । थ्व पुरुष धाथ्यें जिनं रक्षा याय् छुं भय त्राश काय्मते । धया बिदा बिल प्रणामयाना सकलें लिहांवना खुसिजुया च्वन ।

अनंलि न्यान्हु दस्येलि रात्रिया प्रहरे स्वीनिह्य (३२) रानीपिं थः थःगु कोथास च्वना भात लुमंका छगु पाखं कल्लोद शब्दं (तस्सकं कलललं हाला) खोया हल ।

मुख्यह्य रानीं हा स्वामी गन बिज्याना सितला म्वानिला सुनां छुः अपराधयात । पद्मशेखर धाह्यसिनं थथ्ये छाय् अकस्मात् वया संग्राम यावगु । बिना छुं अपराधं परयात दुःख बिल धाःसा महापाप लाइ धया तगु दु । १ ।

गुलिं रानीपिसं हाहा हेदैव ! परमेश्वर आः हे सिनाबने छाय्म्वाना च्वनेगु धया

खोपि । २ । गुलि रानीपि आः थथ्ये जि स्वामीया नामं सिनावने त्याना धका खोपि । ३ । गुलि रानीपि थः ग नुगले थमं दाया अहो दैव जि स्वामीया छुगति जुल धका खोपि । ४ । गुलि रानीपि थः गु सँ थमंपुया हाहा जि स्वामीयात अकालं स्याह्य शत्रु मुजुइ गनवना सोवनेगु हेप्राण धया खोपि । ५ । गुलि रानीपि थः गु ख्वाले ह्लाति बुबु स्याना सँ फफे तया प्रभू जि स्वामीया प्राणगेन वन धया खोपि । ६ । गुलि रानीपि हेदैव ! जि स्वामी संग्राम मत्याकुस्ये जिपि मिसात फुकं बिधबाधाना जि प्राणनाथ फुकाबिल धया खोपि । ७ । गुलि रानीपि हेदैव स्वामी थुजागु कोथाय् द्यना सुखभीग याना च्वंम्ह गनवना अकालं मृत्यु जुइमाल धया कोथाय् ग्वारा ग्वारा तुलाखोपि । ८ । गुलि रानीपि हे स्वामी ! छपिन्त गुजागु आपत्तिस लाह जित आः सुनं रक्षा योइगु धया स्वामीयागु वस घेःपुना खोपि । ९ । गुलि रानीपि हाहा जि स्वामीमात गुजागु सस्त्रं प्रहारयाना स्यातजुइ । जि प्राणनाथ आः गन च्वना च्वनजुइ हे प्रभूदैव धका खोपि । १० ।

युगु तालं उच्चस्वरं स्वीनिह्य (३२) रानीपि खोया हगु शब्द तागुलि राजकुमार
या न्होवय्के मफया च्वन । प्रातः समय जुस्येपि स्नानकर्म धुंका अजरामरण सःता
कोवास खोया च्वंपि रानीपि सकलें सःताहति थुमिन खोय्म्वागु जतन किसं याय् धन्दा
कायमते घया नापं बोनाहति धया छोट ।

मालिकयागु वचन तथाऽस्तु याना अजरामरण कोथा पत्तिवना खोया च्चंफि रानी
पिन्त त्रवह बिया धाल । खोय्मते रानीमि उद्धान मन्दिरे जिम्रिमालिक दुःख अनसकलें
बिज्याहुं खोय्म्वाकेगु उपाय याय् धागु दु । थुलिखें न्यनेमात्रं महारानीपि सकलें कोथां
पिहांवया छें न्यन ।

भो राजपुरुष ! पिहांवया खं ह्लाथत लाज दु जिमित छु याय्गु जिपि ग्यात ।
जिमि स्वामी महाराज सितलाकि म्वानि सत्ययाना धा म्वानिसा गनवन केनाब्यू ख्वा
मखंतले जिपि खोयाहे च्वने । मंत्री सैन्यपि नापं वगु खः गुलि सित गुलि म्वानि राजा
मृत्यु सुइ धुकूगु जूसा जिपि थन च्वनेगु छुं प्रयोजन मदु । जिपि नं थनसं सिनावनेगु
हे मि सुइ बांलाक धाः हेकेमते ।

रानीपिसं खोया थथ्येधागु न्यना उत्तर बिल । भो रानीपिं ! धन्दा काय्मते थ्व
राजकुमार दयाधारि शुद्धगु शील स्वभाव बिबेकि राजनीति धर्मनीति न्याय दुम्ह खः ।
थनवया संग्रामयावसा नं स्वैतनं स्यागुमदु - थनया राजामंत्री सैन्यपिं ग्याना बिस्पूवन ।
आः राजकुमार थनराजगृहया क्वसं उद्यान मन्दिरे बिज्याना च्वन याकनं सकलें अन
बिज्याहुं मागु जतनयाइ धया सकलें नापं बोनाहल ।

उगु बखतस स्वीछम्ह (३१) रानीपिसं चाहुला मुख्यम्हरानी ल्होने च्वना
बिन्तियात । भो राजकुमार ! लाजतोता वया जिपिं स्त्रीगण पिगु उपरे करुणातया
क्षमायाना बिज्याहुं । जिपिं (३२) स्वीनीम्ह स्त्रीगणया स्वामी खः । थनदेशया राजा
मदु धाल गन बिज्यात अथवा मृत्युजुलला सजीव तिनिला क्यना बिज्याहुं मृत्युजुइ धुकूसा
जिनं प्राण त्याग याय् त्यना जिस्वामी भक्तिह्य मिसा खः ।

क्षमा दुह्य खःसा उत्तमगु खँ ल्हाना ज्यानयाना क्यनि । स्वामी कालं वा अकालं
मृत्यु जुइका आनन्दं च्वं धाइ च्वने फइमखु च्वनीनं मखुः । खोवि वय्का हानं धाल,
म्हानिसा गनदु रक्षायाणा जिगु ल्होने तयाव्यु मखुसा थनसं आः थथ्ये जिनं प्राण तोत्येगु
अवश्य कित जितनं स्यानाछो छाये वाकि तयगु ।

थथ्ये धागु रानीया खँ न्यना राजकुमारं बिस्तारं धाल । मती खेद याय्मते छाये
जि छुं याइ धका त्राहिजुयागुला । बिशेष स्त्रीजाती पित्त जक मखु सकल यातनं जिनं
छुं दुःख बीत्यनागुमखुः । भतीचा सहयाणा सुंक आनन्दं च्वं - जिनं बिचार याना
मालासोय् दुःखताया च्वनेम्वा ग्याय्मते ।

अनंलि म्येह्य महारानी न्होने वया बिन्तियात । भो राज नन्दन कुमार ! छपिन्त
जि स्वामीनं छुं अपराधयागु मवुसानं अकस्मात् द्वेषभाव याना थथ्ये संग्राम याय् मागु
कारण छु । अपराधयागु दुसानं सहयाय्मागु खः । द्वेष भाब समान पाप म्येगु छंमदु-
क्षान्तिख सहयाय्गु समान तपस्य धर्म म्येगु मदु । कृपा तै बिज्याहुं क्षमा धर्म म्हसीका
छुं भतीचा जिनं धर्म शास्त्र बोना तयागु दु । बिवेक याना जिगु जि स्वामीयागु छुं
अपराध दुसा माफि बिया बिज्यासा सकलयात कल्याण जुइ ।

हानं धाय् कोपयाय्मते सट् गुरु पाख्ये ह्लापा जिनं ज्ञान न्यना स्यनानं तयागु दु ।
अपराधि यात राजनीति न्याय याता दण्ड बीगु मात्र खः । राजायात स्याय्गु संग्राम
याना देश धन संपति फुकं थःगु याता- रानीपिन्त खोय्केगु धर्म कदाचित् मखुः ।
जिपि मिसा जाती रानीपिंगु उपरे कृपा तै बिज्याहुं ।

धर्मं जक राज्य पालन याय्गु खः द्वेष भावं शत्रु धका इभियाना संग्राम याता पर
प्राणि स्याना खोय्केगु धर्ममखुः तथा छुं धर्मशास्त्रे लोगु खै मखुः । थुजागु ज्या योग्य
मखुः अयोग्य खः । संग्राम त्याका द्वलंद्व प्राणि स्याना धन कमाय् यागु पापया ग्वारा
कातुक कुबीगु अन्त्ये मल मूत्रया पुखु अतिसार नरके च्वना हाहाकारं खोय्मालीगु दुःख
भोग खः ।

साधु महापुरुष धर्मात्मा राजापिसं थःगु राज्य समेत त्याग याता परमार्थ सुख
भोग याइ । त्यागी मखुपिसं थःगु देश प्रजा सपरिवारपिन्त तथा परयातनं सुरक्षित
जुइगु धर्मयाना वयनी । छपि महापुरुष ज्ञानि धर्म दुह्य खःसा थथ्ये पापयाना राज्य
याय्गु ज्या मयास्ये त्याकागु जूसानं थ्व राज्य तोता लिहां बिज्याहुं ।

अनंलि हानं म्येह्य रानी न्ह्योनेवया थथ्ये विन्तियात । भो राजकुमार ! थःगु
राज्य नं शरीर समेत तोतावने मागु अनित्य खः । परया राज्य हरणयाना थः राजा
जुइगु छु जक नित्य जुइ । कालं ज्वनीवले फुकं तोता थमं यातागु कर्म छगुमात्र ज्वना
यमपुरे सकल वनेमानि । छु या माया जिगु धैगु छुं मदु धका धर्म शास्त्रे धयातगु जिनं
बोनातयागु दु । थ्व राज्य तोता छपि लिहां बिज्यासा योग्यजुइ ।

हानं म्येह्य रानी न्ह्योने वया विन्तियात । भो राजपुत्र कुमार ! राज धर्म सुख
ऐश्वर्य सवानं दया च्वनीगु मखु म्वानाच्चतले सकलयात माया जालं तोपुया तगु मात्र
खः छपि मायाजालं पिहांवना मोक्ष लाभयाना बिज्यासा असल जुइ । सद्धर्मज्ञानं खंकेगु
कीपि बुलुहुं मचाय्क बुढा बुढी जुया रोगंकय्का छन्हु सिना वने मागु हानं जन्म कावड
बले सिगु लुमंका आः धर्मयाना बिज्यासा धर्मात्मा खः थ्व ज्ञानयागु प्रभावं सदानं
थःत परयातनं जयजुइगु खः धैगु जिनं बोनातयागु दु ।

हानं म्येह्य रानी न्होने वया बिनित्यात । भो राजपुत्र कुमार ! छु खः धासा जिपिं स्वीनिह्य (३२) रानीपिंगु पुचले च्वना जिमिगु स्त्राप न्यना च्वने मालिबले सहयाय् फइमखुः । लिपा छपिनि चितासुख दइमखुः थनराजा मजूस्ये तोता लिहांवना भिजुइ ।

हानं म्येह्य रानी न्होनेवया बिनित्यात । भो राजेन्द्र कुमार ! जिपिं स्वीनिह्य मिसात सन्तानया निसिते बिब्राह्याना तगु खः । आःतकं सन्तान मदुनि स्वामिनं अकाल मृत्युजुइका च्वने मास्येलि छाप् स्त्राप मबी अवश्यनं बी । स्वानिगु खःसा व महाराज आः गन वन गन च्वन धै बिज्याहुं । यदि मधाल मक्यन धाःसा निश्चय नं आथथ्ये थनसंतु जिपिं सकलें सिनावने त्यना । अले स्त्री लटाया जालेतः क्यंका थ्व देशे छपिं राजाजुया जिपिं मृत्यु जूपिंगु नामं क्रिया याना बिज्याय् मालि उकीं सद्धर्म सत् मार्गं छुखः स्वयं सीका ज्या याना बिज्याहुं ।

हानं म्येह्य रानी न्होने वया बिनित्यात । भो राजर्षभ पुत्र राजकुमार ! जिपिं मिसातय्सं ज्ञानबिमाह्य छपिमखु स्वयं ज्ञान प्राप्तह्य खः । छपिंगु उदार ऋद्धि जिमिसं खन सिल, दुःख नाशयाय्त सुख जुइगु लें ब्वां ब्वां जुइ । सुखयात हे शत्रुभावं मखु थ्ये याना च्वनि । दुःख जुइगु पुसापिना जि दुःख जुल धका हाला जुइ ज्ञानि गुणिक पिसं सीका थुजागु ज्या कदापि याइ मखुः । छपिसं नं याइ मताया । जिमि स्वामीयागु शरीर क्यना भिगुज्या याना लिहां बिज्यासा छपिंगु यशगुण कीर्ति सकभनं प्रकाश जुइ ।

पुनर्बार (हानं) म्येह्य रानी न्होने वया बिनित्यात । भो पराक्रमी राजकुमार ! भतीचा मात्र धका चिकिचा धंगु पाप याना तः धंगु धर्म याइ । उगु पुण्यफुकं चिकि धंगु पापं भस्म याइ । गथ्येजा आपालं सिं सु छ्वालि गंगु लपतेह (सिमाह) पें कठि इत्यादिया द्वों चिगातगु थासे अथवा वने छें जूसानं चिकिचा धंगु मिं छकुचा उगु थासे तल धाःसा फुकं भस्म याइ । तः धंगु पाप यात धाःसा गथ्ये याना फुकेगु— परयात सुखबीगु लिपा थःहे सुख जुइगु खः । परयात दुःख बीगु लिपा थःतहे दुःख जुया च्वनिगु खः । जिमिस्वामी यागु शरीर गन छु जुया च्वन याकनं लुइका खोया च्वनापिं जिमित खोय्म्वाक ज्या याना लिहां बिज्यासा जिमिगु आशीर्वादं छपिनि जयजुइ ।

थुजागु प्रकारं रानीपिसं सत्यता या खँ ह्लाना खोया बिनित्यागु न्यना राजकुमारं धँ बिज्यात । पुखुलि लः जाय्क तय्थ्ये ज्ञान गुण यागु खँ न्यने धुनः जि खुसि जुया । रानीपि ज्ञानीपि खः धकानं जित बोधजुल । जिगु न्ह्योने रानीपिसं धयाथ्ये सेमन्तक जुजु खः थः थः पिनि स्वामी यातनं थुजागु ज्ञानया खँ न्यंका बोधयाय्गु सो । भातया शरीर फुका वया कलाह्य थमं बिबाह यात धाःसा गुजागु पापं दाह जुया लिपा गुजागु नरके च्वना दुःख भोग याय् मालीगु थ्व खँ सेमन्तक जुजु भात याके न्यना बिज्याह । जिनं थ्व खँ ह्लाय्त संग्राम यावयागु खः ।

म्येगु खँ थन या राजा मंत्री सैन्यपि गन च्वना च्वंगु खः माला लुइका क्यने जि लिहां वनेत थ्व राज्य लः ह्लाना वनेगु अवश्य खः । हताय् चायेमते जिनं कोशीस याय् रानीपि थः थगु थासे बिज्याहुं धया सन्तोष यात ।

अनंलि राजकुमारं अजरामरण नाप सल्लायाना बिस्पूवंपि माय्केछोत किसिगया ग्राम चाहुला भावन । म्येगु हे बनान्तरे पिने छगु थासे मनुतेगु पुचखना न्यना सोत अरे लोकपि सेमन्तक जुजु गनदु छिमिसं स्पूसाकँ ।

थुमिसं बिनित्याना धाल – जिपि व जुजुया प्रजापि खः । सिंह धुं किसि पराक्रमी पुरुषपि आपालं मुंका म्येगु देशया राजकुमार धाह्य संग्राम यावल ग्याना सकलें बिस्पूवना च्वना जुजुमंत्री सैन्यपि छथाय् बासयाना च्वन छपिसुः ।

किसिगया वह्य पुरुषं ह्लिला धाल । छिपि ग्याय् म्वाल छुंयाइमखुः जिपि लिहां वनेत्यना राजा मंत्री सैन्यपि सतवया जि राजकुमारया पाशा खः । छिमि राजायात राज्य लित बियावनेत सतके हगु राजा क्यनाब्धु । थय्ये धाय्वं खुसिजुया प्रणामयाना नापं बोनायंका क्यन । किसिम्हं क्वाहां वया सेमन्तक जुजुयात आदर तया प्रणामयाना राजकुमार यागु बल बीर्य परिचय याना लिपा राजकुमारं राज्य लित बिया ल्याहां वनीगु याथर्थ खँ फुकं धया ग्यायमते नापं बोनायंके बिज्याहुं थ्व खँ सत्यता खः ।

थय्ये धागु खँ न्यनेमात्रं मनचःकंका धाल – संग्रामया वल भयंकर रूपपि सिंह धुं किसिया पुचखना हानं अनेक शस्त्रास्त्र ज्वनायपि महापुरुषार्थ दुपिसं काज्वं च्यु

छयों त्वाह्ला धया हूं कारं शब्दं हाला वबले जिमिगु हंसं तोतल म्वाय्गु इच्छां बिस्यूं
वया खः । राज्य लित बियेगु सत्य खः धागु बचन न्यनेदत खुसि जुया वये नुः बिज्याहुं
धया जुजु मंत्री सैन्यापिं सकलें मुना किसि गया वह्य नापं ल्युल्यु वल क्रमशः राजगृहे
उद्यान मन्दिरे च्वंह्य राजकुमार या न्ह्योने थ्यन ।

आदर पूर्वकं सन्मानयाना खँ ह्लात । रानीपिं फुक्क सःता सेमन्तक जुजु मंत्री
सैन्यापिं क्यन रानीपिं सकलें सन्निपात ज्वर रोगं लापिं थ्यें मन आनन्द याना ख्वाः
चकंका ह्लिला सकसिनं जुजुयागु पालि भोपुया छ्वालं च्वन । रानीपिसं चाहुला माने-
यागु स्वेदया जुजुसीह्य हानं म्वाना वगु तुल्य जुइका मन उत्साह जुइका च्वन ।

थुगु सभाय् अजरामरण पुरुषं छगु बक्तव्य यात, थन देशे जिपिं द्वाहंवाबले
दक्क मनुत सिंह धुंयान्ह्योने चला धोया बथान बिस्यूं वनीथ्यें बिस्यूवने माल । थ्व
कारण चन्द्रमा समानह्य शीतलगु रस्मि करुणा न्याय नीति धर्मदुह्य पद्मशेखर राज
कुमारयागु पुण्यया प्रभावं खः ।

अनंलि राजकुमारं ह्लिला सकसिगु ख्वा स्वया सेमन्तक जुजु मंत्री न्ह्योनेतया
म्येपिं सैन्य प्रजागण नर नारीपिसं सहितयाना सेमन्तक राजा च्वनीगु सिहासने च्वना
यथार्थगु खँ प्रबचनयाना थुगु प्रकारं सकलयात न्यंकल ।

त्रिरत्न संम्यकसंबुद्ध ह्लापायापिं तथागत पित्त स्मरण तथा प्रणाम दु । थन
उपस्थितपिं राजाप्रजा गुरुधार्पिं रानीपिं सकल खः । जि थनवया त्वावय्मागु छगु
कारण दु । रानीपिसं बिलापयाना धर्म अधर्म सत्य असत्य या खँ न्यंका धाल जिनं
न्यने धुन । रानीपित्त धन्य प्रशंसायाना ।

धर्म अधर्म सत्य असत्य राजनीति जिनं सीका च्वनागु दु । जि परया राज्यदेश
धनसंपत्ति हरणयाना प्रजापित्त दुःख बीगु असत्य हिंसाकर्म पापया मूल (पुसा) पो
धका युद्ध यावयाह्य मखुः । क्षमा धर्म सहयाय्गुलिं जयजुइगु नं अजय जुइगु नं दु ।

आः जिनं व्यक्तयाना धाय् । भयंकरं हाराह्य पापिछह्य सिनं, सोझाह्य धर्मयाइम्ह

યાત બિના અપરાધે છન્તસ્યાના ઇંકલા જિનં બિબાહ યાય્ તિનિ ધયા ન્યંકીબલે, સહ
યાના ક્ષમા ધર્મધકા સુંકચ્ચવિનિ । વ હારામ્હ પાપિ ગથ્યે ધાગુ ધ્વઃ અથ્યે હે લિપાયાત
ધાઃસા ડગુ અવસ્થાય્ છુયાય્ગુ ગુગુયાય્ગુ જુડ ।

અત્યાચારિ પાપિયાત રાજનીતિ ધર્મનીતિ ન્યાય વિચારં વણ્ડમયાસ્યે ક્ષમા ધર્મ-
ધકા સહયાના માફિવિલ ધાઃસા, વપાપિ અત્યાચારિનં હાનં મ્યેપિન્ત તસ્સકં દુઃખ વિયા
મયંકરં પાપયાના જુડ । વયા લિપા આપાલં અન્ધકાર નરકે ચ્ચના દુઃખ ભોગયાય્
માસિ ।

મયંકરં પાપ ચિત્તહયાત ધર્મયા ધ્વં કના સન્તોષયાય્ ફડમખુઃ । ગથ્યેજા ચિચા
યાત પલેસ્વાં દ્વાફોસ્વાં ગુન્તુધાય્ ન્હોનેતય્બલે લિફઃ સ્વડ વથ્યે જામ્હ પાપચિત્ત મયંકરં
હારામ્હ વેત્ય બા મનુયાત ગ્રાહિયાના લ્યાય્ત બજ્રયાનાન્તર તંત્રયાન ચર્યયાકે મયંકર
મૂર્તિવ્યના લ્યાનાતિનિ અહંકાર લિકયા મયંકરમ્હ પાપિયાત શાન્તચિત્ત જુડકા ધર્મયા-
કલ ધર્મયાગ પ્રભાવં લિપા વ પાપિયા પાપજ્યલા વના સુખજુલ ।

હાનં ધાય્ સકસિનં સોકે વહગુ જ્ઞાન ધ્વઃ । મયંકરં હારાપિ પાપિતય્સં મિગુ જ્યા
ગુબ્સે યાડમખુ । સ્વભાવ શુદ્ધ શીલવન્ત શાન્તચિત્ત જુયા ધર્મયાડપિ ધ્વના તે પિકયા
ગ્યાનાપુક ધ્વં હ્હાના પરયાત દુઃખવિયા જુડ ।

યુજાપિન્ત ગ્રાહિ યાના શાન્ત જુડકા ધર્મયાકેગુ નિમિત્તે બજ્રવીર મહાંકાલ
વશક્રોધ ધાપિસં હેંકાર રૂપયા મૂર્તિ ધારણયાના વ્યંગુધ્વઃ ધકા અભિધાન તંત્ર પુનઃ
મહાકાલ સંહિતા તંત્રે ઉલ્લેખ દુ ।

પુનઃ રાજકુમારં ન્યંકલ જિકે ધ્વહેધ્વં વિચાર વલ, જિ અબુજૂં સત્યરૂપં જિત ધ્વં
કંગુ દુ । છયાય્ નિમંત્રણાસ વનાવલે સેમન્તક રાજાનં દુ, વચકનં ગુલિચ્યાક તઃગોયાના
મિહાંસ્વયા જિ અબુયાત સંગ્રામ યાના સ્યાના ઇંકલા જિનં સન્તાનયા નિમિત્તે હાનં
વર્લાક વિવાહયાનાં તોત્યે ધાગુ દુ । વ સેમન્તક રાજા ધ્વના ગ્યાઃ વધ્ધમ્હ જિ સત્રુ દુ
મ્યેપિ શત્રુ સુંમવુ ધં વિજ્યાત ।

અથ્યે ધામ્હ સેમન્તક થન વેશયા રાજા ધ્વપિ ધ્વઃ । મ્હુતૂં ધાથ્યે જ્યાનં યાત ધાઃસા

जि अबुयात स्याना वयाकला सुमती रानी जिमाँ छपिसं बिबाह याइगुलि उजागु अनर्थ क्रिया सोय् माली धका छपिंके च्वंगु अहंकार बुद्धि भयानकगु पाप चित्तया ज्या मयाकेत सिंह धुं किसि अजरामरण बीर पुरुषापि पाशा बोना संग्राम यावयागु कारण थ्व खः म्येगु कारणे मखुः । थ्वनं महारानीपिसं खँ थ्वीका सीके मागु खः ।

जिगु न्ह्योने नित्य अनित्य सत्य असत्य धर्म अधर्म या खँन्यंका बिलाप यान्नाथ्ये थःथः पिनि स्वामी सेमन्तक राजाया न्ह्योनेनं उजागु खँन्यंका खोय् वहजुः । रानीपिगु शील स्वभाव जिनं सीके धुन योग्यतापि खः ।

थन हूँकार मूर्तिजुया संग्रामया वयाम्ह जिमखुसानं जिगु रूप खना थन चोपि सकलें बिस्युं वन । राजनिति बिचारं थ्व राज्यफुकं जिगु जुल खः । तथापि त्याग याना वने ।

थनिनिस्ये सद्धर्म बोधिसत्वचर्य बोधिज्ञान धारण याना च्वंपि सद्गुरु सेवा याना प्रजापालन याय्गु कर्तव्य ह्तापाथ्ये राजाजुया बिज्याहुं धया बज्रयानान्तर तंत्रयानया खँ न्ह्यलूइका सकसितं न्यंकल ।

एवं प्रकारं प्रबचन यागु न्यने धुस्येलि उगु बखते सेमन्तक राजाया लाजजुइका खाः वचुस्ये च्वंका म्हपीस्येवय्का क्वछुना च्वन । लिपादना वना मोतिमालां कोखाय्का जिगु अपराध माफि फोने जिनं छपिनि अबुजुयात अथ्ये अपवाचि खँ धयागु दु खः । सहस्र क्षमा धया चाहला प्रणामयाना छपिथन राजा जुया बिज्याहुं जि छपिनिक्वसं सेवक जुया च्वने लिहां बिज्याय् म्वाल धका बिन्ति यात । थथ्ये धाःसानं भिगु ज्याया धया रानी पिसं चाहुइका सेमन्तक राजा दथ्वी तया थथ्ये धाल । अनित्य लुमंका राज्य या भार कुबिया धर्म पलातया च्वनेगु सो जिनं छम्ह राजपुत्र खः थन यागु राज्यया लोभ जितम्बा ।

मूल

माया चैव नराज्यांग द्रव्य विषय भोजनं ।

तस्मात्त्यजामि तत्सर्वं राज्य भोग्यादिकं ददौ । इत्यादि ।

अर्थ

मायाखः श्व राज्यया अंग धन द्रव्य इत्यादि नयगु तोनेगु पुनेगु तिसा अनेक सुख याय्गु जितछुं लोभमदु । अथ्येया निर्मिस्त श्वराज्य आदि सकल तोत्ये धया सेमन्तक राजायात सिंहासने तथा राज्य लित बिल ।

सकसिनं कोलाह शब्दं जय ध्वनियाना मंगल कार्ययात सेमन्तक राजा खुसिजुया धंन्य धंन्य श्व राजकुमार खः दयालु बौर्यवान् धर्मया शरीर खः जय जुइमा धया नम्र निवेदनयात । जि छम्ह सन्तान मदुम्ह दीनदुःखिम्ह नाम मात्र राजाखः । छपिंथ्ये क्षत्रि यागु पराक्रम बोधिसत्त्व ज्ञान करुणाचित्त परोपकारि परयादुःख शमन जुइगु क्षमा शील स्वभाव शुद्धम्ह कृपालु बलवान् दातानं जिमखुः ।

थुलि घाय्धुंका नवरत्नादि सुवर्ण अलंकार कौशेयवस्त्र (तास तिनिह्वा) धन द्रव्य आपालं चढेयाना राजकुमार यात प्रणामयाना सन्तोष यात ।

राजकुमार सन्तोष जुया सकलयात कुशल जुइमा धया चधेयागु बस्तु फुकं किसी म्ह्य्तया बिदाकया थःसिंह गया अजरामरण यात किसिम्ह्य्तया धुं ल्युल्यु वय्का अन देश भ्रमणयाना राजकुमार थःगुदेशे लिहांवल ।

सकसिनं ताय्स्वां सिंह होयका सेमन्तक राजां लसोका वगुखना सोया चवंपिं सकसिनं श्व राजकुमार सामान्य मनुमखु महापुरुष बोधिसत्त्व धयाम्ह खः धका प्रशंसायाका बुलुहुं लिहावया क्रमशः थःगु देशे थ्यंकल ।

मूल

वक्माद्देशान्तरं प्राप्तं पौराः संदर्शितं वरं ।

तं वृष्ट्वा सहसागत्वा पौरारान्नि निवेदिताः । इत्यादि ।

अर्थ

थुगु प्रकारं लिहांवम्ह राजकुमार क्रमरूपं थःगु जन्मदेशया पिने थ्यस्येंलि वेशवासी प्रजापिसं दर्शन याना मंगल कर्मया ज्या सिधेका वम्ह कुमार खनाहतासनं बना प्रजापिसं भुवनाकर जुजुयात विन्तियावन ।

भो महाराज ! छलपोलया पुत्र राजकुमार गथ्ये बिज्यागु खः अथ्येहे सिंह धुं
क्रिसि अजरामरण सहित थ्यंक बिज्यात ।

थःथ्ये खँ कंवगु न्यना जुजु मंत्री तथा म्येपि सकल मुना बाजं थाका लसोया
राजगृहे मंगलोत्सवयाना दुत यंका गुरुपिसं आशीर्वाद ब्यूगु फया राज भोजन सिधेका
आनन्दं च्वना खँ न्यन ।

अबुम्हसिनं हिला धाल - पुत्र छ वना वयागु ज्या खँ छु गथ्ये जुल । माँ अबु
यागु पालि भोः पुया राजकुमारं बित्तियात । भो पिता तथा माता सकलया मती संदेह
जुइ । अजरामरण याके न्यना बिज्याहुं धया सेमन्तक राजां सिलपा बियाहगु बस्तु फूकं
किसि म्ह्य तयाहयागु लिक्का अबुयात लः ह्लात । अनंलि सेमन्तपुर देशे वनाबले
थमं धयागु खँ संग्रामयाना वयागु ज्या इत्यादि रानीपि खोया नित्य अनित्य खँ न्यंकूगु
थमं प्रबचन यानागु राज्य लित बिया थकागु फुकं कना न्यंकल ।

काय्दं धागु खँ खला मखुला मती चिन्तनायाना भुवनाकर जुजुं अजरामरण
पुरुषयाके न्यना सोत । राजकुमारं धागु असत्य मखु-सत्य खः । सेमन्तक राजां बित्ति
याना माफिफोवले सिगु ज्या खँ फुकंकना - व राजां बियाहगु सिलपा नवरत्न सुवर्णादि
द्रव्य कौशेय वस्त्र फुकं राजकुमारं छलपोलयात लः ह्लाथ् धुंकल, थ्व ज्या जूगु छपिनि
पुत्रया गौरव पुण्यया प्रभावं खः छुं मती संदेहः याना बिज्याय् मागु मदु धया सन्तोष
यात । आपालं खुसि जुया पुत्रयात सिंह धुं किसि महापुरुषपिन्त धन्य धन्य महा ऋद्धि
पराक्रमी धया प्रशंसायात छुं दिन लिपा सेमन्तकराजां भुवनाकर जुजुयात नवरत्न सुवर्ण
द्रव्य आदि कौशेय वस्त्र सहित चढेयाना जिगु अपराध माफि फोनाहया क्षमायाना
बिज्याहुं सर्वदा महामंगल जुइमा धयाहगु पत्रनं थ्यंकेहल । उगु पत्रबोना भुवनाकर
जुजु हर्षजुगु धयां साध्यमजु । राजगृहे सकभनं दीपावली मंगलकार्ययाना देशे योग्यता
पिन्त पुनः दारिद्र पिन्तनं दानबिया उत्सवयाना आनन्दं च्वन ।

छन्हु पुत्रं अबुयात छगु खँ बित्तियात । पिता ! थःगु शरीर हे जा तोता थकेमानि
धास्येलि परयात खोय्का दुःख बिया परया देश हरणयाय्गु भबिष्ये थमं दुःख भोग
याय्मालीगु खः । थ्वहे बिचारयाना शत्रुयात दमनयाना शान्तजुइका मित्रभापा जुइका
वइगु राज्य वइततुं लितबिया वयागु बिषये छपिसं छुं बिषादयाय् म्वाः ।

यथ्ये पुत्रंधागु सत्यबचन न्यना सन्तोषजुइ धुन पुत्र जिगुमती छुं बिषाद मयाना जि खुसिहे जुः घया पुत्रयात सन्तोषयात । अबुह्मनं पुत्रयागु सत्यबचन न्यना चित्त सन्तोष जुइका आनन्दं बासयात । ० । पद्मशेखर राजकुमारया अबु भुवनाकर जुजुयात अपबाची खं न्यंकूगु सेमन्तक राजायात पद्मशेखर राजकुमारं छ्याना अहंकार बुद्धि शमनयाना सद्धर्म बुद्धजान बोधिसत्त्व चर्ये तथा शान्तयागु खं त्रैलोक भुवने प्रचार जुल । ० ।

छन्हु भुवनाकर जुजुं पुत्रयात बिबाहयागु बिषये मंत्रीयात सःता सल्लायात काय्न् पराक्रम बयना स्वप्ने लाभ जूगु तुल्य धनहया जित लःल्लात । काय्पात बिबाह याय् माल योग्यताम्ह भौमचा गनदं बिचारयाना वा ।

राजाया बचन शिरोपर याना बिबाह बिषये मागु ज्वलं थिक याना राज गुहू तथा म्येपि लोपि पाशा निहसमेत् थःनापं प्यह्य मुना बाराणसी क्षत्रया छगु तः धंगु न्हेगु योजन बिस्तारगु अलग च्वंगु धर्मपत्तन नाम नगरया राजा धर्मदत्त क्षत्रिजाति पत्नी धर्माबती देबी महारानीया गर्भ जन्म जूह्य पुत्री सुशीलाबतीदेबी नांयात लोय्क सीलस्व भाब दुह्य बिद्यानं बोना ज्ञानिगुणिक जुया शोभाय्मानह्य उमेरनं तारूणी अबस्था २२ वर्षंदुह्य सुपुत्री छह्य दु । उगु राजगृहे खबर बिया द्वांवन ।

राजायात स्वस्तिमंगलया आशीर्वाद बिया नापलात । अपूर्वक बिज्यात छुं कारण दै धं बिज्याहुं धका दर्मदन्त जुजुं आज्ञा जुल ।

उत्तर बिल मंगल काय्ने वयापि खः बैशाली नगरे भुवनाकर राजाया एक पुत्र पुरुषार्थ बान्ह्य खः थ्व राजकुमार यात लोह्य कन्या छपिनिपुत्री दु धागु खं न्यना जिमित छोयाहल निधा छपिगु खः ।

राजकुमार बिद्यावान् बीर धर्मात्मा सुन्दररूप युवन्नाबस्था २६ वर्षया उमेरे संग्रामं जितय्जुइका बिश्वे पराक्रमी धाध्का लोकप्रिय जुया च्वंह्य खः । थ्व कुमार यात छपिसं पुत्री (कन्या) दान याय् योग्यजु ।

युजागु शुभ खं न्यना धर्मदत्तजुजु खुसिजुया स्त्री पुत्री नाप सल्लायाना स्वीकार

यात भिगु खँ न्यनेदत्त जिनं पुत्री (कन्या) दान याय् अबश्य जुल धया गुरू पुरोहित जोतीष समेत निमंत्रणा याना पुत्रीदान याय्गु भिगु दिन छु खुन्हु असल जुइ धया दिन बिचार बात ।

मूल

बैशाख शुक्ल रोहिण्यां तृतीयायां भृगोदिने ।
शुद्ध लग्ने ति सं लेख्या दर्शय जोतिषा नृः ।

अर्थ

बैशाख शुक्ल अक्षय तृतीया तिथि रोहिणी नक्षत्र शुक्रवार दिन बिबाह शुभ लग्ना दिनख धया जोतीष पत्र चवया बिल राजाखुसि जुल दक्षिणा बिया सन्तोष यात । लिहांवया जुजुं रानीपिन्त न्यंकल खुसिजुया च्वन । काय्यात सःता अबुं धाल पुत्र छन्त बिबाह याय्गु जुल दिन समेत पका याना हल छं स्त्री जुइह्य इच्छा दुसा सो हुं ।

बिबाहयाय्गु खँ अबुं न्यंकूस्येलि काय् नं बिनित्यात, बिबाह याय्गु संसारया जाले तः कयना बन्धनेलाइ जित बिबाहयाय्गु तंता मयासां ज्युः स्त्रीया ह्य छाय् सोवनेगु ।

अबुं हानं धाल - पुत्र खँ न्यो गृहस्थ धर्म विशेष कुलप्रकाश याय्त बिबाह याय्मागु अवश्यका खः छाय् आमथ्ये खँ ह्लानागु । राजपुत्रपिनि स्वंगु योग्यगु धर्म दु । छगु शत्रुपि यःगु बसे तय्गु निगु राजनीति धर्मनीति न्यायनीति, स्वंगु सहजयान तंत्रचर्य बज्रयान नं धाइ । बिबाह कर्म, सत्य युगे बिपश्चि आदि दीपंकर बुद्ध पिसंजा बिबाह यानावन । बिबाह कर्मयाय्गु पूर्वजन्मयाह्य स्त्रीचूला वडगु खः सहजयान, तंत्रे बांलाक खँ दु ।

सहजयान बिधि अबुं स्त्री बिबाह मयासा काय् म्हाय् गनं दइ । छं माँ अबुं बिबाहयात छ जन्मजुल । छनं सहजयान बिधि बिबाहयात धासा छं स्त्रीया गर्भं पुत्र पुत्री जन्मजुइ । थ्वहे सहजधर्म सहजयान तंत्र क्रिया बज्रयान चर्य देवतापिसंनं याना च्वन । ह्लापायापि बुद्ध बोधिपत्त्वपिसं नं यानावंगु शास्त्रे उल्लेख दु । संसारे बिबाह क्रिया पुरुषयात स्त्री, स्त्रीयात पुरुष आवश्यक जु ।

गथ्येजा हेतु खः कारण, प्रत्यय खः पृथ्वी स्वरूप । कारणया अर्थ छुं बस्तु पुसापीगु खः । प्रत्ययया अर्थ पृथ्वीस बुयावगु । यथाहेतु प्रत्यय संयोग बिना छुं बस्तु उत्पत्ति जुइमखुः । छाया बिबाहयाय्गु मन मयानागु बिबाह बिना गथ्ये कुल स्थीरजुइ, बिबाहया । पुत्रं बिनित्यात, पिताया बचन पालनयाय् जि छगु धर्मयाय्गु इच्छादु उगु धर्मस याय्मते मधास्ये छंगुमनोरथ कार्य सफलया धका सत्य बाचा आः हे याना बिज्याहुं जिनं बिबाहयाय् ।

पुत्रं थय्ये धास्येलि खुसिजुया अबुह्मसिनं धाल - पुत्र छंगु छु इच्छा खः उगु धर्मया ज्याय् जिनं सत्यमेव लंघनायाय् मखुः । अबुं थय्ये धास्येलि राजकुमार हिला खुसिजुल पिताया बचन तथाऽस्तु जिनं पालनयाय् अवश्य ।

काय् नं बिबाहयाय्गु मंजुर यास्येलि हर्ष जुइका च्वन । बिबाहया शुभ दिन थ्यंक वस्येली निगु थासेनं मामागु थिकयात । कन्या पाखें बिज्याहुं धका निमंत्रणा बल राजकुमार किसिगया जवेसिह खवे धुं न्ह्योने अजरामरण पुरुषतया, भुवनाकर जुजु अलगकिसि गया मंत्री सैन्य इष्टमित्रादि सेमन्तक राजा नं निमंत्रणायांना बिबाहया उत्सव बानजथाका कन्यावान कावनेगु बिषये गमनयांना वन क्रमशः धर्म पत्तन देशे थ्यन ।

धर्मदत्त राजा पाख्यें लसोयायंकल राजगृहे दुने यज्ञशाला मण्डपस योग्यानुसारं आसने फेतुका मान्यतायात पूजादि गुरुपिसंयाना च्वन । उगु बखते सिह धुं किसिपि लेः तागुलि वा खनेदय्क वांखाया हंकार शब्दं देशे थोक हिल ।

निमंत्रणास वयाच्चंविं गुलि त्राहिमानं ग्याका बिस्युंविं नं दु । भुवनाकर राजा अजरामरणयात सूचना बिया धाय्कल । थ्व महापुरुषं बिस्युंविं सःताहया सकलयात न्यंकल । ग्याय्मते छुं याइमखु मालिकया बिबाह मण्डप खना खुसिजुया थुपि सिह धुं किसि हिला मंगलयांना क्यंगु मात्र खः । थय्ये धास्येलि सन्तोषजुया मग्यास्ये सकसिनं सोया च्वन ।

धर्मदत्त राजाया मती थय्ये चिन्तनायांना अजरामरण पुरुषयात दुने सःता

धाल । थुजापिं भयंकर पशुगया जुइह जिलाजं जुल जि पुत्रीया लिषा दुःख जुइगु
धैथ्ये जुल जिपिं ग्याथ्ये जुल ।

थुजागु खँ न्यना बोधयात - भो नृपेन्द्र ! बुद्ध बोधिसत्त्वपिं कुबिया जुइपिं जिपिं
खः । स्वर्गे इन्द्रं छोयाहःपिं बिना पुण्यं थुजागु ऋद्धि दइमखुः छपिनि पुत्रीया नं गौरबगु
पुण्यया प्रभाव दुगुलिं थुजाह्म ऋद्धिबान् महापुरुष बोधिसत्त्व स्वांमी चू लात मती छुं
बिषाद याय्म्वा थुमिसं अन्याय कर्म स्वैतनं याइमखुः । । अजरामरणं थथ्ये
धास्येलि मन शान्त जुइका हानं बिचार थथ्येयात । सिंह धुं किसि अजरामरण धापि
पाशायाना वह्म थ्व राजकुमारयागु तथा थुपिं पाशावपिगु पुरुषार्थ छक परिक्षायाये
जिनं गुप्तयाना सोथना तयागु धन प्रकाशयाय्गु निर्मित थुमिगु बुद्धि छक सोये धैगु मतीतया
भुवनाकर राजायात सःता धर्मदत्त जुजुं भुवनाकर जुजुयात थथ्ये खँ न्यंकल ।

भो महाभाग ! जिनं छगु बित्तियाय्त्थना दिक्कचाया बिज्याय्मते ह्तापाहे धाय्
मागु ख क्षमाफोने । छपिनि पुत्रयागु तथा नापंवापिं प्यह्मसिगुनं बुद्धि पराक्रम छक
परिक्षा स्वय्गु इच्छायाना । सुनां सिंह धुं किसिया चिह्लदुगु ध्वँजा स्वानातयागु थां थन
दु । अनंलि छह्म बीरपुरुष चिह्लदुगु ध्वँजा राजगृहया पिनेदु, छाया उजागु तयातल
जुइ अन छुं निधि खः रत्नधन लुइके फुसा जिनं पुत्री (कन्या) दानयाय् उह्म पुरुषार्थ
बान्ह्म राजकुमार याके जि वनेगु इच्छादु धका जिपुत्री नं धयातगु दु । अथ्येया कारणे
थ्व ज्या याका बिज्याहुं ।

थ्व खँ न्यना बिबाह बिधनयाय्त्त धागुला थन वय्धुन छुयाय्गु धका चिन्तना
याना च्वंबले राजकुमारं सीका सिंहसमानं सुराजुया अबुयात तबहबिया बित्तियात । भो
पिता छुं संदेहकाय्म्वा छु ज्या याय्माल धै बिज्याहुं । अबुह्मसिनं ख्वाः चकंका धर्मदत्त
धागु खँ पुत्रयात कन । राजकुमार ह्लिला जिनंसिल धन्दाकाय्गु छाया सोया बिज्याहुं
धया पाशाबोना हयापिं प्यम्हेसित सःता धाल ।

अरे पाशापिं ! गुप्तं सोथनातगु धन गनगनदु सीका लुइका क्यनेमाल छिमिसं
थःथगु पुरुषार्थ प्रकाशया । जिनं बिचारयाना सोयावय् छिमितकने धाय्धुंका राजगृहे
सकभनं बिचारयाना स्वेधुंका पाशापिं प्यह्मसितं धन सोथनातगु थाय् गुप्तयाना कन ।

धः नापं बोनायंका सिंह चिह्नं दुगु ध्वंजा मूलगु लुखापिने जवे धुं चिन्ह ध्वंजाखवे
 तयातगु थासे थःथःगु मूर्तिस्वया सिंह व धुं निहस्ये भूमीतले धन सोथनातगु सीका
 लुसि ताहारुगु ह्लाःतिं भूमीस यत्नपूर्वक गाः म्हुया जवेपाखे लुंयाघटस नवरत्न पूर्ण
 यानातगु धनलुइका सिंहं ज्वनावया धर्मदत्त जुजुया न्होनेतय्हल । खवेपाख्ये च्वंगु गाले
 सोथनातगु वहयोघटस नवरत्न जाय्क तयातगु धन घः धुं ज्वना वया जुजुया न्होने
 तय्हल ।

मूलगु लुखाया दुनेपाख्ये दध्वी गाःयादुने सोथनातगु वहयाघटस मोतिजक पूर्ण
 यानातगु धन घः किंसिं लुइका सोथं ज्वनावया जुजुया न्होने तय्हल ।

अजरामरण पुरुषं पुरुषचिन्ह ध्वंजा तयातगु थांया क्वसं गाले हेरामुक सोथना
 तगु स्फटिकयागु धन घः लुइका जुजुया न्होने तय्हल ।

धर्मदत्त जुजु आपालं खुसिजुया धन्य धन्य राजकुमार तथा थ्वया पासापिं प्यह्य
 सिगु ज्ञान बुद्धि पुरुषार्थ सोय्धुन आपालं हर्षजुल घया अनचोपिं सकसिनं ताय् स्वां
 अभीरसिन होला पद्मशेखर राजकुमारयात मंगल कार्ययाना थः पुत्री स्वयंबरयाका लिपा
 मां अबुनिह्यसिनं पुत्री सुशीलाबती ज्वना गुरुयागु वाक्यद्वारा राजकुमारयागु ह्लाःते
 लः ह्लाना दानयात ।

थुगु समये तस्सकं मंगलोत्सवया क्रिया समाप्तयाय् धुंका स्नेह प्रीतिया समजी
 निह्य जुजुपिं थि थिखाः स्वया म्येपिं गुरुपुरोहित इष्टमित्रादिपिं न्होने च्वना कुशलया
 बिचाखें ह्लाना बिन्तियात ।

न्हापां धर्मदत्त जुजुं धाल

मूल

यथात्मजस्य तपरूप तस्या स्त्रियागुणालंकृत गात्र शोभा ।

यथा च हेमं मणिरत्न न्यासैः राजेव तेच विरराज भूमौ ।

अर्थ

गथ्ये जा छपिनिपुत्रया शरीर रूप लक्षण आदि संपन्न जुयाच्चंगु खः अथ्येतुं जि

पुत्रीयानं शरीरया रूप लक्षणं संयुक्तह्य खः । स्त्रीया गुणरूपी तिसां तिया शोभायमान जुया च्वंगु जि पुत्रीया देह खः । गथ्येजा लुं मणिरत्न आदियार्के पूर्णजुया च्वंह्य चक्रवर्ति राजा पृथ्वीस गुलि प्रकाशमान्जुया शोभा जुइगु खः उलिहे छपिनं छपिनि पुत्रनं पृथ्वीस प्रकाशमानं बिज्याह्य खः । बिशेष छपिनि पुत्रयात लोह्य पुर्वजन्मया भाबि खः जिपुत्रीनं उलिहे लोह्य खः । जिगु धुकू बिचारयाना च्वंह्य पुत्री थौं छपिनि पुत्रयात लः ह्लाना दान बोधुन ज्यायाइबले गनं द्वंगु दुसा जिपुत्रीयात क्षमातया भिनकं प्रतिपाल याना तै बिज्याहुं ।

अनंलि पुत्र पाख्ये समजि भुबनाकर जुजुं धै बिज्यात, धन्य छपि जिमिगु उपरे कृपातया कन्या दानयाना बिज्यात जिपि आपालं खुसि जुल । थुलिधया वंहे बोंगु श्लोक बोना न्यंकल । छपिनि पुत्रीया शरीर रूप लक्षण गुण गुलिदया शोभायमानं बांलना च्वंह्य खः उकियात लोय्क पूर्व जन्मया भाबीमिलेजुया जिपुत्र व छपिनि पुत्री निह्य चूलाना थौया दिने समागम जुल, स्वयंवर सहित पुत्री कन्या दानयाना बिज्यात । थ्व गृहस्थि या कुलधर्म सहजयान तथा तंत्रयान निगु मिले जुया च्वंगु प्राचीन बज्रयान खः । सुपुत्रह्य कुलदीपक छे तःप्वागु मतसमानह्य काय् छपिनि पुत्रीपाख्ये जि पुत्रयागु छे जन्मजुइमा । छपिसं थ्ये जिमिसनं छपिनि पुत्री यात भिनकं प्रतिपाल याना तय् । किमपि सदेहं माकुरु । छपिसंछुं हे मती संखा याना बिज्याय् म्वाः । थुगु प्रकारं हर्ष व मंगलोत्सव या भिगु बिचा खे ह्लाना बिदाकया गथ्येवनाबले सिगु क्रम खः अथ्ये हे मिलेयाना थःगु देशे थ्यंका छे मंगल स्वस्तिया बिधानं कुलानुसार बिबाहक्रिया सिधेका आनन्दं बासयात ।

बिबाह सिधेका निदं पुलावस्येलि सुथसियाइले अबुयान्होने राजकुमारं थय्ये बित्तियात । भो पिता ! छपिसंह्लापा धै बिज्यागुदु सत्यबाचा आः जिगु ज्या सिद्धयाना बिज्याहुं । अबुह्य सिनं धयागु खः छु ज्या धका न्यन । राजकुमारं बित्तियात साधु साधु छलपोल या सदानं जयजुइ । म्येगु ज्या मखुः । आदि मध्ये अन्त्ये थ्यंक कल्याण जुइगु उत्तम धर्म त्याग चित्तं सकल बस्तु अनित्य नित्यगु छुंमदु सीका तपोवन वना ध्यान यावने त्यना । छपिसं खेदयाय्मते । ध्यान पारमिता चित्तया तिसा मोक्ष लाभ-जुया बुद्ध भुबने बास यावने दइगुखः जित बिदाबिया बिज्याहुं ।

काय्न् थय्ये धागु न्यना खछि सुं क च्वना काय्यात ज्यूसा मवंकेत गृह धर्मसं
चोनानं मोक्ष लाभ जुइगु अनेक इच्छानुसारं धर्मयाना मां अबु कला धन संपत्ति छे
तोत्ये स्वागु ज्या याना सुखं च्वंसा असल जुइ ।

कुमारं हानं बिन्ति यात भोजनक! सत्यवचन व्यर्थ याय्मज्जु । देवतापितथा स्वर्ग
मर्त्य पाताल स्थोर जुया च्वंगु खः जिन तपयानागु पुण्यं मां अबु पिनि सदानं जयजुइ छुं
संदेह काय्म्वाः । । थय्ये पुत्रं धास्येलि अबुह्माजुजुं खगुहेखें धागु खः आपालं छु खें
ह्लाप्गु । हेपुत्र! सत्यपाशंचिये धुंकल - छु इच्छादु उगुज्या छं या जिमितनं हित सुख
जुइगु धर्मया । । अबुं थुलि धाय्वं हर्षमनयाना तुति भोः पुया, राजकुमार मांयागु
थासे वना पालिभोःपुया बिन्तियात । भोजननो! जिगुज्या पूर्ण याय्त अबुंबचन बियाह्य
धुंकल - छपिकेनं बिदाकावया जि तपोवन वनेत्यनाः छपिनि सदानं मंगलकार्य जुइगु खः
आः थय्ये वनेत्यना हुं धका बचन बिया बिज्याहुं । खेदयाना मती दुःख ताय्म्वाः ।

काय्यागु बचनन्यना माँह्यसिनं बचन बिल स्वामीं हुं धयाह्यधुंकल जिनं पने
फडमखुत ज्यूसा तपोवन मवंस्ये माँ अबु कलापिन्त सुरक्षितयाना गृह धर्म कुलधर्म च्वना
अनेक धर्मयाना सुखं बासयायेगुसो ।

काय्न् खें लिसाकया बिन्तियात, माँ न्यना बिज्याहुं पुत्रया मनोरथ स्वामीया
सत्य वचन छपिसं नं सत्यगु नित्य ह्यसीका जित बिदाबिया मंगल कार्य सिद्धयाना
भिक्षि । काय्या उपरे छुं धाय्गु समर्थ मदया छंगु बिचारं स्वया धर्मयाहुं धया बिदा
बिल । तथाज्जु याना स्वचा चाहुला मांयापालि भोः पुया - कोथास् च्वंम्ह स्त्रीयाके
बिदा काय्त खें ह्लात ।

हेकान्ते ! जिगु वचन छगु न्य - जिनं मंगल कुशल सदानं ज्वीगु धर्मया ज्या
छगु याय्त्यना माँ अबुं या धकाबचनबिया ह्यधुंकलः आः छनं या धका बचनव्यु । छं
बिधनयाइ सत्य वाचा याना जिगु मनोरथ कार्य सिद्धया ।

स्वामीया बचन न्यना स्त्रीन बिन्तियात, छपिनि छु कार्य इच्छायानागु जित धं
बिज्याहुं छपिगु वाक्य सिद्धिमवकं जिनंपूर्णयाय् निश्चय मेव खः । छपि जिबिदाता रक्षा-

कारी जि प्राणनाथ मालीक स्वामी देवता खः । जि छुयाय्मागु याय्त्यना छपिगु इच्छा ब्रत धर्म दानकर्म छु खः जिनंमस्युः आज्ञाजुया बिज्याहुं ।

राजकुमारं न्यंकल - म्येगुमखु जिनंधाय् मभिगुतोता भिगुयाय्त्यना लोके तःधंगु मोक्ष लाभयाय् त्यना । छें सररिबार पिगु पापइक्व शमन जुया अपुक सकलें स्वर्गवनेगु स्वाहाने मिलेजुइगु उत्तम धर्मयाय् त्यना, याकनं या धका प्रमाण या । । स्वामी थथ्ये धास्येलि सुशीलावती देबीं धाल, हे प्रभो स्वामी ! छपिगु बचन उत्तम खः जिनं सत्य बाचायाय् धुन याकनं ज्यायाना छुयाय् त्यनागु खः आः धया बिज्याहुं ।

उगु समये राजकुमार ह्लिला खँ कन, संपूर्ण धर्मया मुख्यगु चित्तंयाइगु सिद्धिया स्थान उत्पत्ति तथा साधन याय्गु निर्मित तपोवन वनेगु निश्चय खः ।

थुगु प्रकारं स्वामीनं धागु न्यना जित गुजागु जुइत्यन धका चिन्तनायाना छुं धाय्गु समर्थ मदया भतीचा सुंकचवना स्वामीया पालि भोः पुया बिन्तियात । छपिसं तपोवन वने धै बिज्याय्मते भो स्वामी ! म्येगु म्येगु धर्म साधनयाना राज्य भोगया सुखं जिनाप चवना राजगृहे चवना बिज्याहुं ।

केवल तपोवन वनेमाम्हसिनं जि बिबाह छायायानागु जिततोता थकेगु धर्म खला । बिबाह यानाम्ह स्त्री त्यागयाना थःअम्हजक संसारं मुक्तजुइगु छु धर्म खः । श्व धर्म जिनंमस्युः जित अनर्य जुइगु ज्या तपोवन वनेमते । थुजागु युबन युबती गथ्ये त्यागयाय्गु छपिसं मखुथ्ये ज्या याय्गु योग्य मजु यदि जित अपराधनं याय्गु कर्तव्य मखुः ।

गुम्ह मनुष्यया कुलधर्म बिबाह याना युबन् अवस्था सजीवं व्यर्थ याय्गु नं पाप

कारी जुइ । राजा धाय्का इच्छानुसारं राज्यैश्वर्य भोगयाना देश हित प्रजा पालन धन संपत्ति राजगृह राजमकुट राजछत्र राजसिंहासन बिचारयाना राजनीति धर्मनीति न्याय धरेयाना चवनेगु पूर्व जन्मया प्रभाव खः । थुजागु सीका सुखं चवनेगुसो बनेवना कष्टनया दुःख सीगु ज्या याय्मते ।

श्व खँ न्यना राजकुमारं स्त्रीयात बोधयात, छँधागु खँ विषय लौकिक संसार पासै

तःक्यनीगु अज्ञानया लंपु गथः फेने थाकुगु खिप स्त्रीजाती पिसंमस्युः केबल जिनं थुगुज्ञान सीकेधुन । एकचित्तं न्यः लोकोत्तर धर्म ह्मसीकेगु ज्ञान थथ्ये खः । संसारचक्रमण्डले माया मोह तृष्णायागु जाल प्यना तगु दु । लखे च्वंपिं जन्तु न्या आदि माफी यागु जाले तःक्यनी थ्ये देबदैत्य मनुष्यपिं पुरुष स्त्री प्राणिपिं सकलें तःक्यना जन्ममरण बृद्ध बृद्धी रोग जुइगु हानं मरण जुया षट्गति चक्रे चाहुला थःथःगु कर्म ज्वना सुख दुःख या भोगयाना कल्प कल्पतकं बिषय भोगेलाना च्वनि ।

हे प्रिये ! छं सीकि - थ्व अनित्यगु योषित भोगधाइ । दुःखया हाः नानाप्रकार उपद्रव मिथ्यादृष्टि परमात्मा स्वात्मा धका मचाय्क अहंकार बुद्धि पिहावइगु घमण्डी अबिद्या मिथ्या दृष्टि आत्मवादी बालज्ञान खः अनेक शोक सन्तापया कारणयाना क्लेश चारी पापकारी जुइगु ।

हानं सीकि - गृहजाल गृहचुमुक स्त्रीजाल तृष्णाया जाल कामराग थ्व फुकं दुःख बोह्य शत्रु समान खः । थ्व शत्रुं अनेक दुःख बिया म्याय्गुनं भतीचा (अल्पायु) यानाबो ।

कामरागे मद्यपाने धूमपाने भुलेजुइगु नं नवगु दुर्गन्धस् भुजोंतों आदि कीटाणुपिं भुलेजुया च्वंगु तुल्य खः । थुपिनं अल्पायु जुइ । थ्व यौवन युवतीया अवस्था नं क्षण मात्र अनिष्टगु काम धातु (कौनं छुयातगु न पाता तुल्य) बिषयागु स्वांफल बौलासनं नत्वन नलकि क्षणमात्रं स्याना बिइ ।

थुजागु कामगुणया रस भोग लखे फीजथ्ये जागु, बर्षाकाले तीर्थ समुद्रे लः या तरंग वइथ्ये जागु अस्थोरगु, मिया नापं घृतकुंभ थ्ये (मिया नापं घ्योया थलथ्ये) यथार्थ च्वनेफइ मखुः ।

अनेक रोगोत्पत्ति जुया आपालं प्राणिपिं मृत्यु जुया वनिथ्ये भयं ग्रासजुया च्वंगु खोचा चुपिया धार समान जोगु छोया च्वंगु मिया तापे च्वने थ्ये जागु । प्याखंयागु किचसंगु स्वय्थ्ये होय्ब्यागु स्वांथ्ये जागु चंचल स्वभावगु थ्व काम धातुया गुण खः ।

छह्य मात्र जूसानं सिंहया न्ह्योने चलाया पुच च्वने थ्ये, गरुडया न्ह्योने नागराज

चवनेथ्ये, च्वापु दुगु थासे पलेस्वां या सिमाथ्ये थुजागु बांलागु रूप युबन युबतीपि कन्हे कंस जुइबले बुढा बुढी जुया सुखुगंगु स्वांथ्ये बिरुप जुया सनेमफुगु रोगंपीडा जुइका सिना वनीबले छु थंकेगुदु बिचार या पाप व पुण्य निगुमात्र थमं यानागु कर्म फल ज्वनावनेगु खः । । पापं याना चिकं दाय्का तगु थल अबीचिनरके क्वफाना तंगु दुःख भोग याना चवने मालि । दुर्गन्धगु अतिसार नरक मल मूत्रं पूर्णगु पुखुलि क्वफाना तंगुनं पापं याना दुःख भोग याय्मालिगु दु ।

पुण्य ज्वना वनेफुसा उजागु थासे चवनेम्वाक स्वर्गयागु बासना जक मखु च्वर्गं च्वे सुखावति बुद्ध भुबने च्वना हानं जन्म कावय्म्वागु मोक्ष धाइ निर्वाण पद प्राप्त जुइ । छं थुजागु ज्ञान मस्यूनि जिं कने धुन आ सीकाच्वं । जिनं कामधातु थुजागु अगुण तोता निर्वाण प्राप्त जुइगु तपोवन वने त्यना । । स्त्रीनं बिन्ति यात, भो स्वामी! जिनं बोनायंकि नापं वय् आः छपिसं कंगु धर्म बोध जुल ।

राजकुमारं उत्तर बिल- मिसा नापं तप याय्गु लिपा निस्फल जुइ । छ वय् धाय् मते- जिनं यानागु पुण्यं माँ अबु कलापिं सकलें उद्धार जुइ । पतिव्रता स्त्री छ खः थन कोथास च्वना जप ध्यान याना त्रिरत्न नाम कया चवनेगु स्त्रीया तप खः जि वने त्यना गनेमते । दछि निदं लिहां वय्- । ० । स्त्रीनं तुति भोः पुया बिन्ति यात भो प्राणनाथ! अथ्ये जूसा बिज्याहुं छपिगु मनोरथ कार्य याकनं पुर्णजुइमा । जिनं थन कोथास च्वना छपिगु आज्ञानुसारं धर्मयाना चवने धया नुगमछिका सुंक च्वन । ० । राजकुमार उगु समये कोथां पिहांवया माँ अत्रुपिगु पालिस भोः पुया सकलयात मागुखें न्यंका मंगलकार्य याना, सिंह धुं किसि अजरामरण पिन्तनं सःता बांलाक खँकना थुपिनापं पद्मशेखर राजकुमार राजगृहं प्यहांवना तपोवन प्रवेश जुल ।

उजापिं प्यह्य सहाय द्वारा तीर्थे थाय्थासं भ्रमणयाना सकसिनं शीलवान् गुणवान् पराक्रमी राजकुमार धाय्का बुद्ध क्षेत्रस चाहुला काशी देशे थ्यंका अन तीर्थे नं स्नानयाना बनान्तरस छगु गुफादय्का सिंह धुं किसि अजरामरण प्यह्य प्यंगुदिशाय् यथाक्रमं पूर्व दक्षिण पश्चिम उत्तर सतया दुने थः च्वना पर्यंकासन याना ।

नमो बुद्धाय धर्माय संघाय च नमो नमः ।

इति त्रिभ्यो नमस्कारं कृत्वा ध्यानं समादधौ ।

बुद्धयात नमस्कार धर्मयात नमस्कार संघयातनं नमस्कार एवं प्रकारं त्रिरत्न
पिन्त स्मरणयाना चित्तं प्रणाम धया लोका नुकंपाय तपचर्य ध्यानयात ।

बुलादुबले बोधिसंभारं पूर्णजुइका काय वाक चित्त शुद्ध जुइकल । छुं लिपा
पद्मशेखर राजकुमार तपयागु पुण्यानुभावं पद्माकरनाम बोधिसत्त्वया अंश देवपुत्र धाय्का
स्वर्गलोके आनन्दं बास यावन । सिंह सिंहविक्रीडित देवपुत्र जुल । धुं शामन्तक देवपुत्र
जुल । किसि नागदर्प्य देवपुत्र जुल अजरामरण पुरुष अमृत धातु देव पुत्र जुल ।

शाक्यमुनि बुद्धं धर्मदेशना याबले थथ्ये धै बिज्यात । हेकाश्यप भिक्षु ! तथा
म्येपि सकल । पूर्व कुशल प्रभावं तपयाह्य पद्मशेखर राजकुमार क्रमशः बोधिसत्त्व जुया
चर्ययानावम्ह थोया समये बुद्धपद प्राप्तयात ।

बुलि खं न्यने धुस्सेलि काश्यप भिक्षुं पुनः भगवान् बुद्धयात प्रणामयाना प्रश्न
यात । भो भगवान् शास्ता ! थ्व पद्मशेखरं ह्लापा छु कुशल कर्मयाना वगुलिं थुजापि
बीरपि प्यहास्ये सेवायाका च्वने दुगु ।

भगवान् बुद्धं आज्ञाजुल । काश्यप तथा आनन्द भिक्षु पि ! थ्व पद्मशेखरया पूर्व
जन्मयागु खं जिनं लुमंके धुन, ह्लापा छगु जन्मस चन्दन नाम देशे छह्य कुंभकार (कुह्या)
हु, व कुम्हा दया शील धर्मचित्त दुह्य खः ।

व कुम्हाया छे सतिकं बांलागु बुद्धक्षत्र मन्दिर चित्रकान्त नाम बिहार छगुनं
वया च्वन । उगु थासे थ्व कुम्हानं सिंह धुं किसिया मूर्ति चायापि दय्का वांः लाक
उना चित्रकारं च्वय् थ्ये थमंहे रंगं च्वया दुरूस्त धाथ्येयापि थ्ये चोका उगु बुद्ध बिहारे
जवे सिंह खवे धुं न्ह्योने किसि तया बिहारया दथ्वी लुखास् दुने थःगु मूर्ति प्रतिमा भिगु
बिने स्थापनायाना बांलाक प्रतिस्थाकर्म बुद्ध पूजादियाना त्यागी भिक्षु साधुपिन्त
निमंत्रणायाना यथाश्रद्धा पिण्डपात्र भोजन दानयाना मंगलोत्सव यात ।

अनेलि उगु बिहार रक्षायाय्या निर्मित जीर्णोद्धारनं याना थःहे अनद्यना बिहार
प्रेषा धाय्का नित्य दीपदान (मत च्याका) थःसगु स्तोत्र पाठ पूजादियाना दीर्येपु जुया

छन्हु देहान्त जुया स्वर्गस बास्या वन । बाचाया प्रहरे सिंह धुं धाथ्येयापि वया उगु बिहारे प्रदक्षिणाया वइगु ।

थ्वहे पुण्यया प्रभाव प्रकटजुया केहिकालान्तरे भुबनाकर जुजुया पुत्र चतुरंग बलं संयुक्तह्य पद्मशेखर जन्मजूबल । उगु बखतेनं बुद्धिमान् जुया थःगु ऋद्धिक्यना शत्रु यात त्राहियाना संग्राम त्याका वइगुराज्य लितबिया जन्मजूगु छें इत्यादि धन सर्व त्याग याना तपोवन प्रवेश जुया ध्यानद्वारा गौरवगु सद्धर्मचर्यया पुण्यफल प्राप्तयात ।

उगु बखतस मां अबु कलापिसं तपोवनवंह्य आःतकं लिहां मबनि धका अबशोच याबले सद्गुरु आचार्यपि वया बोधयाना कुशल जुइगु सद्धर्म ज्ञान कना आपालं दान पुण्य नाकल ।

छन्हु स्वर्ग लोकं तुषित कायिक धापि देवपुत्र पिसं बिमानहया सुमती रानी मां— भुबनाकर अबुजु— सुशीलाबती कलाह्य स्वह्य त्रिभाने तथा स्वर्गलोके यंकल ।

काश्यप भिक्षुया मती थय्ये बिचार दया बिनित्यात । भो भगवान् ! केबल चायागु मात्र मूर्ति दय्का देछागु पुण्य थुजागु प्रभाव गथ्ये जुल ।

भगवान् ह्लिला आज्ञा जुल— चायागु धातुयागु बस्त्र आदियागु दय्का देव मूर्ति तथा तथागत लोकेश्वरादि एवं आर्यतारा मूर्ति प्रीति दान यागु प्रभावं श्रद्धाया बेग उत्पन्न जुया थुजागु आकृति स्वभाव प्रकट जुया क्यनि । निश्चययाना शुद्धचित्तं श्रद्धाया भाव भक्ति त्याग याय्फुसा गौरवया हेतु (चित्तना याय् थाकुगु) कारण प्रकट जुया क्यनि ।

ऊयातुगु धर्म च्वेलागु चर्थ या फलं ऊयातुगु च्वेलागु फल लाभजुइ । याउँस्ये च्वंगु क्वेलागु धर्म याउँस्ये च्वंगु हे क्वेलागुफल लाभजुइ । श्रद्धायावेगं बस्तु लाभ जुइगु खः ।

पुण्यया फल तःधंगु चिकिधंगु गथ्येजा सिमासफलसंगु स्वासांस स्वां होइगु उत्तिमजु थ्ये जुइ । गुलिं फल स्वां अमृतगु दु । गुलिं बिषनं दु । थ्व थ्ये कीगु शरीरनं गुलिं सुन्दर बुद्धिमान्पि गुलिं निरूप मूर्खपि दु ।

पाप पुण्यया बल तथा स्वभावानं भिन्न भिन्नपि दु । हानं पुण्य धयागु भतीचा
मात्रजूसानं अमृतजुया छगपुसा पिना अनगिन्ति फल सैथ्ये दु । वथ्ये पापनं पुसाजुया
अनगिन्ति दुःख भोगयाय् मालोगु दु ।

मूल

नान्योऽयं विद्यते नात्र कुमारो पद्मशेखरः ।
अहमेव विजानीयं पत्नी चापि यशोधरा ।
भुवनाकर राजाऽसौ शुद्धोदन पितानृपः ।
सुमती चापिमाता मे मायादेवी विजानि हि ।

अर्थ

म्येहमखु गुह्यजा पद्मशेखर राजकुमार धाम्ह थन आः सु धासा जि धका सीके
बहजु । उगु बखतयाह्य स्त्री सुशीला बती आः यशोधराहे खः । उगु बेलायाह्य भुवनाकर
जुजु-आ थुगुजन्मस शुद्धोदन जुजु खः । उगु बेलास सुमती रानी थुगु जन्मस मायादेवी
धका सिकि ।

युगु प्रकारं मुनीन्द्र बुद्धं आज्ञा दत्ताविज्यागु न्यना उत्तम स्वभावह्य काश्यप
भिक्षु तथा अन चोपि सकल सभा लोक पिणं भगवान् बुद्धयागु उगाः स्वया विन्तियाना
जिपि बोधजुल भो प्रभु महानाथ मुनीश्वर धन्व धन्य पद्मशेखर राजकुमार, धन्य धन्य
छलपोल तथागत धया प्रशंसा याना सकल आशनं दना स्वचा चाहुला पालि भोःपुया
विदाकया यःथःगु थासे हर्ष प्रकट याना लिहांवन । ० ।

युलि खं पद्मशेखर राजकुमार या जातक जुल



। युगु खं पध्व विचित्र कणिका वदान नवमो ध्याये दु ।



बीरकुशनृपावदान

नमः सर्वबुद्ध बोधिसत्त्वैः

सकल बुद्ध बोधिसत्त्वपिन्त नमस्कार

ह्लापा छन्हु छुं समये कपिलपुर नगरं पिनेलागु सुन्दर जुया च्वंगु न्यग्रोधाराम
क्यबे ह्लापाथ्ये शाक्यमुनि भगवान् थःशिष्य आनन्द महाभिक्षु तथा म्येपि आपालं
बोधिसत्त्व ज्ञानिगुणिपि बिद्वांन् प्रमूखं मुंका श्रद्धावान् महाजनपिसं चाहुइका आनन्दं
बिज्यात ।

उगु बेलास आनन्द भिक्षु दनावना चाहला पालिस भोःपुया भगवान्याके थथ्ये
बिन्तियात । भो सर्वज्ञगुरु ! थन च्वंपिनि अष्टमी व्रतया महिमा अष्टशील खण्डन
यासा छु जुइगु इत्यादि न्यनेदसा सकसिनं बोधजुइ धंगु अमृत तोने थ्ये इच्छायात ।

थथ्ये बिन्तियास्येलि ध्यानं खंका भगवान् गुरुं आज्ञाजुल । हे आनन्द भिक्षु तथा
म्येपि सकसिनं मनस्थोरयाना न्य, अष्टमी व्रत अष्टशील एवं अनेक प्रकारया खं कने
धुन ।

हानं ह्लापाजुया वंगु याना वंगु बिरूपह्यराजा बीरकूश लोकेश्वर करुणामयया
प्रभावं दुःखं मुक्तजुया आनन्द जूगु अष्टशील धारणयाना व्रत याबले छुं छगू निगू निन्दा
यागुलि दोष पिहांवगु खं व्यक्तयाना कने ।

गथ्ये धाःसा ह्लापा काशी (बाराणसी) देशे सुबन्धु धयाह्य जुजुं राज्ययागु बेलास
जुगुखे खः । थ्व जुजुया सन्तान मदया छगु दुःख दु थ्व जुजु न्याय नीति बिबेक दु
प्रजापिन्त करुणातया पालनयाना च्वन । शत्रुपिन्त त्याका चक्रबर्ति राजा धाय्का

सुखेश्वर्यानिन्दबासयाना च्वन । महारानी नाप भिगुखें ह्लाना बराबर दान बिया सन्तोष जुइका सुख भोगयाना दिनहना च्वन, छन्हु रात्रिस न्ह्योऽमवया सन्तान हीन जूगु चिन्तना याना दुःख ताया धाल ।

राजाजुया सन्तान मन्त धाःसा थ्व राजा फुकं बन्धु वर्गपिंगु ह्लानेलाइ । जित अग्नि संस्कारयाना क्रिया याइहानं परजुल । काय् नंयाइगु थ्यें परचक्रं यागु यको हे फरक जुइ । काय् मदुसा नं म्हाय् छम्हजा दय् मागु खः । नपुत्र, नपुत्री जिगु कर्म भोग अधिकार घया खाः खिउंका फसुका तल । सन्तानया निर्मित स्त्री बिबाहयाय् मागु खः कुल हीन मजुइकेत सन्तान दय्का अनेक कुलधर्मया ज्या प्रकाशयाना च्वनि । जि जक छाया मन्त जिनं ह्लापा छु पापयाना वलजुइ ।

थय्ये चिन्तनायाना हाला च्वंबले महारानी न्ह्योने च्वना बिन्तियात भो स्वामी ! सन्तानया बारे जि बिबाहयागु खः छुयाय् कीगु कर्मया दोष खः छुं शोकयाना बिज्याय् म्वाः । थय्ये घया बोधयाय् धुस्येलि कह्ले सुथसिया मागु नित्य कर्मयाना उखुन्हुया दिनंनिस्ये दम्पती सहित जुया बिशेष कुलशेश्वर भक्तिजुया सन्तान छह्य बरदान फोने घया सेवायात ।

लछि दुवले स्वप्नस जुजुयात दर्शन बिया कुलशेश्वरं (कुलदेबतां) उपदेश बिल । हे कुल भक्तिपि राजा रानी ! जित सेवा यागुलि जि खुसि जुया दर्शन बिया । सन्तान प्राप्त जुइगु खें न्यः । ह्लापायापि बोधिसत्त्व बिद्वान्बर्ग राजा महाजन पिसनं सन्तान या बिषये सद्गुरु पिंगु उपदेश न्यना अष्टमी व्रत करुणामय आर्याबलोकितेश्वर अमोघ पाश तथा षडक्षरि लोकेश्वर भावयानावन । गुरुजोग सीकेसा महायान प्राचीन बुद्धधर्म खः बरयान घाइ । ह्लापां स्नानकर्म— अनंलिप्रथम गुरुपि त्रिरत्न स्वयंभू तथागत आर्यतारा लोकेश्वरपि स्मरण याना अष्टांगप्रणाम रत्न मण्डल द्वहलप्येगु बन्दन पूजन पापदेशन अनुमोदन याय् घुंका स्तोत्र धारणी जाप याचना (मनंतुनागु इच्छा फोनेगु) थुलि बोधिसत्त्व पिंगु आचरण नियम धारण या सन्तान दइ धया कुलशेश्वर अन्तर ध्यान जुल ।

न्ह्यनं चात्त जुजुवना रानीयात स्वप्नस धागु खें कन— निह्यं खुसि जुया प्रातःसमय

जुस्येलि नित्यकर्म याबले बांलाक कुलशेश्वर पूजादि भक्तियाना ज्या सिधयकल ।
सद्गुरु निमंत्रणा याना स्वप्ने धागु खँ कना उपोषध ब्रतयाग्गु बिषये न्यनास्वत ।
गुरु खँ कने धुंका मामागु बिधान थिक यात ।

कार्तिक शुक्ल (मुखाष्टमी) दिन खुन्हुंनिस्ये लछिछक राजगृहे दंपती सहित उपो-
षधब्रत आरंभयाना सन्तानया निमित्ते भक्तियात । सद्गुरुं उपदेश बिल, ह्लापायापि
बोधिसत्व चक्रबर्ति राजा महाजन तथा बुद्धि वन्त पिसनं सन्तानया बारे तथा देश राजा
प्रजा सकल प्राणिपिनि पापमोचन जुया नरक बासी पापितय् लः तोनेगु मदया हाहा
कारं दुःख सिया च्वंपिं प्रेतगणपिनि तथा गनं ग्राम ग्रामान्तरे नं नय्गु त्वनेगु लिं हीनजुया
च्वंपिं गनं रोगी गणपिं सकलया दुःख याकनं मुक्तजुया सुखी जुइमा धैगु चिन्तनायाना
त्रिरत्न करुणामय पूजादि श्रद्धातया थुगु ब्रतयागु पुण्यया प्रभावं सन्तान प्राप्तजुया
अन्त्ये सुखाबति बुद्ध भुवने बासयावन ।

गुलिं षडक्षरि मंत्र आगलं धारणयापि बोधिसत्वजुया बुद्धत्व पद युक्तजुइका मोक्ष
मिलेजुल । गुलिं आपालं अभिनानयाना धर्मयापिसं लिपा दुःख सिया हाहाकारं खोया
च्वंपिन्त उद्धारयागु खँ उपदेश बिया थथ्ये न्यंकल ।

ह्लापा छह्मदैत्य पुत्र बलिराजां स्वर्गस इन्द्रजुइगु मतीतया अभिमानयाना यज्ञ-
याबले बिस्नु बामनाबतार (बागचाह्य) ब्राह्मणरूपकया भिक्षाफोवह्यसिनं पलानिपला
जि इच्छा दुथाय् तय्गु बचनबिया बिज्याहुं धाबले बलिराजाया अहंकार चित्तं निपला
जक छाया स्वपलाहे ति धाल, बामन ब्राम्हण ह्लिला छपला आकाशे, छपला पृथ्वीस,
छपला बलिराजाया शिरे न्हुया सप्तपाताल छोयाबिल ।

बलिराजा ह्लिंहि जि मखुथ्ये जुल धका खोया च्वंगु सहयाय् मफय्का नाँयात
लोम्ह करुणामय अन थ्दंक बिज्याना बोधिज्ञान बुद्ध धर्म महायान चर्यया उत्तमगु बिधान
न्यंका शान्त चित्त जुइका अनचोनेम्वाक बलिराजायात उद्धारयाना बिज्यात ।

वसपोल करुणामयं अबोचिनरक बासी पापितय् पुनः प्रेत गनपिन्त समेत
उद्धारयागु खँ कना बोधयात । वसपोलयागु महिमा आपालं दु एवंप्रकारं धर्म व्याख्या

याना व्रत क्रमानुसारं सिध्यक्ल । गुरुपिन्त सन्तोष जुइका आशीर्वाद ब्यूगु तथाऽस्तुयाना व्रतयागु पुण्यानुभावं महारानीया गर्भवतीजुया राजा खुसिजुया च्वन फिला दस्येलि पुत्र जन्मजुल ।

कुलानुसारं मागु ज्या याय्धुंका उपोषध व्रतयाना दुम्ह काय्जुया उपोषध राजकुमार धका नामकरणयाना तल । युवन्नाबस्था जुस्येलि बिबाह कर्मनं सिध्यक्ल । अनंलि अबुम्ह सुबन्धु राजा छन्हु आयुः फुना स्वर्गवासजुल ।

थनतक सुबन्धु जुजुया संक्षिप्त खँ सिधल । ० ।

उपोषध राजकुमार जुजु जुया बांलाक राज्ययात थ्व यानं सन्तान मदया पुन बिबाहयात । निदं स्वदं लिपा हानं बिबाहयातनं सन्तान मदया सन्तान बःमलागु थ्व छँ धया हानं बिबाहयात थय्ये बहुबिबाहयायां खुद्वल ६००० स्त्रीपिंदत तथापि स्त्रीपिगु पाख्ये सन्तान मदुगुलि दुःख ताल । द्वापरयुगे मनुष्यपिनि आयुः नीड्वल २०००० या प्रमाण धका च्वयातगु दु ।

सन्तानया कारणे सद्गुरुया आज्ञा शास्त्रोक्त विधि अष्टशील धारण द्रीढ चित्तं उपोषधव्रत आरंभयाना करुणामय भक्तियात । स्वदं पुलावस्येलि उपोषध जुजुया लिछ्यने कछुकै छग दयावल । उगु कै दिनदिन बढेजुयावगुलि बैद्यपिगु उपचार अनेकयात शमन मजु । स्त्रीपिनि गर्भवती जुइबले थ्ये उगुकैया दुने बालाक गर्भवास जुल । उगु छँ च्वंपि खुद्वल रानीपिनि गर्भवास मजूसानं स्तन बढेजुया दुरू हायावल ।

सकलै कौतुक (आश्चर्य) जुइका च्वन । फिलादस्येलि माघ पुह्ली मघा नक्षत्र गुरुबार खुन्हु प्रातः समये व जुजुया लिछ्यने च्वंगु कै तःज्याना (पंम्हुया) स्वीनिता (३२) लक्षण दुम्ह सुन्दरकुमार बालाक जन्मजुल ।

सकलै अद्भूताश्चर्यजुया अहो धन्य परमेश्वरया ज्या थःगु कर्म भोग छु हेतु गुबलै स्वेमनंनिगु न्यतेनं मनंनिगु कारण जुल धका सकल इष्टमित्रपि वया सोवल । स्वर्गया इद्वंसीका मनुष्यजुया सोवल खुसिजुया लिपा थःगु इन्द्रया रूप कयना आशीर्वाद बिया अन्तरगतजुया लिहांवन ।

खुद्वल महारानीपिनि भातया थःगु शिरं मचाबुइकल धैंगुबारे कलबल जुइक हाला
हिला खुसिजुल । हतिहति घेः पुना चुपानया थितिथिति जिनीं दुरु तोंके धया पालंपाः
दुरुतोंका थ्व बालाकयात बांलाक पालन पोषण यात । कैः तज्यास्येलि प्यन्हुदुबले
उपोषध जुजुया शरीर स्वस्थजुल जन्मजूम्ह बालाकया पिमदु राजानं अति आश्चर्य
जुइका च्वन ।

खुन्हं जातकर्म ब्यंका फिन्हुदुबले नामकरणया ज्या यात विद्वान्पिसं लिछ्चनं
जन्मजूम्हयात मूर्द्धनि राजकुमार धाल । गुलिसिनं थिकजू तर बांलागु नामयाय्मा
स्वयानं मजगु तालं शिरं जन्मजुल अयोनि अजरा (स्त्रीया शरीर योनीं जन्ममजूम्ह
पुरुषं जन्मयाम्ह पिमदुम्ह) थ्व बालाक प्रतापिम्ह खः मानधाता धाय्गु योग्यजु धया
नाम करणयाना उत्सवयात ।

निमंत्रणाय्वापि सकसिनं थय्ये खें न्यंकल । भो महाराज! थःथःगु कर्म भोगखः ।
छपिसं करुणामय उपोषधव्रत छपिगु नामयात लोगु धर्मयागु पुण्यं बिचित्रप्रभावं थःगुहे
शिरं पुत्र बरदान प्राप्तजुल । छपिनि थुलिमछि रानीपिगु गर्भं जन्ममजु थ्व छगु
अभाग्यया हेतु खः । न्हापानं थय्ये जुयावंगु दैमखु लिपानं देत थाकुइ ।

छपिगु कुले राज्ययागु अंगलक्षणं पूर्णम्ह पुत्र थःगुहे शिरं जन्मजुल थ्व मिगु
खः धया बिदाकया लिहांवन । स्वर्गमर्त्य पाताल त्रिलोकेसं थुगु उपोषधव्रत याना
भक्तितया च्वंगु दु धका प्रशंसायानातगुदु ।

थ्व व्रत बिशेष छु खुन्हु याय्गु धाःसा कार्तिक शुक्ल मुखाष्टमी तिथि १, श्रव
णानक्षत्र २, वृद्धियोग ३, बुधवार ४, थ्व प्यंगु जोगमिलेजुल धाःसा उगु दिने व्रतयाय्गु
अधिकपुण्य मिलेजुइ । थुजागु पर्वकाले अमोघपाश मण्डल सहित बुद्धयान महायान
पूजा तथा व्रत अर्घ्यं पाद्य पुष्पं धूपं दीपं गन्धं रसं थुलि सप्तविधान बोया पूजादि
याना अष्टशौले च्वना पाठ धारणी जाप ध्यान याय्सिधेका यथाश्रद्धा दानयाना
उपोषध राजा रानीपिसं भक्तियागु फलं थुजाम्ह पुत्र जन्म जुल ।

थ्व मानधाता राजकुमार शुक्ल पक्षया चन्द्रमा समानं सुन्दरम्ह खः न्हिन्हि

तःधिक जुया बल न्याला बा खुला दस्येलि कुलशेश्वर दर्शन अन्नप्राशन जंकोया ज्यानं सिधय्कल ।

क्रमशः थ्व कुमार न्यादंया उमेरे सद्गुरुयात लः ह्लाना लिपिबिद्यां निस्स्ये स्यना यंका शिल्प बिद्या धनुबिद्या राजनीति गणित धर्मशास्त्र इत्यादि फुकंस्यना २२ वर्ष दस्येलि गुरुं राजायात लःह्लाना बित्तियात । भो नृपेन्द्र ! जिनं मामागु स्यना ह्य् धुनं राजगृहे छपिनि स्वया मागुयाना बिज्याहुं धया शिल्पा व्युगु कया बिदा फोना लिहांवन ।

अनंलि मानधाता पुत्रयागु उमेर ऐश्वर्य रूप गुण शील स्वभाव पुरुषार्थ ऋद्धि बल बिद्याविफुकं बिचारयाना कृतार्थजुया धन्य धन्य जिगु भाग्यधका अबुम्ह खुसि जुया च्वन । छन्हु पश्चिम दिशास च्वंम्ह राजा छम्हसिया पुत्री दिव्य सुन्दरोम्ह सुरुचिरा देवी मानधाता राजकुमारयात शुभदिने बिबाह कर्मनं सिधय्कल ।

अनंलि १२ वर्ष लिया पुत्र मानधातायात राज्यबिया महारानीपिन्त चित्त बोधयाना मुख्यम्ह रानी छम्ह बोना उपोषध जुजु तपोवन प्रवेश जुल । छथाय् गुफास दुने च्वना त्रिरत्न नामकया ध्यान द्वारा तप यात रानी स्वामीयात सेवायाना च्वन ।

थुलि उपोषध जुजुया संक्षिप्त खँ सिधल । ० ।

अनंलि मानधाता जुजु जुया राजगृहे च्वंपि सकलयात भिनकँ प्रतिपालयाना देश प्रजा सुमंगल जुडका च्वन । मानधाता ३२ वर्ष दस्येलि नं सुरुचिरा रानीया गर्भ धारण मजु धर्मयाना च्वन थ्व जुजु सुराबीर पराक्रमि तेजवन्त थ्व जुजु खना म्येपि जुजुपि त्राहि मानं ग्याः ।

थ्व जुजुयागु बलवीर्य सीका छन्हु स्वर्गया इन्द्र मनुष्य रूप जुयावया चरित्र सोवल मानधाता जुजुया राजगृहपाख्ये पूर्वपत्ति लुडा मूल (द्वारा) स नयागु खापा तीत चाय्केत न्यास मनुपिसं सालेमागु ऊयातुक वःलाक दय्कातगु दु तथंजुया अति कष्ट जूगुलि तःतः धंगु उत्सवया ज्याय् जक थुगु लुडा चाय्कीगु थितियाना तल ह्लापा लिपायात म्येगुनं अपुगु लुखास खापा तयातगु दु ।

इन्द्र थ्यंकवल सूचना बिया द्वाहावना मानधाता जुजु नापलाना धाल । जि इन्द्रखः
स्वर्गया जुजु - छ थनया जुजु कीपि निह्य सु बलवान् जुइ छक परिक्षायाना स्वयधका
जि वयागु । थथ्ये धागु न्यना ह्लिला प्रणामयाना धाल । ज्यु ज्यु बिज्याहुं धया ह्ला
ज्वना पूर्वपाख्ये च्वंगु मूलद्वार लुबासहया परिवयरुता लुबाया दुने थः च्वना चुकू
लिकया खापास निपा ह्लाति बेगंधिना, पिनेपाख्ये इन्द्र मनुष्य जुयावह्य तया खापा
चाय्के बिल । वाकूछिना खाः स्पेकूका थःगु बलपिकया चति भुसु भुसुं वेक खापा
चाय्केत निपा ह्लाति धिना च्वन खापा चाय्के मफुः ।

लिपादुने च्वंह्य मानधाता जुजुं काचाक ह्ला लिकया थः लिचिला छल्ये च्वन ।
खापा चालावन इन्द्र मनुष्य थुना चुइक भोःसुत । स्वया च्वंपि सकलें लापा थाना
न्हिल इन्द्र क्वछुना लाज जुइका च्वन । । उगु इले मानधाता जुजुं आदर तया
धाल, आः छपि दुने पाख्ये च्वना खापा धिना बिज्याहुं - जि पिने च्वना खापा चाय्के
धया न्यास मनुनं साले मागु खापा इन्द्र व मानधाता निम्हसिनं साला ह्लापाथ्ये
खापातित चुकू मत । इन्द्र ज्युः धया थःदुने च्वना निपा ह्लाःतिनं खापास धिना
बेगंतान कया वाकूछिना बलदक्व पिकया खापा धिना च्वन ।

मानधाता जुजु पिने पाख्ये च्वना निपाह्लाति खापाज्वना वेगनं धिनाहल
खापाचाला वन । दुनेच्वंह्य इन्द्रमनुष्य थःसपावन वाथाकदना लाजजुइका च्वन ।
स्वयाच्वंपि सकलें ह्लिला जुजुयागु बलखना धन्य धन्य धया प्रशंसायाना प्रणाम यात ।

उगु बखतस इन्द्र थःगु इन्द्रइ कया धाल, धन्य मानधाता राजा प्रतापी
बौर्यबान्ह्य खः । स्वर्गलोके देवतापिसं ऋद्विवन्तह्य राजा धका धागु दु । खला मखुला
धका सोय्त जि वयागु खः । जिनं पत्यार जुल सोय्धुन, शिरं जन्म जूबलेनं बालकया
रूप सोवया आः युवन्नावस्थास पराक्रम सोवयागु खः धया स्वांमालां क्वखाय्का
स्वागत याना लिपाउगुथासं अस्थानयाना स्वर्गस लिहांवन ।

सकसिनं धालकि इन्द्र थ्ये जाह्यसिगु बलयात त्याका कयन कीजुजु मानधाताया
बल पृथ्वीस सकभनं प्रचारजुइ धया मंगलकार्ययाना सकलें लिहांवन ।

स्वर्गलोकेनं इन्द्रं सकभनं प्रचारयात । मर्त्यलोके चर्वपि मनुष्य राजापि तच्चतं
पुरुषार्थवान् धर्मदुपि तथा तपधारिपि खना इन्द्रं चरिष्य सोवइगु स्वभाव प्राचीन कालं
निस्स्ये दु । थथ्ये महर्षिपिसं धयातगु खः धका सकसिनं सीकल । राजगृहे उत्सवयाना
हर्षयात थथ्ये काल दिन वंका राज्य याना च्वन ।

लिपासन्तान मदया चिन्तनायात जि अबुया रानीपिगु गर्भं सन्तानमदु थःगु शिरं
सन्तान जन्मयात जि खः । आः जिनं सन्तानया निमित्त दंपतीसहित गुरुबाक्य द्वारा
उपोषधव्रत मुखाष्टमी दिनं प्रारंभ याय्गु धया अबुयाथ्ये यात ।

व्रतयना स्वद पुलावस्येलिनं सन्तानया चिन्ह छुं सीमदु । छन्हु रात्रिया त्रिप्रहरे
मानधाता जुजुया चित्त चंचलजुया थःस्त्री सुरुचिरादेवी रानीनाप शयनजुया चवंबले
जोगीछह्य भिक्षाफोंवगु शब्द ताया प्रातः काल जुल धका दना वना उफानस (क्यबे)
मूत्र त्यागया वंगु थासे बीर्यपतन जुल । जुजु उगुथासं दनावना थःगु मागु ज्याय् च्वन ।
बीर्य पतन जूगु थासे तुमा दया च्वन उगु तुमास बीर्य प्रवेश जुया दथ्वी लाक च्वन वहे
बीर्यं तुमा गर्भवती जुया दिन दिन तःत्या तःमा जुया म्येगु तुमां चाहला बांलाना
च्वन ।

छन्हु क्यब नायनं खना जुजुयात इनायात । भो महाराज ! भण्डाखालस
(क्यबे) तुमा छमा अति हेतुरूपं दथ्वी तःत्या जुया तःमा (ताः हाक) बांलाना चवंगु
दु ध्येने नं ग्याना च्वन । थथ्ये धागु न्यना जोतीष सःता न्यन, जोतीषं बिचारयाय्
धुंका बित्तियात । भो महाराज ! थ्व लक्षण भिगु खः सन्तान दइगु शुभ चिन्ह क्यंगु
खने दु । थ्व बाक्य न्यना लेः ताया राजा रानी मंत्री जोतीष पुरोहित गुरुपि मुना
सोवन ।

तुमाया दथ्वी घट स्वरूपं तःत्या तःपु हाकनं ताहाक जुया बांलाना चवंगु खना
छु हेतु थुजागु तुमा गुबले स्वयंमननी धया परस्पर खँ ल्लात । सन्तान दइगु शुभचिह्न
धागु जोतीषया बचन धाथ्येहे खःसा कुलहीन मजुल धया सकले लेः तागु ख्वाः याना
ल्लिला थ्व तुमा ध्येनेमते धया तारति स्वया च्वन ।

महारानीं बिन्तियात भो स्वामी ! जि गर्भवती मखुसानं जिगु स्तन तपोजुया दुरु खाना वल थन तुमाया स्वभाव थथ्ये छु जुइगु मस्यु धया मन आनन्द जुइका सकलें लिहांवन । न्हि न्हि वना सोवनीगु झिलादुबले सोवंपि अनसं छथाय् बासयात ।

माघपुन्हीया रात्रि स्वंगु ग्रहरे तुमाया गर्भ तः ज्याना (पं म्हुया) दिव्य सुन्दरम्ह कुमार (पुत्र) जन्म जुल । थ्व खना सकलें अद्भूत जुल सुरुचिरा रानी छम्ह हतासनं वना बालक कया थःगु मुलेतया दुरु तोंकल । प्रातः समय जुस्येलि राजगृहे यंका सकलें मुना खँल्लात । थ्व बालकया रुप चिन्ह खना जोतीष तथा गुरुपिसं बिन्ति यात । । भो महाराज ! थ्व बालाक राजलक्षणं पूर्णह्य खः । थन राजगृहे उपोषधव्रत भिगु धर्मयाना च्वंगुलि सन्तान रानीपिगु पाख्ये दइमखुगु जुया छपिनं शिरं जन्मजुल पि मदु अजरा धाइ स्त्रीया योनी जन्ममजु, अयोनि धाइ, छपिनं थ्व बालकनं अथ्ये खः । हानं ३२ लक्षणं संपन्न छपि तुल्य सन्तान बः मलाना करुणामयया व्रतयागु प्रभावं थथ्ये पुत्र जन्मजुल न्हापानं लिपानं थुजागु हेतु जुइत असंभव जुइ । थ्व बालाक या दीर्घायु निरोगी जुइमा धया खुसिजुया च्वन । गुरुं खँ न्यंकल – थ्व बालक महारानी जन्मयागु तुल्य जुइका छपिसं थःपुत्र भापायाना प्रतिपालयाय्मा धया खुन्हु दुबले जात कर्म व्यंकेगु ज्या सिधेका फिन्हुदुबले नामकरणया ज्या यात ।

छु नाम करणयाय्गु धका सल्लायात तुमां जन्मजूहयात इक्षांकूश धाय्गु बांला थथ्ये गुरुबचन न्यना थ्व बालाकयानाम थनिनिस्थे इक्षांकूश राजकुमार जुल धया नामकरणयात धन द्रव्य दानयाना बहनी सकभनं छे दीपाबली मत च्याका उत्सवयाना खुसिजुया च्वन ।

मानधाता जुजुया छन्हु रात्रिस चिन्तनायात तुमां जन्मजूसानं जिगुहे बौर्य खः थमं मूत्रत्यागयानागु अवस्थाय् बौर्यपतन जूगु अवस्था लुमंका रानीयातनं संक्षेप खँ कना बांलाक प्रतिपालयाना च्वन । आः तिनि जिगु छे पुत्र हीन जुया कुल छिन्न मजुल धका आपालं खुसिजुइका थ्व बालकयात बिचारयाना दुरु तोंकीपि निम्ह, मलमूत्र शुद्धयाइपि निह्य, हितेकीपि निह्य, बखत बखतस नकीपि निह्य, समेत् च्याह्य धाइमां धाइ (दुरुमां) पि तया पालनयात । । शुक्लपक्षया चन्द्रमाथ्ये लिंलिं तःधिक

जुयावल । न्यादंदस्येलि गुरुयात लः ह्लाना लिपिविद्या व्याकरण काव्य कोश न्याय
नीति गणित शिल्पविद्या धनुर्विद्या आदि फुकं बिस्तारं स्यना सेकल ।

अनंलि नोन्यादं (२५)वर्ष दस्येलि काशी देशया शाखाग्रामे चवंह्य सुबन्धु जुजुया
पुत्री स्त्री लक्षणं पूर्णह्य देवकन्या समान सुन्दरी अलिन्दा देवी चूलात । शुभदिने
स्वयम्बर सहित अबुह्यसिनं इक्षांकूश राजकुमार यात सहजयान क्रिया बिबाह
याना बिल ।

निह्य स्त्री पुरुष राजगृहे चवना इले भोजन सिधेका आनन्दं सुख भोग क्रिया
याना चवन । पुत्र इक्षांकूश राजकुमार ३२ वर्ष दस्येलि अबुह्य मानधाता नं पुत्रयात
राज्यांग लः ह्लाना सकलयात मागुतक उपदेश बिया चित बोधयाना मंगलकार्यं ताप्
स्वां अभीर सिह्म हीला धौ सगं स्वस्तिया ज्या याना कुलदेवता तथा करुणामय दर्शन
प्रणामयाप् धुंका उपोषधव्रत हीन याय्मते बारंबार या धया थः स्त्री सुरुचिरा रानी
सहित मानधाता जुजु गृह त्याग याना तपोवन प्रवेश जुल । बनान्तरे सिमाक्वसं गुफा
कोथार्थ्ये चवंगु थासे त्रिरत्न स्मरण ध्याने चवना तप चर्ययात । स्वामीयात मामागुतक
सेवा याना महारानी स्त्री धर्मया तपस्या स्वामी भक्ती जुया कष्टसहयाना बनेबासयाना
चवन ।

यनतक मानधाता जुजुया संक्षिप्त खँ सिधल । ० ।

अनंलि इक्षांकूश जुजुया पर्यापि जुस्येलि अबुया बचन पालन याना प्रजापित्त
बांलाक बिचारं स्वया सकसिनं धन्य महाराज धाय्का चवन । बिबाह यागु १० वर्ष
पुलावने धुंकल सन्तान मदुगुलि थ्व छँ (कुले) सन्तान बःमलाखनि । प्रपितामह
जि तापाआजु सुबन्धुयानं छह्यपुत्र उपोषध घाह्य-पितामह जि आजु उपोषध यानं थमं
हे शिरं जन्मयाह्य मानधाता ।

पिता जि अबुखः मानधातायानं सन्तान बःमला तुमां जन्मजूह्य इक्षांकूश
जिखः । आतकं सन्तान जिनंमदुनि । जिनं छु जुइगु धका दुःख चिन्तनायाना चवन ।
सन्तान या बिषये पुन बिबाह यात थुगुतालं बिबाह यायां बहु बिबाह जुल न्यासह्य

५०० स्त्री गणपि बासयात । थय्ये आपालं स्त्रीदया मती दुःख ताया अलिन्दा महारानी उफानस (क्यवे) अलग छगु छे आनन्दं बासयाना चवन ।

उगु बखते इन्द्र बृद्ध ब्राह्मण रूप जुयावया अलिन्दा महारानी याके भिक्षा कावच थ्व बास नय्वं काय् दै धया गुटिका वास छगुलि बिया वन ।

उगु बखतस जुजुया न्यासह्य ५०० रानीपि सहित नापंतया अग्रमहिषी मुख्यह्य अलिन्दा नापं चवना करुणामय् स्मरण उपोषध ब्रतयाये धका दूतछोया सतके छोट । दूतं बिन्तियात उपोषध ब्रत दनेत नापं चवनेमाल बिज्याहुं धका जुजुं आज्ञाजुल । महारानीं न्यन । गुबलेनं ब्रत मदनानि उगुब्रत दनेत छु याय्मा । दूतं धाल गुरुपिसंस्यु जिनं मतीचा मात्रस्यु थुगु ब्रतयाय्बले स्नान शुचियाना ब्रतदने धुंका छक मात्र निरा मोष भोजनयाय्गु म्येगु धाय्मफुः ।

थुलि मात्र धागु न्यना ख्वा खिउंका तं पिकया छिन्न बचनं धाल । अरे दूत ! जि थन अलक चवनागु छंस्यु सन्तानया बिषये न्यासह्य स्त्री थन छे दु हानं थ्व उपासना छाय् याय्मागु जि मदुसानं ज्यु पूर्वजन्मया भोगं थौं रानि जुया ऐश्वर्य सुख याय्दत छुयाय् स्वामी नाप चवनेगु तापात जिनं छांलाना चवनेमागु ब्रत जित मत्व । जि इच्छा भोजन योबलेयको नया नाना प्रकारया वसपुना तिसां तिया नस्वागु स्वांनछुना नस्वागु चिकनं इला पित्या धेगु मदय्का चवनेमाह्य जि आमब्रते वइमखु घाहुं ।

थय्ये अलिन्दारानीनं धागु बचन न्यना दूत लिहांवना राजायात बृतान्त खे कन । थ्व खे न्यना हानं राजां छ मदय्कं मज्यु नापं बोनाहति धया म्येह्य दूतंसतके छोट, अथ्ये नं महारानी मव । हानं मंत्रीवना सतवननं मवगुलि रानी तंमोय्कल धेगु सीका राजाहे वना चित्त बुफेयात ।

छ अग्र महिषी मुख्यह्य रानी खः छमदेकं थ्व ब्रतयाय्गु अयोग्य जुइ याकनं नुः । सन्तान दइगु हानं लोक कल्याणजुया पापक्षय जुइगु थ्व ब्रतयाय् त्यनागु खः धया नापं बोनाह्या यथाविधि थ्ये करुणामय त्रिरत्न शरण उपोषध ब्रत आरंभ यत्त ।

संसारे ब्रतमध्ये थुगु उत्तमगु ब्रतजुया बिद्वान्पिसं ब्रतराज धकानं धयातगु दु ।
 एवं प्रकार सट्गुरुपिसं अष्टमी ब्रतया मुख्यगु नियमाचरण बिधि धारण याय्मागु
 कना पंचशील बिल तथा अष्टशील बिल केबल ब्रम्हचारी तुल्यजुया पंचामृत क्षीर
 दुरु धौफल मधिमात्रनया थुगुब्रत जिनं धारणयाना त्रिरत्तया शरण वने । थथ्ये थमनं
 धारणयाना च्वंम्ह गुरुं धागु न्यना ब्रतीजनपिसंनं धया नियम धारण एवं पालन
 याय्गु सो ।

एवं प्रकारं शास्त्रोक्त बुद्ध बचन गुरुं कंगु एकचित्तं न्यना राजा रानी सकलें
 खुसिजुया थुजागु शील धारणयात । ० । अलीन्दा रानी छह्मसिया जक थुजागु नं
 नियमता जिनं मानेयाय् फइमखुः थथ्ये न्तिन्तायाना जिगु मनसन्तोष मजु धका खा
 खिउंका श्रद्धा मतस्ये अश्रद्धायाना ब्रतयात ।

कालान्तर थ्व ब्रतयाना दछिपुला वस्येलि अलीन्दा रानी गर्भवती जुल । फिला
 वस्येलि बेथाजुल पुत्र जन्मजुइगु लक्षण दैवज्ञ गुरुपिसं धागुलि राजा रानी हर्ष जुइका
 सूतिकालये (कोथास) मामापि दिदि सखिपिनं तया रानीयात योयोगु सुपथ्य भोजन
 याका सन्तोषयाना तल ।

छुं लिपा महारानीया मचाबुत पुत्र । माघ कृस्न अमाइ खुन्हु प्रातः समये
 (सुथ ह्लापां) गुजाह्य पुत्र जन्मजुल धाःसा, हाकुगु बर्ण बिरूप खाः तया छयो गुलिच्या
 तःगो न्हेंपंतपा न्ह्याय् केहि पतचि सं ततःपु म्ये तपु तबला ताहाक म्हुतसिनं तबला
 ह्लाः तुति खंपा पुष्ट हालीगु शब्द ब्रह्म धोष उच्चघोष तःस मिखा तगो मिखा फुसिनं
 तबला धनुथ्ये चातुगु राज लक्षण दु नुगपा चकं प्वा तगो त्यफु गावं खंपा प्यलाको तपु
 पालि छपांचु ग्वालि चीगो गुच्चाथ्ये गुलिच्या ह्लाः पति ताहाक कलमथ्ये बांला पुलि
 चिकिगो कपा तबला चःकं ह्लकुपुष्ट बल पराक्रम दुह्य दुर्गन्ध छुं म्दु थुजाह्य बालक
 जन्मजुगु खना अनच्चंवि आश्चर्य जुल मांहा रानी मछाला क्वछुत धैर्ययाना मती संदेह
 जुइका बालक घेःपुना दुरुतोका धाल । । अहो बिरूप बांमलाह्य काय् जन्मजुल
 जिनं छु पापयाना बल धिकार जिनं ब्रतयानाबले शीलयात निन्दायाना खा खिउंका

मती बिखादयानागु दु । छुयाय् जिके अहंकार बुद्धि वगुलि बिरूप खा यानागु दोष बिरूपह्य पुत्र बरदान बिल स्वैगुनं दोषमखु जिगुहे दोषखः । पुत्र छह्य देमा धका आशिकायाना थ्ये पुत्रजादत बांमलाह्य जुल । जि अज्ञानिन्ह मिसाया गर्भं जन्मजूम्ह थ्व पुत्रयात रूप बांलाका बिज्याहुं । सदानं त्रिरत्न शरण करूणामय स्मरण प्रणाम दु धया बिन्तियात ।

थुगु इले पुत्रजन्म जुल धागु न्यना जुजुमंत्रीनापं सोवल बिरूपह्य पुत्रखनाहीही धिकार महा लज्जाजुल धया लिहां वन । जुजुया मन खिन्नयाना धाल थ्व बालकया जातकर्मयाय्त जिनं छुं बिचारयाय् मखु धया छुनंमया ।

मांहसिया नुग मछिका पुत्रयात जातकर्म तथा नामकरणयाय्त दूत छोया जुजुयाके न्यकेछोत । जुजुं जिफुकं स्यु धया दूत नापंवना रानीयात थ्ये धाल । हे महारानी! छं तमोयकेम्वा - सन्तान फोना ब्रतयानाबले छं शीलपालन मयास्ये निन्दायाना उसिधाया खिउं खा बिरूप जुइका तमं समाय्याना नस्वागु स्वांछुना चिकं तिला तिसांतिया बांलाकूगु दोषं सन्तानजा बिल बिरूपह्य बिल जातकर्म नामकरणस गुरु म्येपि सुनंम्वा, जिनं नामकरणयाय् बांमलाम्हयात ल्वेक थ्व बालाकया नाम बिरूप कुमार जुल धया जुजु लिहांवना मनस दुःख ताया च्वन ।

अष्टमी तिथि थ्यंस्येलि ह्लापाथ्ये उपोषध ब्रतयाय्त म्येपि प्यस व गुइगुम्ह (४९९) रानीपि सहितयाना सुन्दरम्ह पुत्र जन्मजुइमा धका सकसियां मतीतया हामो कूश तछो दक्षिणा जलसहित जाकि स्वां तया संकल्प ह्लापालाकयाना ब्रत यात ।

हानं थ्ये ब्रतयागु पुण्यं फुकरानीपिनिनं छन्हु निन्हु प्यन्हु खुन्हु च्यान्हु फिन्हु फिनिन्हु फि प्यन्हु पाक गर्भबती जुया वल । क्रमानुसारं गुला फिला फिछला तक गर्भ बासजुया रानीपि फुकसियां पुत्रजक जन्मजुल, पुत्री स्त्रयानं जन्ममजु । शीलया प्रभावं दिब्य सुन्दरपि जक जन्मजुल । जुजुया अतिहर्षयाना धाल, छु धंगुल्या मदुतले स्वयामदु वतकि आज्ञा बखुनं मचा थोकेथ्ये थितुं थोक रानीपि सकसिनं कायजक बुइकल ।

निम्हम्ह रानीं जुजुयात खं न्यंकल, भो स्वामी ! तेंचाया बिज्याय्म्वा - थुलि मछि स्त्री छाय्हयागु काय्या निर्मि ख जिपिनं वया सन्तान (काय्) दय्मा धका फोना ब्रतया धाल हानं छपि, फुकसिगु कोथास शयन जूबिज्याइम्ह नं छपिखः थःथःगु कर्मभोग तथा भाग्य खः आश्चर्य जुइमागु छुंमदु ।

अनंक्वे च्वंम्ह स्वम्हम्ह रानीं हिला धाल आपाकला दुम्ह सिया परिवार नं आपाजुइ अवश्य छुं संदेह मदु । अनंक्वेच्वंम्ह प्यम्हम्ह रानीनं धाल, रानीपिसं थितुं थोक मचाबुइकुगु कारण जुजुया स्वभावं खः । अनंक्वेपि रान पि सकलें हिला च्वन । । राजानं हिला धाल जिगु कुलजा तच्चकं प्रकाश जुल धया दान पुण्य मंगलोत्सव बाजं थाका जातकर्म (ब्यंकेधुंका) नामकरण यात । कूशतया संकल्पयाना ब्रतयानागु पुण्यं जन्मजूपि कुमारपिगु नाम थय्ये खः ।

यथाक्रमं इन्द्रकूश देवकूश ऋषिकूश द्रुमकूश रत्नकूश महाकूश मयूरकूश रसकूश द्वीपकूश चन्द्रकूश सूर्यकूश पुष्पकूश इत्यादि सकलकुमारपिन्त कूशपद क्वेतया अनेक प्रकारं नाम छुना मामापि दुरू तोंकीपि तुतुमाँ (दुरूमाँ) धापि तया पालनपोषण यात ।

अनंलि अलिन्दा रानी छम्हसिया सन्ताप जुइका याक्का च्वना अमोघपाश लोकेश्वर करुणामय त्रिरत्न शरण धया मनंभ्रत यानागु आपायाना क्षमाफोन । जिनं ह्लापा ब्रत यानाबले शील हीनयाना निन्दायानागु दोषं बिरूप पुत्र जन्म जुल । जि तीर्थिक धर्म अभिमान ममता अहंकार स लातखः । आवंलि थुजागु ममता धर्म कदापि याय्मखुत सहस्र लाख कोटिधा प्रणाम ।

त्रिरत्न बुद्धं शरणं धर्मं शरणं सधां शरणं भो करुणामय ! जिपुत्रयात सुरूप जुइका ऋद्धि बल क्यनेफुह्य याना बिज्याहं, थय्ये प्रणिधानयाना मनंग्वयागु ब्रत सिधेका इले भोजन याना शील धारण याना च्वन । बिरूप पुत्र न्ह्योनेतया थनिंनिसें बिरूपकुमार मखुत कूश कुमार जुल धका माँह्यसिनं नाम छुत ।

जुजुं थ्व सीका तंपिकया खं न्यंकल अलीन्दा महारानी छं भापी फतला छं बुइकाह्य काय्यात कूशमात्रनं मगा भूतकूश धाय्गु सन्तोष सजूसा प्रेतकूशनं धाय्ज्युः धया

लिहांवन । अनंलि म्येपि सकल कुमारपिन्त ह्मितेगु हस्तिरथ अश्वरथ मृगरथ देबरथ
मनुष्य रथ आदि म्हांति म्हांति म्हांवसा देका बिल । छम्ह बैज्ञानिक बिद्वान्
शिल्पशास्त्रज्ञः शिल्पकारं दय्का चढेयाय् हगु म्हांवसा छगुनं दु उकियागु नाम थय्ये खः
स्फुटनिक [सहस्रनेमीकर आकाश चारी] थुगु तोता म्येम्येगु कुमारपिनि यःयःगु
म्ह्मितेगु ज्वना रथसदना फेतुना गोतुला साला योयोथ्ये म्हांतल ।

कूशकुमार छम्हसिया छुमदु म्ह्युतुगु जक सोया च्वन । स्वन्हु वस्येलि प्यन्हु खुन्हु
तंमोय्का फुकसिगु रथं सकलयात क्वफाना थमनं लाका म्हांतल । हानं सुनानं म्हांतेमस
या मकागु आकाश चारि धागु न्हांवसा छगुनं कया उकि च्वना थमं म्हांता क्यन ।
लिपा थ्व रथ भूमी मथीक कुछि च्वंच्वंवना हानं भूमीस जूवल ।

स्वयाचवंपि सकलें होसजुया बिरूप जूसानं अति बःलाम्हख धया प्रशंसायात ।
अबुम्ह जुजुया मयम्ह काय् नं म्हांतेगुलि त्याकल न्ह्योनेवया धाल स्वय् नं ग्यानापुम्ह
काय् खः छं सकसितं रथं क्वफाना मखुथ्ये सन छ भूतकूश प्रेतकूश धयाजक मगा
राक्षसकूश धका बोविया लिहांवना आकाशचारी दय्का हम्ह सःता स्याबास धया
सन्तोष जुइक द्रव्य शिलपा बियाछोत ।

माँह्मसिनं लेःताया घेः पुना चुपानया मुलेतया शिरे पितुपिया स्नेहयात ।
यनंलि न्यादं दस्येलि म्येपि कुमारपि जुजुं सःता गुरुपिन्त ल ह्म्लाना बिल । लिपिशाला
सतया बिद्यारंभयात । माँह्मसिनं छनंहं धया छोट कूशकुमार नं वना लिपिबिद्या
गुरुपिसं स्यंगु बुलुहुं चतुषष्ठी बिद्या (खुइ प्यता) प्रकारयागु आख हानं म्येगु रत्न
परिक्षा धातुपरिक्षा पशुपरिक्षा पंछिपरिक्षा आदि राजनीति गणित शिल्पबिद्या
धर्मशास्त्र धनुषशास्त्रबिद्या स्यंगु गुरुपि स्वयानं बांलाक कुमारपि न्यास मध्ये
कूशकुमारं ह्मापालाक सय्का त्याकल ।

अबुया मयसानं विद्वान् गुरुपि तथा म्येपिसं धन्य २ थ्व कूशकुमार अतिचतुर ज्ञान
दुहाखः फुकेसनं ह्मापालाका त्याकेफुहा बीरखः छपिंगु नाम थनिनिस्स्ये बीरकूश
राजकुमार जुल धका बिद्यालये च्वंपिसं धयाहगु नाम प्रचार जुल ।

थुगु खं न्यना अबुह्य जुजु अति बिषाद जुइका शोकयाना धाल । रूपधासाफ चित
ग्यानापुगु नालेनापं मछालेपु जिगु अंश छुनंमदु । गुणज्ञान चतुर बल धासा थ्व समान
म्येपिं कुमारपिके मदु । सकसिनं थ्व यातहे प्रशंसायात गुणज्ञान बिचारयाय् मालिनं
धाल । गुरुं मस्यंगुनं सेकीह्य बःलाउतिकं थथ्ये जुजुया संदेह जुइका लिपा बिरूपह्य
राजाजुल धाइ गुणज्ञान बल बिचारयात धासा थ्वहे राजाजुइ थ्ये च्वं ।

आः बुद्धि पराक्रम छकसोय् धंगु बिचारयाना मधिकर्मि सःता न्यासगोः लडु
दय्का हति छग तःगोयाना दुने गोप्यं सोथना दो चिनाति । थथ्ये जुजुं धाःथ्ये माधि
कर्मिनं लडु दय्का थिकयाना बिल । न्यास राजकुमारपिं सःता धाल । हे कुमारपिं !
छिपिं फुकसिन द्वचिनातगु लडु हतिं छग मात्रकया जिगुथासे वया फेतुना न ।

थथ्ये जक धाय्वं कुमारपिं सकलें हताय्चाया वना हतिं छग लडुकया वय्त्यंबले
कूशकुमार लिपा वना किजापिन्त जवनं खवनं घ्वाना दुने गोप्यं तयातगु तःगोगु लडु
कया तिगा न्ह्या ब्वांवया अबुया न्ह्योने ह्लापालाक थ्यंका फेतुना अबुया खास्वया
मुसुमुसुं ह्लिला लडु खगु ह्लाते तया जवं बाकु थला नेन्है अबु धया नल ।

म्येपिं कुमारपिं फुक लिपा वया छचालं च्वना क्वछुना वांवां न्याना नल । थ्व
परिक्षा स्वया अबुम्हं चिन्तनायात अवश्यनं थ्व बिरूपकूश जिमयम्हहे राजा जुइगु
लक्षण दु । जिगु न्ह्योने च्वना थन सभाय् सिंह धुं थ्ये निर्भय जुइका जितसोया ह्लिला
न्यना नया क्यन तस्सकं बांलागु खः । मेयेपिगु धंग क्वछुना माकया तालं वांन्याना
नल सभास च्वना थथ्ये नगु शोभामदु ।

जुजुया हानं परिक्षायात प्यन्हु खुन्हु प्रातः समये क्यवस सकलेंवना कुमारपिं
फुकसता धाल । हे कुमारपिं ! थन नय्गु थौं क्षीर भोजन थिकजुया च्वंगु दु धया
पात्रे क्षीर पूर्णयाना सकसितं बिल कया सकसियां फोलाक च्वना नल । कूशकुमार
लिपावल थ्वयातनं बिल । कया भिक्षु संन्यासि जोगीथ्ये जि त्यागी मखु पात्रेतय
नेत धया छख्ये अलग वना तःफागु लोहंते फुकं क्षीर पोंका नल । । थथ्ये नया
क्वंगु खना जुजुया मती कोतुक आश्रय चाया, गुरुपिके न्यन । थ्व कुमारपिं मध्ये

लिपा सुराजा जुइगु लक्षण दु । मुख्यह्य गुरुं ब्रिन्तियात । भो नृप ! क्षमा याय्मा, रूपया
खं मखु गुण ज्ञान बुद्धि चतुर, बल बौर्य पराक्रम धाइ ऋद्धि राजलक्षणया चिह्न फुकेसनं
बांलागु स्वभाव बिचारयाय् धुन हानं ज्येष्ठह्यनं खः कूशकुमार निश्चयनं लिपा राजा
जुइ ।

थुगु प्रकारं गुरुं धागु न्यना थमनं परिक्षायाय् धुंकूगु खः मनस संदेह जुइका
जि मयह्य थ्व पिशाचकूश राजा जुइवं सकसिनं खं ह्लाइ आः छुयाय्गु जिगु कर्मनं
धिकार धया मन उदास जुया (गरखेसे चवंका) तंपिकया थथ्ये बिचारयात ।

गुप्तयाना ऋषुग सुवर्णया घट दय्के बिया नवरत्नादि (हेरा मोति) लुंदां
जाय्क सोथना ऋषुगु थासे भूमीसथुना ताम्रपात्रे श्लोक प्यपु थमं रचनायाना किका
(४९९) प्यसव गुइ गुह्य राजकुमारपिन्त अबुं सिलपा बिया । थ्व धन बिरूप कुमारमात
मदु (मथ्या) धका देका अन्दोल चित्तयाना च्वन ।

आपालं स्त्रीपिं कार्पिदया अनेक तालया मिसाखँ रानीपिंगु स्त्रीजाल, हानं
कुमारपिंगु बिभिन्न तालया बहुवार्ता (आपाखँ) गृहकुटुंबयागु चुमकं साला तःक्यना च्वं
गुलि इक्षांकूश जुजु कुलया थिति जूसानं तपोवन वने मफुत ।

हानं थकालि जूसानं बिरूप जुया मयोह्य कार्पनं राज्ययाइ धंगु छगुतःधंगु संदेह
याना छँ त्यागयाय्त थाकुल । बांमलाह्य जुया कन्या सुनानं मब्यु धंगु तोह तया कूश
कुमार यात तोता म्येपिं फुक कुमार पिन्त हतासनं बिबाह कर्म सिधेकल ।

वखत स्वया ब्रत तथा दानपुण्य याना च्वन, संसार या प्रकृति म्वाय्गु आयुः
फुत । बज्र मलसमानगु अदृश्य (खंके मफुम्ह) काल प्रवेश जुया चीहाकगु रोगं थिया
इक्षांकूश जुजु त्रिरत्न करुणामय नाम कया यमलोक भ्रमण जुया स्वर्गवास जुल ।

गृहस्थि कुल धर्मानुसारं छुतकयाय् मागु खः प्रथम बिबाहिता स्त्री अलिन्दा रानी
या गर्भं जन्म जूम्ह कूशकुमारं अबुयात अग्नि संस्कार याना क्रिया सिधेकल । थन
तक इक्षांकूश जुजुया खँ सिधल । ० ।

नम आर्या बलोकितेश्वर करुणामयाय

आर्याबलोकेश्वर करुणामयाय नमस्कार । । थनंलि इन्द्रकूश कुमार प्रमूखं
न्यासल (५००) कुमारपिनि च्यान्हु फिन्हु दस्येलि ह्यति म्हाति राजाजुइगु बिषये
अहंकारयाना कलह पिकया च्वन । रानीपिनि नं कलह जुल । गुम्हसिगु छे स्त्रीपि
अथवा कार्यपि आपालं दया च्वनि उम्हसिया चिता सुख दइमखु । अबु मवुस्येलि गूह
कलह जुल ।

अबुम्हसिनं दातिम्ह काय् इन्द्रकूश यात प्यपु श्लोकयागु महत्व बोना ताछपत्र
या खसंक्षिप्त छुं कनावंगु दुसानं बांलाक व्यक्तयाय् मफु म्येपि सुनानं मस्यु मंत्री छम्ह
सियानं यथार्थ सीके मफु । गृहपरिवार प्रजापिनि सुराजा जुइगु धका मती चिन्तना
याना घाल ।

भो गुरु पुरोहित मंत्रीपि! आः फिगु देशे राजासुजुइगु बिरोध मयास्ये शान्ति
रूपं धर्मे लोय्क राजा स्थापनयाना प्रजापिसं न्यायनीति ज्यायात धाय्के मा । अलीन्वा
रानी मंत्री गुरुपिस उत्तर बिल थिकधाल सकलें च्वना सल्लायाय् धया न्यास रानी तथा
राज कुमारपि गुरु पुरोहित मंत्रीपि मुना सल्लायात ।

ह्लापा राजगुरुं खें न्यंकल, म्हाति म्हाति नाय जुया खें ह्लाप् मते । नीतिस
धयातगु दु ।

स्त्रीनायके नवस्तव्यं नवसेत् बाल नायके ।

। अनायके नवस्तव्यं नवसेत् बहु नायके ।

तःतः धंगु ज्याय्- नायमन्त धासा ज्या स्यनि, आपानाय दत धासानं ज्या स्यनि,
मिसा नायगु ज्यानं थिक जुइ मखु मचानाय थाय् नं ज्या थिक जुइ मखु स्यनि । ।
वथ्ये ल्वापु कलहगु छेनं स्यनि, बिद्वान् पिगु सत्य वचन यात आदर मतल धासा व
बिद्वान् उगु थासे लिपा पला तवइ मखुः भो रानीपि राजकुमार पि! न्यना बिज्याहुं-
देशे नाय जुजु खः दाजु किजापि मिले जुइमा सुनानं ख्याय् फइमखु थःथः हे बिरोध
जुइवं म्हात्तु ह्लिना च्वनि, थपिनं गति नाइमखु ।

मुख्यगु खँ ह्माय् आ फ़िगुदेशे जुजु माल सुयाय्गु धासा न्यना बिज्याहुं । छलपोल
पिनि स्वामी इक्षांकूश जुजुं गोप्ययाना थकुगु फ़िबुग(१६) घटस रत्न तथा सोथना
थकल थुकियागु प्रमाण सीकेत श्लोक प्यपु (४) थमं रचनायाना ताम्र पत्रे चोका
राजगृहे दुने तानातगु दु । थुकियागु अर्थ याना रत्नघट (धन घः १६) सुनां लुइकेफ़इ
उम्ह यात राजा याय्गु धकासंकित याना वंगु दु ।

थथ्ये यागु छाया धासा आपालं काय्पि दया च्वंगुलिं खः । कलह याय्गु योग्य
मजु सोया बिज्याहुं धया गुरु मंत्रीपिसं राजकुमार पित्त वयना बिल । खनेवं इन्द्र
कूशकुमारं राजा जिहे जुइगु धका हर्षयाना बोना स्वत । म्येपि राजकुमार पिसनं
बोना यथार्थ अर्थ सीके मफुः । थःथपिनि मती संदेह जुया आकुल जुइका च्वन ।

अबुजुं थ्व ज्या यानावंगु थिकजु जित ज्याछिन धया हर्षयाना खा चःकंका करुणा
मय लुमंका मां अलिन्दा महारानीया पालि भोःपुया जिनं मागु यत्न याय् छुं धन्दाकाय्
म्वा धका भरोसाबिया कुशकुमार लिपा ताम्र पत्र सोवल । । उगु बेलास जँ
तिया प्रबचनयाना न्यंकल ।

भो गुरु पुरोहित मंत्रीजु तथा सकल महारानी किजापि ! पुनः प्रजागणपि !
जिनं छगु खँ नों वाय् त्यना, थ्व ताम्र पत्रे च्वयातथ्ये सत्यतायाना ज्या याय्माल फुसा
जिनं मागुयाय् मफुसा तोत्ये जि अबुया ज्या स्येके मज्यु । जि छम्ह बिरुप जुया अबुया
मय छुयाय् जिगु कर्मया फल खः । थ्वहे कारणे थथ्येयाना थकुगु खँ ।

ताम्रपत्रे च्वयातगु सोये त्यना रत्नघट (खानि) लुइकेफुसा राजा याय्गु सत्यखत
मखुला सकसिनं सत्य कबल याय् माल धया खँ सिधय् कल । ० । थुलि धागु खँ
न्यना सकसिनं धाल सत्य ३ नं राजा याय्गु खः । थुगु समये २८ बर्षया बइसे कूशकुमार
आपालं हर्षजुइका हानं खँ न्यंकल जि थकालिम्ह कुमार खः सानं लिपा लाके । सुनां
सुनां इच्छादु अर्थ सीका धनघः लुइका वयना राजाजु सकसिनं सत्य बाचा याय्ये जिनं
याय् धया सत्य बाचायाना सकल यात चिन्त बोध यात ।

अनंलि इन्द्रकूशं निस्ये ४९९ राजकुमार पिसं बिचारयाना श्लोक बोन यथार्थ
अर्थ मसिया तोतल ।

लिपा कूशकुमार सिंह थ्ये च्वना सकलें छचालं मामाथाय् तया राजगृहया पूर्व
पत्ति लुखाया दुने ताहाकगु लोहंया स्तंभ (थामे) गोप्ययाना ताम्र पत्रे अंकीतयाना
तगु प्यपुश्लोक बोना वयन ।

मूल

अत्ये निधि बहि आपि मध्येच निहितो निधिः ।
चतुर्णां राज शालायां चत्वारो निधयोऽ धसि । १।

समुद्रे निधिरेकश्च निधिरेकश्च सागरे
योजने निधिरेकश्च निधिरेकश्च मोचने । २।

यतश्चा स्तंगतो भानुस्तत्रापि निहितो निधिः ।
यत्र देवा मही यन्ते तत्रापि निहितो निधिः । ३।

कुमारा जनकेनैते निहितो निधियो भुवि ।
एतानि यो विजानाति स एव नृपति भवेत् । ४।

थ्व श्लोकया यथार्थ अर्थयाना धनघः (१६) थाय् थासे भूमीतले सोथनातगु
लिकया वयन सीके बहगु ।

अन्त्ये निधिः धागु प्रमाण मूलगु राजद्वार (लुखाया) दुने तले छगदं धया सुबर्ण
घटस मोतिरत्नं पूर्णयानातगु छग लुइका वयन । १ ।

बहि आपि धागु प्रमाण बहे मूलगु लुखाया पिने केहि जवे पत्ति सुबर्ण घटस
भिपुरत्नं पूर्णगु छग लुइका वयन । २ ।

मध्येच निहितो निधिः धागु प्रमाण बहे मूलगु लुखाया दुने दथ्बी तयातगु सुबर्ण
घटस माणिक रत्नं पूर्णगु छग लुइका वयन । ३ ।

हानं चतुर्णां राजशालायां धागुया प्रमाण व चत्वारो निधयोऽधसि धागु प्रमाण
या बिचारं समेत् राजाघनीगु प्यंगु कोथाया तले प्यंगु थासे सुवर्णया घटस यथाक्रमं
तुंदां वहदां सिजयादां गिण्डियादां (स्वासायागु द्रव्य) पूर्णयाना तगु प्यग प्यंथासं लुइका
क्यन । ४ । श्व प्यंग घट समेत्याना न्हेग घट जुल । ७ ।

पुनःसमुद्रे निधिरेकश्च धागु प्रमाण राजगृहया लिउने क्यवे (भण्डाखाल) या
दश्वी पलेस्वां दुगु पुखु छगु तःधंगु दु । श्वहे पुखुया दश्वी जुइमा धंगुसीका सुवर्णया घटस
अष्टधातु (च्याता) पूर्ण यानातगु लुइका क्यन । ८ ।

निधिरेकश्च सागरे धागुया प्रमाण लीका जुजुया स्नानयाइगु तूया क्वे तयातगु
सुवर्ण घटस पारू (पाल्ला) पूर्णगु छग लुइका क्यन । ९ ।

हानं योजने निधिरेकश्च धागुया प्रमाण जुजुया स्त्रीगर्णापि नाप क्यवे चाहलीबले
आराम याइगु थासेनं दै धंगु सीका सुवर्णघटस ह्य धातु पूर्ण यानातगु लुइका क्यन । १० ।

थथ्येहे हानं निधिरेकश्च मोचने धागु प्रमाण क्यवेनातुं म्येगु थासे स्त्रीगर्णापि नाप
जुजु छमणयाना आराम जुइबले नइगु अथवा त्वनीगु थासेनं सुवर्णया घटस तुंदां वहदां
निता पूर्ण यानातगु छग लुइका क्यन । ११ ।

पुनः यतश्चा स्तंगतो भानुः धागु प्रमाण (बृक्षाग्रे निधिरे कश्च) धका थमं
टीका रचनायाना सीका काल, राजाया ज्येष्ठोह्य स्त्री अलीन्दा रानीनाप शयन जुइगु
कोथाया क्वे केहि भतीचा उख्ये सूर्यया तेजं खइगु वंगलसिमा छमादु अनहे नापं न्ह्योने
पत्ति सुवर्ण घटस हेरारत्नं पूर्णयानातगु छग लुइका क्यन । १२ ।

पुनर्बारि - तत्रापि निहितो निधिः धागु प्रमाण (शिलाग्रं निधि रेवच) धका थमं
टीका रचनायाना सीकल । वहे वंगलसिमाया क्वत्तं तःफागु लोहं छगनं दु स्नान धुंका उगु
लोहतय् च्वना दानयाइगु थाय्खः । श्वया क्वे सुवर्ण घटस नवरत्नं पूर्णगु छग लुइका
क्यन । १३ । यत्र वेबामहीयन्ते धागु प्रमाण (यत्र उदेति चन्द्रांश) धका थमं टीका
रचनायाना सीकल । गनजा क्यवे चन्द्रमाया अंश शीतत्वगु आनन्द रूप इक्षांकूश जुजु

जन्मजुगु स्थान तुमा बुया च्वंगु थासेनं दै धया सोबले सुवर्णया घटस पद्मराग रत्नं
पूर्णगु छग लुइका क्यन । १४ ।

पुनः तत्रापि निहितो निधिः धागु प्रमाण, (भानु रस्तंगते सति धका थमं सीका
टीका रचनायाना धाल । तपोवन वनेमफुगुलि सूर्यबिनावनीथ्ये राजगृहे नातुं जुजु
मृत्यु जुल - मृत्यु जुइबले तइगु थाय् थमं ह्मापाहे देकातल । उगु थासेनं अवश्य दै
धया सोबले सुवर्ण घटस नीलरत्नं पूर्णगु छग लुइकल । १५ ।

तत्रापि निहितो निधिः धागु प्रमाण निक च्वत (द्वहरेयात) धका सीका,
सन्तानया निमित्ते करुणामय लुमंका व्रतयागु शुद्धगु थाय् भूमीस तलेनं दइ धया
स्वत । अन सुवर्ण घटस पंचरत्नं पूर्णगु छग लुइकल । १६ । ० ।

केवल कुमार जनकेनैतेया प्रमाण थथ्ये सीके, एते कुमारः जनकेन - थुपिफुक
कुमारपिनि अब्रुजुं सोथनावंगु धनघः (रत्नया खानि १६) एतानि यो बिजानातिया
प्रमाण, थुजागु फुकं सुराजकुमारं सीकि, स एव नृपति भवेत्, धागु प्रमाण थ्वइत
राजायाय्गु अर्थात् वहे राजाजुइ धागु खः ।

थ्व प्रमाण बमोजि ज्यायाना क्यनेफुह्य जुया कूशकुमारयात सकसिनं धन्य प्रशंसा
याना थ्व समान बीरह्म कीगु देशे म्येपिमदु धया स्वांमालानं कोखाय्का स्वागतयात ।
अलिन्दा महारानीनं पुत्रयात बीरह्म कूशकुमार जिकाय् धया स्वां सोपास होला शिरे
ह्माःतया आशीर्वाद बिया मंगलया ज्या यात ।

गुरु पुरोहित मंत्री तथा प्रजापिसनं धन्य २ ताम्रपत्रे च्वयातगु गंभीर श्लोकया
यथार्थ अर्थयाना १६ धनघः लुइका क्यन । त्रिरूप जूसानं ज्ञानगुण बांला शास्त्रं
पूर्णह्य कूशकुमार बीरह्मखः । थनिंनिस्ये बीरकूश नाम जुल धया चाहुला स्वां
देखाया स्वागतयात ।

म्येपि राजकुमार तथा रानीपि सकले (४९९) ख्वाः खिउँका क्वछुना नुग
मर्झिका च्वन । बीरकूश राजकुमारं विचारयात, थुमि नुगः दाहजुल धका सीका करुणा

चित्तं सकलयात सःता धाल । भो बैमातृगण रानीपि पुनः किजा राजकुमारपि! छिमि नुगमछिके म्वाः । कन्हे सुथल्लापां प्रथम प्रहरे भिगु शुभ बेलादु- उगु बेलास स्नान धुंका शुचिवस्त्रं पुना सिंहासने न्ह्यापालाक सुच्चनेफइ वहे राजा जुइ ।

थ्दखँ न्यना रानी राजकुमार पिनि सकलया ख्वाः चकंका असल ज्युज्यु धया खुसिजुइका कन्हे तिनि राजा जुइगु निर्णय यात दाजुं धागु थिकजु धया इलेनया थःथःगु कोथासवना ह्माति ह्माति ह्मापालाक दना वना सिंहासने जिच्चना राजा जुइगु धका स्त्रीनाप रसयाना लेःताया च्वन । थःथःपिनि माँपि वया सागु नका न्ह्यला कन्हे ह्मापानंदना राजा जुइमा धा वल । जि न्ह्यापालाके वयां जि न्ह्यापालाके धया थःथःपिनि माँ पिन्त चित्त बुछेयाना न्ह्यला खँ ह्माना लिपा थःथःगु कोथास च्वना सकलें दन ।

गुरु मंत्री पिनिनं छाथथ्ये धागु धका मती चिन्तनायाना बिदा कया छें वन । अलिन्दा रानीया नुगः मछिका च्वंगु खना काय् नं बिन्तियात । भो माता! छपिसं छाथ धन्दा कयागु! अडुया जि बिरूपजुया मयगु कारणं इन्द्रकूश यात राजायाय्गु ग्वसा जूगुलि थथ्ये याना थकुगु खः । जिनं व ज्या सिद्धयाय् धुन कन्हे भिगु बेलास सुथ ह्मापां जि राजाजुइत किजापिन्त चित्त बुछेयाय् धुन । जि न्ह्यापालाका राजा जुइगु अवश्यखः माँनं सोया बिज्याहुं । धया करुणामय नामकया माँ यातनं नाम काय्का थःगु कोथास च्वना बिबाह सिमधनिगुलि सुलिस्थे खँ ह्माय्गुनंमदुगु जुया छुं रांखा मतस्ये कोथास लिधुः थिधुःजुया च्वन । माँया थःगु कोथास च्वना जिपुत्र कन्हे सुथे राजाजुइका बिज्याहुं धका मतीतया षडक्षरि मंत्र बोना मद्यंस्ये जापयाना च्वन ।

म्येपि राजकुमारपिनि कोथास च्वना ह्माति ह्माति स्त्रीनाप ख्वाखँ ह्माना न्ह्यला कन्हे ह्मापां दने मफे धका धन्दाकया दन थःपिनं स्त्रीपिनं जागृत स्वप्न (स्याकन्हो वगुलि) सुथेजुलनं न्ह्यलंमचाया दनाव् मफुत । माँ पिनं अथेहे लोवयका च्वन ।

बीरकूश कुमार मद्यंहा जुया प्रातः समय प्रथम प्रहरजुल धका सीका स्नान धुंका शुचि वस्त्रंपुना षडक्षरि मंत्रबोना जापयाना च्वंहा माँया कोथास वना तुति भोः पुया मागु खँ ह्माना कुलया राज सिंहासने च्वना राजमकुट पुया आनन्दं फेतुना

च्वन । । सूर्य उदय जुस्येलि राजकुमारपिनि सकसियां न्ह्यलंचाल हतासनं वना
स्नान धुंका शुचि बस्त्रंपुना सिंहासने च्वनेत वंबले दाजु बीरकूश कुमार च्वना च्वंगु
खना मनस दुःख ताया थःत थम धिकारयाना न्ह्योवगुलिं लिपालाल छुयाय् स्वैगुनं
दोषमखुः थःथः पिंगुहे दोष धया मन खुसुक च्वंका गरूडया न्ह्योने नाग च्वनीथ्ये
भुगुलुं च्वना च्वन ।

रानीपिनं ह्यति ह्यति कार्यपि सिंहासने च्वनाला धका न्यासिचागु पहयाना
हताय्चाया सोवल कार्यपि फुकं सिमां कुतुंवह्य माक च्वने थ्ये च्वना च्वंगु खना
थःपिनं सकलें खाः खिउंका च्वन ।

बीरकूश कुमार स्वयं राजमकुटं पुया सिंहासने व्वातुक फेतुना च्वंगु खना
भोया न्ह्योने छुं थ्ये जुइका रानीपिं सकलें तीजक थःथःगु थासे वन । अलिन्दा रानी
सोवल थः पुत्र सिंहासने च्वना राज मकुटं पुया सिंहथ्ये निर्भय च्वना च्वंगु खना
पुत्रया शिरे ह्लातया आशीर्वाद बिया स्वां ताय् होला मंगलयात ।

गुरु पुरोहितपि सतके छोट थ्यंकवल प्रणामयाना खुसिजुया राज्याभिषेकया
ज्या वयना प्रजागणपिन्त देशे सकभनं थनिनिस्स्ये कीगु देशे बीरकूश महाराज जुल धका
खे न्यंका उत्सवयात । बहनी राजगृहे न्यंकनं मत च्याका भिगु कार्ययाना वयन
। । किजापिन्त रानीपिं सकलयातनं तथा गुरु पुरोहित मंत्री राजगृहे ज्या याइपिं
सकसितनं मान बिया खुसियात । स्वैतनं दुःख मव्यूस्ये राजनीति धर्म न्याय बिचार
याना प्रतिपालयात । मां यात नित्य पालि भोः पुया मातृ भक्तिजुया सुखं राज्य भोग
याना आनन्दं बासयाना च्वन ।

राजकुमारपिं मध्ये दातिह्य किजा इन्द्रकूशयात थःया व्वसं च्वंगु पदबिया अनंषवे
च्वंपिं किजापिन्तनं मामागु पद बिया ज्यायाका सन्तोषयात । किजापिसं दाजुयातनं
शान्ति जुया जिमिगु अपराध छुं दुसा माफियाना बिज्याहुं धया थःथःगु कर्म भोग खः
सुख दुःखया अनुभोग जुइगु धया बिन्तियाना स्नेह भावतया मिलेजुया च्वन ।

प्रजापिसंनं रूप बांमलासानं ज्ञानगुण बांत्ताह्य दया धारीत्थः अयं समान पेशाक्रम

बुद्ध कीगु देशे म्येपि सुं दइमखुः धया बीरकूश महाराज धन्य २ धया च्वन । थय्ये प्रशंसायागु शब्द माँहसिनं न्यना आपालंहर्ष जुइका धन्य करुणामय सेवा भक्ति ब्रत यानागु पुण्यं जन्मजूह्य जि मतिनाह्य काय् थौं सकसिनं प्रशंसायाका राजानं जुया काल ।

जिनं अज्ञानं शीलयात द्रोह्यानागु दोषं बिरूपह्य पुत्र बरदान बिल आः जिनं सिल द्रोहमयास्ये भक्तितया शील धरेयाना हानं थुगु ब्रतयाये धका अष्टमी पर्वकाले पूर्वबत् (ह्लापाथ्ये) उपोषध ब्रतयाना अमोघपाश करुणामय स्मरण तथा त्रिरत्न शरण क्रिया महायान चर्य धलंदना अष्टशील धारण रत्नमण्डल द्वहलपा अष्टांग प्रणाम षडक्षरी मंत्र धारणयाना च्वन ।

अनंलि बीरकूश राजायात राजाभिषेकया मंगलोत्सव कार्य प्रजापिसं अनेक बाजा थाका नृत्य गीत याका मंगलगाथा बोंका तूर्य म्वाहालि पोंगा काहाँ पुइका, ब्राह्मणपिसं स्तात्र बोंका संन्यासी भिक्षु बैराग्य त्यागी जोगी ब्रम्हचारि महात्मा साधु हानं कांपि धुसिलूपि बुढाबुढी बालक रोगी दारिद्र याचकपिन्त प्रशस्त जुइक नेगु त्वनेगु पुनेगु तोगु समेत दानयाना थाय् थासे सत देवालय तूं पुखु घाट हिति इत्यादि जीर्णोद्धारनं यात ।

अनंलि हानं बीरकूश जुजुं सिंहासने च्वना घोषणायात । हेगुरु रानीपि तथा राजकुमार किजापि मंत्री प्रजागण सकल ! थ्व कुल उपोषध ब्रत करुणामय भक्तिबः । सन्तान निर्बल थौं बहुसन्तानया बल जुल । जिनं लुइकागु १६ धनचः जि तापा आजु आजुअबुजु पिसं कमाय्याना वंगु धन खः । जि बैमातृ (चमाजु रानीपि) राज कुमार किजापि सकसिनं इनाका । मंत्री गुरु पुरोहित तथा प्रजापिन्तनं धर्मयाय्त त्यागचित्तं सिलपाया रूपे बिया प्रजापिन्त सुखया । जितम्वाः जितमासा जिहेकमाय् पाना दय्के । थय्ये खँ न्यंका माँयात सेवायाना च्वन ।

छन्हु अलिन्दा रानीनं गुरुपि सःता दुःख चिन्तनायाना खँ ह्लात । हे गुरुपि जि पुत्रया रूप बांमलागुलि अबुं भूतकूश प्रेतकूश पिशाचकूश धका बिबिध प्रकारं नाम

छुना निन्दायानातल । ख्व खँ सकसिनं सिया च्वंगु खः छुयाय् बिरूपपुत्रयात सुरूपह्य
कन्या लुइकेत आकुइ बिरूपह्य जूसानं बिबाह याय् मालि गनदइ सुनांबी बिचारयाना
सो ।

छु जतन यासा सुन्दरीह्य भौमचाचुलाइ जि काय् राजाजुइ धुंकल स्त्री मदुनि ।
अबुया मयह्य काय् जुया बास्तामया क्वकालिपिं काय्पिं फुफ्यात बिबाह सिधय्का वन
याकनं बीरकूशराजा जिपुत्रयात बिबाह याय्गु बिषये कोशीस या ।

माँया नुगमछिना काय्पातनं धाल पुत्र छं दुःख ताय्मते बिबाह याय्त ध्यानति
फुसा सुन्दरीम्ह चूलाके मफुसा बिरूपम्ह जूसानं छं येकि । सन्तानया निमित्ते छं
अबुं बहुबिबाहयाना वन छनं अध्येया धयागु मखुः । गृहे शोभा दइगु सुपुत्र तः प्वागु
मत तुल्यजुइ । गृह धागुहे स्त्री बिबाहयाय्गु पुत्रबिना छे कुलस्थीर मजु । कुलया अर्थ
पुरुषया स्त्री स्त्रीया पुरुष पूर्व जन्मया भाबी कर्न खः चूलाना बिबाहया ज्या संपन्न जुइ
युकीयात सहज तंत्रयान धाइ थथ्ये जित गुरूं कना तगु दु ।

पुत्रः प्रयोजना दारा पुत्रः पिण्ड प्रयोजनं ।

हितं प्रयोजनं मित्रं धनं सर्वं प्रयोजनम् ।

नोतिशास्त्र खः कुलस्थीरया निमित्ते काय्मचामागुलिं पत्नीमागु खः (स्त्री
बिबाह) काय् मचा छुया निमित्ते धासा पिण्ड कार्यया प्रयोजनार्थे खः त्वाय् पाशा
छुया निमित्ते धासा हित सुख दुःख या ज्याखँ प्रयोजने खः धन सपत्ति संपूर्ण ज्या सिद्ध
याय्गु प्रयोजने जुइ ।

नरस्य भूषणं ज्ञानं सुपुत्र कुल भूषणं ।

बिद्याया भूषणं सिद्धिः पुमान् शक्तिच भूषणम् ।

मनुष्यया तिसा ज्ञान, कुलया तिसा सुपुत्रम्ह काय् । बिद्याया तिसा सिद्धि, काय्
मचा (मिजं) या तिसा शक्ती बिबाहयाय् मागु खः ।

थुजागु ज्ञान छन्त कने मागु जामखु सीका च्वंम्ह खः । छन्त बिबाह याय्गु

बिषये खँ ह्लानागु ख सीकि सुनानं बिरूप धका कन्या मबिल धासा बिरूपह्य जूसानं बिबाह याना बीत्यना छं मय धाय् मते ।

माँनं धागुखँ न्यना काय् नं उत्तर बिल, माँया इष्टमित्र पित्त धाइगु जिनं न्यनागु दु । बिरूप जूसानं गुण ज्ञानदुसा वहे बाँला ख्वाबांलासानं ज्या खँ बाँमलासा छुं प्रयोजन मदु । बराबर थथ्ये धाइगु माँया स्वभाव दु । काय्यात बिबाह याना बीगु माँनं कुत्त यात जि जुजु जुयाच्चनाह्य सिनं बिरूप स्त्री बिबाह याय्गु स्वयानं मयाय्गु हे असल जुइ । बिबाहयाय् मास्येलि गुण ज्ञान शील स्वभाव तथा रूपनं बाँलाह्य हे स्त्री बिबाह याय् मालि । किजापिनि कलापि सुन्दरी पिगु पुचले नं ल्वेकेमा ।

गुह्यजा बल बीर्य पराक्रम दुह्यासिनं रूप स्वइ मखु गुण ज्ञान सोइ । केबल छ बिरूप यात कन्या दान बीमखु धासा खुसियाना काय् । क्षत्रिजाति सुरानं जुइफुः संग्राम याय् मासानं जि मग्या । बीरकूश नामयात ल्वेक जिनं ज्यानंयाना क्यने धया माँ यात सन्तोष यात । माँह्य खुसि जुया आशिर्वाद बिल पुत्र छंगु मनोरथ याकनं पूर्णजुइमा । माँनं आशिर्वाद ब्यूगु न्यना काय् नं खुसि जुया ह्लिला माँ यात पालि भोपुया ह्लिला च्चन । । छन्हु अलिन्दा रानीनं न्याम्ह ब्राम्हणपि सता मंत्रीजु न्ह्योने तथा धाल । मंत्री तथा पंच ब्राम्हणपि जि पुत्र बीरकूश यात बिबाहयाय् माल कन्या गनचुलाइ सोया वा ।

मंत्रीजुं तथाऽस्तु याना पंचब्राम्हणपित्त मामागु बस्तु बिया कन्या सोके छोट । जस सिलपानं दइगु धर्मनं ख धका लेः ताया देशान्तर म्येगुहे देशया राजा पिगु राजगृहे वना राजा नाप लाना स्वास्ति मंगल आशिर्वाद बिया बित्तियात ।

छपिनि पुत्री छह्य दु धागु खँ न्यना काशीदेशया जुजु बीरकूश शिल्पशास्त्रं पूर्णम्ह बल बीर्यनं दुम्ह खः वया बिबाह याय्गु कारणे जिपि छपित्त बित्तियाके छोयाहल निघादुसा कन्यादान याना बिज्याहुं ।

अनया जुजुं खँ न्यंकल जिमंपुत्री अप्सरा समानम्ह छम्ह दु राजायात धाके हसा बोधका मतीतया च्चनागुजा खः । बीरकूश राजाया खँ न्यनागु दु बिरूप जुया अबुम्ह

सिनं भूतकूश प्रेतकूश पिशाचकूश भूलूथ्या थ्ये च्वंम्ह धका अनेक नामयाना तम्ह यात
कन्यादान याय्गु मांम्हसिया जक मखु ह्याय्यानं जिनं सन्तोष मजु गथ्ये बी सकसिनं
धिकार धाइ तें चाय्मते म्ये थाय् बिज्याहुं ।

थ्ये धागु खं न्यना पंच ब्राम्हणपि म्येथाय् वन अननं अथ्येहे धागुलि हानं
म्येथाय् वन प्यथाय् तक वननं ज्या सफल मजु छप्वा म्हुतुं धाय्थ्ये बिरूपयात गथ्ये
बीगु धया लिछोया हल । जस सिलरा काय्गु छल्लेलात धिकार कीगु भाग्य धया
नुगः मच्छिका लिहांवया राजगृहे मंत्रीजु पुनः अलिन्दा रानीयात वृत्तान्त खं कना
ज्या असफल जुल धका बिन्तियात ।

थ्व खं न्यना महारानी मंत्रीनाप सल्लायात छु यत्नयाय् मालि धास्यंलि मंत्रीजुं
बिन्तियात । थ्व खं राजायात कने म्वानि मती दुःखताइ सुनां धयाहल धकानं
तेंचाया युद्ध याय्नं धाय्फुः । परया पुत्री मबिल धंगुखें तेंचाया त्वाय्गु बराया ज्या
मखुः । छपिसं ह्यापाय्थ्ये करुणामय स्मरण त्रिरत्न शरणया भक्ति तथा व्रतयाना
निसा स्वला गंभीर जुया बिज्याहुं ।

थ्ये मंत्रीजुं धागु खं न्यना काय्यात पंच ब्राम्हणपिंगु खं मकंस्ये उपोषध व्रत
याना अर्घ्ययाय् वुंका ननं प्रार्थना यात । भो लोकेश्वर ! जि पुत्रयात दिव्य सुन्दरीह
कन्या चूलाय्मा धया अर्घ्य बिया मण्डले भो पुया भक्तियात ।

अनंलि छु लिपा हानं पंच ब्राम्हणपि सता शुभदिने कन्या माय्के छोट । थुपि
भ्रमणयाना कन्या सोजुल । छन्हु कन्यकुब्ज देशे भद्रिकराजाया थासे थ्यंका राजा
यात स्वस्ति मंगलयाना न्होने च्वना बिन्तियात ।

भो महाराज ! इनापयाय् त्यना जिपिवयागु कारणकने काशीवेशे इक्षांकूश जुजुया
सुपुत्र बीरकूश जुजुखः बिबाह सिमधनि छपिगु कुले सुपुत्री छम्ह दु धागुखें न्यना जिमित
धाय्के छोयाहल निघातया कन्या दानयाना बिज्यासा अत्युत्तम जुइ । । बीरकूश
जुजु चतुषष्ठी बिद्या चतुरंग बल १ सल किसि रथ २ नवरत्नादि धन ३ शस्त्रास्त्र ४ सैन्य
इत्यादि संयुक्त बल बीर्य पराक्रमनं दुहाखः दयातया बिज्याय् मालि ।

थथ्ये बिन्तियास्यें लि भद्रिकराजा हिला उत्तर बिल । हे पंच ब्राह्मणयि! जि
सक्ताय्सं खुसिजु छगुलि संखा दु बीरकूश राजा बिरूप गुणज्ञान बल बीर्यदुहाख अंबु
गुप्त्याना सोथना थकूगु १६ धन घः ताम्रयात्रे चोयातगु श्लोकया अर्थयाना घन घः
फुकं लुइका वयन सकसिनं धन्य २ धका प्रशंसायात धागु खें न्यनागु दु ।

आः थ्वहे राजायात कन्या ब्यु धाय्केहल बीमखु धासानं तंचाया लिपा युद्धयांना
त्याका जिगु देश सर्वस्व काय्फु । बीधासा बिरूप धाल जि पुत्री अप्सरातुल्य सुन्दरी
स्त्री लक्षण शील स्वभाव नम्र मधुर वचन अतिनं शोभायमान लक्ष्मी समान जुया
च्वंहा ज्ञान गुण विद्यानं दुहा खा खिउं धैगु गुबलेनं मदुहा जि पुत्री सुदर्शना देवी
याक म्हाय्खः ।

वसपोल छक थन बिज्याना जि पुत्रीयागु रूप सोवसा असल जुइ जि पुत्रीनं
सोइ चित्तबुद्धे जुलकि बिलंब मयास्ये कन्यादान याये थथ्ये न्यंका बिज्याहुं । थथ्ये
धागु खें न्यना मुख्यह्य ब्राह्मणजुं बिन्तियात । छपिसं धै बिज्यागु खें खः जिपिवना
बिन्तियावने तर वसपोल थन बिज्याय् थाकुइ ।

छाय् धासा माह्यसिनं याक काय् जुया गनं बिदेशे मछो । हानं चमाजु पिनि
काय्पिसं राजसिंहासने च्वनेगु गोसायाना च्वंगु दु । हानं थन बिज्याकेबले आपालं
पाशा कर्मचारीत ल्युल्यु वइ छपिन्त दुःख जुइ थ्व खें तोता बिज्याहुं धया नानाप्रकारं
खें थिकयाना चित्त बुद्धेयात ।

थुलि ब्राह्मणं धागुखें न्यने धुस्येंलि चित्तबुद्धेजुया थः स्त्री स्वच्छारानीं पुत्री
सुदर्शना मंत्री तथा म्येपिनं मुंका खें न्यंकल । बिबाह कर्म थः थःगु ह्यापायागु भोग
चुलाइगु ख । पुत्री सुदर्शनाया भाग्य बःलात । अतिबीर्य पराक्रम दुहा हानं चतुरंग
बल युक्तह्य चतुषष्ठी बिद्यां पारंगतह्य काशीवेशया राजा बीरकूश यात कन्या दानब्यु
धका धाय्के हल ज्या याय्त्यना सुनानं गनेमते जिनं पक्कायाना छोय् त्यना धाबले
सुनानं मज्यु मधा सकसिनं समर्थन यात ।

भद्रिकराजां पंच ब्राह्मण पित्त थथ्ये धाल थ्व ज्या जिनंयाय्गुजुल गुबले भिगुतिनः

ख बिचारयाना जित याकनं खबरबीमा थ्व खं न्यंकाव्यु । थुगु प्रकारं धागु बांलागु खं न्यना पंचब्राह्मणपिसं आशीर्वाद बिया ज्वे दक्षिणा स्वां धौ दस्तुर मागु फल मूलादि लः ह्लाना बिदाकया लिहां वल ।

अलिन्दा रानी बीरकूश जुजु मंत्रीपि दर्शनयाना कन्यकुब्ज देशया राजाभद्रिकया पत्नी स्वच्छारानीया गभं जात जूह्य सुदर्शना देबी कन्यादान- बिबाह जुइगु पक्का जुल मागु दस्तुर ग्वेनं बिया वय् धुन भिगुदिन सोया गुबले कावेगु खबर याकनं हति धयाहल इत्यादि खं फुकं कन ।

युगु खं न्यना तय्थाय् हे मदेक खुसिजुया पंचब्राह्मणपिन्त जसबिल बस्त्र द्रव्य बिया भोजनयाका सन्तोष यात । बीरकूश जुजुं गुप्तयाना खं न्यन- सुदर्शना देबीया रूप गभ्येचों सुन्दरीह्य खला मखुला जिजक बिरूप जुल कलानं बिरूप जुलकि शत्रुं साय्बुइ धाय् खगु खं कं जित हेके मते । जिपुत्रं धागु खं थिकजु गभ्ये चों धका मांह्य सिनं न्यन ।

पंच ब्राह्मणपिसं बिन्तियात, भो महाराज तथा महारानी ! सुदर्शना देबी २४ बर्षवत घाल युवतीया उमेर दिव्य सुन्दरी अप्सरा तुल्य लक्ष्मी थ्ये चों हिसि दुगुलि भगवती देबी समान । फिगु राजगृहे थुजाह्य आखनं सह्य सुन्दरीह्य रानी म्येपि दं मखु । पराक्रम दुह्य की राजाया पत्नी (महारानी) जुइह्य खः जिमिसं बांलाक सोयावय् धुन हेकागु मखु सत्यनं खः ।

दिन बेला समेत गुबले ख सूचना याकनं बीमाल धकाहल बिस्तारयाना बिज्याय् मते । थय्ये धागु न्यना बीरकूश राजा इतिइति ह्लिला च्वन । मांह्यनं ह्लिला गुरु पुरोहित जोतिष मंत्री सःता धं बिज्यात ।

भिगु दिने स्वयम्बर सहित बिबाहया ज्या थिकयाय् माल । बीरकूश जुजु बिरूप अन वनेबले लज्जा जुइ वनेम्बाक जतनयाय् मालि निश्चित दिन धया छोय्गुनं बिचार या । जोतीषं बिचारयात, माघ शुक्लया पंचमी (श्रीपंचमी) बृहस्पतिबार रेबती नक्षत्र या दिन उत्तमजु धया पत्र च्वया लःह्लात । गुरुपिसंनं थ्वहे पत्र कयना चित्तदुके याना

वा धया पंच ब्राह्मपि छोट । तथाऽस्तु यानावपि अन थ्यस्येलि स्वस्तियाना भद्रक राजायात पत्र लःह्लाना बित्तियात ।

ओ महाराज ! पत्र बियाहगु दिने स्वयम्बर धुंका बिबाह कर्मनं सिधेकेगु - बीरकूश जुजुया राजसिंहासन तोत्ये मजिया च्वंगुलि राजशस्त्र मकुटनं बियाहइ उकीहे स्वयंबरयाना कन्यादान सिधेकेगु । छाया धासा राजमकुट तथा सिंहासन म्येपि राजकुमार पिसं लोभयाना च्वंगुलि थन बिज्याइमखु धयाहल ।

थ्व खं न्यना भद्रक राजां समर्थनयात, अथ्ये जूसा आमकनया कुलानुसारं बिज्याहुं जिनं थिकयानातय् थथ्ये पत्र च याबिल । पंच ब्राह्मणपिसं तथाऽस्तु धया प्रणामयाना थःगु देशे थ्यंका राजसभाय् न्होने वना बियाहगु पत्र चढेयाना धयाहगु खंनं न्यंकल । बिबाह याइम्ह जुजु मांम्ह सकलें धन्य २ करुणामधया कृपाख बिरुप राजा वनेम्वाक ज्या सिद्ध जुइगु धया खुसि जुया च्वन ।

क्रमथ्ये दिन थ्यन मागु ज्वलंफुक तयारयाना गुरू पुरोहित मंत्री जोतीष राज कुमारपि म्येपिइष्टमित्रादि सकल सता थगु देशे दक्क बाजा थाका नृत्य गीत सहित मंगलपूजा नापं राजमकुट शस्त्र किसिम्हय् योग्यगु आसने तया, सल रथस मामापि दर्जानुसारं च्वना देश परिक्रमयाना बीरकूश जुजुया बिबाहोत्सव लोगु ज्या याना यथाक्रमं जन्तवन ।

कन्यकुब्ज देशे थ्यन राजगृहेनं बांलाका तल शुद्धगु थासे बिबाह मण्डप दय्का यज्ञ होमार्चन कलश पूजायाना अष्ट मंगल चिह्न ध्वजा पताकादि किंकिनी जाल पुष्प माला देवमूर्ति प्रतिमा थाय् थासे प्यना जलं पूर्णगु सुवर्णघट लुखार्पित्ति जवे खवे तया स्वां ताय् सिह्ल धौ कौशेय बस्त्र (तास तिनिछवा क्वेचि) बस्त्र लोलोगु थासे तया तगु थासं दुकया दर्जस्विया आसनेतया मंगल बाजा थाका पुइका निख्येसनं उत्सवया ज्या आरंभ जुल ।

उगु शुभ बेलास भद्रकराजा स्वच्छारानी सहित नापं च्वना पुत्री सुदर्शना भात लोगु वसतिसां पुंका तीका स्वांमाला ज्वंका यज्ञमण्डप त्रिप्रदक्षिणा याका बीरकूश

जुजुया चिह्नं राजमकुटं तथा शस्त्रं तयातगुं थालेनं स्वचां चाहुइकां स्वयम्बरं या ज्यां
स्वांमालानं कोखाय् कल ।

अनंलि मां अबुं निहसिनं पुत्रीयागुं ह्लाः ज्वना बीरकूशं जुजुं भापायानां
स्वयम्बरं यांनागुं चिह्नं राजगुरुं पुरोहितं यागुं बाक्यं प्रमाणं कन्यादानयानां सिधय्
कल । । विद्वांन् राजगुरुं पुरोहितं बाक्ययागुं थथ्ये उल्लेखं दु ।

मूल

ऋदिबान् श्री बीरकूशं नाम नृपहस्ते दंपती सहितेन पुत्रीं
सुदर्शना देवी कन्यादानं संप्रददे । ० ।

अर्थ

पराक्रम श्री बीरकूशं नाम जुजुया ह्लाते दंपती सहितं जुया पुत्रीं सुदर्शना देवी
कन्यादानं यात । थुजागुं शोभाखना देवतापिनि बिवाहथ्ये बांला धया अनर्चोपिं
सकलया लेः ताया मंगलोत्सवयाना धन्यं प्रशंसा बिया सकसिनं सोया च्वन ।

राजमकुटं शस्त्रं तयातगुं आसने नापं सुदर्शनादेवी फेतुका मां अबुपिसं कलशा
भिण्येकं सिह्नं स्वां धौ सगं बिया ताय् फलं स्वां अक्षतं सहितं फंलुना पुत्रीदानया व्वसं
बिया मंगलयात । गुरुपिसं थुगु प्रकारं आशीर्वादं बिल ।

मूल

श्री बीरकूश भूपपत्नी त्वं मसि सुदर्शना महिषी ख्याता च
दीर्घायुं निरोगी सुखं श्रवणानन्दं भूयात् ।

अर्थ

श्री बीरकूश जुजुया स्त्री छ जुल सुदर्शना महारानी थनिं निस्ये प्रख्यात जुया दीर्घायुं
निरोगी सुख ऐश्वर्य आनन्द सदानं जुइमा । ० ।

तथाऽस्तु धया सुदर्शना नृगमर्छितानं ख्वाः चक्रंका गुरुपिन्त प्रणामयाना मां अबुया पालि भोः पुया मंगलया ज्या सिधय् कल । सुवर्ण वहया वसा अनेक रत्नादि तिसा कौशेय बस्त्र (तास तिनिख्वा क्वेचिं) कोसनं पूर्ण जुइका राजगृह पित हया नाना बाद्य गीत नृत्य याका देशे देबालय भ्रमण सिन्धुर जात्रायाना मां अबु मंत्री गुरु पुरोहित तथा म्येपि सकसिनं लस्वका चिभायं भूमी धैगु थासे थ्यस्येलि परस्पर आदर पूर्वकं थितिख्वा स्वया दीप च्याका कोमल बचनं बिचाखँ (स्नेह बार्ता) ह्लाना बिदा कया लसोवपिं सकलें राजगृहे लिहांवल ।

बीरकूश राजाया प्रमाण राजमकुट राजशस्त्र तयाहगु किसिह्यय् नापं सुदर्शना देवी तया जन्तवंपिं सकलें मंगल बाजा थाका लिहांवया काशीदेशे राजगृहया क्वसं लुखास थ्यस्येलि अलिन्दारानी पुरोहित मामापि च्वना मंगलपूजा जवे खवे मत कलश सहितयाना संगं बिया राजगृहे दुतहया भण्डाखाल (क्यवे) बांलागु छें तय् यंकल ।

बीरकूश जुजु कसी च्वना मुसुमुसुं ह्लिला सोया च्वन । सुदर्शनाया रूपखना अतिखुसि जुया हर्षयात । थनंलि सहज यान क्रिया स्त्री पुरुष निह्य नापं च्वना शिर थोका कलशाभिष्येक धुंका छगु थले निह्य दंपतीया सहभोजन बिधान रूपं उद्ध भाग स्वर्ग व पाताले च्वंपिन्त बिया निह्यसिया परस्पर अमृत भापा तोना मंगल बाक्य गुरुपिसं बोका तंत्रयाना क्रिया सहभोजन याकेगु सल्लायात ।

अलिन्दारानी न्हिला धाल गुरुपिं थ्वज्या गृहस्थधर्म बिधानरूपं याय्मागु खः । पुरुष राजायाख्वा बिरूप, स्त्री सुदर्शनाया ख्वा दिव्यरूप सुन्दीह्यसिनं खनीबले मनस दुःख जुइका खोइ । अनेक जतनयाना अप्सरा तुल्यह्य भौमचाहय् धुन-थुगु क्रियास गुरुपिसं छुयाय् माल जतन जुक्तियाना बिज्याहुं ।

गुरुपिसं छुं धन्दामदु जिमिसं जतन याय्गुस्युः धया भण्डाखाले (क्यवेसं) यज्ञशाला वय्का माघ कृस्नयादशमी खुन्हु रात्रिस तृतीयप्रहरे शुभ वेलाय् बिवाह क्रिया यज्ञ होमार्चन आरंभयाना समागम प्रीति धैगुज्या दपती सहित कलशाभिष्येक निह्यसिगु शिर नापंतया (थोका) कलशया जलधारा हाय्केगु (होकेगु) ज्या यात ।

मूल

ततो यज्ञ प्रदिप्तेऽसौ धूमं व्याप्तैः समन्ततः ।
प्रदीपे निस्प्रभे ध्वान्तेऽनभि लक्षित रूपके । इत्यादि ।

अर्थ

अनंलि उगु समये यज्ञशालास प्यागु सितया मिछोय्कल मिमच्याना कुंजक वय्का प्यंगुदिगसं च्वंगु मतस्याना मेथाय् च्वंगु मत चीप्वायाना खिउँस्ये च्वंका यज्ञस बांलाक मिमच्यागुलि खा खंकेमफुत । उगु अबस्थाय् बीरकूश एकान्ते सिंहासने तया खाखने मदय्क कुसां कुइका तल ।

थुगु इले सुदर्शना देबीया मिखास कुंवगुलि मिखाकने मफेका ह्लाति गिलि गिलि याना खोबि वय्का लुमार (बस्त्रं) तोपुया च्वन । थुजाबले सुदर्शनायात यज्ञमण्डप प्रदक्षिणायाका बीरकूश राजायात हानं कन्यादान बिल । अनंलि शिर नापं तया कलश जल हायेका होँकेगु बिधि सहभोजन समेतं याकनं सिध्यक्कल । भातया खा मखंका बिल सुदर्शना थनायंका अलग तया मागु बिचार यात ।

बीरकूश जुजु तय्थाय् मदय्क खुसिजुया पंच ब्राह्मण ज्याय् च्वंपि गुरु पुरोहित मंत्री मामापिन्त सुवर्ण दक्षिणा अमूल्य रत्न बस्त्र इत्यादि सिलपा बिया सन्तोष यात । माँहसियानं बिरूप पुत्रयात सुन्दरि स्त्री भौमचा चूलागुलि खुसिजुइका देवयोग धन्य भाग्य पूर्वजन्मया भावी ख धया भौमचा यात बिचार याना च्वन ।

लिपा माँहस्ये थय्ये चिन्तनायात भातया खा भौमचां खनीबले छु धाइगु जिनं छु खँ ह्लाय्गु । छु जुइगु छु सोय् मालीतिनि छु धया भौमचायात चित्तबुद्धे याय्गु । थौहे काय्या कोथाय् छोय् मागु खः । काय्यात खँ न्यंका कोथाय् मत च्याकेगु ज्या याके मजिल धका जतन पिकाल । काय् यात थ्वखँ स्यना चित्तबुद्धे याय् धुंका हानं बिचार याना च्वन । बीरकुशया कोथास् च्वना हर्षजुइका मनं खँह्लात । अहो हेदेव करुणामय ! थनि जि भाग्यमानि जुल अबुं जित राजा याकेमखूगु अनेक जतन याना थकल । जि माँनं अष्टमीव्रत यागु प्रभावं करुणामयया सुदृष्टि खगुलि सिंहासने च्वना

राज्याभिषेकनं कया सुन्दरीह्य पत्नीनं विबाह याय् सिधल धका हर्ष याना याकचा मुसु
मुसुं हिला च्वन ।

थुगु बेलास अलिन्दा रानीनं भौमचा थःगु कोथासयंका खं ह्लात । हे सुदर्शना!
छनं जुजुया पुत्रीखः भातनं जुजु छ महारानी जुल छगु खं कने- दन छेया पुलांगु कुल
थिति छगु दु छ दिक जुइ, जुइमते । जितनं जिमाजुं खं न्यंका यात जिनं यानागु खः । छु
धासा जिकाय्या कोथास अनेक प्रकारया ह्लापा जुया वंगु खं च्वया बांलाका तगु जुया
बहनी मतच्याका दने मज्युगु थिति दु । छं मतीछुं संदेह काय्म्वाः धया चित्त बुझेयाना
दनेगु ई जुस्येलि भौमचायात ह्लाःज्वना काय्या कोथास तया मत छता च्याकेमते धया
मतस्याना थःगु कोथास वन ।

सुदर्शना खातास च्वना च्वन- बीरकूश काय्यात छोयाहल हिलाद्वाहां वषा
स्त्रीनापं च्वना निगु प्यंगुभिगु खं ह्लाता थःथःगु इच्छा पूर्णयाना निह्य शयन जुल ।
मुथह्लापां बीरकूश दना छछ्ये मुला च्वन । सुदर्शना लिपादना कोथां पिहांवल माजुवषा
थःगु कोथास यंका कोथास मतच्याका दनेमज्युगु अनेक बाखं कना हेका सन्तौषयाना
बित्त्यकर्म सिधय्का इलेनया त्वना भौमचायात अमृत्यगु वस तिसा बिया पुंका तोका बः
धागुतक नका मानेयाना दिन भोगयाना च्वन ।

राजगृहेच्वंपिं म्येपिं सकलयातनं काय् बिरूप जुया नित्ति कलायात खा वयने
मज्युगु कारण भौमचां मती दुःख ताया थन मच्चंस्थे थःछे वनि मवइ धैगु निमित्ते
मामागु खं बिया राजा बिरूपगु खं गोप्य याका तल । सखीजनपिन्तनं धया खं
न्यंकल सुदर्शनायात कनेमते न्यन धासानं कनेमजु कन धासा कंहसिगु म्ये ध्यना सास्ति
याय्गु धया ख्याना तल ।

खुला पुलावस्येलि सुदर्शना रानीनं मती दुःख ताया एकात्तेच्वना थथ्येः त्रिन्तना
यात थः स्वामीखः भातया खा थौतकमखं ह्यमस्युनि उजाह्य स्वामीनाप मत मद्रु
बिउं कोथास च्वना अनेगु तालं ख्याखं ह्लाता राजा रानी दनेगु छु थिति यानातगु ।
बि काय् थ्व धका माजुनं मक्यं न्यंसा अनेगु तालं मचाहेकेथ्ये बाखं कना खं तोपुया
ह्योका नेगु ।

थ्व छगु हेतु अवश्यनंदं - अन्धकारयाना थः स्वामीनाप च्वनेमागुनं बांलागु थिति जुइला । दिनस थःगु कोथाय् च्वनेमदु माजुया कोथाय् जक च्वनेगु । रात्रिस दोष हीनयाना अन्धकारं च्वनेमागु थ्व छु कारण जुइ धका मती आपालं तापयाना च्वन ।

सुथे तुति भोः पुइतनं मिखातीसिना गां ख्वा तोपुया भाजियाय् मागु । हानं स्वामीयान बांलागु चित्र च्वयातगु तासयागु बस्त्रं ख्वा तोपुया भाजि याकीगु माजुनं न्होने च्वंवडगु खें ह्लाइ ख्वा उली धका । थुजागु थिति स्वयाछेंनं दैमखु न्यनेनं स्वेनं मनं । हानं किजापिनि धासा ख्वा स्वेगु कोथास मतनं च्याकेगु फुकंज्यु दाजुह्य राजा छह्यसिया जक थुजागु थिति छायागु हानं भातया ख्वा जिं खनी धका कोथाय् रात्रिस मत च्याकेमव्यु खिउँबले सुथह्लापां भात दना कोथां पिहां वनीगु । कलानं स्वामीया ख्वा स्वामी स्त्रीया ख्वा स्वेमालि ह्यसोकि धका स्वयांमदुगु याइमखुगु रीति थिति याकातल गनं सुला सुला जिगु ख्वा सोइगुनं जुइफुः जिनं अय्ये सुना ख्वासोय् धासा माजु अथवा सखीपिसं जित पलखहे मतोतु ।

स्वयम्बर याबलेनं मकुट राज शस्त्रस, थनहया होंकूबले मिखा कनेमजीक कुं जकवेक यज्ञहोमयाना सिधेकल नापं च्वंह्य स्वामीया ख्वा छक स्वे धका तीजक गाउला बले मिखा कनेमजिया पालुया ख्वा गां तोपुइ माल ।

नीतिस धयातर्ये, कांमयात न्हें कनेगु, ख्वाय्ह्य मनुयात म्ये हाना मनेगु, मूर्खयात धर्मया खें कनेगु छुं शोभाय्मदु थय्ये स्त्रीजुया च्वना जिगु सुन्दरीगु शरीर स्वामीयात कनेमदु हानं स्वामीया रूपनं थय्येच्चों धका मखंनि मकयं सोय्मज्यु निहासियां यौवन युवतीया रूप शोभाय्मदु ।

थय्ये दुःख मतीतया बांलाकेगु ज्या मयास्ये खिउँख्वा याना च्वन । माजुह्य कोथास वया हेकल छाया मती दुःख ताया ख्वा खिउँका च्वनागु थय्ये धाय्वं भौमचां खोबि वय्कल । अनुमान सीका आदर तया ख्वाले पिया माजुं हेका धाल छाया दुःख तायागु । भौमचां बिन्तियात, भो महारानी माजु थन छपि मां खः ।

जि स्वामीया ख्वाः स्वेमदु छुयेमदु स्वां खाय्मदुगु फल सोमदु प्याखें न्यमदु बाखें लोकमदु जात्रा दुरू धौ घ्यः मदुगु भोजन धाय्ये भातया ख्वा सोय् मदुगु छें च्वना

शरीर बांलाकेगु छुं शोभामदु स्वामी थौतक म्हमस्युनि खा मक्यंगुलि स्वामीया
 मुख दर्शन मदुगु थिति छे कोथा जिगु शरीर बांलासानं जिगु भाग कर्म धिकार खः
 । ह्नेक स्वया बांलाकेगु शिरे स्वांछुइगु सिह्ण तोगु बांलागु वस पुनेगु तिसां
 तीगु फुकं थनींनिस्ये तोतेगु जुल । जित थन बियाहगु खुलादय् धुंकल छक जिमां अबुया
 खा सोय्गुनं लुमनावल धया नुगः मथिकल ।

भौमचाया तालस्वया मानुं चित्त बुकेयात । सुदर्शना भौमचा छ थनया महारानी
 जुजुया स्त्री खः । बिधवा मिसां खें ह्लाय् थ्ये खें ह्लात म्येपिसंस्सूसा छन्त धिकार
 बाइ । महारानी जुया धिकार धाय्का च्वनेमज्यु म्येपिन्त कोथास मत च्याकेगु मदु
 इत्यादि कोथाखें नापंछनागु खें ह्लाय् मज्यु अनेक तालं ख्यायाना च्वने दस्येलि खाहे
 स्वेमा धेगु छुदु म्येपि भौमचात सखीपिसं थ्वखें न्यन धासा मद्यामजूहा मिसा खनि
 महारानी जुयानं उजानं उजागु खें ह्लाय्गुला धया गिल्लायाइ ।

छेया शोभादय्क बांलाका माजु भातयात सेवायाना भौमचा लसीवेका जुइमा ।
 बचाछह्य मदुतले भातया खा सोय्गु कोथास मत च्याका छनेगु थिति थन छें ह्लापां
 तिस्ये मदु । थथ्येहे जितनंयाना तल मचाछह्य दस्येलि तिनि छं धाथ्ये यानातगु मयास्त ।
 भाः छनं बिस्तारं स्वामीया खाखनि छुं धन्दा काय्म्वाः धया ह्लिला भौमचा लिस्ये
 खाखें ह्लाना चित्त बुकेयात ।

माजुया खें न्यना ह्लापाथ्ये भौमचा जुया बांलाका मतंखें ह्लाना जुल । छन्ह
 राजा रानीनिह्य रात्रिस शयन जूबले गुह्यचर्य रसमोह जुइका प्रथम बाक्य क्रिडा द्वितीय
 चुंबन क्रिडा तृतीय स्तन मर्दन क्रिडा चतुर्थ दन्तप्रहार क्रिडा पंचम आलींगन क्रिडा
 इत्यादि जुस्येलि सुदर्शना स्त्रीनं बिनित्यात । भो स्वामी ! ह्लिह्लि ह्लिला ख्यस्वजक
 ह्लानानं छुयाय् खाः सोय् मदु थौजा मत च्याका खाः स्वयां तोते ।

खाखें ह्लाय्ज्यु खा क्यनेमज्युगु कारण छु थिति । खा ह्य मस्यंह्य पुनः ख्यामखंह्य
 यात ह्यमस्युह्य धासानं ज्यु । म्येपि मिसातजूसा उजाहा भातधका गिल्लायाना कोथास
 नाप च्वनीमखु जिस्वफाह्य जुया धाधागु खें न्यना च्वना थौं मतच्याका खाक्यना
 बिज्याहं ।

यथ्ये स्त्रीनं धास्येलि भातहसिनं खं न्यंकल, अरे प्रियस्त्री! छंधागुखं तथ्य
बचनखः छन्त जिमांनं धयातगुदु जिनंमांया बचन पालनयाना च्वना, छं जिगुल्वा स्वेपु
इच्छादुप्ये जिन छंगु स्वास्वेगु इच्छादु-थ्व फिगु कर्मभोग खः । हताय् चाय्मते इच्छापूणं
अवश्यनं जुइ थ्व जि मांया बचनमदुगुलि खः धका छंसीकि धया बुक्यात ।

छन्हु रात्रिस हानं सुदर्शना देवी वहे खं न्हयना बिन्तियात । थौं तुति उसिउत्ति
याना स्वामी सेवायात धका लेःताया मतच्याका खा क्यना बिज्याहुं । सूर्ययात सुपाचं
किना च्वंगु थ्ये स्वामीया खा पत्नीनं स्वेमदुगु थिति थन छेजक खः । गनं म्येथाय् दइ
मखु । मतिनाह्य स्त्री जिखसा मतच्याका रूपक्यना जिगुमन सन्तोष जुइकि मतिनाह्य
स्त्री जि मखुसा छुयाय् ।

राजा रानोजुया च्वना, राजां रानोयागु रानींराजायागु रूपमखं मस्यु थुजागुनं
चालायाय्गु ला, गनंमदुगु रीततोता दीप च्याका खा सोय्माल मखुसा जिगुकर्म धिकार
धया अनेक चिन्तनायाना खोल । भातहसिनं बिस्तारं खं ह्लाना हेकल छ सन्धान स्नेही
प्रियस्त्री हानं म्येह्य जिमदु सीकि गुलि धाय्गु मांया बचन मदुतले थ्ये जुइतिनिछं
धागुखं जिनंइच्छादु मचा मदुतलेजक थ्ये जुइगुखः जिमांयानं थ्येहे जूगुलि जितनं
अर्थात् छन्तनं युगु रीतयागु खः छुं संदेह याय्मते । जिमांया सन्तानमदया अष्टमीव्रत यास्ये
लि दुह्य काय् छं जिगुखं लंघनयाय्मते यात धासा पापेपुनि थ्ये मानं धयातगु दु ।

न्ह्यागु ज्या याय्नासानं मांयाके भचनकयाजक याना च्वना धया मौनव्रतयात
छुं मधास्ये संक च्वन । थ्ये स्वामी संक चोस्येलि सुदर्शना कसुका तथा थःगु इच्छा
पूर्ण गजगुलि म्येगु लासास भोसुला च्वन । थुखुन्हु रात्रि वस्येलि ह्लापानंदना स्त्रीनं
मखंक राजाकोथां पिहाँ वया मांयाकोथास वना पालि भोःपुया स्त्रीनं धागु खं फुकं मांयात
कन । मानं काय् यात मागुखं ह्लाना सन्तोषयात काय् खुसि जुया थगु ज्याय्वन ।

लिपा सुदर्शना वना वया मिखाय् खोबि वय्का माजुया कोथास वना तुति भोःपुइ
वुंका बहेखं न्यन खिउं कोथास छनेमागु थिति म्येपि राजापिसं सिलधासा गुलिजक
श्रामलाक गिल्लायाइगु जुइ । थ्व थिति छु कारणं खः जित मह्येकुस्ये धया बिज्याहुं ।

थन जि बिया हगु खुला पुलावन थौतकनं भातया खा मकयं ह्यमस्युनि जिगुमन चमकं ।

माजुह्यं हिला घाल सुदर्शना छन्त ह्यापानं धाय् धुन जितनं जिमाजु ससअबुं थय्ये यानातल जि छंथ्ये धाय् मद्धा छं सुथह्यापां त्रिरत्न नाम काय्गु तोता रात्रिस मत च्याका छनेगु स्वामीया खा स्वय्गु खँह्लात थन छया कुलंवगु थिति खः मचामवुतले जक थय्ये जुइगु धाय् धुन छं लोमनला म्येपि राजापिसं बीरकूश राजा या कला सुदर्शना रानी लज्जा तोता खँ ह्लात । । मत च्याका भातया खा सोया खायाके मव्यु धका माजुया न्होने च्वना खोइम्ह भौमचा धिकार मधाइला थ्वखँ सुनानं सीके मज्युनि स्वैतनं कनेमते घन्दा काय्न्मवा गोप्ययाना च्वं छन्हु मौका वइतिनि ।

सदानं थय्ये जुइगु मखु खोय्मते खाः चक्रंका मागु ज्याया धया बुकैयात सुदर्शनाया मनसन्तोष मजु तथापि मामागु ज्यायाना च्वन देशे अथवा छं गुजागु जागु कुलाचार थिति दयाच्वन । जिगु केबल भातयागु यौवती युवनया अवस्था रूप स्वय्मदु मचा मन्त धासा जन्मकार्छि(मसीतलें)खास्वे दैमखुगु थिति जुल । गुलिसियां बाजा वनीगु अवस्थाय् मचादुपिनं दु जिनं अथ्येजूसा बुढा बुढी जुइबले तिनि खास्वेगु कोथाय् मत च्याकेगु हानं ह्लिने थःगु कोथाय् च्वनेदैगु जुइ । थुजागु असंभवया कुलाचार मानेयाय् मागु जिगु कर्मनं धिकार धया अनेक तर्कनायाना च्वन ।

छन्हु सखीपिके गोप्ययाना न्यन छिमिसं राजा रानी जिमित मानेयाना च्वन जि खुसिजु । कीराजाया खा एवं रूप गथ्येच्वं हाकुला तुयुला बांला वांमला गुजागु तालखः पराक्रम तेजदुला मदुला मह्येकुस्ये जितकंसा जि तस्सकं लेः ताइ सिलपा बी छक कं खिउँ कोथाय् छनेमागुलि छता जित दुःख मन जुया च्वन ।

खँ ह्लाइगु हानं ख्यायाइगु धासा आपालं हिसिदुगुलि खा सोय्गु इच्छा जुया च्वन । । रानीया थुबु बचन न्यना बिस्तियात, भो मालिक ! थुगु खँ कनेत थाकु तेज पराक्रम ज्ञान गुण सिद्धि यकोदु वसपोलया तंता आपालं दु यको मनुत वया च्वनीगुलि जिपि न्होने वनेमज्यु खासोया खँ ह्याय्गुनं गुबलेंमनंगुलि राजाया रूप खा बांलाक जिमिसनं धाय्थाकु थुलि धया क्यछुना ह्लिला म्येगु थासे बन ।

न्यंसा मुनानं मकंस्येलि छन्हु हानं माजुया कोथास चंबले वहे खं न्ह्यथना भातया रूप खासोय्गु बिनितयात । भो महारानी माजु ! जिनं मती आपालं अन्दोल जुइकाचवना । स्वामीया रूप खा मखंगु हामस्पूगुलि मन अथोर जुया उजि जुइन छथाय् वना प्राण त्यागयाय् त्यना । लिपा पश्चात्ताप काय्मालि याकनं बचन बिया जिस्वामी म्हसीगु ज्या याय् माल घया खाखिउंका तमं धाल ।

अलिन्दा रानीया मती गरख्येस्ये चवका ग्यागुलि बिचारयाना खं न्यंकल । भोमचा मन शान्तिया थनि प्यन्हु दर्शनशालास राजा सिंहासने तया वयने सुवर्णया छत्रंकुया सिंहासने चवनीबले बिना आवरं न्होनेवना बिनित यावने मज्यु छनं राज पुत्रीख सीकि । । बुलि माजुं घाबले भोमचाया मनहताय्चागु छुथ्ये ध सा- नीति शास्त्रे घयातगु दु - चौकात ऊंग (म्हिलाँ ऊंग) पंछिया बहनी चन्दमा दर्शनयाय्गु, रोगीया बैद्यया खासाय्गु भक्ति जनपिनि इश्वर (देव) दर्शन याय्गु युवती स्त्रीया पुरुषभजेयाय्गु, युवन पुरुषया स्त्रीनाप प्रीतियाय्गु, दारिद्र्या तृप्तजुइकनेगु, त्वनेगु, पुनेगु, व्यवहारे भुले जुसहया भवे नेगु, निर्बुद्धिया ऊठ्ठा खं ल्हायगु बुद्धिमान्या काव्य दर्शनशास्त्र सोय्गु, ज्ञानि गुणिकया धनं शास्त्र विचार याय्गु, बणिक जनया व्यापादं त्याकेगु, गृह्या सीम्हयागु मांस नय्गु हंसराजया पुखुलि म्हितेगु, विद्वान् सद्गुरूया ज्ञानोपदेश बीगु, विद्यार्थीया याकनं विद्यासेका उत्तीर्ण जुइगु, देवतापिनि अप्सरापि लिस्ये भुलेजुया ऐस भोगयाय्गु, बंत्यपिनि अभिमानयाना कामीजुइगु, मनुष्यपिनि स्वर्गवनेगु, महर्षि योगी तपधारिपिनि मोक्ष वनेगु हताय् चाइ । श्वथ्ये सुदर्शना रानीया भात बीरकूश राजाया रूप एवं खा सोय्गु हताय् चाल, प्यन्हु बिकेतनं प्यला फुकेगु थ्ये हताय् चाया चवन ।

थुजागु अवस्थाय् अलिन्दा रानीया मन अथोर जुइका राजगुरु पुरोहित मंत्रीपि मुना गुप्तरूपं सल्लायात । धार्मिक सुमति मंत्रीजुं बिनितयात, भो महारानी ! न्यना बिज्याहुं धर्मेनं कर्मेनं राजनीतिनं पुनः राजारानी निम्हसितनं लोगु मन सन्तोषनं जुइगु ज्या जिनंकने । । कनाथ्ये ज्यानं यासा असल जुइ घया मागु सल्ला सिधेका सकलें लेःताया प्यन्हु खुन्हु प्रातः समये गोप्यगु सल्लाथ्ये दर्शनशालास उच्चगु थासे सिंहासने बीरकूश राजा बिज्याका सुवर्णया राजछत्र थमंज्वना फुइका तल । न्होने बालाम्ह दातिम्ह किजा इन्द्रकूश राजकुमार यात म्येगुहे (नकलिगु) राजमकुटं पुइका

फेतुका म्येपि राजकुमार तथा सकलें छद्मालं च्वना चोंबले देवशोभातुल्य बांलाना च्वन ।

थुजागु इले अलिन्दा रानी व भौमचा सुदर्शना निम्ह नापं न्होने कसि च्वना सोत हूँका छं स्वामी जिपुत्र बीरकूश राजा सुवर्णया राजाछत्रं कुइका च्वंम्ह खः बांलाक ताउति बिचारयाना स्वया. म्हसीकी धया पतिचां बयन । । थय्ये मांजु धागु खें न्यना सुदर्शना रानीया बिचार न्होने दना च्वंम्ह सुन्दररूप इन्द्रकूश यात स्वामी निश्चितयाना मिखापति मयास्ये ताउति स्वया मुसुहुं ह्लिला धंन्य २ जिगु भाग्य सुन्दर रूपम्ह जित लोम्हहे पुरुष ख धकाअति हर्षजुइका सन्तोष जुल ।

उगु समये बीरकूश जुजुं दिव्यरूप सुन्दरीम्ह कला सुदर्शना खना लेःतायस मिखां भाउयाना ह्लिला शिर लुकु लुकु संका सोया च्वन । अथ्येयाना सोगुलि सुदर्शना या मती तँमोगुथ्ये जुइका माजुयात धाल । भो महारानी ! थनि जिगु मन सन्तोष जुल सुन्दर रूपम्ह स्वामीया खवा सोय्धुन जिगु भाग्य खः ।

लिउने च्वना कुसांकुइका च्वंम्हस्ये जितसोया मिखा पतिपतियाना इसरा बिया छथोंसंका मिखांभाउयाना ककुताहायाना गनंमसोस्ये जितजक सोयाच्वन । थुजाम्ह ग्यानापु खवा बिरूप अघोर मूर्तिम्ह सिनं जि स्वामीयात कुसांकुइकेगु मलो । थ्वया माँ अबु सु गनचोंपि थ्वया माँजा गर्भनापं अशुद्धम्ह खः छु यानाबगु पापं थुजाम्ह हिसि मदुम्ह सिनं मालिक राजाया पत्नी महारानी जित हेलायाइम्ह छिगु राजगृहे थ्वछम्ह तस्सकं हे मलो कन्हेनिस्ये दुकाय्गु योग्यमजु । छिगु सुन्दरगु राजगृह (छें) नापं बिशोभा । धिकार थ्वयागु रूप खवाखना जिगुमन ग्यास्ये दल थ्वजाम्ह सिनं जिभातजुजुयात कुसांकुइके मते मलो । म्येम्हहे बांलाम्हसिनं कुशां कुइकेगु ज्यायासा बांलाइ थ्वजा जित मन सन्तोषमजु ।

जुजुयानं छपिनिनं गथ्येयल जिजा मिखानं सोय्मय जुजुनापं थीक च्वना च्वन वहनी कोथास स्वामीयात धया थ्व बिरूपयात पितनेगु जिनं जतनयाय् मज्युला ।

भौमचां थथ्येखें न्यंकूगुलि मनस दुःख तासानं ह्लिला धाल । भौमचा छ मस्यून

व बिरुप छत्रधारी ऋगुदेशे प्रजापिन्त रक्षायाय्फुम्ह महाप्रज्ञावन्त चतुषष्ठी शास्त्रं पूर्णम्ह
शत्रुपिन्त त्राहिबिया भय मदेकीम्ह नीचजाति मखु श्वया माँ अबुनं क्षत्रिजाति राजाया
कुल घरानिपि खः ।

हिसि दुम्हजुया सकलया य दयाधारी बुद्धिगुण ज्ञान यश कीर्ति क्यना च्वंगुलि कीगु
देशे राज्यस्थोर जुया बांलाना च्वन सकल राजापिसं प्रशंसा यानातल श्व तँ मोय्केमज्यु
पराक्रमनं यकोदु म्येपिं राजकुमारपिन्त त्याकेकुम्ह खाः बांलाना छुप्राय् - ज्ञान बुद्धि
धर्म मदुम्हयात लोकं मानेयाइमखु । श्व छत्र धारी रूप मदुसानं रत्नसमानं ज्या खँ
बांलाम्ह खः मानेयानातय्गु योग्यजु । श्वैत उपहासयाना पितनेगु खँ ह्लातकि छं भात
तँ चाइ श्व तँमोलकि अनेक बिघ्न जुइ । थुलिया कारणे छत्रधारीयाना मानेयाना
तगु । छं सीका लिपा थ्यंकनं बिचारयाना च्वं ।

श्व खँ म्वाल छं भातया खाः स्वय्गु गातलाकि मगानि घास्येलि हानं भौमचां
धास स्वामी साक्षात् इन्द्र समानं बांलाह्य जुया खा स्वेमगानि लिउने च्वंम्ह छत्र
धारी छम्ह सोय्मय । जि स्वामी महाराजा बांलाक म्हसिल सन्तोष जुल धया
माजुनं भौमचानं कसीं क्वहां वया माजुयागु कोथास वना अनेगु तालं खँ ह्लान च्वन ।

रात्रि जुस्येलि थःगु कोथाय वन भात द्वाहांवबले सुन्दर रूप मतीतया मत
मदुसानं चित्त चंचलयानां स्वाभीनाप प्रीति हर्षमानं रसक्रीडाया खँह्लाना लिपा भात
यात विन्तियात । भो स्वामी ! छपिंगु रूप दिव्य सुन्दर इन्द्र तुल्य जिगु भाग्य
खःसन्तोष जुइ धुन ।

कुसां कुइकीम्ह छम्ह छपिन्त तस्सकं मलो चन्द्रमायात राहुंज्वनीथ्ये बिशोभा
जुल । श्व बिरुप अधोर मूर्ति ग्यानपुस्ये च्वंम्ह बिसिद्धियात राजसभानापं बांसलाक
सुवर्णया राजछत्र ज्वंकेगु ज्या तोता बिज्यहुं / लिपा जिमचा दइबले थनकोथास् छपिसं
व बिरुप बोना बिज्याइ श्व खना जि त्राहिमानं ग्याः / जिगु सहस्र विन्ति दु श्वयात
वेम्वाल धया बिदाबिया छो /

श्व खँ न्यना बीरकूश मनेदुःख ताया खछि सुंक च्वना घाल, हेप्रिये ! श्व छत्रकारी

खना छ त्राहि जुइम्वा स्वैतनं छुं अन्याय याइह्य मखु थन छे थव्यागु छुं अधिकार दु वय्
म्बाल धकाबिदा बीत मांयाबचन मदेकं मज्यु । थ्वैत निन्दा याय् मते थ्व राज्यस
ऐश्वर्य फुकं- थ्व छत्रधारी यागु जुया च्वन । बिरूप जुसानं जित यो मान तया च्वं दुःख
ताय्मते धीरया । स्वामी थय्ये धासानं सुदर्शनाया मन सन्तोषमजु तथापि न्ह्योवय्का
रात्रिकतेयात ।

छन्हु बीरकूश जुजुया ह्लिने सुन्दरीरूप स्त्रीया खा सोय्गु इच्छाजुया मांयात
बिन्तियात । भो जननि ! छुयाय् जिगु बिरूप क्यने मज्यूसानं सुदर्शनाया जौबन ह्लिने
छक सोय्गु इच्छा जुल छुयागु । थय्ये धागु न्यना मांम्हसिनं पुत्रयागु अभिप्राय सीका
न्हिला धाल । हेपुत्र ! न्हिने स्त्रीया खा स्वय्गु तापात ख हताय् चाय्मते छंगु इच्छा जिनं
पूर्ण जुइका बी । संसारे स्वयांमदुगु तालं ज्यायाय् माला च्वन ।

थानिं प्यन्हू छ न्हिने क्यबेवना छथाय् मखंक सुला च्वं, सखीपि नापं सुदर्शना छोया
हय्छें मनोरथ पूर्णया । मांया बचन न्यना सन्तोष जुया प्यन्हु छन्हु क्यबेवना छथाय्
सुलाच्वन । उगु बखतस बसन्त ऋतु जुया च्वन सुदर्शनाया मन चंचल जुया च्वंगु सीका
माजुम्हसिनं न्हिला बचनबिल छे जक च्वनेगु म्हाइपुस्येच्वं खः क्यबे सखीपि नापं छक
चाहुला सोहुं शीतलगु फसं केका शरीर आनन्द जुइका वा ।

क्यबनाययातनं मागु खँ स्यना बांलाका तल । थुगु समये सुदर्शनादेबीसखीपि-
नापं क्यबे वना नस्वागु स्वां थोया नत्वना शिरे छुना ख्याखँल्लाना ह्लिला ह्माति म्हाति
स्वांछुना थाय् थासे उख्ये थुख्ये चाहुला पुखुली निर्मलगु लखं पूर्णजुया च्वंगु थासे
वना ल त्वना सिमाक्वसं फेतुना सखीपिनाप ख्यायाना शिरेदाया कुचुकुचु नका
इति इति ह्लिला छयों ल्वाका पंखानं गाय्का शीतल जुइका लिया सखीपिसं गाचो
ज्वंका म्ये हाला प्याखनं हुला सखीपि नापं तेल कासा म्हितल । स्वां फल सहित जुया
च्वंगु लतागृह (लहरा वना बांलाना च्वंगु) खना सुदर्शनारानीं अन द्रहां वना सुला
च्वन ।

उगु थासे ह्लापां सुला च्वंम्ह बीरकूश जुजुं स्त्रीयागु जौबन सुन्दरी रूप खना
कम्परागं सहलप्ये मफ्या तीजक वया सुदर्शना थः स्त्रीयात घेः पुना चुपानया स्तनमर्दन

आलींगन मुद्रायाना दुने बांलाकातगु थासेयंका थःगु इच्छा पूर्णयाना तोता थः उगु थासेनं दुने वन ।

थुजागु बखतस रानीया ख्वा मन गरखेसे जुइका ग्याना हेदैब थौंजिगु शरीरफुत जिस्वामीं सिलकि छु धाइगु । थ्व भयानक मूर्तिमहस्ये जिनाप ख्यायागुलिं जिनं त्राहि जुया छुं धाय् मफुत । हेसखीपि ! जित थन मखुथ्येजुल धया तस्सकं हाला एकान्ते भोःमुला च्वन । सखीपिसं थुकियागु रहस्य सीका मालीक रानीयात घेः पुना थना पिनेहया ख्वालेपिया शरीरे वस्त्रह्लापाथ्ये बांलाका बिन्तियात । छपिं थनदुने बिज्यागुनं मखे थन हानं बिरूप वइ नुः बिज्याहुं धया राजगृहे बोनाहया थःपि मागु थासे वन ।

मुदर्शनारानी माजुया कोथासवना बिन्तियात, भो महारानी ! थौं जित उद्यान ख्याक वनभूत धासानं ज्यूम्ह बिरूप मूर्ति वया घेःपुना दुने यंका वयागु मयोरथ कार्य सिधय्का तोता हल सखीपिसं सोमवस्ये बिस्युंवन । थ्वख्याक बिरूपयात ज्वनाहया सास्तियाना बिज्याहुं । जिगु म्हुतुप्वा तिना हाले मफेका तल, सुखथ्येच्वना जिन महाला ।

माजुया भौमचायागु तालखना हिलेपिया लियाबुकेयात । छंगुनाम जौबनरूप लक्ष णयात लोय्क भिगुज्या यागुख व बिरूपं घेःपुना ख्याबाइबले हालेमते सुंकचवं थ्व छं गोप्यया । कोथास भातयातनं कनेमते छन्हु थ्व बिरूप यात जिनं नाप लाना बुकेयाय् छंगु शरीर पबित्र जुल अपबित्रमजु जिगुछे पालन याना चवं धया बुकेयात ।

हानं छन्हु आम्रबन उफान(क्यब)स वना सोय्गु इच्छायाना मुदर्शना(भौमचां) माजुयाके बिदाकया सखीपिं नापंसोवन । मांनं काय्यात छंगु इच्छाखः ह्लापाथ्ये छं स्त्रीया जौबन स्वय्गू मनदुसा सोहुं धया ह्लापालाक आम्रबने छोयातल बीरकूश जुजु मांया बचनन्यना आम्रबने वना छथाय् मुला च्वन ।

सखीपिं नापं ख्याखे ल्हाना न्हिला छचालं सोयाजुल पाकेजूगू अँखना छग निग खानानया छथाय् बिश्रामयाबले बांलागू कोथा समानं देकातगूथासे दुने वना मुदर्शना

रानी खछि आनन्दं चवन । उगूइले अन सुलाचवंम्ह जुजु तीजक वया थः स्त्री यात घेः
पुना दुने यंका कुचूकुचूनका अनेगु तालं थःगू इच्छापूर्ण जुइका तोता थः न्हापायागू थासे
वन । सुदर्शना प्याहां वया सखीपिन्त तमंयना धाल, छिपि जित तोता बिस्सू दने
ज्युला । थन जित आम्रवनया ह्याक भूतथ्ये बिरूपम्ह वया सास्तियाना तोतावन । जि
ग्याना छुं धाय्गुनं समर्थ मदया फुंफुं मीका चवना ।

सखीपिसं बिनित यात भो मालिक ! जिपिनं ग्यानां बिस्सूवना खः छपि धासा
याकचा उख्ये थुख्ये जुया क्यबे दुने वना सोजुइगु बानिदु जिमिसं छुधाय् म्वाल नुः
बिज्याहुं धया सखीपि क्वछुना ह्लिला बोनाहल थःथःपिगु थासेवन ।

सुदर्शनारानी माजुया कोथास वना थनयागु खं नं कना चवन । माजुम्ह काय्या
इच्छा पूर्णयागु खं न्यना मस्यूपहलं न्हापाथ्ये अनेगु तालं खं ह्लाना बुझ्यात ।

रात्रिस कोथाय् बीरकूश जुजुं स्त्रीयाके न्यन । अरे प्रिय स्त्री ! ह्लिने छ आम्रपाल
क्यबे वना बले सुनां छुयात जित महेकुस्येकं । स्वामी थथ्ये न्यस्येलि सुदर्शना रानी
मछाला छख्ये ग्यागुथ्ये जुइका खछिसुं क चवना लिगाकन । भो स्वामी ! क्षमायाना
जित रक्षाया छपिनि मांयात कंने धुन न्हागुयासां छंगु शरीर पबित्र जुल धाइगु । जित
घेःपुना कुचुकुचूनका व बिरूप ह्याक आम्रवनया भूतला सुखः हालेमफेक इसा थिसा
याइगु ग्याना जि महाला कने योग्यगु खं मखु सीका बिज्याहुं । । स्त्रीनं धागु खं
न्यना ह्लिलि पिया जुजुं धै बिज्यात, छ आम्रवने वना सागु अँ छग निगः जितनं ज्वनावसा
जिनं नय्गु खः छंजक सागु अँ नया वल । । स्त्रीनं बिनितयात छपिन्त अँ हय् धका
अँ खावना बले व बिरूपं जिगु नुगले चवंगु अँजकं खात जि याना हानं अँ खामवना । थ्व
भयंकर मूर्तियात ज्वना हया कुनातय्गु ज्यायाना बिज्याहुं । भातह्य म्हुतुप्वा तिना
ह्लिला बिस्तारं खं बुझ्याना छन ह्लापानंदना मखंक कोथां पिहांवया थःमागु ज्याय्
वन । लिपा स्त्रीनं दना नित्यथ्ये ज्यायात ।

बच्छाला बंशाखमासबले हानं छन्हु उछानस सरोबर निर्मल जलं पूर्णगु पुच्छुलि
धकनं सोबने धया माजुयाके विदाकया सखीपिनापं सुदर्शनारानी सोवंबले मांय लेताया

काय्यात न्हापाथ्ये खँ कना ह्लापालाक छोयातल । मांया बचनथ्ये बीरकूश जुजु वना छगु थासे वना आनन्दं सुलाच्वन ।

उगु समये सुदर्शनादेवी सखीपिनापं बांलागु शीतल निर्मल लखंजागु पुखलि सकसियां लें तोता ह्मिता लुकुबिना सखीपिसं चाहुइका रानीदथ्वी च्वना जलक्रिडा वं वइत लखंछ्वाका थःपिनि यथ्येसना ह्लाः ज्वना ह्मिता च्वन लिपामाजुं पलेस्वां छफो ज्वनावा धागु लुमंका पलेस्वांकाय् धका वंबले सखीपिसं सीका सकलें बिस्यूवना च्वन । । थुगु समयेनं सुलाच्वंह्य जुजुपिहां वया सुदर्शना घेःपुना गुप्तगु थासेयंका दर्शनक्रिडा न्हापाथ्ये थःगु मनोरथ पूर्णजुइका तोताहल थःमागु थासेतुं वन । सुदर्शनारानी लिहां वया ग्याका ह्मखाका सखीपि नापं राजगृहे थ्यंका सखीपि न्हिला थःथःगु थासे वन । रानी माजुया थासे वना पालि भोः पुया बिन्तियात ।

भो महारानी माजु ! थौंनं जित वहे जल पिशाच बिरूपमूर्तिह्य ख्याक वया घेः पुनायंका वयागु मनोरथ सिधेका तोताहल सखीपि फुकं बिस्यू वनीगु जिगु बस्त्रनं बद्धि प्याना च्वन पलेस्वां थो वना जिगु पलेस्वां जकं थोयाकाल हानं वने ग्याना मवना थ्व ख्याक विरूपयात ज्वना ह्या सास्तियाना बिज्याहुं ।

भौमचा यागु खँ स्वभाव खना छु धाय्गु गुगु धाय्गु जुया छं भातयात नं कं मागु याय् धया बुद्धेयात । बहनी जुस्येलि कोथाय् भातयात बिन्तियात । भो महापुरुष ! उफानस पुखुलो जलक्रोडा ह्मिता च्वना बलेनं जलभूत बिरूपं जित यंकायागु खँ कनेनं मछालापु । भयंकर मूर्ति पित्त ज्वना ह्या दाया कुनातेगु याना बिज्याहुं ।

थथ्ये कलानं धागु न्यना भातह्यस्ये तीजक धाल । हे मतिना स्त्री ! आवलि गनं वनेमते छन्तनं मांयातनं जितनं दुःख जुइगु खः जिनं विचारयाय् धया अनेक तालं खँ ह्लाना सन्तोष जुइका द्यन सुथ ह्लापां दना क्वथां पिहां वया मागु थासे वन । लिपा बांलाक सुथे जुल न्ह्यलं चाय्का सुदर्शना दना वया नित्यथ्ये मागु थासे वना थगु ज्यायात ।

हानं प्यन्हु दस्येलि सुदर्शना देबीया मन अथोर जुया हस्तिशालास छफ सो वनेत माजुयात बिनित्याना हुं धाय्का सखीपिं पाशा बोनासोवन । मांम्हसिनं काय्पात मागु खें बिया न्हापालाक छोयातल । किसिमागतेसं रानी सोवइगु सीका बांलाका तल ।

बीरकूश जुजु भेशधारि किसिमाग जुया मूलम्ह किसिगया च्वन । सुदर्शना अत थ्यस्येलि किसियागु नाम न्यना सोत । भेशधारि किसिमागनं न्हिला किसिपिंगु नाम कन, हेरानीजु ! (१) थ्व किसिया नाम गजवर (२) थ्वया नाम स्तराज गज (३) थ्वया नाम समरगज (४) थ्वैगु नाम बीरगज (५) थ्वैगु नाम प्रमत्त गज (६) थ्वैगु नाम शान्तमतिगज (७) थ्वया नाम तरंगगज (८) थ्वैगु नाम जक राजगज । इत्यादि च्याम्ह किसि तेगु जक नाम कना मूलम्ह गजवर किसि थमं गया फुक किसि तेसं सलाम याका अनच्चर्वापिं किसिमाग म्येपिं सकसिनं सलाम (प्रणाम) याका थमं मयास्ये मिखा जक पति पतियाना छ्यौं संका च्वन ।

सुदर्शना लिहां वबले भेशधारी किसिमाग ल्युल्यु वया रानीयागु गाचो ज्वना साला किसियागु चर्ति (मदं) किका बिल । रानी तंचाया माजुया थासे थ्यंका बिनित्यात । भो महारानी माजु ! हस्तिशालास वना किसिपिंगु नाम न्यना म्येपिं किसिनं सोया वय् धुन बांलाजु । अनजं गरख्येस्ये च्वंहा बिरूप छह्मदु वखना जितेपिहां बल अन सकसिनं जित मान्यतायाना सलाम (प्रणाम) यात व बिरूप किसिमाग छह्मसिनं जित मान्यता (सलाम तथा नमस्ते) मया । जिगु गाचो ज्वना साला किसियागु चर्ति किका बिल । न्ह्याथाय् वंसानं बिरूप छह्म छह्म खालिमजु उजापिसं जित जक सहमया जिगु ख्वा सोया मिखा पतिपति जक याइगु हानं छ्यौंनं लुकु लुकु संका सोया ह्लिला गिजे याइगु जिनं वनादाय्मास्ति व । थुजापिं हिसि छख्ये लापिं उकिसनं बिरूप (बांमला) पिं राजगूहया थासे बिशोभा जुइक छाया तयातगु थुमित दण्डयाना पितना छ्येगु ज्या पाकनंयाना बिज्याहुं ।

माजुह्मसिनं खें थुइका धाल, भौमचा छं स्वामीयात कोथास च्वने बले कनाग्यु अले वं छुधाइ वंहे याइ अबश्य ।

माजुया खं न्यना कोथास स्वामीयात बिन्तियात! भो स्वामी! छपिनि रानीजुया च्वना जि थो हस्तिशालास वनाबले किसिमाग छह्य बिरूपह्यसिनं जित गिजेयाना जिगु गाचोज्वना सालाकया किसिया चर्तिकिका बिल थ्वंत राजगृहं कन्हे पितना थोय्माल ।

रानीं थय्ये धागु न्यना ह्लिला धाल, प्रिये! थ्व किसिमागथ्ये जापि च्याह्य मालाच्चन । थुपि आपालं पराक्रमी जुया शत्रुपिगु भय छुं हे वमखु वंडित मानेयाय्मा सह्या वं यानाळिगु राज्य थीर जुया च्वन भातं थय्ये धास्येलि कलाह्य सुंक च्वन ।

हानं छन्हु मन विकजुया माजुनाप खं ह्लाना अश्वशालास सखीपि नापं सोवन । थुगु बद्यतेनं बीरकूशं मांयाके बचन कया ह्लापालाक वना मुख्यह्य सलगया सोया च्वन सुदर्शना रानीया सलतयातगु थासे सकभनं सोय् धुंका सलपिगु नाम न्यना खुसि जुइका सखीपि नापं थ्याखं ह्लाना लिहां वल ।

लिउने तीजक वह्य बीरकूश गाचो ज्वना सालाकया सलया नालं किका बिल । लिफः सोबले बिरूप जुजुं मिखा पतिपतियाना छयोंसंका ह्लिला वयन । सुदर्शना रानीनं तंमोय्का बोबिल । हे घोर मूर्ति (स्वय्नापं ग्यानापु ख्वाह्य) छंगु जन्मनं धिकार धया लिहां वल । ० । अनंलि हानं राजाच्चनीगु राजसभास सोवन अननं ह्लापालाक वना सुखपालक नाम (बेय्कि) जुया म्येपिनाप खं ह्लाना च्वन । उगु इले सकभनं सोया सखीपि नाप थ्याखं ह्लाना न्हिला रानीयागु पह न्यासिचा स्वभाबयाना बह्य सुदर्शना रानीयात बिरूप जुजुं लिउने पाख्ये गाचो ज्वना साला तल ।

रानी लिफः सोबले बिरूपखन, वनथासे तक थुजापि घोररूप छह्य छह्यदु धया तमं बोबील । जुजुं मिखा पतिपतियाना ह्लिला वयन, रानी ऊन् तंचाया धाल जित गिजेयाना हेला याइह्य जिगु गाचो ज्वना योयो थ्ये सनीह्य छ घोर मूर्तियात जिनंस्यु याय्गु धया थःगु कोथास वना दुःख ताया च्वन ।

रात्रि जुस्येलि स्वामी द्वाहां वल सुंक चोना च्वंगुलि स्त्री तें मोय्का च्वन धंगु सीका नोंतुल छाय् तंचाया च्वनागु । स्त्रीनं बिन्तियात, भो स्वामी ! छपि थ्ये जाह्य

राजाया कला रानी धाय्का च्वनाह्य जित हेलायासानं माजुनं भातनं छुं मधा । हानं कोथास ह्तिने भात कला निह्य सिया ख्वासोय् मदु । बहनी मत च्याका कोथास च्वनेगु नं मदु कारण भातं कलायात ख्वाक्यने मज्यु थुजागु ज्या यानातल जिगु मन थोर मजु जित बिदाब्यु छपिंगु नामं धर्मयाना च्वने थनछे च्वने मखुत थन राजगृहे जित सह मयापिं दु जि राजपुत्री थन राजाया स्त्रीयात जाख्यायाईपिं धास्येलि म्येपिन्त छुजक मयाइगु खं । थुजापिं धर्महीनपिं भयंकर (घोर) मूर्तित न्हेह्यदु ।

(१) छत्रधारी (२) उळान ख्याक (३) जलराक्षस (४) आम्रपिशाच (५) किसिमाग (६) अश्ववार (७) सुखपाल । थ्व न्हेह्यस्ये जुजुया कलाहे मधास्ये परस्त्री लालर्चापिं च्वना चोंगु दु । थुमित थन राजगृहे तेगु योग्य मजु तस्सकं बिशोभा । थुपिं छाया जुइ माजुयानं भातयानं अतिप्रिय जि अप्रिय । थुपिं याकनं पितना छोय् माल ।

हानं ह्तिने बहनी भातया ख्वा सोय्गु कोथास मत च्याकेगु, घोरमूर्ति बिरूप तेसं गिल्ला मयाकेगु थुजागु बांलागु थिति थन मदुगुलिं जिगु मन अत्यन्त अन्दोल जुल धया खोल । । बीरकूश खछि सुंक च्वना उत्तर बिल, हेप्रिय स्त्री! खोय् मते छंगु मनोरथ कार्य पूर्ण जुइन हताय् चाय्मते मां अबुया सत्य पालनयाना च्वनागु खः । थुपिं न्हेह्य बिरूप पिंगु प्राण व जिगु प्राण तुल्यखः थुपिं सितकि जिनं मृत्यु जुइगु कारणं सहायाय् मागु खः । करुणामय स्मरणयाना ब्रतयाय्गु मती ति सन्तान दइ अनंलि छंगु इच्छा पूर्ण जुइ । । स्वामीनं थय्ये धागु न्यना जित हेकाजकं तगुला धका मनेसंदेह जुइका सुदर्शना यःथमं जिगु कर्म धिकार धया सुंक च्वन ।

छन्हु बीरकूश जुजु मंत्री तथा मामा पिबोना वन क्रीडास वन । छुं दिन लिपा जुजुया हस्तिशालास अग्निउत्पाद जुल मिच्यागु सुनानं शमनयाय् मफया च्वन सकसिनं सोवन च्वन । अलिन्दा महारानी सुदर्शना भौमचा म्येपिं सखी जन स्त्रीगणपिं सकलें मुना सोया माजु भौ निह्य कसि च्वना स्वया च्वना । । थुगु बेलास अश्ववार धयाह्य छह्यसिनं बेगं ब्बां वने फुम्ह सलगया बनान्तरे थय्का बीरकूश जुजु नाप लाना बिन्तियाना । भो महाराज ! कीगु हस्तिशालास अग्निउत्पात जुया च्वन त्रि स्थाय्गु सुनानं मफु अन च्वापिं किसिते शंकष्ट जुया बिशब्दं हाला च्वन छु यत्नयाय्गु खः कंवया ।


ध्व खं न्यनेमात्रं सकलं लिहांवया सोत महायज्ञ समानं मिछोया च्वंगु खना बीरकू-
श जुजु हस्ति शालास दुने वना खङ्गं शिख त्वाह्लाना किसिया सों ज्वना पिने छोयाहल
पिने छयाय् च्वना आकाशे थसोया प्रार्थनातात । भो करुणामय तथा देबेन्द्र ! थन अग्नि
उत्पातजूगु शान्तयाय् जलवृष्टि जुइका बिज्याहुं धया बिन्तियाना च्वन । उगु समये मेघ
उत्पन्न जुया जलवृष्टि जुया अग्नि उत्पात जूगु शमनजुल किसिसकलया जीवरक्षा जुल ।

बीरकूश जुजु परिश्रम जुया छछ्ये अलग आरामयाना च्वंबले सकल सोया
च्वंपिसं अहो धन्य कीजुजुया प्रताप धका पालक सकसिनं जय ध्वनियाना न्ह्योने वया
प्रणामयावल । ० । थुगु इले ककुट नाम गाएण (गाएँ) छम्ह वया बीरकूश महाराजा
यात प्रणामयाय् धुंका उगु थासे च्वना म्येहाल । बीरकूश नाम राजाया बल बीर्य
पराक्रम सकसिनं खन । धन्य २ महाबीर्यवान् पराक्रमि बीरकूश राजा, इक्षांकूश राजा
या सिंह समानम्ह पुत्रखः । धन्य २ धर्म स्वामी कल्याण कारि रक्षक, इन्द्रसहाय दुम्ह
राजा बीरकूश महा ऋद्धिबान् खः । छलपोलयात सहस्त्रबारवार प्रणाम दु ।

थुगु प्रकारं यश किर्ति गुण प्रकाशयाना म्येहाला क्यंगुलिं खुसिजुया बीरकूशजुजु
न्हिला कौशेय वस्त्र (पात पीताम्बर) द्रव्य सिलपाविया सन्तोषयाना छोट ।

कसिच्चना सोयाच्वंह्य अलिन्दा महारानीया मनसदुःख ताल दैवयोग थौं गाएनं
म्येहागु जुजुया परिचयन्यना सुदर्शना भौमचां जिपुत्र बिरूपशरीर ह्य सीका थन मचोस्पे
बछें वनो छुयाय्गु नानाप्रकारं धया हेकातयागु व्यर्थजुइन थथ्येमतीतया धन्दाकाल
। अनंलि बीरकूश जुजु दनावया सकलया खा स्वयाहर्षयाना थःसोबले सुदनाया
वृष्टिनं चूलात जुजुंन्हिला क्यन । सकसिनं राजा रानीनिह्यसिया जय २ जुइमा धया प्रशंसा
यात । जुजुया मती चिन्तनायात थुनि यादिनंनिस्थे जित ह्यसीका मनस दुःख
जुइका सुदर्शना स्त्रीनं छुधाइगु छुयाइगु जुइ धंगु बिचार यात ।

थौंया दिन जिगुकर्मफल प्रकट जुलखःहेप्रभू दैव! बीरकूश राजा जि स्वामीयथार्थ
जिनं म्हसिल धका सुदर्शना रानी कुलेजुया मनस दुःख चिन्तनायात । हाहा जिगु कर्म
धिकार थथ्ये बिरूपजुया च्वंगुलि थन च्वपि सकसिनं जित मचातेतथ्ये हेका छलेयाना तल



वीज कृष्णरुथः स्त्रीसुदर्शना द्दवी थः च्छनाचं वल्लहसकुरु
 पिसंलाहयानाववल्लथमिगरव्यानाथः गवसगया वाधया
 नाथमिह्यायपि कंन्यादानव्यूगकया स्त्रीसुदर्शना
 द्दवीनापं किमिगया लिहांवया उत्सवयागुचिग्र -

। स्वयंबर बिबाह कर्मेनं राजमकुट खड्गस याका यज्ञकर्मेनं मिखाकने मजीक कुंवेका रात्रिया इले सकभनं मतस्याना खिउंस्ये च्वंका सहभोजनया (होंकेगु) ज्यासिधेकल । कोथास न्हिने भात नापलाय्मज्यु रात्रिस मतच्याकेनं मज्यु सुथेमजुवं भातदना कोथां पिहां वनीगु प्रातःसमये स्वामीयात तुति भोपुइबले मिखातीसिना ख्वाले गां तोपुया भात भाजि याय्मागु कुलायन थिति धका थःस्वामीया ख्वाःस्वय्मज्युगु (बिरूप ख्वा मकेनेगु) मुख दर्शन मब्यूस्ये तयातगुया हेतु फुकं जिनं सिल । दर्शनशालास छलेयाना थथ्ये अथ्ये धाय् मफेक भातया ख्वा वयन । । छत्र धारी उछान ख्याक आम्रपिशाच जलपिशाच किसि माग अश्वबाहन भयंकर घोरमूर्ति राजसभास अद्भूत बिरूप थुपिसकलें वहेराजा जुया थुमिसंन्हागु यासानं छंगु शरीर पबित्र जुल धया थुपिफुकं भिगुकर्मयाइपि खःसहया धया जित मचाथ्येयाना हेकातल थ्वज्यायाह्य भाजु अलिन्दा महारानीयागु तत्वज्ञान खः । हानं भातं धाइ थ्व बिरूपि पुरुषार्थबान् महावीर्य गुणज्ञानं पूर्ण राजगृहे लक्षण दुपि जितुल्य धागु कारण जिनं बांलाक सीकेधुन फुट्ठागु ज्याखँ छन्हु प्रकट जुइ धागुखँ न्यनातयागु दु थथ्येहे खः । हानं जि गनवन अन न्हापालाक छोप्राहया जित घेःपुना यंका योयोथ्येयाका तगुनं माजुया जालं ख धंगुनं आः सोके धुन ।

हेदैब ! आ जि थन च्वनेगु छुं प्रयोजन मन्त जिगु सुन्दररूपनं ब्यर्थ जुल इत्यादि अनेक दुःख चिन्तनायाना लिपा सखीजनपि एकान्ते सता न्यन । हे सखीपि ! जि स्वामी बीरकूश जुजुयारूप गथ्ये च्वं सत्ययाना जित कँ ।

थथ्ये रानीनं न्यस्येलि मुख्यह्य सखीनं बिनित्यात । भो मालिक ! थौं अग्नि उत्पात जूबले किसिया सोज्वना पितहया आकाशे थसोया प्रार्थनायाबले जलवृष्टि जुइका अग्नि शान्तयाना क्यंम्ह पराक्रमि बीरकूश महाराज छपिनि स्वामी सत्यनं वहेख धया राजाया भयं ग्याना सखीपि सकलें बिस्युंवन ।

थुलि खँ सखीपिसं धास्येलि हाहा दैबप्रभू धया मलीन मुख जुइका कोथास वना खोबिवय्का भोसुला च्वन ।

लिपा थथ्ये च्वनानं छुयाय् धका सुराजुया सखीपिन्त गोप्ययाखँकना अश्वशालाय् वना थःयोह्य सल पितहया सुनानं मखंक उबुन्हुया रात्रिफुका प्रातःसमय ह्यापानं पुरुषरूप

जुइगु वस्त्रंपुना थःयह्य सखी निह्य सहित सलगद्या बेगन ब्वाका बिदग्ध नगरं (कासी)
देश त्यागयाना वन ।

ववं क्रमशः जन्मभूमी कन्य कुब्ज नगरया समीपस्व थ्यंका माँ अबुपिन्त खबरबिया
तस्वका राजगृहे वना माता पितापिगु पालिभोःपुया परस्पर माया स्नेहं घेःपुना ख्वा
ल्वाका प्रीति भावं खँ ह्लाना भोजन सिधेका माँ अबुं पुत्रीयाक्ये थथ्ये खँ न्यन ।

हे स्नेही पुत्री सुदर्शना देवी! जिमिसं ससके स्वाफ माँ अबु लुमंका सखीनिह्य नापं
पुरुषपेशया वस्त्रं पुना सुराजुया वल छ धन्य खः । छंगु ख्वा गरख्येसे चवं गंसी छाप्
छजुल सुनांछुधाल छु जुइका वया । छं त्वामीया रूप लक्षण गथ्येचों धका न्यना सोत ।
जिमिसं जिलाजंया ख्वा मखंनिह्यनं मस्यु । । थथ्येजक न्यनेवं सुदर्शना धीरयाप्
मफया ख्रबि वय्का कसुकातया विन्तियात । भो माता पितापि! न्यना बिज्याहुं बाँलाक
जिगु कर्मभोग धाय्गुला अथवा माँ अबुपिगु दोष ला जिगुकर्म तथा जन्म धिकार । थुलि-
जकधाय्वं म्येगु खँ ह्लाय्मफया भोःसुला खोल । पाशावोनाहपि सखीनिह्यस्ये घेःपुना
छह्यसखी विन्तियात । । भो महाराज महारानी पि ! प्रणामयाना गुह्यजा वीरकूश
महाराजया परिचय जिमिसं छुजक विन्तियाय् । रूपखन धासा त्रिहर्षजुइ गुण ज्ञान
पराक्रम खन धासा थ्वसमान म्येपि मदेफुः । कर्मया फल तथा भोग सुनानंस्यंके फइमबु
धया न्यंकल ।

थुलिमात्र सखीं धागु न्यना स्वच्छा महारानी छ माँनं पुत्रीयात खोबिहुया धाल ।
छन्त छु दुःख जुल बाँलाक खेकं जिमिस्ये मस्युनि । थुलि माँनं धास्येलि हिक् हिक्
याना बिस्तारं खँ कन ।

जित नेगु पुनेगु तीगुया छं दुःख भदु मिसाया मुख्य स्वामी (भात)या रूप धंग
बाँलाह्य मा । जि स्वामीया शरीर बीरूप धोर मूर्ति भयंकर थथ्ये जुया हेका रूपक्यने
मजीया स्वयंवर याबले छुयात जि धाय्मागु महु राजमकुट खड्गस याकल ।

जिलाजं जुइह्यया ख्वा मसोस्ये हानं जितनं मवयंस्ये हताय्चाया थमं जन्मयानाह्य
पुत्री लमियागु खँ या भरोसाय् पत्वारयाना जि बिया छोट माँ अबुपिगु स्वभाब

केवल धर्म थय्ये खला । हानं होकुबले सिगु सहभोजनयागु अवस्थाय् भातया तुति भोः
पुइबले सिगु धंग, ह्लिने कोथायागु खँ रात्रिस मत च्याकेमयागु क्यबे आम्नवने पुबुली
हस्तिशाला अभ्रशाला राजसभास दर्शनयाकुगु इत्यादि भातया ख्वामक्यंस्ये मचा हेकेथ्ये
हेकातगु फुक खँ कने धुंका लिपा हस्तिशालास अग्नि उत्पात जुया अग्निशमन जुस्येलि
गाएं छह्य त्रया म्ये हास्येलि बिरूप सूर्ति बीरकूश महाराज पराक्रमि खः धागु बचन
न्यना स्वया च्वनां बिरूपगु ख्वा दृष्टि चलात भात ह्यसिल रूपखन महाबिरूपम्ह । जिगु
नुगलं बचनं शरीरं धीरयाय् मकुत जि प्रीतिणि तखि निह्य पाशालिस्ये पुरुष भेशयागु
वस्त्रं पुना सलगया, याकनं थन थ्यंक वया ।

माता पितापिगु शरण वया जि बिरूपम्ह भातया छँ वने मखुत करबलं हानं अन
छोत धासा जिनंप्राण त्यागयायत्यना थुलि धया भोसुला बिलापयात । पुत्री थुजागु तालं
खंकंगु न्यना ठुलेजुया च्वन । लिपा माँ अबुं पुत्री सुदर्शना याके क्षमा फोना धाल ।

लमीयागु भरोसाय् ख्वामखंह्य ह्यमस्यूह्य मिजंयात छथिजाह्य हेरा तुल्य सुन्दरी
पुत्री लः ह्लाना बियागु जिमिगु दोष खः । कर्म भोग मनेतया धीरयाना च्वं छुं धन्दा
काय् मते थनहेचों जिमिसं मागुतक बिचारयाना छन्त दुःख जुइकेमखु इत्यादि तवह
बिया आनन्द जुइका च्वन । ० ।

थनंलि बीरकूश महाराज या छँया खँ थय्ये तीके

बिदग्य नगर धाइ (काशीदेशे) उगु अजस्थास बीरकूश जुजुया चित्त अन्दोल
जुइका रात्रिस कोथाय् वंबले सुदर्शना स्त्री मदया माँयाथाय् वना न्यन, माँम्हसिनं सक
भनंसोत मदया सखीपिके न्यन चुनानं थन अन धाय्मफुः माँ काय् निह्यसिया
सलहायात ।

अग्नि उत्पात जूगु शमन जुस्येलि ककट गाएनं जिगु नाम कया म्येहागु न्यना
बुसिजुया जिनं कौशेयबस्त्र शिला बिया, जिनं थस्वयावले सुदर्शना क्वसोगु जिपि
निम्हसिया मिखाचूलाना ह्लिला जि क्वछुना अवश्यनं जित म्हसीकल गुजोम्ह बिरूप

स्वामी जित लात धका दुःख मती तथा वया बिश्वास यपि सखीनिम्ह व बेगंब्वायं वनीम्ह सलछम्हनं मदु ।

गोप्ययाना थः छे वन जुइमा, प्रजागण कर्मचारी पिकेनं न्यनासोत खना धापि मदु । बुढा बुढी निम्हसिनं बित्तियात, जिमि न्ह्योमव खिउनी बले मिजंथ्ये चोपि सोम्ह सिनं सलगया वंगु खना मनुम्हमस्यु धागु न्यना सीकल अवश्यनं थः छे वनखः । बीरकूश जुजुं संतोषयात थः बिरूप जूया निति तथा माँया बचन पालनयाना थःगु ख्वाः खना थःहे मन खिन्नजुया दुःख जुइका चवनेमाली धैगु निमित्ते न्हेकंस्वेगु लखे क्वसोय्गु तोता चवना ।

थौं बिरूपम्ह स्वामी म्हसीका सुनानं मखंक पिहांवन गनवना गनचवना हे सुन्दरी स्त्री! धया खोबिवय्का चवन । माँम्ह सिनं जिकाय्नं बिलापयात धका नुगमछिका भौम चाया रूपगुण लुमंका मिखास खोबिहुया काय्पात हेकल । माँ काय्निम्ह सिनं धीरयाना प्यन्हदस्येलि बीरकूश जुजुं उत्साहयाना सकल सःता यथ्ये खँ न्यंकल । । भो माता गुरु पुरोहित मंत्री सखीपि, पुनः चिधिमाँपि तथा किजापि ! करुणामय या प्रभाव जिमाँया धर्मं सकसिगु कृपां चतुषष्ठी बिद्या पारयाना बिरूप जूसानं राजाजुया दिव्य सुन्दरी पत्नी चूलात । थनि जिगु बिरूप मूर्ति भातखना चित्त बिह्वल जुइका थन देश राजगृह स्वामी माजु तथा म्येपिसकल त्यागयाना पिहांवन । थनि प्यन्हु दत्त भात संकचवनेगु धर्ममखु, गनवन गनचवन बिचारयाना माला लुइका नापं बोनाहये । सुनानं गोप्ययाना मखुथ्ये यानातसा युद्धयाय् मासानंयाना मागुज्या सिद्धयाय् ।

आःजित माँनं तथा म्येपिसं गनेसते, सुदर्शनादेवी जि धर्मपत्नी महारानीपद दुम्हखः अथ्ये तोत्ये योग्यमजु जि छेनं पिहां वना मावने त्यना । जि माँयात बांलाक बिचारयानाति धया खँ न्यंका मिलाम्ह (सोह्यहा) किजा द्रुमकूशयात राज्याशनेतया जि लिहांमवतले भिनकं राजाजुया चवं धका चिन्तबोधयाना मंगल यात ।

ततो रात्रौ समुत्थाय स निःसहाय उन्मनाः ।

बीणामेकां गृहीत्वाशु स्वपुरा त्रिगंतो चरत् ।

अनंलि रात्रिया स्वंगु प्रहरे भिगु बेलास दनास्नानकर्म सिधेका मांयापालि
भोःपुया सकसिकेनं बिदाकया म्येपिनं दिक् जुया ख्वा खिउंका च्वंपिन्त बोधयाय् धुंका
गृहस्थि रूप वस तोता त्यागी (जोगी साधु) या भेश धरेयाना बीणा थाय्गु जोसा छगु
मात्र ज्वना सुनं पाशामयास्ये निःसहाय जुया याकचा थःगु राजगृह एवं काशीदेश तोता थः
पत्नी सुदर्शना देवी नाप लाय्त मन हताय्चाया पिहां वन ।

अनंलि दाजुया आज्ञा पालनयाना न्याय नीति धर्म बिबेक बिचार याना प्रजागण
पिन्त आनन्द याना द्रुमकूश अस्थायि रूपं जुजु जुयाच्चन । ।

सुदर्शना देवी थःजन्मस्थान (थःछें) बास यात धैगु सीका करुणामय स्मरण
याना भ्रमण जुया ववं बाछिदुबले कन्य कुब्ज देशे थ्यन लेःताया अन देश बासी पिन्त
न्यने यैपुस्ये च्वंगु म्ये हाला बीणाथाना भिक्षा फोना जुल । अनया लोक पिसं रूप
घासा बांमला म्येहालीगु खँल्लाइगु धासा गुलिजक हिसिदु बांला ।

थ्व छम्हसुजुइ गनंक्म्ह की राजाया पुत्री सुदर्शना भातया रूप बांमलागु खना
याना थःछें वया च्वन धाल थ्व भनंथरि जोगीनं बिरूपम्ह खः थ्वथ्ये बांमलाम्हजा खँ
मखुथ्ये धया खँ ल्लागुनं थ्व भेशधारीनं न्यना सीका च्वन ।

मस्यु नताम्हथ्ये जुया करुणामय लुमंका सुदर्शनाया प्राणजा दनि मिसाजाती थःछें
गुबले भवइ तर बिस्युंवगु छगु बांमलात खः छुयाय् आ मागु जतनयाय् चतुषष्ठी
बिद्याया प्रभावक्यना स्त्रीयात प्रीतिमायां क्यंका यंकेमालि थ्ये मनं खँल्लानाजुल । थुगु
वखतस नकिंचाम्ह छम्हसिनं अति रस जुइका थ्व भनंथरियात सता थःगु छें यंका खँल्लात ।
भो भनंथरिजु ! थनदेशे थौं जात्रावु आम बाजंथाना म्येहालाक्ये सकलें खुसिजुइ छं नयगु
धन्दा दइ मखु ।

थ्वखँ न्यना बहनी पिहांवना छगुथासे च्वना बीणाथाना म्येहाला च्वन । थुजागुइले
अन देशबासीपि नानाप्रकारं बाजाथाना म्येहाला प्याखंहला जात्रामाने यानावल थ्व भनं
परि यान्ह्योने थ्यनेवं दिना स्वयाच्चन खुसि जुया अनेक नेगु वस्तु सकसिनं बिया सन्तोष

यात । तःतधंपिसं खा बांमलासानं स्वर गुण बांला थनहे सदानं तेमाल । थ्वंगु बीणाया स्वर गुलिजक मधुर न्यनेहे यैपुस्येचों । ईश्वरया रचना थःगु कर्मभोग खा बिरूपजुसानं थ्वंगु बाक्सिद्धि बांला धया माने यात ।

मुथेजुल सकसिनं ब्यूगुबस्तु ज्वना नकिंचिया छें वना बिल निम्हंखुसि जुया अनसं बासयात । थमंहयागु बस्तु निम्हसियां नल बिरूपया आपानगु खना नकिंचांस्वया गुलि नगु थ्व मनुजकं मखुला धका ताउतिं स्वयाच्चन ।

न्यान्हु खुन्हु थमंहयागु मधि फल सूलादि बाकिगु निम्हेसियां नय्धुंका नकिंचित् खें न्यंकल । खिचायाके खुता (६) गुणदु छुछु धाःसा (१) दैबले यको नेगु (२) मदं बले भतिचानं संतोष (३) याकनं हलं चाइगु (४) याकनं न्ह्योवइगु (५) स्वामीया सेवायाइगु (६) सुराजुया च्वनीगु ।

भिक्षाफोना नेमागुलिं जिनं थुगु स्वभाव याय्माल जित यकोनल धका गिल्ला याय्मते जिखना ग्याय्मते जि मनुष्य म्येगु जातिमखु छुंछुं संदेह काय्मते धका नकीं चिके बिदाकया वन । ० । अनंलि बीणा थाना मंगल रागं म्येहाला ववं छम्ह मालि गथुनीया स्वांमाला हना च्वंगु खना हानं म्येगु म्येछपु हाला वयन । खुसिजुया भिक्षा बिल मकास्ये जिनं स्वांमाला हनेस धया खुसियाना जातंजातया स्वांथोया हया शिरमाला सिरे तेगु, गलमाला गपतेतेगु अंगमाला म्हेतेगु, हस्तमाला ह्लातेतेगु-स्वांमाला हना लोलोगु थासेतया शोभायमान जुइका तिसां तीर्थे च्वंक स्वांया आभरणस जवे खवे बीरकूश इन्द्रकूश धका आखतया माली गथुनीयात बिल । । थ्व खना माली खुसि जुया बिरूप जुसानं ज्यासम्ह खः धन्य छखः धया नेगुत्वनेगुनं बिया हतासन थुगु स्वामालाफुकं ज्वना राजाया थासवना चढेयात । थ्व स्वांमाला फुकंस्वया भद्रक राजा रानी सकलें खुसिजुया धै विज्यात । थ्व स्वामाला ह्लापा स्वे मनंनिगु तालं हनाहल खुसि जुल धया सिलपा बिया थ्व पुष्पमाला भरण (स्वांया तिसा) पुत्री सुदर्शनायात योग्यजु धया थः स्त्रीयात बीकेछोत रानीनंपुत्रीयात कोथास वना बिल । स्वांया तिसां तिया बांलाकि धागुन्यना सुदर्शनां कया पुतुपुइका स्वत । बीरकूश थःपुरुषयागु

चिह्न (अंकित) खनेवं मन खिउंका भूमीसतया म्येगुस्वानं छुना वयन । सकलेंआश्रयं
जुइका चवन मांम्हसिनं धाल छाये थय्येयानागु गुलि म्येहनत् यानाहगु बांलागु
स्वांमाला तोता बांमलागुलि छुनावयन ।

थय्येजक धाय्वं पुत्री तंचाया धाल, भो माता तथा सखीपि छिमिसं छुस्युः— जिनं
सोके धुन थव स्वांमालाया दथ्वी पुरूषचिह्न बाण तयाहगु दु जवे खवे आखनं सो जित
गित्तायाना हगुलि मछुना जित छिमिसं अपहासयाय्म्वाः धया स्वांमाला फुकं कुच्चा
कुच्चायाना ऊयालं पिने बांछोया बिल । मालीसता सुदर्शना तंमोय्का थय्ये धाल, अरे
माली गथुनी! छं थव स्वांमालाहना बियाहम्ह पुरूषनाप थुजागु स्वांमालांक्वखाय्का
स्वयंबर याहुं ।

राजपुत्री खना ग्याना गथुनी माली छे वना बिरूप भनंथरियात राजा रानी म्येपि
खुसी जुया सिलपा बियाहगु वयना राजपुत्री छह जक तंमोय्का धया हगु खं फुकं
कन । हानं थुजागु स्वांमाला जवना वल धासा छंत याय्गु स्त्रुका थय्येनं बोबियाहल
। । थव खं न्यना भनंथरि जुं माली गथुनीयात दुःख ताय्मते आमबियाहगु सिलपा
फुकं छन्तहे जुल धया भरोसा बिया चित्त बुज्जेयाना अनं म्येगु थासे वन । ० । छथाय्
सिमाववे चवना थगु चित्तयात बोधयात हे चित्त छं दुःख ताय्मते करुणामय स्मरणया
छंगु इच्छा पूर्ण जुइ हताय् चाय्मते । नीतिस धयातगु छं बोनातगु दु थय्ये खः ।

मूल

अपमानं पुरस्कृत्य मानं मुत्सृज्य दूरतः ।
स्वकार्यं साधये द्विजा कार्यं हानिस्तु मूर्खताम् ।

अर्थ

अनेक तालं न्ह्योनेचवना अथवा तापाकचवना अपमानयाना वयंसानं क्षान्तिपारमि
तायाज्या सहयाय्फेका अपमानयागु फुकं तापाका छोया मनस तयागु थःगुकार्य सिद्धयाय्
माल । विद्वान् ज्ञानिजनं थय्येसीकि । थःगु भिगुकार्यसिद्ध मज्जतले न्ह्याम्हसिनं न्ह्यागु

यात । तःतधंपिसं ख्वा बांमलासानं स्वर गुण बांला थनहे सदानं तेमाल । थ्वंगु बीणाया स्वर गुलिजक मधुर न्यनेहे यैपुस्येचों । ईश्वरया रचना थःगु कर्मभोग ख्वा बिरूपजुसानं थ्वंगु बाक्सिद्धि बांला धया माने यात ।

सुथेजुल सकसिनं ब्यूगुबस्तु ज्वना नकिंचिया छें वना बिल निम्हंखुसि जुया अनसं बासयात । थमंहयागु बस्तु निम्हसिधां नल बिरूपया आपानगु खना नकिंचांस्वया गुलि नगु थ्व मनुजकं मखुला धका तार्जति स्वयाच्चन ।

न्यान्हु खुन्हु थमंहयागु मधि फल सूलादि बाकिगु निम्हेसियां नय्धुंका नकिंचित् खें न्यंकल । खिचायाके खुता (६) गुणदु छुछु धाःसा (१) दैबले यको नेगु (२) मदं बले भतिचानं संतोष (३) याकनं हलं चाइगु (४) याकनं न्ह्योवइगु (५) स्वामीया सेवायाइगु (६) सुराजुया च्वनीगु ।

भिक्षाफोना नेमागुलिं जिनं थुगु स्वभाव याय्माल जित यकोनल धका गित्ता याय्मते जिखना ग्याय्मते जि मनुष्य म्येगु जातिमखु छुंछु संदेह काय्मते धका नकों चिके बिदाकया वन । ० । अनंलि बीणा थाना मंगल रागं म्येहाला ववं छम्ह मालि गथुनीया स्वांमाला हना च्वंगु खना हानं म्येगु म्येछपु हाला वयन । खुसिजुया भिक्षा बिल सकास्ये जिनं स्वांमाला हनेस धया खुसियाना जातंजातया स्वांथोया हया शिरमाला सिरे तेगु, गलमाला गपतेतेगु अंगमाला म्हेतेगु, हस्तमाला ह्लातेतेगु-स्वांमाला हना लोलोगु थासेतया शोभायमान जुइका तिसां तीर्थे च्वंक स्वांया आभरणस जवे खवे बीरकूश इन्द्रकूश धका आखतया माली गथुनीयात बिल । । थ्व खना माली खुसि जुया बिरूप जुसानं ज्यासम्ह खः धन्य छखः धया नेगुत्वनेगुनं बिया हतासन थुगु स्वामालाफुकं ज्वना राजाया थास वना चढेयात । थ्व स्वांमाला फुकंस्वया भद्रक राजा रानी सकलें खुसिजुया धं बिज्यात । थ्व स्वामाला ह्लापा स्वे मनंनिगु तालं हनाहल खुसि जुल धया सिलपा विया थ्व पुष्पमाला भरण (स्वांया तिसा) पुत्री सुदर्शनायात योग्यजु धया थः स्त्रीयात बीकेछोत रानीनंपुत्रीयात कोथास वना बिल । स्वांया तिसां तिया बांलाकि धागुन्यना सुदर्शनां कया पुतुपुइका स्वत । बीरकूश थःपुरुषयागु

चिह्न (अंकित) खनेवं मन खिउंका भूमीसतया म्येगुस्वानं छुना क्यन । सकलेंआश्चर्यं जुइका च्वन माँम्हसिनं धाल छाप् थथ्येयानागु गुलि म्येहनत् यानाहगु बांलागु स्वांमाला तोता बांमलागुलि छुनाक्यन ।

थथ्येजक धाय्वं पुत्री तंचाया धाल, भो माता तथा सखीपिं छिमिसं छुस्युः—जिनं सोके धुन थ्व स्वांमालाया दथ्वी पुरूषचिह्न बाणतयाहगु दु जवे खवे आखनं सो जित गिल्लायाना हगुलिं मछुना जित छिमिसं अपहासयाय्म्वाः धया स्वांमाला फुकं कुच्चा कुच्चायाना ऊयालं पिने बांछोया बिल । मालीसता सुदर्शना तंमोय्का थथ्ये धाल, अरे माली गथुनी! छं थ्व स्वांमालाहना बियाहम्ह पुरूषनाप थुजागु स्वांमालाक्वखाय्का स्वयंबर याहुं ।

राजपुत्री खना ग्याना गथुनी माली छें वना बिरूप भनंथरियात राजा रानी म्येपिं खुसी जुया सिलपा बियाहगु क्यना राजपुत्री छह्म जक तंमोय्का धया हगु खँ फुकं कन । हानं थुजागु स्वांमाला ज्वना वल धासा छंत याय्गु स्त्रुका थथ्येनं बोबियाहल । । थ्व खँ न्यना भनंथरि जुं माली गथुनीयात दुःख ताय्मते आमबियाहगु सिलपा फुकं छन्तहे जुल धया भरोसा बिया चित्त बुऊयाना अनं म्येगु थासे वन । ० । छथाय् सिमाक्वे च्वना थगु चित्तयात बोधयात हे चित्त छं दुःख ताय्मते करुणामय स्मरणया छंगु इच्छा पूर्ण जुइ हताय् चाय्मते । नीतिस धयातगु छं बोनातगु दु थथ्ये खः ।

मूल

अपमानं पुरस्कृत्य मानं मुत्सृज्य दूरतः ।
स्वकार्यं साधये द्विजा कार्यं हानिस्तु मूर्खताम् ।

अर्थ

अनेक तालं न्होनेच्वना अथवा तापाकच्वना अपमानयाना क्यंसानं क्षान्तिपारमि तायाज्या सहयाय्फेका अपमानयागु फुकं तापाका छोया मनस तयागु थःगुकार्यं सिद्धयाय् माल । विद्वान् जानिजनं थथ्येसीकि । थःगु भिगुकार्यसिद्ध मज्जतले न्ह्याम्हसिनं न्ह्यागु

घासानं सुंकच्चने महालेगु मूर्खतेसं भिगुज्या स्येकेत अपमानयाइ । गुलिं जानिजनं थःगु ज्या सफलयात्त मूर्खनं संगत्याय्मालि ।

मूर्ख जुयाक्यनागु फुकं हानं लिपा कार्यसफलयाना क्यनेबले सज्जनपिसंसीका मूर्ख घाइमखुः । मूर्खया मूर्खहे संगतजुइ, बिद्वांन् जानिया बिद्वांन् जानिहे संगत् जुइ ।

मूल

सज्जनो हो प्रमाणं च सज्जनं कुरुते वचः ।

प्रमाणं कुरुते मूर्खः सज्जनो वचनं नही ।

अर्थ

सज्जनयो खँ सज्जनं नीश्रययाना प्रमाण याइ । सज्जनया खँ मूर्ख प्रमाणयाइ मखुनीश्रय मेव खः । । मूर्ख अपमान यासानं सज्जनं धैर्ययाना थःगु कार्य सफलहे यानो तोती । थःगु भिगुकार्य सफल मज्जतले चीत्तयात समाधान याय्मा । मूर्खया बीद्वांन् सज्जन पिगु ज्याखँ खना बिषत्तमान जुया मने दाह जुइका चवनी छं सहया ।

थुली चीन्तनायाना उगु थासं वना म्येहाला बीणा थाना बीरहबर्ण लेतया पूर्व दिशा स्वयावन । छथाय् कुंभकार (कुह्या) निम्हसीया थःगु ज्यायाना चवंगु थासे सुस्वरं म्येहाला कुंभकार पित्त खुसियात । भिक्षा व्यूसानं मकास्ये ज्यायाय्गु फोना ज्यायात । करुणामय छम्ह चायागु दय्का बिरूपं भो पुइका बिरूपयात सुन्दरी मिसां तुती भोः पुइका निम्हसिगु नाम संकेत (चिह्न किया) अतीशोभाय मानं दय्का कुंभकारयात बिल । ख्वा घासा बिरूप ज्या गुलीतक वांला धया निम्ह खँ ह्लाना कुंभकारपि खुसी जुया ह्लिला तार्जिति स्वया चवन थ्वकुंभथल गंका उना कन्हे खुन्दु भद्रक राजायात कुंभकार न्देयाय् यंकल राजा रानी अनचर्वापि सकलें खुसीजुया तार्जिति स्वया ह्लिला कुंभकार यात धन्ययात । पुत्री सुदर्शनायात कोथास बीकेछोत ।

सखीपिसखना ह्लोला गुली वांला धका लेः ताया चवन । लोपा सुदर्शना देवीनं कया जवे खवे सकमनं पुइका सोबले निम्हसीगु संकेत (चिह्न) खनेवं तंसोय्का भूमीस

बः स्वाना तः छयाना बिल । सकलें कुलेजुया च्वन तं पिकया कुंभकार यातनं बोबिल
थ्व दय्का ब्यूम्हया छ च्यो जुयाच्चं धाबले मछाला क्वछुना कुंभकार लिहांवया सुंक
च्वना च्वन । बिरूप भनंथरिनं खबर न्यन । सकलें खुसिजु राज पुत्री छम्हस्यें खनेवं
स्वत लिपा तःछयाना बिल । जितनं थ्व देका ब्यूम्हया च्योजुहुं धया बोबिल जि
मछाला लिहां वया । सिलपा काय्गुनं मखं अपजसजक जुल ।

थ्वखें न्यना बिरूपजुं तबह बिया बुछ्यात सिलपा बियाहगु मदुसा लिपा जिनं बिये
जित ह्यसीतिनि जि खना दिक जुइमते । थय्ये धास्येंली खुसिजुया कुंभकारं धाल थय्ये
ज्यासह्य आमथ्ये छाप् जुया जिथाप् ज्यायानाच्चं इले नय्दं / बिरूप ह्लिलाधाल कुह्यादाजु
छन्त छाप् दुःख जिवने धया बिदाकया वन ।

अनंली तक्ष शिल्पकार (सियागु ज्या यानाच्चंह्य) छह्य म्येगु थासेखना अन च्वना
बीणा थाना सुस्वर लेः तया म्येहाला कथन खुसिजुया भिक्षाबिल मकास्ये आम ज्या जिनंछक
याप् धयासोत ज्युया धया ज्यायाकल । थ्व बिरूपं हस्तिरथ नररथ संयोग (किसियात छह्य
मनुनं गेका मिसा छम्हसिनं बिलियाका मिसाया नुगले मिजंम्हसिगु ह्लाः छपा तया)
देका बिल । । अहो धंन्य खासोसा बिरूप ज्यायागु धासा सुन्दर – थ्व खना
खुसिजुया थुजागु ज्यासम्ह भनंथरिजुया म्येहाला फोनां नेम्वा थन च्वना ज्याया
जिमिसं प्रतिपाल यानातय् धया आसन बिया मानेयाना भोजन याकल । भनंथरिजु
ह्लिला ज्यु असल लिपा सोय्का धया सुंक च्वन । लिपा थमं देकागु रथस ल्वेक पालीस
(तेज) सहित याना रंग रोगन समेतंतया बांलाका बिल । थ्व रथ शिल्पकारं राजाया
थासे चढेयाप् यंकल राजा रानी अनच्वंप्पिं सकलें तार्जतिसोया ह्लिला हर्ष जुइका सिलपा
बिया धंन्य यात ।

लिपा पुत्री सुदर्शनासता कथन उख्ये थुख्ये पुइका सोत आखलं अंकित यानातगु
चिह्न खनेवं भूमीस बःस्वाना ऊयालं पिने वांछोया बिल पुलांगु भाय् खः हाकुतिना
छोत । एकान्तेवना सुदर्शना भोसुला खोल मांम्हसिनं हेकल मछाला शिल्पकार लिहां
वना भनंथरियात खंन्यंकल । राजा रानी अनच्वंप्पिं सकल खुसिजु राजपुत्री छम्हसिनं
खनेवं तँचाया भूमीस बः स्वानानं (ऊयालंपिने) वांछोत जि मछाला लिहां वया सिलपा
बियाहगु कथन । फुकं छन्तहे जुल धया बिदा कया भनंथरि लिहां वन ।

अनंलि देशंपिने हितिस रजक (धोबि) छहसिया वसहिया च्वंगु खना बीणाथाना म्येहाला खुसियात । धोबि लेःताया भिक्षाबिल मकास्ये आमवस स्वंगु धकान्यन थ्व राजा रानीयागु थ्व जक राजपुत्रीयागु । थथ्येजक धाय्वं जिनं हियाबियेधया फोन धोबि बिल । राजा रानीयागु वस वासतया हिया नस्वावेका बिल । राजपुत्रीयागुवस हिल खोबि वेका खछी सुंकचवन । लिपा नस्वावइगुवासनंतया नुगलेलाक थःगु बिरुपचिह्न दागिखने मदेक तया यचुस्ये पिचुस्ये च्वंका थमंहे पानागंका थ्याना दाया (इष्टस्तिंयाना) बिल । पाला पाला थिना नस्वागुलि धवबिनं बित्तियात । भो भनंथरिजु! प्रणाम-छर्पि धन्य ख बिरुप मूर्ति जूसानं बिभ्वकर्मथ्ये ज्या सः जितनं थथ्ये वसहोगु स्यनाब्यु । छु वास तयागु गुलि नस्वावगु बांलागुनं उतिकं थ्व वसखना राजा रानीपि आपालं खुसिजुइ । म्येहालीगुनं गायक (वस्ताजि) समानं बांला धया लेःताल ।

कन्हे खुन्हु धोबिया वसज्वना राजाया थासेवना वस बुछेयात फेनासोबले बालांगु नस्वावगु खना खुसिजुगुलि ह्लापाया दुगंछि सिलपाबियाधोबियात मान्यता बिल । वस सुदर्शना यात बिल थःगुवस फुकं सोत बांला नस्वावगुलि हिला वस पुनासोत । आपालं नस्वावगुलि ह्लापाथ्येमखु छुतया हलजुइ धका लँ तोता आकाशे ह्लाति ज्वना सोक्ले दथ्वोपलेस्वां जवे खवे बिरुप चिह्न खनेवं थ्ववस जित म्वाल धया-सखीयात बिल सकलें फुलेजुया चवन । सुदर्शना छछेयेवना खोबिवेका ऊसुकातया भोसुत । । थथ्ये यागुखना सकलें कौतुक (आश्चर्य) जुइका छाप् छुजुल धका हाला मनबिषाद यात । थ्व समाचार न्यना धोबिनं मछाला थःगुछें लिहांवना बिरुप भनंथरियात फुकं खँ कना राजां बियाहगु सिलपाक्यन । फुकं छन्तहे जुलधया चित्त बुछेयाना धोबियाके बिदाकया लिहांवन ।

अनंलि छह ताम्रकार (तमो) छहसिया ज्यायाना च्वंगु थासेवना बिभास रागं बीणा थाना शिल्पगुणं म्येहाला ताम्रकार यात खुसियात । भिक्षा बिल मकास्ये ज्यायायगुफोना कया ज्या यानाक्यन । सिज लीयाबस्तुनं लुंयागु तुल्य जुइक तेज पिकया नाना प्रकारं चिह्नतया गनंगनं थःगु नाम अंकितयाना बस्तु देकाबिल ।

ताम्रकार खुसिजुया अहो जिनं सिज ली मात्र बियागु खः लुं यागु समान तेज पिकया बांलाक बस्तु देकाबिल धन्य २ छय बांम्लास्तानं शिल्प तस्तकं बांला गुलीजक

ज्या सपिं शिल्पकार दयां च्वन । थ्व यथ्ये छाया जोगीजुया चाहुला जूगु जिनं लिपासिके
धया उगु बस्तु फुकं ज्वना राजायात बीयंकल । राजा रानी तथा अनर्चापि सकल
खुसिजुया बस्तुया मूल्य दुगंछि बिया ताम्रकारयात खुसियात । उगु बस्तु पुत्रीया
कोथास तथा क्यन फुकं सोया राजपुत्री न्हिला सन्तोष जुइका गनं अंकितदुगु बस्तुजक
अलग तथा सुंकच्वन । ताम्रकार लिहांवया बिरूप नाप लाय् धया सोत लिहावने धुंकन
नुगः मछिका च्वन ।

बिरूपजु अनं प्रस्थान जुया वन छथाय् रंजितकार (छिपा) या थासे थ्यन म्ये
हाला क्यन खुसिजुया भिक्षाबिल मकास्ये जिनं आम ज्यायाय्गु छक ब्यूसायाय्
घाबले ज्यु या धया ज्या बिल । छुतक याय् माल ज्यायाना गां नेगुलि (बस्त्रे) सुन्दरी
स्त्रीयारूप तथा छह् पुरुष यात स्वया च्वंगु अंकित गनंगनं तथा लोगु रंग सहितयाना
क्यन रंजितकार हिला खुसिजुल सोय्बले खा बांमलासानं थुजागुनं बांलाक ज्या
याय्सम्ह धन्य धया कन्हे खुन्हु राजा रानीपिंगु छे वना बस्त्र बुझेवावन खनाहर्ष
जुइका मागु ज्यालाया दुगंछि बिया सन्तोषयात । राजरानी पिनि खँ ह्लाना पुत्री
यात बिकेछोत - कयासोत बांलागुलि गां न्ययासोत लोसानं थःगु खँ अंकित दुगुलि
सखीयात बिल थमं उगु बस्त्र फुकं मकास्ये तोतल । रंजितकार लिहांवया फुक खँ
न्यंकल बिरूप बिदाकया वन ।

छथाय् स्वर्णकार (लुंक्रमि) लुंया तिसादेका च्वंगु खना बीणा थाना म्येहाला
दना च्वन भिक्षा ब्यूसानं म्वाः धया मकास्ये उगु ज्यायाय् धया फोन ज्यु यानासो
धया मागु बस्तु लुं बिया ज्या याकल । स्त्री पित्त सोभादैगु सप्त भूषण देका क्यन ।
न्हैपते ह्लासे गपते ह्लाते तुतिस छयोने तेगु जे तेगु थुजागु न्हुगु तालं बांलाक देका
बिल । स्वर्णकार अति लेः ताया खा सोसा रूप बांमला ज्या सोसा गुलि बांला आमथ्ये
जोगी भेशं छाया भ्रमणयाना जुया जिथाय् च्वं जिनं मागु ज्या बिया इले नका बिचारवाय्
यथ्ये धास्येलि जित दयातया धाल खुसिजुल लिपा सोय् धया अनसं च्वन ।

सप्त भूषण तिसा फुकं ज्वना लुंक्रमि भाजु भद्रक राजाया थासे वना क्यन ।
रानी पुत्रीसता थ्व तिसा बांलाक देकाहल स्त्री भूषण स्त्रीपित्त जक शोभा जुइगु ख

धया बिल । मूल्यबियानं अपो सिलपा बिया लुक्मियात चित्त संतोषयात । राजां
धं बिज्यात थ्व तिसा छं देकागु लाकि म्येपिसं देकूगु । लुक्मिजुं बिनित्यात जिं देकागु
मखु फ़ोगु देशे छह्य बिरूप भनंथरि छह्य वया म्येहाला क्यंबले भिक्षा बियानं मकास्ये
तिसा देकागु स्वयाच्चन जिनं छक देके धावले देकेबिया वं देका व्यूगु थ्व तिसा खः ।

थ्व खं न्यना आम भनंथरि (जोगी) थन बोनाहति धयाछोत । लुक्मि छं वना
भनंथरि नाप लाना राजां धयाहगु खं कना राजगृहे नापं बोनायंकेत धाल । बिरूपजुं
लिसबिल हे स्वर्णकार छ पाशाजुल राजायात प्रणाम दु क्षमाफोनाहल धया बिनित्या ।
मायात जि वय् मखुनि थमंमागु खं ह्लाना थिकया जि वनेत्यना धया बिदाकया वन ।

थ्वहे खं लुक्मि राजाया थासेवना बिनित्यात । अनंलि सुदर्शना देवीनं तिसा
कया पुतुपुइका सोत थ्व तिसा अवश्यनं थनवया च्वंह्य बिरूप स्वामीनं देकाहगु खः
धका सोका तो मछाला सोजक स्वया ग्यागु मन याना ख्वा खिउँका च्वन । सकत्तिनं
छाय् तिसां मतियागु धाल दनावना थःगु कोथास् याकचा च्वना बिचारयात । तिसां
तिया बांलाकूसा बिरूप स्वामीनं छुधाइगु तिसामत्यूसा मां अबुपिसं छाय् छु जुया
थका कुतु कुला न्यनीगु छुयाय् गुगुयाय् धका मती अन्दोलयाना च्वन ।

अनंलि बिरूपजु महा हर्षयाना बीणा थाना स्वरथ राग शिर्णगुणं म्येहाजा गनं
गनं प्याखनं हुला छथाय् मणिकार (माणिक हेरा मोति भिणु लुं) या ज्या याइह्य
सिगु थासे थ्यन ज्या यागु सोया च्वन । भिक्षाबिल आस्येनि धया मकास्ये आन ज्या
छक जिनं याय्गु व्यूसाज्यु धावले गुजाह्य बिरूप जोगी ल्या थय्ये मतीतया काना धया
ज्या बिल । खुसिजुया बिरूप मामागु वस्तुकया क्वातुक फेतुना बीणा थाय्गु तोता
नाना प्रकारया रत्नमाला हना क्यन । मणिकारजु खुसिजुया धाल – अहो दैव बिश्वकर्मा
बतार छ धया प्रशंसायात ।

मत मदुगु कोशम्, तथातगु किंसां हस्तिशालास मिदना नुगले मिनंपुना
जिनं सहाय् मफुगु थुजागु मोतिया आखलं संक्रितयाना मणिरत्न हेरा पन्ना मोति
इत्यादिया तिसां कोखाय्गु तिसादेका मणिकारयात लःह्लाना बिरूपधाल, थ्व तिसा ज्वना
राजायात बिया खुसिया शिलपा बियाहसा फुकं छन्तहेका जितम्वा ।

थय्ये धास्येलि मणिकारजु खुसिजुया राजाया सभास वना चढेयात । राजा रानीनिह्य अतिनं खुसिजुया थ्व तिसा सुनां देकाहगु धकान्यन । मणिकारजुं फुकं खं कन फ़िगु देशे आपालं ज्यासह्य बिरूप भनंथरि (जोगी) छहा वया म्येहाला जुल धागुखं न्यनागुजा दुःख धया मूल्य बियानं अथो शिलपा बिया सन्तोष यात ।

राजा रानी निह्यसिया याकचाम्हचाय् थःछे वया च्वन मायाकृपातया म्हचाय्यात खुसि याय्मा धका तिसाफुकं छन्त योग्यजु तियासो बांलाइ धया बिल । म्हचाय्नं कया पुतुपुइका सोत आखलं संकेत (ह्यसीकेगु) यानाहगु खना भूमीस तया खाखिउंका च्वन । न्ह्यागु बांलागु ब्यूसानं सन्तोष मजूह्य छ गुजाह्य छाय् छु जुल । उज्रियागु स्वभाव जुइमते धका मां अबुपिसं धागुन्यना थःगु कोथास वना भोः सुला दुःख चिन्तना याना च्वन ।

मणिकारजु लिहांवया बिरूपयात धाल, सकलें खुसि जुया राजा रानीनं शिलपाबिया हल तर राजपुत्री छह्य खुसिमजु धया बियाहगु शिलपा (द्रव्य) क्यन जितम्वा धया मणिकारयात फुकंबिया धाल । बैगुणीह्य राजपुत्री खुसि जुया ब्यूगु जूसा जिनं काय्गु धया बिदाकया पिहां वन । मणिकारजुं धाल अहो भनंथरि (जोगी) स्वभाव जूसानं राजाया पुत्री लो वंकल । खा सोता भयंकरं बांमलासानं दिव्यसुन्दरीह्य मिसा लोभ दु खनि । उकिं हे जुइ राजपुत्रींसीका तिसाफुकं तोता छुं मथास्ये सुंकच्चंगु । थ्व भनंथरिया मने भयकर दु खनि धका मणिकारं बिचार यात ।

थनंलि भनंथरि बिरूपजु बीणाथाना मंगलरागं म्येहाला तंत्रमंत्रया ज्यायाइह्यसिनं ज्यायाना चवंगुखना तंत्राचार्ययात खुसियात । भिला ब्यूगु सकास्ये सन्तोष जु धया आमज्या जिनं याना सोये धया ज्याकाल । तंत्रे उल्लेखगु मंत्रया प्रभाव जुइ । जंत्र क्रीडन धंगु छगु (वेजन गालसा) धागुपुलांगु भाषा धका च्वयातल ह्यवसा । । श्रीखण्ड बासवेका किसिया दन्तयागु विचित्र प्रभावं देकल । पुरुषं स्त्रीयागु गाचो ज्वना चवंह्ययात स्त्रीनं तिला क्यंगु थ्व निह्यभूतिया क्वसं, हे स्त्री छंगु भाग्यं जि राजानं जुइदत थय्येआखलं संकेतयाना वेजन गालसा ह्यवसा छगु देका बिल ।

हानं पितकाण्ठ नाम सियागु हेंयात पुरुषंगेका पुरुषयागु पालि स्त्रीनं भोःपुइका, क्वसं थःपुरुषयागु पालि पत्नीनं भोःपुइगु कर्तव्य खः थय्ये आख संकेतयानां छगु देकां बिल । हानं ऊंग छहयात बाणं केकाचवंह पुरुषयात स्त्रीनं बित्तियानाचवंगु छगुनं देकाक्यन । हानं म्हेखा भतु मैना केमैचा चखुं बखुं थुजापिं ऊंग देका क्यन । थुजागु बस्तुस करुणामययागु षडक्षरि मंत्र तंत्रजंत्र यंत्रया सिद्धि दुबिका महाशिल्पया ज्या क्यना ऊंगपंछिपि सना हालानं हेगु देकाक्यन थ्व छगु बिश्वकर्माबितार सिद्धिया प्रभाव खः ।

थ्व खना जंत्र मंत्रकारजु (वंत्राचार्य) अति खुसिजुयाधाल । अहो भाग्य खः धन्य२ छ ख्वा बिरुपजूसानं ज्याखँ अत्यन्त सुरूपम्हखः धया प्रणामयाना सल्लायाय् धुंका जंत्र मंत्रकारजु राजायाछेंवना प्रणामयाय् धुस्येलि रत्नमणि सोयानं बिचित्रगु बस्तु ह्योनेतया बित्तियात । भो महाराज ! थ्व बस्तु फुकं छलपोलयात चढेयाय् हयागु खः ।

थुगु बखतस राजा रानी तथा सुदर्शना अनर्चोपि सकलें लेः ताया सोया च्वन । लिपा बिस्तारं ऊंग पंछिपि सना थःथःगु स्वरं हाला प्याखं हुलानं क्यंगुखना आश्रयं जुइका गुजागु हेतु धका खुसिजुया शिलपानं बिया सन्तोषयात । राजां धै बिज्यात, हे जंत्रमंत्रकारजु ! थ्व छं देकाहयागु लाकि म्येपिसं देकाहगु ।

थय्ये राजां न्यस्येलि जंत्रमंत्रकारजुं बित्तियात, भो महाराज ! थ्व फुकं जिं देकागुमखु ङीगु देशे वया चवंह छह्य भनंथरि जोगी बिरुपह्यसिनं जिथाय् वया थुजागु देकाक्यन राजायात अर्पणया धयाहल जिनं ज्वना वया ।

थ्वखं न्यना आम भनंथरि याकनं थन बोनाहति धै बिज्यात । सुदर्शना छह्य सुकच्वना ख्वा खिउँका च्वन । राजाया आज्ञाय्ये छे वना भनंथरियात राजां थय्ये नापं बोनाहति धागु खँ न्यंका नुः धात्रले भनंथरिजुं धाल, हे जंत्रकारजु ! शिलपा वियाहगु दुसा फुकं छन्तका जित शिलपा निर्गुणीह्य सुदर्शना छह्य ब्यूसाजक काये थय्ये जिं धयाहल धका राजायात कनान्यु ग्याय्म्वाः धया छेत ।

जंत्रकारजु राजारानी नापं च्वना चवंगु थासे वना भनंभरि धयाहगु खँ फुकं कना बित्तियात । थ्व खँ न्यना राजारानीपि मती त्राशकया च्वन । सुदर्शना छह्य तंजाया

आम भनंथरि थन बोनाहति छिपिनिह कुनातये धया अहंकारं बोबिल । ग्याना जंत्र
मंत्रकारजु लिहां वना फुक खँ कना सुंकचवन । भनंथरिजु हिला विदाकया उगु थासं
म्येथाय् वन ।

अनंलि बिरूपजु हर्षयाना बिणायास्वरे सारगु म्येहाला भ्रमणयाना जुल । गुण
स्थीरज्वी गुणिकं ह्यसीकि । अभिमान अगुण अथोरजुइ, अहंकारं थः स्यनि इत्यादि
वं न्यंका हिला जुल । ज्वंवापिनं ल्युल्यु जुया चवन बिरूप निर्भयं महारसया म्येहाला
जुल ।

उगु बखतस पिसकार (मधिकर्मि) या मधिछुना च्वंगु खना अनचोना हिमगीरि
रागं म्येहाला खुसियात भिक्षामधि बिल लिपाकाय् धया आममधि जिनं देकेस धया
ज्या फोना काल । राजा रानीपिन्त लोगु तालं पाकशालाया प्रमाणं भागमिलेयाना
नस्वावेका बांलाक न्हूगु तालं मधि देका क्यन । मधिकर्मिजु खुसिजुया धंन्य २ छपिन्त
प्रणाम धया मस धैंगु छुं मद्दु सकल ज्या बांलाक याय्फुः सकल खुसि जुइका प्रशंसा
याकानं जुल । ज्या बांलाथ्ये ख्वानं बांलागु जूसा गुलिजक सकलया प्रीति जुइगु । ज्या
यात ख्वा बिरूप गुलि मल्लव थःथगु कर्म भोग खः धया मानेयात ।

निहसिया सल्लायाना मधिकर्मिजुं राजायातबोकेछोत राजारानीयात नमस्कार
याना न्ह्योनेतया मधिफुकं क्यना अर्पणयात । राजारानी सकसिनं सोत लेःताया राजा
रानीनं ह्वापांतया म्येपिन्तनं नकासोत अमृतसमानं सागुलि सकसिनं मधियागुण प्रशंसा
यात थुलिसागु बांलागु नस्वावगु मधि सोय्मनं नेनंमनंनि धया खुसिजुया चवन । सुदर्शना
थहसिनं मनस्ये सोयाजक चवन ।

राजां धै बिज्यात हे पिसकार तथा कर्णिकार (मधिकर्मि)जु ! थ्व पक्वान्न (मधि)
मुतादेका पाकयानाहगु ह्वापा गुबलें थुलिबांलागु सागु ज्वनामवनि थौहेमात्र खना । छं
वेका गुलाकि म्येपिसं देकूगु । । राजां थथ्ये न्यस्येलि मधिकर्मिजुं बित्तियात, भो
महाराज ! जिनं देकाहयागु मखु बस्तुमात्र जिगु खः । सकसिनं खना सियाच्वंगु खः
पुनः छलप्रोलनं न्यना च्वंगुदै, छिगुदेशे बिदेशी बिरूप भनंथरि (जोगी) थ्ये च्वंह्य
महाराज म्येहाला जाहुला जुयाचवन थ्व मधि वं छुना ब्युगु खः ।

व जिथाय् वल भिक्षाबिया आस्येनि धया मधिछुयेगु ज्या जिनं सःधया ज्यायाय्गु फोन जिनं बिया । थुजागु पाक शास्त्रयाप्रमाणं देकाक्यन राजारानीयात योग्यजुधाल जिनं ज्वनावया । थ्व भनंथरि थौं तकसुनानं थनंवह्य छुकारणे थन देशेवषा भ्रमणजुया म्येहाला सकलयात खुसिजुइका अनेक ज्या क्यनाजुल । ख्वा छता बाँमला सिद्धिहिसि आपालं दु त्यागी दयावान् तथा क्रियावान् शास्त्रवान् बुद्धिमान्ह्य खः ।

थ्वया सहाय बीणाबाजामात्र म्येगु सहाय छुं मदु याकचा भ्रमणयाना जुयाच्चन जिगु छें दु । एवंप्रकारं मधिकर्मिनं बिन्तियागु खँ न्यना राजाया व मनु त्वेगु हताय्चाया हानं धं बिज्यात । थ्व भनंथरि नापंबोना याकनं वा जिनं प्रतिपालयाय् बिस्तारं थ्व बिरूप मनुह्यसीके छगु कारण अबश्यनं दै खः । थथ्ये राजाया बचनन्यना याकनं छेंथ्यंका भनंथरि यात राजांधागु खँफुकंकना नापं बोनाहिं धाल नुः धया खँ न्यंकल ।

थुगु अवस्थास बिरूपजुं चिन्तनायात । राजा धयापिं अग्नि समानखः थुकिं स्वंगुबार जुल बोनाहति धागु गुमाणि जुइमज्यु जि थन वयागु पत्नीया निमित्ते खः बिरूप मुख जूगुलि लाजं गोप्ययानाजुया थन देशे च्वनेमते हुनं धाय्फुः । तर जि मग्या आ वने मालि बिस्तारं मागु ज्या खँयाना बुझेयाय् । शिल्प गुण अनेक ज्या क्यना सन्तोष जुइका थःम्ह पत्नी सुदर्शना बोना छें वने । थुलि बिचारयाय् धुंका मधिकर्मि पाशा यातनं सन्तोषयाना नुः धया नापं भद्रक राजाया राजगृहे (ससले) थ्यंकबन ।

थ्यनेवं राजायात प्रणामयाना बीणाथाना स्वरथराग बसन्तया लेः तया म्येहाला क्यन । सुदर्शना कोथास च्वना न्यनाच्चन राजारानी मंत्री सकलें खुसिजुया अहो धन्य गुजागु स्वर गुणिकह्य थ्व गायक (वस्ताजि) तुल्यह्य भनंथरि (जोगी) ख्वाधासा बिरूप थुजाह्य पुरुष गुबलें स्वेमनना न्यनेनं मननानि ।

संसारे अति गुणिकपिनि छताछता दोषदं धकानिति तथा दर्शनशास्त्रे उल्लेखदु धका राजां उगुसमये अन चोपिन्त थथ्ये न्यंकल ।

चन्द्रमा अति शोभादु चन्द्रमायाके कलकं (दागि) छता दोषदु । इन्द्र आपालं गुणिकह्य खः धर्मस बिघ्नयाकेगु छता दोषदु । ब्रह्मा धैह्य आपालं गुणिकह्य खः काम

रागंयाना पुत्रीनापवंगुलि सुनानं पूजायाय् मज्यूगु छता दोषदु । बिस्नु अति गुणीकह्यखः
श्वनं कामरागंयाना ज्वालांधरया स्त्री सत्यधारी छह्य मिसाया स्नापं गुत्तू (सितु) घाँय्
जुया च्वनेमागु छता दोषदु । महेश्वर महादेव आपालं गुणीकह्यख बांलासानं कालकूट
बीषनया दाह ज्बीका उख्ये थुख्ये चाहुला दुःख सिया गोसाहिं धाय्का हेमालया क्वसं
सीलु पुखुली गोतुलेमागु छता दोषदु ।

अग्नि देबताया गुणयकोदु श्वैकेनं महादेबया बीजनया मोसाथ्ये गर्भवती जुइका
(प्वा तगोयाना) गँगास वना बमनयाना ज्बीमागु दोष छता दु ।

पलेस्वां आपालं गुणिकख छुंहे छ्यलेमदुगु नालसूत्रछता घाना ज्बीमागु दोषदु ।
श्वथ्ये श्व भनंथरिजुयानं अनेक गुणदु छ्वा बांमलागु छता दोषदु । तथापि सीकेमा
बिद्वांन् सकभनं दैमखु गथ्येजा श्रीखण्ड सिमा वनपत्तिकं दैमखु । जिनं सीके धुन
श्व भनंथरि बिरूपयाके आपालं ज्ञानगुण दु ।

रूप स्वेगु मखु ज्ञान गुणस्वेगु रूपया प्रभाव स्वांथ्ये जक, ज्ञान गुणया प्रभाव
बज्र थ्ये ख (रूप धैगु चिकिचा धं, ज्ञान गुण पर्वत समान) थथ्ये भद्रक राजानं
आज्ञा जुया श्व भनंथरि बिरूपयाके खं न्यनासोत । छसु छंगुनाम जातछु गनंवयाह्य
जन्म स्थान गन मां अबुया नामछु आमथ्ये छाय् जुयागु थन छुकारणे वया चाहुला
म्येहाला जुयागु केबल छ स्वया काय् थुलिमछि ज्ञानगुण दुह्य आमथ्ये जुयागु
छाय् । । थमं ह्तापानं अनेग् तालं बांलागु वस्तु देका बीके हगु दु जिनं बोना
हति धयागुखः धाःमधाः जिनंमस्यु थःमव थौवल असल जुल । जिन्यनागु खँया उत्तर
यथार्थ याना जित कनेमाल जिनंथन बांलाक प्रतिपाल याय् जित थन वया सेवायागु
छगु कारण अवश्यनं दै मछालेम्वा धा ।

थुलि भद्रक राजां धै बिज्यागु खँ न्यना भनंथरिजुं बिन्तियात । भो महाराज! जिगु
शंकष्टया खँ गुलि जक धाय् जिगु उपरे करुणा तया बिज्याहुं कने त्यना थुइका
काइगु आशादु । थुजागु दुःख स्वैतनं मज्बीमा थुलि धया बिभास रागं बीणाथाना
बिलापया ले नुग खुलुलु मिनीगु स्वरयाना भ्रमर हालीगु थ्ये राग कया स्त्रीग्रहण
महिमा धयागु बिरह याना मिखास खोबि हायेका बिस्तारं म्येहाला क्यन ।

म्येया भावार्थं थय्ये सीकेगु मनुष्यपिनि कर्मया गति जरु मवु प्राणिपिं सकल
यावः सुगति व कुगति निगुदु । दुःख सियेमय सुखंचवने धयां छुयाये हेदैब ! थःथःगु
भोग हितुहिला वइगु गथ्येजा कुंभकारया चक्रथ्ये षट्गतिस लाना च्वनि थःगु न्होने
वल बुढाबुढी जुगुमवा थुजागु चालायात तोतेमफु हेदैब ! थःथःगु देहस जुया वल
जुवनया स्वां होया च्वंगु सुन्दर सुन्दरी रूप थोयाकाइ थःपुरुषं अथवा स्त्रीनं ।

थुलि म्येहाला मुसुक छक हिला हानं म्येहाल । हेदेबी सुन्दरी च्वना च्वन
छ गन वया च्वन पुरुष अमर बोयावल भनंथरि निहसिया ह्लापा हाला च्वनागु
लोमनला सुन्दरी स्वां मुखुचिना वनला । युबन अवस्था व्यरथनं फुकेमते कर्मया
भोग खसा नापलाये छ वसा ।

थुजागु तालं म्येहाला हानं हिला हानं खोय्थ्येयाना प्याखं हुलीह्यथ्ये सना
सकलयात खुसियाना वयन । थुगु अवस्थास सुदर्शना देबीया ह्लापायागु कोथावं
थुमंका शरीर कंपजुइका म्येहाह्य सिगु स्वरन्यना भतीचा खास्वे धका चिन्तनायाना
कोथाया ऊयाले सुनानं मच्चक पर्जाकाप तया स्वया च्वन । म्येहाह्यसिनं ऊयाले छक
पस्थोबले खा छलाना मच्चाला ग्याना सुदर्शना ववछुना च्वन ।

ममंथरिजुं राजायाके हानं बिन्तियात, जिगु खं न्यना बिज्याहुं काशीदेशया
समीपस वयाच्वंगु मृगदावनया पिनेसं चोह्य सुरुष धयाह्य ब्राह्मण्या काय् बिरुप
धेह्य जिहे खः । जि अबुं तः धंह्य मान्यता दुह्य मनुया पुत्री दिव्य सुन्दरी ब्राह्मणी
छह्य जित बिबाहयाना बिल । जि सस अबुजु छपिसं आः मस्यूसानं लिपासिया
वइ तिनी । थुह्य सुन्दरीस्त्री नाप छुं दिन मुलेजुग छन्हु किसिगलस (हस्तिशालाय्)
मिबना जिगु नुगले मिपुत सहायाय् मफुत छुयाय् महाराज थुबुन्हुं निस्ये जिगु नाम
बिरुप धका सकसिनं सीकल ।

रात्रिया बखतस सलगया (पुरुषभेश अभरथस च्वना) थः सखीपिं निम्ह
नापं थुम्ह पापि ब्राम्हणी थः थमं बेरथयाना (व्यइजत् ज्वीका) जित तोता

थन कन्यकुब्ज देशे वल धाल गनवन जिनं मस्यु । सुन्दरीम्हस्त्री जिगु छें मदया
बिरह्याना थुगु भेश कया भ्रमण्याना थनवया थःह पत्नी माला जुया मिखाय्
खोबि वेका हिला ययन ।

थव खँ न्यना भद्रकराजा भतीचा कुलेजुया छुं रहस्य थ्वीका छयों लुकु लुकुसंका
तार्ति बिरूपया खाः सोया धँ बिज्यात ।

भनंथरी जु ! कला छम्ह छेनं पिहावनेव आमथ्ये ज्वीगु अयोग्य किन्तु तपोवन
बनेगु हे योग्यजु वनेमफुसा आमथ्ये जुइमते आपालं धनिम्हया पुत्री म्येम्ह सुन्दरी
ब्राम्हणी जिनं बिबाह याना बी थनचों बांलाक प्रतिपालयानातय् । थन च्वना मामागु
ज्यायाना च्वं थःत तोता पिहांवम्ह स्त्री लोमंकाछो ।

एवं प्रकारं धागु राजाया बचन न्यना पुनः बिरूपजुं मग्यास्ये बित्तियात ।
मो महाराज ! छपिसं धँ बिज्यागु थिकजु तर व ब्राह्मणी समान दिव्यरूप सुन्दरीह्य
स्त्री जिमि महाराज बीरकूशया पत्नी सुदर्शना छह्य बिना म्येपिसुनं दैमखुः ।
छलपोलया कृपा दुसा वहे ब्राह्मणी लुइका जित होनेदेका ब्यूसा हानं म्येह्य बिबाह
छाय् याय्गु छपिन्त बहु पुण्पनं दै जिनं सकलयाके न्यना सोया व ब्राह्मणी थन देशेदु
धाल । थुम्ह मिसाया ज्ञान गुण रूप खँल्लाइगु जिनं लोमंके फँमखुः ।

बीरकूश राजाया पत्नी छपिनि पुत्रीखः सुदर्शना देवी । जिनं बीणाथाना
म्येहाला बले ऊयाले तीजक पर्दाकाप उलासोगु जिनंखना । छाय् स्वामीया थाय्
मचोस्ये थन बिलम्दयाना च्वंगु । वथ्ये च्वंम्ह छपिनि पुत्री खस्येनिस्स्ये जिगु नुग
पंम्हुइथ्ये जुया जिपत्नी जक लुमना मिखा तीस्यूसानं न्होने दया च्वंगुथ्ये जुल छपिसं
नाप लाका बिज्यासा जिगु नुगः दाह मजुइ खोबिनं मबइ ।

थथ्ये छुं भय मकास्ये ससःअबुया न्होने च्वना हाला च्वम्ह बांलाक म्हसीका
सखीपि पाशापिन्त, सुदर्शनानं खन्यंकल । सोयबले गरख्येस्ये च्वंम्ह बिरूप भनंथरि धाम्ह
हालाच्वंगु धंगसो नकचरा लाज मचाम्ह खनि । सखीपिसनं बित्तियात बीरकूश
राजाया नाम न्ह्यथना वया पत्नी नामकया नुगमछिने मागु व भनंथरि बिरूपया

कारण छाये । राजायातजा वया कला लुइका नाप लाकान्यु धाय् फुम्ह गुलिजक मय्याम्ह प्व छम्हसु मनु त्या ।

सुदर्शना कोयास बना दुःख चिन्तनायात । थ्व जि स्वामीखः वनेगुला च्वनेगुला मा छु जुइगु छु जतनयाय्गु जिनं छु धाय्गु जिगुकर्म धिकार धया भोसुला च्वन । ० । भद्रक राजाया मती अनेक चिन्तना जुल बिचारयाना मंत्री तथा म्येपिन्त सःता धं बिज्यात । थ्व भनंथरि बिरूपया कला ब्राम्हणी थन देशे वया च्वन धाल माला लुइका वा शिलपा बी धया माय्के छोट । तथाऽस्तु याना उख्य थुख्ये सकमनं मालानं लुइके मफया राजायात बिन्तियात जिमिसंजा लुइकेमफु म्येपिं छोया बिज्याहुं ।

भद्रक राजा हिला लुइके मफुसा म्वाल धया थः स्त्री महारानीयात पाचिना अत्तपुर (कोथास) बना गोप्य खँ ह्लाना धाल - स्त्री छं छु मती संदेह काय्मते मनुधयाम्ह विस्तारं म्हसी । पुत्री थः छँ वया च्वन भातपिंगु थासं छु खबर मव की जिलाजं थौं तक म्हमस्युनि । थ्व बिरूप भिकि धंम्ह मनु मखु थ्वैत नुगले स्याक सुनानं धाय्के मते थ्वैत मानेया ।

हानं पिहांवया यय्ये न्यंकल हेमंत्री तथा सकल थन च्वंपिं ! जिनं छगु खँ धाय् प्व भनंथरि बिरूपजु ब्राम्हणधाल थ्वैगु पाक अमृत समान थ्वया ख्वा जक बांमला म्येगु फुक बांला । स्वर्गया इन्द्रं हे प्रशंसायाइ थ्वमनुयागु गुण ज्ञान भति २ जिनं ह्यसीके धुन मनु धैह्य संगतयाना खँ ह्लाना विस्तारं ह्यसिया वइ ।

थ्वयात कीगु राजगृहे सुये वहनी सिया भोजनालये (जाथुइगु) सुवायाना तयगु लाय्कजु । थ्व मनुसत्यथरि थ्ये चों कीगु छँ सकमनं वनेगु अधिकार दु । सुनानं गनेमते वया गनवनेगु इच्छाख अनवनि सुनानं च्यूताकाय्म्वा । आ थ्वैत अति मनोहरगु छँ तथा धन संपत्ति सकतां बिया पत्यार यानाति थ्वैगु नाम थनिनिस्स्ये भनथरि मय्यत राजमुवा जुल सीकि ।

एवंप्रकारं धागु राजाया बचन तथाऽस्तु याना बिरूपजु स्नानालयेवना स्नान कर्म धुंका राजांब्यूगु बस्त्रंपुना भोजनालये नायोजुया पाक शास्त्रानुसारं बिबिध प्रकारया व्यंजन (धासा) तयार याना थः राजाजुया च्वंम्ह जूया निम्ती फुकं थमं सीका राजा रानी राजपुत्रीपिन्त नका राजापत्यार यागुलिं फुक बस्तु थःगु ह्लाते जुया बखत दखते भिक्षु सज्जन ब्राम्हण तथा अभ्यागत (भिक्षाका वइपिन्त) दान बीका थमनं दान याना सकलयात लेः ताय्का आनन्दं वासयात ।

अनंलि गुलिसितं धर्मया खँ कना मनुतेगु स्वभाव ज्ञान बुद्धि स्वया गुण ज्ञान न्यंका, भक्ति दुपिन्त पौराणिक इतिहासया खँ कना, मंत्री तथा कर्मचारि तेतनं गुबलें राजनीति धर्मशास्त्रया ज्ञान न्यंका, अल्पबुद्धि मिसा मचाते स्वभाव पिन्त लोगु ख्याखँ ह्लाना ह्लीका, बुद्धिवन्तपिन्त च्वेलागु बुद्धचर्य बोधिज्ञानया खँ कना चित्त बुछे जुइका थःगु मनयात धीर जुइका वीरकूश राजा स्त्रीया लागी सवले गोप्य जुया राज सुवाया ज्यायाना सकलयात लेः ताय्का सकसिनं धन्य २ धाय्का च्वन ।

छन्हु इच्छा रानीनं विचारयाना सोत थ्व राजसुबानं सकलयात सन्तोषयात आफिसनं छक धर्मया खँ न्यने धया थःपुत्री सखीपिं सकलें थःगु कोथास मुना थ्व राजसुवायात सतके छोया धै बिज्यात । अरे गुणिक! जिमितनं थन च्वना छुं ज्ञान गुण पागु धर्मया खँ छगु निगु कंसा असल ज्वी ।

थथ्ये रानीयागु बचन न्यना बिन्तनायात, थन कोथास थ्व रानी ससमांख थःहे कला छम्हनं गांतोपुया मिखा निगजक खने देका च्वन । म्येपिं सखीपिं मुना च्वंगु जाख लेः ताया महारानीयात प्रणामयाना बिन्तियात ।

भो महारानी! तथा म्येपिं सकल थन गांतोपुया च्वंम्ह छम्हनं दु सुजुइ जिनं ह्वा मखं सकसिनं बांलाक बिचारयाना न्यँ । सकलें इति इति ह्लिल थनं ह्लिला स्वरथ राग कया स्त्री पुरुष बियोग महिमाया खँ न्ह्यथना अत्यन्त न्यने वहगु यैपुस्ये च्वंगु सुस्वर प्रकाशयाना म्येहाला वयन ।

बराबर खनं कनीगु, गृहस्थि धर्म सन्तानया बिषये बिबाह जुइ । निम्ह स्त्री पुरुष म्वाना च्वतले (सदानं) बाया च्वने योग्य मजु । पंछि पिनिनं प्रीति स्नेह जुइका नापं च्वनि । गुलिसियां भात परदेशे लाना च्वनि, गुलिसियां भात वाना थःछे च्वना भात कला कलानं भात लुमंका फुसुका तथा गुबलेनापं च्वनेदेगु ख्वास्वेदेगु धका मती तथा च्वनीपिं दु । खं खला मखुला गां तोपुया च्वंम्हसिनं ताला मताला धया भतीचा हिला वयन, सकल कोथा थ्वक हिल ।

हानं धाल गुलिसियां म्वाना च्वसानं छुं खं देका भात कला निम्ह निखे च्वना बाया च्वनि । गुलि मां अबुपिसं छुं खं देका अथवा मदुसानं ह्याय् जिलाजं निम्ह निखे तथा बाय्कातं जुभन व्यर्थ याना व्युगु यागु पाप थमं थमं आनं लिपानं भोग याइ । बाय्मागु खं सकसिनंस्यु—गुलिसियां थःगु छे च्वना निम्ह त्यपु निखे च्वना बाया च्वनि व स्त्रीया धर्म मखु अथवा गृहस्थि धर्मयात मत्व गुलिसियां मां अबु काय् सजीवं बाया च्वनि व गृह चिन्ताया स्वभाव खः ।

थ्वफुकं कर्म भोग धका कर्मयात दोष बिया च्वनी अथ्ये जुइफु ख, केबल अज्ञानं कुसंगतनं जुइफुः । विशेष सजीवं निम्ह स्त्री पुरुष बाया च्वनेगु मूर्ख बुद्धि पाप खः । कर्मयात जक पा याय्गु मखु थःथमनं विचारयाय् फेकेमा ।

ज्ञानी गुणीक पतीव्रता स्त्री पिसं थम्ह स्वामी देव तुल्ययाना सदानं नाप च्वनेदेमा धका धर्मयाना च्वनी । गृहस्थि धर्म च्वना बाया च्वनेगु निम्ह सियां दुःख जुइ । गुलि स्वामीया धर्म च्वंपि मिसात सत्यवनेगु धका भातसीसानं नापं चोना अग्नि संस्कारयाका देह तोतावनी । छुयाय् जि ब्राम्हणी कला निर्बुद्धिम्ह जुया जित तोता बिस्युंवना च्वन । गनदे धका माला जुया लुइके मफया च्वन छपिसं स्पूसा खंसा वयना अथवा कना व्युसातच्चतं धर्मदे धका म्येहाला बिचे बिचे यथ्येखं कना न्यंका च्वन । । सुदर्शनाया हिलेगु पीमफया गां तोपुया थगु कोथास वना भोःमुला हिले छुंका थुजाम्ह दिखपजुया जित खा मवयंगु आःथन वया सकल बसे तथा जित बोनायंकेत हिसिदेक खं हलाना अनेगु तालं ज्यावयना

बुसियात । जि माँ अबुपिसं राजमुवानं याय् धुंकल लिया जित छुनुइगु छुयाइगु मने दुःख ज्वीका चवन ।

छन्हु सखीपिं फुक मिले जुया थ्व राजमुवायातनं मिसा वस पुंका ह्लिला ख्यायाना म्हितल । सखीपिं छाया ह्लिला जुल धका सुदर्शना रानीनं सोवल सखीपिसं छपिनं म्हिते न्ह्याला धाबले राजमुवा खना तँमोय्का सखीपिन्त बोबिल । छिपिं धिकार सोय्हे ग्यानापुस्ये खा बिहयम्ह नाप घेः पुना चुपानका स्तन मर्दन याका ख्यायाना ह्लिला ज्वीपिं नकचरात कन्हेनं थय्ये म्हितल धाःसा जिनं सहायाय् मखु छिपिं फुकं पितना छोय् थय्ये धाबले सखीपिं सकलें थःथःगु थासे बन ।

थ्व राजमुवानं सुदर्शनायात सोया धाल - थन नृत्यालये जित सता म्हितेवा धाल सकलें लेः ताय्के माला सखीपिन्त सन्तोष यानागु । आ छनारनं म्हितेत थन वया चवनागु छं जिसुः म्हसिलला किन्तु म्हसीके धुंकल हे ज्वी । छं माँ अबुपिन्त यथार्थ खँ कनेगुसो जिखना छ तंचाय्मते धर्म बिचारयाना सो ।

थुलि धास्येलि ह्लापा खिउँकोयास चवनागु लुमना शरीर खाकायाना काचा काचां थःगु कोयास बना ह्लकुतिया अनेक चिन्तना याना चवन ।

छन्हु राजमुवाजु थ्व गोप्यगु कोथास सुचवनीगु धका द्वाहां वंबले सुदर्शना देबी याकचा चवना चवंगु खना ह्लिला धाल, अरे प्रिय स्त्री, थन छंगु कारणे जिवया चवनागु खः । ह्लापा कोथाय् चवनागु लुमंका गृहस्थीया स्त्री धर्म स्वामी सेवा याय्गु खः धका मती ति ।

स्वामीद्रोही जुइमते जि खना छं छुं बिषाद याय्मते जिगु खा बिरूप खः छं लाज चाय्मागु छुं मदु । जि राजा जुया चवनाम्ह गोप्यजुया थन जाथुइम्ह मुवा जुया चवनेमाल । थ्व छंगु कारणे छंयाना जूगुख नु याकनं कीगु छे वने माल ।

थय्ये धागु न्यना सुदर्शना देबीनं बिल्तियात । अहो हेदैब ! लाजं क्वछुना षोबीवय्का नागिनीनं श्वास पिकाइथ्ये तच्चकं श्वास ह्लाना धाल । भो स्वामी ! छपिं किञ्चीत् मिसा छम्ह सिगु लागी आमथ्ये भनंथरी भेश कया चाहला छाया

जुइगु । हानं दासी सखीपि नाप छाप् म्हितागु राजार्थि जाम्हसीनं थुजागु स्वभाव
जुइगु मत्व । छपि थन च्वनेगुनं योग्यता मखु छपिगु खा खनीबले जीगुमन
त्रोहि जुइगु आमथ्ये वें थ्यें जुइगु गात जित लैज्या जुया च्वन बिरूपम्ह भात लात
धका लोकं नानाप्रकारं अपहास याइगु न्यनेमाली जितनं छपिन्तनं जि मां अबु
यातनं बांमलाइ थन च्वने म्वाल याकनं छें लिहां बिज्याहुं । राजा जूसानं मिसा
छम्हया मिम्ति ससले जाथु सुवा जुया च्वन धिकार धका म्येम्येगु देशया राजा
तथा प्रजापिसं गिल्ला याइ याकनं लिहांवंसा असल जुइ ।

थथ्ये अप्रीतियाना स्त्रीनं धागुखँ न्यना पुरुषं धै बिज्यात । छ अती मती-
नाम्ह स्त्री जुया छत कावया छनापं वने स्वामीया खा सुरूप जुइमा धका मती तथा
व्रत पूजादी धर्मयाना सुखं च्वनेगु सो छ तोता जिजक लिहां वनेगु व्यर्थ जुइ । छाप्
धासा छें मांतोता थुजागु भेशकया म्येहाला चाहला जुयागु फुकं छंगु कारणे खः । थथ्ये
जुयागु सारयाना छनापं लिहां वनेगुहे असल ज्वी :

एवं प्रकारं पुरुषयागु ददन न्यना हानं स्त्रीनं बिन्तियात । भो महाराज
स्वामी ! जि बोना यंकेफइमखु छपिगु खा स्वेगु जिगु मने इच्छामदु कारण बिरूप
जुया । छाप् दुःख सिया ससले गोप्यजुया च्वनेगु सकसिनं सिलकि गिल्ला याइ ।
राजाया मागु प्रजापालन मांयात बिचार याना जिथ्यें जाम्ह म्येपि बिबाह याना
आनन्दं च्वना बिज्याहुं । अनेगु तालं हाला च्वनेम्वाल याकनं छें बिज्याय्गु सो ।

स्त्रीनं थथ्ये अनर्थ खँ ह्लात न्यना तँ मोय्का हानं पुरुषं धाल । जिगु थ्व
गोप्ययाना वयागु अनर्थयात जिनाप छ मवल धासा छन्त अनेक जतन याना यंके
त्यना छं अबु लिस्ये युद्धयाय् मासानं जि मग्या जिनं सहयाय् फ़ैमखुः । । हानं
स्त्रीनं बिन्तियात जित अनेगु तालं सास्तीयाना अथवा त्वाना यंकेगु ज्यायात कि
मिसाया बल मिजंया थ्यें दैमखु प्राण त्याग याय्गु मिसाया बलदु जिनं प्राण त्याग
याय् त्यना ।

पुनर्बार स्त्रीयागु स्वभाव बिचारयाना नम्रजुया हानं पुरुषं धाल । हेप्रिय स्त्री !
छंगु खँ व्यर्थ जन्म जन्मपन्नि भूत प्रेत पीशाच जुया च्वनेमालीगु अकालं सीना वनेगु

खँ न्यंकल स्वामी नाप चवनेगु इच्छामया । छ थन राज पुत्री - जीगु छँ महारानी
छ खः । नरक भोग याय् मागु खँ न्यंकेमते - छन्त सकसिनं निर्बुद्धिम्ह मिसा
घाइ दरबारय। सुखतोता दुःख छाय् भोगयाय्गु सीकि निराधारगु ज्याखँ तोता छ्व सत्य
धर्म म्हसीका जिनं छ बिना म्येम्ह स्त्री विबाह याय् मखु जितनं छं तोतेगु इच्छायाय्
मते । थ्व सत्य धर्म निम्हसिनं गृहस्थस चवना मूल सारगु क्रियाखः धका सीका
जितापं कन्हे बा कंस वेगु इच्छाया छन्त असंख्य पुण्य लाभ जुइ ।

थुजागु प्रकारं बोधयाना धालनं बोध मजुया स्वामीयागु ख्वा मसोस्ये भोसुला
धाल । भो स्वामीजु ! मयोगुया वास महु जिनं छपिगु ख्वा सोय्गु मन महु जिगुमन
ग्राहि जुल याकनं लिहां बिज्याहुं ।

थुगु बखतस सखीपिं राज सुवानाप हानं ख्यायाये गनवन धका मा जुल गोप्यगु
कोथास निम्हसिया परस्पर खँ ल्लाना चवंगु खना सखीपिं स्वभाबं धाल अहो थन
सुनानं मखंक सुदर्शना मालिकया राजसुवा नाप ख्यायाना चवनेगु बखत जुयाचवन
जिपिं मसिस्ये वया जिमित धासा उजाम्ह बिरूप नाप ख्यायाना म्हितेगुका मखुला
धया नानाप्रकारं बोबिल । थः धासा एकान्ते चवना उजाम्ह नाप छाय् ख्याखँ ल्लाना
बिज्यानागु थनिं निस्ये जिपिं थ्व नाप ख्या याये मखुत छपिं हे ख्यायाना बिज्याहुं
जिमिसं सोइतनं कनेमखु धया सखीपिं थः पिगु थांसे वन ।

थुगु इले म्येपिसं उपहास याइगु भयं सुदर्शनाया मती दुःखताया फसुकातया
धाल । हाहा दैब गुजागु बखत जित जुल जिगुकर्म धिकार धया नुग मछिका खोबि
वेका थःगु कोथास वना स्वैतनं छुं मधास्ये मछाला सुंकचवन ।

राजसुवाया सदायार्थे सकसितनं नकात्वंका थमननया त्वना सकल लिस्ये
मिले जुया चवन । छन्हु एकान्ते चवना चिन्तना यात जिमाँनं ब्रत याबले शील कया
खण्डन (अपहास) यागु दोषं जिगु ख्वा बिरूप जुल धका माँनहे कना तल ।
थ्व दोष माँयागुला अथवा जिगुकर्म दोषला । माँनं अष्टमी ब्रत याला मयाला
छुं सीकेगुनं मफुत थनवया सकलयात खुसि याय् धुन थ्वहे सुदर्शना छम्ह खुसियाय्
मफया चवन ।

प्रकतयाना खं ह्लाया धासानं इजते मव्वन सस अंबुं छुं धाइला धंका सुंक च्वना । बलात्कारया धासानं सुदर्शनानं प्राण त्याग याइ धकानं ग्याय्माल थन जक थुजागु तालं गुलि च्वेनेगु । अण्टमी ब्रतया स्वामी करुणामय जक सहाय दनि धयां लुमंका प्रणामयात ।

थुगु इले फकिररूप ब्राम्हण निम्ह वया गुप्तरूपं बीरकूश नापलाना मानं बियाहगु पत्र थ्वख धया लःह्लात कया भाजियाना पोलासोत ह्लिलाबोन । पत्रया खं थय्ये खः ।

करुणामय शरण तथा प्रणाम

पुत्र छंगु मनोरथ याकनं पूर्णजुइमा छंयागु छुं धन्दा काय्म्वाः फुक थिक जूया सकलया आनन्द जुया च्वंगु दु । करुणामय स्मरण तथा त्रिरत्न शरण उपोषध ब्रतयाना च्वनागु दु । छंगु देह सदानं दीर्घायु निरोगी ज्वीमा धंगु छंमां अलिन्दा रानीया सदानं कामनायाना च्वना । बिरूप मूख, सुरूप जुया छं पत्नी सुदर्शना देवी नार्प छे वयंगूज्या तत्कालं सिद्धि जुइमा । शुभमिति । ० ।

थुलिखे बोना खुसि जुइका थुकीयागु लिसः च्वया थ्वहे वपिनिम्ह फकीररूप ब्राम्हणपिन्त बिया छोट । राजगृहे थ्यंका पुत्रे बियाहगु पत्र अलिन्दा महारानीयात लःह्लात प्रणामयाना बिदाकया ब्राम्हण निम्ह दक्षिणा ब्यूगुकया लिहां वन । ० । पुत्र बीरकूश बियाहगु पत्रया खं थय्ये ख ।

त्रिरत्न शरण करुणामय पुनः माता (अलिन्दा रानी) यात प्रणाम । मांनं बियाहगु पत्र प्राप्त जुया मांयाख्वा स्वयागु तुल्य जिनं खुसियाना भाजियाय् धुंका बोनाबले हर्षया अमृत खोबि जिगु मिछां बहन जुल जिगु नुगः पलेत्वां थ्ये चकन, थनयागु ज्या भतीचा बाकि दनि करुणामयया प्रभावं मांया धर्म पुनः आशीर्वाद याकनं छपिनि भौनचा सुदर्शना बोनानापं छपिनिपुत्र जि बीरकूश छे थ्यंकवये जिगु छुं धन्दा कया बिज्याय्म्वा । थन ससले गुप्तरूपं च्वना राजसुवा धाय्का सकलयात साक ज्वरेयाना नका खुसियाय् धुन । सुदर्शना छम्ह सन्तोष याय् मफया

चवन सुगन्ध धूप थना खुसि जुइका नापं लिहां वये मांया पालिस जिगु शिर दिका
तया भापा थुगु पत्र खः लिसपौ बियाहया । पत्र मिदं शुभम् । ० ।

पुत्रं धयाहगु खँ थ्वीका मांम्ह पुनः अनच्चं पि सकलें सन्तोष जुइका लेः ताया
चवन । मांनं आशीर्वाद बिल जिपुत्रया कार्य याकनं सिद्ध जुइमा धका कामना याना
उपोषध ब्रत भक्तियाना चवन । । थन यागु खँ थुलि जुल ।

थनंलि कन्य कुबूज देशे थः छँ वया च्वंम्ह सुदर्शनादेबी दिव्यरूप सुन्दरी
जूगुलि थः स्वामीया खा बिहूप जूया (बांमलागुलि) मन त्राहि जुइका चान्हे सुनानं
मखंक सखी निम्ह पाशा नाप थः छँ वया चवन । स्वामी बीरकूश राजायात त्यागयाना
वंगुलि भातम्ह (बीरकूश) राजाया मन बिह्वल जुया किजा द्रुमकूशयात राज्यबिया
भनंथरि भेश कया देशत्यागयाना पिहांवन हानं लिहां वइमखुत । सुदर्शनाया जौवन
व्यर्थयाय् मज्यु । अथ्येया निर्मिती उम्ह राजपुत्री सुदर्शना जित योग्यजु जिनं हानं बिबाह
याय् धका म्येगु देशया राजानं दूत ब्राम्हण निम्ह कन्यकुबूज देशया भक्त राजाया
छँ कन्या फोकेहल ।

दूतपिसं भद्रक जुजु यात प्रणाम याना बित्तियात । भो महाराज ! छपिनि
पुत्री सुदर्शना देबीया जौवन छाये व्यर्थ याय्गु । भातया खा बिहूप जुया ग्याना
थः छँ वया चवन - भातम्ह कलानं त्याग यागुलि भनंथरि (फकिर) या भेशकया
देश त्यागयाना पिहांवने धुंकल हानं लिहां वइमखुत । जिमि राजा अति सुन्दररूप
बीरकूश राजा स्वयानं प्यदुगं देश धन प्रजापि अनेक ऐश्वर्य पूर्णम्ह खः । छपिनि
पुत्रीयात योग्यजु छपिनं पुत्रीनं भाग्य मानि जुइ । थवखँ व्यर्थमयास्ये खँ कोछिना
पुत्रीया बिबाह हानं याय्गु ज्यायाना बिज्याहुँ । थथ्ये जिपिं निम्ह छोया हया धाय्के
हल सहस्र बित्तिदु तंचाया बिज्याय् मते प्रणाम याना हगु दु ।

थुजागुहे तालं निन्हु सोन्हु प्यन्हु दुबले दुर्मती जुया च्वं पि न्हेगु देशया राजा न्हेम्ह
सिनं सुदर्शना देबी लोभयाना हानं बिबाह याय्गु खँ धाय्केहल । भद्रक राजा अतीक्रोध
याना लिसः बिल जिपुत्रीया रूपबना अथवा न्यना हानं बिबाहयाय्गु खँ न्यंकेहल । निला
पला थः छँ मां अबुपि बिचार यावया चवनखः । पुत्री थः छँ मवपि सुजक दै ।

काशी देशया प्रतापि केबल प्रख्यातम्ह नामि बीरकूश राजायात कन्यादान याता तयाम्ह जिपुत्री सुदर्शना खः लोभयाना हानं बिबाह याय्गु अत्याचारं जित जिपुत्रीयात जि जिलाजंयात गंताहे मवंक खें ह्लाना हानं बिबाहयाय्गु धका न्हेम्ह राजापिसं लोभयाना धाय्के हल ।

छिपि न्हेम्ह राजापि निर्बुद्धि कुबुद्धि दुर्मति उन्मन्त (वें) खः छिपि धिकार । जिनं छम्ह पुत्री छम्ह पुरुष यात कन्या दान याय् धुन । हानं वहे पुत्री म्येम्ह मिजं यात निक कन्यादान बीगु जि दस्तुर मद्रु । जि पुत्रोनं खें न्यनि मखु - जि पुत्री अति प्रतापिम्ह बीरकूश राजाया पत्नी महारानी खः जिनं राजा जुया च्वनाम्हखः सीकि । छिमिसं धागुखें जिनं मान्यता याय् मखु छक सहयाय् हानं थ्वखें न्यकेहल धासा जिनं सहयाय् फेमखु छिपि थन च्वनेम्वाल धया कन्या फोंवपि दूत ब्राम्हणपिन्त लिछोत ।

बिरूप राजसुवानं छयाय् च्वना थ्वखें वृत्तान्त न्यना छथों संका च्वन । दूत ब्राम्हणपि लिहांवना थःथःगु देशया राजा पिन्त भद्रक राजां धयाहगु फुकं खें कना बिबाक्या छेवन ।

छम्ह दुर्मति राजां चिन्तना यात थ्व सुदर्शना यात बलात्कारणं जतनयाना जिनं हरणयानाहय् । जिगुरूप खनीबले सन्तोष जुइ थथ्ये कुचिन्तनायाना, म्येपिं खुम्ह खः नापं न्हेम्ह मिले जुया छगु यासे च्वना सल्लायात । हेपाशापि ! थ्व भद्रक राजां कीत अनेक तालं मखुथ्ये वें धकाखें ह्लाना धिकार छिपि धयाहल ।

कीपि सुंक च्वनेमज्यु कीपि न्हेम्ह मिलेजुया थ्व भद्रक राजानाप युद्धयाये । उगु बखते ग्याना सुदर्शना पुत्री बीधाइ मबिल धासा हरणयानाहये । कीपि न्हेम्ह राजापि कोलाकं च्वने सुदर्शना देवीं स्वंत स्वयंबर याइ उम्हसिनं यंकी थःथःगु भाग्यखः । मखूसं जि याकचा वना युद्धयावने जिहे बिबाहयाय् । थ्वत्रें न्हेम्ह छपं जुइगुहे असल जुइ धया तुरन्त युद्धया सामग्री चतुरंग (रथ किसि सल सैन्य शस्त्र अस्त्र) थिक बाना मिगु बेलास न्हेम्ह राजापि न्हेगु वेशं छम्हस्त्री लोभतया युद्धयाय्गु निमित्त

बाजा थाका शंखनाद याना धजा बोय्का कंन्य कुबूज देशपाखे प्रस्थान याना
छथाय् देशंपिने च्वना भद्रक राजायात पत्र चोया (सूचना) बोके हल ।

पत्रकया भद्रक राजां बोना स्वत- पुत्री सुदर्शनाया युवतीरूप (अवस्था) ब्यर्थ
याइम्ह अबुजु भद्रक राजा लिसे संग्राम याय्त जिपि न्हेम्ह राजापि छपुच जुया वय्
धुन । छु धया सुदर्शना तोताबी धयालाकि संग्रामयाय् धया बिस्तारयाय् मते तयारि
जुया पिहां वेय्गुसो मखुसा जिपि फुकं द्वाहां वय्त्यल ।

थथ्ये च्वया हगु पत्र बोना भद्रक राजाया मने दुःखताया वधाय् श्वधाय्
मसिया खोबि वेका कुले जुया च्वन । भतीचालिपा हानं पत्र छोया हगु बोना सोत ।
कित पुत्रीतोति कित राज्य तोता बनबास हुं कित सुराजुया जिपि लिस्से संग्राम
यावा । जिपि संग्राम याय्त थिकयाना वय्धुन जवाफ याकनं माल ।

थुगु पत्रनं बोना सोबले भद्रक राजा मूर्छा जूम्हथ्ये खा वचुस्ये च्वंका पुत्री
सुदर्शनाया कोथास वना न्होने तया तंमं धै बिज्यात ।

अरे पुत्री सुदर्शना छनं निर्बुद्धीम्हख छंगु कारणे जिगु प्राण वनीन कित
ष्व राज्य तोता बीमाल श्व पत्र बोनासो धया बिल । सुदर्शनां पत्र बोना सोत छुं
थाय् मफया खछि कुले जुया च्वन ।

अबुम्हसिनं हानं धाल छ पापिम्ह म्हाय्मचाख धिकार । छंगु निमित्ते जिनं
आः थथ्ये संग्रामयाय्गु राज्य तोत्येगु प्राण त्यागयाय्गुनं फैमखु । छंगु सुन्दर
रूप जीवन खना लोभयाना न्हेम्ह राजापिसं जिमित बिबाहयाना बीमाल धका
दूतपि छोया हया धाय्के हगु दु । जिनं खँ मन्यंस्ये तमं बोबिया छोयागुलि न्हेम्ह
राजापि छंगु मत जुया हाहाकारं हाला जिनाप संग्रामयाय् धका थिक जुयावे-
धुंकल । श्व पत्रे धया हगुदु बांलाक खँ श्वीकि । थूपि लिस्से त्वाय् फेकेमाल मफुसा
राज्य तोता जि बनबास वने माल कित थूपि न्हेम्ह राजापिन्त छिमि सोया या
धका छ तोता बीमाल ।

छम्ह पुत्री सोइतनि बीगु ल्हाया बिबाहयाय् धुम्हव उकिसनं बीरकूश थ्ये
जाम्ह राजा जिनाजं दनि । बीहे माल धासानं न्हेम्ह राजा पित्त छुयाना चित्तबुद्धे
याय्गु छंगु शरीरया आशाकाय् म्वाल । छाया धासा छम्हयात ब्यूसा म्येपि खुम्ह
तँचाया जिनाप ल्वाहे वड उगु बखते जिनं छनं छँमानं सिनाहे बनि । जि काय् म्दु
थ्य्ये अकालं सीमास्येलि छम्हसिगु जक प्राण वनीगु जतन दु । गथ्ये धासा न्हेम्ह
राजा पित्त छंगु शरीरया लाफबिया न्हेकू थला (खण्ड खण्डयाना) न्हेम्ह राजा
पित्त छंगु शरीरया ला कन्यादान धका याय्गु ।

छनं सीकि छंगु ल्हाः निपा निम्ह राजायात, तुति निपा निम्ह राजायात,
शीर छग छम्ह राजायात, हिसोसो वगु भग पद्य लिक्का छम्ह राजायात, बाकिगु
म्ह छम्हं छम्ह राजायात थुगु रीतं छंगु शरीर न्हेभाग न्हेम्ह राजा पित्त
कन्यादानयाना सन्तोषयाय् त्यना । एवं रीतं पित्तानं भयंकरगु खँ धागु न्यना
पत्रनं बोने धुंका खोबिवेका मुरा जुया पितायात बिन्तियात ।

भो महाराज पिता! जिनं वें थुल बिस्तारं धीरयाना खँ न्यना बिज्याहुं । जिगु
कारणे राज्यतोता बनबास वनेगु प्राण त्याग याय्गु ज्या याय्म्वाः । संग्रामयाय्गु
खँ दहेवु । थ्व मुख्य जिलाजें जूम्ह सिगु रूप गुण कुल जाति धंग स्वभाव बिचार
मयास्ये पुनः भात जुइन्हसिगु रुप ध्यायात मकयंस्ये फुट्टाखँ ल्हाना धावइम्ह लमिजु
(दूत) यागु खँ विश्वासयाना पुत्री (कन्या) दानयागु दोषं थौं अबु माँनं थुजागु
बिपरीत खँ न्यनेमाल स्वेमाल थ्य्ये जितथ्ये स्वैतनं मजुइमा । । पिता हानं
न्यना बिज्याहुं विरूप ख्वाह्य स्वामीजुया निमित्ते लज्जा जुया मन त्राहि जुइगुलि
जि जन्म जूगुछेख थनमां अबुया सेवायावया च्वना छपिसं दुःख ताय्म्वाः थुलि
धया मांया कोथास वना बिन्तियावन ।

भो जननी माता! पालि भोःपुया खोबि वय्का अबुं धागुखँ फुककने धुंका
छपि नाय च्वने जि गात । छाया धासा न्हेम्ह राजायात जिगु शरीर ध्यना न्हेभाग
थला (खण्ड खण्डयाना) न्हेह्य राजायात हानं कन्यादान याय्गु म्वासा गात । आः
अथ्येयाय् म्वाक जिनं थः थमं प्राण त्यागयाय्गु जुल । जिगु क्वेबाकिगु मुका कीगु

व्यबे (उछाने) थुना वया द्योने कणिकापुष्प (चंपक स्वांमां) पिना ह्लिह्लि - सूर्ययात स्वांछाया पूजायाना जित भिगु गतिस छोया बिज्याहुं । जिगु सहस्र बिन्ति दु । जि तुमंका बिलापयाना जि अबुयात दुःख मब्बुस्ये हेका इले नया त्वना बिज्याहुं ।

पुत्रीं थथ्ये धाबले मांम्ह सिनं धीरयाय् मफया नुगले दाया थःगुसं थमं पुया ह्लाः बुबुस्याना अंगने छयों हाका ग्वारा तुना हेपुत्री ! काय् धासानं म्हाय् धासानं छ छम्ह सस्तान खः । छंगु ह्य लोभयाना चर्वापि राजा धार्पि सु पापित खः । जि पुत्रीयागु शरीर ध्यना न्हे भाग थला न्हेम्ह राजा पित्त कन्या दान धका बीबले जिनं ग्ये सोयुगु जिगन वनेगु गन चवनेगु धया तस्सकं बिलापयाना पुत्रीयागु ख्वाः त्वाका पेःपुना चुरानया अनेक प्रकारं दैब नामकया हे पुत्री सुदर्शना छनाप चवने मगानि जिनं सिना वनेगु धका कष्टं बिलाप यात ।

मांनं थथ्ये बिलाप यागु न्यनेमफया सुदर्शना देवीं बिचार यात । जिनं खं मात्र न्यंकाबले थथ्ये बिलापयात धाथ्ये ज्याहे याय्बले बिलाप यायां प्राणहे त्याग याइ जिनं मानं सिना वनीबले अबुनं सिनावनि । जिगु शरीर लोभतया न्हेह्य दुष्ट पापि राजापि जिअबु नाप संग्राम याय् धका सुरा जुया वया चवन थ्व कारण फुकं जिगु निमित्ते खः ।

हे दैब ! आः जिनंछु जतनयाय् मालि थथ्ये लज्जाजुल धका गुभानयाना च्वनानं ज्या मछिन । जि स्वामी थन जित बोतायंके धका गोप्ययाना वया चवने धुंकल थःथःगु कर्म भोगउ छुयाय् । थ्व भयंकरगु ज्या वगुयात उपकार याइम्ह जि बिस्व स्वामी बिना म्पेपिसुनं दैमबुत । थ्व ज्या बिस्तार जुलकि अनेक बिघ्न गुःफुः थुलि चिन्तना याय् धुंका सुदर्शना देवी तीजठ भोजनालये छयाय् कोथास खापाचाय्का सोवन ।

भोजनयाय् धुंका आनन्दं खातास द्यना न्ह्योवेका च्वंगु खना दुने वना खापातिना बुकुतया स्वामीया बिहगु ख्वास्वया नुगः मछिका दोष तोता गुण ज्ञान पराक्रम लुमंका ह्वापायागु स्नेह प्रीतिया खं ह्वायेमाल धका लिक्वे च्वना न्ह्योवेका च्वंह्यायागु तुति निपां थःगु मुलेतया उसि उसियाना तुति तिया चवन । । लिपा राजा

बीरकूश न्हालंघाल दिव्य सुन्दरीह्य थःपत्नी सुदर्शना देवीं तुति तिया उसिउसियाना च्वंगु खना मती कौतुक ज्वीका (आश्रयं चाया) गथ्येजा सुपाचं किना अन्धकार जुया च्वंगु फसं पुइका चन्द्र सूर्यपागु तेज प्रकाश जुइथ्ये मन चःकंका वाथाक दना फेतुना बिज्यात । । थुगु बखते स्त्रीनं पालि भोःपुया बिन्तियात । छपिसं जित थुलि तक गोप्प रूपं कण्टनया जाथुसुवा जुया च्वंगु जिनं बिचारयाना च्वनागु दु । छुयाय् लज्जा चागुलि जि अज्ञानि जुया छपिन्त दुःख बियागु क्षमा फोने म्येगु छं बिन्तियाय्गु दनि ।

थः स्त्रीनं कोमल जुया थ्ये शरणवया बिन्तियास्येलि स्वामी राजाया मन हर्षजुइका छं बिज्यात । अति प्रिय स्त्री! सुदर्शना देवी छ रानीखः छंगु रूप गुण लुमंका प्रीतियाना थःगु राज्येश्वर्य छे माँ तोता थुगु जन्मस एक पत्नी व्रत (छ छह्हे जक स्त्री भजे याय्गु धर्म) स च्वना हानं म्येह् स्त्री बिबाह मयाय्गु जिगु प्रतिज्ञादु ।

अतएब छ लुमंका अनेक भेशकया शिल्पबिद्या क्यना छंगु जन्मस्थान थन जिगु ससले वया छ सःतवया थौं राजा थ्येजाह् जाथुसुवा जुयाच्वने माल थ्व सुनांयाना ञ्गुख सज्जा स्वंत जुल छं बिचारया ।

छंगु अपमान जिनंस्वे फइमखु जिगु अपमाननं छं स्वेम्वालेमा चतुषष्ठी (६४) बिद्याया प्रमाणं अनेक बस्तु देका छन्त बोकेहया क्यनागुख सीकि लुमंकि । जिगु ह्वा मात्र बिरूप छ लज्जा धका छं भतीचा जकहे जिगु ह्वाः मसो ।

खिउ कोयास फिपिनिह् सहजयान क्रिया याका बिज्याह् बुद्धि वन्ती जिमां अलिन्दा महारानी छं माजुखः । स्वामीया मुख मण्डल बिरूप धका स्नेह दक्व त्यागयाना रात्रिया प्रहरे पुरुष भेश जुया सखीपि निह् पाशा बोना थन बल धंगु सीका जि भनंथरि भेश जुया वयागु कारण छं थौं नुगः मछिका तुति ज्वना शरण वया क्षमा फोन जिनं क्षमा बोधुन । छन्त छु दुःख जुल सुनांछु धाल सुनांम्बामदुगु अपबाचोखं न्यंकल । केबल छु भयं ग्याना बिरूप स्वामी जाथुसुवा जुया च्वनाह् यात तीजक वया खापातीना तुति भोःपुया शरण बल । छगु कारण अबश्यनं दै मछालेम्बा धाः । छंगु मती च्वंगु वक्वखं जितकं थनसुनं मदु बिस्तार याय्मते ।

थय्ये धागु स्वामीया बचन न्यना स्त्रीनं बित्तियात । भो स्वामी महापुरुष !
जिगु सुन्दर रूप युवती लोभ तया जि बिबाहयाय् धका न्हेम्ह राजापिसं म्हति
म्हति दूतछोया हया धाय्केहगुदु स्वया बिज्याहुं धयापत्र ज्वना वयागु न्होनेतया
वयन । जि अबुं तमं लिसबिया छोर्गुलिं सहयाय् मफेका न्हेम्हछपं जुया संग्रामयाय्त

थिकजुया वयानं चवने धुंकल ।

जि अबुं जिगु शरीर न्हेभाग थला न्हेम्ह राजायात खण्ड खण्ड थला बीगुनं
धाल । जिगु कारणे मां अबुं दुःख सीमालीन धका जि थःथमं सिना वनेगु चिन्तना
याना मांयाके बिदा कावना खँ न्यंका बले मांनं बिलापयाना धागु खँ अबुं न्यंकूगु
इत्यादि फुकं खँ कना पुनः बित्तियात ।

ततो मां सप्त खण्डानि कृत्वायं जनक रूषा ।

सप्ताभ्यः खण्ड मेकैकं नृपेभ्यो दातु मिच्छति ।

यदि स्नेहानु रागस्ते दयाच बिद्यते मयि ।

तत्स्वमां जनकं राज्य मपिसं त्रातु महति ।

जिगु बित्ति थवखः जि पिता तंचाया जित धाल भातया छँ मच्चवंस्ये थन वया
चवंह पापि ह्याय्मचा छंगु शरीर न्हेकूथला न्हेह्म राजा पित्त ह्यति छकु भागथला
हानं कंन्या दान धका याय्गु इच्छायात । यदि छपिसं जिकेमाया प्रीति स्नेह दया
कृपा दुधैगु खःसा थव ज्या मयाकुस्ये जित जिमां अबुया राज्यनं हरण मज्जीक
रक्षायाय्त छपि योग्यजु ।

एवं तत्प्रार्थि तं श्रुत्वा सनृपेन्द्र कुशो मुवा ।

पश्य त्सुदर्शनां भार्या विहस भवेमवृबीत् ।

अरे किं जायते तत्र मयि स्नेहानु चागता ।

त्वां संद्रष्टु मिहायामि हित्वा राज्यमपि स्वयम् ।

स्त्रीनं थुगु प्रकारं धागुखँ न्यना लेःताया स्त्रीया ख्वाः स्वया ह्लिला
पैबिज्यात । अरे प्रिय स्त्री ! छँनं जिके अथ्ये हे दया माया तेमा जिनं छंके स्नेह

प्रोतिदया माया छाथ् मदै मदुसा जि थन छाथ् वलजुई । छंगु ख्वाः स्वेत थन जि वःथ्ये छनं जिगु राज्यस जिनापं वेगु थमं सीकेमा । । थनि नित्ये जिनाप बांलाक खँ ह्लाना नापंहे वग्गु खः आवंलि भातयात अगमान याय्मखु धका बिश्वासयाना सत्य बचनयासा थ्व महाभय वगु छंगु शरीर खण्ड (न्हेकू) थलेमागु छं अबुया राज्य हरण याइगु छं माँनं प्राण त्याग याइगु हानं थुपि दुर्मति न्हेह्य राजापि नाप छुयाग्मागु खः जतनयाना थ्व उपद्रव फुकं हरणयाना बीगु समर्थ जिकेदु जिनंयाना वयने ।

स्वामीनं थय्ये भरोसा बिया धागु खँ न्यना मन संतुष्ट जुइका स्वामीया पालि स्वक तक भोःपुया छपिगु वचन लंधना मयास्ये छपि नापं जि वेगु पृथ्वी सत्य आप सत्य अग्नि सत्य थ्व त्रिसत्य जिनंयाय् धुन घया सुदर्शना देवीनं स्वामीयात मन सन्तोषयात ।

थय्ये निह्य स्त्री पुरुषपिनि एकान्ते बांलागु खँ जुया च्वंगु माँह्य स्वच्छा रानीनं सीका पुत्रीयात सःता थःगु कोयास यंका बोबिल । धिकार छपापि सोसो गुजागु दुःख पीड जुया वल छं भापोखु राजाथ्ये जाह्य भात तोता थ्व बिरूप जाथुसुवा लित्ये एकान्ते च्वना नानाप्रकारं खँ ह्लाना च्वनीह्य छंगु छु बुद्धि जुल ।

थुगु समये मुसुमुसुं ह्लिला माँया पालि भोःपुया पुत्री सुदर्शना देवीं बिनित्यात । भोमाता जिगु गोप्य बिनित् न्यना बिज्याहुं छख्ये जि भ ग्यमानी छख्ये अभाग्य । छुयाय् जि लज्जाचाया गुमानी अज्ञानि जुया जिनं छपिन्त सकना । थ्व बिरूप जाथुसुवा म्येह्य मखु सत्यनं छपिनि जिलाजँ जि स्वामी बीरकूश राजाखः थौं प्रकाशजुल ।

छपि हताय्चाय्न्वाल आः छु आपत्ति जुया वगु खः उगु भयदक्व जिनं कने धुन वसपोलं हरणयाना बीगु पक्का जुल । थ्व खँ अबुयातनं न्यंका आनन्दं च्वना बिज्याहुं माक्व ज्या वसपोलं याई ।

जिके स्नेह तथा अनेक ताजं बिद्या प्रकाशयाना भनंथरि भेश कया जित सत वया च्वंह्यखः छुं संडा मदु । खालि ख्वाःछता बिरूप जुया च्वंगुलि लज्जा जुया जिथन वया च्वनागुछः ।

पुत्रीं थुजागु तालं खँ न्यंकूबले माँह्य स्वच्छारानीया शरीर पोस्ये वेका खा
ह्याउंका मन कुचुका पुत्रीयात घेःपुना चुपानया हीही धया न्यासी चाह्य मचाय्ये
सना हतासनं थः स्वामीया थासे वना फुंफुं मीह्य थ्ये स्वास ह्लाना ह्लिला खँकन ।

भोस्वामी! जिनं भिंगु छगु हेतुया खँ विन्तियाय् न्यना विज्याहुं । कीत न्हेह्य
राजापि मिले जुया वया पुत्री सुदर्शना हरणयाय् धका त्वावपिन्त मर्थन याइह्य
जिलाजँ पुत्रीया स्वामी बीरकूश प्रतापिराजा थन ऋगु छे वया वर्तमान जाथु
सुवा जुया चवंगु यकोदत कीसं जिलाजँ धका सीके मफया चवन । छुयाय् बिरुप
जुया सुदर्शनाया लाजं गोप्ययाना चवन खँ मकं । थौं प्रकलयाना कन एकान्ते जिलाजँ
नाप सुदर्शनां विन्तियाना चित्त बुकैयाय् धुंकल थनींनिस्ये कीपिं दुःख पीडयाना
मती सन्ताप कया चवनेम्वाल । कीत रक्षायाइह्य जिलाजँहे जुल ।

स्त्रीनं थथ्ये धागु खँ न्यना भद्रक राजाया मनस गरख्येस्ये चवका अप्रतीत
जुया (पत्यार मजुया) स्त्रीया खा स्वया धै विज्यात । हे प्रिये ! छं छुबँ ह्लानागु
जि पत्यार मजु । छाया धासा राजा धयाह्य बिना निमंत्रणानं थनवैला बिबाह कर्नस
स्वयंबर थ्ये जागु शुभ कार्येहे जा मवह्य छह्य मिसाया कारणे गोप्ययाना गथ्ये
वइ ।

जिनं ह्लापा खँ न्यना तयागु दु इन्द्र समेतं बीरकूश राजाया साहिता दु धाल ।
थुजाह्य प्रतापि राजा दास कर्मया ज्यायाना चवनीला । थथ्ये स्वामीं धास्येलि हानं
स्त्रीनं विन्तियात । भो स्वामी ! पुत्रीयाके न्यना विज्याहुं पुत्रीं जि स्वामी वसपोल
सत्य ३ नं खः धाय् धुंकल । मस्यूबले सिगु खँ म्वाल आसिल जाथुसुवायानातय्
मजिल मागुखँ ह्लाना हसीका ज्यायाना विज्याहुं ।

राजा तथा प्रतापि पुरुषपिसं स्त्रीया चरित्र एवं प्रजापिंगु धंग बिचार याय्त
अनेक तालं भेशकया जुइफुः । छपिसनं जिगु पुनः प्रजापिंगु धंग स्वेत गरीपन्ह पुरुष
भेशकया जूगु दु ।

मनंथरि फकीर ब्राह्मण जाति धार्थ्ये याह्यमखु थथ्ये देबतापिनं म्येगु भेश कया फौवइगु बखत दु । कीत तच्चकं लाज जुल व मनु चतुषष्ठी (६४) बिद्यांपारंगत जुइका बिद्वान्ह्य राजा जिलाजें अबश्यनं खः थ्वैत कीसं पुत्री (कन्या) दानयाना तय्धुन । पुत्री जित फुकखें कनेधुकल बिलंव मयास्ये छपिसं ह्यसीका बिज्याहुं ।

अनंति भद्रक राजां धैर्ययाना धै बिज्यात, अहो हे दैव ! जि पुत्रीया भाग्य जिगु बुद्धि छल्ये धिकारहे खः । थुजाह्य बिरूप स्वामी जुया ग्याना पुत्री थःछें वया च्वन । जिलाजें ज्वीह्यसिगु ख्वामसोस्ये पुत्रीयातनं स्वामी ज्वीह्यसिगु खवा मकयंस्ये लमि भाजुयागु खंया बिश्वासे हताय्चाया पुत्रीदान याना छोया थ्व जिगु द्वंगु ज्या खः । मलाका पसंताप काय्माल जिनं आः थ्वखें सकल इष्टमित्रपिन्त कने ।

जि पुत्री दिव्य सुन्दरी रूप जुया बिबाहिता पत्नी त्यागयाय् मफया अनेक तालं भेश कया नाना प्रकारं शिल्पयागु ज्या क्यना ससले वया च्वन जिनं जाथुसुवा दर्जाबिया तयागु क्षमाफोना पुत्रीयाकेनं खंन्यना मागु ज्यायाय् धया गोप्ययाना पुत्री सता खंन्यन ।

सुदर्शना देवी पितायागु पालि भोःपुया मांयात धयाथ्ये फुक खंकना बिन्तियात । भो पिता ! कर्म भोगयाय् धुन कीगु छें जाथुसुवा जुया बिज्याह्य छपिनि जिलाजें जि स्वामी बीरकूश राजा महापुरुषं जितसःत वया च्वंह्य सत्यमेवखः ।

यथ्ये घागु पुत्रीयागु बचन पालनयाना राजागृहे च्वंपि मंत्री तथा सकलयात बिस्तारं खंकना चित्त बुझेयाय् धुंका किसियात अलंकारयाना मंगलबाजा थाका भोजन शालास च्वंह्य जाथुसुवा जुयाच्वंह्य बीरकूशराजायात थःहे वना छपिं जिमिसं ह्यमसिल अनेक अयोग्य ज्याखें यानागु फुकं क्षमायाना बिज्याहुं । आः ह्यसिल बिज्याहुं राजगृहे धया राजवस्त्र मकुट सहित पुंका राजा रानी पुत्री मंत्री तथा म्येपि सकलें गन्य नान्यापि च्वना लःस्वया किसिन्हे तयाहया योग्यगु आसने तया प्रणामयाना भो बीरकूश राजा जिमिगु अपराध नाफियाना बिज्याहुं धया राजभोजन न्ह्योने तया पुत्रीनं नापं तया मंगल शुभ कार्य (स्वस्तियन) बिधिसंगंबिया थौं जिलाजें

ससले बिज्याकागु ज्या भापायाना भोजनयाना बिज्याहुं धया सत्कारयाना सन्तोष यात । छपिंगु बिबाह जूबले जिमिसं ज्याखँयाना पुत्री (कन्या) दानयानागु गुण लुमंका जि पुत्रीयात दया तया बिज्याय्मा धका ससअबुंजुं बित्तियात ।

थुगु समये राजा बीरकूश धै बिज्यात । जित ह्यसीका थौं मानेयागु खना आपालं हर्षयाना जि बिरूप मुखजुया सुनानं कन्यादान मव्यु । छपिसं दयातया जिगु ख्वा मसोस्ये पुत्रीयातनं मव्यंस्ये राजमकुट शस्त्रस स्वयंवर सिधेका कन्यादानयाना बिज्यागु गुण लुमंका जि थन छुजुया छाव्वल थ्वखँ सकल महानुभावपिसं सीका थौं जित जिलाजँया रूपेतया स्वागतयात जिगु जकसखु थन च्वंपि सकलया ज्या सफल जुल सकलया मन आनन्दनं जुल ।

जिनं अपराध माफियाय् धुन, जितनं क्षमायाना बिज्यात बहुत खुसि जुल सोयां मती छुं संखाकाय्म्वाः । थःथःगु कर्म भोग थमं थमं भोगयाई । सुदर्शना देवीं प्राण त्याग याइ धका धन्दाकया राज्य किजायात लःल्लाना भनंथरि भेशकया वयागुनं ज्या सफल जुल ।

थुगु प्रकारं परस्पर खँ ल्लाना इलेनया त्वना शयन जुल । कन्हे खुन्हु जुस्येलि देशे च्वंपि प्रजापिसनं भनंथरि रूपकयावह्य बीरकूश महाराजा धका सीका अहोदैब थःथःगु भाग्य अभाग्य सुख दुःख कर्मभोग खः धका हाला परस्पर खँ ल्लाना जुल । ० ।

छन्हु ल्वाय् धका वपि न्हेह्य राजाया सैन्यापि हाहाकारं हालाहगु शब्द बल । थ्व छु शब्द वगु धका राजा बीरकूशं भद्रक राजायाके न्यना सोत ।

उत्तरविल भो महाराज जिलाजँ ! छपित्त कने धका च्वनागु ख । जि पुत्री सुदर्शनादेवीनं फुकखँ कने धुंकल जुइ पत्रनं क्यने धुंकूगू थमं सीकल खैः । तथापि हानं जिनं कने न्यना बिज्याहुं । स्वामीया मुखमण्डल बिरूपगु खना लाज जुइका सुदर्शनादेवी थःछे वया च्वना - स्त्री बिस्युवंगुलि भातह्य बीरकूश राजा भनंथरि जुया राज्यतोता बनबास वने धुंकल लिहां वसखुत । छपिनि पुत्री सुदर्शना दिव्य सुन्दरी

युवतीया अत्रस्था व्यर्थयाय् अयोग्य जिनं पुन बिबाहयाय् छपिसं जित हानं पुत्रीदान यासा असल जुड । थुजागु तालं न्हेह्य राजापिसं धाय्केहल । जिनं अत्याचार याखें न्यंकेहल छिपिं वेंजामबुला धका तमं बोबिया हानं थुजागु खें ज्वना वेमते धया लिछोया । । धार्वपिं दूतपिसं थःथः राजापिन्त कंवन थ्वहे कारणे न्हेह्य राजापिं मिलेजुया जि नाप त्वाना त्याका जिपुत्री सुदर्शना हरणयानायंकेगु ग्वसायाना युद्धयाय् थिकयाना वया च्वने धुंकल जित त्राहि वीत सैन्वपिं हालाहगु शब्द खः । थुपिं न्हेह्य राजापिलिसे युद्धयाय्गु जिनं समर्थ मदु जित थुमिसं छुयाइगु जुड थ्व कारण वगु महाभय सुदर्शनादेबी जिपुत्री छपिनि पत्नीया निमित्तेखः ।

ससअबुजुं धागु थुजागुखें न्यना मुसुमुसुं ह्लिला राजा बीरकूशं आज्ञा जुल । अहो गुजागु खें न्यनेमाल बिबाहयानातय्ग्रंह्य पुत्री थः छें वया च्वन धका न्हेह्य राजापिसं हानं बिबाहयाय् धका न्हेह्यछपं जुया ल्वावईपिं खुपिं खिचाया स्वभावपिंखं । सिंहया न्ह्योने खिचा धोया बथानं छुं चातेयाय् फइमखु ।

थनया राजा रानी मंत्री तथाम्योपिं सकसिनं छुं संदेह काय्म्वाः सुदर्शनाया स्वामी जिख थनहेदु । स्त्री पुरुष निम्हं छगुछें च्वना च्वना आः थुमिसं हानं बिबाहयाय् धंगु छु बिचार । थ्व महामूर्ख बुद्धिपिं राजान्हेह्य थन ल्वाय् धका वल थुमिनं ह्यति ह्यति पुत्रीपिं दुसा यीसं हानं दिदाह्याय् मज्जूला धया इति इति ह्लिला म्येपिन्तनं ह्लोका वयन सुदर्शना ह्लिलेपी मफया क्वछुना म्हुतुप्वा ह्ल्याति तोपुया च्वन ।

हानं धै बिज्यात, थुपिं धों राजापिं फुक दास (च्यो) याना वीगु समर्थ जिके दु तर थुपिं जित बेंपुइकेतनं ख्यले मदु । धाय् धासा, छम्ह मिसा न्हेह्यसिनं बिबाहयाय् धया ल्वय्गुनं ग्वसा याना वईपिं खिचा बुद्धिपिं जुयाखः । छह्य मिसा न्हेह्य पुरुषं गथ्ये बिबाह याइगु जुई । थुमितकनं महा मूर्खपिन्त थनसता मानेयाना थन कीगु देशे च्वपिं मिसापिं खिचात मुंका थुमित बथान ह्यति निह्य स्वह्य प्यह्य गुलियः उलि तक खिचा बिबाह याना वीगु ज्या यानां तोत्ये मज्जूला धया लिसा लिसा कया ह्लिला सकल च्वनागु यातनं थाय थोक ह्लोका तल ।

भो समुर पिता! सुदर्शनाया शरीर खण्ड खण्ड याय्गुया सत्ता सुदर्शनाया शरीरं पिहां वगु मल मूत्र (खि चो) घासा तथा खीचानी बीधुंका भोजन याकेगुनं थुमित पाय्छि मजूला । हानं लिसा तेमासा भद्रक राजा रानीपिंगु मलमूत्र तथा सन्तोषयाय् मालि । अजनं मगानि धासा जिगु जूसानं भतिभतितया सन्तोषयाय् । सुदर्शना व मांहा हिलेपो मफया होःपुइका दना वना म्पेथाय् च्वना हिला च्वन ।

भो समुर पिता! छपिनि काय् मदु थुमि न्हेह्य राजापिनि ह्याय्पि गुलिदु फुकं छपिसं बिबाहयाना बिज्याहुं धया ससअबुजुयातनं ह्लीकातल ।

अनंलि बिचार यानासोत संग्राम यातकि निगु पक्षयानं सर्वनाशजुइ । जिनं हिंसाकर्म तोता महायान बुद्ध चर्य अमिताभ तथागतगुरु शिरे धारणयाना बिज्याह्य श्री करुणामय संघनायक आर्याबलोकितेश्वरया उपोषध व्रत षडक्षरि महामंत्र नामोच्चारणयाना जि अबु मांनं जिन धारणयाना च्वनागुदु ।

आः थुपिं युद्ध याय्त वयाच्वने धुंकल सुंकनं च्वनेमजिल । थुमित त्राहियाना बीत जतत याये थुलि चिन्तना याय् धुंका अनया राजा रानी मंत्री सकल यातनं भरोसा बिधा धाल । जित मागु थिकया धया जोरेयाका षडक्षरि आर्याबलोकितेश्वरया हृदय मंत्र ध्वजास अंकितयाना प्रतिसरा देवीपिंगु ज्वाला माला मंत्र छचालं चाहुका तथागु उच्च ध्वजा न्होने बोय्का राजवस्त्रं पुना राज मकुटं पुया लक्षणं युक्तह्य किसियातनं बस्त्रा भरण याना सन्तोष ज्वीका पत्नी सुदर्शनादेशीया ह्लाति स्वस्तिमंगल कार्य याना किसिगया लोके ल्वेके निमित्ते शस्त्रास्त्र धारण यान उपोषध व्रत करुणामय षडक्षरि महामंत्र स्मरणयाना बीरकूश महाराजा संग्रामे सुराजुया याकचा भ्रमण याना बिज्यात धका शंख नाद याका राजगृह तथा देशया पूर्वद्वारं पिहां बिज्यात । । राजगृहे च्वंपि राजारानी सुदर्शना सञ्जी तथा म्पेपि सकसिनं ताय् स्वां सिह्ल होला राजगृहया कसी च्वना बीरकूशराजाया जय ध्वनि याना कुलशेश्वर त्रिरत्न नामकया सोयाच्वन । प्रजागन पिनिनं नुगमछिका छु जुइन धया थःथःगु कसी च्वना की जिलाज्या जय मंगल ज्वीमा धया स्वां सिह्ल ताय् होला सोया च्वन ।

उगु समये किसीगया पिहांवह्य बीरकूश राजा न्हेह्य राजा पिंगु पुचले (शंख पुइका बाजाथाका सैन्यपि मुंका वया च्वंगु थासे) दध्वी दुहांवन । उगुले करुणामय या प्रभावं बीरकूश राजाया रूप साक्षात् बज्रबीर महाकाल (क्रोधराज) स्वरूप अन-च्वंपिंगु मिखां खन । किसीनं बेगंहाबले धों खिचा चला पिंगु पुचले सिंह धुं हालीध्ये शब्द वगु तागुलि सकलया मन त्राहिमानं गयाका थःथःगु शरीरया मायां थमं थमं ज्वना वयागु शस्त्र अस्त्र फुकं तोता कीपि सीन गन वनेगु गनचवनेगु धया हाहाकारं हाला सैन्यपि सकलें उख्ये लात थुखिलात धाय्मफेक बिस्युंवन ।

दुर्मति धापि न्हेम्ह राजापिनं त्राहिमानं ग्याना च्वना वयागु रथ तोता चिकु ज्वरवपि समानं शरीर कंजुइका (खाका) न्हेम्ह राजापि छथासं च्वना भोः सुला च्वन । उगु थासे बीरकूश राजा थ्यंका चाहुला सोया धें बिज्यात ।

अरे दुर्मति मूर्ख राजापि ! छिपि न्हेम्हसिया छु तागतदनि दनावा । छम्ह मिसा न्हेम्हसिया बिबाहयाय्गु ग्वसायाना त्वाय्गु घका वल । छु धंगं बिबाहयाय्गु ख जित छक धाः । सुदर्शनाया स्वामी जिख जिगु ख्वासो । छिपि मनुष्य राजा खसा छम्ह मिसा न्हेम्हसिनं बिबाहयाइ मखु । पशु पंछिपिसं जकयाइ छिपि पशुपिनि राजा तुल्य जुया वल । छिमिगु लिंगध्यना सुदर्शनायागु मलमूत्रस बुला छिमित नकेगु । अनंलि छिमित ह्वाय् न्हेपं ध्यना मिसा खिचा नापं बिबाहयाना बीगु बिस्तारयाय् म्वाल छाया भोःसुला च्वनागु याकनं दना वया जिगु न्ह्योने च्वंवा जिमुखः म्हसीकि ।

युगु प्रकारं धागु वचन न्यना हानं बीरकूश राजा जिख धागुलि क्कन् त्राहिमानं ग्याना खासाय्ये केकुना आपालं लाज जुइका आः छुयाय्गु थःथमं धिकारयाना म्वाकनं त्वावयागुख घका अनेक चिन्तनायाना थःस्वय् मछाला च्वन ।

बीरकूश राजां तमं हानं खें न्यंकल – अरे मूर्ख राजापि ! छिपिपक्षत्रि खला नाम छु छेंगन । थनवया खिग्वारा कीथ्ये छथासं छपाय् जुया च्वनागु छाया । सुदर्शनाया स्वामी मनंथरि (फकीर) जुया बनबास वंगु खसा जि थन गध्ये लावल बीरकूश राजा सजीवतिनि जित भद्रकराजायात सुदर्शना महारानीयात हेलायाना धयाहगु पत्रं नोःवाइतिनि ।

न्याय नीति बिबेक बिचार धर्मयाखँ गुलिसपि छक छिपि नाप छलफलयाय्
त्यना छिपि त्वाय् धका वपिखः आमथ्ये छाय् भोःसुला च्वनागु दनावा । दनामवसा
आमथ्ये नातुंतया चिनायंकेत्यना मिछोथ्ये छोया च्वंगु जिगु ते छुयाना शमनयाय्गु
छिमिसं सीकि ।

एवं प्रकारं धागु बचन ग्यना थुपि न्हैम्ह राजापि धुं सिंहया न्होने खिचा धों
चला फँ तुल्य जुया ऋन् केकेकुना दनेगु समर्थ मन्त । चन्द्र सूर्यया न्होने फुति फुतिकी
(पुइ पुइकी) समान बल तेज हीन जुया थःस्वे मछाला च्वन । । अनंलि
पराक्रम तथा बिद्या दुम्ह राजा बीरकूश किसिम्हं व्वहांवया छथाय् अलग आनन्दं च्वना
बिचारयाना सोया च्वन ।

उगु बखतस न्हैह्यराजापि तीजक दना सल्लायात । अहो धन्यखः थ्व राज बीरकूश
साक्षात् बज्रबीर महाकाल तुल्य महावीर्यवान्ह्य खः धका कीसं सीके मफुत आः
सिल याकचा संग्रामे वया सकलयात त्राहि बीफुम्ह । छिपिहेजा त्राहि जुया केकुने
माल धास्येलि म्येपि सैन्यपिनं अथ्येहे त्राहिमानं ग्याका छाया बिस्स्यमवनि ।

स्त्रीया मायां भनंथरि रूप जुया ससले वया च्वंगु कीसं मसिल बनबास वन
धका च्वना कीपि मूर्खबुद्धि जुलखः । आः सुदर्शनायागु मल मूत्रस बुला कीगु लिंग
ध्यना कीतनातुं नकेगु । ह्नाय् न्हैपनं ध्यना मिसापि खिचानं स्वयंवर धुंका बिबाह
याना बीगु धाय् धुकल ।

कीगु जइजत छुजुइगु छे वनेबले महारानीपिसं कोथास दुकाइला कीपिजा
सिंह धुंया न्होने चला धों खिचा समान जुलखः । सूर्यया तेजस पुइपुइकी तुल्यपि
कीपिखः । धिकार किगु बुद्धि छह्य मिसाया लोभस न्हैह्य राजा मिले जुया छाया
बल तस्सकं दन । आः कीपि गनवनेगु गन च्वनेगु कीत चिनायंका छुयाइ छुयाइ
सास्तियाना कुनानं तई । थथ्ये याय् मलावं क्षमा फोता शरणवनेमाल धया सल्ला
याना न्हैह्य राजापि तीजक ग्यां ग्यां वया व्वछुना बीरकूश राजाया शरणवल ।

ततः सर्वेऽपि तेसप्तः शस्त्रं हित्वा समा नताः ।

तं कूशं समुपायातं समीक्ष्याभि प्रणे मिरे ।

अनंलि थुपिं न्हेह्म राजापिसं ज्वना वयागु शस्त्र फुकं तोता प्राणया मायां
आत्मा समर्पण (शरीर दहलपा) थ्व पराक्रमि राजा बीरकूशया न्होने वना खा
सोया प्रमाणयाना पुलिचूया न्हेह्म राजापिसं बिन्तियात । । भोदेब नृपेन्द्र
वीर्यवान् राजा ! छलपोल चक्रबति समान पराक्रमिखः । जिपिं न्हेह्म निर्बुद्धि मूर्ख
जुया म्वागु ज्याखँ याय् धुनखः थुकि सहस्र कोटि क्षमाफोने जिमिगु उपरे कृपातया
प्रशन्न जुया जिमि द्वंगुयात दया करुणा तया जिमिगु अपराध सहयाना बिज्याहुं । ।
जिमिगु राज्य फुकं छलपोलयात समर्पण याय्धुन । जिमिगु जन्म व्यर्थ याना बिज्याय्
मते जिमि नाथ (मालिक) छपिं जुल धया पालि भोःपुल ।

थुगु अबस्थास बुद्धिबान् बीरकूशनृपं चिन्तनायात कोमल जुया शरण वःपिन्त
मरणयाय्गु पाप तोता करुणा कृपा तेगुनं तपयानागु तुल्यखः थय्ये विचारयाना धै
बिज्यात । हे क्षत्रि राजागणपि ! छपिं निर्बुद्धि मूर्ख अज्ञानि दुर्मति जकमखु कामी
लोभि अहंकारि पापित खः । आततायि जुया जि पत्नीयाके लोभयाना ल्वावल ।
छिमिसं त्याका जि पत्नी हरणयाना यंका छपिं न्हेह्मसिनं छुयाना हानं बिबाहयाय्गु
जित जवाफव्युः ।

थुगु अबस्थास न्हेम्ह राजापिनि खाः वचुया म्हुतुस सुकांसुयातगु थ्ये बाक
बन्ध जुल(नोः वाय्गु समर्थ छुं मन्त) । छुं लिपा बीरकूश राजां हानं धया खँ न्यंकल ।
नोः वाय्गु समर्थ होन जुया जिके नातुं शरणवल – आछिमिगु अपराध अन्याय कुनीति
दक्क जिनं लोमंका क्षमायाय् धुन । केवल हानं छगु धाय् त्यना जि समुर पिता श्री
भद्रक राजायात छिमिसं थः अबुतुल्य स्नेह पूर्वक तहल सेवा याना वेकनं आज्ञा जूगु
बचन यात लंघना मयास्ये पालन याना हानं थुजागु अपराध मयास्ये चवनेगु खसा क्षमा
जुइ । मखुसा छिमिगु राज्यनं हरणजुइ छिमित ह्याय् न्हेपं लिग ध्यना तोता छोय्
। । थय्ये धै बिज्यागु खँ न्यना थुपिं न्हेम्ह राजापिं इ-इ पना खोबिबय्का हानं
बिन्तियात । भो मालिक राजा ! सत्य सत्य सत्यनं छपिंगु तथा श्री भद्रक राजायागुनं
बचन पालन याना सेवा याना चवनेगु निश्चय खः जिमित सास्ति छता याना बिज्याय्
मते सहस्र कोटिवार प्रणाम क्षमाफोने ।

थथ्ये त्रिसत्य याना क्षमाफोना शरण वःपिंगु राजमकुट सहित ज्वंका न्हेम्हराजापि
लिउ लिउ तया थःकिसिगया म्येपिसं बाजाथाका कन्यकुब्ज देशे भ्रमणयाना सकल
प्रजापिसं धन्य २ बीरकूश राजाया प्रताप खा मात्रबिरूप थवसपोल सामान्य मनुष्य-
मखु महापुरुष बोधिसत्वहे खः धका प्रशंसायाका मंगल जय शब्द न्यंका सकसिनं
लस्वका राजगृहे बीरकूश राजा द्रहाँ बिज्यात । कसी चवना स्वया चोपि सकलें ववहां
वया सिन्दूर जात्रायाना उत्सवयाना बिन्तियात ।

धन्य २ बिनाहिसां युद्ध सफलयांना लिहां बिज्यात अहो भाग्यखः धया प्रणाम
याना शुद्धगु आसने बिज्याका दिव्य राज भोजन बिया लेःताया च्वन ।

न्हेम्ह राजापिसं ज्वनावगु राजमकुट भद्रक राजायात लः ह्लाना राजारानीयात
प्रणामयाय् धुंका बिन्तियात । जिमिगु अपराध दक्व क्षमाफोने छपिंगु शरण वया धया
पालि भोःपुया नन्न जुल ।

उगु समये बीरकूश राजां सुदर्शना रानीयागु पालिनं भोः पुइमाधया बिज्यात ।
न्हेम्हराजापि ग्याना थर थरं म्हखाका आसने फेतुना च्वंम्ह सुदर्शना देवीयागु पालिनं
न्हेम्ह राजापिसं मिखातीसिना भोःपुल । लिपा जिमिगु अन्याय क्षमा धया बिन्तियात ।

इति इति ह्लिला सुदर्शना देवीनं क्षमा बोधुन आः गुलितक बाँलात खला धै
बिज्यात । उगु थासे च्वंपि सकलें ह्लिला लेःताया च्वन । । उगु इले बीरकूश
राजासभाय् दना सकलयागु खाः स्वया दथ्वी च्वना भिंगु शब्द छगु नोःवाना न्यंकल ।
संसारे मनु जन्मजुया गुमान अभिमानि अहंकार जुइमज्यु । छगुबार सलकया द्वेनेफुः
शरण वम्ह यात दुःख बिया मरणयाय्मज्यु सुनां थुजागु जान ह्यमसीका अहंकारयाइ
उम्ह मनु मयोम्हसिगु ह्लाते लाई । थौं थुजागु दुःख हरण जुल । क्षमा बिया कृपातया
करुणा यांना उद्वारयाय्गु क्षान्तिपारमिताया बोधिसत्त्वपिंगु तपस्या खः । हानं गनं
स्वैतनं थुजागु दुःख मज्जीमा धैगु जिगु कामना दु ।

भो समुर पिता ! हानं छगुखँ न्यंकेत्यना छपिनि काय् मदु थ्व सत्यवाचा
यापि न्हेह्य राजापिनि ह्याय्पि दु धागु खँ न्यना न्हेह्य कन्या छकलं बिबाहयाना

बिज्याहुं थुकि ससुर मातानं गनेगु योग्यमजु स्वीकार याय्गुहे योग्य जुई । जिनं बिबाह याय्त्त एक पत्नी बिबाह थुगु जन्मे पूर्णयाय्गु इच्छाखः सुदर्शना छत्तसिगु निर्मित्ति जिनं थुलितक दुःख भोगयाना जुया द्वितीय बिबाह सुदर्शनायागु बचन दुसा जिनं पालन याय् ।

थ्व न्हेहा राजापि द्वारे समान जुइ धुंकल थुपि सकलया जिलाजँ छपि जुया कुल धर्मस च्वना मामागु तालं थुमिसं मानेयाका आनन्दं च्वना बिज्यासा आनन्द जुई ।

थुलिखें न्यने धुनेवं सुदर्शना रानीनं धँ बिज्यात । थ्व न्हेहारजा पिनि ह्याय्पि जिनं बिबाह याय्गु इच्छा दु छुयाय् जि मिसा जुल मिजंजुगु जूसायाना तोत्ये । जि स्वामी यातनं जिनं बचन बिइधुन हानं बिबाहयाना बिज्यहुँ आः ह्लापालाक अबुजुनि बिबाह याना बिज्याहुं मांनं बचन बिल धया ज्यु धका सकसिनं इतिइति ह्लिला समर्थन यात ।

अनंलि न्याहु दस्येलि बिबाह सामग्री तयारयाना न्हेहा राजापिनि थकालिपि पुत्री सःता हया बिधिथ्ये पुरोहितपि च्वना ज्या यात ।

तदेतेभ्यो नृपेभ्योऽपि सप्ताभ्यः सप्तकन्यकाः ।

स्वात्मजा मण्डिता कृत्वा संप्रद त्स्व यथाबिधिः ।

थुगु अबस्थास थ्व न्हेहा राजापिसं थः थः पुत्री न्हेहा कन्यापिगु ह्लाः ज्वना बिबाह मण्डिरे च्वना यथा बिधि भद्रक राजायात गुरुपिगु बाक्य द्वारा कन्या दानयाना बिबाह कर्म सिधेकल ।

अनंलि कन्हे खुन्हु प्रातः समये थःथपिगु नित्यकर्मसिधेका न्हूम्ह जिलाजँ भद्रकराजा पुनः बीरकूश राजा तथा म्येपिन्तनं प्रणामयाना आः जिपि छें वने बिदाबिया बिज्याहुं हानं जिमि न्हेम्हसिया दातिपि पुत्री न्हेम्ह बाकिदनि थुपिनं बीरकूश राजयात कन्यादानयाय्गु इच्छादु ।

थ्वखें न्यना ह्लिला राजा बीरकूशं धँ बिज्यात एक पत्नी बिबाह सन्तोषयानागु खः तथापि जि स्त्रीनं अनुमति बीधुंकल स्वीकारयाना पुनर्बिबाहयाय् ।

खुसि जुइका बिदाकया न्हेह्य राजापि लिहांवन राजगृहे चवना रानी तथा प्रजागणपिन्त थःथःगु देशे न्हेम्हसिया थमं थमं यानागु ज्या असफल जूगु खं पुनः महावीर्य बान् प्रतापि बज्रवीर महाकाल स्वरूप मूर्ति जुयादम्ह (वोधिसत्व) राजा बीरकूश किसिगया वबले सकल त्राहि जुया बिस्म्युंवंगु थःथःपिनं बिचेत जुइक ग्यागु उगु समये वसपोलं धागु खँफुकं कना नम्रजुया क्षमाफोना शान्ति जुइका सीत्योपि शरीर रक्षा जुइका भाग्यं लिहांवया । थकालिपि पुत्री भद्रकराजायात कन्यादायाना थ्ये आः हानं बाकिपि पुत्री बीरकूश राजायात कन्यादान यावलेमानि धया सकलयात न्यंका सन्तोषयात ।

अनंलि छन्हु कन्यकुब्ज देशे चवंम्ह भद्रकराजा (सस अबुजु) याके बीरकूश जिलाजंनं बिदाकाल । भो ससुरपिता ! आः कीगु ज्याखः केवल जितन वयागु कार्यनं सफल जुल थ्व ज्या सफल जूगु कारण करुणामय (आर्यावलोकितेश्वर) नांयात लोम्ह संघरत्नयागु कृपाखः सीका लुमंका एकचित्तं ध्यानयाना बिज्याहुं ।

म्हिग, जि थनजक गुलि चवनेगु लिहांवने धयाबले छपिसं माँ यात पत्र छोया खं ह्लाना थनहे चवना बिज्याहुं धै बिज्यात थ्वखे स्वीकारयाय्त लोके मलो । राजाथि जाम्हसें भात मडुम्ह माँ यात तोता ससले चवंवन धाइ जितनं छपिन्तनं बांमला । जिवने बिदाबिया बिज्याहुं । जिगु दोष माफिफोने छपिगु दोषनं क्षमायाय् धुन ।

थुगु कुशलवार्ता अनेक स्नेहया खँ ह्लानालि भद्रक राजा ह्लिला धै बिज्यात । भो प्रतापिराजा ! ह्लापा छपिन्त ह्लाते जिपुत्री (कन्या दान) याय् मखंगुलि आः छपिगु ह्लाते हानं सुदर्शना कन्या दानयानागु तुल्य लःह्लाया धया बिबाहयाय् थ्ये ज्वलं थिकयाना सुदर्शना राजा बीरकूशया ह्लाते लःह्लाना जिमिगु दोष दक्क माफिधया क्षमाफोन जिलाजंनं क्षमादु धया उत्सवया ज्या खना हर्षजुइका चवन ।

थुगु समये न्हेह्य राजापि हानं वया थःथःपिनि बाकिदुपि म्हति छम्ह छम्ह पुत्रीपि ज्वना वया बीरकूश राजायात स्वयंबर सहित कन्यादानयाना बिबाह कम सिधेका आपालं उत्सवया ज्यानयाना सन्तोष जुइका स्नेह भावयाना चवन ।

अनंलि प्यन्हु छुन्हु अन सकलयाके बिदा कया सुदर्शना रानी पुन न्हेम्ह स्त्रीपि सहितयाना सकसिनं लस्वका किसिगया बीरकूश राजा थःगुदेशे लिहां बिज्यात । देशंपिने भगवान् चैत्यमूर्ति छगदुगु थासे थ्यस्येँलि लसोवपिन्त बिदाबिया कुशलया खँह्लाना प्रणामयाय् धुंका थःथगु थासे सिहां वन ।

अनंलि ववं छगु पलेस्वां होयाच्चंगु पुखुया समीपस बांलागु मन्दिर (सतछें) खन अनसं बासयात इले नया त्वना शयन जुल । कन्हे सुयसिया प्रहरे दना बीरकूश राजा पलेस्वां पुखुली स्नान यावन पुखुली क्वसोवले थःगु प्रतिबिम्ब (किच) खना ताउति सोया चिन्तनायात ।

अहो जिगु मुख मण्डल (ख्वाः) थथ्ये बिरूप जुया थःथमं दुःख ताइ धका जिमांनं न्हेकं स्वेगु लखे क्वस्वेगु मयाकुस्ये हानं भौमचां दुःख मनयाइ धका क्वथाय् रात्रिस मत च्याके मदुगु अनेक तालं छलेयाना तगु कारण आः जिनं बांलाक सिल । सोसो जिनं छु पापयाना वल थुलि तक बिरूप मुखया देह (बांमलागु ख्वाया शरीर) ख म्वाना च्वनेगु छु प्रयोजन ।

तदह मत्रजले गाढे निपतित्वा स्वयंतनुं ।

इमां पापांकृति हित्वा गच्छामि शमनालयम् ।

थ्व बिरूप ख्वाया देह जिनं थुगु पुबुलि तःजागु थासे क्वव्वाना थःगु शरीर थ्व पापया मूर्ति त्यागयाना (तोता) थुगु निर्मल लखं पूर्णगु थासे आनन्दं द्यना सिनावने धका पुबुलि तोजक क्वहांवना सीत थिकयात ।

इति तं निश्चयं मत्वा देवराज स्वयंदिबः ।

सहसा तत्र संप्रेत्य पश्यन्नेवं व्यचिन्तयेत् ।

थुगु समये बीरकूश राजां थुजागु चिन्तनायागु सीका स्वर्गया देवराज इन्द्र क्वहां बिज्याना अन पुबुलि थ्यंका बीरकूश राजायात ज्वना ख्वा स्वया बिचार पूर्वक आज्ञा जुल । हेसखे (पाशा) जित्वाय् पाशाखः लोमनला जिनं थःत लुमंका वया हुंननुः धया पुखुयासिथे च्वेयंका इन्द्रं धै बिज्यात ।

थुजागु थासे मृत्युजुल घासा जल पिशाच (भूत प्रेत) जुइ मालिगु कुकर्म थय्ये
थमं अकालं मृत्यु ज्वीगु योग्यमजु थय्येहताय् चाय्मज्यु जिमदुला करुणामय लुमंकि
वसपोलं जितछोयाहल ।

पुलांम्ह अथवा न्हीपि बिबाहयानाहयापि स्त्रीपिसं आपालं शोक सन्ताप बिलाप
मयाइला थुमिगु स्त्रीहथ्या काय्मज्यु । हानं लोकं अपवादयाइ शास्त्रे बिरुद्धगु ज्या
याय्मत्य । हे बीरकूश नृप ! बिरूप नाशजुया अतिनं सुन्दररूप ज्वीगु माला जिनं
बिये कोखाया सो ।

इमां गृहाण भूमीन्द्र लोहित मुक्तिका बलि ।
मध्ये ज्योतिरस श्रीमा न्महामणि बिराजितं ।
इमां शिरसि संस्थाप्य कामं समभिमण्डयः ।
एत द्रत्नानु भाबेन दिव्याति सुन्दरो भवेत् ।

भो भूमीन्द्र बीरकूश प्रतापि महाराज ! थ्व लोहित मुक्तिकाबलि नाम जुया च्वंगु
रत्नमाला धारणया । ज्योतिरस गुण लक्षणं दथ्वी संयुक्तगु श्री शोभां पूर्णगु महामणिमय
रत्नमालाखः ज्वना कोखाया सो ।

थुलि धया देबराजइन्द्रं बीरकूश राजायात शिरं दुछोया गलासतया (कोखाय्का)
बिल । थुगु रत्नमालायां प्रभावं उगु बखतस बिरूपगु ख्वा लोप जुया कामदेवता तुल्य
दिव्य सुन्दररूपगु ख्वा जुया बांलात ।

पुखुलि कोसोबले ह्लापायागु बिरूप मखया सुन्दरगु रूपया ख्वा जुया च्वंगु खना
धन्य देबराजइन्द्र धन्य करुणामय धन्य थुगु रत्नमालाया प्रभाब धया अपालं हर्ष
जुइका स्नान याना बस्त्रं पुने धुस्येलि देबराज इन्द्रयात त्रिप्रदक्षिणायाना जल स्वां
देछाया चित्तं पूजायाना बिन्तियात ।

भो देबेन्द्रमित्र ! थनिं जिगु पापफुत छलपोल मित्रयाना तयागु सार जुल थ्व
मणिमय रत्नमाला बियाहम्ह सुख वइत सहत्र प्रणामदु । थय्ये बिन्तियागु न्यना इन्द्रं

हिला धं बिज्यात । भो मित्रजु ! जिनं न्यंकावी करुणामययात । उपोषधव्रत याबले
अलिन्दा रानीं अष्टशीलया नियम मिचेयाना बिरुद्धयागु दोषं बिरुप ख्वाम्ह पुत्र जन्म
जुलखः । आनं बराबर उगु व्रतयागु पुण्यं हानं सुन्दर जुइगु ज्या चूलात सदानं
कल्याण जुई ।

जिनं ह्लापा थ्वहे व्रतयाना वयागु पुन्यानुभावं थौं स्वर्गया देवराजइन्द्र धाय्का
देवआदि सकसिनं पूजा भाव तथा मानेयाका च्वनेदत ।

तथागतपिंगु बचन दु भबिष्ये बोधिसत्व जुइ धुंका तथागत (बुद्ध) पद प्राप्त
जुइगु केबल सुखावती भुवनस अमिताभ गुरुया स्थाने च्वने दइगु थुगु व्रतया पुण्यखः ।

असन्तुष्टा शुचि श्रष्टा चैवंगुरु बिबर्जयेत् । इत्यादि ।

थ्व व्रतयाय्बले जक मखु न्ह्यागुनं व्रतकर्म पूजादिस सन्तोष मजूम्ह शुचि नियम
आचरण श्रष्टम्ह सुरतिया कुं तोनीम्ह हिंसाकर्म पाप याइम्ह याकीम्ह थुजाम्हगुरु
(पुरोहित) तोता – आचरण बांलाम्ह गुरुयाय्मा यानागु ज्याया सिद्धिफल पूर्णरूपं
सफल ज्वी । थ्व जिनं धाय्मागु मखु थमंसिया च्वंगु खँ खः ।

आम रत्नमाला सदानं कोखायाति आमथ्येहे सुन्दर रूप जुया च्वनि छुं धन्दा
काय्म्वा आः जिवने त्यना थुलि धया देवराजइन्द्र उगु थासं अन्तरगत जुया थःगु
स्वर्ग भुवने लिहां बिज्यात ।

थनंलि तय्थाय्हे मदेक खुसिजुया हतासनं बास च्वनागु थासे थ्यंका दुनेवनेत थिक
जूबले अनपा च्वना च्वंपिं निम्हसिनं खँ न्यन । अरे सुन्दर पुरुष छपिसु । थन दुने
राजा बीरकूशया पत्नी (रानी) दिंदु अन वनेत राजाया बचनमा स्नानालये बिज्याना
च्वन लिहां बिज्याइबले मागुखँ ह्लाणा बिज्याहुं आःयात छथाय् च्वना च्वं लिहां
बिज्याइगु ईजुल ।

द्वारपाल तेसं थय्ये वाबले मुमु मुसुं हिला धं बिज्यात । छिंपिराज भक्तिख जि खुसि
जुल । बीरकूश राजा ह्लापा बिरुप ख्वाखः । आ सुरूप जुया वया छिंपिं पत्यार मज्जूसा दुने

वने धुंका मागुखें ह्लाना पत्यारयाय् जि बीरकूश राजाखः गथ्ये मसिल धया दुने
द्वानेन । द्वारपालपि छछ्येग्यात छछ्ये तँ पिकया च्वन ।

उगु बखते अन दुने च्वंपि रानीपि सकलें ग्याना च्वन छथाय् अलग च्वना ग्याका
खें न्यन । अरे पुरुष ! छ सु थन राजाया बचन बिना स्त्रीपिंगु पुचले मिचेयाना द्रहां
वल पिहांहुं मवंसा छन्त सास्तियाई ।

थ्ये धागु खें न्यना ह्लिला लिसःबिल छिपि धन्य स्वामी भक्तोपिखः छिपि ग्याय्-
मते जिनं बिस्तारं खें ह्लाय् न्यं । बीरकूश राजा जिखः हानं म्येम्हनं दुसा निम्ह बीरकूश
दत्त । थ्व बिषये ह्लापा बिरूप ख्वाम्ह आ सुरूप ख्वाम्ह द्रहां वगुलि छिपि ग्याना च्वन ।
थ्व कारण फुकं पुखुली जूगु घटना पुनः इन्द्रनाथ संवाद जुया सुरूपमुख ज्वीगु रत्नमाला
कोखाय्का ब्यूगु वृत्तान्तखें कनान्यंके धुंका कोखाया वयागु लोहित रत्नमाला तोया
न्हापायागु बिरूपमुख क्यन । सुदर्शना रानी फ़न् असन्तुष्ट जुया थ्व पुरुष इन्द्रजाल
(चतक) याइम्ह खनि धया छछ्ये बिस्यंवना धाल ।

हे द्वारपालपि थ्व छलिया पुरुषयात खिपतं चिनाति स्नान यावंह्य राजा
लिहांवैबले मागु जुई । द्वारपाल पिसं रानीयागु बचन न्यनां तथाऽस्तु धाल तर खिपतं
चीमछाला सोया च्वन । सुन्दर मुख राजा इतिइति ह्लिला हानंरत्न माला ज्वना धै
बिज्यात । जि छलिया पुरुष मखु सत्यमेव छिमि स्वामी खः ।

इदं रत्नाबली भद्रे सुरेन्द्रेण समर्पितं ।
एतस्या चानु भावेन दिज्याति सुन्दरो भवं ।
इति भर्तासमा दिष्टं श्रुत्वा प्रेक्ष्य सुदर्शना ।
सत्य मितिपरिज्ञाय प्रात्यनन्द न्प्रबोधिताः ।

हे भद्रे सुदर्शना देबी ! थ्व रत्नाबली माला देबराजइन्द्रं जित विया कोखाय्का
हगुखः । थ्वकियागु प्रभावं जिगु ख्वा अति सुन्दर रूपजुल धया हानं कोखाया क्यन
सुरूप जुल । थुगु तालंस्वक तक लिक्का कोखाया क्यंबले तिनि पत्यार जुया छचालं

चवना रानीपि तथा म्येपि सकसिनं खिपतं चिनाति धयागु माफिफोना राजाया पालि भोःपुया बिल्लियाना आपालं खुसि जुइका सकलें ख्वाः चकंका हिल्ला चवन । लिपा इले भोजन सकसियां सिधेका उखुन्हु अनसं बासयात ।

कन्हे खुन्हु प्रातःसमये स्नान धुंका राजा रानी किसि गया म्येपि लोलोगु रथे चवना ववं काशीदेशे थ्यंका तीर्थे स्नानयाना राजगृहे मां यात सूचना बिया छोट । पुत्र थ्यंकवल धंगु सूचना न्यना मांहा, द्रुमकूशराजा, मंत्री तथा गंन्य मान्यपि वया लस्वया कावल ।

देशे सकभनं ध्वजा पताकादि बोय्का थाय्थासे पूर्णघट तथा शोभायानातल । सुन्दर रूपह्म राजानापं सुदर्शनादेबी किसिम्हे चवना म्येपि सुन्दरीपि स्त्रीन्हेह्म शखीपि सहित रथे चवना सैन्यपि गुलिसलगया वपिखना बिषाद चित्तं हर्ष ज्वीका सोया चवन । सकलया चित्ते बिषाद जूगुसोका सुदर्शना देबोनं धै बिज्यात जिनापं चवना बिज्याह्म राजा बीरकूशखः ह्लापायागु बिरूप ख्वा मखुगु कारण फुकं राजगृहे थ्यंका वसपोलं कनि स्वयां मती बिषाद याय्म्वा धया देशे भ्रमणयाना राजगृहे थ्यंका राजसभास चवना कुशलया खँ न्यंकल ।

भनंथरि भेशकया कंन्यकुब्ज देशे थाय् थासे बास चवना शिल्पाबिद्या प्रकाशयाना भद्रक राजा रानी सुदर्शना देबी पिगु राजगृहे वना जाथुसुवा जुया खुसियानागु सुदर्शना शरण वगु न्हेम्हराजापि लिसे बिना हिसा याक्यें संग्रामं जित यानागु थुमि न्हेम्ह पुत्रीपि नाप बिबाह जुया नापं बोनाहयागु छथाय् बास चवनाबले पलेस्वां पुखुलि वना स्नानया नाबले सिगु घटना इन्द्रवया रत्नमाला कोखाय्का सुन्दर रूपयागु वृत्तान्तखँ मांयात न्ह्योने तथा राजगृहे च्वपि मेपि रानी राजकुमार मंत्री तथा प्रजागणपिन्त न्यंका चित्त बोधयाय् धुस्येलि मांयात पालि भोःपुया म्येपि छम्हपा न्यास (४९९) रानीपिन्तनं प्रणामयाना हर्षयात ।

सुरूप राजा बीरकूशयातनं द्रुमकूश किजां पालि भोःपुया थमं कयातयागु राज मकुट लःह्लाना सुदर्शना रानी नापं राज सिंहासने तथा मंगल कार्ययाना उत्सव

यात । सकसिनं धन्य २ बीरकूश राजां दुःखयागु अनुभोगयाना थों सुखेश्वर्यानन्द
जुइका पराक्रम वयना लिहां बिज्यात थ्व अहोभाग्य खः धया सकसिनं बीरकूश राजाया
जय २ जुइमा धया जय ध्वनि यात ।

माम्हसिनं पुत्रयात घेः पुना ख्वाः ल्वाका चुपानया धन्य करुणामय धन्य देबराज
इन्द्र धन्य जि पुत्र धन्य सुदर्शना थः छें वंगुनं सार जुल धया सिन्दूर ताय् स्वां होला
मंगलयात । अनंलि इले भोजन सकसियांयाना पालंपा च्याम्ह रानीपिं नाप कोथास
ल्वेक मत च्याका आनन्दं शयनयाना बिज्यात ।

छन्हु काय्याके च्वंगु रत्नमाला माँम्हसिनं कोखाया स्वत नकतिनिया युवती
तुल्य जुया बांलागुलि तोय्ममदया सदानं जिहे कोखाय् मज्यूला धाल । काय्मं ज्यूमां
तर जिगुल्वाः छकसो धाबले न्हापाथ्यें बिरुपल्वा खना काचा २ तोया काय्याततुं
कोखायेका बिल सुन्दर रूप जुल । थथ्येहे पालंपा सुदर्शना म्येपिं न्हेम्ह रानीपिसनं
छक छक कोखाया स्वत स्वामीया रूप सुन्दर मुख जुइगु कारणे सदानं स्वामीयात
कोखाय्का लेःताया च्वन ।

अनंलि राजगृहे पुनः देशेनं मुखाष्टमी दिने (कार्तिक शुक्लया अष्टमी खुन्हु)
षट्गुरु द्वारा अष्टशील धारणयाना उपोषध ब्रतयाना सिधेकल । रात्रिस स्वप्ने बीरकूश
राजायात दर्शन बिया करुणामयं आज्ञा जुल । धन्य छखः थुगु पुण्यं पाप मोचन जुया
सदानं सुख जुइ अन्त्ये बोधिसत्व जुया क्रमसः बुद्धपद लाभ जुइगु खः धया अन्तरगत
जुया बिज्यात । राजा न्ह्यलंचाल प्रणामयाना सुथे स्नानयाय् धुंका माँयात च्याम्ह
रानी पित्तनं स्वप्नया खँ कना करुणामय या प्रतिमा तया न्ह्योने प्राचीन महायान पूजा
बिधि अर्घ्य पाद्य पुष्प धूप दीप गन्ध रस नैवद्य थल बोया एकाग्रचित्तं सकलें च्वना
पूजादि जाप ध्यानयाय् धुंका थमं रचनायाना च्यापु श्लोक बोना भाबयात ।

रचयिता बीरकूश राजा – उल्लेख थथ्ये दु ।

लोकेश्वरं लोकनाथं लोकानांच महागुरुं ।

लोक पुण्य लोक बन्ध लोकान्तरगतं नमे । १ ।

करुणामयं कारुणिकं कार्यं सिद्धि करं शुभं ।
 कामनादिकरं देवं नमोऽस्मि करुणाकरं । २ ।
 नानाभयहरं नाना रूपेण नाम भेदतः ।
 नानायोनि समुत्पन्नो लोकरक्षाकरं नमः । ३ ।
 सुखावतिस्थो भुवनं तिष्ठति तत्र प्रेशयेत् ।
 कृत मुद्धरण येन नतोऽस्मि स्थान नायकं । ४ ।
 यथा यथाच बनेयान् दृष्ट्वा सत्त्वा तथा तथा ।
 प्राणि सद्धर्म मतुलं नमोऽस्तु श्रीमुनिं सदा । ५ ।
 तत रत्न त्रयायेति ये पठन्ति च श्रद्धया ।
 सौखावतिं प्रेशयति नमामि नित्य दायकं । ६ ।
 महाकारुणिकं मेरु मेण्डलाख्यं महागुरुं ।
 माया मोह रागहरं माया सूत्रगुरुं नमः । ७ ।
 षडक्षर मिदं त्तोत्रं पठन्ति भक्ति ये नराः ।
 पञ्चानन्तर्यं निर्मुक्ता सुखावतिं प्रयान्ति ते । ८ ।

अर्थ

लोकया इश्वर लोकया मालिक लोकया महागुरु । लोकं पूजा यानातह्य लोकपिन्त
 पुष्पव्यना लोकं वन्दनायाना तह्य लोकपिन्त लिपाथ्यंक सुख जुडगु ज्या वयनीह्य छपिन्त
 जिनं प्रणाम याना । १ ।

करुणाया खानि स्वरूप कारुणिक धाय्का भिगु कार्यं सिद्धि कामनायाना करुणा
 ह्यसीका बिज्याइह्य देव छपिन्त जिनं नमस्कार याना । २ ।

भक्तिजन पिन्त अनेक मय फुका अनेक रूपयागु नाम भिन्न भिन्न व्यना अनेक
 पद्मपुष्प योनि स्वरूप हींकार बीजाक्षरं उत्पन्न जुया बिज्याह्य छपिन्त जिनं
 प्रणाम याना । ३ ।

थः सुखावति बुद्ध भुवने विज्याना भाव भक्ति दुपिन्त उगु थासे छोइह्य । सुनां पाप मोचन जुया उद्धार जुइगु ज्यायाइ उजाह्यात सुदृष्टि स्वया बिज्याइह्य बुद्ध भुवनया नाय मंत्री जुया च्वंहा छपिन्त जिगु प्रणाम दु । ४ ।

गन गन गुजापिं च्वन अन अन वना सत्वापिगु धंग बिचारयाना सीका प्राणिपिं उद्धार जुइगु सद्धर्म ह्यसीकि धका उपदेश बिया चाहुला बिज्याइह्य श्रीशोभां युक्तह्य मुनि रूप छपिन्त जिगु भक्ति सदानं प्रणाम दु । ५ ।

अनंलि रत्न त्रयाय नमः धका थुगु पाठ सुनां श्रद्धा तया पाठ याइ । थुजापिन्तनं सुखावति बुद्ध भुवने छोइह्य दाता छपिन्त नित्य जिनं नमस्कारयाना । ६ ।

महाकारुणिक सुमेरु मण्डलया दथ्वी बिज्याइह्य पुज्य महागुरु जुबा माया मोह राग मदेका करुणाया स्वां समानगु, मारं थोमफुगु माया सूत्रया गुरुनं जुया बिज्याइह्य छपिन्त जिनं नमस्कार याना । ७ ।

षडक्षरि हृदयमंत्र म्हसीका थ्व स्तोत्रयात भक्तितया सु मनुष्यपिसं जाप अथवा पाठयाई । थुपिं पंचमहापाप समेतं मोचन जुया सुखावति बुद्ध भुवने प्राप्त जूवनि । ८ ।

थुगु प्रकारं स्तोत्रयाना अकाशे थसोया द्वाफोस्वां स्वयास होला बित्तियाना च्वंबले उगु थासे मत च्याका तगुलि दुविना ह्लापां निकाह्लाः धरेयाना श्रृष्टिक्रान्ता लोकेश्वर जुया करुणामयं दर्शन बिया बिज्यात । १ । हानं लिपा प्यकाह्लाः धरेयाना षडक्षरि लोकेश्वर जुया दर्शन बिल । २ । छुं लिपा हानं खुकाह्लाः धरेयाना आर्यावलोकितेश्वर जुया दर्शन बिल । ३ । केहि लिपा हानं च्याकाह्लाः धरेयाना अमोघपाश लोकेश्वर जुया दर्शन बिल । ४ ।

उगु इले अन चोपिं भक्ति जनपिसं प्रणामयाना च्वंबले वसपोलं आज्ञा जुया प्यंकल । आर्य धर्म ह्लापा जुया वंपि आःजुया च्वंपि पुनः लिपा जूवइपिं बोधिसत्व तथा बुद्धपिसं समेतंयाना थाका वयना वंगु ज्ञान म्हसीका च्वनेगु सद्धर्म तथागत (बुद्ध) चर्यखः । षट्गति दुःखं मुक्त जुया वनीगु स्वयंभू आदि बुद्ध त्रिरत्न बज्रधातु धर्मधातु मण्डले लीन जुइगु उपोषध ब्रतयाय्गुसो ।

मनोरथ कार्यं सफलं जुया सुपुत्र लाभं जुइ । अनित्यं संसारखः थुगु शरीरं
समेतं तोता वनेमानिगु लुरं हा मिथ्या दृष्टि मयास्ये धर्मं म्हसीकि व्यवहारे भुले ज्वीका
आमीष बस्तुया मुख्यगु मदिरापान मांसाहार सुरति सेवन मयास्ये बोधिसत्त्व बुद्ध
तथागत लोकेश्वरपिंगु बचन पालनयाना पर्वकाले थुगु व्रतयाना धर्मयायगुसो । न्याय
शास्त्र राज्य भोगयाना करुणाधारिजु भविष्ये बुद्धपद प्राप्त जुइ धया अन्तरगत जुया
बिज्यात । । सकलया करुणामय दर्शन लाभं जुया हर्षयाना च्वन । तत्पश्चात्
थुगु उपदेशानुसारं राजगृहे सकलें मिले जुया पर्वकालपत्ति उपोषध व्रतयानावं च्वन ।
छुं लिपा सुदर्शना रानीया गर्भं धारण जुल फिला दस्येलि माघ पुत्तीया रात्रिस सुन्दरहा
पुत्रजन्म जुल कोथास सकलें वया सोवल पलेस्वांथ्ये खाः चकंका राजगृहे च्वं पि
सकसियां खुसि जुइका दोषावजोयाना दारिद्र याचकपिन्त अन्न द्रव्य बस्त्र दान
याना उत्सवयात ।

कुलानुसारं खुन्हु फिन्हु देका व्यंका उपोषध व्रतया पुण्यं दुहा पुत्रजुया उपवास
कूश धका अबुम्हसिनं नामकरणयात । खुला दस्येलि कुलशेश्वर दर्शन अन्न प्राशन
विधि जा नकेगु ज्यानयाना सिधेकल । लिपा न्यादं दस्येलि सद्गुरु द्वारा विद्यारंभ
जुल राजकुले मागु तक विद्यास्यना १२ वर्षे व्रतबन्धन सिधेका राज कुमार पद बिया
तल २२ वर्ष पुलावस्येलि गुरुं अब्रुयात लःह्लाना विनित्यात । भोनृप ! जिनं राजकुमार
यात शिल्पविद्या इत्यादि राजकुले लोगुस्यने धुन । थ्वखँ न्यना गुरुयात दक्षिणा बस्त्रा
भरण बिया सन्तोषयात ।

युवन्नावस्था जुस्येलि कन्यकुब्ज देशे च्वंम्ह भद्रक राजाया मंत्री पुत्री दिव्य
सुन्दरीकन्या सुवासना देवी युवतीयागु उमेरम्ह उपवास राजकुमार यात स्वयंवर
सहित विवाह सिधेकल लिपा लोहित रत्नमाला तोतूसानं बीरकूश राजा बिरुपगु खा
मजूस्ये सुरूपहे जुल ।

एवं सर्वा नमहीपालान् संपाल्य प्राप्तिं नन्दयत् ।
सर्वं धर्माधिपः शास्ता चक्रवर्ति कुशोऽभवत् ।

थुगु ब्रतया पुण्यानुभावं म्येपिं सकल राजा पित्त पालन पोषन याता धर्मासने
तया बोधि ज्ञानया खँकना सन्तोष जुइक खुसियात ।

सकल मिलेजुया थ्व बीरकूश राजा सामान्य मनुष्य मखु संपूर्ण धर्मया अधिपति
शास्तासमान जुइगु बोधिसत्व ख धका प्रशंसा यागुलिं चक्रबर्ति राजा जुल । ० ।

भगवान् बुद्ध न्यग्रोधाराम धँगु बांलागु क्यबस आनन्दादि महाभिक्षुगण तथा
म्येपिं सकल श्रद्धालु राजा मंत्री महाजन नर नारीपिंगु सभाय् बिज्याना थुगुखँ न्यंका
बोधयात ।

उगु समये बीरकूश चक्रबर्ति राजाजूम्ह वर्तमान (आः) थुगु समये म्येम्ह मखु
जि धका सीकि । सुदर्शना देवी यशोधरा देवी जुवल । अलिन्दा रानी माया देवीखः
इक्षांकूश राजा शुद्धोदन जि पिताखः । भद्रक राजा स्वच्छारानी निम्ह दण्डपाणि राजा
वया स्त्रीरानीनातुंखः । न्हेम्ह रानीपिं यशोधरा देवीया न्हेम्ह सखीपिं जुवल ।

न्हेम्ह राजापिं मारसैन्य धाय्का जन्मजुवल थुमित ध्यान द्वारा जितेयाना थुगु
प्रकारं पूर्वजन्मया खँ लुमंका सकलयागु ख्वा स्वया आज्ञा देका बिज्यागु न्यना
सकसिनं धन्य २ भगवान् बुद्ध धन्य २ बीरकूश राजा धका प्रशंशायाना भगवानयात
प्रणाम याता बिदाकया थःथःगु थासे सकलें लिहांवन । ० ।

थुलि खँ बीरकूश नृपजातक जुल



। थ्वखँ भद्रकल्पा बदान ३१ अध्याये दु ।



महासत्वरारुकरावदान

नमः सर्वबुद्ध बोधिसत्त्वैः

सकल बुद्ध बोधिसत्त्वपितुं नमस्कार

भगवान् बुद्धं हानं म्येगु खँ न्य धँ बिज्यात । हे कुलया देवता ! तथा म्येपि सकल ! प्राणि हितयाय्या निमित्ते बोधिसत्त्व जुया आपालं थःगुहे शरीरनं त्यागयाय् फेकेमा । ख्वे गथ्ये धासा स्वर्गे पृथिवीलेन बिभिन्न प्रकारं गुण प्रकाश जुया च्वंगु छुहे पापं लिप्तमज्जुगु नाना प्रकारया गुणं सहितगु अनेक तालया रस्मिं खया च्वंगु स्यंकेमफुगु सुनानं लाय्मफुगु ज्ञानबंम्ह थकेनं ज्ञान पराक्रमं युक्तह्य पंचाभिष्येक अर्थात् न्याता प्रकारया ज्ञानदक्षु प्राप्तम्ह भगवान् बुद्धं असंख्य भिक्षुगणपिसं जवे खवे लिउने लिका पांचाल् देशया ज्ञानि जनपि व अनया सज्जनपिगु थाय् चाहला ववं छगु बनान्तरे थ्यंका बिज्यात ।

अनवने भगवानं खन वांगु वचुगु नायूगु क्यातुगु घाँय् व बिबिध प्रकारया स्वां सिमा बांलाक दया च्वंगु पृथिवीया छगु भागखः ख्यो न्ह्याइपुस्ये यैपुस्ये च्वंगु बन खण्डस भगवान् बुद्धं आयुष्मान् पुज्य आनन्द भिक्षुयात सता आज्ञा जुल ।

हे आनन्द ! तच्चकंहे बांला न्ह्याइपुस्ये च्वंगु थ्व पृथिवीया छगु बन खण्डया थाय् खः । थन कीपि छुं विनया लागी बास च्वने आसन थिकया । तथाऽस्तु धया आनन्द भिक्षुं भगवान् बुद्धया आज्ञार्थे तथागतयात च्वनेगु आसन थिकयात । आसन थिकयाय् धुस्येलि भगवान् बुद्धयात बिन्तियात । भो भगवान् ! आसन थिक जुल भो ज्येष्ठ श्रेष्ठ मनुष्यमध्ये उत्तम (च्वेलाह्य) मोक्ष्य छोइह्य भगवान् छपि थन बिज्याहुं ।

छपिं हानं जन्म मरण मदुम्ह (कालंथोमफुम्ह) अर्थात् मृत्यु ज्वीम्वाम्ह भो भगवान् छपिंखः । मनुष्यपिन्त हितया निमित्ते परम अमृतरूप च्चे लागु सद्धर्म आनया खँ कना बिज्याहुं ।

अनंलि भगवान् बुद्ध अन आसने बिज्याना भिक्षुपिन्त सःता आज्ञा जुल । हे भिक्षु गणपिं ! छिमिसं दुष्कर चर्य सुनानंयाय् मफुगु याना वंगुनं सुनानं मदुनिगु ज्याखँ सीकि बोधिसत्त्वया शरीरयागु अस्थि धातु स्वेगु इच्छादुला ।

थथ्ये धैबिज्यागु खँ न्यना भिक्षुपिसं भगवान् बुद्धयात थ्वखँ बिन्तियात । थ्व ऋषिमध्ये श्रेष्ठह्य कालगतिया ज्ञान प्राप्तह्य सत्त्वप्राणिपिन्त हितयाय्गुलि सारह्य निह्यमदुह्य उपमा बीगुनं मदुह्य नीलरत्न थ्ये जागुलि युक्तगु प्रमाणहे मदेधुंकूगु लक्षणं संयुक्तगु थ्व साधु बोधिसत्त्वयागु शरीरया अस्थि धातु जिमिसं स्वेगु इच्छादु । थुगु बिषये उद्घाटनयाना अर्थात् आज्ञा जुया बिज्याहुं ।

अनंलि भगवान् बुद्धं द्वेष्टिगुतक चाहुला च्वंगु चक्रचिह्नदुगु नकतिनि होगु चःकंगु पलेस्वाँथ्ये जागु जगु ह्लाति अन पृथिवीस दाया बिल । दाय् धुस्येलि खुता प्रकारं पृथिवी कंप जुया सन ।

अनंलि भूमितः ज्याना उज्ज्वल तेजं सहितगु स्तूप चैत्य खनेदेक उत्पन्न जुल । अनंलि भगवान् आयुष्मान् आनन्दयात सःता थ्व स्तूप अत्यन्त उदारगु (योग्यगु) पुलांगु खः हे आनन्द ! सीकि ।

भगवानं थथ्ये धै बिज्यागु न्यना अनंलि आनन्द भिक्षु स्तूप (चैत्य) छचालं स्वया ह्लाति थिया शुद्धयाना प्रणाम धया स्वत । अन व आनन्दं सुवर्णयुक्त मोतिहना-तगु अर्थात् सुवर्णमय समुद्रथ्ये खना भगवान् याके थथ्ये बिन्तियात ।

भो भगवान् ! सुवर्णयुक्त समुद्र खनेदुथ्ये शुद्धगुस्तूप बुद्धमूर्ति चैत्य जिमित दर्शन प्राप्त जुल । भगवानं आज्ञा जुल थ्व न्हेगु समुद्रे च्वंगु रत्न समानगु ख थियास्वेगुनं

अति योग्य जु । उगु बखतस थियानं स्वत अन व आनन्दं बांलाक खन । च्वापुथ्ये
निर्मल तुयूगु सुगन्ध बासनादुगु पलेस्वां समानगु यैपुस्ये च्वंगु अस्थि धातुखना
भगवान्याके हानं थथ्ये बिन्तियात ।

भो भगवान् ! थन अस्थिधातु बांलाक खनेदयावल । भगवानं धै बिज्यात, हे
आनन्द ! ज्वनावा थ्व महापुरुषया अस्थिधातु खः । अनंलि आयुष्मान् आनन्दं थ्व
अस्थिधातु दुगु सुवर्णया थलहया भगवान् बुद्धयात न्ह्योने समर्पन याना बिल ।

भगवान् बुद्धनं थ्व अस्थिधातु दुगु सुवर्णया थल ज्वना भिक्षुसंघया न्ह्योने तथा
आज्ञा जुल । थ्व अस्थिधातु उत्तम बिशेष गुणं युक्तगु प्यख्येसनं अहंकारं मथ्यूगु ध्यान
क्षान्ति तच्चकं एकाचित्तगु उत्साह दुह्य सदानं बोधिज्ञाने न्ह्येच्युह्य यशकिति
बुद्धिमान् धैर्यवान् गंभीरह्य हानं सदानं दानपारमिताया ज्या दानयाय्गुलि जक
तत्परह्य बोधिसत्त्वयागु खः । अनंलि हानं लिपाथ्यंक वपि भिक्षुपिन्तनं सता आज्ञाजुल ।
हेभिक्षुगर्णपि ! थ्व शील गुणं सम्पन्नह्य आपालं परिश्रमंजक दर्शन प्राप्त जुइगु पुण्यक्षत्रे
उत्पन्न जुया च्वंह्य ज्ञानदीप (मत) समानह्य दानी केबल दाता त्यागी बोधिसत्त्वया
शरीरयागु अस्थिधातु खः थ्वैत प्रणाम याय्गु योग्य जु या ।

अनंलि भिक्षुसंघपिसं बिन्तियाना एकचित्तं (मन पिमछोस्ये) थुगु अस्थिधातु
यात शिरदिका ताउर्ति भोःपुया च्वन ।

अनंलि लिपा आयुष्मान् आनन्दं ह्लाः बिन्तियाना भगवान् बुद्धयाके थथ्ये
बिन्तियात । भो भगवान् ! ह्लापा जुया वपि लिपा जू वपि आःजुया च्वपि संपूर्ण लोके
बिज्यापिसं तथा संपूर्ण प्राणिपिसं तथागतया शरीर भापा थ्व अस्थिधातु नमस्कार
याइला ।

थथ्ये बिन्तियास्यैलि भगवान् बुद्धं आयुष्मान् आनन्दयात थथ्ये आज्ञा जुल । हे
आनन्द ! वन्दन याये अत्यन्त योग्यगु खः धका सकसिनं नमस्कार याइ । थ्व छुकारणं
धासा हे आनन्द ! सोकि, थ्व अस्थिधातुं याना याकनंहे जिनं अनुत्तर संम्यक संबुद्ध
ज्ञान लाना बुद्ध जुया । ० ।

हे आनन्द ! ह्लापा जुयावंगु खं खः बांलाक थ्वीकि व्यक्तयाना कने थुकोयागु महिमा थ्येख जिनं ध्यानंखंका लुमंके धुन । ह्लापा द्वापर युगे काश्यप तथागतया पर्याये नेपा देशया पूर्व दिशाय् पांचाल देशे (पनौति) स आपालं अन्न धन बृही सल किसि बाहन दुह्य सुनानं त्याके मफुह्य बल पराक्रमं युक्तह्य प्रतापि महारथ नाम क्षत्रि राजा दया च्वन ।

थ्वया देव कुमार समानपिं स्वह्य पुत्रपिं दु । तधिकह्य महाप्रणाद, दातिह्य महादेव, मिलाह्य (स्वह्यह्य) महासत्त्व खः । अनंलि उगु समये छन्हु महारथ राजाया बन क्रीडा यावनेगु इच्छायाना थः स्त्री महादेबी महारानी यात चित्तबुद्धे याना महासत्य मंत्री महावंख कोतुवाल स्वह्यपुत्रीपिं व सैन्य लिस्ते थःगु राजगृह तोता बने बिहारयावन ।

थुपिं राजकुमारपिं स्वह्य बने चाहुला स्वत बनया स्वभाव बांलागु आनन्द शीतल वांगु घांय् स्वां सिमा फल इत्यादि पूर्ण जुया च्वंगु खना मती आपालं आनन्द जुइका प्यछ्येसनं बिचार याना उख्ये थुख्ये चाहुला ह्यिता बनेसया च्वंगु फल खानानया सुगन्ध बासनावगु स्वां थोया नत्वना थाय् थासे लहरा वना च्वंगु सिमासोया सन्तोष मनयाना पूर्णगु बांलागु बनया चरित्र स्वस्त्रं सुन्दर शरीरया प्रमाण क्यना खुसिया मन आनन्द जुइका ह्यिला छ्यायाना स्वह्य राजकुमार सहित द्वादशबन गुल्मनाम बनस ब्रह्मावन ।

इपिं अनबने बनेवं नापं वपिं राजा मंत्री सैन्यपिं उख्ये थुख्ये चाहुला जूबले राजकुमारपिं स्वह्य बने लं द्वना छुख्ये लात । म्येपिंफुकं म्येथाय् छथाय् लात । मालाजूबले लुइके मफया राजकुमारपिं स्वह्य फन दूरबने द्वादश बनगुल्मस दुने थ्यंक लावन ।

द्वादश बनगुल्म धागु सीके (१) ऋषि मुनिपिं च्वनीगु पर्णशालादुगु स्थान अर्थात् तपयाना तोता थकुगु थाय् ऋषि आसन (२) सुगन्ध स्वां यकोदुगु (३) फलसहितगु सिमादुगु (४) अम्ब लः अम्ब फलदुगु (५) लखं दुःख मजूगु (६) पंछिपिं सिमास च्वना थैपुस्ये च्वंक हालाच्वनीगु (७) पशुत बासयाना च्वंगु (८) खु

दाका मदुगु (९) तचो चीचो मखुगु शीतल बायु बराबर बहन जुया च्वंगु (१०)
ततःमागु स्वां सिमा दया च्वंगु (११) च्वनेत योग्यगु लोहं थासे थासे दया च्वनीगु
(१२) बिष मदुगु ।

थुजागु बनान्तरे राजकुमारपिं स्वह्म सिमाक्वे छथाय् लोहंते च्वना फल नया
च्वन । छख्येलापिं राजा मंत्री सैन्यपिं सकलें राजकुमारपिं नापलाय् मफया परिश्रम
याना जूगुलि असमर्थ जुइका सकलें लिहांवन ।

उगु अवस्थास बने च्वंपिं स्वह्म राजकुमारपिं मध्ये थकालिह्म महाप्रणादं निह्म
किजापिंन्त थय्ये खें न्यंकल । किजापिं जिगु मन अत्यन्त भय त्राश जुल थन च्वनेगु
थिक मजुल म्येपिं फुकं छख्ये कीपिं स्वह्म जक थन छाया च्वनेगु लिहां वनेनुः थन हिंसक
बन जन्तु तेगु भयं कीपिं बिनाश जुइगु आपत्ति वइ ।

अनंलि दातिह्म महादेवं धाल, जितजा मनेछुं भय त्राशमदु जिमग्या । तथापि
छु जुया वगुखं मस्यु थः स्नेही (यम्ह) नाप अवश्यनं बियोग जुइला धंगु जिगु मने
थुजागु जुया वल ।

मिलाम्ह (स्वम्हम्ह) महासत्वं थय्ये धाल,

मूल

नच मम भय मिहास्ति नापि शोको बनबरे मुनि जन संस्तुते बिबिक्ते ।

परम सुत्रिपुल महार्थता लाभा – हृदय मिदं मम संप्रपुष्यति च ।

अर्थ

जिगु मनेजा थन छुंहे भय त्राश मदु छुं शोक धंगुनंमदु । जितजा थनबने मुनिजन
पिसं तप ध्यान स्तुति याइगु न्यनेगु इच्छादु । असलगु थुगुबने छुंहेग्याः धंगु जितमदु ।
छाय् धासा अत्यन्त विशिष्टरूपं यंपुस्ये न्ह्याइपुस्ये चो । अतिनं योग्यगु बिबिध प्रकारया
ऋषि मुनिपिसं धाइगु बोनीगु न्यना आनन्दं बास याना परमपद अत्यन्त प्रकाशमान्
जुइगु तः धंगु ज्याखें लाभनं दंगु धका जिगुमने थय्ये सन्तुष्टगु स्वां होया च्वन ।

अनंलि थुपिं स्वम्ह दाजु किजा परस्पर खँ ह्लाना अन थासं दनावया गनवने गनचवने जुल कीअबु व म्येपिं फुकं गनलात सोवनेमाल धका बिचारयाना उख्ये थुख्ये सोसों द्वादशगुल्म नाम बने चाहुला फलसया च्वंगुनया स्वां लटा लहराया शोभादया च्वंगु थासे म्हितावया च्वंगु अबस्थाय् छथाय् सिमा क्वदला घांय् लहरा चूर्ण जुया च्वंगु दूरबने दुने गुफास छम्ह ब्याघ्री धुनी खन ।

थकालिम्ह दाजु महाप्रणादं धाल किजापिन्य क्वागु ला हि कचिगु (सद्यमांस) नकतिनि स्यानागु रसदत धासा थुजागु नैगुख क्वागु ला हि आहार (भोजन) याइपिं धुं चितुवा भालु सिंह आदि बन जन्तुते चूलात धासा योग्यगु धका तच्चतं खुसि जुइ ।

दातिह्य किजा महादेबं धाल थन थ्व तपस्विनी सूतिका (मचाबुइकाच्वंह्य) धुनी नय पित्यागु रोग (आतुर)या प्यासं सीत थिक जुइ धुंकूगु शरीर जुइ धुंकूह्य प्राणमात्र बाकिदनि आपालं गंसी जुया सनेमफुगुलिं गनंवना नथ्गु आहारनं मावने मफुह्य थ्व मचाबुइका च्वंह्य धुनीयात प्राण रक्षायाय्या निमित्त थःगुहे शरीरनं त्यागयाय् फुम्ह सुदै अथ्येयाय् फुम्ह दैला ।

तधिकम्ह दाजु महाप्रणादं हानं धाल- किजापिन्य- अहोछुखँ थःगु थ्व म्वाना च्वंगु शरीर त्यागयाय् धैगुखँ तच्चकं थाकुगु जूया निमित्त सुनानंयाइ धैगु जि पत्यार मजु ।

थुजागु खँ न्यना मिलाह्य (स्वम्हम्हख) महासत्त्वं धाल- कीपिथ्ये जापिं व्यबहार या सामान्य बुद्धिपिनि जक आमखँ खैः । उत्तम बुद्धिदुपिं सत्पुरुष त्यागीपिसं परप्राणिपिं रक्षायाय्गु निमित्त थःगु शरीर इत्यादि फुकं त्याग याना ला हि दानबीत दुष्कर चर्यया तपयाय्गु थाकुचाइ मखु यानांहे तोति ।

दाजुपिं म्येगुनं खँदु न्य- कृपा व करुणानं पूर्णम्हसिनं थ्व पृथिवीस हर्ष व उत्सुक जुइका परार्थे थःगु शरीरया छुंहे माया मकास्ये कुच्चा कुच्चायाना थुगु लोकेनं स्वर्ग लोकेनं सकलयात सन्तोषयाई ।

थनंलि थुपिं स्वम्ह राजकुमारते तच्चगु कृपा याना थ्व धुनीयात मिखा पति मयास्ये तार्जतिं स्वय्धुंका अनंदनावंबले महासत्त्व बोधिसत्त्वया थथ्ये बिचार वल ।

अनित्य थ्व आत्मा खः शरीर त्याग याय्गु बेला थ्व हेख छाया धासा । ताकालं बितेजुत ऋतु मास दिन वर्षयाना थःगुम्वाय्गु आयुः फुत थ्व पूतिकाय शरीरखः । हि ला क्वे दा स्यो आतापति खि चो कृमी किटाणु दुर्गन्धया छे छ्यंगुति भुना च्वंगुयात छनेगु च्वनेगु नेगु त्वनेगु अनेक तालया भोजन धका हानं लासाय् गोतुला चिकुसा मिपना तानोसा पंखां गाला खाता आसने च्वना सुखैश्वर्ययाना मसीतलेनं बांलाकेगु थुजागु चरित्रया थासेच्वना बिनाशकाल धर्मलागुयात मानेयाइ थथ्ये । ह्लापांनिस्स्ये वगु जिगु जिमिगु धर्म धया याना जुइगुलि लिमलाका थमं देकागु थमंनातुं स्थंकेगु काय थ्व शरीर ।

भों काप सि अपा अथवा चायाम्ह देका तगु मनु थ्येखः । कृतधन (मिहतेथ्ये) ज्वीका च्वनेगु स्वभावखः वानि न्ह्यागुयासां तोत्ये फेमखु-थ्व थनि जिनं तोत्ये त्यना ।

हानं शरीर सदानं स्वाना च्वनेधंगु मडु शरीर या आदि अन्त्यनं मडु । बिचे लागु जुया थ्व शरीर यात जरा मरण (बुढा जुइगु मृत्युजुइगु) समुद्र रूपि दुःखयात पारतरे याय्गु ताफु द्वांग्वाथ्ये जागु देकेगु ज्याय् पक्कायाय्मा ।

हानं चिन्तना यात जि सछिगु दोछिगुलिमयाक जन्मजुया संसारया अनित्य बस्तुनं पूर्णजूगु मल मूत्रया शरीरया सार धंगु छुंमडुगु खे ह्लि ला या फौज सलंस कृमी (कीनं) मिहता च्वंगु थुजागु थ्व शरीर निश्चयनं याय्मागु ज्याय् त्याग याना बिइ ।

शोक सन्ताप मडुगुयात भ्रान्ति ज्वीका च्वनेगु लें मडुनिगु बिकारमडुगु उलता जानं मथ्यूगु निर्मलगु संपूर्ण गुणं युक्तगु सलंस गुणया स्वभाव व पुण्यया प्रभावनं पूर्णगु धर्मया शरीर थें जागु आदि मध्य अन्त्ये थ्यंक शुद्ध शरीर ज्वीगु ज्या अवश्यनंयाय् त्यना ।

थथ्ये महासत्वं निश्चययात तच्चगु उत्साहयाना करुणाया त्वाथलं थाहांवना च्वे लागु हृदयख नुगलं निम्हदाजु पित्त हेका ज्यायात । दाजु महाप्रणाद व महादेव पित्त तोता बीगु बिचारं ह्लिला धाल छिोपनिम्ह थुगु लेंहुं जि उगुलें वने धया छोट । थःगु ज्याख थ्व विशेष थगु मुख्यगु शरीर त्यागयाय्गु केवल मांसदान बीगु सूतिका ब्याघ्रिनी या नेगु आहारं दुःख जुया च्वंगु उद्धारयाय्गु निमित्त द्वादश गुल्म नामवने थ्यंकवने धका निश्चययाना वन ।

अनंलि श्व महासत्त्व राजकुमार उगु उपवनं लिहाँवया धुनी चवना चवंगु थासे (गुफास) वना बने लटा लहरा वना चवंगु सिमास थःगुलँ (बस्त्र) खाया आकाशे यस्वया ह्लाः बित्तियाना प्रणिधानयात ।

श्व जिनं जगत् हितार्थे अनुत्तराया संम्यक संबुद्ध बोधिज्ञान सीकेत कल्याण कारक करुणायार्थे मसंस्ये चवना सुनानंयाय् मफुगु ह्लापानं सुनानंयाना वंगु मदुनिगु परार्थे जिनं श्व शरीर त्यागयाय् त्यना । उकीं रोगं मथ्यूपिं बोधिसत्त्वपिसं पूजायाइगु स्वर्गमर्त्य पाताले उज्ज्वलयाइगु बुद्धज्ञानखः । भब सागरं पार ज्वीगुपद जित देमा ।

थय्ये धया श्व महासत्त्व नेपित्याना थमं बुइकापिं मचात स्यानानय्गु इच्छायाना च्वंम्ह धुनीया न्ह्योने वना गोतुला बिल । व धुनीनं बोधिसत्त्वयात छुनं मयास्ये करुण दुम्ह थ्ये चवना सोयाचवन । । बोधिसत्त्वं विचारयात श्व धुनी तच्चकं सनेमफुगुलिं छुंमयात सोया त्वले जक जुया चवन थय्ये सिनां वनेफुः । आ थमंहे ज्यायाय् माल धका दनावना शस्त्र मालेत उख्ये थुख्ये सोवन । कृपालु बोधिसत्त्वं गनंहे शस्त्र लुइके मफु ।

उगु अबस्थास आपालं बलागु सछिदं मयाक पुलांगु तमागु वपि पंमायागु खवाला च्पिथ्ये धारदुगु ताहाकगु छगु त्वीकाहया थ्वेक महासत्त्वं चिमिसं तःतः स्वाका धुनीया समीपे (हानं न्ह्योने) वना पुलि निग्वलं चुया फेतुना थःगु शरीरया ला थमं कुच्चा कुच्चा ध्यना धुनीया म्हुतुस लो सुका नकल ।

बोधिसत्त्वं थय्ये जकयाय्वं लखे द्वंगा सनीथ्ये सना खुताकारं पृथिवी कंपजुया सन । सूर्ययात राहं छपां तोपुइथ्ये पृथिवी खिउँल । दिव्य सुगन्ध धूपचूर्ण मिले जूगु गोःफे वल । निर्मल स्फटिक थ्येजागु तुयूगुपों मिले जुया नरमरूपं जल बृष्टि जुल । अनंलि स्वर्गवासी अनेक देवतापिसं सकभनं ताय्क मधुरस्वरं सकलें आश्चर्य जुइक बोधिसत्त्वयात 'स्तोत्रयाना हल ।

हे सुमते! असलगु बुद्धि दुम्ह गथ्येजा करुणायाना छपिसं म्येपिगु कारणे थन वने थौं थःगु शरीर त्यागयाना बिज्यात । हे नरबीर! मनुष्य मध्ये बीरम्ह गथ्येजा परउपकारार्थे निश्चययाना थगु शरीर त्याग याय्गुलि हर्षप्रकत जुइका बिज्याम्ह ।

जन्म मरणया दुःख मदेकेगु निमित्ते कल्याण तथा मंगलज्वीगुलि तः धंगु स्थान कया बिज्याम्ह । निरायास छुं कल्पना मदुम्ह शान्तम्ह छपिसं थन बिस्तार मज्जीक याकनं असलगु शुभकार्य प्राप्तयाइ केबल यानाहे बिज्यात ।

थनंलि निश्रय थ्व धुनोंनं हि छ्याल ब्याल जुया च्वंगु बोधिसत्त्वया शरीर सोया घयाधम लानकूगलि वलाना धौछि निधौया समये बोधिसत्त्व गोतुला ब्यूगुलिं हिफेया लानं दक्क नया क्वेजक बाकियाना बिल ।


अनंलि म्येगु लें वंप्पि निम्हमध्ये दाजुम्ह महाप्रणादं भूकण्ण जूगु इत्यादि अनेक खना किजा महादेबयात थय्ये धाल । किजा बिचारया — आश्रय जुइक तच्चकं ताउतिं भूकंप्प जुल अकस्मात् थय्ये जूगु बांमला ।

जिगु मने गरह्येस्ये जुल छाया धासा न्याम्ह कार्यापिं थमं बुइकापिं मचात नेपित्याना वांवां न्याना नेत सना च्वंम्ह धुनीयात खना थ्व महासत्त्व किजां करुणा तथा तच्चगु स्नेहं खँह्लागुदु थ्वं छुं यातजुइ जित संखा जुल ।

उगु बखते सागर (समुद्र) बढे जुया थाय् थासे खुसिनदीया लःबा वल । फ़िगु दिशातकं पृथिवी कंप्प जुल । सूर्यतेज हीन जुल आपालं पुष्प बृष्टिनं जुल । थौं थनबने किजा महासत्त्वं थंगु शरीर त्यागयातला धंगु जिगुमने वल ।

किजाम्ह महादेवं धाल — दाजुमहा प्रणादखः गथ्येजा महासत्त्वं करुणाया बचनं धागु निश्रयख थ्व धुनों खना थगु शरीर समानापिं मचात स्यानानेगु ग्वसायाना च्वंगु नेमखना पित्यागुलिं सद्धिगु तालं दुःखपीडजूगुलिं बमलाका गंसी जुया सनेमफेका च्वंगुलिं जितनं मती सखादु ।

थनंलि थुपिनिम्ह राजकुमारपिं तच्चकं शोकयाना खोबिजाय्क दुगु मिखां स्वया थपिं वना च्वनागु लें तोता लिफसोया ह्लापायागु लें वना धुनी च्वना च्वंगु थासे थ्यंक्क वन । अन, खन सद्धिगु पंमाया लहरां तक्कयना च्वंगु सिमा आदिदु । तर धुनी मचात थःगु आहार चूलाना तृप्त ज्वीका फुक मचात बोनावने माथाय् वने धुंकूगुलिं



महसत्तजऊक्रमाजंवनवंवलधुनीयान्यासमचावृष्कापिणा
 नाच्वगुखना दारुसवकिजा निलयातनंखहानाचुलयाय धुंका
 सलसंकहांवया कपूलाचिरुं थः शुभवीजयालाथमंधना
 नकारित्तंका धुंयामचातम्वाका थः लिपासिनावंगुचिग्र-

— — —

7

8

9

10

11

12

13

14

15

ह्लापाथ्ये धुनीमदु । सिमाय् बस्त्र खायातगु भूमीस क्वे उख्ये थुख्ये घाय् गनं छिन्न
भिन्न हिकिना च्वंगु थाय् थासे भूमीस बाकिदुर्गलि दिशा बिदिशा पतिस्वत कपाया
चिह्न शिरे च्वंगु सें इत्यादि खना मूर्छाज्वीका पृथिवीस चतावाना गोतुल । ताउ
जाय्का चेत वस्येलि दना उच्च स्वरं हाला ह्लाः बुबु स्याना घाल । । अहो धन्य
प्रिय हेकिजा महासत्त्व ! महाराज जुया बिज्याम्ह अबु नापं च्वनीम्ह महारानी मांनं
अत्यन्त प्रीतियानातपि स्वम्ह काय् दु । व मध्ये स्वम्हम्ह सुन्दर पलेस्वांथ्ये जागु मिखा
जुया च्वम्ह महासत्त्वयात छिपिनिम्हस्ये गनतोता वया व गो गनवन धका अबश्यनं
न्यनी जिमिसं छु धाय्गु ।

अहो देव कीर्तिस्वम्ह थन वया जिपि निम्हजक थन बनेम्वाना च्वनेगुछुं शोभा
मन्त सिनावनेगुहे बांलात । छ महासत्त्व तोता जिपिगथ्ये मां अबुया थासेवना ख्वाक्यं
वनेगु । अनंलि थ्वनिम्ह राजकुमारपिसं आपालं अनेक तालं बिलापयात । अनबने
कुमारपिगु बिषये मावपि उख्ये थुख्ये दिशा बिदिशा पति ब्वांवना राजकुमारपि गन
धका परस्पर लें नापलापिके न्यन राजकुमारपि गो गनवन धका इतमत कना
हाला जुल ।

उगु बखते राजकुमारपिनि मां महारानीया छें बहनी छनेगु समय जुस्येलि
कोथांस थःगु थासे छन । प्रीति बस्तु नाप बियोग जूगु संक्षेप स्वप्ने थथ्येखन थ्व गथ्ये
घासा थगु नुगले च्वंगु दुरूनिपां ध्यना कुतुंवन म्हुतुस वा हाया वन स्वम्ह बखुं बोय्का
छोत छम्ह बखुं सतांचा दाया यंकल निम्हबखुं ग्याना छें जूवल । थुगु भयं न्ह्यलंचाल
ग्याना हतासनं दना खातास फेतुना तार्जति फुले जुया च्वन ।

अहो थौं गुजागु स्वप्न जुल । जिगु दुरू पृथिवीस हायावंगु छाया जिगु शरीर
यथ्ये छाया छिन्न जूगु म्हुतुस च्वंगु वानं हायावन बखुं स्वह्य बोय्का छह्य सतांचां दाया
यंकल निह्य छें जूवल थुकीयागु कारण छुजुइगु न्ह्यागुहे थज्वीमा जि पुत्रपि स्वह्य
बनान्तरे म्हितवंपिदु थुमित मंगल जुइमा अनंलि उगुइले थथ्ये चिन्तनायाना च्वंबले
महारानीया छह्य सखी इतमतकंका मनेत्राहि जुइका ब्वांवह्यसिनं महारानीयात ।

। भो मालिक महारानी ! कुमारपि स्वयावपिसं सित धागु खँ न्यना धका कन । अन पुत्र सित धागुखँ न्यना महारानी तच्चकं शरीरकप जुइका भिछास खोबि हाय्का राजा बिज्याना चवंगु थासे वना न्होने चवना बिन्तियात ।

भो स्वामी महाराज ! जि प्रीति पुत्र सितधागुखँ न्यना छपिसं सिलला ? राजानं थ्वखँ न्यना शरीर खाका मती त्राश जुइका तच्चकं ग्याकल हा दैव धिकार प्रीति पुत्र नाप जि बियोग ज्वीका चवने मालका मखुला अनंलि थुलि धया राजां देबीयात बोधयात ग्याय्मते हे प्रिये ! पुत्रमावंपि म्येपिनं दु फीत इमिसं बनेजूगु यथार्थ खँ कं वइ ।

अन राजकुमारपि सोवंपि मथ्यंनि राजकुमारपि निह्य ब्वांवया चवंपि तापाकं निस्ये राजांखन खनेवं धै बिज्यात निह्य राजकुमारपि जाथ्यंकवल । सकलेंमदु हा कष्ट पुत्रनाप बियोग जुइगुहे जुइन । मनुष्यपिनि न्ह्याथ्येहे प्रीतिमजूसान पुत्रनाप बियोग जुइका चवनेगु दुःख स्वेगु म्वाना चवतलेनं उपमा बीगुमदु । यकोहे प्रीति बस्तु दुसानं हर्षजुइमखु । म्वाइहे मखुगु जुल सिनांहे वन धासां उजाह्य मनुष्यया सुखीख धाय् फइमखु ।

यनंलि महारानी तच्चकं शोकं केका चसुप्वाले अंकूशं सुया सास्तियाइबले किसिया मचा हालोथ्ये तच्चकं हाला धाल । यदि स्वह्य कार्यपि दाजु किजा मिलेजुया बनमध्ये तघंगु थाय् अनेक स्वां सिमा दुथाय् द्वाहांवंपि जिगु नुगवु समानह्य स्वम्हम्ह महासत्व काय सुंसेबकपिसं रक्षायाना हय्फेला ।

लिहांवंपि निम्ह कार्यपिके बनयागु खँ हताय् चाया न्यन । हेकुमारपि ! स्वम्हम्ह महासत्व जिकाय् गो । अनंलि मने धौ बजि वापि मिखाय् खोबि हापि थक्क म्हुतुसि वा म्हुतु गंका चवंपि ख्वया ख्वापि निम्ह कायपिसं नोः वाय्गु असनर्थ ज्वीका चवन ।

महारानीं हानं धाल निह्य कार्यपि छाय् सुकं चवना याकनं धा । जिगु बुद्धिकेहि मन्त शरीर अत्यन्त पोडानं जुल जिगु नुगवु समानम्ह स्वम्हम्हकाय् महासत्वाव व गो । जिगु थ्व नुगपा तज्याइन अथवा मूर्छानं जुइन । । अनंलि थुपि निम्ह कुमारं बिस्तार पूर्वक बनयागु खँ फुकं यथार्थ बिन्तियाना कन । न्यना मात्रं अन चवंपि राजा

रानी मंत्री म्येपि सकलें अमलनपि थ्यें मोह जुया त्वले जुइका च्वन । मोहंछुते जुस्येलि करुणाया दुःखमन तच्चगु शब्द उच्चारण याना खोया उगु बखते सकलें वन । । थनंलि बने थ्यन सकभनं सोत राजा महारानीपिसं उगु थासे क्वें हि छुं प्यपुना च्वंगु ता फसं पुइका उख्ये थुख्येलाना च्वंगु सें इत्यादि खना हाचंगु सिमा गोतुलीथ्ये भूमीस गोतुला मूर्छा जुल । अनंलि पुरोहित गुरुपिसं ताउति स्वया उगु अबस्थास याकनं श्री खण्डक्तचन्दन च्वला राजा रानीपिगु कपाले इला शीतलयाना बिल । अनंलि ताउजाय्का चेतन दस्येलि राजा रानी दना करुणाया बेगं बिलापयात ।

हाहा गुजोगु कष्ट मनोरम दर्शनीय हेपुत्र छ गनदु कालया बसे लात । कालं छन्त साला कालला अथवा छं कालयात सालाकयाला छबिना जित म्येगु न्ह्यागु दुःखनं दुःखमता थ्व दुःख मदेकीह्य सु खः जितनं कालवल जिनं थन सिनावने त्यना ।

महारानीनं मूर्छाछुते जुस्येलि सें फंफं तया निपा ह्लाति नुगले दाया ख्वांगु ल मदुगु देमाय् क्वागु ल दुगु थले न्या तया तपि सनीथ्ये भूमीस गोगो तुला मचासिना गोथेचिनातह्य सा म्ये खोइथ्ये बालक सिना किसि खोइथ्ये तच्चतं पुत्र महासत्त्वया गुण प्रकाश याना करुणा चागु स्वरं हिक् हिक् लंका मचात को इमां दाया यंकीबले च्खुं केमंचापिनि मां अबुपि चिच्चे याना हालीथ्ये हाला खोल ।

हाहा दैब तेजवन्त सुन्दर प्रियपुत्र थुजागु भग्न थासे सुनां छन्त ते हल । थ्व सुन्दर पलेस्वांयात थुजागु भूमीस निश्चयमेव सुनां स्यंका कुच्चा कुच्चायात । सुशत्रुं जिपुत्र छन्त थन थौं थथ्ये नाशयात ।

मनोहर शीतल चन्द्रमा जिपुत्रया मिखा सुनां लिकया स्यंकल । हाहा दैब थुजाह्य गुणिक पुत्र पृथिवीस नृत्यु जूगु स्वेमास्येलि थ्व जिगु शरीर थौं थन जिनं कुच्चा कुच्चा छाये मयाइ । थुजागु मभिगु खँसानं तमज्यागु हृदय नथ्ये छागु धका थ्वीका धिकार थ्व पापया फलं स्वप्नस वयन अशुद्ध अमंगलगु थ्वखः । मभिगु स्वेमाल यदि चुपिपाचुक ध्यनाबीथ्ये दुरुनिपां ध्यना बिल कुतुंवन । वालिना बीथ्ये लिकया वा हायावन थ्व स्वप्नया फल खः जिप्रिय पुत्र थन बिनाशजुगु कारण वयन ।

जित थन लाभ जूगुकुस्वप्नया फल थय्येखः । सतीचां बोयाच्चवंपि स्वहा बखुं मध्ये
छहा दाया यंकल थुकीयाफल क्यंगु थ्वहेखः स्वहा काय्पि बनेबंगु मध्ये छहा काय्
मृत्युजुल कालंदाया यंकल ।

थनंलि राजा महारानी निहा आपालं करुणाया बिलापयाना निम्हसिया थःथः
पुना वयागु वस तिसा इत्यादि फुकं तोता निम्ह पुत्रनापं अनवपि आपालं मनुत मिले
जुया त्यागी पुत्रया क्वे (मृतक शरीर) यात मुंका पूजायाना वंहेसिमाय् खायातगु
शुद्धगु बस्त्रे पोचिना उगु थासं केहि क्वेवया ज्याछिगु पबित्र थासे सुवर्णमय थलेतया
आदि बुद्ध स्वयंभू भगवान् चैत्य बिब निर्माणयाना दुने प्राण तोता वंम्ह पुत्र महासत्व
राजकुमार बोधिसत्त्वयागु अस्थि धातु गर्भेतया बिल ।

निश्चय छन्त थय्ये ज्वीफु हेआनन्द ! सीकि हानं धाय् । उगु समये गुम्हजा
महासत्व नाम राजकुमार जुया च्वंम्ह म्येम्हमखु धका बिचारया थ्वछुया कारणं धासा थुगु
समये जिख धका सीकि । हे आनन्द ! उगु अबस्थास रागद्वेष मोहादि याकें मुक्तजुया
नरक बासी दुःख सिया च्वंपिन्त कृपातया जगत्यात कल्याण ज्वीगुज्या यात धासा
संपूर्णदोषं (पापं) मय्यूम्ह संम्यक्संबुद्ध ज्वीधूंकूगु खँछुधाय् । थय्ये निश्चयगु छम्ह
छम्ह सत्वया कारणे कल्पं जन्मया उदय कयने प्राणिपिन्त नरक भोगया जन्म संसारं
छुतेयाये । निश्चय मेब प्राणिपिन्त थ्व संसारे दुष्कर चर्यया ज्या अनेकतालं चित्र बिचित्र
रूपं सारगु ज्याखँ चाहुला च्वंगु दु ।

थुगु बोधिज्ञान लाय्या निर्मिस्त असंख्य कल्पतकं जिं आत्मारूप शरीरयात त्यागयाना
राजाजुइमा राजपुत्र जुइमा न्ह्यागु ज्याय्सनं बोधिज्ञान न्ह्योने तया जुया । आपालं
संसारे चाहुले मालीगु आत्मा ज्ञान जिनं तोता । थ्वहे शरीर ख आत्मा धागु म्येगु हानं
आत्मा परमात्मा धका मानेयाय्गु थःथमं चाहुले मालीगु संसार देकेगु जुइ सीकिमा
परप्राणि उपकारार्थे शरीर आत्मा यात त्यागयाना वया । । थ्वखँ हानं बांलाक
कने एकचित्तं न्यं । पूर्व पांचलदेश (नेपाल पनौति) स तःधंगु कुले जन्म जूम्ह महारथ
नाम राजा छम्ह दु । वयाकाय् महात्यागीम्ह महासत्व नाम आपालं तःधंगु बुद्धिदुम्ह
स्वम्हम्ह पुत्र छम्ह खः । व महासत्वया दाजुनिम्हदु तधिकम्ह महाप्रणाद व दातिम्ह
महादेव खः ।

छन्हु थुपिं स्वम्ह दाजुकिजापिं मिलेजुया बने म्हितेया निमित्ते वंबले उगुबखते नेमखना नेगु पित्याका सनेमफेका सोत थिकजुया च्वंम्हसिनं न्याम्हमचा बुइका थःहे मचात नेतनं तयारि जुया च्वंम्ह धुनीं छम्ह खन ।

थ्व धुनीया उपरे स्वम्हम्ह राजकुमार महासत्त्वया तच्चकं कृपा उत्पन्न जुया थ्व धुनीयात अबश्यनं ला हि नका जिगु थ्व आत्मा शरीर त्यागयाये धका निश्चययात । छुया निर्मित धासा तच्चकं नेपित्याना तधंगु षोडंमरणान्त जुल । नकतिनि थमं बुइकापि बालक तेत स्याना उम्हनेला थुम्ह नेला धंगु चिन्तनायाना वां न्याना स्याय्त सना चवन ।

उगु बेलास महासत्त्व राजकुमारं दाजुपिं निम्ह यात छलेयाना वना पर्वतं क्वब्वाना मचाबुम्ह धुनीया न्ह्योने गोतुला बिल । कारण नेपित्या ह धुनी व वया मचातेत प्राण रक्षायाय्या निर्मितखः । जिगु शरीरया ला हि न छिपिं म्वाइ सनेफया बलाइ धाल ।

करुणाया सागर जुया च्वंम्हसिनं थथ्ये याय्वं उगु बेलास पृथिवी पर्वत उगु थासे अथवा सकभनं कंप जुया सन । पंछिगर्नापि मिलेजुया थःथःगु म्वरं ह्लाहा उख्ये थुख्ये बोया चाहुला जुल । अन च्वंपि चला आदि पशुत भय त्राश जुइका ब्वां ब्वां जुल । लोर्कापि थ्व छुजुल धका आश्चर्य जुइका इतमत कना हाला जुल । महासत्त्वया वाजुपिं निम्हसियानं मती गरखेस्ये च्वंका किजा महासत्त्वयात अन बनखण्डे माजुल गनं लुइके मफुत । उगु बनयादुने थुजागु करुणाया ज्या जुया चवन इमिस्येमखं मस्यु ।

तच्चकं शोकया बाणंकेका च्वंगुमन योना बने निम्ह दाजुपिसं आछुयाय्गु गुगु याय्गु धया उख्ये थुख्ये चाहुला माजुल किजाखंके मफया मिखास खोबि हाय्का बनान्तरे चाचाहुला सोजुल । थुपिं निम्ह चाहुला जूगु अबस्थाय् ह्लापा अन गंसीम्ह बमलाम्ह धुनीं व मचात मुंका च्वना च्वंगु थासे थ्यंकवन सिमास बस्त्र खाया तगुनं खन । हि मिलेजुया घांय् थासे थासे सँ छिन्न भिन्नगु पृथिवीस क्वे छयंगु भतीचा किना च्वंगु कपाया सँ हानं सीधुंकूम्ह कंकाल मूर्ति बपिधिः मात्र महासत्त्वया चिह्न भूमीस दाजुपिं निम्हस्ये खन । खने मात्रं अद्भुत आश्चर्य जुया मूर्छा ज्दीका अन पृथिवीस गोतुल ।

तुयूगु म्हायुगु धूचा शरीरे किनावांनवात ज्ञान बुद्धि हीनगु इन्द्रिय मूव चित्त जुल । उजायु खना उगु बावते आबने सिहा वपि घांय्तवपि प्यख्येसनं वयासोवल । तः घंगु दुःख शोकं पोडा जूपि निम्ह राजकुमारपि मूर्छाछुते जूसानं बारंबार करुणा स्वरं खोया च्वंपि मित्राय् भेःभेःवीगु खोबिह्या शीतलगु लखं हाहा याय्थ्ये थाथायाना च्वंगु सकसिनं स्वया लखं सेचन यानावन । राजकुमारपि निम्ह आकाशे थसोया ततःसकं हाला खोल ।

फसं पुइकेथ्ये बनयागु छुं भतीचाखें राजगृहे (छें) थ्यने मात्रं अनच्चंपि मनुत सकलें मूर्छाजुल । राजपत्नी महारानी न्यासम्ह मिसात मुंका आनन्द पूर्वक राजकुले कोयास च्वना च्वंगु जुया च्वन । उगु बेत्तास महारानीया निपादुरूस बेगन दुरू हायावल । म्ह इम्हं मुलुं मुइथ्ये बेदना जुयावल । तः च्वकं शोकया नें न्याना च्वंगु नुगपा (छाति) काय् लिसे वियोग जूगु दुःखया रोगं सछिथाय् कया च्वंगु बेदनाय् ताम्ह महारानी थः स्वामी महाराजया न्होने वना तच्चकं दुःखगु मन उत्पन्न जुइका शोक सन्तापंकगु छें विन्तयात ।

ओ महाराज स्वामी ! जिगु खें न्यना बिज्याहुं शोकया मिपूगुलि जिगु शरीर दाह जुल जिगु निपादुरूपीचां मदिक दुरू हायावल । जिगु शरीर सर्बांग मुलुं सगु तुल्य पोड जुल । जिगु नुगपा तःज्याइथ्ये च्वन थ्व निमित्त कारणं जितछु जुइन मस्यु जि प्रीति स्वम्ह काय्पिगु ख्वा स्वय् दंगु बरदान व्युः जि म्वाना च्वनागुयात रक्षा जुइगु याना बिज्याहुं । जिनं स्वप्नास खनागु स्वम्हबखुं थुखीया दृष्टान्त स्वम्ह काय्पिंदु ।

अन अकस्मात् सतांचा छम्हवया बखुंछम्ह दायायंकूगु जिनंस्वप्नस खना थुकीया दृष्टान्त जिगिय पुत्र छन्ह कालं दायायंकल । जिगु थ्व तच्चगु पुत्र शोक आ नुगले फन । थ्व तच्चकं दाह जूगु पुत्र शोकया चिन्तायाना जि मृत्यु जुइगु बिस्तार जुइ मखुत । जि जन्मयानाति पुत्रस्वम्ह पिरं जिगु उपरे करुणा तया जि आपाम्वाइगु उपाय स्वम्ह पुत्रपिगु ख्वा स्वगु यत्नयाना बिज्याहुं । थय्ये बिगितयाना महारानी मूर्छा जुइका भूमोस गोतुन चेत मदया सीम्ह थ्ये जुल । अन थासे च्वंपि सखीपि सकलें करुणास्वरं ततःसकं हासा खोल ।

महारानी भूमीस गोतुला मूर्छा जुः का च्वंह खना शोकपीडा याना खोया च्वंपि
अनच्च्वंपि सकसिनं मूर्छानं छुतेयात । हानं पुत्र शोक व पुत्रनाप दियोगम्ह राजा कुमारपिगु
निमित्ते छु गथ्ये जूगुखः सीकेत मंत्री सहित राज सेबक पुरुषपिन्त सोकेछोत ।

अन नगरबासी सकलयात खबर बिया नानाप्रकारया शस्त्र अस्त्र धरेयाना थगु
देशे चाहुला सकलया मिखास खोबिवेका च्वंपिसं लें वंपिके थ्वहे महासत्त्व राजकुमार
गनदु धका न्यना सोत ।

अरे प्रजागर्णपि ! की राजकुमार महासत्त्व गन वन खँला छु खबर दु म्वानिला ।
महासत्त्व छुनं मज्जनि जिं खना क्यनावी सुन्दर दर्शनीय थ्व कुमार जिं नापलाका बीफु
घाय्फुपिं सु खः गनदु । एवं प्रकार लेंनाप लापिके सजीब तिनिह कुमार बिस्तार
मजुवं जिमिसं नाप लाय् फइला धका थथ्ये न्यना वन ।

उगु बेलास छें महासत्त्वया शरीर बिनाश जुल धैगु शब्द न्यना शोकदाहं युक्तगु
ख्वा खिउँका भयंकरं ह्लातिका कपा तच्चकं ग्यागु थ्यें गरख्येस्ये च्वंका नुग भारा भारा
मिका अत्यन्त शंकष्टगु स्वरं महारथ राजा दना बिलापयात ।

पुत्र शोक दुःखं पीडा जुइका खोबि बराबर हाय्का लिपा मूर्छाजुया च्वंम्ह राजा
यात सुगन्ध शीतल लखं सेचनयाना चेत दस्येलि महारानीं दुःख मनयाना दना खँ
न्यन । छु जि कार्यापिं सितला – निश्चय मेव म्वानिला – राजा रानी निम्ह थथ्ये इतमत
कंका हाला दिशा बिदिशाया मनुतलिस्ये मंत्रीनापं थुगुखँ सीकेत छैनं प्रस्थानयाना वन ।

राजा रानीयात धाल – प्रियस्त्री महारानी ! कुमारपिगु कारणे आपालं छं दुःख
मनयाय् मते अनेक पुत्र शोक केका मनयात पीरबीमते । थथ्ये धाय्वं महारानीया शरीर
कंप जुइका खाकल ।

राजकुले सकल नरनारीपिनि मिखाय् खोबिहुया शोक दुःखं पीडा ज्वीका च्वंपि
मंत्रीगण सकल परिवारपिं मिलेजुया अत्यन्त दुःख चित्त (खिउँस्ये च्वंगु मन) जुइका
मिखा बुबुस्याना राजकुमारपिगु खँ सीकेत देशंन्होने च्वंगु लुखां पिहांवन ।

महारथ राजा पुत्रपिंगु लागी आपालं मनुतलिस्ये मिखाय् खोबिवेका खोया हतासनं ब्वांवन । थथ्ये ब्वावंगु खना प्रजागणपिं सकलें राजाया ल्युल्यु खोबिवेका ब्वांवन । प्यह्येसनं प्रजापिं वया राजागन वन अन सकलें राजानाप वन । थ्व महारथ राजा प्यह्येसनं प्रिय कार्यापिं नापलाइला धकाहाला स्वया वन । बांलागु तगोगु मिखाम्ह पाचुक शिरेसं खानातम्ह मनुछम्ह छगु थासवगु खन ।

थ्व गुजाम्ह धासा शरीर हि किना धुलं पूर्णम्ह खोबिहुया खोयावम्ह भयंकरं हाला शोकयागु दुःखं पीडा जुइका वम्ह थुजाम्ह खना महारथ राजाया नुगलं सहायाय् मफेका खोबिया धारा हाय्का खोयास्वया न्यन ।

ततः सकं हाला ह्लाःनिपां च्वेछोयावम्ह गुबलें ह्लाः निपांदाया वया च्वंम्ह खन । अनंलि ल्येम्हहे छम्ह बुद्धिदुम्ह मंत्रीवया राजाया समीपस न्ह्योने च्वना सासहहपंगु स्वरं ब्रित्तियात ।

भो महाराज ! छपिसं थथ्ये शोक चिन्तायाना बिज्याय्मते । छपिनि प्रिय कार्यापिं छथाय् आनन्दं च्वना च्वंगु दु । आ थन थ्यंक वइगु बिस्तार जुइमखु असल प्रिय पुत्रपिं छपिसं स्वेदनं । घौ निधोलिपा राजाया म्येम्ह निम्हम्ह बुद्धिबान्म्ह मंत्री शरीरे धुलं पूर्णगु बस्त्रं पुनाच्वंम्ह मिखासखोबि सोसो वेका उगु बखते राजायात थथ्ये ब्रित्तियात ।

भो महाराज ! छपिनि निम्ह कार्यापिं शोक अग्निया रापे च्वना च्वन । भोनृप ! छपिनि छम्ह उत्तम पुत्रखने मदु महासत्त्व राजकुमार छम्हयात कालंज्वन । छम्ह धुनीनं न्याम्ह मचा बुइका नेपित्याना छम्ह छम्ह मचात स्याना नेत थिक जुया च्वंगु खना थ्व फुकसितनं नेपित्यागु दुःख तृष्णा मदेकेत वं थुमिगु प्राण समेतं म्वाका रक्षायाय्गु निमित्ते बोधिसत्त्व जुया च्वंम्ह महासत्त्व राजकुमारं करुणाया बल प्रकाश यात ।

बोधिज्ञाने चित्ततया उत्तम च्वेलागु प्रणिधान (एकचित्त) याना इपिं फुकसितं (धुनी व मचात न्याम्ह समेत खुम्हयातनं) नेपित्यागु तृष्णाया दुःखं अकालं सीत्यपिंगु मृत्यु दुःखं मुक्तयाय्गु उपाय थगु शरीरया ता हि दान ब्यूगुखः । इमित्त नका त्वंका

तूप्तयाना थःगु शरीर त्यागयाय्गु च्वेलागु गंभीर उदार बोधिज्ञान बुद्धपद लाय्फंगु ज्ञान मुख्यगु महायान बुद्धचर्य दानपारमिताया प्रभाव श्वख बोधिचित्त धका सीका ह्लापानं लिपानं आनं यानावंगु याइगु यानाच्वंगु बिश्वेगनं सुनानं याय्मफुगु दुर्लभ परप्राणि उपकार जनहितकार्य जिनं थौं याय्त्यना धका थःगु शरीर त्यागयाना बिज्यात ।

भो महाराज ! छपिन्त बोधयाय् धीरयाना बिज्याहुं । ह्लापांयागु थथ्येख महासत्त्व पर्वतया च्वकास वना स्वयं तिगान्हुया कुतुं वया धुनीया न्ह्योने गोतुला बिल जिगु ला कानः धया न्यंकल । ने पित्याना सनेमफुगुलिं सनेमफया धुनीनं त्वले जुया सोयाच्वन । छुनं मया याय्गुनं असमर्थ उजागु वखते महासत्त्वं विचारयात थथ्ये च्वनामजिल, दनावना पंमाया ख्वाला (बपि) चुपिथ्ये निछयेसनं जोगु शस्त्र बने त्वीकाहया धुनीया थासे वया मनेछुं बिषाद मयास्ये मनप्रसन्न जुइका थत थमं शरीरे बपि शस्त्रं किया ला ध्यना कुच्चा कुचा थला धुनीया म्हुतुस लोसुका नकल ।

हिवगु ह्लाःतिकया त्वंकल खुम्ह धुंतेतनं अथ्येनका त्वंका तूप्तयाना थःगु शरीर त्यागयागु खः । अन उगु वखते महासत्त्वया शरीर ला मदुगु कंकाल स्वरूप (कवं) थ्ये बवेंजक बाकि जुल ।

थथ्ये धागु बचन न्यना धीरयाय् मफया महारथ राजा मूर्छा जुल । भूमीस गोतुला बिचेत जुइकल । पुत्रशोकया मिपुना दाह जुया भयंकरं कष्ट जुइकल । उगु समये मंत्री व राजसेबकपि करुणा चाइपुक खोल शोक दुःखं बराबर बिचेत जूगुलिं लखं स्येचनयाना चेत दस्येलि सकलया शिरे ह्लाःतया ततःसकं हाला च्वन । उगु बेलास स्वम्हम्ह मंत्री वया महारथ राजायात थथ्ये बिन्तियात ।

भो महाराज ! धैर्य जुया बिज्यासा असल जुइ जिनं यथार्थ बिन्तियाय् छल-पोलया पुत्रनिम्ह जिनं थौं स्वया वया अनबने गोतुला बराबर मूर्छाजुइका च्वन । उपचार यानावयागुजा दु तथापि कीपि सकसिनं मागुखें ह्लाःतया शीतल ज्वीगु ज्या लखं हायाना बोध यावनेगु सोया बिज्याहुं ।

हानं धाय् न्यना बिज्याहुं छुं लिपा चेतदइ हानं बिलापयाइगु मूर्छा जुइका गोतुला च्वनीगु । चेतदैबले मतीदाह जुइका खोइगु शोक चिन्तायाकें भयत्राश जुइका

सनेगु समर्थं ह्रीनजुया सिमा तोःधुला गोतुलीथ्ये राजकुमारपिं करुणा यावेणं
हाला खोइगु ।

इपिनिम्ह बने च्वना ह्लाःचवेयंका गुबले दया किजायानाम कया बयानयाना
बिलाप याइगु जुया च्वन । थुछ्ये छलपोल पुत्र बियोग दुःखं नुगले ह्लाःदिका घाःजुया
स्यागु तुल्यं मतीदुःख जुइका च्वन नुः बिज्याहुं ।

थथ्ये धाबले फन् शोकं चिनातह्य राजा बारंबार हेदैब ! धका हाला खोखों जि
प्रीति जुया च्वंह्य छह्य क्वकालिम्ह पुत्र महासत्व राजकुमारथात बन राक्षसं ज्वना नल ।

बाकिपिं पुत्रनिम्हयात शोक अग्नि दाहयानातल गुजागु तालं भय त्राश जुइका
च्वन जुइ याकनं अनबने जिवना व स्नेही पुत्रपिंगु ख्वास्वये निश्चय जुल ।

याकनं राजकुले च्वंपिं'मनुत सकलें सताहया राजगृहस छोया बीमाल । राजकुमार
पिनि मां शोक अग्निनं तच्चकं पीडजुइका नुगपा तज्याना दनीथ्ये मजुइमा धैगु जिनं
निश्चययाना ।

निम्ह पुत्रपिंगु ख्वा खन घासा मनयातनं शान्ति प्राप्ति जुइ । म्वाना च्वंपिं
कार्यपिं लिस्ये बियोग छाये जुइगु । थथ्ये धया महारथ राजा हताय्चाया मंत्रीपिं
नापं किसिगया अनबने राजकुमारपिं च्वना च्वंगु थासे सोवन ।

निम्ह दाजुपिसं किजायात हे महासत्व ! धका नाम कया करुणाया स्वरं दुःख
ताया खोया च्वंगु खना महारथ राजा धैर्यरूपं निम्हपुत्र नापलाना बनया वृत्तान्तखें
न्यना सिमास बस्त्र मकुट (तपलि) खायातगु हानं महासत्वया क्वेया शरीर (कंकाल
मूर्ति कवथ्ये च्वंगु) भूमीत गोतुला च्वंगुनं स्वया राजा सहयाय् मफेका वाकूछिना
खोय्फको खोया लिपा निम्ह पुत्रपिं बोना क्रमशः देश भ्रमणयाना थःगु छें थ्यंकवल ।

कार्यपिं याकनंस्वेगु इच्छायाना च्वंह्य महारानीनं थःपुत्रनिम्ह सिगु ख्वाखन ।
शोक सन्ताप यागुलि अनेक खंकना बोधयात । ० ।

भगवान् बुद्धं भिक्षुपि तथा अन उपस्थित जुआ च्वंपिन्त धैबिज्यात । आ जिखः
थौं शाक्यमुनि तथागत सीकि ह्लापा व महासत्त्व नाम त्यागी उत्तम बोधिसत्त्व जुया
च्वंहा म्येहा मखु ।

व महासत्त्वं धुनीधात पुन धुनीया मचात न्याहयातनं थुगु शरीरया ला हि
ध्यता नका सीत्यंपिन्त म्वाका सुखीयाना बिल ।

राजापि मध्ये श्रेष्ठहा शुद्धोदन महाराजा निश्चयनं उगु बखतयाहा महारथ
नाम राजाजुया वहा खः । व महारथ राजाया पत्नी महादेवी थुगु समये स्त्रीपि मध्ये
श्रेष्ठहा शुद्धगु लक्षणं संयुक्तहा मायादेवी खः ।

वथ्ये उगु अबस्थायाम्ह महाप्रणाद राजकुमार बर्तमान मैत्री बोधिसत्त्व धाय्का
च्वंम्ह खः ।

उगु अबस्थायाम्ह महारथ राजाया दातिम्ह पुत्र महादेव राजकुमार थुगु समये
बोरम्ह मंजुश्री कुमार बोधिसत्त्व धाय्का च्वंम्ह खः ।

उगु अबस्थास अनबने न्याम्ह काय्पि मचाबुइका च्वंम्ह धुनी - थुगु समये
शुद्धोदन महाराजाया निम्हम्ह पत्नी प्रजापत्ती गौतमी महारानी धाय्का जूवम्ह खः ।

थमं बुइकापि मचातेत कुचिन्तनायाना स्याय्गु ग्वसायागु पाप दोषं व गौतमी
रानीया थुगु जन्मस सन्तान हीन जुल । महासत्त्वं दानयागु मांस नयावगु प्रभावं
सर्वार्थसिद्ध बोधिसत्त्वया बाल अबस्थास माता स्वर्गबास जुस्येलि गौतमी रानीनं
प्रीतियाना मानं थ्ये थमं पालन पोषणयाना तधिकयात । व गौतमीरानी जि बैमातृ
चोधिम्ह मां खः ।

उगु अबस्थास धुनीनं जन्मयापि न्याम्हपुत्रपि धुंत - थुगु समये निश्चयमेव थुपि
न्याहा पंचभद्र बर्गीय भिक्षु जूवपि खः ।

बुद्धया प्रथम शिष्यपि पंचभद्र बर्गीय न्याम्ह भिक्षुपिगु नामाबली थथ्ये खः ।

(१) कौण्डिन्य (२) वप्प (३) भद्रिक (४) महानाम (५) अश्वजित् । ।

धुपि न्याम्ह बाराणसी (काशीदेशे) जन्म, ब्राम्हण जातिपि खः ।

युमिगुखें ललित बिस्तर (३४) अध्याये दु ।

थनंलि महाराज महारथ, महारानी महादेबीपिसं आपालं विधानया करुणा याना महासत्त्व बोधिसत्त्वं तोताथकुगु बस्त्र मकुट (तपलि) प्रजापिगु सहयोग कया पुत्र यागु कंकाल मूर्ति (क्वें) अस्थि धातुया शरीर पूजायाना धुनीयात मांसदानयागु थासं छुं भतीचाक्वे हया ज्याधिगु शुद्धस्थाने भूमीस बस्त्रादि फुकं अस्थिधातु गर्भेतया चैत्य निर्माण याना प्रतिष्ठायात ।

श्वहे खः सप्तरत्नमय (नहेगुरत्नया खानि) जुया चवंगु स्तूपधाई स्वयंभू भगवान् आदि बुद्धपिगु मूर्ति स्वरूप चैत्य बिब धका सीकेगु ।

अन बोधिसत्त्व महासत्त्वं नेगु पित्याना चवंगु दुःखं मृत्युज्वीत थिक जुइ धुंक्हा धुनीयात आत्मा धाई थःगु शरीर त्यागयागु केबल थःगु शरीरया अबयब क्वें मात्र बाकि जुइका ला हि दानयाना परप्राणि उद्धारयाना दुष्कर चर्ययागु स्थान खः ।

युजागु प्रतिज्ञा प्रणिधान चित्त याक्के दुर्लभगु करुणायाबेगव्यनावंगु उत्तम स्थान धका सीकेगु योग्यजु । तःधंगु महत्त्व कीर्ति श्वखः युजागु ज्या जिनं ह्लापा शरीर त्यागयाना वयागु खें प्रमाणयाय्गु थाकु ।

लिपा वइपिसं युजागु ज्यायाय्न् फइमखुथ्येच्चं कल्पसंम संपूर्ण प्राणिपिन्त शुद्ध शरीरयाय्गु ज्या क्यना धका निर्णययाना उपदेश बोधुस्येलि असंख्य प्राणिपि देव मनुष्यादिपिगु गर्भ जन्मजूपिसं अनुत्तर सम्यक संबुद्धया बोधिज्ञाने चित्त वंकल ।

श्वहे खें हेतु प्रत्यय थुगु स्तूप चैत्य आदि बुद्ध भगवान् या मूर्ति निर्देशन जुलखः । महासत्त्व बोधिसत्त्वया अस्थिधातु सप्तरत्नमय प्रतिष्ठायानातगु श्व स्तूप स्वयंभू बुद्ध मूर्ति अधिष्ठान याबले नमो बुद्धाय (नमरा) धका नाम प्रसिद्धयाना सकलयात क्यना तगु कारण खः ।

एवं प्रकारं आक्यमुनि बुद्धं यः प्रधान शिष्य आनन्द भिक्षु तथा म्येपि सकलयात

दानपारमिता सद्धर्मोपदेशयाय् धुस्येति महासत्त्व बोधिसत्त्वया अस्थि धातु उगुस्थाने
नातुं अन्तरगत जुया वन । थुगु दुष्कर चर्ययागु खं न्यना च्वंपि सकसिनं नमो बुद्धाय
धया थुगु स्तूप चंत्ययात प्रदक्षिणायाणा भोःपुया अनंलि शाक्यमुनि भगवान् बुद्धयातनं
प्रदक्षिणायाणा पालि भोः पुया बिदाकया थःथगु थासे आनन्दं बासयात । ० ।

थुलि खं महासत्त्व राजकुमारया जातक जुल ।



थ्व खं सुवर्ण प्रभासं सोत्तम सुत्रेन्द्रराज १९ अध्याये दु ।



सिंहलसार्थवाहावदान

नमः सर्वबुद्ध बोधिसत्त्वैभ्यः

सकल बुद्ध बोधिसत्त्वपिन्त नमस्कार

थनंलि शाक्यमुनि बुद्ध भागान् छुडु उगुस्थानं ह्लापा गथ्ये बिज्यानागु खः अथ्येहे भिक्षुगणपि नाप क्रमश जेतवन महाबिहारे बिराजमान जुया बिज्यात । भगवान् बिज्यास्येलि बोधिसत्त्वपि तथा मुख्यपि शालिपुत्र महामौगल्यायण आनन्द काश्यप महाकाश्यप इत्यादि न्यासभिक्षुपि मुंका बिज्यास्येलि जिनपुत्र सर्वणीवर्ण बिष्कंभि नाम बोधिसत्त्व यःगु आश्रमं दनावना भगवान् शाक्यमुनि बुद्धयात प्रणामयाना ह्लाःहाज्वलपा यथ्ये आदर पूर्वक जगुपुलि भूमोस चुया खगुपुलि थकया जगुह्लाः थकया गां न्यया बिन्तियात ।

भो भगवान् ! थौं थुगु सभाय् जिनं छगु खँ बिन्तियावया थन सकलया सुनां छु भिगुखँ न्यनि कोपि सरुसितं एकवित्तं न्यने धैगु मतोतया चवन छलपोल सर्वज्ञखः । गुम्हजा श्रीमत्आर्यावलोकितेश्वर बोधिसत्त्व महासत्त्व धाय्का बिज्याम्ह प्रभूखः स्वर्ग मर्त्य पाताल बासी सकल प्रणिपिनि मालिक जुया च्वंम्ह वसपोलं सत्त्व प्रणिपिन्त स्वया अबोधपिन्त बोधयाना अनेक प्रकारया रूपजुया क्यना धर्मयाका त्रिरत्न नाम काय्का सुखावति बुद्ध भुवने छोया बिज्याइम्ह ।

हानं आपालं पापि दुष्ट मूर्ख जुया च्वंपि सत्त्वपिन्तनं करुणाया मिखां स्वया अनेक तालं बोधजुइका हानं पापयाना दुःखसिया समुद्रे कुतुंबपिन्तनं थकया भिगुलं पलायिका बुद्धचर्ययाका बोधिज्ञान रहस्यो गु लें तथा बिज्याइम्ह ।

गुम्हजा महासत्त्व करुणामय धाय्का नाभयात त्वेक संसारबासी पापीगणपि दुःख समुद्रे कुतुंबपिन्त च्वेथतहया षट्छिन्द्रिगु शरीरयात सुखजुइगु धर्मयाका सुखावति लोक

धातुस थ्यंका बिज्याइम्ह । भो भगवान् ! छु यत्न यार्कें उपाययाना दुष्ट पापितेत ज्ञानकना बोधजुइका सद्धर्मचर्ययाका बिज्याइम्ह ।

भोनाथ ! आपालं दुःखि जुइका च्वंपि प्राणितेत छुयाना करुणामयं सुख जुइका बिज्यात । हानं आपालं अभागी कंगाल जुया दारिद्र दुःखी जुइका च्वंपिन्तनं छुयाना धनाद्यजुइका शुभ मंगल कार्ययाना बिल ।

हानं बिन्तियाय् भो भगवान् गुरु ! अनेक धर्मयाखें न्यंकानं खंमथुया बोध मज्जुपि खें न्यने मफुपि यक्षराक्षस, यक्षणी राक्षसी, दैत्य दैत्यनी, पिन्तनं छुयाना बोधिचर्ययाका बोधि मार्गेतया व्रतयाका गथ्ये उद्धारयाना बिज्यात ।

भो भगवान् ! करुणामय गनगन बिज्याना छुछु उपाययाना गुगुयत्न जुगतिक्यना सकल दुःखिपिन्त बोधिमार्गस तथा गथ्ये उपकार जुइका उद्धारयाना बिज्यात । जमिगु उपरस कृपातया छलपोलं आज्ञाजुया बिज्याहुं ।

सर्वणीवर्ण बिष्कंभि बोधिसत्त्वं एवंप्रकार बिन्तियागु खें न्यना उगुथासे च्वंपि सकलयागु ख्वा स्वया शाक्यमुनि गुरुं थुगु प्रकारं आज्ञाजुया बिज्यात ।

हे कुलपुत्र ! प्राणिपिन्त अनेक तालं उपाय तथा यत्न जुगतियाना दुःख यागु समुद्रे लापिन्त थतकया बोधिज्ञान ह्यसीगुचर्य (ज्या) याका उद्धारयाना बिज्याइगु ।

गुह्यजा संपूर्ण ज्ञानं पूर्णजुया बिज्याह्य करुणामयया समाधि योग ध्यान फुकंहे संसारबासीपिन्त हित सुखतया उद्धारयाय्गु करुणाचित्तं सकलसत्त्वपिन्त उद्धार जुइगुजक ज्यायाना बिज्यात ।

थुगु प्रकारं मुनीन्द्र शाक्यमुनि बुद्धं आज्ञा जुया बिज्यागु खें न्यना उह्यबोधिसत्त्व आश्रयं जुइका पुनः बिन्तियात । भो भगवान् ! करुणामयं समाधियाना सकलयात मुदृष्टि स्वया पापफुका संक्षिप्तमात्रं दुःख यार्केंमुक्त जुइगु बोधिचर्ययाका बिज्यागु खें

सिल । समाधियाकें रस्मिखेका प्राणिपिंगु पापदुःख मदेका बिज्यागु खें व्यक्त रूपं
न्यनेगु इच्छा दु । । थुगु समये भगवान् बुद्धं आज्ञाजुल - हेकुलपुत्र सर्वणि
बर्णं बिष्कंभि बोधिसत्त्व ! करुणामयया महाकरुणा समाधि आपालं दु वसपोलया ज्ञान
बिचारंयाना सुखाबतिस छोया बिज्याइगु जगत्नाथ करुणामयया असंख्य रूपं
सर्वाकार समाधि पूर्ण जुया बिज्याह्म खः ।

हानं सोकि थुलिउलिधाय्मफेक बिद्या शास्त्रं पूर्णजुया आकाशे बोया चवनीगु
धुया प्रमाणं संख्यायाय् थाकुगु धारणी बिद्याराज शास्त्रं पूर्णजुया चवन । थुजागु धारणी
बिद्याराज समाधिया प्रभाव क्यना करुणामयं संसार समुद्रे लागु दुःख लिकया पालन
याना उद्धारयाय्गु ज्याया नायजुया बोधिमार्गेतया सुखाबतिस छोया बिज्याइम्ह खः ।

यथ्ये आपालं उत्तमगु ऋद्धि दया च्वंम्ह महासत्त्व वसपोल करुणामयं सकल
सत्त्वपिन्त हितयाना प्यछ्येसनं कल्याण जुइगु चर्ययाना बिज्यात ।

जितनं ह्तापातःधंगु महाभययाकें वसपोलं रक्षायाना बिज्यात । गुम्हजा
श्वसपोलं जित ह्तापा रक्षायगुखें वृत्तान्त छिपि सकसिनंन्य जिनं कने ।

तद्यथा सिंह कल्पायां राज धान्यां बणिक प्रभोः ।

सिंहस्यसार्थं बाहस्य पुत्रोऽभूत् सिंहला मिधः ।

थुगुखें गथ्येजा ह्तापा द्वापरयुगे काश्यप तथागतया पर्याये जुयावंगु खः । गथ्ये
घासा नेपाल देश ये सिंहकल्प नाम नगर थंबहिस सिंहकेशरि धंम्ह राजा दयाचवन श्व
राजाया छें (राजगृह) लक्षणं पूर्णजुया बांलाना चवन ।

उगु नगरे सिंहसार्थबाह महाजन धनाद्यम्ह दु । श्रेष्ठ जाति थ्वया स्त्री केशिनी
देवी महाजननीया गर्भं जन्मजूम्ह सिंहल नाम काय् छम्हदु ।

अर्थेन सहित सार्थः सार्थं बहतीति सार्थबाहः । आपालं धनद्रव्य सहित जुइका
च्वंम्ह अर्थात् धनद्रव्य यको आमदानिम्ह नामयात ल्वेक खर्चनंयाना च्वंम्ह सिंहसार्थ-
बाह्या पुत्र सिंहल सार्थबाह घयातल ।

श्व सिंहल पुत्र बालाबस्थानिर्ये सकलसत्त्वपिन्त हित सुखयाय्गु स्वभाव दुर्गलि
महासत्त्वया स्वभावम्ह धका सकसिनं धाङ्गु । श्व दिव्य सुन्दर तेजदु सकलया प्रीति
बांलाम्ह जुया ताउति स्वया च्वनीगु । कुमाराबस्थानिस्से बिद्यासेका युबनाबस्था
जूबले मागुतक शास्त्रं पूर्ण जुइका सत्त्वपिन्त हित सुखयाय्गुलिजक चित्तम्हजुया पाशा
इष्टमित्रादिपि यकोदु । मय धंगु स्वयामदु सकलया प्रेमजु ।

दानकावड्पि अर्थिजन तथा दारिद्रपिन्तनं मामागुथकेदुगु वस्तु धन अन्न बस्त्र
इत्यादि बिया ह्मिह्मि गुरूया शुभउपदेश न्यना गुरूयात सत्कारयाना कुल धर्मस च्वना
कुलशेश्वर तथा म्येपि देव देवीपिन्तनं मानेयाना पूजादि बिया च्वन ।

श्वं माता पिताया बचन शिरेतया राजामंत्रीपिन्तनं खुसियाना थमनं इष्टमित्रा
दिपाशापि दास दासी बंजालपिन्त मामागु बिया सकसितं सन्तोष जुइका च्वन । क्रमशः
पुबन्नाबस्थाजुया शरीर बलबान् सुन्दर पुष्ट शोभादया वल लोकव्यवहार धर्म परमार्थ
धर्मस्यूम्ह अतिसुरा बीर उत्साहनं सहित जुइका लोकं मानेयाका च्वन ।

पुनः गंभीर ज्ञान धैर्यं सत्गुणस निपुनम्ह मामागु संपूर्ण शास्त्रं पारंगतम्ह सकल
यात अनित्य आत्मा ज्ञान कना थमनं सीका भिगु ज्याय् मनवम्ह ।

न्यागु ज्याय् अलासि मचास्ये चलाडम्ह बिस्तारं ज्याखं सिद्धयाइम्ह सत्य
धर्मया ज्ञान धारणयाना च्वनीम्ह । सकल महाजन बंजा पाशापिन्त वस्तुयागु थिक
जुइक मोलविया खुसियाना थगु सासने तथा च्वनीम्ह । अनेक धातुरत्न आदिया मूल
म्हस्यूम्ह परिक्षायाना म्येपिन्तनं कनीम्ह जुया बुद्धिदुह्य महाजनखः धका सकल बंजाल
पिसं मानेयाना तल ।

लोकपिन्तनं सद्धर्मज्ञान कना जुजु मालिक समानं मानेयाका लोकहित लोकप्रिय
जुया व्यवहारेनं शोभा दया च्वन । छन्हुया दिनस श्व सिंहलसार्थबाह्या गुण ऐश्वर्य
धन द्रव्य खना परया जय जूगु नुगलं सहयाय् मफुम्ह बणिजाल ज्यायाना च्वम्ह
धम्मसिनं इभियाना श्व सिंहलसार्थबाह्यात एकान्ते सता मिजसयाना थथ्ये धाल ।

भो साधु सत्पुत्र छि धन्यखः लोकपिन्त खुसियाना लोकं मानेयाका च्वन । छगु
छु धासा थगु कुल धर्मया इलमं धनकमाय् याय्गु स्वेमा । थथ्ये धागु न्यना बिचार
बान्ह्य सिंहलं उत्तरबिल जिमिगु कुलयाइलम फुक छि धया दिसं ।

थथ्ये धागु न्यना सिंहलयात सहमयाहसिनं स्येके धंगु मतीतया हानं घाल ।
भोमहाजन ! छि अबु महा भाग्यमानि खः बणिजाल पिनि मालिक जुया रत्नाकर समुद्र
थ्यंक वना यको धन कमाय्याना हया च्वंह्यसिया काय् छिखः ।

थमंहे रत्नाकर वना धन साधनयाय् फेकेमा थमं कमाय्याना बंजालपिन्त पालन
याय् फुहयात कुलपुत्र धाइ । अबुं दुःखसिया कमाय्याना हगु धनजक वक्कया सुखी
जुइका च्वंह्ययात कुलपुत्र धाय्गु मलो ।

आजु अबुं कमाय्याना तगु धनजक नया फुका दान कावपिन्त दान बियानं
छु धर्मदइ ।

थमंहे कमाय्याना हया नया त्वना पुना दानयाय् फुसा थुजाम्हयात धन्य सत्पुरुष
धाथ्ये याम्ह कुलपुत्र धाय्गु योग्यजु ।

अतः छिकपिनि कुलधर्मख रत्नाकर वना व्यापादं आपालं धन द्रव्य साधनयाना
हया परउपकार याइम्ह गुणिकयात धाथ्येयाम्ह महाजन धाइ । थुगु प्रकारं कमाय्
यानाहया याचकपिन्त अथवा भिक्षु बोधिसत्त्व साधुगन पिन्त धागु बस्तुदानयाना यश
कीर्ति प्रकाश जुइका तच्चकं नां तेफुसा धाथ्येयाह्य सत्पुत्र जुया आनन्दं च्वनादिसं ।

थुगु प्रकारं धन संपत्ति दानयाना यशकीर्ति प्रकाश जुइका तच्चतनांतयाकुल धर्म
च्वंह्यखः धाइ । थुजागु सीका तःधंगु उत्साहयाना कुल व्यवहार चर्यखः उपकारि
जुया दिसं ।

छह्य मने हाकुथाह्यसिनं थथ्ये धागुखं न्यना थ्वं धागुनं मखुगु खंमखु खगुहे खः
धका चित्तबुद्धे जुया उत्साह ज्वीका रत्नाकर वनेगु मतीतल ।

अनलि थ्व सिंहलसार्थ बाह रत्नाकर वनेगु इच्छायाना महाजन तथा व्यापाव
याइपिनि काय्पि इच्छादुपि सता खं न्यंकल ।

हे पाशा तथा बंजालगणपि! छे जक च्वना गुलि कमाय्याय्फैः । आ रत्नाकर थ्यंक छक वना कमाय्याना वेगु इच्छा जुल छिपिनं जितायं वेगु इच्छा दुसा बोनायंकेत्यना । थ्ये धागु खं न्यना सकल बणिज पुत्रपिसं मनसुवायाना खुसिजुइका जिपिनं वेत्यना बोना यंकादिसं रत्नाकर वनेगु जिपिं सकलें पक्का जुल जिमिसकलया पाशा मालिक छिजुल जिमित पालनयाय्त योग्यह्वनं छिहे जुल ।

थुमिसं थ्ये धागुखं न्यना सिंहल उत्साह जुइका थःपिताया न्ह्योनेवना पालि भोपुया बित्तियात । भौ पिता जिरत्नाकर समुद्रस वनेगु इच्छायाना अथेया निर्मित जित अनुमति बिया बिज्याहुं ।

थ्ये पुत्रं धागु खंन्यना ताजतिं खा स्वया काय्यात लिस बिल । हे पुत्र ! जिगु खंन्य अबुं धागु बान हित सुख धका सीका बांलाक न्य । छु क्यातुगु शरीर तिनि गथेयाना उजागु समुद्र पारयाना वनेत्यना । जि गुबलेतक म्वाना च्वनि अनतकनं छे च्वना छं इच्छा जूगुतक नया त्वना आनन्दं सुख भोगयानाच्चं ।

जिनं कष्टनया कमाय्यानातयागु संपत्ति यकोदु फुकं छंगुहेखः दुःख सिये मते जि अथबा छनं म्वाना च्वतले गनंवनेम्वा छे च्वना मागु व्यापादयाना सुखं बासयाना च्वं रत्नाकर वनेमते ।

रत्नाकर वनेगु अतिकष्ट थाकुया च्वन जि मवंसानं न्यनातयागुलिंस्यु । छाया दुःख सौत्यना जिमृत्युं लिपानं वनेमते आपालं भयदु हानं तापागुलिं याकनं लिहां वेतनं कष्ट संपत्ति कीगु छे प्रशस्त छे च्वना इच्छाथ्ये नया त्वना कमाय्याना च्वं गुबलेनं रत्नाकर थ्यंक वनेगु ज्यायाय् मते ।

हेपुत्र! हानं धाय् न्य सदानं म्वाना च्वतले छे च्वनेगु इच्छा खःसा रत्नाकर व्यापाद गुबलेनं वनेगु थिकमजु वनेगु मतीतध्मते । छाया धासा धन संपत्ति न्ह्याकोदुसानं तृष्णा जक जुया सन्तोष जुइमखु । धन यको दुपिनि मन चंचल जुइ धर्मचित्त वनीमखु अभिमान धनमत्ता जुया च्वनि । सितावनीवले उवना वनेगु दैमखु फुकं तोतावनेमा । हानं धन व्यापापिनि छुयाय्किहेकायंकि जकमतीलुया च्वनेफुः । यको धनदैगुनं दुःख धका सीकि

जिनं कमाय्याना तयागु फुकं छंगुखः दान पुण्य इत्यादि छु धर्मयाय्गु इच्छादु या जिनं गनेमखु छं यथ्येयाना आनन्दं वासयाना च्वनेगु स्व ।

थुगु प्रकारं अबुं धागु बचन न्यना पुत्रं हानं बिन्तियात । भो जनक पिता ! छि धागुखं फुकं सत्यगु खः । तथापि जिनं हानं धाय् बिधातानं छोट धासा अनवना व्यापाद यानागु थमंहे कमाय्यानागु जुइ । धर्मयाय्गु बिद्यासेकेगु यशकीर्ति गुण प्रकाशयाय्गु थमंहेयाना क्यनेफुसा तत्सकं शोभाजुइ ।

गुगुजा थमं छुंयाय् मफेका मयास्ये धर्म गुण यशकिर्ति धन अबुंयागु जक सोया अबुं व्यूगु जक धन खर्वयाना नया फुका थः सुंक च्वनेगु सुपुत्रह्य काय्या शोभामखु ।

गुह्यजा बणिक व्यापादया कुले जन्म जुम्येलि थगु कुलया ज्या तथा थगु पुरुषार्थ अबश्यनं क्वनेमा अथ्येया निर्मित जि रत्नाकर छक वनेगु इच्छा जुल । थ्व कुल धर्मखः ऋद्धिक्थना नांतेगु परार्थेनखः रत्नाकर वना रत्न इत्यादिहया उत्सवयाय्गु तच्चकं जिगुमन उत्साह जुल । थमंहे कमाय्यानाहया भिक्षु साधु महात्मा याचकपिन्त दान तथा धर्मयाना इष्टमित्रपिन्तनं धन द्रव्य लाभजुइगु ज्या बिया भिगु कर्मयाय्गु जि अति उत्साह जुल ।

भो पिता ! थः कुलानुसारं व्यापादयाना धन कमाय्याय्गु पुनः दान धर्मनयाना सुपुत्रह्य काय्खः धाय्का कुल प्रकाशयाना क्यनेगुखः थ्व जिगु मनोरथ पूर्णयाना दिसं । थुगु ज्याय्गना दीमते जि प्रिय पुत्रखसा प्रशन्नजुया जित बिदा बिया दिसं ।

दैवयोगं समुद्रे कुतुंवना मृत्युजूसानं तीर्थयाराजा समुद्रे प्राण तोता जिस्वर्ग लोके वासयावने । भो पिता ! थ्वहेखें गुलि धाय् अनेक संखा याय्गु बिषतुल्य भापा याना संखा तोता सद्वर्त्मस चित्तं खंका धन जक मखु धर्मनं कमाय् याय्गु खः ।

रत्नाकर व्यापादयाना कमाय्याना हयागु धन कुशलकर्म ह्लिह्लि मंगल कार्य उत्साहयाय् । थुगु ज्याय् छिसं गनेमते उपद्रव बिघ्न छुं मदेक निबिघ्नं छें वय् दत्त धासा उगु समये यशकिर्ति धर्मयाना आनन्द जुइगु खें जिनं छु धाय् । छें दान कावपि फों वडपि फुकयात धायागु दान बिया च्वने बले गुजागु शुभ कार्य आनन्द जुइका च्वनेगु जुइ ।

कीगु छे जन्मजूपि परिवार मृत्यु जुयावंपि सजीबपि सकलयातनं कुशलज्वीगु
वर्षयाना याका थः इच्छाथ्ये सुख भोगयाना अन्त्ये कीपिस्वर्गे वनेदइ । भो पिता ! जित
हित जुइगु खः धका मतीतया जिबुबिन्तियाकनं पूर्णयाना बिदाबिया प्रशन्न जुया दिसं ।

थुकी अनुमति मबिल धासः अबु काय् निहसियां निश्चयनं बियोग जुइ सीका
दिसं । अबुं कमाय्यानातगुजक जिनं सुख भोग याय्गु इच्छामदु थ्व म्वानाच्चवनागु
जीवन तोता वनेगु जुइ छुया माया ।

थुगु प्रकारं पुत्रं धागु खैन्यना पुत्रयागु खा स्वया थय्येखे न्यंकल पुत्र छन्त जिनं
गने फइगु मखुत । बचन बीमागुहे जुल छन्त जिनं आछुधाय्गु । हेपुत्र ! छं रत्नाकर
वनेगुलि कुतयात मछोसानं मजिल बचन मबिल धासा जिप्राण त्यागयाय्नं धाल । छंगु
इच्छायात जिनं गनेगु समर्थ मन्त । छं थुलितक यकचित्त यास्येलि जिनं बचन बिये हुं ।

तथापि जिनं छन्त मायातया धाय् गनं बनेबास लाइ गनंसमुद्र पारयाना वनेमा
गनं चिकुड गनं तान्वइ गनं तच्चगु फेइइ गनं नेगु त्वनेगुनं मदेफु थुजोगु दुःख सहयाना
वनेबले आपालं मनुतमा बिस्तारं हुं ।

हेपुत्र ! छंगु इच्छाथ्ये ब्यापाद शुभजुया बिघ्न छुहे मदेमा दक्क ज्या सफल जुया
छ याकनं छे लिहांवय् फेमा । थय्ये अबुं अनुमति बिया धास्येलि अत्यन्त हर्षयाना अबु
यागु पालि भो पुया रत्नाकर ब्यापाद बनेगु मन उत्सुक यात ।

उगु बखतस माँहसैं आपालं स्नेहयानातह्य काय् रत्नाकर ब्यापाद वनीन
जिनं छु धाय्गु गथ्ये याय्गु धका मिखास खोबि हाय्का काय्यात घेःपुना नुग मछिका
खोया धाल ।

हादैब जित तोता हेपुत्र ! छगथ्ये रत्नाकर थ्यंक वने त्यना छहे छह्य काय् मां
यात गथ्ये लोमंका माया तोता वनेत्यनागु । जिप्राणपुत्र याकः काय् छ खः मांयाके गथ्ये
मायामन्त ।

ગુગુ અવસ્થાસ જિગુ ગર્ભે છ ચ્વના જન્મજુલ રત્નસમાહ્ય પુત્ર જિપુતા છલ્લઃ ઉગુ
અવસ્થાનિસ્યે પાલન પોષણયાના તધિકયાના તયા જિ હર્ષ જ્વીકા મન આનન્દયાના
ચ્વના જિત અનેક તબહ બિયા માં સેવાયાના ચ્વન થૌં તોતા વનેત્યન જિ છુયાના
લોમકેગુ ।

લ્યાય્હ જુડકા માં અબુ તોતા તાપાક વનેગુ ઇચ્છાયાત માં અબુ બુઢા બુઢી
જુડબલે સુનાં બિચાર યાઇ, દતનંછહે છહ્ કાપ્ છાપ્ થુજાગુ ઇચ્છાયાનાગુ મ્વાલ વને
મતે । છે ધન સંપતિ યકોડુ હાનં છાપ્ ધનયા માયા છે ચ્વના માં અબુપિન્ત સેવાયાના
આનન્દં ચ્વના ચ્વનેગુ બિચારયા પુતા । જિપિ મૃત્યુજુડ ધુંકા લિપા છંછુ ઇચ્છાલ્લઃ અનહું
છં મામાય્યેયા ।

થય્યે માંનં ધાગુબચન ન્યના ભરોસા બિયા બિન્તિયાત । મો જનની માતા!
લોય્મતે છું જુડમલુ ધન્દા કયા દુઃખતાપ્મ્વાઃ ધર્મયાનાન્વં બિધાતાનં થઃથઃગ કર્મ
મોગયાકિ સંસારે પ્રાણિપિ સકર્તે છન્હુ મિના હાનંજન્મ કયા મોગયાવડ શ્વ ષટ્ગતિલ્લઃ
સુનાનં પનેફડમલુ જિ હાનં લિહાંવેગુલ્લઃ પરદેશ મવંસ્યે છે જક ચ્વનેગુનં ફિગુ કુલ
ધર્મે મલો ।

મો માતા ! અબું અનુમતિ બોધુંકલ આઃ માંનં બિછન મયાસ્યે આશીર્વાદ
બિયા યાકનં બિદાબિયા દિસં । થય્યે બિયોગયાગુ દુઃખ કયા દોમતે જિ ગનં વના મૃત્યુ
જૂવનેગુ મલુ પ્રેમયાનાતપિ છન્હુ નિશ્ચયનં બાયા ચ્વનેમા જિ કમાય્યાવનેગુ માત્રલ્લઃ
લિહાં વય્માનિ છાપ્ ધન્દા કયાગુ જિત અબુંધ્યે હું ધયા દિસં । યાકનં થયંક વય્ જિજક
લુમંકા શોકયાના ચ્વનેમતે જિ નિશ્ચયનં વનેગુ જુલ ।

માંયાત થય્યે તબહ બિયા કાય્નં બિન્તિયાબલે માંનં કાય્યાત ઘે:પુનાતગુ તોતા
કાય્યાગુ લ્લા સ્વયા છંગુ વિચારં છુયાપ્મા । ચનવનેનાગુલ્લઃ હું ધયા અનુમતી બિલ ।
છંગુકાર્ય યાકનં સરુલ જુડમા કરુણામય તુલ્લકિ । થય્યે ધાગુ ન્યના તચ્ચકં લુસિજુયા
માંયાત પાલિ મોપુયા માંયાગુ વચન શિરેકયા અત્યન્ત હર્ષ જુડકા રત્નાકર વનેગુ ઇચ્છાતુ
સારં મામાગુ સામાગ્રી ચિકયાત ।

उगु बखेते बणिजाल सकलें हर्षमानयाना सिंहलसार्थबाह्या न्ह्योनेवया आदर तथा थ्ये इनापयात । भो मालिक सार्थ पतिजु । छि नापं रत्नाकर व्यापाद निमित्त जिपिनं निश्चिय वेगु इच्छायाना दया तथा थः मालिक जुया जिपिनं सकलें बोनायंका दिसं ।

एवं प्रकारं धागु न्यना लेःताया सकसिगुं छ्वा स्वया थ्ये घाल थिक जुल आः जिनापं वेगु जुसा मागु बस्तु द्रव्य इत्यादिनं ज्वनावेगु सो । मालिकं थ्ये धास्येलि सकलें थःथःगु छे वना माँ अबु गुलि सियां थः पत्तो एवं इष्ट मित्रपिनाप सल्लायाणा बिदाकया द्रव्य मागु लासा फांगा इत्यादि ज्वना भिगु दिने मंगलयाना मालिकया थासेवल । सिंहलजुयानं स्वस्ति मंगलया ज्या सिधेका माँ अबुया पालि भो पुया वने त्यना धया बिदा काल ।

ततःस संचरन् पंच बणिक शतैः समन्वितः ।

अनेकैर्गदं भैर्गोभि रूष्टैश्च भारबाहकैः ।

अनंलि सकलयात बोधयाना सिंहलसार्थबाहजु न्यास (५००) बंजालपि नाप मुना अनेक गडाहा खच्चर ऊँथ इत्यादि पशुतेत दक्क ज्वलं (सामाग्री) कुबीका इष्ट मित्रपिसं लसोका देशे गुंजायमान जुइका तःधंगु जात्रा बलेथ्ये शोभायमान ज्वीका सकसिनं अहो धन्य धन्य धायका थःगु छेनं प्रस्थानयाना वन ।

वुलुहुं हताय्मचास्ये ववं खुसि नदी थ्यस्येलि लसोवपिन्त बिदा बिया थपिनि तीर्थजलं मिखा पिया उगु थासं वन ।

क्रमथ्ये गां बन थ्यन स्वांफल सपाचवंगु खना गुलिसियां फलनया कुबिया वपि पशुतेतनं मामागु आहार बिया उत्साहयाना उगु थासं मामागु थासे बासयाना इले नयाववं देश ग्राम बन नदी पुला असंख्य ताजागु पर्वत पुला वनेधुंका हानं गनं तःधंगु देश चीधंगु देश ग्राम इत्यादि पुला बवं मास दिन बितेजूल ।

हानं ताहाकगु भयंकर बनस द्वाहांवन बन जन्तु खन उगु थासे बणिजालपि सकसिया मनस ग्याका छुंउत्साह मजुल ग्याग्यां ववं तापाकं निस्थे महासमुद्र खनेदत । अनंलि हानं भयंकरगु बनफोचाला वहे समुद्र (तःधंगु नदी) खस्येलि सकसियां चित्त

स्नानन्द जुडका हर्षं च उत्साहं ज्वीका गमनयाना वन । छन्हु महानदी (समुद्र) या सिथे
स्थित सकसिनं नमस्कार याना स्वया च्वन उखुन्हु अनतीरे च्वनेगु बांलागु थाय्दुथाय्
वना बासयात ।

कन्हे सुथसिया इले सकसियां नेसिधेका लिपा सकसियां थुगु समुद्र नदि तरे
याय्गु बखतस कीगु प्राण ल्यनीगु खंला धका सकलें ग्याका च्वन । उगु समये ग्याना
छुयाय् धका भरोसा बिया माफिदाजु यातसता सिंहलसार्थजुं धाल ।

छिसं जिमित मित्र भापायाना सकलयात बुलुहुं थुगु नदिस द्वंगाय् तथा पारतरे
यानाव्यु । जिमिखल आपादु पशु भरियातनंदु थमंखना च्वंगुखः तःगोगु द्वंगास तथा
जिमित रक्षायानाव्यु मागु छन्त दस्तुर बिये । थय्ये धास्येलि माफिवया धाल । हे मित्र
गणपि ! रत्नाकर व्यापाद थ्यंक वनेगु खःसा एकचित्तं धैर्ययाना त्रिरत्ननामकया थःथगु
कुलशेश्वर लुमंका थुगु द्वंगास च्वना बिज्याहुं । थुगु थासंपुला वनेधुंका हानं छथाय्
म्येगु थ्वथ्ये जागुदु थय्ये धागु स्वीकारयाना द्वंगायात प्रणामयाना समुद्र नदीयातनं
नमस्कारयाय् धुंका नदीया लखं मिखापिया म्हे हाहायाना द्वंगास थाहां वना माफियातनं
आदरतया च्वन । । उगु बेलास गुह्यजा माफिनं नदी तीर्थयात प्रणामयाना द्वंगा
यातनं भाजियाय् धुंका द्वंगास च्वना कुलदेवता लुमंका प्रणामयाना समुद्र नदी स्वया
थुगु प्रकारं प्रार्थनायात । । हे महातीर्थ नदी समुद्र ! संसारयात रक्षायाना
प्राणिपिन्त अमृत जल त्वंका प्रतिपालयाना बिज्याह्य छण्खः । थौंया दिनस थ्व बणि
जाल धापि सकलें छपिगु शरणे वल । थुपि धनया निमित्ते रत्नाकर व्यापादयाय् धका
वल छपिसं युमित छुं बिघ्नमयास्ये तथा उपद्रव मजुक्क आनन्दं थुगु समुद्र नदीखः तीर्थं
पारतरेयाना बिज्याय् माल थय्ये प्रार्थनायाना माफि बुलुहुं द्वंगा न्ह्याकल माफिछह्य
जक मखु द्वंगा स्वंग प्यंग घाना पुलांपि माफित यकोसिनं समुद्र नदी पारतरेयाय्गु
निमित्ते बंजाल तथा पशु भरियातनं तथा थंकूगुखः ।

द्वंगा दध्वी थ्यंबले गोफेवया द्वंगाफाता पुलेतसन सकसिनं त्रिरत्न स्मरणयागु
प्रभावं गोफे शान्तजुल द्वंगा बुलुहुं थंकल । थुगु समये ताम्रद्वीपे च्वंपि राक्षसीपिसं
सीका थुपि द्वंगास च्वनावपित उपद्रवयाय्त् कालिका बायु (कालबायु) तच्चकं फे
थमंका द्वंगा म्येगु थासे छोयाबिल ।

सकलया प्राण वनीगु भयं ग्याका त्रिरत्न शरण करुणामय प्रभू शरण धया च्वन । द्वंगा गुलि फातापुल गुलि निकू दल समुद्रे कुतुंवन फोचालीथ्ये च्वंबले न्यास (५००) वणिजालपिं सकलें थःथगु बाहु बलं लापाकया पारतरे जुल सिंहलसार्थ च्वनावगु द्वंगा छुंमजु । पारतरे जुस्येलि कालनं तरेजुल धया सकसियां मनशान्ति जुइका माफियात मागु वस्तुर बिया सन्तोष यात । माफिधाल जिगु दोषमखु थ्व कालबायु बहुत् खरापगुलियाना थथ्ये जुल पशु भरियात फुकं नदिस कुतुंवन थुमिगुखें जिमस्यु धया प्रणामयाना माफि थःमाथाय् वन ।

वणिजालपिं सकसियां दुःख मनयाना थमं थमं ज्वनावयागु छुं वस्तु भति भति अन नदिया तोरे (सिथे) च्वना नया च्वन तृप्तमजु वस्तु कुबिया वपिं पशु भरियात फुकं समुद्र नदी कुतुंबपिं बिपत्ता जुल । छुयाय् गुगुयाय् गनवने जुया च्वन ।

उगु इले ताम्रद्वीप निबासी राक्षसीगणपिं लेःलेः ताया दिव्य सुन्दरी रूप अपसरा तुल्य बांलापिं जुया थुगु थासेवया वणिजालपिं मुना च्वंगुस्वया ह्लिला प्रणामयाना थथ्ये धाल भो वणिजालगणपिं ! थन बिज्यानाला बिज्याहुं फासं दिसं छुं भयत्राश काय्म्वाल आनन्द जुल सिचुक हुंकन तःमागु सिमाक्वे दिसं धया माने यात । । थुमिसं धागु खें न्यना तःमागु चस्वां सिमाक्वे बासयावन । पशुतफुकं समुद्र नदीस कुतुंवना सित मनुत छुंमजु ऋषिनं मृत्यु जुइत्यपिंख त्रिरत्न कुलशेश्वर नाम कयागुलि बचेजुल धया थःथःछें च्वपिं परिवार लुमंका ऋसुका तथा दुःख चिन्तना याना च्वन ।

उगु समये थ्व सुन्दरी रूपजुया वपिं लसींतेसं न्होनेवया बिनित्यावल । भो महापुरुषपिं ! छुं धन्दा काय्म्वा जिपिंदु जिपिं स्त्रीजाती मुक थुगु थासे बासयाना च्वना जिमिगु रूप थ्वहे खः अप्सरा धासांज्यु जिमि स्वामी स्वयांहे मडुनि जिमिगु भाग्यं छिक पिगु भाग्यंनं थन लावल भाग्यं चूलात जिमिगु छें फासा असलजुइ जिपिं सकसिनं छिकपिं ह्यति छह्य छह्य स्वामीयाना मानेयाना मागु तक सेवायानातय आनन्दं जिपिं नापं च्वना सुख भोगयाना दिसं छुं दुःख ताय्म्वाः । नुःफासं जिमिगु छें जिपिं सकलया पुरुष स्वामी ह्यतिछह्य छिकपिं जुल ।

जिमिगुछे अनेक बस्तु धन संपत्तिनं यकोदु क्यवेनं नानाप्रकारया स्वां फलहोया सया चंगुदु मनं इच्छायानातक पुरे जुया चवन क्यवे पुडुलि सुगन्ध बासना वडगु पलेस्वां उफोस्वां दया चवन थाय् थासे जोस्वां इत्यादिदुगु क्यवनंदया बांलाना चवन स्नानयायत्तनं निमलजलं पूर्णगु पुखु हिति तं दया चवन ।

नेगु त्वनेगु पुनेगु इत्यादि फुक पूर्णजुया चवन फुकं छिकपिनि यथ्ये जुल । जिपिनं छिकपिसं घाय्थे च्वनेगुखः जिपिनाप हर्षमानयाना च्वनाक्सिं घया छे यंकेत हाला च्वन । थुगु प्रकारं सुन्दरीगणपिसं धावगु खं न्यना सिंहलसार्यबाहू प्रमूखं सकलें आश्चर्यं जुया लसीत घकामस्यु व सुन्दरीपिगु ख्वा जक ताजति स्वया च्वन ।

उगु बखते थुमिसं मोह रूपक्यना नानाप्रकारं खंन्यंका काम रागस भुलेयाना ह्यति छह्य छह्य थःथःगु बांलागु छे ह्लाः ज्वना थ्व सुन्दरी रूप लसीतिसं यंकल ।

एकंक्रं स्वामिनं धृत्वा स्वस्वासयं न्यवेशयत् ।

तत्रास्मान् तान् यथा कामं भोजयित्वात्य मोदयन् ।

यथेच्छया रमित्वापि चारयन्ति सदासुखं ।

इत्येवं महदाश्चर्यं सुखं भुक्ताति बिस्मितः ।

थुपि बणिजालपिन्त राक्षसीरूपतोता सुन्दरी रूपजुया च्वंपिसं ह्यति ह्यति छह्य छह्य थःथः स्वामी पुरुष भजेयाना थःथःगु छे तया अन छे छुछुदु उगु उगु बस्तुयागु च्वनं हया नेगु त्वनेगु इत्यादि भोजन याका मोहयाना थन जिपि नाप छुलपोलपि सकसिनं ह्यति छह्य स्त्रीयाना छुतक इच्छादु उगु प्रकारं छ्यायाना ह्यिता सदानं जिपि नाप सुख भोगयाना आनन्दं च्वना दिसं ।

थुजागु प्रकारं धागु खंन्यना अत्यन्त आश्चर्यं जुडका च्वन । लिपा सकलें सुख भोगयाना ह्यति छह्य छह्य सिगु छे वना थुगु दिनं निस्थे आनन्दं बासयात । । थथ्ये ह्लिह्लि सागु बस्तु इले नका त्वंका शरीर बांलाका (धृंगार) याना थ्व पुरुषपिन्त थःथःगु वसेकया मोहजुडका थमं धंय्ये दुपियाना काम रसे भुले याका तल । थुपि सुजुड थन जक च्वना थुमिगु नया ह्लिह्लि थुपिलिसे जक च्वनेगु थिक मजु धंगु छुं बिचार मदेका मुखरसे भुले जुया अनसंवासयाना च्वन । थःथःगु छेया परिवारपि सुमके मफुत ।

एवं मुक्ता यथाकामं रमित्वा ते दिवानिसं ।

महानन्द मुखा सक्ता सप्ताहानि व्यलं घयेत् ।

गुह्यजा नायकः सिंहलसार्थजुनं अनच्चपि मिसामध्ये मुख्यह्य नायनी सुन्दरी
लिस्ये थुगु प्रकारं थमं तुनागु नया त्वना कामरसे हिता त्तिहिं वासयाना च्वन म्येपिनं
वहेतालं भोगयाना महाआनन्द सुखया आसक्ते भुलेजुया च्वंगु न्हेन्हुपुला वन तथापि
थुपि तोत्येमफु । रत्नाकर वनेमानि थनगुलि च्वनेगु वनेमाल धंगु मतीछुंमदु । छिपि
स्वया म्हाय् छिमि मां अबुपिंगु नाम छुः धकानं न्यनेगु मफेका मोह जाल रति क्रीडाया
तृष्णास मोहनीयाना थ्व मिसातेसं तोपुया तल लिपा छुयाइगु छुजुइगु धका छुंहे
भापीमफेका तल ।

थुपि लसीत गोप्यं सल्लायात आपालं दिन वंकेमज्यु कीपि लसीं धका सीका
काइ थुपि बिस्युंवनि छगुपाखं थुमित मुख्यगु थासे च्वंगु हितोना स्याय्माल धका
मुख्यह्य लसीं मिसां सकलयात थनि प्यन्हु सिधेकेगु धका खबर बीधुंकल । थ्व खं थ्व
बणिजालपिसं सुनानं मस्यु । । थुखुन्हुया रात्रिस प्रथम प्रहरे व मुख्यह्य लसीया
जागरत सुस्वप्त जुल (सोह्य तुल्य गिरि गिरि यासां हल्लेचाइ मखुगु तालं स्याक
ह्योवेकल) उगु इले सिंहलसार्थबाहजुया मतच्याका लासास च्वना त्रिरत्न तुमंका
ध्यानयाना च्वन ।

उगु बखते अनकोथास च्याका तगु मत तःप्वाजुया अत्यन्त तेज प्रकाश जुया
मत हतततं शब्दवेक ह्लिलाहल । ध्यानयाना च्वंह्य सिया थ्व ह्लिलाहल सुल्याः धका
उख्ये थुख्ये स्वत सुंमखं अलग द्यनाच्चंह्य लसीनं ह्लिलंवागुमखुः गरख्येस्ये ग्यागु
थ्ये जुल ॥

राक्षस्यां निद्रितायां सः प्राहस न्संप्रभा सयन् ।

तं प्रदीप्तं हसन्तं स दृष्ट्वाति बिस्मयाशयः ।

उगुइले राक्षसीयात स्याक न्ह्योवेकातल । तःप्वा जुया उज्वलं च्याना च्वंगु मत
हावं इति इति ह्लिलाह्यु स्स्या आपालं आश्चर्य ज्वीका सिंहलसार्थजु अहो थ्वमत

छुकारणे यथ्ये ह्लिलाहगु गुबलें स्वय्नं न्यने नं मनना धया दनावना मतया न्होने चवना प्रणाम याना थथ्ये बित्तियात ।

भो दोपराज ! छपिं छाप् ह्लिलागु थन छुजुल सुद्धाहांवल जिछुंमस्यु धै बिज्याहुं । थथ्ये बित्तियास्येलि करुणामय प्रवेश जुया च्वंगु मतस थःगु रूप दर्शन बिया आज्ञा जुल । हे सिंहल ! छ उपोषध ब्रतयागु पुण्यं जन्मजूहाखः । छं मां अबुनं थौं बहनी करुणामय प्रभू ! जिकाय् याकनं छं थ्यंक वेमा धका जित नामकया च्वन । आः छनं थौं लासास च्वना त्रिरत्न ना रकया ध्यानयाना च्वन । मत म्हुना छोय्नं लोमंकल त्रिरत्न वा महत्त्व स्वंग रत्न धागुखः । बुद्धरत्न धर्मरत्न संघरत्न थ्व स्वंग रत्न मध्ये संघ नायक बुद्धया धर्मखः प्रज्ञा ज्ञाने पला छिकीहा जि करुणामय अमिताभ तथागतया मूलहा शिष्यखः धका बौद्ध बिद्वांनपिसं सीका च्वंगुदु । छिमिसं थौं जित लुमंकल जि प्रशन्न जुया थन वयागु कारण सीकि छपिं फुकं थनि प्यन्हु सीपि जुल । छिमिगु लाहि नैपि लसीतेसं सुन्दरी रूपक्यना छिमित मोहं तोपुया भापी मफेकातल । पत्यार मजूसा छंत भात धका मानेयाना तहा न्होवेका च्वन वंगु रूप छक फांगाउलासो ।

छं यनयागु कारण छुं मस्यु थ्व सुन्दरी जुया च्वंपि मनुष्य मखु भयंकरपि राक्षसी (लसीं) त धकासीकि । थुमिसं छिमित थःगु इच्छाथ्ये सुख भोग याकायानातल छिमित दाखाक साक भिक नका छिमित स्याना लाहि नया क्वें जक बाकियाइ ।

हानं धाय् न्य थुगु थासं दक्षिण दिशाप् तःधंगु बन छगुदु छ अन वना सोहुं । उगु थासे छचालं नयागु प्राकार (पखालं) चाहुइका तल अनदुने सलंस दलंद छपिंथ्ये जापि परवेश वपि कुनातगुदु । गुलि म्वापि गुलि सीपि गुलि प्राणान्तपि गुलि क्वें मात्र बाकिपि वांछोयातपि । छिमितनं इमितथ्ये कुना मामागु दिने स्याना मनुष्यया लाहि कचिगु बूगु इत्यादि तया भ्वेः नेगु नकेगु राक्षस राक्षसी (लाखे लसीं) ते तच्चगु बांलागु भोजनखः । सत्यनं थ्वखें खःमखु उगु बखते विचारदइ बिलंब याय्मते याकनं स्वयावा । थुलिखें न्यंकेत थन वया थःगु लाहि नैपिलिस्ये म्हिता च्वंगुलि जि ह्लिलागुखः ।

थुगु प्रकारं नां यात लोगु उपायकना करुणामय मतस दुबिना दर्शन बिया आज्ञा जुल । थ्व खें न्यना सिंहलसायं ग्याका अहो थ्व भयंकरं ग्यानापुगु आश्रयंगु ज्याखें

जुल भो प्रभू ! धन्य धन्य करुणामय छलपोलखः चित्त बोधि जुया तथाऽस्तुयाना सोवनेत हानं बिनित्यात जि लिहां मवतले थन बिज्याहुं धया प्रणामयाना घनाच्चंह्य फांगाउला सुन्दरी सोवले करुणामयं सुन्दरी रूप लिकया तगुलि साक्षात् राक्षसी रूपखन । घःवा निपु पिकया वां खाया थसपाया तुति धःपाया ह्लाः निपा निख्ये चतावाना सॅफॅफॅ तथा भयानकगु लसीरूप खना त्राहिमानं ग्याका थमं ज्वना वयागु चन्द्रहास खङ्ग ज्वना दक्षिण दिशास वना सोवन ।

उगु इले रात्रिस याकचा बने द्वाहां वन तःजागु नॅया पखालं छाहुइकातगु गनं लुखा लुइक्य मफया उगु थासे पिनेतमागु चस्वां सिमादया च्वंगु खना थाहांवना स्वत खिउँस्ये चों खनेमदु । अनदुने च्वंपि मनुतफुक इतः मतः कना खोयाहालाच्च्वंपि गुलि सनेमफुपि गुलि चता वाना च्वंपिदु । थुगु समये सिमास च्वंह्य सिंहलजुं शब्द बिषाछोत ।

हेपाशापि ! छिपिं छाप् आमकन च्वना पिहां मवस्ये खोया हाला च्वनागु सुनां नकेहैगु थनहया सुनां कुनातगु गनवनेत वयापिं । थय्ये धयाहगु शब्द न्यनेमात्रं अनदुने च्वंह्य मुख्यह्यसिनं छसु धयाहल ।

जि सिंहलसार्थबाह्य धया थःगु परिचयफुकं फने धुंका थन छक सोय् धका वया । थय्ये धास्येलि दुनेच्च्वंह्यसिनं बांलाक थःपिन्त जुयां च्वंगु कना घाल । हेसिंहल ! जिपिनं रत्नाकर ब्यापाद वनेत वयापिखः । वंजालपिं यकोदु समुद्रे द्वंगास च्वनाबले गोफेवया जूगु हानं कालबायुनं द्वंगा स्येका ब्यूगु थःथःगु बलं समुद्र पारयाना बले छुं लिपा आराम कया बले ताम्रद्वीपे च्वंपि राक्षसी तेसं मोहमायां तोपुया थःथःगु छ्यंका नका मानेयाना लिपा थनहया थुमिसं सास्तियाना स्याना इमियबले वया जिमिगु लाहि नया जिमित थुजागु दुःख कष्टयाना तल । छिकपिन्तनं थुमिसं थय्ये हे याइगु बखत वैतिनि थन थुपिनाप च्वनेगु तोता याकनं छें लिहांहुं । ह्तिने भात याइगु चान्हे लसीं जुया चुचुप्याना हितोनीगु थुमिसं सुन्दरी रूपकया घेःपुना प्रेमयाना चुपानइगु धका भापीगु मखु हितोनीगु हित्वनेत चुचुप्याइगु इतिमिति कना सनीगु । । थुमिसं अबश्यनं स्याना भक्षयाइ याकनं अकालं कष्टनया मृत्यु जुइ मालि छें लिहांहुं ।

बन्धने लापिसं भोगयाना च्वंगु यथार्थं धागुखं न्यना बांलाक पत्यार जुया उगु
थासंवया कोषास तीजक द्वाहांवया च्याना च्वंगु मत यात स्वया प्रणाम यात वसपोल
करुणामयं दर्शनं बिया धं बिज्यागु लुमंका हानं चना च्वम्ह लसीं या रूप स्वबले कपा
रदेकुंका ह्माय्वा छे छे मिका ह्मांनपां भूद्धिना धःपाया चना निपा तुति निख्ये चता
वाना नुगपास हिखों दुर्गन्धया सास ह्माना म्ये पिकया फुंरुं मीह्म थ्ये मिका चना
च्वंहा खना अति त्राहिमानं ग्याका च्वन । करुणामयं हानं आज्ञाजुल-हे सिंहलसार्थं छत्त
प्रेम याना तःह्य सुन्दरीया रूप गनवन सीकेफुला जिनं लिकया आकाशे छोयातया थय्ये छं
बोनाहयापि पाशा पिनिमं ह्मांति छह्य छह्य सुन्दरी रूप जुया च्वंपि फुकं थुजागु राक्षसी-
पिण्डः । थुपि फुकं मनुष्य भक्षी पशुतुल्य कामीपिं धकासीकि । थुमिगु ह्माते च्वने मते
याक्कनं जम्बूद्वीपे थःथःगु छे हुं ।

थुजागु अमृत बचन न्यना हानं सिंहलजुं बिन्तियात । भो दीपराज करुणाधारि
लोकेश्वर करुणामय ! जिपि अकालं मृत्यु जुइ म्वाक छे वनेत उपाय आज्ञादयका
बिज्यासा जिपि बचेज्जी धं बिज्याहुं ।

थय्ये खोबिहाय्का छे मां अबु लुमंका मोहं मथीका बिन्तियास्येलि वसपोलं हानं
आज्ञाजुल । आः जिनं कने कनाथ्ये बोनाहयापि पाशापिन्तनं चित्तबुद्धे जुइक खंकना
ज्याया ।

जित थुगु जन्मं ह्मापाया जन्मेनं आपत् बिपत् शंकष्ट महादुःख जूबले करुणा
तया रक्षायाना उगु वखतया जिगु जीवन सफलया ना ब्यूह्मखः धंगु आदर भाव तथा
आःनं जित शंकष्ट जुल थुगु शंकष्टनं तरेयाना बीमाल धंगुमनं ल्वीका एकाग्र चित्तया ना
भक्तितया भावया ।

हे सिंहलसार्थंजु ! त्र्यगुबर्णं करुणाया शरीरखः आत्मा जुया च्वंहा बाराहनाम
अश्वराज (सल) छह्य लुंयागु फिः (सुवर्णं बालुका) दुगु महातीर्थं नदी समुद्रखः गुलि
सिनं ब्रह्मपुत्र महानदिनं धाइ सुयह्मापां अनहुं ।

उगु थासे बासयाना च्वनीह्यसिगु रूप दर्शनयाना जिपि सकलयात थुगुनदीया
समुद्रं पारतरेयानाब्यु धका चाहुला बिन्तियाना प्रणामयाय् धुंका प्रार्थनाया । वं ज्युः
वे धका मनुष्यबोसि धाइ उगु अबस्थास छ ह्मापां व सलया म्हे गया म्हेने लाक च्वं ।

म्येपि छंपाशापि यथाक्रमं थितुं थोक घेःपुनाच्चं । एकचित्तं त्रिरत्न तथा कुलशेश्वर
स्मरणया छुंज्वीमखुः । उद्दसलं आकाशमार्गं बोया वया याकनं जम्बूद्वीपस थ्यंकेहइ ।

छुं जुया लसीं तेसं सीका थुपीनं बोया वया अनेक तालं खँल्लाना मायांकयंका
घावल हावल धासा लिफः सोया थुमिगु ख्वाः मसोस्ये चवनेगु । लिफः सोया थुमिगु
ख्वाः सोतकि सलम्हं कुतुं वनि समुद्रे लाइ अथवा थुमिसं ज्वना यंकास्याना भक्ष्ययाइ ।
भुलि उपदेश बिया मत चीप्वा जुया करुणामय अन्तरगत जुया बिज्यात ।

अनंलि सिंहलसार्थया मन क्वातुका अहोप्रभू करुणामय सहस्रप्रणाम धया थःगु
लासास चवना गोतुल । सुथसिया प्रथमप्रहर जुल थ्व राक्षसी हलंचाय्का सुन्दरीरूप
जुया वया सिंहल पुरुष नापं चवंवया थिया स्वत । छपिंछना चवंह्मखः ख्वाउंस्ये चवंगय्ये
गनवना छु सोया वया ।

थथ्ये धागु न्यना नकतिनि पिहांवना मूत्रत्यागयाय् धुंका भतीचा उख्ये थुख्ये
छक स्वया थनगोतू वयागुखः । गनं म्येथाय्मवना थथ्ये धया चित्तबुद्ध्यात । लिपा
बांलाक सुथेजुल दनावना ह्लापाथ्ये मागु ज्या सिधेका सुन्दरीरूप लसीं थः मिसायात
पाशापि छक नापलाना वय् धया प्याहांवना फुकपाशापि सता तापाक छथाय् क्यवेवना
थः दथ्वी चवना पाशापि छचालं तया खँ न्यन ।

हे पाशापि! छिमि ह्मतिं म्हतिं सुन्दरी स्त्रीपित्तं गुलितक मानेयाना तल छक
खँन्येगु जि इच्छाजुल । मालिकं थथ्ये न्यंस्येलि छम्हसिनं खँन्यंकल । कीगु भाग्यं
छिसं थुजागु थासेहया स्वर्गलोके चवने थ्ये सुख भोगयाय् दत ।

हानं म्येम्हसिनं धाल जिनं अप्सरा समानम्ह सुन्दरी नापचवना अनेक पदार्थया
बस्तु नया त्वना सुख भोगयाय्गु । हानं म्येम्हसिनं धाल थन जित महासुख भोगया
ऐश्वर्यपद लात मनं तुनागु नेदु सुन्दरी स्त्रीनाप थःगु इच्छाथ्ये म्हितेनं बु । हानं
म्येम्हसिनं धाल धन्यखः थुजागु महासुख भोग गनं गुबलेनं लाय् दैमखुः । हानं म्येम्हसिनं
धाल जिगु उपरस आपालं स्नेह माया तया इले नकिगु मानेयाना थमं धयाथ्ये सुख
भोगनं बु जित्तज्ज थन स्वर्नं खँथ्वे चवं ।


थय्येहे हानं म्येह पाशानं धाल खः जितनं मानेयाना जि धाय्ये नका त्वंका
तृप्तयाना आपालं ऐश्वर्ययाका तल कनांसाध्य मजु । हानं म्येम्हसिनं धाल थुजागु
सुख भोग चूलात पृथिवीस थनय्ये म्येथाय् थय्ये च्वनेगु गनंदै मखुः । हानं म्येम्ह छम्ह
सिनं धाल दिव्य अमृत समानगु त्वनेगु सागु बस्तु अनेक नेगु सुन्दरी स्त्रीयागु न्यासोया
ह्लिला ह्यायाना ज्या छुं मयास्ये साक भोंक नेदु थ्व महासुख खः म्येथाय् गनं दैमखुः ।

हानं म्येम्हसिनं धाल जि स्त्रीनं जित आपालं माया स्नेह दया दु । बांलागु वस
तिसां तोका पुंका थमनं श्रृंगारयाना नेगुनं यथ्ये नित्यरस याना म्हितका तैगु । थय्येहे
हानं म्येम्हसिनं धाल जितनं छे च्वंम्ह सुन्दरीनं अनेक बस्तु साकनका तस्सकं मानेयाना
म्हितका तगुलि जिगनं वने मंमदु । थुजागु ऐश्वर्य स्वर्गेनं दैमखु धका जिनं भापिया ।

हानं म्येम्हसिनं न्यासि चाया धाल जि स्त्रीनं नस्वागु चिकं शिरे बुला स्वांछुना
अमृत तुल्यगु त्वंका मानेयाइगु धयां साध्य मजु । हानं म्येम्ह छम्हसिनं थय्ये धाल
जातं जातया वस तिसा पुना जितनंपुंका अनेक फल नका मानेयाना म्हितका तगुलि गनं
वनेगु इच्छा मदेका तल । हानं म्येम्हसिनं धाल अहो छु भाग्यनं कीपिथन लावगु स्वर्गे
दैमखुगु सुख भोगयाना च्वने दत । थुजागु थासेतोता जम्बूद्वीपे कीगुछे वनेगु इच्छा
मजुल थुजागु सुख कीत छे गुबले दइ ।

हानं म्येहसिया लेः ताया धाल थुजागु गुणदया च्वंपि सुन्दरीपि पृथ्वीमण्डले
लाय्त् दुर्लभ जुइ थुगु तालं आनन्द सुखया अंगजुया च्वंपि स्त्री तोता छे परिवारपि
नाप छु च्वनेगु गथ्ये च्वनेदैगु । मनुष्यपिन्त थुजापि दिव्य सुन्दरी गुबले मिले जुइ थ्व
छगु कीत तच्चगु भाग्यखः थय्ये महासुख भोगयाय् दुगु थाय् तोता छे वनेगु इच्छा
गुबलेनं याइमखु थ्व सुख गनवना लाय्फइ आवश्यकनं फैमखु ।

एवं प्रकारं पाशापिसं नानाप्रकारं धागु खे न्यना सिंहलसार्थ ऊसुका तया सकल-
यात थय्ये खे न्यंकल । हेपाशापि ! जिनं सत्ययाना कीत जुया च्वंगु कारण खे धाय्
सकसिनं स्वीकारयाय्माल । मयात धासा कीनं तच्चगुकष्ट जुया थनिं प्यन्हु अकालं
सिना वनेमालिन मनक्वातुका धारणया छुगथ्ये धासा जिनं कने कीपि नापं वया नापं
लिही बनेमा ।



सिंहल सार्थवाह न्यासवनिजालपिनापंता मुडी पस व्यापादयावं
 बल्लल सींगसंभरया नास्यानालाहिनतथिक यावलेमन सविक्रा
 सकनूअमययागूडुषदअन्यनासलगया लिहंवल्लल
 सींगसंशनंसाहविद्यांतापूयासून्दजीवपक्कनालीहगूचिय-

गुह्यजा बुद्धिमान पुण्ययाना 'वम्हसिनं' सकल पाशापिंगु उपरे करुणा तथा धाल ।
थमं अनुभोग यानागु ख मतस दुबिना रक्षाकारि करुणामयं दर्शन बिया उपदेश ब्यूगु
हानं थमं याकचा वना बने कुना कष्ट बियातपि स्वयावयागु अन कुना तपिसं धयाहगुखें
हानं अनं लिहां वया लसीयागु साक्षात् रूपखना ग्याकागु हानं करुणामयं दर्शन बिया
जम्बूद्वीपे थःथःगु छें याकनं लिहां वनेगुसो ।

समुद्रपार तरेयाय्त बाराही नाम अभ्वराज (सल) रूप जुया च्वंम्हसिगुम्हे
ज्वनेगु लिफः मसोय्गु लिफः सोत धासा कुतुंवनी थ्व लसीं सुन्दरी जुया च्वंपिसं ज्वना
यंका स्याना नैगुखें इत्यादि वृत्तान्त कना चित्तबुज्याय् धुंका कीपि लिहां वनेगु कंस
थानि सोन्हु सुथसिया प्रहरे पक्का जुल थुपि फुक राक्षसीतेगु बशीकरणं कीत मोहनीतया
हेका छन्हु कीपि फुकं स्याना लानेगु हितोनेगु ग्वसायाना च्वंपिख ।

स्वामीयाना नका त्वंका पुंका सुखभोगनंयाका वहे स्वामीयाना तयाम्ह स्याना
लाहि नैपिं थुजापि महापापि लसींतेत याकनं तोता थमिगु महाभय करुणामयं कीत
कंस सुथे रक्षायाइगु अबश्य जुल । गोप्यया थुमिसं सिलकि कीत कन्हेहे स्याइ थुमिगु
लसींरूप जिनं स्वेधुन अति भयंकरगुरूप जिनंखन सीकेमाल आः थन बिस्तारयाना
ज्वनेमजिल थःथःगु थासे वनेनुः धया सकलें लिहांवन ।

सकसिनं थुगुखें न्यना हीही गुजागु हेतुजुल थुपिंजा लसींतखनि । अहो ! हे दैव धया
तले थाहांवने ग्याना म्येगु थासे आरामकया मूर्छा जुइका च्वन । छुं लिपा चेतदस्येलि
थःथःगु थासे वना क्वथाय् च्वना अनेक चिन्तना जुइका च्वन ।

उगु अबस्थाय् थःथः सुन्दरीरूप लसीं तेसं थःथः स्वामीयाना तयापिन्त ख्वासोया
ह्लिला धाल । छाय् बिस्तार जुल छिकपिं गनगन फाया च्वनागु जिमिके मायादु धैगु
खसा सत्ययाना धैदिसं ।

थय्ये न्यस्येलि मनस त्राहि जुया च्वंगुलिं ह्लापाथ्ये मनचःमकंसानं ख्वा
चःकंका धाल । जिपिं सकलेंमुना देशंपिने बांलागु थासे छक चाहिला वया । थ्व
खें न्यना लसीं मिसा तेसं हानं धाल – देशंपिने अनेक स्वां फल सया च्वंगुदु हानं
मनोहरगु पुखु दु थ्व फुकं स्वया फाला धया मानेयाना नेगु न्ह्योने तथा ह्लिला खं ह्लात ।

वणिजालपिसं चिन्तनायात थुमिसं ब्वाय्स्वया खँ न्यन धका सीका धाल । जिमिसं उजागु मखं अन थ्यंकनं मवना । अनंलि थ्व मिसातेसं हानं धाल देशंपिने चाहुला वपिसं बांलागु पुखु वयव पाकेजूगु फलसया च्वंगु सिमा स्वांसा गथ्येमखं धैगु । जिमित हेका धाय्स्वाः । वणिजालपिसं हेका धयागुमखु धया ह्लिला हानं धाल छिमिसं आमथ्ये धास्येलि कंसमुथे ह्लापानंवना सोवने स्वां थ्वया पाकेजूगु फलखानाहया थन याकनं वय् । थ्ये धास्येलि ज्युका धया ह्लिह्लि थ्ये मानेयाना कोथास च्वना नका त्वंका च्वन ।

बंजाल पुरुषपिनि व सुन्दरी रूपपिसं मानेयाना नकूसानं मती गरख्येस्ये च्वंका फसुका तथा धन्दाकया च्वन । उगु बखते थ्व मिसातेसं न्यन- छाप् छु कारणं फसुका तथा स्वा खिउका च्वनागु पुरुषपिसं चित्तबुद्धेयाय्त धाल छेच्वंपि लुमंस्येवल छुयाय् । थ्ये धास्येलि थ्व लतीते नुगले छुं शंखातया हेकल ।

भो स्वामीगणपि! थन जिमिसं फको चाकरियाना नका त्वंका पुंका तीका धाथ्ये च्वना सेवायाना च्वनागुहेह् । थन अनेक वस्तु धन रत्न तिसा म्येगुनं फुकंहे छिकपि छपिगुहेखः जिपिनं जहान जुया च्वनेधुन फसुकातया दुःख मनयाय्मागु कारण छाप् छु धन्दाकया आनन्दं च्वना सदानं थन बिज्याहुं दिसं । थुगुतालं तवह ब्यूगुन्यना स्वाःचकंका ह्लिला दे धया चित्तबुद्धे जूपिथ्ये च्वन ।

अनंलि स्वन्हु खुन्हु नुथ ह्लापां दना थः थः सुन्दरीपि सता धाल । जिपि आमुथे पिहांवना चाहुला छक सोये । होया च्वंगु स्वां फल खाना द्वाहांवय् न्है धया ज्यु धाय्का बंजालगणपि सकलें पिहांयया छुं भतीचा तापाक बांलागु ज्याछिगु त्रयवे मुना च्वंबले सिंहलसार्थवाह नाय थ्यंकवल । उगु बखतस धाल-हे पाशापि ! बिलंब याय् मजिल की सल्लायानागु सत्यखँ लुमंका वनेमाल । उह्य अश्वराजया म्हेच्वनेबले थ्वसुन्दरी रूप लसीतेसं सीका बया मायामोहं तोपुया लिउने च्वना खँ ह्लावय्फुः सुनानं थुमिगु खँ मन्यंस्ये लिफः नं मसोय्गु । एकाग्र चित्तं त्रिरत्न लुमंका च्वनेगुछ थुलिधया सकलें गोप्य याना उगु समुद्र नदीस थ्यंकवन अन नदीया सिथे करुणामय बाराह नाम तःधिकगु शरीर नुपुह्य अश्वराज (सल) मूर्ति बासयाना च्वंगु खन । उगु इले सकलें सलया न्होने वना

बिन्तियात । थ्व सलं मनुष्य बोलि खँ न्यंकल छिपि सुसु जम्बू द्वीपे वनेगु इच्छा दु ।
इपि सकलें जिगु म्हे यथाक्रमंच्वं धै बिज्यात ।

उगु बचन न्यना सकसिनं नमस्कार याना ह्लापां सिंहलसार्थबाह सलयाम्हे थाहां
वना न्ह्योने च्वन । अनंलि सकलें क्रमानुसारं सलयाम्हे थाहांवना न्यास बणिजालपि
पाय्छि जुइका च्वन ।

ततः सोऽश्वो महावेगी संवहं तान् बणिग् जनान् ।
संक्रम न्सहसां भो धे मध्यद्वीप मुपाययौ ।
तथा श्वेनाहता न्सर्बान् राक्षस्या तान् बणिग् जनान् ।
दृष्ट्वा ताः सकला स्तत्र सहसा खे उपाचरन् ।

अनंलि थ्व अश्वराजं थुपि बणिजालपि सकलयात थःगु म्हेतया बोया च्वे
थाहांवना आकाश मार्ग महावेगं बिज्यात । समुद्रया दथ्वी च्वे थ्यंबले राक्षसीगणपिसं
कीसं स्वामी धका मानेयाना तयापि बणिजालपि फुकयात सलं थःगु म्हेतया यंकल धैगु
सीका थुपि राक्षसीगण (लसीत फुक) मिले जुया बोयावया लिलाका माया मोह जालं
तक्यंका खोया खँ न्यंकल ।

हाहा भो स्वामीपि ! जित स्नेह प्रीती तोता थौं गन विज्याय्गु जिनं नापं बोना-
यंकि छपिनापं जिनं वय् त्यना जित तोता याकचा वनेगु इच्छायात जिनं सुख ऐश्वर्य
याका यगु नका त्वंका प्रेमयाना च्वनागु लुमंका छक जित लिफ सोया दिसं ।

हाहा भो स्वामी ! मतिनाह्य पुरुष जिप्राण छपिसं जित त्याग याना बिज्यात
लिफः छक सोया बिज्या जिगु मन सन्तोष जुइ । हेरा मोतिमाला तिसां तीका
बांलागु बस्त्रं पुंका माने यानातगु जिगु सुन्दरी रूप लोमनला लिफः छक सोया जिगु
खा स्वया बिज्याहुं ।

जिनाप शरीर बचन मन क्रियास म्हिता यथे नया च्वनागु गथ्ये लोमन जिके
माया आपालं तया हिला खँह्लाइह्य भो स्वामी ! जित छक खा स्वयेत लिफः स्वया
बिज्याहुं ।

अनेक सुख भोग जूगु जिपि छह्य छह्य छलपोल पिनि प्रिय स्त्रीपि थुलिमछि तोता वनेगु छाया याना जिमि तस्सकं माया तया खासोवया लिफः छक स्वया बिज्याहुं ।

थय्ये हाला ध्यानं लिफः मसोगुलि करुणा चाय्क खोया हे प्राणनाथ ! जिमित केबल जित थःथः स्त्रीपि जिमित खा छकहे मसोस्ये वन धासा जिमिसनं छुं माया मकास्ये थन समुद्रे वववना छिकपि छलपोलपिंगु नामं सिना वने त्यल छकजा लिफः सोया जिमिगु खा सोया मायाति ।

गुलि लसीत थय्येनं हालावल हे प्रभू स्वामी ! की निह्य सिया गुजागु सुख रसे ह्यिता गुजागु बस्तु नया नकातह्य जि स्त्रीयात लुमंका छक लिफः सोसा जिनं छक खा सोये दइगु खः लिफः सोया बिज्याहुं ।

गुलि थय्ये धया च्वंपि भो प्राण नाथ ! जिगु खाछक मात्र गसोल धासा छपिंगु नामं थनसतुं प्राणत्याग याय्गु जुल ।

गुलिसिनं थय्ये धया न्यंकल हे महापुरुष ! जित तोता वनेमते जिनं नापं बोना-यंकि मखुसा खाछकस्वे लिफः सोया प्रेमया जिनं प्रेमयाना स्वय् ।

थुगु प्रकारं लसीत सुन्दरी रूप जुया अप्सरापि बोयावय्ये सल ल्युल्यु बोयावया स्नेह पाशं चिना अनेक प्रकारं हाला खोया वगु शब्द न्यना खः का धैगु मतीतया नुग मछिका ह्लापायागु सुख चिन्तना यात ।

तत्रयेयेऽतिस्नेहार्ता कारुण्या धैर्यमोहिताः ।

ता द्रष्टं पृष्ठमद्राक्षु स्नेतेऽश्वा न्ययतज्जले ।

उगु समये अनर्थपि बणिजालपिसं राक्षसी सुन्दरीपिंगु उपरे ह्लापायागु स्नेहया पीडा प्रेमयाकें सहयाय् मफुगु करुणा व धैर्ययागु मोहंयाना थुपि सुन्दरीपिंगु खाःस्वेगु इच्छा जुइका लिफः स्वत । लिउने च्वंपि सकसिनं लिफः स्वलिस्ये (सुनां सुनां लिफः स्वत इपि इपि सकलें) समुद्रे कुतुंवना लखे लात । उगु तालं कोलकं बणिजालपि कुतुंवना

लखेलापि फुक सुन्दरी लसींतेसं ह्मतिं ह्मतिं थःथःभातयानातपि ज्वना सालायंका ताम्रद्विपे थःथःपिंगु थासे थ्यंका सुन्दरी रूपतोता लसीरूप जुया धुं पशुतेत ककुस ज्वना बांग्याना हितोनीथ्ये याना हित्वना ला कुच्चा कुच्चा थला भक्षययात ।

बाकिगु फुकं लसींत सकलें मिलेजुया प्यन्हुतक उत्सवयाना लेःलेःताया लसींतेसं ने सिधेकल ।

सिंहल एकमेवंच पृष्ठे संश्लिष्यसं श्रितः ।

त्रिरत्न स्मरणं धृत्वा संतस्थे निश्चलेन्द्रियः ।

सलम्हे च्वंहायागुखें थथ्येख - अश्वराज सलम्हे सिंहलसार्थबाह याकचा मात्र व्वातुक च्वना उख्ये थुख्ये लिउने गनं मसोस्ये त्रिरत्न शरण एवं स्मरणयाना थगु शरीर मसंस्ये स्थीरं च्वना वल । क्रमानुसारं व सलं समुद्र पारयाना थुख्ये सिथ्ये थ्यस्येलि करुणाधारि अश्वराजं थःगुम्हं क्वकया सिंहलसार्थयात थुगु प्रकारं मनुष्य बोलि आज्ञाजुल ।

हे साधु! आःछं थन आनन्दयाना निर्भयं लें बांलाक स्वयाहुं । छें थ्यनेवं शुभ मंगल जुइमा माँ अबु तथा इष्टमित्रपिनाप सल्लायाना सुख आनन्दं च्वनेगु स्व । तथा स्तुयाना थुगु समये अत्यन्तहर्षगु चित्तयाना ख्वाःचकंका थुह्य अश्वराजयात प्रणामयाना थथ्ये बिन्तियात । ।

भो करुणामय! अश्वराजमूर्ति! छलपोल धन्यप्रभू महाकरुणा तया जित अकाल मृत्युंतरेयात जिगु शरीर लसींतेगु म्हुतुस लाय्त्थंगुख थुगु महाभयं मुक्तयाना बिज्यात । छुयाय् स्नेहपाशंक्दंका खोयावपि राक्षसीतेगु ख्वास्वेगु इच्छायाना लिफसोगुलि पाशापि फुकं समुद्रे कुतुंबना मृत्युजुलखैः । अथवा लसींतेगु आहारे लातजुइ । जिनं लिफ सोगु जूसा अथ्येहे जुइगुख लिफ मस्वयागुलि बचेजुल ।

भो प्रभू ! छलपोल मतसदुविना उपदेशवियानं सलरूप कया थःगुम्हे तयासकल-यात अकाल मृत्यु भयं मुक्तयाय् आकाश मार्गं हया बिज्यात । छलपोलं आज्ञा जूगुख लिफस्वेमते धका, धैर्ययाय् मफया कुतुंबन नापंबोना वयापि नापंयंके मफुत जिनं छुयाय् ।

सिंहलसार्थं प्रार्थनायात, भो करुणाधारि ! जित भयंकरगु समुद्रं पारयाना
रक्षायाह्य, जि अनाथया नाथ, जित स्यनेकनेयाना उपदेशबिया अकालं सीत्यंहयात
म्वाका बिज्याह्य, उपकारि परमगुरु कल्याण मित्र फुकं छलपोल खः जि गनतकं म्वाना
च्वनि अनतक छपिन्त लुमंका भक्तियाय्गु जिनं तोत्ये फइमखु गनगन स्वया छु शंकष्ट
जुयादुःख जुइका च्वन अनअन छु रूप जुइमाल उगुरूपकया शंकष्ट दुःख मदेका रक्षायाइह्य
छलपोलयात सहस्र प्रणाम धया चाहुला भाजियात ।

अनंलि भतीचा छछ्ये च्वना बुलुहुं चीधिकगु शरीर जुया अश्वराज (सल) रूप
थःथमं आकाशे मिग्वारा थाहांवथ्ये थाहांवना अन्तरगत जुया बिज्यात । थ्वखना
सिंहलसार्थजुं आकाशे थसोया बित्तियाना खने दतले स्वया च्वन । लिपाखने मदुस्येलि
याकचा ववं जम्बूद्वीप वनेगु बने थ्यंका द्वाहांवन ।

अनंलि ताम्रद्वीपे च्वंप्पि लसीत सकलें मिलेजुया मुख्यह्य नायनी सिंहलसार्थयात
स्वामी भजेयाना च्वंह्य लसीयात दध्वीतया म्येपिछ्चालं च्वना हाहाकारं गिजेयाना
थथ्ये धाल । जिमिसकसियां थःथ स्वामीयाना तयापि स्याना ला हि नेधुन छ छह्यसिया
जक जिमिसं याथ्ये याय्मफु । छन्त जिमिसं मालिक धका रानीतुल्ययाना मानेयाना
तयागु व्यर्थ जुल । आ छनं व स्वामी यानातयाह्य हया नय् मफुत धासार्जिपि सकसिनं
छन्तहे स्यानानय्गु अवश्य जुल । थथ्ये धागु न्यना थुह्य मालिक लसीनं सकल पाशा
लसीतेत लिस बिल ।

हे पाशापि ! छिमिसं आमथ्ये धास्येलि जिनं अनेक यत्नयाना हया छिमिसं थ्ये
याना स्यानानय् छिमितनं यकोनके धन्दाकाय्म्व जित हाहायाना गिल्लायाय्मं मते
स्वयाका ।

म्येपि लसीतेमं हानं धाल ज्युकास्वे छं म्हुतुं धयाथ्ये ज्यानंयाना क्यनेफुसा जिपि
सन्तोषजुइ मखुसा छनार्पमिजुइ मखु । थुजागु कटुवचन (छागु पालुगु मभिगु कडागु)
यानाह्लागु खं न्यना थ्व नायनी लसीं भयंकर मूर्तिजुया ताम्रद्वीपंनिस्ये रात्रिस आकाशं
बोयावया बने क्वाहां वंह्य सिंहसार्थबाह स्वामीया न्ह्योने च्वंवल ।

उगु अबस्थाय् थ्व भयानकह्य लसीं न्ह्योनेवगु स्वया चन्द्रहासखड्ग ज्वनाहीका
व्यंबले ग्याना बनेदुने थ्यंक बिस्युं वना उगु बेलास मध्य देशे व्यापादयाना वपि साहु
तेगुछगु पुचखना थ्व लसीं सुन्दरीह्य मिसा ह्यापाथ्ये जुया च्वन । आपालं बाँलाह्य मिसा
याकचा वने च्वना च्वंगुखना साहुं न्यना स्वत ।

हे क्यहे मेजु ! छसु थुजागु वने सुन्दरी युवतीह्य मिसायाकचा च्वना च्वन छ
वनदेबी लाकि सुख महेकुसे जिमित धा । थुलि खँ धागुन्यना थ्व सुन्दरीरूप लसींनं
प्रणाम याना बिनित्यात ।

भो महाजनपि ! जि वनदेबी मखु ताम्राद्वीप देशे राजाया पुत्री जि खः । न्यना
बिज्याहुं सिंहलसार्थवाहजु व्यापाद यावह्य नाप संपर्क जुल । वेकयात जि माँ अबुं
लः ह्याना बिबाह यागु ज्याख कन्यादान यात । आ व स्वामी लिहाँबिज्यात जित नापं
बोनाहल नदिस द्वंगाय् च्वना वयाबले गो फे वगुलिं द्वंगा फाता पुलेत थिकजुल छुं
मजु अनं भतीचा वया छुं खनं मदु नापं बोना हया थनबने थ्यंबले छ अलाक्षणीह्य
मिसा नापं वयागुलिं द्वंगा फाता पुले त्यंगु ख छ बोना यंकेमखुत धका थन बने जित
तोता थ याकचा वन जि मिसाजाती थुजागु रूप उमेर थ्वहेखः याकच गनवनेगु जिगु
भाग्यं छिकपिं नाप लात जिस्वामीयात बुझेयाना जिनापं च्वने फँगु उपाय याना दिसं
जिगु बिनित थ्वख तच्चतं धर्म दइ जित कृपा तयादिसं ।

थुह्य सुन्दरीनं थ्येखँ न्यंकूबले थ्व महाजन पिसं ज्यु जिमिसं वेक ह्यस्यु नाप-
लाना धयाबी थ्ये धया थपिमागुले वन । ववं ले सिंहलसार्थ नाप लात अनबिश्राम
याना बने नापलाह्य मिसां धयाहगु खँ न्ह्यथना परस्पर खँ जुल ।

उगु बखते सिंहलसार्थं खँ न्यंकल थ्व सुन्दरीरूप मात्र मनुष्यमखु लसींया मुख्यह्य
ख ताम्राद्वीपया मालिकनीख राज पुत्रीनं मखु थ्व लिस्थे मसिया संगत जुलख बिबाह
यानागु मखु थ्व लसीं धका सिस्थेलि अनहे तोतावया । आ थन थ्यंकहे वल तिनि व
मिसा साक्षात् राक्षसी धका छिकपिसं सीकि ।

अबुपिसं वनेमते धका गंक मिचेयाना परदेश गमन जूगुलिं थुजागु कष्ट नेमाल । धन जनफुकं फुत न्यास बंजा पाशापिं फुकं समुद्रे कुतुंवना मन्त धावले चीचोगु खँमखु आ श्वखँ न्यना थुमिजाहानपिसं गुलि जक बिलाप याइगु जुइ ।

तथापि छ छह्य जक जूसानं बचेजुया वल जिमिगु मन आनन्द जुल । हे पुत्र धन फुतसा हानं कमाय्याना देकेफुः । छ काय् फूगुजूसो छथ्ये जाह्य काय् हानं कावनेगु गन । जिमिगु भाग्यं करुणामययागु प्रभावं छंगु ख्वाः स्वेदत ।

सन्तान मदया उपोषधव्रत करुणामय भावयानागु पुण्यं दुह्य काय् छख । गुह्यसिया साधु सुपुत्र छह्य जक जूसानं यको धनदुह्य समान ख । सुपुत्रम्ह काय्हीन जुइका च्वनेगु यको धनदुसानं छुयाय् छुं शोभा मदु दुने फुस्तुगु बांमलागु थल तुल्य खः ।

अबु माँ निम्हसिनं धर्म कर्म याना सुख बोगु काय्यातहे खः । अमूल्य महारत्न धन दुम्ह धाइ । छाय् धासा अन्त्ये अग्नि संस्कार जल तर्पण पिण्डदान आदि याना स्वर्ग वनेदैगु ज्यायाना बीम्हखः ।

निश्चयमेव पलेस्वां चकंक होया च्वंगु स्वेथ्ये छंगु ख्वा स्वेदत । जिमिसं कमाय् याना मुंका तयागु धन संपत्ति सफल जुल । जिपिं निम्हयात सेवा भक्तियाना छं यःगु तक नया आनन्द याना च्वं । जोगु कुलव्यवहार बांलागु ल्यया मभिगु तोता सद्धर्म ज्ञान म्हसीका त्रिरत्नया शरण वना अर्थजन याचकपिन्त दान बिया धर्म म्हसीका च्वं ।

थुगु प्रकारं परस्पर खँ ह्लाना च्वंबल सिंहलसार्थबाह्य रत्नाकर समुद्र वना लिहांवल धागु खँन्यना न्यास (५००) बणिजालपिनि माँ अबु गुलिसिया कला काय् म्हाय् गुलिसियां दाजु किजा तथा कका परिवारपिनि मन आनन्द जुइका मालिकया छेँवल सिंहलसार्थया ख्वा स्वया कुशलया खँ ह्लाना लिपा जिमि जहान्पि गो धका न्यन ।

सिंहलसार्थजु खोनि वेका नोः मवास्ये ख्वा खिउका च्वन । खँ न्यंबपिं सकसियां छाय् खोबि वगु नोः मवास्ये छाय् च्वनागु जिमि सकलया मन ग्यात शरीर कंप जुल छु जुलख उगु खँ धै बिज्याहुं ।

સકસિનં થથ્યે ન્યસ્યેલિ ઝસુકા તયા ચીસકં ધાલ । મો કકા દાજુ કિજા બાબા
નિનિ તતા વ્યર્હેપિં સકલ ! ન્યનાં દિસં બિજ્યાહું । જિ છુયાય્ જિપિં પરદેશવના કર્મ
મોગયા દોષ ધ, જિનાપં વપિં સકલેં જિ બોનાયંકાર્પિનં ધઃ । થુપિં સકલેં મૃત્યુ જુડ
ધુંકલ મન્ત । જિ યાકચા જક ઇશ્વરયા પ્રભાવં છે થ્યંક વય્ ફત ધયા – મ્યેગુ છે ફુકં
ચ્વં નિસ્યે કના થઃનં મોસુત ।

થુલિ છે કંગુ ન્યને માત્રં છે ન્યંવપિં સકલેં છગુ પાઘં હુનુનું તસ્સકં બિલાપ
યાત । ધૈર્યયાય્ મફયા ગુલિ મૂર્છા જુલ, ગુલિ હાહા જિ કાય્, ગુલિ હાહા જિ
પ્રાણ સ્વામી, ગુલિ હેદૈવ જિઅબુ, જિદાજુ, જિકિજા – જિ કાય્ચા, જિછય્, જિપાજુ,
જિભિચા ઇત્યાદિ થઃથ દાતાપિં નામ કયા ગ્વારા ગ્વારાતુલા બિલાપયાપિં ।

ઉગુ બહતસ સિંહલ સાર્થવાહજું ફકો ધૈર્ય યાકા થુપિં બિલાપયાપિન્ત હેકા
ધાલ । હે કકા તથા સકલ ! ન્યના બિજ્યાહું ન્યના દિસં થવ કારણ સ્વૈગુનં દોષ મહુ
થઃથઃગુહે દોષ ધઃ । ધોયા ધકા હાનં મ્વાના વડગુ મહુત । લિફ સ્વેમતે ધાય્કં લિફ
સોગુ દોષં સકલેં સલમ્હં કુતુંવના ફુત । જિ લિફમસોધાગુલિ જિછમ્હમાત્ર બચેજુયા
વયા છે થ્યન । તથાપિં છમ્હજા સકલેં મૃત્યુ જુડિતિનિ બિલાપ યાય્ગુ તોતા માગુ કુલ
ધર્મયા જ્યાયાના બિજ્યાહું દિસં ધયા બિલાપયાગુ દિકલ । અનંલિ ફકો ધોરયાના સકલેં
થઃથઃગુ છે લિહાં વન ।

તસ્મિન્નવસરે તત્ર રાક્ષસી સાતિ મુન્દરી ।

મૃત્વા સિંહલસંકાશં પુત્રં ધૃત્વા સમા યયૌ ।

ઉગુ સમયે અન ગુહ્યજા તામ્ર દ્વીપં વહ્ય રાક્ષસી (લસીં) અતિનં બાંલાગુ મુન્દરી
તથા મોહિની રૂપ જુયા સિંહલસાર્થવાહયા ધ્વા લસીવેક માયારૂપ કાય્મચા છહ્યનં
ઉત્પન્ન યાના (થમં જન્મ યાનાહ્ય થ્યે ચ્વંકા ધે:પુના બુયા સિંહકલ્પ નગરે દ્વાહાવલ ।
થવ લસી મુન્દરી મિસા જિલહા જુયા સિંહલસાર્થવાહયા છે ગન ધયા ન્યના જુલ છહ્ય
નિહ્યસ્યે હુંકનહું ધયા છે વ્યના બિલ ।

તીજક વયા સિંહલસાર્થયા છે વ્વસં લુખાસ ચ્વના ચ્વન । લેં વપિં અનયા જલ-
હલપિસં ધન થવ મિસા ગુલિ વાંલા હાનં મચાછહ્યનં થવછે ચ્વંહ્ય સિંહલયા ધ્વા

तसीव । परदेशं ह्मिग तिनि थ्यंकवल थौं थ्व मिसा थन वया च्वन थ्वसुजुइ धका छह्यसिनं न्यना स्वत । अरे वयहेंमेजु ! छःसु छाप् थन वया च्वनागु छंगुनां छु । थ्व सुन्दरीरूप मिसां मिखास जाय्क खोबि वेका धाल । जि ताम्र द्वीपस राजाया पुत्रीख जिगु नाम सुन्दरीका देवी जि मां अबुं ताम्र द्वीपस ऋह्य सिंहलसार्थवाह यात कन्या दान याना बिल निह्यत्यपु स्नेह प्रीतिजुल थ्व काय् मचा छह्यनं दत ।

वेक पुरुष नापं वया छथाय् नदीस द्वंगाया च्वनाबले गोफे वया द्वंगा फतापुलीथ्ये जुल वल्ल द्वंगापारतरे जुल छुं मजु । अनं वया जित तमं वयना छ मिसा अमंगल-म्हनाप च्वना वयागुलिं द्वंगा फाता पुले त्यन फाता पुगु जूना छुगति जुइगु धया छथाय् बने तोता थः याकचा छे ऋल । वेक जिस्वामी ख जि राजपुत्री स्वामीभक्ती पतिव्रता धर्मे च्वनाह्य ख । बुलुहुं स्वामीया छे वया तले वने मछाला थनसं च्वना छिकपिसं धया जितनाप लाकानापं होने दय्का ब्यूसा धर्म दै जि पतिव्रता धर्मे च्वनाह्य स्वामीभक्ती ख ।

थ्वं थथ्ये धागुन्यना ज्युका जिमिसं धयाबी धाय् धुंका सकलें तलेवना सिंहलसार्थ तथा वया मां अबुपिंगु न्ह्योने थथ्ये धाल । भो महाजन पुत्र तथा मां अबुपि ! कुने छेक्वें च्वना च्वंह्य काय्मचाया मां छिसंतोतेगु धर्ममखुः राजपुत्री धाल छिसं विवाह याना हयाह्य कलायात बनेतोतेगुनं योग्य मजु थन तलेवा धालकि वइ सता नापं च्वना मागु कुल धर्मया व्यवहारयाना दिसं ।

जनलोकपिसं धागु खंया लिस सिंहलजुं न्यंकल न्यनादिसं थ्व मिसा राजपुत्री मखु जि विवाहयाना तयाह्य कलानं मखु व मचा जिकाय् नं मखु । माया चतकयाय्थ्ये याना हह्य मात्र ज्वीफु थ्व सुन्दरीरूपह्य मिसा साक्षात् राक्षसी सत्यमेव खः ।

थथ्ये धागु न्यना पत्यार मजुया वया मां अबुपिन्तनं धाल । भो महाजन ! काय् नं विवाहयाना हह्य भौमचा अथ्ये कुनेतया तेसज्यु सकसिनं छिकपिन्त धिकार धाइ । उकिसनं राजाया म्हाय् धाल अबुथ्ये च्वंह्य काय्मचा दु थन तलेसता मागु ज्यायाना विसं धया लिहांवन ।

मां अबुपिसं काय्यात धाल हेपुत्र ! छं मछालेम्बा परदेशे वना विवाहयाना हपि मिसात म्येपिनितं यको दु थनतले सति जिमिसं कुनेवना नापं बोनाहय् मज्जुला सकसिनं मुना सोया च्वन कीत धिकार धाइ । काय्मचाया मांख अति सुन्दरीह्य राज-पुत्री हे ख मखुगु धाइला बोनाहति तले ।

मां अबुपिन्तनं काय्मं अथ्येहे खं न्यंकल मां अबुपि ! थ्व मिसा सुन्दरी रूप जुया वह्य सत्यनं राक्षसीखः मनुष्य मखु । जि विवाहयाना तयाह्यनं मखु वं ज्वना वह्य मचा जिकाय् मखु माया चतक थ्ये यानावह्य थ्वैत वास्तायाय् मते थ्व लसीं ऊठ्ठाखँल्लानावह्य माथाय्वनि सुंकच्चं । थ्व मिसा ताम्र द्वीपं वह्य लसीनं कीपि समेत मनुया ला हि नेतवह्य ख गनया सता तले बोनाहय् धयागु ।

मां अबुपिसं हानं धाल हेपुत्र ! आमथ्ये धाय्मते मिसा धैपि सकलें तें मोइबले भातं लसीं धाइगुख छ वखना छाया तें मोयागु युवक युवतीया अवस्थाय् यःयः थ्ये हाला सना ज्वीगु स्वभाव ख थुगु छबार वं न्ह्यागु धासां सहया ।

काय्मं हानं मां अबुपिन्त खं न्यंकल मां अबुपि पत्यार मजुला काय्मं धागु थ्व खं पत्यारया गुलि धाय्गु थ्व मिसां कीपि सकलें नेतवह्य लसींख मनुमखु । थ्व लसीं मिसा दुकाल धासा जि प्यहां वनेगुपक्का । काय्मं थ्ये धास्येलि काय्पा मयह्य मिसा जिमिसं दुकाय् मखुत धया थ्वहे खं सुन्दरी जुया वह्यायात खँन्यंका स्वाल छं यथाय्हुं धया छेत ।

थथ्ये धागु खं न्यना थ्व भेशधारी सुन्दरी मिसा अनमव्वंस्ये सिंहकेशरी जुजुया थासे वन । थ्व सुन्दरी मिसा काय्मचा बुया लुखापिने च्वना लोवपि सकलयात मोह जुइका च्वन । उगुवखतस थ्व सुन्दरी मिसा खना सकलया लोवकाच्चंगुलि मंत्रीपिसं जुजुयात बित्तियात । भो महाराज ! आपालं सुन्दरीम्ह मिसा छम्हस्ये काय् मचा छम्ह बुया कीगु द्वारं पिने च्वना च्वन सुजुइमस्यु ।

थथ्ये धास्येलि जुजुं मंत्रीयात धाल आम सुन्दरी मिसा जिनंस्वये थन बोना-हति । थथ्ये जुजुं आज्ञा जूथ्ये मंत्रीपिवना थुम्ह सुन्दरी मिसायात खँ न्यंका जुजुया

थासेयंकल जुजु खनेवं प्रणामयाना छथ्ये च्वन । उगु बेलास जुजुं व सुन्दरी मिसा
खना राग मोहं तोपुगुलि ताउति स्वया च्वन । लिपा जुजुं न्यन छगनं वयाहा गन वनेत
वयागु । छस्वया म्हाय् छंगु नाम छु ।

जुजुं थथ्ये न्यस्वेलि थ्व मिसां बित्तियात, भो महाराज ! जि ताम्रद्वीपस च्वंह
राजाया म्हाय् ख जित सुन्दरीकादेवी धाइगु । जि मां अबुं सिंहलसार्थवाह अन
व्यापाद यावहायात कन्या दानयाना विवाह जुल । व स्वामीं जित स्नेह प्रेमयाना
तल थ्व काय् छम्हनं दत भातं छें वनेगु धया मानेयाना बोनाहल लेः ताया वया ।
छथाय् नदीस द्वंगास च्वनाबले गोफेवया द्वंगा फातापुलीथ्ये च्वन नदीपार तरेजुल
इश्वरया कृपां छुं मजुल धका मन आनन्दयाना वुलुहुं वया छें थ्यनीथ्ये च्वंबले छमिसा
बांलासानं अमंगलम्ह जुया द्वंगा फातापुले रयन छत्त छेंयंकैमखु धया बिचेतोता थः
याकचा छें थ्यलक ।

भो महाराज ! जिगु रूप अवस्था थ्वहेख लें शुभ जुइका दया स्वामीया छें
न्यना न्यना थ्यंका । जि काय्था मथ्हु मिसा बांलासानं जिमिसं दुकाय् मखु धया
दुमका । गनवने गनच्वने जुया छलपोल महाराजाया शरण वने धका थन द्वारमूले
च्वना नुग दाह जुइका च्वना । भो प्रभू ! छलपोल सिंहलसार्थवाह जि स्वामीयात
खन्यंका छें दुकाय्गु जतन याना बिज्याहुं ।

थ्व मिसां थथ्ये बित्तियागु खन्यंका भरोसा बिया मंत्रीयात सता जुजुं धै बिज्यात ।
हे मंत्रीजु ! उम्ह सिंहलसार्थवाह यात जि वा धाल धया सता नापं बोनाहति । तथाऽस्तु
याना मंत्रीपि दना सिंहलसार्थ बोनाहया जुजुया न्होने तया बिल । जुजुं धै बिज्यात
हे सिंहलसार्थ ! थ्व राजपुत्री छं पत्नीयात थथ्ये तोतेमज्यु थ्वैगु छुं द्वंगु दुसा क्षमा बिया
छं काय्मचा दुम्ह पत्नी छें यंका पालनयाना ति धर्म तोत्येमज्यु ।

थथ्ये जुजुं धै बिज्यागु ववन न्यना आदर तया प्रणामयाना जुजुयात बित्तियात ।
भो नृपेन्द्र ! थ्व मिसा राजपुत्री मखु जि विवाहयाना तयाम्ह पत्नी मखु मचानं जि काय्
मखु थ्व मिसा सीका बिज्याहुं नर मांस रुधिराहार (मनुया लाहि नैम्ह) ताम्रद्वीपं

थ्यंक वम्ह साक्षात लसीं खः। थ्वं थय्ये धागु खँ पत्यार मयास्ये सुन्दरी रूप खना काम रागं मोह जुया थय्ये धै बिज्यात । हे सिंहल महाराज पुत्र ! छं थ्वपत्नी मयसा थन जिगु छँ तोता थकि । मयम्ह कलायात लसीं मिसा धाङ्गु स्वभाव दु इच्छा मजूसा म्वाल जि पालनयाना तय् ।

थय्ये धागु राजाया वचन न्यना सिंहलसार्थं हानं विन्तियात । भो महाराज ! जि विन्तियानागु खँ प्रतीत मजु थ्व मिसा राक्षसी अबश्यनं खः छलपोलयात थ्व मिसा जिनं ज्युका धया बीनं मद्धा गनेनंमखु छलपोलया इच्छार्थेयाना बिज्याहुं ।

थुलि धया विचारणीय सिंहलसार्थं जुजुयाके बिदाकया थगुछँ वया त्रिरत्न शरण याना मां अबुयात जुजुं धागु खँ कना कन्हेकंस छु विपरीत जुइ न्यनेदै स्येदइ तिनि धया नुगमछिका च्वन । । उखुन्हुया रात्रिस कामरागं भापीमफया थ्व सुन्दरी रूप जुया वम्ह लसीं मिसायात ह्लाः ज्वना जुजुं थःगु कोथास बोनायंकल उगु बेलास थ्व सुन्दरी मिसा राजां धाय्ये च्वना राजायात मोहयाना थःगु बसे काल ।

एवं सा राक्षसी नित्यं रमयित्वा यथेच्छया ।
नृपतिं तं बसी कृत्य स्वच्छन्दं रमचारयत् ।

थुगु प्रकारं थ्व राक्षसीनाप ह्लिह्लि कोथास च्वना थःगु इच्छार्थे क्किडास भुलेजुया च्वगुलिं थ्व जुजुयात थ्व सुन्दरीरूप स्त्रीनं वशीकरणयाना तगुलिं जुजुं भापीमफया उम्ह मिसां धाय्ये च्वन । थुगुतालं न्हेन्हु दुबले रात्रिया प्रथमइले निर्ये जुजुयात हानं राजगृहे च्वं पि फुकसितं मोहतं द्रायाक्ये न्ह्योवेका बिल ।

उगु समये थ्व सुन्दरीरूप राक्षसी बोयावना ताम्रद्वीपे थ्यंका अन च्वं पि लसींत (पाशापिं) फुक सता छिमिसं सोइगु गुलितक ला हि नय्गु इच्छादु आः थय्ये जिनापं वा बिस्तारयाय् मते याकनंनुः धया राजगृहे राजा तथा स्येपिन्तनं बसीकरणयानागु खँ कना सकल लसीं पाशापिन्त लःताय्का नापं आकाशमार्ग पंछिथ्ये बोयावया जुजुया छँ थ्यंका न्ह्योवया च्वं पि सकल स्वया लेःताया बिचारयात ।

सर्वेऽपि भक्षिता स्ताभि राक्षसी भिर्नुपादयः ।

जना राजकुल द्वारं नोर्घाटित मुषस्यपि । इत्यादि ।

उगु बखतस थुपि थ्यंकवपि लसीतेसं अन राजगृहे न्ह्योवेका च्वंपि जुजुं निस्ये सकलयात बिहोस याना ह्लापालाक ककु व नुगपास च्वंगु मुख्यगु हि तोनालि स्याना राजकुले लुखाय् पाचवना च्वंपि समेतयानं न्ह्यलंमचागुलिनं थुमितनं अथ्येहे याना स्याय् धुंका लसीतेसं तृप्तजुइक ला हि भक्षययाना (नया) सिधेकल । । थुगु प्रकारं राजगृहेच्वंपि सकलें लसीतेसं स्याना भक्षययाय् सिधेकूगुलि सुथसिया सूर्य उदय जुया वस्येलिनं मूलुखां निस्ये गनं हे खापामचा मनुष्यपिनं गनंहे खनेमदु गनं छुं हागु शब्दनं मदु अनच्वंपि मनुष्यपिगु लानया हितोनाजूपि लसीत पिहां मवस्ये गुलि गोतुला च्वंपि गुलि ला नया सवाकया च्वंपि गुलि हि तोना ला वांन्याना चुचु प्याना सवाकया च्वंपि । उगु इले अन च्वंगुहे लानयाजूपि गृद्ध इमाको इत्यादि कुपंछिपि थःथःगु तालंहाला अन छेया फुसेबोया जूपि गुलि राजगृहेथाय् थासेजुना हाला च्वंपि खनेदत ।

उगु बखतस मंत्री तथा राजाया कर्मचारिपि नित्यथ्ये जुजुया छे वनेत वपिसं थुजागु कुलक्षण खना थन थौंया अबस्थास छु हेतु जूगु थव तस्सकं बांमला धया आश्रयं जुइका धन्दाकया च्वन । आतकं मूलुखास खापानं मचा कुपंछित हाला चाहुला जुल थव अवश्यनं भिगु लक्षण मखु जुजुया छे छु उपद्रव जुल धका प्रजालोर्कापि सकलें अद्भूत जुइका थस्वया च्वन ।

थुजागु उपद्रव खना सिंहलसार्थवाहजुं सकलयात तबह बिया धाल । जुजुयात स्याना- नल जुइ उकीं पंछित बोयाजुल । जि धयागुखें पत्यार मयागुलि थुजागु उपद्रव जुल व उखुन्हु वम्ह सुन्दरी रूप मात्र साक्षात् भयंकर लसीं मिसा खः । जुजुया प्रेमयाना छे तयातगुया कुफल पिहांवगु खः । अनछे लसीत अवश्यनं दु ताहाकगु स्वाहाने कयाहति धया छोट । सकलें ग्याय्म्वाः जित भरोसाव्युः । जि जुजुया छे वने धया कण्णामयं वरदान बियातगु चन्द्रहास खड्ग धरेयाना षडक्षरि हृदयमंत्र बोना राजाया छे द्वाहां वनेत पखाले स्वाहाने धंका गया पखा पुला वना सकभनं तले कुने कोथापत्ति स्वोबले थाय् थासे राक्षसी गणपि (लसीत) पुच पुच मुना अनच्वंपि मनुष्यपि स्याना ह्लाः तुति थ्येथे आतापति स्ये सों नुगचु बांबां न्वाना न्यासि चाया ह्लिला च्वंपि खन ।

गुम्हजा धर्मया शरीर पराक्रमि सिंहलसार्थवाहं चन्द्रहासखड्ग हीकावगु लसीं
तेसं खनेवं त्राहि जुइका फित थ्वं स्याइन थन च्वनेमजिल धया थमंथमंनया च्वनागु
तोता गुलिमनुष्यपिंगु ह्लाःतुति खंपा छयों ज्वना आकाशमार्ग बोया अन देशेच्चपि
लोकपिसं खंक थुपि लसीं सकलें विस्युंवन ।

जिराजाया ह्याय् धया वम्ह सुन्दरीरूप क्यना मोहयाना जुजु भातयाना लिपा
भयंकरगु राक्षसीरूप जुया जुजुयात स्याना तृप्त जुइक ला हि नया जुजुया कोथास
मुल'च्चम्ह मुख्यम्ह लसीयात ककुज्वनाहया नयागु सिखलं जंय्चिना थामे तः क्यंका
दाया कसा यात । थ्व भयंकर रूपम्ह लसीं खना मग्यापि छम्हमदु सकल सोवपि
थ्वंगु रूपखना त्राहिमानं ग्याका हीही धका हाला च्वन ।

उगु बखते नांयात ल्वेक सिंहथ्ये निर्भययाना सिंहलसार्थवाहजुं सकलयागु खाः
स्वया नोःवात । हे लोकपि! थुजापिंगु ह्लाःतेलापि जिनापं वपि बणिजालपि सकलें
स्याना नयानं मगाना जिछम्ह स्याय् मफया जितनं स्यानान् थका मायां चतक याथ्ये
याना काय्छह्य घेःपुना सुन्दरी मोह रूपक्यना थन वयाह्य छमखुला धया न्यंका व काय्
मचा आःगो गनतया गनछोया धया दाया हानं धाल । हे लोकपि! थ्व सुन्दरीह्य मिसा
थ्वहेख थ्वंगु रूप बांलाक सो धया सकसितं न्यंका बक्तव्य यात थौया रात्रिस पाशापि
समेतहया की जुजुया छे च्वपि सकलें थुमिसं स्याना नेसिधय्कल । आःथ्व लसीं यातगन
तेगु छुयाय्गु ।

उगु थासे सोवपि मां अबुयात स्वया बित्तियात भो मां अबुपि! खन मखुला आः
बांलाक सिलला । काय् नं याना छिपिबचे जुल जिनं सीत्यंगु खः । जिगु छे न्यंगु जुसा
जुजुयानं थुगु छे थुजागु बिध्नोपद्रव जुइगु मखुः ।

थथ्ये धया न्यंके थुस्येलि सकलें विस्युं वंगु स्वया थ्वछम्ह बाकिह्यातनं आवंलि
हानं थथ्ये जम्बूद्वीपस वया थुजागु तालं गुवलें सत्यनं दुःख बीमखुत धका सत्यवचन
ह्लाका ह्लापा थ्वं छुं गुण याना हगुनं लुमंका थ्व लसीं थनसं तयातल धासा फित लिपा दुः
ख हे बीफुः तोता छोयां भों जुइ धया सकलयात न्यंका चिनातयाम्ह लसीयात फेना स्वामी
धका नालावगुलि स्वकतक पालि भोःपुइका तोता बिल । लाज जुइका क्वछुना क्यबे

बंम्ह थःगु बाहुबलं लसीं आकाशमार्गं बोया बिस्युंवन । स्वया न्यनाच्चं पि सकलया
अहो गुजागु अनुभोगयाना वल थ्व सिंहलसार्थवाहजु धन्य धन्य खः थुजाम्ह भयंकरम्ह
लसीं नाप संसर्गयाना वय् धुंकल गुलि मग्यागु ही ही धया सिंहलसार्थयात जय शब्द याना
च्वन ।

अनंलि जुजुया छें मूलुखांनिस्यें सकभनं खापा चाय्के बिया दुने सिना च्वं पि
राजाया ववें म्येपिं नरनारी पशुपंछि इत्यादि सकलयागु दुर्गन्धनं फुकं मामागु थासे
वाके छोया राजमन्दिरे (जुजुयाछें) विद्वांन्गुरू राजपुरोहित पाळ्यें शान्ति स्वस्ति विधि
मंगलयाना सकलया चित्त आनन्द जुइकल ।

उगु अबस्थास मंत्री तथा म्येपिं उच्च पदाधिकारपिं राजा च्वनीगु सभाय्
च्वना प्रजालोकिपिनं सकलें निमन्त्रणायाना मुख्यम्ह मंत्रीजुं थथ्ये खँ न्यंकल । हे प्रजा-
लोकिपिं! ऋगुदेशे राजाया सन्तान सुहेमन्त सकलें सिनावने धुंकल । आः थन सु राजा
याय्गुखः । धर्म न्यायनीति करूणादुम्ह शास्त्रबान् पराक्रमि दुःख सुखया अनुभोग
दुम्ह राजा ल्येमाल ।

थ्व खँ न्यना अन च्वपिं सकसिनं थुगु प्रकारं वांलाक ब्रित्तियात । गुम्हजा
पराक्रमि न्याय नीति धर्मशास्त्र इत्यादि स्यूह्य करूणादुह्य चतुर दया चित्त प्राणिउपर
शुभ कल्याण याय्गुलि अलासि मचाह्य थुजाह्ययात त्यया राजाया पद लःह्लाना कीसं
मानेयाय् योग्यजु बर्तमान कीगु देशे सकलें थःसमान भापीफुह्य सत्ज्ञानिपिनि मालिक
सिंहलसार्थ समानह्य म्येपिमखना ।

अतः— थ्वैतहे राजायाय्गु शोभाजु धका सकसिनं अनुसति बिल । मंत्रीपिसं
थिक घाल ज्यु योग्यह्य महापुरुषख थ्वैत जुजु याय्गु निश्चययात । थ्व छें
लिहां वने धुंकल याकनं सता नापं बोनाहति धया सतके छोत । राजाया ज्या याइपिं
वना सताहया जुजुयाछें सभाय् न्ह्योनेतय्हल । भो महापुरुष सिंहलसार्थ ! सकलया
राजा याय्गु बिषये छपिन्त इच्छायात धैगुखँ कना आदर तल ।

सिंहलजुं उत्तर बिल — जुजु जुइधैगु जित योग्यमजु क्षमायाना बिज्याहुं योग्यह्य
सुख वइत या जिछह्य व्यापाद बृत्ति बणिजाल जीविका याना च्वनाह्य जिनं राज्य-
यागु भारकया सकलयात सन्तोषयाय्गु गथ्ये फइ ।

थय्ये धास्येलि हानं खं न्यंकल थुगु समये किन्तु छपितुल्यहा योग्य पुरुष थन कोगु देशे म्येपि माले थाकुल अध्येया निर्मित जुजुया अबिभार कया बिज्याहुं । छपित धाय्मागु मखुत स्वयंसिया च्वंहाखः । छुयाय् छपिगु बचन पालन मयागुलि थुगु गति जुल । सिंह केशरि जुजु तथा वया वंश सन्तानपि फुकं लसीतेसं यमलोके छोया बिल वया सन्तान हीन जूगुलि थ्व ज्या याय् मागुख जुजु जुइगुलि छपिसं मन तया बिज्याहुं ।

थय्ये मंत्री राजगुरुपिसं धागु न्यना हानं सिंहलजुं बोधयात । भो मंत्रीगण तथा सकल योग्यपि ! न्यना बिज्याहुं जित जुजुयाय्गुलि अनुमति विस्स्येलि जिनं इच्छायाय् तर धर्म शास्त्रानुसारं न्याय नीति याय्गुलि सकलया इच्छा दुसा जक जुजु जुइगु जि इच्छादु । । थय्ये धागु न्यना जिमि सकलया छपिसं धं बिज्यागु खं अत्यन्त योग्यगुख जिमिसं शिरेतया मानेयाय् थुजागुहे ज्याखं याइपि कीतमाला च्वंगु खः छपिहे योग्यजु योहे जुजुया पदवि कया बिज्याहुं ।

हानं सिंहलसार्थजुं सकलया ख्वाः स्वया भिगुखं धं बिज्यात । गुगुजा सत्य धर्म न्याय नीतिस सकलं च्वनेमा सकसिनं स्वया अनुभोगयाय् धुंकूगुनंखः । सुन्दरीहा मिसा छह्य यम देशे द्वाहां वया राजगृहे छु उपद्रवयात सुनां याना जूगु थुगु उपद्रव सुनां छु धर्मया प्रभावं शान्तियात छु धर्मं जित्यात धर्म धैगु छुखः धर्म गुजागु धर्म गन बु धर्मगन च्वना च्वन । थ्व मुख्य सीकेगु ज्ञान खः अहिंसा अनित्य दुःख अनात्मा सद्धर्मं बुद्धचयं त्रिरत्न (स्वंग रत्न) गुजागु खः ह्यसीका भक्तियाय्गु बुद्धरत्न-धर्मरत्न-संघरत्नपिगु सेवाभाव एकाग्रचित्तं सर्वदा पुण्य कमाय् याय्गुलि ध्यान तय्मा । थः समानं प्रेम भावं जनलोकपिन्त हित सुखयाय्गुलि चित्तवंका नित्य उत्तमगु सद्धर्म ह्यसीका ज्यायाय्मा । । एवं प्रकारं जानामृतया खं (न्यायनीति धर्मया शिक्षा) सकसिनं न्यना आपालं सन्तोष जुइका छपिगु उद्देश्य तःच्वकं बांला धया तथाऽस्तुयाना जिमिसं आनं लिपानं कल्याण जुइगुखः धका सीके धुन निश्चयमेव जिमिसं याय्गु जुस धया कबल यात ।

अनंलि मंत्री राजगुरु पुरोहित महाजन सज्जनबगं प्रभीति सकलं छगु मतजुया सिंहलसार्थयात राज्याभिषेक बोगु ज्या आरंभयात । राजमन्त्रिरे राजगृहे देशे

सकभनं बांलाक शुद्धयाना बांलाका छत्र ध्वजा पताकादि बोय्का शोभायमानं श्रृंगार
यात । । शुभ दिने राजसिंहासनस सिंहलसार्थबाहयात फेतुका राज्याभिषेक
विधिरूपं याना राजमकुटं पुडका राजछत्रं कुडका जुजु स्थापना याना ज्यासिधेकल ।

अनंलि सकसिनं मंगलशब्द आदर भावं प्रणामयाना थनिनिस्स्ये थ्व सिंहकल्प
देशे सिंहलसार्थबाह जुजु जुल धका देशे प्रजापिन्त न्यंका मंगल बाजा थाका ताय् स्वां
होला सिंह जात्रायाना उत्सवयात ।

अनंलि थ्व जुजुं सकल प्रजापिन्त माया तया परमार्थ बिज्ञान शिक्षा बिया संसारं
पारजुया वनेत बुद्ध ज्ञान ह्यसीगु बोधिसत्वचर्य भिगु जक ल्यया मभिगु मसिया याना
च्वंगु तोतका कुल धर्मेनं बिचार याका बिल ।

थ्व जुजुं शिक्षा ज्ञान ब्यूगु कंगुलि उद्योगयाना लोकपिसं मानेयाका च्वन । मां
अबुपिनं हर्षया सिमानाहे मदेक लेःताया अमूल्य रत्न समानह्य मुपुत्र जन्म जुल धन्य
धन्य सिंहल जिकाय् धका खुसिजुया च्वन ।

छुं लिपा बुद्धयान धाइ महायान बोधिसत्वचर्य त्रिरत्न ह्यसीकेगु उत्तम बुद्धचर्यया
ज्या अष्टमी पर्वकाले बुद्धमण्डल धर्ममण्डल संघमण्डल (त्रिरत्न) एवं अमोघपाश
मण्डल पूजादि उपोषधव्रत थमनंयाना प्रजापिन्तनं याका करुणामय लुमंकेगु षट्गति
दुःखं मुक्तज्वीगु षडक्षरि हृदय मंत्र सट्गुरु द्वारा धारण याका काय वाक चित्तं याइगु
मभिगु (अकुशल) पाप ज्यला वना हानं भिगु ङिगु सुकुशल कर्म याकें पुण्यया शरीर
जुइगु अन्त्ये मोक्षगति मिलेजुया सुखं जुइगु धर्मयाका राज्यशासन भित्तकं याना च्वन ।

थ्व बोधिज्ञान दुह्य जुजु जुस्येलि अन देशे सदानं अनाबृष्टि अतिबृष्टि धैगु
मदया सदानं सुभिक्ष्य जुया च्वन । थुगु अवस्थास सत्य धर्म न्याय नीति बिबेक बिचार
इमान्दारि जुया ज्यायाइपि मंत्री प्रजापिसं सेवा याका धर्मया व्यवहार जूगुलिं
उगु देशे स्वर्गतुल्य धाय्का जुजुनं इन्द्र समानं शोभायमान् जुल ।

अनंलि थ्व जुजुं म्येपि जुजुपिन्तनं धर्मयाका भिगु थःगु इच्छा पूर्ण जुइकल । छन्हू
सभास च्वंबले मंत्री सैन्यगणपि सता थथ्ये धै बिज्यात ।

हे मंत्री तथा सैन्यपि ! जिनं छगु धाय् ग्याय्मते कीगु देशे थ्यंक वया की जुजुया वंशहे मदेक स्याना फुकूपि ताम्रद्वीपया राक्षसी (लसीं) तेत त्राहि बिया थुपिनाप युद्ध याना त्याकेगु जि इच्छा दु शस्त्र अस्त्रमागु थिकया । थन सुन्दरीरूप जुया वह्य लसीं मुख्यह्य खः जिगु रूप खनेवं त्राहीजुइ छाया धासा जिगु स्वभाव वंस्यु-वइगु स्वभाव व च्वनीगु छे जिनंफुक स्यु । भातधका माने यानानं भातस्याना ला हि नैपि । जि व्यापाद यावनाबले जिनापं वपिनं भात धका सेवा याना लिपा मोह विद्यां तोपुया लित बोना ह्यापि फुक यात लिफः स्वका सलम्हं कुतका ह्यति ह्यति भातयाना तयापि ज्वना यंका स्याना फुकल । जि छह्य लिफः स्वके मरुया बचे याना वन धंगु इभियाना थन थ्यंक सुन्दरी जुया वया चछिया दुने जुजुनापं फुका बिल थ्व लसींतेगु युद्ध खः । आ मनुष्य-तेगु युद्धयाना थुमित याय्गु जिनं बिचार याय् धुन बिस्तार थाय्म्वाल आपालं सैन्य-पिनं म्वाः केहिमात्र दुसागाः । । थथ्ये धै बिज्यागु खे स्वीकार याना मंत्री तथा सैन्यगणपिसं युद्धया ज्वलं मासागु फुकं थिक याना छपिगु आज्ञानुसारं फुकं थिक याय् धुन धका बिन्तियात थिक याना तगुखना लेः ताया थःत मागु ज्वलं फुकं ज्वना म्येपिन्तनं ज्वंका सैन्य रथ इत्यादि धरेयाना शुभदिनस ताम्रद्विप तथा लसींया पुच जितेयाय्गु निमित्ते थःगु देशं प्रस्थान यानावन । ववं समुद्रयासिथे थ्यन तःतः गोगु द्वंगाय् ज्वना यामागुनं मासापि सकलें म्येम्येगु द्वंगस तथा न्ह्याका षडक्षरि मंत्र स्मरणयाना थ्वहे मंत्र अंकीतगु ध्वजा बोय्का छुं बिधनोपद्रव मज्जीक समुद्रं पार-तरेयात ।

उगु बखतस ताम्रद्वीपे बोय्कातगु ध्वजा चतुचुला वना बेकुल । थथ्ये जूगुखना अन च्दपि लसींते फुकमुना मतीसंदेह ज्दीका सल्लायात । हे पाशापि ! ध्वजाया लक्षण वांमला छु जुइन थन देशे सु बीरह्य वल जुइ स्वेमाल धका हाला च्वन ।

मुख्यम्हं धाल हेपाशापि ! कीयाय् छुं बिधन जुइगु मखेकं ध्वजा थथ्ये कंप जुया वेको जुइनखु । कीसं जम्बूद्वीपया लिहकल्प देशे च्वंह्य राजाया वंशहे सून्य ज्वीक स्याना नया वया पक्कानं अन आ जुजु जूह्य कीलिस्ये त्वाय् धका वल जुइ । कीसनं त्वाय्गु ज्वलं शस्त्र ज्वना थिकयाना सुरा जुया च्वनेमाल गुलि लसींते मुख्यपि

मुना समुद्रया सिथे वया सोवल । उगु अवस्थास समुद्रवार तरेजुया आपालं तच्चगु उत्साहयाना युद्धयाय् धका वया च्वंपि सिंहलसार्थबाह जुजु प्रमूखं सैन्यपि मुना च्वंगु पुचखन । खनेवं सिंहलसार्थबाह ह्मस्यूह्म ह्मापा वे धुंकूह्मखः हानं जुजुया छे वया मुख्यह्मयात शिखलं चिना दाया कसायाना ह्मयानाह्म जुजु जुया सैन्यपि गुलि बोनावल । अहो थन च्वना भो जुइ मखुत धया शरीर कंपमानं खाका म्येथाय् बिस्सुंवन । गुलि लसीत छु ल्वाना फुसा त्याके मफुसा सिनावने धका सुरा जुया च्वन । गुलि लसीत ल्वाहे ल्वाय्गु धका न्ह्यलिला च्वन । गुलि लसीत छु जुइनह्ये धयायाना आकाशे थस्वया च्वन । गुलि लसीत व सिंहल जुजुयात स्याना नेफुसाजक त्याके फइ धका मतीतया च्वन ।

अनंलि मनूया कचिगु लानेगु हित्वनेगु भापी मफेक मदिरापान याय्गु लाको पुरुषपि भातयानानं स्याना नैपि अत्याचारीपि लसीत गुलि ल्वाय्गु मती तया न्ह्यार्वपि लसीत स्वया सिंहलसार्थ जुजुया आज्ञार्थे बिद्याधरी रूप जुया च्वंपि सैन्यपिसं थमं थमं ज्वना वयागु शस्त्र प्रहार याना छोट ।

उगु बखतस शस्त्र प्रहारयाना हगुखना मन त्राहि जुइका सीगु भयं ग्याका ह्मापालाक मुख्यह्म नाय लसीं बिस्सुंवन अनंलि म्येपिनं मुख्य मुख्य धापि लसीत बिस्सुंवन । अनंलि बाकि दुपि लसीत फुकमुना सिंहलसार्थ जुजुया न्ह्योनेवया पालि भोपुया बित्ति यात ।

भो महाराज ! जिमिगु उपरे क्षमा तया बिज्याहुं जिपि छलपोल लिस्से ल्वाय् मफु शरण वया जिपि मूखं पापिख अज्ञानी मिसाजाती शरण वपिन्त प्रहार याय्गु राजाया धर्ममखु । निर्बल मिसापि जिपि शरण वयापिन्त मोचन याय्गुनं योग्य मजु । थय्ये शरण वया बित्ति यावपि लसीतेत स्वया सिंहलसार्थजुं धै बिज्यात । शरण वपिन्त मरणयाय् मज्यु धैगुखँ जिनंस्यु आ शरणवपि छिमित स्याय् मखु । तथाऽपि जि धयागु खँ छिमिसं सत्य वाचा याना न्यनेमा ।

थुगु बचन न्यना लसीतेसं हानं बित्ति यात । भो नृपेन्द्र प्रभू ! छु सत्य कराल याय् माल याय् त्यना आज्ञा देका बिज्याहुं ।

गुह्यजा दयादुह्य सिंहलसार्थजुं हिला धै बिज्यात । जि छिमिगु स्वभाव फुकंस्यु जि थन ह्लापा न्यास (५००) बंजा पाशापि मुंका वया बलेनं व पाशापि फुकं ह्यति छह्य छह्य यंका स्वामी याना नका त्वंका लिपा वहे स्वामी यात स्याना नेगुम्बसा यागु सीका सलया म्हेय्चवना लिहां वनापिन्त लीहया अनेक तालं मोहयाना खं ह्लाना लिफः स्वका सलह्यं कुतका छह्य छह्य ज्वना यंका स्याना नल । जि छह्य बाकी जुल धका सहयाय् मफेका जिमिगु छे थ्यंक वया जुजुया खलपिं दक्क स्याना नया बिस्सुं वल खला । छिमि मुख्यह्य सिनं जित स्वामी यात जित नेमफुनि व आ गनवन वैंत सता जिगु न्होने तेह्यगु छिमि समर्थ दुला ।

हानं धाय् न्ये जित भातयाना च्वंह्यसिनं तच्चगु अपराध यात आव छिमि मालिक खः व गन च्वना च्वन क्यना बीफुसा छिमित सिलपाबी । जि वया त्वावथागु कारण थ्वहे खः । आ छिमिसं जि धाथ्ये च्वने धाल छिपिं फुक अत्याचारी लसीत खः । छिपिं फुकं थुगु नगर ताम्रद्वीप तोता म्येथाय् च्वंहुं थ्व नगर जि त्याका काय् धुंसानं छिमित अथवा म्येपिन्तनं छुं अपराध याय् मखुः ।

आवंलि म्येपिन्त स्याय् मखुत थन तोता म्येगु थासे वनेगु सत्यनं जुल धका सत्य बाचा यानाहुं छिमिसं धागु बचन जिनं स्वीकार याना छिपिं शरण वपिन्त तोता छोये छिमिगु अपराध सहयाना क्षमायाय् छुं याय्मखु धन्दा कायम्बाः । एवं प्रकारं क्षान्ति-पारमिता ज्ञान न्ह्यलुइका सिंहलसार्थ जुजुं आज्ञा जूगु बचन न्यना थ्व शरण वपिं लसीं सकसिनं सत्य ३ नं जिपिं म्येथाय् च्वंवनेगु पक्काखः । जिमि नायनी जिमिसं थन वन अनदु धंगुनं मस्युः । आवंलि थुजागु अपराध ज्यानं याय्मखुत धया फुक लसीतेसं अन बिज्याह्य जुजु सिंहलसार्थया पालि भोपुया उखुन्हुया दिनेहे बिदाकया म्येगु बनान्तर पुला ग्रामे वास यावन ।

अनंलि ताम्रद्वीप देश बिना हिसा याकें पराजित याना (त्याका) उगु नगरे सिंहल जुजुं मंत्री सैन्यपिं जन लोकपितया वैज्ञानिक शिल्पबिद्या धर्मया ज्यायाका सकल-यात कल्याण जुइगु क्रिया क्यना धर्मया उत्सव याका आनन्दं बासयात ।

अनंलि छुं लिपा अन देशे मनुष्यया इन्द्र समान जुया च्वंह्य सिंहलसार्थ जुजुं ताम्रद्वीपनगरे स्वयंभूज्योतिरूप पंचतथागतालय त्रांलाक चैत्य छग निर्माण याना

धर्मोत्सव याय्धुंका उगु ताम्रद्वीपयात थःगु नाम अंकीतयाना सिंहलद्वीप धका नाम प्रख्यातयाना बिल । ० । सिंहलसार्थबाह जुजु जुया उजागु अनुभोग दुःख सहयाना करुणामय भक्ति जुया उगुदेशे भिगु ज्या याना याका दीर्घायु जुया छन्हु अनित्य शरीरख देहान्त जुया स्वर्ग लोकेत्रायत्रिंशा भुवने आनन्द बासया वन ।

गुह्यजा शाक्यमुनि भगवान् बुद्ध आपालं शिष्यगण भिक्षुपिं सहित याना सर्वणीवर्ण बिष्कंभि बोधिसत्व न्होनेतया थथ्ये आज्ञा देका बिज्यात । बांलाक बिचारयाना सीकि गुह्यजा उगु बखतस सिंहलसार्थबाह जुजु जुया वह्य थुगु समये जिखः ।

उगु समये राजा सिंहकेशरि थुगु समये जि जन्मजुयागु थासे अनंलि छें माक्व बिचारयाना शुद्धोदन राजा जिपितायात दयातया च्वंह्य जि कका धौतोदनखः ।

अनंलि सिंहलद्वीपस जन्मजूपिं उगु बखत यापिं राक्षस राक्षसी सकलें सिंहल राजाया लिपा प्रजागण जूवल ।

ताम्रद्वीपं सिंहल बणिक् पुत्रयात रक्षायाना ह्ह्य अश्वराज (सल) म्येह्य मखु साक्षात् आर्यावलोकितेश्वर करुणामय धका थ्वीकि ।

उगु बखतस वसपोलं मतस दुबिना सिंहलसार्थयात उपदेशबिया रक्षामयागु जूसा लसीया म्हुतुस द्वाहांवने मालीगु खः ।

गुह्यजा त्रिभूवनया नाथ धाय्का बिज्याह्य करुणाया शरीरह्य गुलिसिन वसपोलयात बोधिसत्व महासत्व लोकेश्वर लोकनाथ धकानं धया तल । सकल सत्वयात करुणाया दृष्टि स्वया बिज्याइह्यखः । स्वर्ग मर्त्य पाताल आदि यमपुर नरक प्रेतालये सकभनं भ्रमण जुया दुःख सियाच्वंपिं पापितेत अनेक रूपकया दुःखं मुक्तयाना बिज्याइम्ह जुया थ्वसपोल समानम्ह लोकेश्वर स्वर्ग मर्त्य पातालेनं दुगु मखुः ।

थ्वसपोल करुणामय दक्व प्राणिपिनि राजा तुल्य धर्मराज धाय्का बोधिज्ञानया शिक्षा बिया उपकारी जुया च्वंह्य दया माया करुणाया खानि जुया च्वंह्य, पुण्यया प्रभाव क्यना सकल लोक धातु भुवनेसं करुणाया रस्मि उज्वल ज्वीक थिना प्रकाश मान जुया च्वंह्य खः ।

श्वसपोल करुणामय म्हसीका निन्दामयास्ये सुतां भाव भक्तियाना च्वनि उजापिं
दुर्गति वनेम्वाला क्रमशः बोधिसत्त्व पदविलाना सुखावती लोक धातुस अमिताभ
तथागतया न्होने च्वना सदानं सद्धर्मया अमृतत्वना जगत् हित ज्वीगु चर्ययाना
च्वनेदं । अनंलि बुलुहुं (यथाक्रम) संम्यक्संबुद्ध पद प्राप्त जुया निर्वाण सुख
लाभजुइ ।

थय्ये धका सोका श्वोका गुलि ज्ञानिपिं मनुष्यपिसं संम्यक्संबुद्ध निर्वाणपद
लाप्पुनं इच्छायाइ । उम्ह ज्ञानिजनयात करुणामय लोकनाथया शरणे च्वना सेवा
भक्ति यागुलिं कल्याणकारि सदानं जुइ ।

गुम्हजा सकलया गुरु जुया विज्याम्ह शाक्य सिंह (शाक्यमुनि) भगवानं थुगु
प्रकारं आज्ञादेका विज्यागु अमृत बचन अन च्वंपिं सकल सभालोकपिसं न्यना चित्त
संतोष जुया अत्यन्त हर्षमान जुइका धन्य करुणामय, धन्य भगवान् बुद्ध, धन्य
सिंहलसार्थबाह, धका प्रशंसायाना उपदेश बिया विज्याम्ह भगवान् बुद्धयात प्रदक्षिणा
याना पालिस भोपुया विन्तिपूर्वक बिदाकया थःथःगु थासे बासयावन । ० ।

— थुलि खें सिंहलसार्थबाहया जातक जुल —



थुगु खें गुणकारण्ड ब्यूहसूत्र १५ अध्याये उल्लेखित दु ।



श्येननृपावदान

नमः सर्वबुद्ध बोधिसत्वे भ्यः
सकल बुद्ध बोधिमत्यगिन्त नमस्कार

अनंलि छुं लिपा हानं जेतवन विहारे बिज्याना च्वंम्ह सर्वज्ञ गुरुयात लुमंका
ह्लापाथ्ये भिक्षुगण तथा उपाशिकोपाशिका राजा मंत्री सार्थब्राह्म अनाथ पिण्डक
महाजन बणिज साधु सज्जन श्रद्धालुपिं वया वसपोल भगवान् गुरुयात चाहुला पालि
भोपुया मामागु थासे क्रमानुसारं च्वना भगवान्यागु ख्वा स्वया सकसिनं ह्लाः
बिन्तियाना अनित्य ससारं बिरक्त जुया त्याग वित्त जुइफइगु हानं दानपारमिता
सद्धर्मया खँ न्यनेगु इच्छायाना च्वन । । थुगु समये आनन्द महाभिक्षु न्ह्योने
च्वना प्रणामयाय् धुंका बिन्तियात । भो भगवान् महागुरु ! सकलया दुःखं मुक्त
जुइफैगु त्यागोपिगु खँ हानं न्यनेगु इच्छायाना च्वंगु दु सकसिनं बखत जुल आज्ञा
जुया बिज्याहुं ।

थथ्ये आचर तथा बिन्तियास्थेलि ध्यानलोचन जुया च्वंम्ह सर्वज्ञ भगवान् गुरु
ध्यानं ह्लापायागु खँ लुमंका सकलयात स्वया बिस्तारं थथ्ये आज्ञा जुया बिज्यात । हे
आयुष्मान् आनन्द ! सकसिनं मनस्थोर यानान्य ।

ते जयन्ति जगत्सस्मिन् पुण्य चन्दन पादपाः ।
छेद निर्बन्ध दाहेऽपि येपरार्थेषु निर्बन्धथाः । इत्यादि ।

श्व अनन्त संसारे सुगन्ध वासना मध्ये च्वेलागु उत्तम पुण्यया प्रभाव प्रकाश
जुइथ्ये प्रकाशमानगु श्रीखण्ड सिमाखः । परोपकारार्थे (परयात हित सुख कल्याण
याय्गु कारणे) व श्रीखण्ड सिमायात कचापत्ति थाय्थासे ध्यना अनेक धूप वास

इत्यादिस प्रयोगयाइ । व सिमायागु सुगन्ध बासना मदेके फइमखुः अथवा चूर्णयाना मितया दाहयासान दुःख पीडछुं मयास्ये कन हर्षयाना च्वनि । थ्व सीका धर्म याइपिनि सदानं कल्याण जुइ । गुणया संख्या गननायाय् थाकुगु अर्थात् असंख्य गुण तथा प्रभाव दया च्वंगु छु धासा इन्द्रया नगर खः स्वर्गलोक । थ्व समानगु अरिष्ट नाम जुया च्वंगु पृथिवीस छगु देश दया च्वन ।

थ्व देशे गुणया समुद्रतुल्य जुया रत्नया खानि समानम्ह श्येन नाम प्रख्यात जुया च्वम्ह जुजुं बासयाना च्वन । थ्वया अबु जयश्येन क्षत्रिजाति थ्वया पत्नी पुष्पावती महारानी खः । थ्वंगु गर्भं जन्मजूम्ह श्येन जुजुया पत्नी जयप्रभादेवी महारानीनाप आनन्दं राज्ययाना च्वन ।

थ्व जुजु त्यागी स्वभाव परजन हितकारि धैर्यवान् बुद्धिदुम्ह सूर्यया तेजथ्ये सकभनं दिशा विदिशाय् च्वंपि नाप आपालं स्नेह प्रीतिदु । अत्यन्त शिल्पशास्त्रं पूर्ण-म्हजूसानं अभिमान छुं मयाम्ह । च्वे लागु बुद्धिदुगुलि पाप चित्त स्वार्थि मभिगु ज्या याय्गु छुं इच्छामदु । प्रजापिगु पुण्य याक्ये गुणिक राजा जुया च्वन ।

गनतक सूर्ययागु तेजंखया च्वनि अनतक बायु बहनजुया च्वनि । वथ्ये व राजाया यशकीर्ति बाक्य सकसिनं मल्लास्ये च्वनेमफुः । आपालं ज्ञानिगुणिकपि दया भिगु कार्ये उत्साहयाना च्वंपि हानं खुगु प्रकारया ज्ञानगुण खंपि फिनिद्वल (१२०००) सज्जन विद्वान्बर्गपि तथा मंत्रीपिसं थ्व जुजुयात सेवायाना च्वन । थुजाम्ह जुजुया देशबासी प्रजापिनं धर्मयाय्गुलि उत्साहयाना च्वन ।

स्वामीयागु गुणयाना स्त्रीजनपिनं गुणिक जुया च्वनीथ्ये राजा प्रजा लोया च्वन । थुम्ह जुजुया पुण्यानुभावं प्रजागर्णपि बिमाने च्वना स्वर्गे वंगुलि इन्द्रया देशे शोभाजुया आपालं मनुष्यपि बांलाना च्वन ।

एवं प्रकारं देबलोके मनुष्यपि आपालं वगुखना अनयाजुजु देबराज इन्द्र थ्व श्येनजुजुयात शत्रुभावयाना विचारयात । अहो आश्चर्य ख कल्याणकारि जुया च्वंगु स्वभावम्ह थ्व श्येन जुजुं मर्त्यमण्डलया थःगु देशे च्वंपिन्त नित्य दानयाना

लोकपिंगुनं जिगुनं मन हरण्याना च्वन । श्व एकचित्त जुया श्वेनजुजुया नित्य दान
याना च्वंगु गुलितक बःला सीकेत जिनं छक म्येगुहे छगु माया रूपकया वइके गुलितक
चित्तत्याग धैर्यदै श्वंगु थासे वना बिचारयाना सोवने माल धका ताउति चिन्तनायाना
देवलोकपिं केहि लिउने तथा देबराज इन्द्र थःगु रूप तोता म्येगुरूप जुया मर्त्यलोके
क्वाहां बिज्यात ।

थुगु समये प्रजायागु देशे बांलाक बिचारबान् भिगु मन शुद्धह्य मंत्री वया जुजुया
न्होने थथ्ये बिनित्यात । भो महाराज ! छपिसं पापचित्त मयास्ये जुजुंयाय्मागु
पराक्रम क्यना माया छुंहे मतस्ये नित्य त्यागचित्तं दानयाना बिज्यागुलि मनुष्य
राजापिं जकमखु देबताया राजा इन्द्रहे आश्रय जुइफुः ।

म्येपिंके आपालं गुणदुगुखना नुगदाह जुइपिं दु । थःके थुजागु गुणछुं मदया च्वनि
थुजापिं पाप चित्त जुया च्वपिनि जिनं थथ्येयाय् धका मती दाह जुइका सुनां जक
थथ्ये घमण्डि मयाइ । परया धर्मयाना भिना च्वपिंके इभि दुपिं घमण्डि याइपिं मनुते
मती दाह जुइका इतः मतः कना छुयाय् गुगुयाय् जुया च्वनि । भो महाराज ! छपिनि
थगु सबहे दानबीगुलि चित्तस्थीर जुया भिगु कल्पनाया बिषये उद्योग जुइ काय् कला
थःगु शरीरनं दानबीगुलि त्यागचित्तं संकल्पयाय्तजा भिनक बिचार मयास्ये हताय्
चाया बिज्याय्गु जीमखुः ।

छपिसं थथ्ये दानबिया च्वंगुलि चूडामणि राजमकुत समेत स्यनीगु देशे तच्चकं
भय वइगु सूचना थुजागु ख प्राय संभव जुया च्वंगु दु । आपालं कष्टजुया सहयाय्
थाकुसानं (पीडाजूसानं) राजां थःगु शरीर दानयाइ धका जोतीषपिसं प्रश्न बिचार
याना खँ न्यंकातगु दु । हानं अनेक तत्व निमित्त स्पूपिसं थथ्ये धयातगु जिनं न्यना
तयागु दु ।

दान कावइपिं सकलया निष्फल जुइगु कारण छपिं मदैवले खः । व जुया च्वंगु
ज्या छपिसं थगु शरीर दानयाइगु संभवजुयाच्वन । छपिं सिमाया राजा कल्यबृक्षथ्ये
जीविका जुया च्वंगु खःसा संपूर्णदान यायेदै केवल दानयाय् फइ । अथ्येया कारणे
भो महाराज ! जगतयात सदानं रक्षाजुया च्वंगु रत्न प्रजापिनि सुख जुइगु

जुजुया शरीर छपिंगुखः । त्यागयाय्गु मन सुवा जुइगु तोता विज्याहुं इच्छायाना विज्याय् मते ।

थुगु प्रकारं मुख्यह्म मंत्रीजुं बिन्तियागु खँ न्यना तुयूगु वाया तेजं म्हुतुसि ह्यांगु मदेकेथ्ये (तखं सिला छोय्गु सम्मानं) मन प्रशन्नयाना मुसुहुं ह्लिता मंत्रीयात थथ्ये धं बिज्यात ।

हे मंत्रीजु ! छिमिसं धाय्योग्यगु हीन सुख जुइगु खँ न्यंकल थिकजु । अर्थजनपिसं दान कावँबले आमखँ केबल गथ्येछु धाःसा अमिसं धागु वोमफया इमिगु खाः खिउँया लिहां वनीगु व बोधिचित्त मखुः संतापखः । व सन्ताप जुइगु जिनं सहाय् फइमखुः ।

सोकि जित थुजागु छगु माल धका कावइपि अर्थजनपित्त थःके दया च्वंगु बस्तु मदु छंथागु वोफइमखु धाय्गु सुनां कटु बचन (छागु पालुगु खँ) ह्लाइ बोधिचित्त त्यात चित्त एवं दानपारमितास दुथ्याइ मखुः थुपि म्वाना च्वंगु लाकि सीपि जुइ छक विचारया । थ्व त्यागीयाके धावँसा अवश्यनंबी धँगु इच्छायाना थःतमागु बस्तु दानकाय् धका हर्षमनयाना तापाकं निस्थे कष्टयाना दान वीह्याछे अथवा न्ह्योने याचक वइबले वंथागु वस्तु थःके दया च्वंगु मव्यूस्ये लिछोय् वले व दाताम्वाना च्वंसानं शोभामदु ।

गुह्यजा पुण्य करुणा मदुगु शरीर एवं चित्त जुया च्वंह्य परया दुःख पीडा सन्ताप जुया च्वंगु खता हर्षमन याइह्य परया सन्तापं दाहजुया च्वंगु न्यना थःगु मन शीतल जुइकीह्याया जन्म धिकार धाय्गु योग्यजुइ ।

अथ्येया निमित्तो थ्व अनित्य शरीर स्यना वनीगु छन्हु अवश्यनंखः । सार मज्जुगु जूसानं केवल सीकेमा गनं गुथासनं सुंछह्य निह्य अथवा गुह्यसितं उपकार जुइफुः । उकिं सज्जन वर्गपिसं प्रेमयानातल । थुलि सत्यप्राणिपिगु निमित्त पुण्य यावल तच्चह्य श्येन जुजुया उचितगु खं न्यना लिपा छु जुइगु धका मतीतया छु उत्तर मव्यूस्ये मंत्रीजु सुंकचदन ।

થનંલિ કદાચિત્ જુઝમાગુ છું છગુ સમયે થવ જુજુયા પત્ની જયપ્રભાદેવી (મહારાની) કામદેવતાયા સ્ત્રી રતિદેવી તુલ્ય સુન્દરીહ્ય વનસ સહીપિ નાપહિતા ચ્વંહ્ય થઃગુ મનોરથ પૂર્ણહ્ય ચિત્તરૂપિ ચલાયાત પાશંચીહ્ય થ્યે ન્યાહ્યસિનં હં સાનં સ્વેય્ગુ ઇચ્છાહ્ય આપાલં વાંલાહ્ય જયપ્રભાદેવી મહારાનીયાત તાપાકંનિસ્યેં હના બનેતપયાના ચ્વંહ્ય મુનીશ્વર છંહ્યસ્યેં સ્વયાચ્વન । પૂર્વજન્મે છું સંતન્ધયાના તયાગુ દુહ્યથ્યેં સ્નેહં બુઝેજુયા ચ્વંહ્યતુલ્ય જુઝકા થવ રાની હના ધૈર્યવાન્હ્ય મુનીશ્વરં હે ધૈર્યયાય્ મફુત ।

ઉહ્ય મુનીશ્વર ઋષિ જૂસાનં પૂર્વજન્મયા ભાવીચિન્તના જુઝકા સંસારયા સ્વભાવ વિમુખ મયાસ્યે મુનીશ્વર ચર્ય તોતા વ મહારાનીયાકે મન વંકલ । થવ જગત્ સંસારે પ્રીતિયાગુ સુકાં છપાય્ જ્વીક સુયાસગુ સમાન હ્લાપાયાગુ વાસના પ્રાણિપિ શકલયા લિચિલે ફેમખુઃ ।

ઉગુ સમયે વ મુનીશ્વર છંહ્ય શિષ્ય મામાગુતક વિદ્યા સમાપ્ત જુઝક બોને ધુંકૂહ્ય મુનીશ્વરયા થાસે થ્યંકવયા પ્રણામયાના ભોગુહ્ ! ગુહ્ દક્ષિણા કૈં બિજ્યાહું ધયા વિન્તિયાત । શિષ્યં થથ્યે ધાસ્યેલિ મુનીશ્વર ગુહ્ ધાલ ।

હે શિષ્ય! જિ થન વને ચ્વનાહ્યયાત દક્ષિણા આમદ્રવ્ય છુંહ્યલે મદુ । તથાપિ બિહેલી ધૈગુહ્:સા છ ધંન્યહ્ જિ ઇચ્છા જૂગુ ધાય્ । શ્યેન જુજુયા વિવાહયાનાતહ્ય સ્ત્રી જયપ્રભાદેવી મહારાની છંહ્ય છં કયા હ્યફુસા વ દક્ષિણા જિતવ્યુ થુજાગુ હં ગુહ્યયા વચન ન્યના કાય્ ફેમખુગુ લાય્ ફેમફુગુ થાકુગુ દક્ષિણા હતિ ધાગુલિ શિષ્યયા મન વ્યાકુલ જુઝકા ગ્યાના મતી અનેક સંઘાયાના ચ્વન ।

અનંલિ ગુહ્યજા મુનીશ્વરયા શિષ્ય, અર્થિજન (દાનકાવડિપિનિ) ઇચ્છાદુગુ તક દાનવીગુલિ સદાનં લુખાસ લાપાચાલા ચ્વંગુલિ વિશ્વાસયાય્ વહગુ શ્યેનજુજુયા છે વન । લાય્ થાકુગુ કાય્નં ફેમખુગુ જુયા દુઃખ ભય જુઝકા આકુલ ચિત્તં ભૂમીસ જક ક્વછુના હ્વાઃ હિઝંકા ચ્વન ।

થુજામ્હ અર્થિજન અમૂલ્યગુ છું છગુ દાન કાવમ્હ ક્વછુના ચ્વંગુ હના ગુમ્હજા મહાબુદ્ધિબાન્મ્હ શ્યેનજુજુ મહાસાગરં ઉત્પન્નજૂગુ અમૃતદાન યાઝમ્હસિનં લેઃ તાઝ-

गुथ्ये जुइका आपालं खुसिजुइकल । अनंलि उगुइले व जुजुं थ्व अर्थिजनयात थथ्ये धं बिज्यात । जिकेछं छु धाय्गु इच्छायाना वयागु खः ग्याय्म्वाः मछालेनंमते याकनं धाः धया मानेयात ।

उगु बखते थ्व मुनि शिष्य अर्थिजनं योग्यमज्जु फोनेमागुलि धाय् ग्याना लज्जा जुइका खाखःम्हसिनं धाय्थ्ये खाखातूगु स्वरं थथ्ये बिन्तियात । भो महाराज ! छलपोल अर्थिजनया कल्पवृक्ष चिन्तामणि सिमा समानम्ह खः । जिनं ह्लापालाक योग्य मज्जु खं न्यंकेमाल ।

गुरुयात सन्तोषयाय्गु कारणे वयागु खः छुयाय् धाय्हे लज्जा फोनेनं अयोग्यगु बस्तु जिनं फोवयाम्ह खः । जिगुरुया थासे च्वना मामागु बिद्या आदि व्रत स्यना पूर्णजुस्येलि छपिन्त गुरुं दक्षिणाकया बिज्याहुं धका बिन्तियानाबले गुरु जित थथ्ये धं बिज्यात । जित द्रव्य दक्षिणाख्यले मदु बीगु इच्छादुसा जयप्रभादेबी महारानी कया हया दक्षिणाव्युः धया न्यंकल ।

मुनि शिष्यं थुलिखे न्यंकूस्येलि श्येन जुजुया याकनं हे स्त्रीया स्नेह फुकं दान बीगु रसं संयुक्त जूगुमनयात । राजा हिला थःगु वायातेज प्रकाश जूगुलि तुयूगु बस्त्र पुंकातयाह्यथ्ये शोभादुम्ह जि प्रियस्त्री जिनं आवश्यकमेव दान बीगु जुल धका थ्व अर्थिजन ब्राम्हणयात धं बिज्यात ।

हे अर्थिजन ब्राह्मण ! छं गुरुयात दक्षिणाबीगु बिषये थ्व छंधागु जिनं स्त्री दान याय्गु खः खँन्य । थ्व स्त्री कामभोग छु इच्छामयाह्य जुयाच्चन स्त्री नाप बियोगु जुल धंगु छुं जित ख्याल मदु थ्व बिषयेनं जित छुं दुःख चिन्ता मदु । थुलिधया थःगु नुगले आपालं प्रेम याना तयाह्य सदानं लुमंका च्वनागु धर्मनं याका तयाह्य थःतनं सर्वदा लुमंका च्वंह्य पलेस्वां थ्येजागु मिखाह्य स्वस्वकि बांलाना वइम्ह थुजाम्ह पत्नी बीयोगया अग्निदाह जुइ दान बीइमते धका गुरुं गंसानं पुनः बुढा बुढी तथा म्येपिसं गंसानं चलाया मिखा थ्ये ताहाकगु मिखां स्वया चंचलगु चित्त मयास्ये आः छुजुइगु छुयाय्गु धका दुःख त्राश जुइका विचार याता तःगोगु मिखा क्यलेहे याता सकभनं स्वइम्ह थः स्त्री न्ह्योने तया बोधयात ।

मूल

प्रददौ मुनि शिष्याय सहसा हरिणा मिव ।

किमेत दितिसा यास स आस तरले क्षणाम् । इत्यादि ।

जयप्रभादेवी श्वेन जुजुं किञ्चित् मतीदुःख मयास्ये स्त्रीयात खँन्यंका मुनीश्वर
ऋषिया शिष्य ब्राम्हण्यात दान बिया बिज्यात । त्याग चित्तया शील स्वभाव जुया
चवंम्ह श्वेन जुजुं थः स्नेही स्त्री दान बिस्येलि त्यागयात भयंग्याम्ह थ्ये जुया सागर
पृथिवी इत्यादि कंपजुल ।

श्व महारानी इन्द्र आदि देवतापिसंहे सहयाय् मकुगु दुर्दशा दुःख संकष्ट जूसानं
सहयाना थः पुरुषया बचन सफलयांना च्वन । श्व रानीया उपरे स्वयाजक माया दया
मवनि । मिसाया निमित्ते गुलिसिनं शीलतोता गुलीसिनं धनफुका गुलिसिनं धर्म तोता
गुलिसिनं तपभंग जुइका गुलिसिनं लाजतोता गुलिसिनं थगु शरीरहे तोता बुद्धिमान्पिसं
याना च्वन ।

अनंलि दान बियाहम्ह महारानी ज्वना मुनिशिष्य ब्राम्हण लिहां वस्येलि श्वेन
जुजु नुगले ब्याकुल जुइका चवंम्ह खसानं सुखयात निन्दा याइम्ह कामदेवता थ्ये जुल ।

अनंलि श्व महारानी ज्वनावंम्ह मुनिशिष्य ब्राम्हण लिहां वना गुर्या थासे
थ्यस्येलि श्व गुरु मुनीश्वरं जुजुया प्रेमम्ह महारानी थः शिष्यं ज्वनावगु खना मती
गरख्येसे चवंका च्वन क्लेशतापं लाजजुइका जिनं मखुथ्ये धया अयोग्यगु कर्म याकागु
यानागु जुल धका पश्चात्ताप जुइका च्वन ।

अहो जि धिकार चंचल चित्तं मूर्खतेसंथ्ये छुं शंखा मकास्ये अपजस जुइगु
धपस थःथमं थःगु शरीर दुनेथ्ये जुल । धर्मात्मा प्रजापिनि मां समानम्हखः । वर्णाश्रम
ज्ञानिपिनि गुरु तुल्यम्ह श्वेन जुजुया पत्नीयात जि दुःख यागु अग्निस क्वफाय्थ्ये
जुल । केबल गथ्ये धासा जि शील नियम आचरण बैराग्य चित्त बिबेक बिचार छुहे
मखन मयाम्ह जुल । अहो गुजागु आश्चर्य जुल धिकार थन बिचार मदुपिनि भिगु लें
यनेगु थःगु चित्तं मखंका इन्द्रियात चीगु ज्ञान मखंका स्येखि घमण्डिस दुना मखुगु
लें क्वब्बा वन ।

धुलि चिन्तनायाय् धुंका थ्व मुनिया लाजंतेज हीन जुइका महारानीया न्ह्योने च्वना व्वछुना नम्रजुया थथ्ये बिन्तियात । हे महारानी माता ! धीर वन्तह्य छपि खः शोक सन्ताप कया बिज्याय् मते छपिनि थ्व दुःख जिगु अन्यायखः स्वैगुनं दोष मखुः । थःगु आश्रम तोता सन्ताप मयास्ये थ्व सिमाव्वे बिज्याहुं । थौं हे छपिन्त राजगृहे बोनायंकाबी जिनापं बिज्याहुं छुंसंदेह काय्म्बाः ।

मुनीश्वरं थथ्ये धास्येलि जयप्रभा महारानीया शरीर अमृतं हाहायागुथ्यें शीतल आनन्द जुइका धैर्यगु मनयाना ग्याना च्वंगु भयतोतल । थ्व रानीनं मुनियात छगु खँ न्यकल । भो मुनि ! तपयाय्त् थःगु चित्तयात ज्ञानं चीफेंकेमा चित चीमफुम्हसिनं आपालं तप यासानं पूर्णयाय् फैमखुः दुःख सियागु व्यर्थ जुइ । बोधिसत्त्वयागु चर्य जि स्वामीं प्रकाशयाना क्यन जिनं स्वीकारयाना थन वया । जि मालिक जुजुं छु ज्ञानलात हानं छु लाइतिनि व जुजु बांलाक म्हसीकि ।

थ्व महारानीं धागु खँ न्यना मुनिया खोबि वेका महारानीयात प्रणामयाना धाल जिनं आः केहि बोधिसत्त्व चर्य म्हसिल धया जुजु लुमंका स्वक प्रणामयात ।

अनंलि थुजागु अद्भूत चरित्र स्वर्गलोके सकभनं प्रचार जुल । गुह्यजा दाता त्यागी यागु स्वभावया बल दया च्वंह्य श्येन जुजुयागु चरित्र सीकेत देबराज इन्द्र अन थ्यंक वल । गथ्ये गुजागु तालं थ्व इन्द्र अन थ्यंकवल धासा ब्राह्मणयागु भेश जुया सुंमनुष्यपि मदुगु वने वंह्यात धुं वांन्याना नगुलि शरीर बाह्य मदेका लाय् लाय् मीक ख्वयावपि प्यम्ह काय्पिसं ज्वंका हि थाय् थासे वय्का आतापतिनं पिहां वेका प्राणमात्र दुगुलि पापयाफलं जक म्वाम्ह थ्यें च्वंका लायागु गन्धं लानैपि पशु पंछित (खिचा को इमा) ल्युल्यु वेका जुजुं सर्वस्व काम्ह खुं सर्वे खुषायंका दुःख जूम्ह महाजन तुल्ययाना दथ्वी प्यंबले थुजागु दुःख पीडं कष्ट जूम्ह खना देशबासी लोकपि सकलया थ्व छु जुइका वम्ह धका सोर्वापि आश्रय जुइका च्वन ।

शोकं व्याकुल ज्वीका सहयाय् थाकुगु स्वय् बले खोय् मास्ति वैगु मूर्ति क्यना वम्ह खना मिसात आपालं ग्याका च्वन । उजागु समये थुजागु केना दानका वडपि स्वेत जुजु दानशालास च्वना च्वंबले थुजाम्ह ब्राम्हण खातासतया प्यम्हकाय् धापिसं



लब्धनरुद्धं धःश्रुदं भवनात्पागिरुयान्नुर्ध्वं न पित्र काव्यः गृ
 वस्त्रदानवियाच्चं वलं दवनाकं वृत्तं शशयान्नुर्ध्वं विना न
 यायुगं भजीजवास्तदानका वलरां भक्षितनूयया गधः गृ
 भजीजवास्तभस्त्रं धं कादानवियात्तावयावात्पुति पागुविश-

कुबियाहम्ह भेशधारि न्ह्योने थ्यंकेहल । श्व दुःख पीडा जुइका वम्हखना अनच्चपि सकलें ग्याना मिखा तीसित ।

उगु वेलास संसारयागु स्वभाव बिरक्त जुया त्याग चित्तम्ह श्वेन जुजुया न्ह्योने श्व ब्राम्हणं आपालं पीडागु स्वरं करुणाचाय्क बिन्तियात । भो! महाराज ! छल-पोलया स्वस्ति मंगल जुइमा । जिपापि ब्राम्हण्यात छुयाय् थुजागु पीडा जुल छलपोलं करुणातया जित सुदृष्टि स्वया बिज्याहुं । मखुगु खं न्ह्योनेतया बिन्तियात । भयंकरगु बने जिगु शरीरे धुं वांन्याना बाम्हथला क्वेलागु फुकनया धुं तोतावन जि काय्पिसं सीका जित कुबियाहल । श्व आपालं कष्टगु बेदना जिपापि भोगयाय्माल तथापि जिम्बाना च्वंगु स्वया बिज्याहुं । आपालं शंकष्टगु दुःख भोगयाय् मानिम्ह जि पापि म्वाना च्वना तिनि ।

थुजोगु तच्चगु बिपत्तिया तापं जूगु कष्टनया दुःख सिया सहयाय्माल । गथ्येजा सज्जनपिसं मित्रयात मतोतूथ्यें जित श्वप्राण तोतामवं । जित देवतापिसं आकाश बाणीं थथ्ये धयाहगु दु । सुं त्यागीपिसं थःगु शरीर बाम्ह ध्यना छन्त दानबिया छन्त आम बाम्हमदुगु शरीरे प्येपुंका म्वाकेज्यु छ ह्लापाथ्यें जुया म्वाना च्वनी तिनि ।

श्व खं न्यना थनवया जित काय्पिसं खातास तया कुबियाहल । भो करुणा धारी महाराज ! संसारे लोकपि सकलें थःजक सुख जुइगुलि इच्छादुपि, परयात हितयाय्गुलि मसोपि जक । जित थःगु शरीर त्यागयाना सुनां बाम्हदानयाइ । हेप्रभू ! छलपोल छह्मजक खना सदानं दुःख दारिद्रपिनि बिधाता मित्र तुल्य जुया सुनांछु धाल उगु बस्तु दाजु किजा समानं माया कृपातया त्यागयाना दान बीम्हखः छलपोल याके जि ब्राम्हण शरण वया ।

श्व लोके छपिं छम्हमात्र हाकूगु चित्त मजूम्ह धका जिनं सीका वया आदर तया दानबिया बिज्यात धासा दानया पुण्य फलं च्वेलागु पुण्यसिमा उत्पन्न जुया च्वनी । महा दाता छपिंगु यश कीर्ति गुण पुण्ययागु बाजं थागु शब्द सकभनं श्व लोके प्रख्यात जुया च्वन । छपिंगु यश कीर्ति गुण पुण्यखं ह्माय्बले म्येपि दातापिंगु छुबं ह्माय्गु शोभा दइ ।

अनेकतालं शंकष्टं दुःख जुया बिपत्ति जुया च्वंपिन्त इच्छापूर्णयाना दान बीगुलि शुद्ध चित्तं धर्मयाउत्तमगु ब्रतयाना बिज्याह्म छपिं समान दाता पुण्यया थलदुपिसं जक लाय्फइ । आपालं आनन्दगु दृष्टि (मिखा) जुया च्वंपिं श्रीखण्ड सिमाथ्ये शीतल जुया च्वंपिं सज्जन बर्ग तथा पश्चिम दिशां वइगु फसंकै बलेथ्ये प्राणिपिंगु सन्ताप (दाह) मदेकाबी ।

पुन्हीबुन्हु पूर्ण चन्द्रमा तेज शीतलगुथ्ये जागु छपिंगु मुखमण्डल (हवा) या म्हुतुं पिहांवगु बाक्य अमृत तुल्यगु जल वृष्टि जुइथ्ये जीवन सफलयाणा बिज्याइम्ह छपिं । एवं प्रकारं थ्व ब्राम्हणं खंन्यंका बिन्तियास्येलि थ्वैगु दुःख रोग मदेकेगु नुगले सोचाना चित्तस करुणाया मोइं मूर्छा जूम्ह श्येनजुजुं थ्व दुःख ब्राम्हणयात स्वया थथ्ये धं बिज्यात ।

हे ब्राम्हण ! हताय् चाय्मते जिगु भरोसायाना छ वल जिगुहे भरोसाय् छच्वं प्राण नाप वियोग जुइगु भय छं तोति । विषय भोग सुख चिन्तायाय्मवाल छन्त थ्व जिगु शरीर बान्ह दान याय्गु निश्चय जुल ।

यक्वहे वःलागुजुइमा थ्व शरीर क्षणमात्रं बिस्तार मजूस्ये फुना वनीगु खः । अनेक जतनयाना तसान् थीरं च्वनीगु अवश्यनं मखुः । अथ्येया निर्मिती त्यागीचित्तं पुण्ययाइपिसं परप्राणिपिन्त उद्धार जुइगुलि थःगु शरीरया मायामकास्ये तोतावनि ।

जुजुं थथ्ये आज्ञा जूगुन्यना महामंत्रीजुया च्वंह महामति धैम्ह जुजुया न्ह्योनेवया चित्ते वज्रकगुथ्ये कंजुइका थथ्ये विन्तियात । अहो भो महाराज ! छपिगथ्ये हताय् चायागु थ्व जीवरक्षा मयास्ये कष्टजुइका विज्याय्त्वन । थुजापिंगु पुण्य फुतला धाय् म्वाक जुजुहीन जुइगुज्यायाय् मज्यु धका विचार छपिसंयाना विमज्यात ।

प्रजापिन्त सुखयाकेगुलि छपिसमान गुणिकम्ह म्येपिसुदै । म्येपिं भक्तियाना खुसियाय्गु जक जुइ । याकीम्ह गुणिक जुजुछपि हे खः गुणिकम्ह जुजु मदुस्येलि ज्या

सुनांयाय् मंदैगु । मालिकपि किसिथ्ये बनेम्हिता यःथ्ये सनाजुल धाःसा ज्यायाइपिः
कर्मचारिपिन्त ततःधंगु बिपत्ति जुइ ।

न्याय शास्त्रसर्पिगु बचन अमृतजल बुयावगु तुल्यजुया च्वनि । सिमाय् न्हूगु
चुलिहोगु थ्ये बांलाना कल्याण जुइगुदु । केशरं सहितगु सुगन्ध वासनादुगु स्वां समान
जुया शोभादया च्वनि । वथ्ये छपिगु न्हेपने बांलाक आपालं शब्दवया च्वंगुदु
लुमंका विज्याहुं ।

लोकयात रक्षाजुइगु रत्नसमान बालांगु छपिगु शरीर खः । थ्व फोंवम्ह ब्राम्हण
अवश्यनं खेमखुः राक्षस अथवा पिशाचनं जुइफुः । छलं थुजाम्ह ब्राम्हण रूपजुया छपिगु
धर्म स्यंकेतवम्ह जिगु बिचारं सीका । छलपोलनं थ्वीका विज्याहुं । यद्यपि थ्व
ब्राम्हण थुजागुतालं मायां छलय्याय्त वम्ह मखुसा क्वे वाम्ह शरीर मदेका प्राणिया
शरीर क्षणमात्रंहे म्वाय्त थाकुइ । थ्व ब्राम्हणजा त्येत्ये खंल्लाय् फय्का म्बाना च्वन ।

गुगुजा अयोग्यगु ज्या बिचारं तोता, योग्यगु भिगु धर्मया ज्या उत्तम खः धका
सीका थमंयाइ म्येपिन्तनंयाकी थुजापिन्त कण्टगु पीडा गबलें जुइमखुः । थुजागु भिगु
ज्यास्यंकेतवल धासा थुजापिन्त शरीरे पीडा जुइ लिपा थ्यंकनं सुख धैगु गुबलें दैमखुः ।
याय्फुगु जक दानयाय्गुखः मफुगु गथ्ये दानयाय्गु । सर्वस्व अथवा थःगु शरीर दानयात
धैगुखं लोके जक बांलाइ ।

दानकावइपिनं अर्थिजनपिसं इच्छायागुतक दान बीम्हदु धैगु खं न्यना तापाकं
निस्स्ये वइबले छपिमन्त धासा म्येपिं ननदु धका माजुइमालि । भो महाराज! छपि
अर्थिजनपिनि चिन्तामणि सिमा समान जुया च्वन । प्रजापिनि जीविका एवं म्येपिनिनं
भरोसा जुया च्वंम्ह खः । थुजापिन्त जीविका सफलयाय्या कारणे छपिसं थःगु शरीर
रक्ष। जुइका विज्याहुं ।

भो दयालु महाराज! थथ्ये हताय्चाया सवेनज्यु जिमिगु उपरेनं दयातया
विज्याय्मा । खायागु छगु तुक्राया निमित्ते थःगु शरीर स्यंका दानयाना विज्याय्
मते । थथ्ये बुद्धिवन्तम्ह महामंत्रीजुं विन्तियाना जुजुया पालि भोःपुया च्वन । थुगु खं

न्यनानं श्येन जुजुया मन शरीर दानयाय्गुलि लिमच्यु न्ह्यचिलाहे च्वन । ऊन् मुसुहुं
ह्लिला वायागु तेजं मोहयागु अन्धकार शमनयाना तुइकेथ्ये जुजुं आज्ञाजुल ।

हे महामंत्रीजु! छंगुबुद्धि जित खं न्यंकल तथापि थ्व ब्राह्मण्या स्यंगु शरीर जीणों
द्वारयाना रक्षायाय् । थ्वया प्राण असह्य वेदनाजुया च्वंगुलि सहयाध्मकया कष्ट
जुइका जिके शरणवल थ्वंगु वेदना लिक्था पुनः थ्वंगु इच्छा पूर्णयाना बीगुलि जिगुमन
तत्पर जुया च्वन । मोति रत्नया माला च्वापु पुनः पलेस्वां किन्तु पलेस्वांयादनं चन्द्रमा
श्रीखण्डयागु तेज एवं स्वभावं प्राणिपिनि शरीरे दुने च्वंगु दाह शीतल जुयावनि ।
फौवइपिनिगु इच्छा पूर्ण मयात धासा इमिगुदाह शमन जुइमखुः । अथ्येया कारणे
थुमिगु इच्छापूर्णयाना वोफुसा इमिगु दाह शमनजुइ जिनं दाह शमन जुइका बीत्यना ।

हे सुमति मंत्रीजु! छंसीकि भिगु चित्तम्ह विद्वांन् छ खः अनेक प्रकारं अनेगु तालं
शंकष्टजुया च्वंगु दुःख पीडा मदेकेगुलि उद्योग तथा उत्साहयाना च्वनागु बोधिज्ञान
बोधिसत्त्वचर्यायात बरयान बुद्धयान महायान धाइ । थ्वख जगतो हिताय सुखाय
लोकानुकंपाय । थुजागु ज्याय् तुयूगु वस्त्रे अथवा निर्मलगु लखे हाकुगुरंग तेथ्ये
विघ्नयाना स्येकेगुलि कुतयाय् मते ।

हानं धाय् न्ये संम्यक्संबोधि बुद्धपद प्राप्तयाय्गुलि एकचित्तं ह्लापा ह्लापायागु
जन्मेनं— केवल दीपंकर विपश्चि शिखिवि विश्वभू क्रकूछन्द कनकमुनि काश्यप तथागत
भगवान्पिगु समये अर्थात् सत्य त्रेता द्वापरयुगे नं शरीर दानयाना वयागु दु जित पूर्व
जन्मयागु छुंवं लुमंन वगुदु, ह्लापा छगुजन्म शिवि राजा धाय्का च्वनाबलेनं मिखा
कांम्ह अर्थजनयात थःगु मिखा निगलं लिक्था दानयाना कांम्हयात रक्षा जुल ।

हानं छगु जन्मस थःगु शरीरया ला ध्यना दानयाना नैषाद व्याधायात । सतां
चिगु भयंसीत्यंम्ह यखूयात प्राणरक्षा जुल । नेपित्याना दाहजूया सीत्यंम्ह छम्ह मिसां
थमं बुइकाम्ह काय्मचा स्याना ला नेत थिकयाम्ह मिसायात थःगु शरीरया ला ध्यना
नका मानं मचानं सीत्यंपि रक्षाजुल । अनंलि हानं छगु जन्मस जजस दुइत माल
धका मिखा ह्लाः तुति स्ये दान कावपिन्तनं दानयाना थुमिगु मनोरथ पूर्णजुइका । हानं

लिपा छगु जन्मस नेपित्याना थमं बुईकापि मचात स्याना नेत सनाच्वंम्ह धुंनोयात थगु शरीरया ला थमं ध्यना नका तृप्तजूइका धुंनोयात वया मचात न्याम्ह यातनं प्राणरक्षा जूइका वया । अनं ह्लापा चन्द्रप्रभा धाय्का जन्म कया बलेनं क्रोधिम्ह रौद्राक्षब्राम्हणयात थःगु शिर थमं ध्यना दानबिया वैगु मनोरथ कार्यं सफलयाना । हानं मेमेगु जन्मेनं थःगु सर्वस्व काय् म्हाय् कला ससेतं त्यागचित्तं दान बिया वया । जित शरीरे छुं पीडामजू आःनं अथ्येहे याय्त्यना थूगु प्रकारं बोधिसत्वचर्यदुम्ह श्येनजुं धै ब्रिज्यागु खं न्यना थ्व मंत्रीयात पीडा जूगलिं सितला म्वातला धैथ्ये जुया दुःख जुइकल ।

अनंलि केबल कतियागु धारथ्ये जोगु शस्त्र गनदु कयाहति धया श्येनजुं थःगु शरीर बाम्ह त्वाथला दानयाय्गु ज्या उत्सुकयाना गलगण्ड नाम जुया च्वंपि निम्ह सता जिगु शरीर बाम्ह थलाब्यु छिपि ग्याय्मते धै ब्रिज्यात । थुलिमात्र धागु खं न्यना थुपि निम्हसिनं तस्सकं शोकयात । इन्द्रयागु मायामोह थ्ये जुया जुजुया त्याग चित्तं दान बीगु ज्याय् बिघ्न्याय् जीमखू धका शरीर बाम्ह त्वा थलेत उत्सुकयात ।

नृपते निर्बिकारस्य क्रूरक्रकच धारया ।

बिदार्य माणो देहार्धे पृथिवी सम कंपतः । इत्यादि ।

शरीरे न्हागुयासां न्हागु जूसां छुं मचाइगु वासयाना अथवा अमृत वासत्वना च्वंगु तुल्यम्ह संसारया पीडाखना छुं संदेह मदुम्ह जुजुश्येनया शरीरे छुं पीडा कष्ट मचाइम्ह चित्त किंचित् मस्यंम्ह जुजुयात गलगण्ड धापि निम्ह जवे खवे च्वना अत्यन्त जोया च्वंगु कति (शस्त्रं) बाम्ह थला ब्यूवले पृथिवी कंपमान जुया सन ।

संसारे बांमलाक मलोगु वस्त्रं पुनेथ्ये जुया उपद्रव जुइक उलो बोल आकाशे खनेदेक नौ कुतुंवल के वया तच्चवंतं शब्द वल । मिखास पालुया बुबुस्याना खोबिवेका खोगुथ्ये तच्चवंतं शब्द वेक न न्यात । केवया पू वोया आकाश बुलुइगुथ्ये सुपाचं किना सूर्य खने मदया वन ।

उगु बखते प्रजानाथ श्येन जुजुया शरीरे कति ब्यूवले अनच्वंपि मिसामिजं सकल प्रजापि हाहाकारं तस्सकं दिशा बिदिशा सकभनं थ्वक खोयाहल । थथ्ये जूसानं उत्साह भतीचाहे पामजूम्ह जुजुयात स्वया ब्राम्हण रूप इन्द्र आश्रय जूया तार्ति बिचारयात ।

थ्वयागु चित्त संसार बासी प्राणिपिनि दुःखं दाहजुगु उपकार याय्गुलि करूणा
दुम्ह जुया अनेक प्रकारं शंकष्ट क्यना दुःख पीडा जूसानं स्यंकेफूगु मखुः । थ्वैगु
चित्त बज्र समानं कबच जुया च्वन ।

अहो धन्य थ्व महामति बोधिसत्त्व जुजुया चित्त सागरयासिनं गंभीरं सुमेरु
पर्वतं स्वयानं उच्च स्वर्गस्वयानं सुन्दर । प्राण पिहां वनीगु (सिनाहे वंसानं) छुंहे
विषाद मयास्ये अति गम्भीरगु चित्त जुया च्वंम्हखः । उकीं थ्व महापुरुषया बल
हीन जुया मवं ।

थ्व भेशधारि इन्द्रब्राम्हणया थुलिमती जुइका च्वंबले जुजुयाके च्वंगु त्यक्तक्क
शरीर (बान्ह) दला भूमीस कुतुंवन । थ्व जुजुया थःगुम्ह निकुदला बननं संसारया
प्राणि उद्धार जुइगु मतीतया कुतुंवगु बाम्ह खंसानं हर्षहे जुइका च्वन प्राणं तोतामवं ।

उगु बखते श्येनजुजुं जिगु थ्व बाम्ह शरीर व अर्थिजन ब्राम्हणया शरीरे
प्येपुंकाब्यु थय्ये घास्येलि जुजुया शरीर बाम्ह थ्व ब्राम्हणया शरीरे प्येपुंकाबिल । छुं
लिपा बांलाक मिलेजुया उम्ह ब्राम्हण ह्यापाथ्ये छुं म्वाला म्हंछम्ह तयार जुया दनावया
जुजुया न्होनेच्वना प्रशंसायाना थय्ये बिनित्यात ।

अहो धन्य भो महाराज ! छपि पाप (क्लेश) यागु मल खिति मडुगु शरीर
जुया पूजायाय् अत्यन्त योग्यजू । छुं क्लेश मतीमतस्ये दानयाना बिज्यागुलि छपिगु
कीर्ति तच्चकं बांलात । छुंहे दानमयासानं छपिगु चित्त हेरामणिरत्न तुल्य जुया च्वन
थ्व अहो आश्चर्य ज्याखः । ब्रम्हाया उपमानं मिलेजुइमखुः ।

छपि गुजाम्ह धासा थसिमा थ्ये तप्यं, बेको मजूस्ये परार्थे न्ह्यचिला च्वंम्ह
तुमाथ्ये उच्चगु स्वाददुम्ह परप्राणि हित सुखयाय्गुलि आपालं सहयाना थाकुगु कष्ट
पीडा छुंहे वास्तामयाम्हखः ।

थूलि धाय् थुंका ब्राम्हणरूप इन्द्रं श्येनजुजुया बाम्हशरीरे अश्लिष्ट संजीवन
नाम वासलं इला घाः याकनं लाइगु स्मृतिदया ह्यापाथ्ये म्ह तयारि जुया शरीर स्वस्थ
जुइगु अमृत वासलं पाना पूर्ण जुइका बिल उजागु अबस्थाय् भतीचा लिपा जुजुया

शरीर ह्लापाथ्ये स्वस्थ जुया बांलाना वगु खना अन च्वंप्पि सकलें अद्भूतजूया च्वन । थ्व ब्राम्हण रूप इन्द्रनं हर्षयाना उगु ब्राम्हण रूप तोता थःगु इन्द्ररूप धारणयाना ह्लिला न्ह्योने च्वना जुजुयात तच्चतं प्रशंसायात ।

उगु इले आकाशं स्वांबागात पृथिवीस गनंगनं न्हूगुस्वां बुयावया शोभाय मान जुया वल । थुजागु बखते मुनीश्वरं जुजुया प्रियस्त्री जयप्रभादेवी म्हाय् तुल्ययाना तयाम्ह नापंदोनाहया जुजुया न्ह्योने तया थुकीयागु खं फुकं बित्तियात सकलें आश्चर्य्य जुइका महाहर्षयाना च्वन ।

जुजुया शुद्ध चित्त धर्म कीर्ति प्रकाश जुल पतिव्रता स्त्री नापं च्वंगु स्वया देवराज इन्द्रं खंन्यंकल । जिगु चरित्र थ्वखः केबल जिगु अपराध क्षमादुला धयान्यन थ्व जुजुनं ह्लिला ह्लाः बित्तियाना धाल अहो धंन्य जिगु भाग्य देवराज इन्द्राथिजाम्ह बिज्याना दानका बिज्यात थ्व तच्चतं भाग्यया प्रभाव जित जुल जित न्ह्याम्हसिनं अपराध यासानं दोषमव्यूस्ये क्षान्तिपारमिताया चर्ययाना च्वना । जिनं गथ्ये दोषवीगु जिगु चित्ते छुं संदेह मदु छप्पि खना अत्यन्त खुसिजुल छपिन्त प्रणामदु अपराध जिनं किंचित्मयाना धाल ।

तत् पश्चात् थनंलि छुं लिपा आपालं नवरत्नादि सहित्गु बिश्वकर्मा स्वर्गया कर्मचारिं देकूगु स्वर्ग लोकंहया सुन्दरगु सिंहासन न्ह्योनेतेहल । दान पुण्यया प्रभावं उत्पन्न जुया च्वंगु म्हासीका धर्मयाइप्पि प्रजापिनि जुजु श्रीश्येन नृपयात जयप्रभादेवी महारानी नापंतया थुजागु रत्नया सिंहासने फेतुका प्रशन्नगु चित्तं ख्वाः चकंका देवराजइन्द्रं अप्रमाण पुण्यया अभिषेक बिल ।

उगु बखतस संसार दुःखं तरेयाय्गु सत्यव्रत खः स्त्री पुत्र पुत्री आदि थःगु शरीर या गिरि (न्ह्यपु) दान कावसा लेः ताया जिनं दानंबीगु इच्छादनि धया उगु बखतयागु शरीर बाम्ह दानयाय् धुकूम्ह जुजुं संम्यक्संबुद्ध पद लाय्गुलि हर्षयात ।

थूजागु मैत्रीभाव सकलयात उतिखना करुणादुम्ह शुद्ध स्वभाव बोधिसत्व सिद्धजूम्ह दुःख कष्टजुपिंगु पीडा स्वेमफुम्ह मनोरथ अमृत वाक्य सिद्धयाना बोफुम्ह

दुःखया खोबिबगु मिखाय् अमृतयारसं हर्षमान जुइगु लखं सिला चकंगु ख्वा जूया च्वंम्ह श्येनजुजुयात मनोरथ कार्यपूर्ण जुइमा धका आशीर्वाद बिया देबराज इन्द्र उगु थासं अन्तरगत जुया स्वर्ग लोके लिहां वना श्येन जुजुयागु परिचय देबलोके च्वंपि सकलयात न्यंका च्वन ।

अनंलि ज्ञानिगणपि सिद्धा यक्ष नागराजापिसं श्वखं न्यना चिमिसं बोहंजाय्का च्वन सुन्दर नस्वागु स्वांनं पूजायाका बिज्याह्य श्येनजुजु स्वर्गतुल्यगु पृथिवीस च्वपि जनलोक-पिन्त प्रतिपालयाय् गुलि उत्साहदुह्य श्व बोधिसत्त्वयात एवं प्रकारं हानं संसारबासी-पिन्तनं उद्धार जुइगु ज्ञानया संपत्ति लाना शोभाय मान जुल ।

पूर्वं जन्मयागु अनेक त्यागी बोधिसत्त्व जन्म चरित्रया खं संवादयाना न्यंकूबले न्यना च्वपि होस जुइका च्वन । भगवान् शाक्यमुनि तथागत जुया बिज्याह्य बुद्ध उगु थासे उपस्थित जुया च्वंपि भिक्षुगण तथा उपाशिकोपाशिका सकलयागु ख्वा स्वया दानयागु खं (दानपारमिता) बोध जुइक छगु छगु दृष्टान्त कना बिज्याय् धुस्येंलि उह्य श्येनजुजु म्येह्यमखु बर्तमान जिखः धका आज्ञादेका बिज्यात । सकल सन्तोष जुया ह्वाः बिलित्तियाना धन्य भगवान् बुद्ध - धन्य श्येनजुजु धया भगवान् बुद्धयात प्रदक्षिणा याय्धुंका प्रणामयाना बिदाकया सकलें थःथःगु थासे बासयावन ।

-थुलि श्येनजुजुयागु खं समाप्त जुल-



- श्वखं कल्पलता द्वितीयोऽध्याये दु -



विश्वन्तरराजकुमारावदान

नमः सर्वबुद्ध बोधिसत्वेभ्यः
सकल बुद्ध बोधिसत्वपिन्त नमस्कार

गुह्यजा ज्ञानदीप जिनः श्री भगवान् बुद्धः शाक्यमुनिः तथागतः सर्वज्ञ अर्हत्
शास्ता धर्मराज विनायक धैर्यु नाम बिम्बे प्रख्यात जुया बिज्याह्य थ्वसपोलखः ।

ह्लापा छगु समये श्रावस्ती नगरे जेतवन महाबिहारे बिज्यात । उभु बखतस
प्रत्येक बोधिसत्वगणपि श्रावक भिक्षु संघ मेपि भिक्षुणी उपाशक उपाशिका देवपुत्र-
गण एवं ब्रह्मा विष्णु महेश्वर इत्यादि चतुर्महाराज अप्सरागण गन्धर्व विद्याधर
किन्नर महोरग गरुडराजा नागराज उच्चपद दुपि मनुष्यराज मंत्री धनिपि सार्थबाह
महाजन बुद्धसेवक भक्ति दुपि सत्त्वपि उपस्थित जुया भगवान्यात दर्शन प्रणाम प्रदक्षिणा
याना यथाक्रमं छचालं सकलं फेतुना भगवान् बुद्धया ख्वाः स्वया बिन्तियाना च्वन ।

गथ्येजा पुह्लो खुन्हु रात्रिस तारागणपिसं चाहुइका पूर्ण चन्द्रमा दथ्वी लाना
च्वनीबले आकाश पृथिवी शोभाजुइबलेथ्ये जेतवन बिहारे भगवान् दथ्वी शोभायमानं
बिज्याना सकभनं तेज प्रकाशयाना बिज्याह्य मुनीन्द्र शाक्यसिंह शाक्यमुनि तथागतयात
उगु थासे आकाश मार्गं देवतापिसं प्यख्येसनं पुष्पवृष्टि यानाहया थ्वसपोल गुरुयात
सत्कार रूपं पूजादि यानाहल । अनच्च्वपिं सकलं आपालं हर्षमानयाना स्वया च्वन ।

लोके अज्ञानया अन्धकार मदेकेत प्रज्ञाज्ञानया दृष्टि स्वया सकभनं रस्मि ख्यका
बिज्याह्य सुगत भगवान् गुरुयात सकसिनं प्रशन्न चित्तयाना स्वया च्वंबले अकण्मात्
पुष्पवृष्टि जूगुलिं अद्भूत जुइका च्वंगु सीका न्ह्योनेसं च्वंह्य बुद्धशिष्य आयुष्मान्

आनन्द महाभिक्षु दनावनो भगवान् बुद्धयात् प्रदक्षिणायाणा प्रणामयाय् धुंका जगु ह्लाः
थकया गां न्यया जगु पुलि पृथिवीस चुया थथ्ये ब्रित्तियात् ।

भो जगत् शास्ता गुरु ! छलपोलयागु मुख मण्डल दर्शनयाणा थन उपस्थितजुया
च्वंप्पि सकलया अत्यन्त चित्त प्रशन्न जुइका उपोषधव्रतया उत्तमगु महिमा पुन दानपार-
मिता आदियागु खं हानं न्यनेगु अतिनं उत्सुकयाणा च्वन अमृत बृष्टि जुइथ्ये त्याग
चित्तयागु ज्ञानामृत आज्ञा जुया बिज्यासा सकलया संतुष्टगु चित्तजुइ थिक जुल आज्ञा
जुया बिज्याहुं ।

थुगु प्रकारं ब्रित्तियास्येलि भगवान् बुद्धं ध्याना लोकं बिचारयाणा (ध्यान दृष्टि)
स्वया लुमंके धुस्येलि आनन्द महाभिक्षुयात् तथा म्येपिन्तनं संतुष्टयाय्पा कारणे आज्ञा
देका बिज्यात् । हे आनन्द तथा सकल लोकप्पि ! एकचित्तयाणा न्यं ह्लापानं कने
धुंगुजाखः तथापि म्येगुखं हानं बिस्तारं कने । थुगुखंया बिषय गथ्ये धाःसा पृथिवीस
जम्बूद्वीप महानगरे बिदर्भ नाम जुया च्वंगु छगु सुन्दर देश दु ।

अनदेशे पराक्रमो महाजन बिद्धान् ब्राह्मण आदि नरनारीगणप्पि आपानं वासयाणा
च्वन । सदानं सुभिक्ष जुया प्रजागणपिनि दुःखमदु । सा म्ये आदि पशुपंछिप्पि यकोदु
अन्न द्रव्य फल विशेष तुमा दुरु आपालं दयाच्वन । नय् त्वने पुनेगुलि शंकष्टमजु सकलया
आनन्द जुया च्वन ।

उगु बिदर्भ देशे शिविराजा प्रतापि क्षत्रिजाति स्त्री सुखुची महारानी सहित
नीति धर्मयाके राज्ययाणा प्रजापालन बांलाका सकलयात् संतोष जुइका च्वन । धर्मया
प्रभावं उगुदेशे उत्पात उपद्रव त्वापु कलह इत्यादि खुं लुच्चा दरिद्रपिनं मदु । धर्निप्पि
सत्यधारी मनुत् आपालंदु । राजा प्रजा सकलें सत्य धर्मे उद्योगयाणा देशे भिनकं सुमंगल
जुइका आनन्दं वासयाणा च्वन ।

उगु समये सन्तान मदया राजाया छन्हु रात्रिस दुःख चिन्तनायाणा न्ह्योमवेकुस्ये
ऊसुका तया च्वन । महारानीं ब्रित्तियात् भो स्वामी ! छाय् ऊसुका तया दुःख मन

जुइकागु राजां धै बिज्यात प्रियस्त्री ! आतकं की सन्तान मदुनि कुले पुत्रहीन जुल धासा कुल छिन्न जुइ । थ्व राज्य अथवा कुल परया ह्लातो लाइ कीत लिपा मुनां अग्नि संस्कार याइगु थुजागु मतीलुया वगुलि दुःख मन जुइका कसुका तयागुखः ।

महारानीनं अनेक तबहबिया राजायात बोधयात । कन्हे खुन्हुं निस्ये राजा रानी निहासिनं कुलशेश्वर (कुलदेवता) भक्तियाना सन्तान दय्का बिज्याहुं जिमित भो प्रभू कुलशेश्वर ! धका फोन । छन्हु राजायात कुलशेश्वर देवतां स्वप्ने उपदेश बिल ।

हे शिबिनृप ! सन्तानया निमित्ते जित भक्तियानाथ्ये शुक्लपक्षया अष्टमी खुन्हु उपोषध ब्रतया सन्तान अवश्य प्राप्तजुइ छुं धन्दाकाय्म्वाः । थथ्ये स्वप्न जुल हलंचाल रानीनाप स्वप्ने धागु खं कना सल्लायात सुथेजुस्येलि नित्यकर्म सिधेका सद्गुरु बौद्ध बिद्वान् सता राजां थः स्वप्न वृत्तिया खं कना उपोषध ब्रतयाय्गु बिधान न्यन गुरुं माक्व खंकना चित्तबुझेयात ।

अनंलि शास्त्रोक्त बिधि गुरुया आज्ञानुसारं कार्तिकमासं निस्ये शुक्लपक्षया अष्टमीपाति श्री अमोघपाश करुणामययागु मण्डलदेका स्नान शुचि शील एकचित्तं धारण याना प्रथम स्वयंभू त्रिरत्न स्मरण तथा पूजादि धुंका अनंलि अमोघपाश लोकेश्वर करुणामय स्मरण बन्दन पूजन सहित राजारानी नापं च्वना उपोषध ब्रत सन्तानया निमित्ते आरम्भयात ।

थुगु ब्रतयाना न्याला पुला वस्येलि रानीया गर्भबती जुल । दछिदस्येलि शास्त्रोक्त बिधि मद्य मांसाहार वर्जितयाना उपोषध ब्रत सिधेकल । महारानीया गर्भबती जूगु न्हेला दस्येलि आषाढ पुह्ली खुन्हु रात्रिस दिव्य सुन्दर (३२) लक्षणं पूर्णह्य पुत्र जन्मजुल ।

राजा मंत्री गुरुपिं खुसि जुया च्वन कुलानुसारं खुन्हुदेका जातकर्म व्यंकेगुयाना फिन्हु खुन्हु नामकरणया ज्या याना गुरु जोतीषपिगु बचन कया ब्रतयाना न्याला पुला

वनेवं गर्भवती जुया मासं पूर्णं जुइका दिव्यरूपह्य पुत्र जन्मजुल थ्व बालक दीर्घायुजुया सदानं निरोगी जुइमा धका आशीर्वाद बिया नामकरणयात थ्व पुत्रया नाम बिश्वन्तर राजकुमार जुल धया गुरु पुरोहित भिक्षु साधु याचकपिन्त दानयाना दीपाबली सहित उत्सवयात ।

उपोषध व्रतयागु प्रभावं देशे मंगल जुया शिबिराजाया पत्नी सुरुची-महारानीया गर्भं दिव्य सुन्दर (३२) लक्षणं संयुक्तह्य पुत्र जन्मजुया तच्चकं हर्षोत्सुक जुइका पुत्रयात बिश्वन्तर राजकुमार नामयाना आपालं उत्सवयाना बिज्यात । थ्व राजकुमारया दीर्घायु निरोगी जुइमा धका आशीर्वाद बिया प्रजापिसनं लेः ताया मंगल कार्ययात ।

अनंलि राजकुमारयात च्याह्यउपधातृमांषिं तया बिचार याकल निह्य दुरु त्वंकीपिं, निह्य मल मूत्र शुद्ध याइपिं, निह्य शरीरे बांलाका बस्त्रं पुंकीपिं, निह्य मखोय्क हितेकेगु बिचारयाइपिं । थुगु प्रकारं राजकुमारयात धातृबर्गं (तुतुमां धापिसं) बांलाक पालन पोषणयाना तल । क्रमशः तधिक जुया बल न्हेदंया उमेर जुयावस्येलि लिपि शालास तया गुरुयागु ह्लाःते लह्लाना बिल ।

गुरुपिसं स्यनेकनेमागुतक यथाक्रमं बिद्यास्यना लिपि व्याकरण काव्यकोश इत्यादि अनेक शास्त्रं पारंगत जुइका यौवना अबस्था जुस्येलि मुख्यम्ह सुबुद्धि गुरुयात बिद्याया अलंकारं पूर्णयाम्ह जुया दोसाल कौशेय बस्त्र (ताम्र तिनिह्वा) द्रव्य शिलपा लः ह्लाना संतोषयात गुरुनं राजायात राजकुमार लः ह्लाना बिल । बिद्या परिक्षा याकाव्यन पुत्रं थनंसेकागु फुक बिद्याव्यना ब्यूगु खना खुसिजुया पुत्रयात युवराजपद बिया गुरुपिन्तनं सुवर्ण दक्षिणा कौशेय बस्त्र (तास तिनिह्वायालं) दोसालगा बिया संतोषयात ।

अनंलि छन्दु बिश्वन्तर युवराजकुमार युवत्रावस्थानुम्येलि किसि सल गया गुयलें रये च्वना याकचा देगे श्रमणयावजीगु स्वाभावयात । उगु बायलस दारिद्र्यपिं याचक (फोनानेपिं) बुढा बुढी रोगी कांषि सुं दानकावइपिं भिक्षु ब्रह्मचारि ग्राह्यण इत्यादिभिं खनेव तच्चकं करुणातया राजगृहे (छें) सता थुमित नेगु त्वनेगु पुनेगु प्रशस्त जुइक

द्रव्यनं बिया सन्तोषयाना छोइगु । थ्व राजपुत्रया थुजागु त्याग चित्त करुणाया स्वभाव
खना अबुह्य शिबिराजां थथ्येमती चिन्तनायात ।

ह्लापा पुत्र मदया दुःख आः उपोषध व्रतया पुण्यानुभावं पुत्रदत्त । थ्व पुत्रया
अंग लक्षण बांलागुयात त्वेक आपालं बिद्या सेकल । नीति धर्म बिचारबान्ह्य खः । हानं
दानशील क्षान्ति बोर्य ध्यान प्रज्ञा आदि षट्पारमितानं सहित जुइका च्वन । थुजागु
गुण कीर्ति यश इत्यादि पूर्णह्य थ्वपुत्रं लिपा राज्यभोगस इच्छायाइमखुः ।

सकल वुष्ट दुर्जनपिन्त तोता संबृत्तिमार्गं तृष्णाय् लाइगु धका सीका निर्बृत्तिया
उत्तम धर्म प्रचारयाना राज्यैश्वर्यनं त्यागयाना बनेवना दुःखमचास्ये कष्टतपयाना
सकलमारपिन्त त्याका पाप (क्लेशं) मथोक निर्मल शरीर जुइका अर्हत् संबोधिज्ञान
प्राप्तयाना सुगत जिन धाय्का संपूर्ण बिद्याया अधिपति शास्ता धर्म राज अवश्यनं
लिपाजुइ ।

अथ्येया कारणे थ्व जि पुत्रयात राज्य भोग याकेत छु यत्नयाना बोधयाय्गु ।
यदि याय् मफुतकि थ्व राज्य गथ्ये स्थोर जुइगु । थुलि चिन्तनायाना शिबिराजा राज-
सभाय् च्वना मंत्री गुरु पुरोहित गण्यमान्यपि तथा खं न्यंकल ।

हे मंत्री तथा गुरुपि ! जिनं छगुखं धाय्त्थना न्ये । जि पुत्र युवराजकुमार
युवन्नावस्था जुल संपूर्ण गुण ज्ञान शास्त्रं पूर्णजुइ धुंकल थ्व त्यागी दयाधारि थ्वगु
स्वभाव आशय खना जि कौतुक चित्त (आश्चर्य) जुल । अथ्येया निमित्ते थ्येत छे
च्वना राज्य भोग याकेमाल । राज्य भोग मयास्ये तप यावनेत पिहां वनीगु जिनं
बिचारयाना ।

यदि पिहां मवनीगु ज्या याकेत रति क्रीडा सुख भोग इच्छायाका पिमछोय्गु
यत्न याय्त्त राज्यस भोगयाका छोगु थ्व देशे चक्रवर्ति राजाथ्ये मानेयासा जिगु वंशनं
छिन्न जुइमखुः सकसिनं मानेयाइ । छिमिसं थ्व जिगुखं न्यना जिगु क्षत्रि कुले लोह्य
थन अथवा म्येगु थासे गन चूलाइ अनयना कन्या लुइका वा याकनं काय्पात बिबाह-
याय् माल ।

थुगु प्रकारं शिबिजुजुं धं बिज्यागु खं न्यना मंत्री तथा म्येपि सकलें खुसिजुया जुजुयात प्रणामयाना बित्तियात । भो महाराज ! छपिगु आज्ञा शिरेतया सकभनं बिचार यावने धया मंत्री पुरोहितपि हर्षचित्तयाना विदाकया भिगु बेलाय् राजगृहं पिहांवना गनवंसा थिकजुड धका सल्लायाना देशे प्यछयेसनं योग्यगु थासे छें वना कन्या मावन ।

उगु समये दैबयोगं मन्दिनीनाम देशे विदज्ञ धैस जुजुया सुपुत्री मन्दिनीदेवी कन्या सुलक्षणी सुन्दरीह्य दु धागु न्यना उह्य जुजुया थासेवना मामागुखं ह्लाना चित्त बुछे जुडका साधु साधु धन्य महाराजा छपिंउः धका आशीर्वाद बिया मंत्री पुरोहितपि सकलें लिहांवया शिबिराजायात प्रणामयाना बित्तियात ।

भो महाराज ! ऋगु देशंपिने मन्दिनी देशया विदज्ञ नाम राजाया सुपुत्री सुलक्षणी सुन्दरीह्य मन्दिनीदेवी नाम कन्या लाभ जुडका मागु बनोबस्त थिक जुडका वय् धुन । अबिलंब मागु ज्वलं थिकयाना बिश्वन्तर युवराजकुमारयात बिबाहयाना बिज्याहुं ।

थुजागु भिगु खं न्यनां खुसिजुडका बिबाह ज्वलंफुक थिकयाना मंत्री पुरोहित गुरु बन्धुबगं इष्टमित्रादि सकलें निमन्त्रणायाना पुत्रयात किसिह्यय् तथा थःनं रथस चवना बिधिपूर्वकं भिगु लग्नया दिने होमादि सहित यानातगु विदज्ञ जुजुया थासे थ्यंका बिश्वन्तर राजकुमार युवराजयात मन्दिनीदेवीनं स्वधंबर क्रिया आरंभयात ।

उगु देशया राजारानी (मां अबु) निह्य नापं चवना पुत्री मन्दिनीदेवीयागु ह्लाः ज्वना बिश्वन्तर युवराजकुमारयात ह्लाते कन्या दानयात । अनंलि अनया ज्या सिधय्का सकलें लिहां वया थगु राजगृहे चवना तंत्र क्रिया सहजयान मिजं मिसाया शिर नापं तथा बाक्यसहित कलशाभिष्येक (होवयेगु) बिधि धुंका निह्यसिया छपा भूस तथा नेगु सहभोजनया ज्यानं सिधेका बिबाहोत्सव संगल कार्यनं समाप्त यात ।

अनंलि बिश्वन्तर युवराजकुमार स्त्रीनापं चवना स्नेह प्रीतिया रमण श्रीडा हर्षोत्पन्न जुडका आनन्दं वासयात । दक्षिणुला वस्येलि मन्दिनीदेवीया शरीरे गर्भ धारण

जुल । न्हेला पुलीथ्ये च्वंवले अति सुन्दरह्य पुत्र जन्मजुल । मनोरम राजलक्षणं पूर्णह्य कुमार खना शिविराजा रानी सकलें आपालं खुसि जुइका जिगु बंश छिन्नमजुल धका लेःताया च्वन ।

उगु समये प्रजागणपिनं सकलें खुसिजुया राजगृहे वया नानाप्रकारं मंगल बाजा थाना म्येहाला प्याखंडुला उत्सवयावल । बाज्याह्य शिविराजा छे जन्मजुगु बिषये तस्सकं लेःताया सकल अर्थजनपिन्त सता सन्तोष जुइक दानयात ।

ब्यंके धुंका नामकरणयात जारि कुमार धका नामयाना गुरू पुरोहितपिन्तनं दानयाना मंत्री तथा कर्मचारीपिन्तनं मान बिया सन्तोषयात ।

अनंलि दछिलिपा हानं मन्दिनीदेवीया शरीरे गर्भ धारण जुल गुलामास फुइवं दिव्य सुन्दरोह्य पुत्री जन्म जुल । कुलानुसारं ब्यंकेगु ज्या धुंका नामकरणया ज्यायाना कृष्णाजीनी राजकुमारी धका नामयाना ह्यापाथ्ये अर्थजनपिन्त दानयाना उत्सव यात । पुत्र पुत्री दया बिम्बन्तर मन्दिनीदेवी मां अबु तथा आजु शिविराजा अजिह्य सुरुचीदेवी महारानी सकलें आपालं हर्ष जुइका च्वन ।

अनंलि काय् म्हाय्पि निह्य धातृबर्ग (तुतुमां) पिसं मागुतक बिचारयाना तल क्रमपूर्वकं तधिक जुल । छन्हु बिम्बन्तर राजकुमारया मती थथ्ये चिन्तनायात । संसारया बिषय भोग थ्व राज्ये च्वना सुखैश्वर्य जिनं भोगयायबले स्त्रीनाप रतिक्रीडास भुले जुया जन्म बितेजुया वनि । थ्व सुख भोग अनित्यखः क्षणमात्रया थ्व जीवन म्वाय्गु । मचाय्क बुढा जुइतिनि रोगजुया छन्हु मृत्यु अवश्यनं जुइ । सकलया थथ्येजुया वइगुखः सदानं स्थीर जुइगु अवश्यनं मखुः ।

मचाय्क क्लेश (पाप) यानागुलि महादुःख जुया संपूर्ण धर्मयानागुनं लिपा जुइबले थ्व शरीर कथि तोःधूगुथ्ये छुं बस्तु बाकुदलावंगु समानं क्षणमात्र प्राणबायुनं तोता वनीबले थ्व शरीर छुं ख्यले दैगुमखुः । घांय् तुल्यजुया ख्यले मदतिनिगु लया बिन्दु समानगु ताउति च्वनीगु मखुः ।

धुलि चिन्तनायाना सीका बिश्वन्तर राजकुमार बोधिसत्त्वं प्रणिधानयाना थथ्ये ज्ञान लुमंकल । थ्व त्रैलोक (स्वर्ग मर्त्य पाताल) जगत् अनित्यखः क्लेश (पाप) अग्निदाहयानातल मचाय्क बुढा जुइगु मिसाजूसा बुढी जुया रोगं कैगु जंचातुला धुसि जुइगु छन्दु मृत्युयानाबीगु ।

थुजागु तापं दाहयाना स्वर्ग मर्त्य पाताले जन्मकाय्का चाहुलेमागु थ्व लोके काम भोगया अनुरागे नवगुबस्तुस भूजि भूले जुइगु समान खः । गर्भ दुःख जन्म दुःख मृत्युदुःख जरादुःख व्याधि दुःख अनेक भयदुःख इत्यादिस मचाय्क मचात ह्यितिगु समानं मनुष्य धाय्का चाहुला लिमलाका छन्दु चाया थल तज्याइथ्ये शरीर व प्राण निकूदला वनोगुखः शरीर तोता प्राण बायु पिहांवनि । ल ग्वाराया तरंग समान बिजलि चंकेजुइगु थ्ये बने पर्वतं क्वाहांवगु लःधा तुल्य स्वर्ग मर्त्य पाताले वना जन्मकाइ देव मनुष्य, दैत्य, पशुपंछि प्रेतनरक थ्व षट्गति चक्रेलाना सदानं भोगयाइ

अबिधाया बसे सकल च्वना तृष्णाया जाले न्या तक्कनीगुथ्ये खः । जगते च्वंपि प्राणि कुम्भकार (कुम्हा) याचाक हिलीगु समानं बिस्तार भतीचाहे मजूस्ये नदीस लया बेग न्हावनीगु समानं चाहुला च्वन ।

थः प्रेमपिगु रूप सदानं मिखां खनीमखुः वथ्ये थः यगु भिगुशब्द खं इत्यादिनं सदानं न्हेपनं न्यनेदमखुः । भिगु नस्वागु बस्तुनं न्हासं नत्वनेगु दैमखुः सागुरस बस्तुनं नेदइमखुः शरीर थिये दैगुमखुः । थ्व सुख भोग इत्यादिफुकं पलखमात्रखः कलिपाश दुःख याइगु खिपतं चिनातगु समान जुइ ।

गथ्येजा व्याधाया पाशेलापि, पशुपंछि माझियाजाले लापि न्या समान खः । माकया ह्लाते लागु वस्तु समानगु भयंभ्याप्तमानगु कामभारयागुण कामरागंयाना लिपा शत्रूसमान जुइपि परिवार आपादेका इतः मतः कना गनवने गन च्वने छुयाय् गुगुयाय् जुइका दुःख भोग थमंहे याय्मालीगुखः ।

पापिपि असिपत्र बने लाना चुपिकीगु समानं घाः जुइगु, तृष्णाया आशीबिष समानगु चुपि थ्येजागु निख्येसनं धारदुगु जोगु ताहाकगु शस्त्रतुल्यगु सिमायाहः फसं कया हायावइगुलि शरीरे लाना दुःख पीडा जुइगु खः धका आर्य बुद्ध बोधिसत्त्व

पिसं सीक तापाकातगु कामरागयागुण गथ्येजा बिषदुगु घट समानखः । तुमंस्ये वैगुलिं गंसीजुइगु ज्ञानबुद्धिफुकं होः गंगु थले लःजोया वनीथ्ये अनेक भयतापं ज्वया वनीगु दुःखया मूल कारणखः ।

सोभतृष्णाया लहरावनीगु सिमासमान, छोयाचवंगु मिसमान आकारगु नवगु फोहरगु भुतुना समानगु दुष्टबुद्धि पापिपि चवनीगु बिष इलातगु चुपियाधारे कस्ति इला म्पेफेकेबले घाः जुइथ्येजागु । गथ्येजा सर्पयाछचने रत्नक्यना बिषदुह्य सर्पन्याइथ्ये बिषया आशय (ख्यान) तुल्यगुखः धकासीका कामरागया बसेमच्चवना भींजुइ धका बिद्वांन् ज्ञानिगुणिक जनपिसं काम रागयागुणयात तोता चवन ।

कल्याणया सत्कीर्तिगुण भिगुज्या सद्धर्म यथार्थज्ञान थ्वीका चवनेमागुयात घाटक याना बीपिवल धासा उगु समयेइमित अप्रिययाना थुजापि दुष्ट बुद्धिपिन्त बिषधारी कालसर्प समान बिष मृत्युत्यागयाय्थ्ये त्यागयाय् फेकेमा । त्याय्हाया अवस्थानिस्थे धर्म ह्यसीका गुण साधनयाय् गुलि उत्साहयानाववं गुबलेतक म्वाना च्वनि अनतक सकलयात दयातया इष्ट मित्र वन्धु बर्गादि त्वाय्पासानं याय्गु योग्यजु ।

गुगुं बखते बुढा बुढी जुया शरीरजीर्ण जुइका हानं अनेकरोगं पीडा जुइकानं चवनेमालि । उगु बखते गथ्येजा हःमदुगु सिमास पंछिपि बासयाइगु तोतीथ्ये तोत्ये फेकेमा तोत्येगु समर्थ मदेफुः । बुढा बुढी मजुवंहे शरीर बलानिबलेनिस्थे म्वाना च्वतले सकल अधर्मि अहंकारि अभिमानि तेगु संगत जगतस तोत्येगुहे थःत कल्याण जुइ । गथ्येजा पंछिगणपिसं आपालं हःदुगु सिमास बासयाइथ्ये धर्म दुपिगु थासे बासयाना बुढा बुढी मजुवं धनजकमखुः धर्मनं कमाय्पाय्गु समर्थ देकेमा । छागु बलागु तमागु सिमाया बलदुगुलि बर्षाऋतु शरद ऋतु (अषाढ श्रावण) भाद्रव आश्विन मासया लहरां सिमाघेःपुइथ्ये त्याय्हा त्यासीयागु अवस्थानिस्थे धर्मनं घेःपुना तय्गु अंत्ये थःत कल्याणजुइ ।

थुजागु ज्ञानयात घाटकयाना मजूस्ये शरीर बलाबले बीर्योत्साह जुया धर्मस पञ्चाङ्गिना जुइफत धासा लिपा थ्यंक थःथःपिन्त अत्यन्त महाकल्याणजुइ अवश्य ।

धर्मतोता धनेजक लोभतया सुख भोगयाय्गुलिजक भुलेजुया जुलधासा छन्हु मचाय्क
बुढाबुढी जुइबले अनेक रोगदुःखं पीडा जुया मृत्युयागु अबस्थास रक्षायाइह्य पुण्यपासा
मदया दुःखजुइ रक्षायाइह्य पुण्यपाशा दतधासा सुखनानं ग्याय्म्वाः । सीके योग्यजु
पुण्यपासा ल्युल्यु किचसमानं वया अनेक रोग पुत्रः बुढा बुढीया दुःख मृत्यु जुइगु
समयेनं कल्याणहे जुइ ।

रोग बिबिध प्रकारया सकल प्राणिपिन्त मृत्यु दूत धैह्य कालज्वना मागु थासे
यंकि । रोगंपीडा मजूर्पि सुंदैमखु गथ्येजा सिमा स्वां घाँय्यात समेतं रोग जुइगुदु ।
पौष माघं चिकु रोगंसिनावनि बर्षाकाले च्वापुयात रोगजुया नाया वनि ।

रोगो हि बलवान् बैराः सर्वेन्द्रिय बिघातकाः ।

कुलधर्म समाचारनियमं ब्रतनाशकाः ।

एतद् दुःखं जगत्सर्वं संक्लेशै रपि तापितं ।

दृष्ट्वा यथा प्रतिज्ञातं तथाहं पूरयाम्यहम् ।

रोगख अवश्यमेव बलावान्ह्य शत्रुः संपूर्ण शरीरया इन्द्रिययात सनेमफेक
नाशयाना बीह्य । कुलधर्म आचोर नियम ब्रतइत्यादिनं याय्मफेका बीह्य थुजागु
दुःखं जगत बासी सकल प्राणिपिन्त पाप (क्लेश) या खिपतं सनेमफेक चिना ताप-
वाह याकातल । जिनं थुजागु बिपरीत खंका गथ्येजा प्रतिज्ञायाना थुजोगु अरिष्टरोग
रूपि दुःख मजुइगु दानपारमिता मुख्यगु धर्म जिनं पूर्णयाना तोत्ये धका बिश्वन्तर राजकु
मारं थ्ये चिन्तनायाना पूर्वजन्मया खं लुमंका एकाग्र चित्तं हर्षगु मनयाना च्वन ।

अनंलि छन्हु गुह्यजा थः पिता शिविराजाया न्ह्योनेवना पालि भोःपुया ख्वाः
चःकंका बित्तियात । भो पुरुषाधिराज पिता! छपिंगु पुण्यानुभावं छपिनिपुत्र जि
जन्म जुल थौं कर्मदैवं जित थन छोयाहल । अथ्येयानिर्मित छपिंगु न्ह्योने छुं छगु खं
बित्तियाय् त्यना ।

भो महाराज पिताजु ! म्येगुछुं अयोग्यगुखंमखुः गथ्येजा थ्व संसारे चाहुला च्वं पि सकललोर्कापिगु हितार्थेखः जिनं धाय् त्यनागु मती विषादयाना बिज्याय्मते जित कृपाया दृष्टि स्वया जिगु बिन्तिपूर्णयाना बिज्याहुं ।

थथ्ये पुत्रं बिन्तियागु खं न्यना अबुह्य शिविराजां पुत्रयागु खास्वया मिखास खोविवय्का खाखातूगु स्वरं थुगु प्रकारं धै बिज्यात ।

हे पुत्र ! जि प्राणया इश्वरहे छखः छुधाय् त्यना धा— संपूर्ण राज्य प्रजाया बिभूति धनद्रव्यादि तिसाफुकं छंगु अधिकार खः । आः जि छुयाय् माल । थथे अबुं धागु वचन न्यना हानं पुत्र राजकुमार विश्वन्तरं सत्यताया वाक्य प्रयोगयाना बिन्तियात ।

भो जनक पिताजु ! हानं छपिके बिन्तियाय् त्यना म्येगुमखु छु धासा न्यना बिज्याहुं । थ्व संसारे सारगु बस्तुछुंमदु फुक अनित्यखः फुक ऐश्वर्य सुख भोग राज्य इत्यादिनं अनित्यहे जुइ नित्यमखुः । काय् म्हाय् कला छेनं अनित्यहेखैः थुजागु फुकंहे अनित्य अवश्यनंख धास्येलि जिनं थथ्ये चिन्तनायाना भो पिताजु ! जित गथ्येजा ह्लापायागु पुण्यानुभावं थौं राजवंशया कुले जन्मजुल छपिसं विश्वन्तर राजकुमार धका नामयात काय्यात । नामयात त्वेक थुगु अवस्थाय् सीकेगु थ्वखः दानबिना सारगु धर्म हानं म्येगु सुखजुइगु गनदु अथ्येया निस्ति दानयाय्गु हे उच्चगु कर्तव्यखः दानयाकं हे थुजागु सदानं शुभ फललाभ जुल ।

दीपंकर तथागत बचनखः ।

दानं बिभूषणं लोके दानं दुर्गति निवारणं ।

दानं स्वर्गस्य सोपानं दानशान्तिकरं शुभम् । इत्यादि ।

दानयागु पुण्यानुभावं लोके शोभायमान कल्याण जुइगु तिसाखः । दानयाक्ये मभिगुगतिस लाना दुःखभोगयाय्मागु फुकं निवारणजुइ । दानयागु प्रभावं स्वर्गलोके थाहांवनेगु स्वाहाने जुइ । दानयानागु पुण्यया प्रभावं खः शान्ति जुया लोके भिगुमात्र जुइ मभिगु गुबलें जुइमखुः ।

भो महाराज अबुजु ! थुजागु सीका थ्वजीब पलख जक म्वाय्गु थ्वलोकखः
थ्व संसारे च्वनेगु तोता जि वनेत्यना मांगो अबुगो कला बन्धुबर्ग धापिनंगो प्रियपाशा
त्वाय् इष्टमित्रपिनंगो गनदु गनच्वनाच्वन गनमावनेगु । थन आः व थ्व इत्यादि खनेदया
च्वंगु फुकं नामसंज्ञा संसारे भुले जुइगु संबृत्ति ज्ञानमात्रखः निर्बृत्ति परमार्थ ज्ञानमखुः

इह शय्यागतेनापि बन्धुमध्येऽपि तिष्ठता ।

मयैबैकेन सोढव्या मर्मदे देव वेदना ।

थुगु थासे रोगजुया लासास च्वना च्वनेबले केबल बन्धुबर्गपिगु दथ्वी च्वनेगु
अवस्थाय् (दाजु किजा इष्ट मित्रादि पासा त्वाय् फुकीत कला काय् म्हाय् छे धापि
परिवार) थुपि सकसिनं चाहुला च्वंसानं जित प्राणान्त जुइक अर्थात् कथुगना हालेमफया
सहयाय्मफेक शरीरे अनेक पीडा जुया शंकष्ट जुइगुइले चाहुलाच्वंपि सकसिनं स्वया
जक च्वनि थुमिसं जिगु बेदना किचित्मात्र (छुं भतीचामात्रनं) छंगु बेदना जिमिसनं
इनाकाय् धाइमखु ब्यूसा काइनंमखुः । जि याकचाहे उगुरोग पीडाया बेदना सहयाना-
च्वनेमालीगुखः । सोयाच्वपि सकसिनं मिखास खोबिवेय्का पुलु पुलुं स्वया नुगर्मछिका
कसुका जक तथा च्वनि । थुगु जन्मस थथ्ये धास्येलि दानपुण्य हीनगु पापया फलं
लिपा नरके च्वना पीडा जुइबले जिमिसनं छंगु दुःख पीडा इनाकाय् धका कदापि
धाइमखुः ।

यमदूतैर्गृहीतस्य कुतोबन्धुः कुतः सुहृत् ।

पुण्यमेकं तदात्राण मयानच्च नसेवितम् ।

यमलोकया राजा यमराजया यमदूतधापिसं ज्वना गपते जंय् खिपतं चिना
मुगलं बरावर दाया दूरगुबनेयंका कंदुगु लोहंचा बाकुचा फिंगचा दुगु थासे क्वागु फिदुगु
थासे (भूमीस) न्यासिवनेत थाकुगु लें पलाछिका तुति पालिस पीडाजुइका च्वंह
(कर्म भोगं वनेमागु कर्म भूमीया लें वंहसिया) बन्धुबर्गादि दाजु किजाधापि इष्ट-
मित्रादि गनदेगु । उगु थासे थःत रक्षायाइह्य पासाधर्मखः (पुण्य) छह्य जकदयाच्वनि ।
म्येपि पासासुंहे दंमखुः । थ्व रक्षायाइह्य धर्मपासायात जिनं सेवायाना तथागु मदुः धका
जगुवखते हाहाकारं खोय्मालि । । तस्मात् दानं महत्तर मिति ।

अथ्येया कारणे दानयाय्गुखः आपालं पुण्य प्राप्तजुइगु खः । उजाह्य धर्मपासा धका सीकेगु कीसंयोग्यजुः ।

अथ्येया कारणे भो पिता ! छपिसं थन राजमण्डिरेः॥ धन द्रव्य रत्न बिबिध प्रकारया बस्तु सोथनातगु दु । दानशाला दय्का छपि जिनं च्वना सुं अथिजनपिसं नेगु त्वनेगु पुनेगु तीगु बस्त्र लाशा लुं वह मोति रत्नादि पुनः किसि सल रथ छुछुखः दानकावइपिन्त दानयाय । म्येगु ज्या याय्गु जिनं मतीमदु जिगुइच्छा थ्वहेखः दानयाय्गु सामाग्री थिकयाना जित बिषा बिज्याहुं ।

थुगु प्रकारं सारगुखं पुत्रं बिनित्यागु न्यना अबुह्य राजा आश्चर्यजुल । काय्यागु ख्वाः स्वया अबुह्यसिनं थथ्ये विचारयात । थ्व काय्नं छुयाय्त्थन आः जिनंमस्यु थथ्ये चिन्तनायाना हानं धै बिज्यात । हेपुत्र ! छं धागुखंया ज्यायाय्गु अर्थ बांलाक जिनं सीकेमफुत । हे सुपुत्र ! छं मनोरथ काय्यं छुछु याय्गु इच्छादु उगु काय्यं फुकंया ।

थथ्ये अबुं धास्येलि खुसिजुया अबुयागु पालिभोःपुया हानं बिनित्यात । भो नृप ! तथाऽस्तु छपिगु बचन जिनं शिरे तथा बांलाक ज्यायाय् छुमती बिषादयाना बिज्याय्मते धया थःगु कोथास वन । अनंलि छुं दिन लिपा मंत्री तथा म्येपिसता बिश्वन्तरं खं न्यंकल । हे अमात्य कर्मचारिपि ! जिगु खं न्यना ज्या याय्गु स्व । छु धासा दान पुण्यया उत्सवयाय्गु जि इच्छाजुल उगु ज्याय् पूंयाय्त्त सकसिनं हर्षचित्त-याना दानयाय्गु ज्वलं थिकयाना दानयाय्गु थाय् (दानशाला) थिकया ।

राजकुमारं थथ्ये धागु बचनानुसारं मंत्री तथा कर्मचारीपि सकलें मिलेजुया बिदर्भ नगरया राजगृहस दानशाला दय्का थिकयात । आपालं शोभाजुइक ध्वजा पताक किंकिनीजाल चंपकस्वांमाला नानाप्रकारया छत्र अष्टमंगल चिह्नबोय्का चतुर्भ हाराजपिगु चिन्ह सहित प्यकुने स्वाना सुगन्धपुण्य धूप एवं दीपभाण्ड तथा बुद्ध धर्म संघ तारा बसुन्धरा बोधिसत्त्वपिगु प्रतिमा पुनः सिंहमूर्ति केरामा जवेखवे तथा द्वाहां वनेगु पिहां वनेगु लुखानं तथा दीपंकर तथागत बुद्ध मूर्तिनं युक्तयाना दानशाला तयारयाना वयन । उगु थासे दानकावइपिन्त फुकं थिकयाना बिल ।

॥ उक्त प्रमाण बोधिचर्यावतार पाप देशना ४१/४२ अंकस उल्लेख जुया च्वोगुनं दु ।

उगु समये खुसि जुइका बिश्वन्तर उगु दानशालास च्वना भिगु दिन बेलानिस्थे आर्य्य तथा भिक्षुगण एवं अर्थिजनपिन्त क्रमानुसारं दानबिया सन्तोषयाना च्वन ।

थुगु भिगु कीर्तिया जयशब्द न्यना प्रत्येकबुद्ध महायान भिक्षु श्रावक भिक्षु उपाशक संघगनपि साधु योगी ब्राह्मण इत्यादिपिनं गुलि तापाक निस्थेनं वया दानकाव-
पिन्त श्रद्धातया दान बिया सन्तोषयात ।

गुलिदान कावपि गुलि दान कया लिहांवपि गुलि बांलाक आशीर्वाद बिया च्वपि थुगु प्रकारं बिदर्भ देशे महामंगलोत्सव जुइका शोभायाना मंगल जुइगु दान बाक्यया आशीर्वाद जयशब्द न्यना आपालं लेःताया शुद्धचित्तं दान बियावं च्वन । अनंलि छन्हुयादिने मारदेबताया सहयाय् मफया अनयासे दान बिधनयाय्गु निमित्ते दान कावइपि छह्यहे मवेक शून्ययाना बिशोभा जुइका बिल ।

दानशालास नित्यदान बिया उत्सवयानाच्वंगु छिन्नयाना बिल । उगु बखतेदान बीगु ज्या मजुल दान कावइपिनि अन देशे च्वपि सकलया थःथःगु छे अन्न धन द्रव्य बस्तु पूर्ण जुगुलि सुनानं दानकामबल अथ्येया कारणे सकलें सन्तुष्टजुया च्वंगुलि हानं हानं छाया दान कावनेगु लोभि घाइ धका लाजं छह्यहे अर्थिजनपि मवया दानशालास बांमलाच्वन । अथ्ये जूगुखना थ्व बिश्वन्तर राजकुमारया मती खेद जुया चिन्तनायाना लिपा थय्येखं न्यंकल ।

अहो थ्व छगु हेतुखः छह्यजकनं दानकामवगु कारण जिनं बिचारयाना । कीगुदेशे भिक्षु श्रवण ब्राह्मण एवं दारिद्र इत्यादिपि सकलयाछे कोथाय् धुकुति ह्लापा स्वयानं आपालं धन द्रव्य अन्नइत्यादि दया वगुलि दान कामबलखैः । आ थ्व त्याग चित्तयानादान बीत संकल्प यानातयागु वस्तु इत्यादिफुकं स्वैतदान बिधा सिधेकेगु । नित्य दानमयास्ये मनयाह्य जिनं आः दान मब्यूस्थे गथ्येनेगु जिनं नित्यकर्मछाय् बिधनयाय्गु थौं भोजनयाय् छु यायगु आः थनजकदान बियानं ज्या सफलजुइमखुत थुलि चिन्तना-
याना हानं बिचारयात देशांतर प्राप्तेवना जिनं दानयावने । उगु बखते अनग्रामे च्वपि अर्थिगणपिन्तनं सन्तुष्टजुइक दानबिया जिनं दानबीगु कल्पना पूर्णयाय् । थन थुगु समये

भिक्षु श्रावक संघ एवं गृहस्थ ब्राह्मणादि अर्थजन याचकपि सुहेमवल श्व संकल्प याना बाकि दुगु बस्तु थथ्ये विशोभा जुइक तयातेगुनं योग्यमजुल । अथ्येया निम्ति ग्राम ग्रामान्तरे थाय् थासे वनेगुहे थिक जुइ ।

थथ्ये मतीतया किसिदुथाय् हस्तिशालास वनास्वत जि अबुया गइम्हहस्तिरत्नखः (गजरत्न) धका नांछुनातह्य महाबेगी आपालं बलदुह्य किसि छह्य पितहया श्वहे किसिपंकेगु धका वयागुह्य धनद्रव्य बस्तु अनेक तया थनंवहे किसि गयावना देशं पिने ग्रामान्तरे (ग्रामग्रामस) चाहुला अर्थजन दानकावइपिन्तसता दानबीगु कार्य आरंभयाना लिपा थमं भोजनयात । अनंलि प्रशन्न मनजुइका ह्निह्नि थुगुप्रकारं दानयाना पुण्यया प्रभाव कयना जुल ।

अनंलि छन्हु थथ्येदानयाना जूगु शब्द न्यना सहयाय्मफया म्येगुहे देशया राजा दुर्मतिह्य द्रुपस नाम जुजुं श्व विश्वन्तरया दानयाना जूगु छुयासा बिघ्नजुइ । थथ्ये कुचिन्तनायाना खाः चकंका ह्लिला थः मंत्री प्रजापि न्याह्य ब्राह्मणपिनं सता थथ्ये गोप्यगुखं न्यंकल । हेमंत्री प्रजा ब्राह्मणपि ! जिनं छगुखं धाय् छिमिसं न्यना थुगु ज्या सिद्धयाय्गुस्व । छुधासा गुह्यजा शिबिराजाया देशे कीपिवना संग्रामयाना त्याका अनच्चंगु धन द्रव्यफुक देश ग्राम ग्राम प्रजापिनं कीगुहे जुइ ।

श्वज्यायाय्त् ह्लापालाक अनच्चह्य राजाया गइह्य रत्नगज (गजरत्न) किसि आपालं बलबीर्य पराक्रम लक्षणदुह्य छम्हदु । वकिसिया प्रभावंयाना उगु देशे सदानं भिनाच्चन सुनानं वजुजुयात त्याकेमफुः । वहे किसिगया वया काय् त्यागीम्ह विश्वन्तर राजकुमारं ग्रामे उख्ये थुख्ये चाहुला अर्थजन दानकावइपिसं धागु दानयाना जुल । वइगु न्ह्योनेवना हेब्राम्हण ! छिमिसं वया गयावम्ह गजरत्न किसि छम्हदान व्यूसा काय्गु म्येगुदान मकाय्गु । वत्यागी खः अनेक तालं आशीर्वाद बिया खंल्लाः खुसिजुया दानबी वकिसिगयावा । कीगु देशे पबित्रजुया बांलाइ । अनंलि लिपा वशिबिराजानाप पुढ याय्बले कीपि जित् जुया मनोरथ कार्य सकल जुइ । हेपंच ब्राम्हणपि ! थुलि जिगुखं स्वीकारयाना किसि छम्ह दान कयावा ।

थय्ये धागु राजाया आज्ञान्यना न्याह्यब्राह्मणपि हर्षमान जुइका तथाऽस्तुयाना छपिगु बचन एवं कार्यं जिमिसं सकलयाना ज्या सिद्धयाय्गु आवश्यजुल छुं धन्दा कया बिज्याम्वाः । थय्ये धया न्याह्य ब्राह्मणपिसं जुजुयात प्रणामयाना उगु देशं भ्रमणयाना बवं थाय् थासे दिपुयाना बिश्वन्तर राजकुमार गनदु धका न्यना जुल गुलि धर्मालु पिसं वयनाहल ।

अनंलि न्याह्य ब्राह्मणपिवगु उगु समये गुह्यजा महाज्ञानि कृपावन्त कारुणीक बिश्वन्तर राजकुमारं तापाकं निस्येखन । खनेवं थ्वमहाज्ञानिह्य सत्वख मैत्री करुणां संयुक्तह्यसिनं ताउतिं स्वया हर्षचित्तं ख्वाःचःकंका हिलामनं चिन्तनायात ।

थौं जिगु मनया संकल्प सिद्धजुइगु निश्चयजुल तापाकं निस्येवपि थुपि न्याह्यब्राम्हणपि जिथाय् वया दानकावपि अवश्यनंखः धका बिचारयाना बिश्वन्तर अतिलेः ताया च्वन ।

उगुइले थुपि न्याह्य ब्राह्मण थ्व महाज्ञानि बोधिज्ञान दुम्ह बोधिसत्त्व महासत्त्वया न्होने थ्यंकवल । गथ्येजा जुजुं धयाहगुखं तुमंका थपिनिमनया कल्पनाथ्ये बांलाक आशीर्वाद बिल । थय्ये शुभाशीर्वाद व्यूगुन्यना थ्व महासत्त्व बोधिसत्त्व बिश्वन्तर राजकुमार हर्षया स्वांहोगु चित्तं आदरतया थय्ये धै बिज्यात ।

साधु साधु ब्राह्मणपि जिगु भाग्यंप्राप्तजुल जिनं दानकावइपि अथिजन याचकपि गनगन दु धंगु निमित्ते थाय् थासे चाहुला माला जुया थौं जिनं छलपोलपि मित्र समानं थन जिगु न्होने थ्यंक बिज्यात । छलपोलपि दान काय्गु निमित्ते बिज्यानागु खसा धं बिज्याहुं जिनं दानयाय्त्यना छुमाल जिके दुगु बो ।

थुगु प्रकारं राजकुमारं धागु खं न्यना ब्राह्मणपिसं बिन्तियात । भो महात्यागी नृपात्मज बिश्वन्तर राजकुमार! छपिहे दर्शनयाय्गु कारणे देशान्तर ग्राम चाहुला दुःखसिया वया छपि गनुदु धका थाय् थासे न्यना न्यना वया भाग्यं थन छपि वर्शनदत । आ जिमिगु आशापूर्ण जुइगु अवश्यखना । भो महामते ! दरिद्र रोगी दुःखी याचकपिगु उपरे करुणा तया चाचाहुला धाधागु दानयाना च्वंह्य छपिखः । जिपिनं दानकाय्गु इच्छायान वयापिखः गथ्येजा जिमिगु मनया इच्छाख पूर्ण जुइगु थौं सीके धुन । वथ्ये छपिनिनं मनोरथ कार्य सिद्धजुइगु थौं जुइमा ।

म्येगु दानया निमित्ते जिपि थन वयागुमखुः धन द्रव्य अन्न बस्त्र इत्यादि जिमिगु छे पूर्णहे जुया च्वंगुदु । भो नृपात्मज विश्वन्तर राजकुमार ! न्यना बिज्याहुं छपिनि गयावयाह्य हस्तिरत्न ख (गजरत्न) धाह्य किसि छह्य जिपिनं गनंवेनेत च्वनेयानिम्ति दान बिया बिज्याहुं जिमित म्येगु बस्तु छुहेम्वाः बीमखुसा जिपि निराशा जुया लिहांवने ।

थनंलि थुपि न्याह्य ब्राह्मणपिसं थथ्ये धागु खं न्यना लेःताया किसिम्हं क्वाहांवया भूमीस च्वना थ्व बिश्वन्तर राजकुमारं ब्राह्मणपिगु उपरे करुणा चित्त उत्पत्तियाना ह्लिला थथ्ये धै बिज्यात । जिगु उपरे दया कृपातया जित तस्सकं पुण्य प्राप्तजुइगु हस्तिरत्नख (गजरत्न) किसिछह्य दान काबिज्यात थ्व जिगु भाग्यया प्रभावखः ।

हे महामिध्र ब्राह्मणपि ! कुबीकाहयागु धनद्रव्य बस्तुनं सहितयाना व किसि जिनं थौं थन च्वना छपि न्याम्हसितं दान बीगु अवश्यनं इच्छादु । थथ्ये आज्ञा जूगु न्यना ब्राम्हणपिनि मन हर्षयात ।

पुरो स्थित्वा अतेन्द्रित्वा दान वाक्यं च प्राबदत् ।

तदा बिश्वन्तरो धीमान् संकल्प प्रददौ मुदा ।

अनंलि दानयाय्त एकाग्र चित्तयाना च्वंम्हसिगु न्ह्योनेच्वना मुख्यम्ह ब्राम्हणजुं दान वाक्यबोन । उगु बेलास धीरवन्तम्ह बुद्धिमान् विश्वन्तर राजकुमारं हर्षपूर्वक संकल्पयाना न्याम्ह ब्राम्हणपिन्त हस्तिरत्न (गजरत्न) नाम किसि छम्ह दानयात ।

अनंलि थुपि न्याह्यब्राम्हणपिसं किसिकया भिनकं आशीर्वाद बिधा अनेकतालं हर्षभावयाना किसिम्हय् च्वना न्याम्ह ब्राम्हणपि लिहांवन । अनंलि राजकुमार बिश्वन्तर राजगृहे लिहांवन किसि गया पिहांवम्ह किसि समेतं दानयाना छे लिहांवल धका उगु बखते प्रजागणपि सकसिनं थुकियागु कारण थथ्ये सीकल परयात जयजुइगु बिषये राजकुमारं ब्राम्हणपिन्त किसि दानबियाछोत । थुलि सीका सकल प्रजालोक पिनि मनस तँचाया परस्पर सल्लाहयाना जुजुयाथाय् वना बिन्तियावने धया मंत्रीप्रभीति प्रजासकलया नायोत मुना कोलाह शब्दं हाला राजकुलसवन । राजायात प्रणामयाना थथ्ये बिन्तियात ।

भो महाराज ! राजाजुयानं छलपोलं छुंविचारमयास्पेसुंक चवनाबिज्यात छपिनि-
जकमखु ऋगु देशेनं लक्षणंसंयुक्तम्ह हस्तिरत्न किसिमन्त । छपिनिकाय् राजकुमारं
परयात किसिदान बियाछोय् धुंकल । थुकीयागु कारण जिमिसं सोकेधुन । छम्ह
दुर्मतिम्ह द्रुपस राजायागु छलं दूतपि न्याम्हब्राम्हण छोयाहया किसिदान काय्केहल ।
थुमिसं अनेक तालं खंल्लाना छलकपतं किसिदानकया ऋगुदेशं पुला लिहांवने धुंकल
किसि दानबियाछोम्ह राजकुमार खः ।

आ अवश्यनं छपिगु थ्वराज्यया ऐश्वर्य्य फुकं बिनाशजुइ । आः किसि छम्हजक
परयात बिल जिमि तुगमछि लिपा छपिमदैबले थ्व देश राज्यनं छपिनिपुत्रं दानमबीस्ये
चवनीमखुः । अथ्येया कारणे जिपिफुकं म्येगु देशया राजायागु ल्लाते लाना परया
दासदासी जुया चवनेमालि । जिपि प्रजापिन परराजायात अथबा ब्राम्हणपिन्त दानबिया
छोइबले जिपिफुकं गनवनेगु परयावसेलाइ । प्रजापि मदेका देशेराज्य ऐश्वर्य्य फुकं
राजाया गथ्ये जुइगु । अथ्येया निमित्ते छपिनि पुत्रयात थनदेशे तय् मजिल धेगु
बिचारयाना राजगृहे तेगु इच्छायाना बिज्याय्मते । जिमिगुखं न्यना छुउपाययाय्-
मागुख उपाययाना ऋगुदेशं पिने तपोवन छोया बिज्याहुं । यदि थनहे राज्येसं तयातल
धासा अवश्यमेव बिचनजुइ अथ्येया निमित्त भो प्रभू महाराज ! कुमारयात खं न्यंका
याकचा छोय्गु अन्याय जूसा पाशातया जूसानं तपोवन छोया आनन्दं छपि चवना
बिज्यासाजक जिमिनं छपिनिनं सुखजुइ मखुसा राज्यनाश जुया दुःख जुइगु संभवदु ।
थ्वखं छपि प्रतीत मजूसा जिमित्त बिदा बिया बिज्याहुं जिपिसकलें म्येगुहे देशेवने छाया
धासा थनचवसानं जिपि लिपा म्येम्हराजाया दास जुइमालिगु अवश्य खना ।

थुजागु तालं प्रजागणपिसं विन्तियाना खंल्लागु न्यना शिबिराजा मनस अत्यन्त
तापजुया लिस मब्यूस्ये सुंकचवन । न्हकुतिया कपाले छयने ल्लाःतया दैब नामकया
शोकयात । हाहा गुजोगुखं न्यनेमाल धका ऋमुका तया दुःख चिन्तनायात ।

ह्लापा सन्तान मदया दुःख आः काय् छेपि सन्तान दया दुःख जुल धका बिषाद-
याना खोबिवेका उगु बेलास अथ्ये प्रार्थनायात छख्ये अलग चवना । त्रिरत्ननाम स्मरण
यानादैब योग व्रतपुण्यानुभावं पुत्रजन्मजुल धका हर्षयाना आनन्दं चवना । आः थन थुजागु

अवस्था जित जुल छुयाय्गु गनवनेगु गनचवनेगु थःछेच्चना थः काय्यातबने तपयाहुं
धकागथ्ये पिछोय्गु । जिनीति धर्मस बिपरीतगु खंल्लाय्गुनं योग्यमजु – अहो जि छुयाय्गु
आः सकल प्रजापिन्तनं गुगुरीतं छिपिहे प्यहांहुं धाय्गु । प्रजापि मदेका छुयाना
राज्ययाय्गु । जिप्राणया इश्वर राजकुमार काय्यात गुगुप्रकारं त्यागयाना प्यहांहुं
धाय्गु । काय्मदेका देशे अथवा छेयाकुले छु शोभादैगु । देशबासी लोकपिसं म्वामदुगु
धिकारया खंल्लात यथ्ये मती अनेक चिन्तनायाना राजाया मिखास खोबि पूर्णयाना
गपः तपु जुइका कथुस इइ पंका तार्जति आकाशे थसोया प्रार्थनायाम्ह लिपा भोः
मुला खोल ।

अनंलि छुं लिपा धीरयाना दनावना शिविराजां धै बिज्यात । हेमन्त्री तथा प्रजापि !
छिमिसं धागुखंया लिस थनिप्यन्हु बिचारयाना धाय् आः यात थःथःगु छेहुं धया बिदा
बिया छोट । । थनंलि मन्त्री प्रजानार्यापि सकलें राजाया आज्ञाशिरे तथा तथाऽस्तु
धया राजायात प्रणामयाना थःथःगुछे लिहांवन ।

अनंलि राजा व रानी निम्हसिया मिखास खोबिवेका बिलापयाना कोथास राजा रानी
निम्हसिया खंल्लाना दिनरात्रि धैर्यरूपं भोगयात निन्हुदस्येलि राजां भौमचा मन्दिनी
(मन्त्री) यात सःता थथ्ये खंल्लात ।

हे भौमचा ! छं भातयात बांलाक खं ल्लाना यत्नरूपं चित्तबुछे जुइकाच्चं ।
जियाय् मवगु छाय्जुइ आः थथ्ये जिगु न्होने वा धयाहल धका छं नापं बोनाहति ।

राजा ससः अबुजुं थुगु प्रकारं धागु खं न्यना तुति भोःपुया तथाऽस्तुयाना कोथा-
सवना स्वामीयात ससः अबुजुं धैहगु खंरुना त्रिन्तियात ।

भो स्वामीजु ! छपि महादाताख अबुयाके मन्यंस्ये देशे श्रमण जुया छुछु ज्यायाना
बिज्याना अबुया खाः चःमकं छपिन्तनापं बोनावा धयाहल छाय्जुइ जिनंमस्युः । स्त्रीनं
थथ्ये धागु खं न्यना ह्लिलास्त्रीया खाःस्वया विस्तारं धर्मया खं न्यंका राजकुमार
हर्ष जुइका च्वन ।

उगु बखतस मन्दिनी स्त्रीनं फुकखं श्वीका सीका हानं स्वामीयागु ख्वा स्वया गुणकीर्ति लुमंका मिखास खोबि जाय्का खोया बिनित्यात । उगु बखतस अबुयागुखं व प्रजापिसं धागु यथार्थं खं फुकं कनेमफया स्वामीयागु मुले भोःसुला महाशोकयाना च्वन ।

उगु बखतस राजकुमारं थुकीयागु बृत्तान्त खं फुकं विस्तारं संकेतसीका धैर्य्य-याना थुगु प्रकारं मती चिन्तनायात । अवश्यनं श्वदेशं पिनेवने माल धासा जिवनेगु निश्चय । थथ्ये चिन्तनायाना स्त्रीयात शिरे पितुपिया थना ख्वास्वया मधुर बचनं हानं थथ्ये धाल ।

अरे प्रिय स्त्री ! छुकारणे छं शोक बिलापयानागु थन छन्त छु जुल सुनां छु धाल बिलापयाय्गु तोति । हे कान्ते ! शोक सन्तापयाना खोय्मते छ वया खं ह्लावगु निमित्त जिनंसीके धुन अवश्यनं आः छुजुइमागुख जुइ ।

जिनं अयोग्यगु ज्या छुयानागु मदु मां अबुपिसं जित छु निमित्ते दुःखबी-हे प्रिये ! छाय् धन्दा कया अबुया थाय् छनं जिनं नापं वना दर्शन यावनेनु धया स्त्रीयात बोधयाना गन मां अबुपिं च्वना च्वंगुख अननिम्हं उपस्थित जुया प्रणामयात । उगु बखते राजाया थःकाय् भौमचा निह्य नापंवगु खना थुमिगुख्वाः जकस्वया खाखातुक खं ह्लाना गपजक तपुय्छे जुइका खोबिसोसोवय्का पृथिवीस भोःसुला तार्जित्खोल । थथ्ये मानं अबुनं खोगुस्वया राजकुमारं मां अबुपिन्त पालि भोःपुया थथ्ये बिनित्यात । छुकारणे आमथ्ये छिपिं मांअबु निह्यस्येनं विलापयानागु । जिगुकारणे छिपिनिह्यसिया महादुःख एवं शोक सन्ताप जुलला । आः जिछुयाय्माल जिगनवनेमाल जिगुनिम्ति राज्ये बिघ्न जुइगु खतला ।

श्व किसिदानया प्रभावं देशे कुशल जुया सत्वपिन्त हितसुख जुइगुखः । जिनं थुजागु भिगु चिन्तनायाना दानबियाच्वना । आः थन म्येगुहे तालं सहाय्यमफेका मारदुष्टपिगु कुदृष्टि दानबिघ्नयाय्त अनेकतालं मभिगु ज्यायाय्गु ग्वसायात । मनस चिन्तनायानागु भिगुज्या दैवंमयाकुगुमखुः याकूगुहेखैः ।

श्वज्याय् मंत्री प्रजापि तथा नायपिसं मसिल तथापि थुमिसं गथ्ये धागूखः अथ्येहे जिनं स्वीकारयाना वनेवना सिमाक्वसं क्वातुक (स्थोरासनं) च्वना तपयाय्गुलि उत्साहयाना । भो माता पितापि ! छलपोल निहसितं छेपिनिम्ह बांलाक बिचारयाना तै बिज्याहुं जिछम्हजक मखना मती अनेक चिन्तनायाइ ।

भोनृप अबुजु ! छपिनि भौतचां काय् म्हाय् निम्ह जन्मयात थुपि मचातिनि छपिसं पालन पोषणयाय्गु कर्तव्यखः । गथ्येजा दानकावईपिन्त जिनं दानयानागुखः अथ्येहे अथिजन भिक्षु तथा सुंम्येपि वइबले दानबिया धमंहासीका बिज्याहुं । थथ्येहे प्रजापिन्तनं हित सुख जुइका धर्मया खं न्यंका दानपुण्यनं बरावर याका सकलें आनन्दं बासयाना बिज्याहुं ।

भो तात अबुजु ! लोकपिन्त अन्याययाना दुःखबीगु ज्या गुबलेंयाय्मते । यात घासा लिपा थतनं दुःखयाइ थमनंदुःख भोगयाय्मालि । थुजानु खं काय् नं धागु न्यना मां अबुपिसं उत्तर (लिस) बीगु समर्थ मदया सुंकच्चन । सुंकच्चंगुखना थ्व कुमारं मती थथ्ये चिन्तनायात । आः थन बिलंबयाना च्वनेगु प्रयोजनमखुत धका मां अबुया पालि भोःपुया जि बनबासवनेत्यना बिदा बिया बिज्याहुं धया बिदाकया कोथासवना काय् जारीकुमार यागु ख्वाः स्वया चिन्तनायात । थ्वैतनं चित्तबोधयाय्माल धका संबोधनयाना धाल ।

अरे प्रिय पुत्र ! थौं अबुं छन्त तोत्येमागु बखत जुल दुःखताय्मते छं आजु शिबिमहाराजा नापं च्वना सेवा भक्तियानाच्चं धया ख्वाले पितु पिया चुप्पानया ख्वाः त्वाका थ्व गृहस्थियागु प्रीति स्वभावखः जिनं तोता प्यहांवने त्यना जानिजुयाच्चं धया, पत्नीया ख्वा स्वया धाल । अरे प्रियस्त्री मन्द्री मन्दिनी छनं दुःख ताय्मते काय् जारीकुमार, पुत्री कृस्नाजिनी निम्ह मचात जूसानं ज्ञानदुपिख जिगुखं न्यंधया कला काय् म्हाय् स्वम्हनापंतया स्वम्हसिगुनं ख्वाःस्वधा थथ्ये खं न्यंकल । हे गुण धारी गुणमती सत्यवती स्त्री ! छं काय् म्हाय् निम्हदु बांलाक स्नेहयाना जिमां अबु निम्हयातनं छंहे मां अबु भापायाना इले नका मचातेतनं नका तोंका थःनं नया त्वना राजगृहे

(છે) જિ લુમંકા ધર્મયાના આનન્દં વાસયા । જિ બંક નામ જુયા ચ્વંગુ આનન્દમય
 વનેવના તપ યાવનેગુ ઉત્સાહયાય્ ધુન । હેકાન્તે પ્રિયસ્ત્રી ! છં સીકિ થન રાજગૃહે
 (છે) ચ્વના મુખ મોગયાના ચ્વનેગુ ક્લેશયાજાલે તવ્યનીગુ (પાપ પાશાં ઘે પુના તૈગુ)
 લિ અનેક મભિગુજક ચિન્તના ઉત્પન્નજુયા દાનપારમિતાયા જ્યા બોધિસત્ત્વચર્ય
 મહાયાન બુદ્ધ ધર્મયા જ્ઞાન પૂર્ણયાય્ત થાકુડ ।

અથ્યેયા કારણે દાનપારમિતાયા યોગ પૂર્ણયાય્ જિ આઃ ધાથ્યે તપોવન વનેત્યેના
 દાનયાય્ગુ મૂલ ધર્મઃ યાય્ સિદ્ધેકા યાકનં લિહાંવયે । અથ્યેયા નિમિત્તિ છં જિત ગનેમતે
 છે ચ્વના ધર્મયા, ળીગુ ધુકુતી આપાલં ધનસંપત્તિ દુઃ અથિજનપિન્ત દાનવિયા પુત્ર
 પુત્રી પિન્તનં બિચારયાના ચ્વં ।

થુલિખં સ્વામીનં ધાગુ ન્યના થ્વ પતિવ્રતાસ્ત્રી મન્દિની દેવીયા ગપઃ તપુથ્યે
 જુડકા લોબિવેકા સ્વામીયા પાલિ મોઃપુયા લોયા બિન્તિયાત । અહોદૈવ મો નાથ
 મહાસ્વામી પ્રભૂ ! છલપોલ આપાલં બુદ્ધિમાન્મ્હ લઃ જિ મૂર્ખ મિસાયાગુ બુદ્ધિ
 બિન્તિયાય્ ન્યના વિજ્યાહું ।

મો પ્રાણનાથ ! છપિ વનેવનેગુ ઇચ્છાયાત જિત તોતા વનેમજ્યુ ધકાગથ્યે બિચાર
 મન્ત । ગુગુ અવસ્થાય્ જિત તોતાવનિ ડગુ અવસ્થાય્ જિનં પ્રાણત્યાગ યાય્ત્યના । હે
 પ્રાણબલ્લભ ! જિગુ પ્રાણયા માલિક છપિ લઃ । છપિ વને વિજ્યાડ જિનંપ્રાણ ત્યાગ
 યાય્બલે થુપિ નિહા બાલક કાય્ હ્યાય્પિનિ છુગતિ જુડગુ ।

મોપ્રભૂ સ્વામી ! હાનંધાય્ વિવેક યાનાજક વો વિજ્યાહું, દાનપારમિતા પૂર્ણયાય્ગુ
 ઇં વિજ્યાત પ્રથમ સ્ત્રીયાત અપરાધ મયાસ્યે, દ્વિતીય બાલકપિન્ત ઘાટક મયાસ્યેનં યાય્મા
 ગુલઃ ધકા સીકેમા । મો પ્રભૂ સ્વામી ! છપિસં જિપિ ત્યાગયાના વને વિજ્યાય્ગુ
 યોગ્યમજુઃ છપિગુ શરીર લુમંકા સિનાવનેગુ જિનં ઉન્સવયાય્ગુ અવશ્ય ।

દુઃખયાતરંગ સહયાય્ગુ સ્પયાનં સિન્નાવનેગુ મીજુડ । દુઃખયા તરંગે ચ્વના મ્વાના
 વ્વનેગુ છં પ્રયોજનમદુ અથ્યેયા નિમિત્તે છપિ વેદેકા છુ મ્વાય્ગુ । મો દેવ સ્વામી !
 વનવાસ દુઃખ ધ્યાય્યાય્ ત્યના છપિસં કાય્ મ્હ્યાય્ કલા (જિ) તોતા માયાસ્નેહ ફુકં

ત્યાગયાના છે મન્વંસ્યે વને ચ્વંવનેગુ વિવિધ ચિન્તના છાયાયાગુ । ડકીં શ્વ બિધાન
લિપાછુ જુડગુલુઃ જિનં મસ્યુઃ ।

ગનજાલ લિપાયાગુર્લ સીકા વિજ્યાન્હ છપિહેલુઃ થન છે તોત્યેગુ જુસ્યેલિ જિનં
કાય્ હ્યાય્પિં પરિવાર સમેત્ જ્વના નાપં વિજ્યાહું । મોનાથ ! છપિનાપં જિપિવયા ગથ્યે
છપિનિ સુલદુલ જુડ અથ્યેતું જિમિસનં મોગયાય્ । થથ્યે દુઃલમનં લોયાધાગુ લાલ્યન્યના
વિશ્વન્તરં ચિન્તનાયાત આઃ યુમિત ગથ્યે લોધયાય્ માલિ ધકા હાનં લિચારયાના ધાલ ।

હે મન્દ્રી (મન્દિની) લેત્રી કાલે ! જિગુ લંન્ય છે થથ્યે હથ્યા યાય્મતે અલશ્યનં
સિનાલને ધાય્ગુ યોગ્યમજુ પ્રથમ સ્ત્રીનાપ ચ્વના તપયાય્ગુ લોકેમલો અપહાસયાડ ।
લ્લિતીય લનલાસ ધૈગુ દુઃલ મોગયા સંભલ જુડ લને અનેકમયં લ્યાપ્તમાન જુયા ચ્વનિ છે
મસ્યુઃ । હે પ્રિયે ! ગથ્યેજાલને ચ્વનેલે સ્કન્દ મૂલાલિ(સકિ હિ તરલૂજ લલ મૂલ ઇત્યાલિ
માત્ર) આહાર યાના સિમાલલાયા લસ્ત્રં પુના સિમાલસં ચ્વના ચિકુ લલાંગુ લ્લાગુ
સહયાના ધ્યાનયાના લિતં લિવારયાય્ગુ ધર્મલુઃ તપ ઘાડ થથ્યે કલ્લં ધર્મયાય્મા । ડગુ
સમયે લને સલાનં લાસયાડિપિં ધું ઇત્યાલિ લન જન્તુ તથા રાલ્લસપિંગુ અનેક મયદુ શરીર
લલેયાય્ત થાકુ । યુજાગુ લને જિનાપં લય્ છાયાયાય્ગુ છિમિસં યોગ્યમજુ લય્મતે ।
થન છે ચ્વના અનેક લસ્તુ રાજમોજનયાના લાંલાગુ લસ તિસાં તિયા પુના આનન્દં
ચ્વનેગુસ્લ । થથ્યે અનેક હાનં લાંલાગુ નૃત્ય ગીત લાજા સ્લયા ન્યના સુલં ચ્વનેગુ મોગ
તોતા મિસા મલાત છાયા લને લય્ગુ । મિસા મલાતે શરીર કોમલ(લ્યાતુ)લનેચ્વના દુઃલ
મોગ યાય્ગુ કલ્લસહયાય્ લડમલુઃ । અથ્યેલાકારણે સીકિ કાય્ મ્હ્યાય્પિંત લાંલાલ
તિસા લસ્ત્રંપંકા તીકા ઇલે નકા ત્લંકા ઇલ્લ્યાથ્યે આનન્દ મ્હિતકા છેનં અથ્યેહેયાનાલ્લં ।

છિપિનં લોનાલનેલે સકસિનં દુઃલ સીમાલિ ડકિ હે પ્રિયસ્ત્રી ! જિગુ લંન્યના
છેલ્લં તપોલન જિનાપં લય્ ધાય્મતે । હે મન્દ્રી(મન્દિની) સત્યલતી ! છેગુ સ્લભાલયાત
ત્લેલ પુત્ર પુત્રીપિં નાપં ચ્વના લાનપુણ્ય લરાલરયાના ધર્મયા ડત્લસલ યાય્ગુલિ ન્હ્યાલિલા
સ્ત્રી ધર્મલ્લાતુલ છે કોથાસ સ્થીરાસનં લાસ યાય્ગુ સ્લ ।

યુગુ પ્રકારં સ્લામીં લોધયાગુ લલન ન્યના સ્લામીયાગુ લ્લાઃ સ્લયા લ્લાઃ
લિન્તિયાના ધૈર્યરૂપં ઇનાપ યાત । મો નાથ સ્લામી મ્હાપુરુષ ! છપિસં જિત પાપ


बलेशं व्याकुल जुया च्वंगु खंल्लावइपि दया च्वंगु छे तया थःछह्य जक बनेवनेगु
इच्छायात । पुत्र पुत्री पत्नीपिन्त त्यागयाना तपया वनेगु ग्वसा छपिनिखः । थुजागु
ज्या तःधंगु ज्ञानखः धका थौं जिनं सीके धुन ।

भो स्वामी प्राणनाथ ! गथ्ये छपिंगु ख्वाः जक दर्शनयाय्दत धासा सकल दुःख
लोमनि । छपिसं महादुःख जुइ धै बिज्यात दुःख ताय्मखुः । भो प्रभू स्वामी ! गथ्ये
छपिनि बनेच्वनेगु सुखताल जिनं अथ्येहे सुख ताये । आः जिनं बनक्रीडाया सुख भोग
याय्गु खं छपिंगु न्ह्योने थौं बिन्तियाय् त्यना ।

गथ्ये राजकुले च्वना नाना प्रकारया फलहार तथा मधि इत्यादि सागु बस्तु
नया बांलागु वसपुना तिसां तिया आपालं सुख भोग याय्गु क्रीडाखः अथ्येहे बनेबास
याय्गुनं सुखहेखः । गथ्येजा हानं राजकुले च्वना नाना प्रकारया नृत्य गीत (प्याखं
म्येहागु) स्वया न्यनामन आनन्द जुइका च्वनेगु स्वयानं च्वेलागु आकाश मण्डले
सुपाय्पागु मेघमालास गोप्यं च्वना बिजलि (बिद्युत) बराबर प्यहांवया प्याखंडुला
गुबलें तच्चकं गुबलें चीसकं म्येहालीगुया प्रमाणं शब्द वेका च्वनीगु । बनेच्वना शीतलगु
फसं केका उजागु न्यना स्वया च्वनेबले हानं अनेक कोकिल ँगपंछिपि बोयाहाला
जुइगुनं खनीबले मनमिखा न्हेंपं समेतयात गुलितक आनन्दमय जुइगुखः उलि आनन्द
मय छे च्वनेबले म्दु ।

हानं राजकुले छे च्वना दिव्यबस्त्र बांलागुपात पीताम्बर अनेक बस्त्रं पुना सुवर्ण
रत्नसहितगु तिसांतिया जुइगु पुनःबांलागु कोथास च्वना छनेगु सुखस्वयानं बनेच्वना
योगिरूपया बस्त्र सिमाछवाला यागु बस्त्रंपुना तस्वागु स्वांमालाया तिसांतिया लटा
लहरायागु सिमां किका वने गुफायागु कोथास च्वना चन्द्रमाया तेजं खेका छनेगु सुख
ध्यान यागु तिसा खः ।

हानं सुथे अथवा दिने पर्वतं क्वाहां वगु निर्मल शुद्धगु शीतल लखं स्नानयाना
स्फटिक आदि खानियागु पिचुगु सुन्दरगु लोहंते च्वना पूजादि पाठ ध्यानयाना च्वनेदुगु
सुख राजकुलया छे म्दु । थुजागु जिनं सीका खंका च्वने धुन ।



विष्णुजगज्जगत्कला कायस्थायवानावनवासरुनवन
 तपथागभनयानाच्चवलदवजाज्ज्जवृठासुत्रासभश्यात्र
 याकायस्थायदानकात्रयाच्चसयातमिकरावयानादानविल ।
 लिपादानपाजमितायाक्कापूर्णायायगकलानंदानयागुचित्र -

भो स्वामी राजकुमार ! बनान्तर यागु ऐश्वर्य्य समान म्येथाय् गनं दैमखुः ।
छलपोलं थुजागु सीका बिज्यात खः वंक पर्वते वनेगु धैबिज्यात उगु वंकनाम बने
(पर्वतस) अनेक धातु सिमा स्वांमा फल लटा लहरा गुफा घांय् स्कन्दमूलादि सहित हानं
आपालं ऊंग पंछिपि थः थःगु मधुरस्वरं हालाच्चनीगुलि गन्धर्व किन्नर सिद्धा बिद्याधर
अप्सरादिपिनं वया मंगलोत्सव यावइगुनं दु । हानं मुनीश्वर तथा हयग्रीव तुल्यपि
बोधिसत्त्व धार्पिनं वासयाना च्वंगु पबित्रस्थान खः धागुनं जिनं न्यना । थुजागु थासे
(बनान्तरे) च्वना पापमोचन जुइगु धर्मयाय्गु जिनं उगु बने छपिनापं वया स्त्री धर्मया
तपस्या याय्गु इच्छा याना ।

थुगु प्रकारं मन्द्री(मन्दिनी)देबी नं धागुखं न्यना महामति जुया च्वंह्य बिश्वन्तर
राजकुमारं चिन्तनायात । अहो धन्य थ्व जि स्त्रीनं धागुखं अवश्यनं खः थ्वैत गथ्ये
तोता वनेगु बोना हे यंके धंगु निश्चययाना थः थमं रथ कयाहया योग्यतापि सल प्यह्यनं
हया रथस घाना थःगु कोथास निजि सोथना तयागु धन द्रव्यनं हया रथेतया धै
बिज्यात । हे कान्ते ! जिनं यत्न पूर्वकं बोधयानानं छन्तबोध याय्मफुत । बनान्तरे छन्तनं
नापं बोनायंकेगु अवश्यजुल आः थय्ये वनेगु बेलाजुल वनेत्यना । हे प्रिय स्त्री ! कोथास
च्वना च्वपि थुपि निह्य मचातनं ज्वना कीपि सकलें थुगु रथेच्चवनावने थिकया धया
बिश्वन्तर राजकुमार रथेच्चन ।

थुगु प्रकारं स्वामीं धास्येलि मन्द्री (मन्दिनी) देबी अतिनं खुसिजुया हिल्ला
संसार सुख भोगया इच्छातोता स्वामीया पालि भोःपुया प्रणामयात ।

पुत्र पुत्री समादाय राग द्वेष बिर्बजिता ।

अन्तपुरा द्विनिसृत्य रथस्थो बहिति यंयौ ।

अनंलि कोथास च्वपि काय् म्हाय्पिन्त भिगु खंकना घेःपुना राग द्वेषादि
तोता कोथां प्यहांवया रथस स्वामीनापं च्वन । । उगु बखतस अन खुता प्रकारं
भूमीकंप जुल, अनंलि देश ग्रामबासी याचकपिसं थुगुखं सीका वया पृथिबीस भोःसुला
नुगः मछिका हाहाकारं खोया शोकयात । भो राजकुमार ! छलपोलं जहान्पिबोना

गन बिज्यायत्यनागु । जिपि याचकादि अर्थजनपिन्त त्यागयाना पिहां बिज्यायत्यन
आः जिमिगन वना दानकावनेगु पृथिवीया समेत् धीरयाय् मफया कंप जुल । भो नाथ
छलपोल शास्त्रज्ञ सर्वज्ञ जुया सुख बोहाखः ।

दीन दुःख दारिद्र अनाथ बलहीनपि संसामदुपि निःसहायपिन्त नेगु त्वनेगु
पुनेगु बिया रक्षायाय्गुलि त्यागोजुया महादाताखः थौया अबस्थास थन देशे छपि
तुल्यह्य सुमदु ।

थुगु प्रकारं याचकपिसं खोया नुगः मछिका बिन्तियावगु न्यना महासत्त्व गुह्यजा
बिभ्वन्तर बोधिसत्त्वं याचकपिन्त करुणातया रथस तयागु धनद्रव्य हर्षचित्तं दानयाना
अनेक प्रकारं खन्यंका बोधयाना थःथःगु थासे लिछोत ।

अथ अर्थजनेऽनेक प्रकारेण प्रबोधितं ।

स्वस्व दिशं विसर्जित्वा स्वयमेव विनिर्ययौ ।

अनंलि याचकपिन्त अनेक प्रकारं भिगुखं न्यंका बोधयाना थःथःपिगु दिशास
(थासे) लिछोय् धुंका परिवार सहित रथेचवना थःनं छे त्यागयाना वंकपबंते
तपचर्यं याय्गु निमित्ते पिहांवन । थुगु वखते अर्थजनपिसं बोधिसत्त्वया भिगु यस
कीर्तिगुणन्यना नुगमछिका धीरयाय् मफुपि मुनावया हाहाकारं हालागुलिखोया गथ्येजा
फसंकया सिमागोतुली थ्ये भूमोस गोतुलाखोपि गुलि रथे चवनावंहा बिभ्वन्तरया थासे
थ्यंक वना बिन्तियाना चवपि ।

उगु समये धीर्यवान् बिभ्वन्तरं युमित स्वया धं बिज्यात । हे अर्थजनपिं! छाय्
दुःखसिया वयागु म्वालहुं धया थकेदुगु छुं धनवस्तु दानयाना हेका सकलें लिछोत देशे
थ्यंका थुपि अर्थजनपिसं मनं धीरयाय् मफुगुलि गुलिखोयाचवपि दया चवन । थुजागु
समाचारन्यना राजगृहे वासयाना चवंहा शिविराजा महारानी निहानं काय्नाप बियोग
जूगुलि अघेर्य्यजुया काय्पागु यशगुणकीर्ति लुमंका मनस सन्तापजुया हाहादैब जियाकचा
काय् बिभ्वन्तर धका नामोच्चारणयाना तार्जति बिलापयाना शोकयात ।

अनंलि थ्व शिबिराजानं सदायाथ्ये याचक तथा अथिजनपिन्त दानयाना ह्तायाथ्ये धैर्ययाना च्वन ।

अनंलि पिहांवंह्य बोधिसत्वया चित्तहर्ष जुइका स्त्रीपुत्र पुत्रीपिंगु ह्वाःस्वया आनन्द जुइका नानाप्रकारं भिगुखंकना ववं लें थासेथासे ग्रामे गनंदेशे बासयाना च्वंपि प्रजागण पिन्तनं लोलोगुखंकना दम्पतीसहित खुसिजुया रथस च्वना जवेखवे अनेक चरित्रस्वया वस्येलि म्येगुदेशं पिने बांलागुलें थ्यन छुं भतीचा बिश्रामयाना आराम काबले उगु थासे प्यह्य ब्राह्मणपि तापाकं निस्ये वयाच्चंगु मन्दिनी (मन्त्री) देवीनं खना स्वामीयात थथ्ये बिन्तियात ।

भो महास्वामी ! हूंकनं निस्ये कीगुरथस्वया हत्तासनंवापि प्यह्य ब्राह्मण थ्ये च्वं खला थुपि गनवनेत वपि सुजुइ थुमित्तस्ता छुंछगु निगुखंन्यता विज्यासा असल जुइ थ्येच्चं । थथ्ये स्त्रीनं धागु बचनन्यता थ्व महाज्ञानिम्ह बोधिसत्वं थथ्ये धै विज्यात ।

हे प्रियस्त्री मन्त्री देवी ! थुपि प्यह्य ब्राह्मण अवश्यनंख दानकाय्त राजगृहे वनजुइ अन कीपि मदुगुलि मखन प्यहावन धकासीका छुं वस्तुया निमित्ते दानकाय्त आथुपि थन वपि अवश्यनंखः । भतीचा थन बिश्रामयाय्गु हे असलजुइ थथ्ये परस्पर खंल्लाना उगु थासे सकलें खुसिजुइका च्वन ।

उगुडले थुपिप्यह्य ब्राह्मण राजकुमारया न्होने तत्कारणं थ्यंकवल राजकुमारं थुपि स्वया कृपावन्त कारुणीक धीमान् बोधिसत्व बिश्वन्तरं प्यह्य ब्राह्मणपिन्त थथ्ये धै विज्यात । हे ब्राम्हणपि ! गनवनेगु गनच्वनेगु गनंवयागु थन छाय् वयागु छुया निमित्ते प्यम्ह मिलेजुया भ्रमणयानागु थुकीयागु निमित्त जित महेकूस्येकं ।

थुलि राजकुमारं धागु खंन्यता छुं खेदथ्ये जुइका खाखातूगु स्वरं ब्राम्हणपितं थथ्ये बिन्तियात । भो महापुरुष दानी राजपुत्र ! स्वस्तिजुइमा ! छपिंगु पुण्यानुभावं वर्तमान लोके प्राणिपिनि रक्षायुया च्वंगु दु थथ्ये सदानं जुइमा । छपिसमान महात्यागी धर्मयाशरीर साधु महाज्ञानि धर्मचित्त महाकृपावन्तम्ह थनदेशे म्येपिसुं मदुः । छपिंगु गुणकीर्ति न्यनार्जिपि थन वयागु खः । दानकाय्गु इच्छायाना छलपोल दर्शनयावया

छपिसं जन्मभूमौ राजगृह त्यागयाना प्यहां बिज्यात धकालोकं धागु समाचार न्यना याकनं
जिपिं थन थ्यंकवया जिमिगु भाग्यं छपिगु छ्वाः दर्शनयाय्दत जिमिसं धयागुदान बीगुला
मबीगुधकानं जिमिगु मतीखेद दु ।

थथ्ये धागु खंन्यना थ्व महात्यागी राजकुमारं ब्राह्मणपिन्त कृपातया नुगमच्छिका
हानं धै बिज्यात । हे ब्राम्हणपि ! जिकेछुं बस्तु दानकाय्गु निम्ति कष्टनया थनथ्यं
कवल । जि थन आः तःधंगु वंकनाम पर्वतस तपयाय्गु कारणे इच्छायाना वया छिपिनं
थन थ्यंकवल छुकारणे वयागुख धाः । । थथ्ये धागु राजकुमारया बचनन्यना
ब्राम्हणपिसं थथ्ये बिन्तियात । भो राजकुमार प्रभू! छपिगु पुण्यया प्रभावं जिमिनं
धनद्रव्य पूर्णहेजुः जिपिं धनद्रव्यया निमित्ते वयापिमखुः अथ्येया कारणे जिमिसं धाय्गु
योग्यमजसानं धाय्त्यना छु धासा छपिछम्हहेखः महात्यागीम्ह सुनां छु इच्छायात उगु
पुण्यप्राप्त जुडगुखः थौं जिमिगु कारणे जिमित रक्षायाय्गु निम्ति करुणातया छपिगुरथे
घानाहयापि सलप्यम्ह दुः शुद्ध तुयूगुद्वाफो स्वां समानं बांलापिं केजी बायुबेगं ब्वांवनीपिं
थुपिं प्यम्हसल जिपिं प्यम्हयात (म्हतिंछम्ह छम्ह) थेक दानयाना बिज्याइगु आशादु
थ्व ज्याय् छपिं योग्यताम्ह खः ।

थथ्ये धागुखं न्यना थ्व त्यागी बोधिसत्त्वं थुगु थासे थथ्ये धै बिज्यात । हे
ब्राह्मणपि ! छिमिसं छुं मती खेदयाय्म्वाः तापाकंनिस्ये वया परिश्रमयात जिनंसिल
थुपिं प्यह्यसल महाबेगीपिंखः जिनं आः थथ्ये दानयाय्त्यना सलगया प्यम्हं आनन्दं
लिहांहुं थुलि धया थः स्त्रीयातखं न्यंकल । अरे प्रियस्त्री ! बनेच्चनेबले सलगन वन
धका उख्ये थुख्ये वना माजुइ म्वाक कीतमन आनन्द याय्त्त सलदान कावल थ्व कीगु
भाग्य धका मतीति । थथ्येखं न्यंका चित्तबुद्धेयाय् धुंका थः स्त्री पुत्र पुत्रीपिं सकल
रथं वक्कया शुद्ध चित्तं भूमीस च्वना रथे घानाहयापि प्यह्यसल लिकया दानबी त्यना
धया सलयातनं खंन्यंका ब्राह्मणपिन्त संकल्प बाक्यबोंकल ।

ब्राह्मणेभ्यो ददौबीरं वर्णकुन्देन्दु संनिभं ।

तदा ते ब्रह्मचत्वार श्रतुरश्व समागृहीत् ।

संम्यकबाक्यं पठित्वा ते तिल कूशोदकैः सह ।

अथ ते आशिषं दत्वा नाना रूपेण वर्णयन् ।

बीरपि द्वाफोस्वां थ्ये निर्मल तुयूगु बर्णपि सलप्यह्य उगु बेलास प्यह्य ब्राह्मण
पिन्त त्यागीह्य राजकुमार बिभ्रन्तर बोधिसत्त्वं दान बिल । प्यह्य ब्राह्मण पिसं ह्यति
छह्य छह्य सलज्वना हामो कूश जल दक्षिणा सहित बांलाक बाक्यबोना लः ह्लाका
दानकाल । अनंलि भिनकं शुभाशीर्बाद बिया अनेक गुण कीर्ति यश प्रकाशयाना दान
प्रतिष्ठा दक्षिणासमेत कया ह्यति छह्य छह्य प्यह्य ब्राह्मणपिसं प्यह्यसलगया थःपिगु
थासे लिहां वना आनन्दं खुसिजुया च्वन । उगु बखतस रथबांलासानं सालायंकीपि
सलमदया रथे च्वना वनेगु ब्यर्थजुया केहि बिलम्बयाना बोधिसत्त्वं थः पत्नीयात खंन्यंकल ।

हे कान्ते रथे च्वना वनेगु ब्यर्थजुल दुःखताय्मते थनसं भतीचा हानं च्वने ।
आः कीर्पि निह्यसिनं काय् म्हाय्पि लुकुं छिना बिस्तारं वनेनुः धया परस्पर निह्यसिया
खंल्लाना च्वन ।

उगु बखतस बोधिसत्त्वं दानयागु पुण्यानुभावं अकस्मात् रोहितनाम अत्यन्त
बांलापि बलदुपि चलात प्यम्ह बन्नंनिस्स्ये वया बोधिसत्त्वयागु रथे स्वक चाहुला सल-
च्वनीथ्ये रथया न्होने च्वना बिल । उगु बखते ह्लापाथ्ये रथस प्यम्हं च्वना रथ
बाहक थः जुया बनान्तरे थ्यंक वन । अनंलि थुजागु आश्चर्य्य जूगुखना मन्द्रीदेवीनं
स्वामीयाके बिन्तियात ।

भो प्रभू स्वामी ! छपिसं सलप्यम्ह ब्राम्हणपिन्त दान बिल रथ ब्यर्थजूगु स्वया
च्वना । अद्भूतरूपं प्यम्हजन्तु चलातवया सलस्वरूप जुया रथ थनथ्यंकेहल थुकीयागु
प्रप्राब खना जि आपालं आश्चर्य्य जुल थुकीयागु निमित्त जित कना बिज्याहुं । थुलिखं
स्त्रीनं धागु न्यना भातम्हसिनं थथ्ये खंन्यंकल ।

श्व म्येगु हेतु छुं मखु हे जानिम्ह स्त्री ! छं सोकि जिनं बराबर दानयानागु
पुण्यया प्रभाव क्यंगुखः जिनं गथ्ये परयात कृपा करूणा तयागुथ्ये अथ्येहे जितनं करूणा
कृपा तयावपि थुपि चलात प्यम्हखः ।

श्व रथ ब्यर्थ जूगु खना थुमिसं कीर्त हित सुखयाय्गु कारणे सल सुन्यगु रथे
थपि च्वना थनथ्यंकेहल । अथ्येया कारणे परप्राणिपिन्त स्नेहतया दान तथा धर्म

वारंवार तोत्येमज्जु धया सर्वज्ञया ज्ञानदुम्ह बोधिसत्त्वं धर्मयाप्रभाव थःस्त्री यात
खंन्यंका बोधयात ॥

अनंलि हानं रथेच्चना म्येगु थासे थ्यंका छुं भतीचा दिना आरामयात । उगु
थासेनं म्येगु हे देशयापिं ब्राम्हणत हानं प्यम्हवया बोधिसत्त्वया न्होने च्वना शुभाशीर्बादि
बिया बित्तियात । भो नृपात्मज राजपुत्र बिश्वन्तर नाम बोधिसत्त्व ! छपिं दानधर्म
याय्गुलि आपालं बीरम्हखः । छपिंगु ज्या गुण देशान्तरे यश कीर्ति प्रकाश जुया
च्चंगु न्यना जिपिनं थनवयागुखः ।

भो दाताम्ह मालिक ! जिमिगुनं आशापूर्णयाना बिज्याहुं जिपिनं तापाकं निस्ये
वयापिखः । थय्ये बित्तियास्येलि थ्व बोधिसत्त्वं ब्राम्हणपिन्त स्वया थुगुप्रकारं धै
बिज्यात । हे ब्राम्हणपि ! छुं धाय्गु इच्छादु धा जिके थनदुगु छु बस्तुख यदि जिनं
छिमित दानबीत शुद्ध चित्तं तयारिजु कयायंकि ।

थुगु प्रकारं राजकुमारं धागुन्यना ब्राम्हणपिं खुसिजुया हानं बित्तियात । भो
राजपुत्र बिश्वन्तर ! यदि कृपाछपिगुखः थ्व बांलागु रथछगु जिमित दानयासा छपि
योग्यम्ह जुइ ।

इति तेनोदितं श्रुत्वा दंपत्यैकैक बालकं ।
गृहित्वा रथवरं त्यज्य भूमीरेवं विनिशरत् ।

तदास बोधिसत्त्वेन ब्राम्हणे भ्यो ददौ रथं ।
अथ तेब्राम्हणा राज्ञे स्वस्तीति आशिर्षददत् ।

थुगु प्रकारं मुख्यम्हं धागु खंन्यना ज्यु दानबी धया निम्हत्थपुनं निम्ह बालकं
म्हतिंछम्ह ज्वना रथं क्वाहांवया भूमीसपलातया उगु बेलास बोधिसत्त्व बिश्वन्तरं ब्राम्हण-
पिन्त रथदानयात । अनंलि थुपिं ब्राम्हणपिसं बिश्वन्तर राजकुमारयात कल्याणजुइमा
धका म्हतिं म्हतिं प्यम्ह ब्राम्हणं आशीर्बादि बिल ।

थथ्ये आशीर्वादव्यूगु नाना तथाऽस्तुधया थमंकाय्ज्वना मन्द्रीदेबीमांम्हसिनं म्हाय् कृष्णाजिनी खगु बोहले पाछाया दम्पती निहसिया परस्पर भिगु खं ल्लाना तपोबन दिशास्वया घैर्यतापूर्वक मन हर्षयाना ववं बोधिसत्व बिभ्वन्तरं वक पर्वत खन । अनंलि धीरबन्तह्य बिभ्वन्तरं स्त्रीयात थथ्ये धया बिज्यात । अरे प्रिय स्त्री ! वंक नाम पर्वत थ्यन बास च्वनेगु थाय्ख छनं बांलाकस्व जिनं खन धया धीरता जुया बुलुहें वंक पर्वत थ्यंका थाहांवना कला काय् म्हाय्पिन्त छिपि ग्याय्मते ग्याय्म्वाः धका तबह बिया ववंच्चे थ्यस्येलि छथाय् बिश्राम यात । अनंलि ब्राह्मणपि रथस च्वना वनेत थिकयाबले रथन्हाकेहपि रोहित नाम जन्तुपि चला प्यहसिनं रथतोता भतीचा उख्ये थ्यस्येलि अन्तरगत जुयावना थःपिगु थासे थ्यंकल । ब्राह्मणपि चलांतोता वंगुलि जुलेजुया च्वन । लिपाप्यह्य ब्राह्मणपिनि पालंपा याना रथ थपिसं सालायंका थःपिगु थासे थ्यंकल ।

अनंलि राजकुमार वंकपर्वतस तपयाय्गु थासे थ्येस्येलि गन च्वंसा थिकजुइ धका बिचार यात । वंक नाम पर्वत गुजागु धाःसा अतिनं मनोरमगु जुयाच्चन नाना प्रकारया स्वां होया च्वन थाय् थासे लटा लहरा वना च्वनेगु कोथाथें गुफानं दया च्वन आपालं पंछिपि सिमास बासयाना थःथःपिगु मधुर स्वरं हाला च्वन ।

गन्धर्व किन्नर महोरग बिद्याधर सिद्धा मुनीश्वरपिसं सेवायाना च्वंगुलि बोधिसत्व ह्यग्रीब धापिनं भ्रमणयाना च्वन । नानाप्रकारया जन्तुपिंदया च्वंसानं ग्यानापुस्ये मच्चं । मंजुश्री बोधिसत्व (बिभ्वकर्म) धापिं स्वयं बिज्याना सिमास अनेक लटा लहरां च्वनेत योग्य जुइक पर्णशाला धाइ कोथाथ्यें च्वंक गुफादेका बिभ्वन्तर बोधिसत्वयात च्वनेगु थाय् देका देबतापि मनुष्यरूपकया बनेचाहुला नापलाना आदर पूर्वकं थन च्वनेगु छनेगु नेगुथाय् थन अन धका क्यना हानं तपयाय्गु (ध्यानाश्रम) थाय्देका बिल प्रणामयाना मनुष्यरूप देबतापि लिहांवन ।

अनंलि बिभ्वन्तरयानं स्त्री पुत्र पुत्रीपि च्वनेत थिक जुइक नाइस्येच्चंगु सिमाह कचा इत्यादि थमं नं कयाहया देका थिकयात । उगुबखतस बनजन्तुपि हर्षयाना न्होने-वया इमिगुतालं प्रणामयाना हिलालेतागु स्वरं हाला लिहांवन । ह्यखा पंछिवया प्याखंहुलाक्यन सुन्दरीरूप बनदेबी स्त्री वया बोधिसत्वयात प्रणामयाना मुसुहुं हिला

थय्ये खं न्यंकल । छलपोलपिसं सुनानं याय्मनंगु कष्ट मचास्ये स्त्री बालक
(परिवारपि) सकलें मुना थन बने तपया बिज्यात थ्व अति गंभीरगु आश्चर्यया प्रभाव
खः धन्य धया, थनबने सदानं च्वनीह्य बनदेबी जि ख धका सीकि । जिनं बिचार याय् ।
ग्यायमते बनया शोभा फलाहार ध्यान जप तप चित्तंयाय्गु उत्तम च्वेलागु धर्म ख
थय्ये धया थःगु थासे वन ।

हानं गन्धर्व मनुष्यरूप जुयावया प्रणामयाना थय्ये खं न्यंकल । भो महात्यागीह्य
बोधिसत्त्व ! छपिन्त एवं परिवार पिन्तनं बासतेगु छेथ्ये च्वंक पर्णशालाछगु मञ्जुश्री
बोधिसत्त्वं बिश्वकर्म पाशानापं बिज्याना देकावन अन आनन्दं च्वना बिज्याहुं जि छह्य
गन्धर्व खः धया लिहां वन ।

थुजागु खं न्यना छुं भयमकास्ये बोधिसत्त्व बिश्वन्तर स्त्री मन्द्रीदेबी काय्
म्ह्याय्पिं सकलें उगु पर्णशाला छेस बासयात अनच्वना सकभनं स्वया स्त्रीयात बोध
यात । हे कान्ते ! आः कीपिसकलें थन च्वना मामागु तपचर्यया ज्या सिद्धयाय् । स्व
स्व बांलाक थुगु थाय् च्वने न्ह्याइपुस्येच्वं तापाकं निस्ये खनेदु । मती छुं संदेह काय्मते
हे कान्ते ! ह्लिह्लियन च्वना बनयागु अनेक तालस्वया जातं जात नानाप्रकारया सिमा
स्वांमा फल स्वां इत्यादियागु नामसीका आनन्द चित्तयाना धर्म याय्गु बुद्धज्ञान गुण
लुमंका च्वनेगु स्व ।

बालकपिन्त बिचारयाना छनं थन च्वना चित्तंयाय्गु च्वेलागु उत्तम धर्म ध्यान
जप याय्गु बःलाकी । हे मन्द्रीदेबी प्रिय स्त्री ! स्वामीं गंक वयाह्य जिखः धका
चिन्तनायाना स्त्री धर्मया तप सीकाया ।

जिनं दानपारमिता पूर्णयाय् तपोबन योग समाधि (एकाग्रचित्तं) ध्यानयाय् ।
छं बालाबस्थापिं काय् म्ह्याय्पिन्त इलेनका थःननया बने फलाहारं सन्तोष जुइमा ।
सुं दातापिसं नेगु त्वनेगु बीहल घासाआदरं दानयागु धका मतीतया कयानेगुनं योग्यता
हेजु । प्राणि हिंसा याना मांस दान याय्हुल घासा कया छथाय्ति नेमते थन बनेवया
कष्टं तप यानागु धर्म व्यर्थजुइ सीकि ।

आःयात कीर्षि सुनानं म्हमस्पूनि बिस्तारं म्हसियावइ । बने सकभनं राक्षस भूत
जन्तुर्षि दइ थुमिगुनं भय त्राश छुं मकास्ये त्रिरत्न स्मरण ध्यानयानाच्चं । ह्लापायापि
तथागत बुद्ध बोधिसत्वपिसंनं बने च्वना तपपूर्ण जुइका तिनि बुद्ध जुयावंपि खः । आः
जिनं थन बनेच्चना तपयावयागु कारण छं बिचारया स्वामीया मनोरथ कार्य याकनं
सिद्ध जुइमा धंगु मतीतया सेवायायगुस्व ।

स्वामीनं थय्ये बुद्धगुण न्हयना छुं भतीचा खं कंगु न्यना मन हर्षजुइका स्वामीया
ख्वास्वया ह्लिला धन्य साधु साधु जिस्वामीखः छलपोल बोधिसत्वया इच्छायागु ज्या
याकनं पूर्ण जुइमा । छःपिंगु आज्ञा थ्ये जिनं बालकपिन्त पालनयाना विचारयाय्
छपिनि छु यायमागुखः याना बिज्याहुं ।

थुगुप्रकारं स्त्री मन्द्रीदेवीनं तबह बिया धागुखं न्यना होय्ब्यागु स्वां थ्ये चित्त
प्रशन्न जुइका उगु इले उगु स्थाने बिबिध प्रकारयागु नेगु त्वनेगु देव आहार तयातगु दु
सकलया तृप्त जुइका नय् सिधेका आरामकाल रात्रिया काल सिधेका कन्हैसिगु प्रातः
समये ह्लापां दना स्नान कर्म सिधेकल ।

अतीता नागता प्रत्युत्पन्नं सम्यक जिना स्मृताः ।

अत्रैव भववासानां लोकानां हितकाम्पया ।

दानपार प्रपूर्णार्थे सत्वेभ्यः करुणो दिताः ।

योगारामे समाश्रित्य योग ध्यान कृतं मुदा ॥

अनंलि ह्लापाजुया वंपि तिपाजूवंपि आः जुया च्वपि संम्यक संबुद्ध तथा बोधि-
सत्त्वपिसं थय्ये धं बिज्यागु दु । थन एवं संसारे बासयाना च्वंपि लोकपिन्त हित
सुख जुइगु बुद्ध ज्ञानलाना प्रकाश याय्गु निमित्ते दान पारमिता पूर्ण जुइकेया कारणे
सत्त्वपिन्त करुणा तया दानयाना वन । वय्ये जिनंयाय् धया दानपारमिताया क्रिया
पूर्णयाय्गु निमित्त योगाश्रमे च्वना(ववातुक फेतुना)योग समाधिचर्य्य ध्यान अत्यन्त हर्ष
चित्तं बिम्बन्तरराजकुमार बोधिसत्त्वं तपयाना बिज्यात ।

थनंलि आपालं देवतापिसं हर्षोत्सुकयाना अनेक देवबाजा पोंगा काहां म्वाहालि शंखपुया नवबाजा बीणा सारंगी सितार बासुरी सहित आकाशे खनेमदेक च्वना महा-बाद्य (बाजा) थाना शब्दवेका जीस्वां चस्वां चमेलिस्वां तथा सुगन्ध पुष्प वृष्टि याना नानाप्रकारं पाठ स्तुति स्तोत्र धारणी गाथा बोनाहया आकाशे च्वना न्यंकाहल । उगु बखतस मन्द्रीदेबी आपालं खुसिजुया आकाशे थस्वया प्रणाम यानाच्चन । अनंलि सती-धर्म (पत्तिव्रता स्त्री धर्म) याखं लुमंका नित्य बनान्तरे पर्णशालाया छें बासयाना सुथे ह्तिने स्वां पाकेजूगु फल अम्ब वेसि केरा अँ फंसि कतह खरबुज हि संकि इत्यादि खानाहया बालक थः स्वामीयात इले फलाहार देव महर्षि भोजन याका थःनं नया बनेदया च्वंगु अनेक जातयागु स्वांहया स्वांमालादेका तिसां तोका काय् म्हाय्पिन्ति खुसियाना बालर्कापि निह्य जवे खवे तया दथ्वी थः च्वना बहनी जुइवं त्रिरत्न लुमंका धारणी बोना धनीगु ।

सुथसिया सूर्य उदय जुइवं स्नान कर्म धुंका बनान्तरे वना नानाप्रकारया स्वां थोया फल खानाहया पूजादि पाठधुंका तपयाना च्वंह्य स्वामीयात मामागु सेवायाना इले नका त्वंका थःनं नया सुनानं छुं बस्तु बीहगु दुसा कया मांसाहार तोता सन्तोषी जुया च्वन । एवं प्रकारं मन्द्रीदेबी प्रभोतिबने भ्रमण याया बिश्वन्तरं तपयागु स्वला पुला वस्येलि स्वर्ग लोकया सचीपति इन्द्राणीया स्वामी देवराज (द्यःपिनि राजा) इन्द्रं सीका देवतापि सःता थय्ये खं न्यंकल ।

हे देवलार्कापि ! छिमिसं सिलला ? पृथ्वी मण्डले जम्बूद्वीपस बिदर्भनाम देशया राजा शिबिनृपया याककाय् गंभीरगु ज्ञानदुह्य बिश्वन्तरराजकुमारं वंकनाम बने स्त्री पुत्र पुत्री बोनाहया पर्णशाल छें तया थः क्वकसिमाया क्वसं च्वना क्वातुक बज्रासन याना ध्यानद्वारा योगचर्य्य तपयाना च्वन । थ्व महात्यगी खः थ्वंगु चित्तया प्रभाव सीकेया निर्मिस्त तपधारी थ्वयागु थासेवना फोंवने धया न्यंकल । थुलि धाय्धुंका देवराज इन्द्र स्वर्गलोक अमरावतीपुर तोता पृथिवीस क्वहां वया वंकपर्वते इन्द्र रूप तोता जीर्ण बृद्ध ब्राह्मण रूपजुया भ्वाथगु बस्त्रं पुना शरीरे कैं घा जुइका थाय् थासे ह्ति हि भतीचा सोसोवेका धुसिलुह्य जुया तुतामं चुया दम मुसु बह्य रोगीथ्ये मुसुतया फुंफुं मींका ला सोसोवेका थुजागु तालं बांमलागु भेशकया तपयाना च्वंगु थासे थ्यंकवल ।

उगु बखतस थ्व बिश्वन्तर बोधिसत्वं थुजाह्य जीर्णशरीर (बुढा) ब्राह्मण्यात खना करुणा चागु चित्तस्वया च्वन । थुजाह्य जीर्णरोगं पीडजुइका कष्ट याना तीजक पला छिना न्ह्योने वल ।

उगु बखते धोमान् महात्यागी राजकुमार बिश्वन्तर बोधिसत्वं चिन्तनायात । संसर अनित्य खः अवश्य जन्म मृत्युया दुःखे लागुलि बुढारोगं क्वत्यला चिनातल थैयादिनस थुजाह्य ब्राह्मण छह्य दुःखयागु आपत्तियाकें शंकष्ट जुइका थनवल थुजागु ताल म्वानाच्वन धासा जितनं जुइफुः । आः थ्व बुढा गनंनिस्येवह्य गन च्वंह्य थन छाप् वगु गुबलेतक थ्व म्वाना च्वनी नेगु आहारनं थ्वया दैमखु थुजागु दुःखंहे थन वह्य जुइ । छंनय् धुनला धका जिनं न्यना सोय्माल धैगुमनं बिचारयाना करुणातया राजकुमारं कोमलस्वरूपाया न्यना स्वत ।

हे बृद्ध ब्राह्मणजु ! छ गनवनेगु थुजागु बने छाप् वया बने अनेक जन्तु राक्षसपि दै । लं बांमलागुलि गनं देका कुतुंवका वह्यथ्येच्वं छंगु शरीरे घाः दु कठंसुया घाः जुलला थुजागु थासे गथ्येयाना वया छंगु शरीरे बस्त्र होगंगु शरीरेनं थाप् थासे हि वगुद् छु जुया बराबर फुसुकातयावल छु कारणे आमज्यागु गंसीह्य बुढा कष्टं दुःख सिया थन वयागु थुकोयागु निमित्त जितकं ।

एवं प्रकारं बोधिसत्वं धागु बचन न्यना भेशधारी ब्राह्मणं खोबिवय्का विन्तियात । भो राजर्षि ! छलपोल सर्वज्ञ सकलयात प्रीतिह्यखः कल्याण जुइमा । भो नाथ ! छर्पिगु पुण्यया प्रशंसा गुण किति थ्व लोके सकभनं प्रचार जुया च्वंगु शब्दन्यना उकीं जि थन वयागु खः । भो दयावन्तस्वामी ! जिगु आशापूर्ण याना बिज्याहुं । छर्पि बिना महादाता म्येपि सुंदैमखुः लोके छर्पिहे छह्यजक दाताखः भिगुज्याया मित्रनं छर्पिहे जुइ । थुलि मतीतया हर्षयाना तापाकंनिस्ये थनवया थाप् थासेग्रामे छर्पिगु नाम न्यना थनतपयागु धकामसिया छलपोलयागु राजगृहेवना बिस्तारं खं न्यना कला काय् म्हाय्पि सहितयाना छर्पि वंकनामपबंते तपया बिज्यात धकाकन अनहे वंसाजक जिगु आशा पुणंजुइ धैगु चिन्तनायाना वया ।

थनंलि आपालं देवतापिसं हर्षोत्सुक्याना अनेक देवबाजा पोंगा काहां स्वाहालि शंखपुया नवबाजा बीणा सारंगी सितार बासुरी सहित आकाशे खनेमदेक च्वना महा-बाद्य (बाजा) थाना शब्दवेका जीस्वां चस्वां चमेलिस्वां तथा सुगन्ध पुष्प वृष्टि याना नानाप्रकारं पाठ स्तुति स्तोत्र धारणी गाथा बोनाहया आकाशे च्वना न्यंकाहल । उगु बखतस मन्द्रीदेबी आपालं खुसिजुया आकाशे थस्वया प्रणाम यानाच्चन । अनंलि सती-धर्म (पत्तिव्रता स्त्री धर्म) याखं लुमंका नित्य बनान्तरे पर्णशालाया छे बासयाना सुथे ह्तिने स्वां पाकेजूगु फल अम्ब वेसि केरा अं फंसि कतह खरबुज हि सकि इत्यादि खानाहया बालक थः स्वामीयात इले फलाहार देव महर्षि भोजन याका थःनं नया बनेदया च्वंगु अनेक जातयागु स्वांहया स्वांमालादेका तिसां तोका काय् म्हाय्पिन्त खुसियाना बालकपि निह्य जवे खवे तया दथ्वी थः च्वना बहनी जुइवं त्रिरत्न लुमंका धारणी बोना छनीगु ।

सुथसिया सूर्य उदय जुइवं स्नान कर्म धुंका बनान्तरे वना नानाप्रकारया स्वां थोया फल खानाहया पूजादि पाठधुंका तपयाना च्वंह्य स्वामीयात मामागु सेवायाना इले नका त्वंका थःनं नया सुनानं छुं बस्तु बीहगु दुसा कया मांसाहार तोता सःतोषी जुया च्वन । एवं प्रकारं मन्द्रीदेबी प्रभीतिबने भ्रमण याया बिश्वन्तरं तपयागु स्वला पुला वस्येलि स्वर्ग लोकया सचीपति इन्द्राणीया स्वामी देवराज (द्यःपिनि राजा) इन्द्र सीका देवतापि सःता थय्ये खं न्यंकल ।

हे देवलोकपि ! छिमिसं सिलला ? पृथ्वी मण्डले जम्बूद्वीपस बिदर्भनाम देशया राजा शिबिनृपया याककाय् गंभीरगु ज्ञानदुह्य बिश्वन्तरराजकुमारं वंकनाम बने स्त्री पुत्र पुत्री बोनाहया पर्णशाल छे तया थः क्वकसिमाया क्वसं च्वना क्वातुक बज्रासन याना ध्यानद्वारा योगचर्य्य तपयाना च्वन । थ्व महात्यगी खः थ्वंगु चित्तया प्रभाव सीकेया निम्ति तपधारी थ्वयागु थासेवना फोवने धया न्यंकल । थुलि धाय्धुंका देवराज इन्द्र स्वर्गलोक अमरावतीपुर तोता पृथिवीस क्वहां वया वंकपर्वते इन्द्र रूप तोता जीर्ण वृद्ध ब्राह्मण रूपजुया भ्वाथगु बस्त्रं पुना शरीरे कै धा जुइका थाय् थासे ह्ति हि भतीचा सोसोवेका घुसिलुह्य जुया तुतामं चुया दम मुसु वह्य रोगीथ्ये मुसुतया फुंफुं मींका ला सोसोवेका थुजागु तालं बांमलागु भेशकया तपयाना च्वंगु थासे थ्यंकवल ।

उगु बखतस थ्व बिश्वन्तर बोधिसत्वं थुजाह्य जीर्णशरीर (बुढा) ब्राह्मण्यात
खना करुणा चागु चित्तस्वया च्वन । थुजाह्य जीर्णरोगं पीडजुइका कष्ट याना तीजक
पला छिना न्होने वल ।

उगु बखते धोमान् महात्यागी राजकुमार बिश्वन्तर बोधिसत्वं चिन्तनायात ।
संस र अनित्य खः अवश्य जन्म मृत्युया दुःखे लागुलि बुढारोगं क्वत्यला चिनातल
थैयादिनस थुजाह्य ब्राह्मण छह्य दुःखयागु आपत्तियाकें शंकष्ट जुइका थनवल थुजागु
तालं म्वानाच्च्वन धासा जितनं जुइफुः । आः थ्व बुढा गनंनिस्येवह्य गन च्वंह्य थन छाप्
वगु गुबलेतक थ्व म्वाना च्वनी नेगु आहारनं थ्वया दैमखु थुजागु दुःखंहे थन वह्य जुइ ।
छंनय् धुनला धका जिनं न्यना सोय्माल धंगुमनं बिचारयाना करुणातया राजकुमारं
कोमलस्वरूपाया न्यना स्वत ।

हे बृद्ध ब्राह्मणजु ! छ गनवनेगु थुजागु बने छाप् वया बने अनेक जन्तु राक्षसपि
दै । तं बांमलागुलि गनं देका कुतुंबंका वह्यथ्येच्चं छंगु शरीरे घाः दु कठंसुया घाः
जुलला थुजागु थासे गथ्येयाना वया छंगु शरीरे बस्त्र होगंगु शरीरेनं थाप् थासे हि
वगुद् छु जुया बराबर फुसुकातयावल छु कारणे आमज्यागु गंसोह्य बुढा कष्टं दुःख सिया
थन वयागु थुकीयागु निमित्त जितकं ।

एवं प्रकारं बोधिसत्वं धागु बचन न्यना भेशधारी ब्राह्मणं खोबिवय्का विन्तियात ।
भो राजर्षि ! छलपोल सबंज सकलयात प्रीतिह्यखः कल्याण जुइमा । भो नाथ ! छपिगु
पुण्यया प्रशंसा गुण किर्ति थ्व लोके सकभनं प्रचार जुया च्वंगु शब्दन्यना उर्को जि थन
वयागु खः । भो दयावन्तस्वामी ! जिगु आशापूर्ण याना बिज्याहुं । छपि बिना महादाता
म्येपि सुंदैमखुः लोके छपिहे छह्यजक दाताखः भिगुज्याया मित्रनं छपिहे जुइ । युलि
मतीतया हर्षयाना तापाकंनिस्ये थनवया थाप् थासेग्रामे छपिगु नाम न्यना थनतपयागु
घकामसिया छलपोलयागु राजगृहेवना बिस्तारं छं न्यना कला काय् म्हाय्पि सहितयाना
छपि वंकनामपबंते तपया बिज्यात घकाकन अनहे वंसाजक जिगु आशा पुणंजुइ धंगु
चिन्तनायाना वया ।

भो दयाधारी मालिक ! लंमस्यूगुलिं किसि चाहुलीगु थ्यें कंझाल चीका मखुथाय् न लात तापासानं देशग्राम चाहुलाबल्लं थौं थन थ्यंकवया जिगु शरीर थ्वहेखः । जिगु छें धनसंपत्ति सकतानं पूर्ण । थौंया अबस्था जित बुढारोगं पोडाजुल जि कला काय् म्हाय् छय् इत्यादि परिवार सुंहे मडु अथ्येयानिमित्ते बिन्तियाय् धका तापासानं बुलुहुं थन थ्यंक वया । भो, राजपुत्र महर्षि महामति ! छपिसं जिगु आशापूर्ण अवश्यमेव याइगु खना । बृद्धब्राह्मणं थथ्ये बिन्तियागुन्यना महामति बोधिसत्त्वं थ्व बृद्ध ब्राह्मणयात करुणाचित्तं-स्वया हानं धै बिज्यात । हे ब्राह्मणजु ! छंगु मनोरथ कार्य्य आशा छु खः जित धा जिनं पूर्णयाना बी ।

भेशधारी ब्राह्मणं हानंबिन्तियात, भो राजपुत्र दयाधारी कुमार ! म्येगुमखु जिगु आशा छु धासा छपिनि प्राणसमान काय् जारिकुमार तथा कृष्णाजिनी म्हाय् कोमल शरीर सुन्दररूपि निह्य जितदान याना बिज्याहुं ।

भो बीरदाता ! थुपिनिह्य बालक कोमलशरीरपि खः छु प्रयोजने धासा धर्मपुत्र, धर्मपुत्री याना प्रतिपालन याय्गु कारणे खः । जिके धन सम्पत्ति यकोदु जि बुढा जुल जित छुं बिचार याकेतनं दइ । भो दानी महाराज ! सीका बिज्याहुं अथ्येया कारणे जिनं बिन्तियाना ।

युजागुप्रकारं थ्व बृद्ध ब्राह्मणं बिन्तियागु खं न्यना बिभ्रन्तर बोधिसत्त्वं धै बिज्यात । हे ब्राह्मणजु ! जिनं थुपिनिह्य बालक दानबीगु प्रतिज्ञा याना । आ थुमिमां मन्द्रीदेवी थन मडुनि बिशेषसीकि छुं भतीचा उख्येवना स्वां फल कावनाच्चन लिहावइ-बले स्वांमालाया तिसांतीकाः फलाहार तृप्तयाना चित्त बुफेजुइका मांह्य मन्द्रीदेवी-यातनं चित्त बोधयाना सुन्दरपि पुत्र पुत्री निह्ययातनं बांलाकहेका दान बी । हताय्-चाय्मते धैर्ययाना भतीचा सुंकच्चं ।

गथ्ये धाःसा सिकि हानं धाय् वमांह्य मन्द्रीदेवी यदि लिहां वइबले किन्तु उगु बेलास काय् म्हाय् निह्य मदबले तार्जति बिलापयाइ । उगु बखतस थ्वंतजिनं गथ्ये चित्तबुफेयाय् । थुकीया निमित्ते भतीचालं च्वं धयागु खः बिलंबयात धका दुःख ताय्मते ।

थुगु प्रकारं बोधिसत्त्वं धै बिज्यागु सत्यबचन न्यना भेशधारी थ्व बुढा ब्राह्मणं हानं बिन्तियात । भो बोधिसत्त्व प्रभू ! छपिं सर्वज्ञस्वरूप दाता त्यागी बिचक्षणह्य खः । यदि छपिनि दानयायगु इच्छाखसा आः थय्ये दानयाना बिज्याहुं जि याकनं थःगु थासे लिहांवने त्यना । छपिनि हानं मनहिलेफु छाप् धासा छपिनि प्राण समान स्नेही काय् म्हाय्पिं खैः आः दान बीमखुतनं धाय्फुः । अय्येया निम्ति छपिनि आः दानबीगु इच्छा खसा याकनं दानयासा इच्छा पूर्णजुइ अवश्यनं जिगुनं इच्छा पूर्णहे जुइ ।

यद्यपि छपिगु प्रतिज्ञा साधन याय्गुखसा बिलंब छाप्याय्गु आस्य घालकि ज्या असफल जुइगु संभव दु । दानबीगु पक्का जुल धाय्धुंका दानमबिल धाःसा थुकीयागु दोषं लिपा छपिनिज्या सफल जुइत थाकुइ । मने च्वंगु चिन्तना दान याय्गु हानं छुं संभव थिक मजुया दान बीमखुत धया मबिल धासा भबिण्ये प्रेत योनि जुइगु अबस्था न्ह्योने वइ । भतिचा आस्ये धागुलियाना च्वेलाइगु पद क्वेलावनि संसार यागु चरित्रं याना जगते सकलया थःथमं अनेकज्या स्यना दुःखयागु भाविस लाइ । थय्ये जुइगुलिं छपिसं आस्ये भतीचानि मूकव्वं धै बिज्याय्मते । लिपा छपिनितं मखुथ्ये जुइ थन छपिसं आ थय्ये दान मबिल धासा जिगु इच्छास्यन जि कष्टयाना थन वयागुनं निराशाजुल । छपिसं दान बोधागुनं बिघ्नजुया असफल जुइ । छाप् धाःसा, मांम्हलिहां वइबले सुन्दर सुन्दरी काय् म्हाय्पिं खनीबले दानछाय् बीगु धया दान बीकी मखुः । दानबीम्हयानं दानकाइम्हयानं आशाया निराश जुइ । उगु अबस्थाय्छु याय्गु । यदि दान मबिल धाःसा थनसं जिनं प्राण त्यागयाय् त्यना । छपिनि थन तपयागु फल ब्रम्हहध्याया पाप मात्र लाभजुइ । अवश्यनं दान बीगुखः धागु बचन सिर्तिवंगु दोषं तपथापि मनुष्यपिनि थःथःगु मनोरथ कार्य बिफल जुया दुःख जूगु कारण यकोदु ।

छपिं सर्वज्ञ तुल्यखः प्रभू थ्व ज्ञान मसिल गथ्ये खः भो बिज्ञ ! यदि दानबीगु मखुत धासा जि थन च्वनेगु प्रयोजन मदु आःथय्ये माथाय् वने । मिसा (नारी) यागु-स्त्रापनं न्यनेम्वालि अवश्यनं लिहां वनेत्यना वनेला ?

ब्राम्हणं थुजागुतालं धागु खन्यना बोधिसत्त्वं बिचारयाना हानं थय्ये उत्तर बिल । हताय् चाय्मते हे ब्राम्हण ! व मन्द्रोदेबी बिचक्षणी (बिद्या शास्त्र बोना तम्ह) खः दान

बिभ्रनयाय् मत्स्यो घकानं स्पूम्ह ब्रत उत्सव नित्ययाना च्वंम्ह धर्मया शरीर सत्यबादी
महाज्ञानी त्यागीजुया च्वंम्हनंखः । अथ्येया निमित्त दम्पती निम्हनापं च्वना छपिन्त
थुपि निम्ह बालकपि दान बिया जिगु इच्छा पूर्णयाय् । बालकपि निम्हनापं बोना थःगु
थासे लिहां बिज्याहुं ।

एवं प्रकारं सत्य बचनयाखें न्यंकूबले, ब्राम्हणं गुलिच्यागु मिखाकना तस्सकं
क्रोध पिकया भंरबुंथ्ये ग्यानापुगु स्वभावयाना बोधिसत्त्वयागु ख्वाः स्वया छिद्रबचनं
थय्ये घाल । ख्वा घासा पलेस्वांथ्ये सुन्दर बचन श्रीखण्ड समानं शीतल नुगलेमलोगु
छागु भाबदु गय्ये खः ।

भो राजपुत्र ! स्त्रीयागु उपदेश न्यनातिनि दानयाय्गु धंथ्ये खं ह्लात, छपिसं
थःगु इच्छा दानपारमिता पूर्णयाय्फंगुखः याकनं दानहति जि वनेत्यल पिया च्वने
मखुत ।

थय्ये क्रोधस्वरं घागुन्यना बिश्वन्तरं चिन्तनायात । आः थ्व ब्राम्हणं तंपिकया
जित घाल बिस्तारयाय् मखुत थुलि बिचारयाना हानं धं दिज्यात । हे ब्राम्हण ! जिनं
हेका घयागु मखुः पुत्र पुत्री थ्वं दान बोमखुत धंगु थमंमतीतल उर्को पत्यार मजुल तनं
पिकाल शान्तजु ऊठ्ठाखं ह्लानागुमखुः । थुपि निम्ह बालक थय्ये दान याय्गु इच्छा
याना, संकल्प बाक्यबोनाका बालक निम्ह छंगु अधीनजुल । बालक पिनिमांम्ह मन्द्री-
देबोयात क्यना निम्ह बालकपि ज्वना थुमितहेका थःगु थासे बिस्तारं हुं ।

थुलि बोधिसत्त्वं घास्येलि ब्राम्हणं तलंका खुसिजुया तथाऽस्तु भो नृपात्मज राज-
पुत्र ! घया उगु बेलास ब्राम्हण न्ह्योने च्वंबल । उगु समये बिश्वन्तर राजकुमारं जारि
कृष्णाजिनी निम्ह कोमल (क्यातुगु शरीर) सुन्दर शरीर पलेस्वां समानगु मिखां
खोबिवेका च्वपि मचातेगु ख्वा स्वया घेः पुना चुपानया जगु ह्लाति पुत्र (काय्) जारी
कुमारयागु ह्लाज्वना, खगु ह्लाति पुत्री (म्याय्) कृष्णाजिनीयागु ह्लाज्वना, गुम्हजा
गंभीरगु ज्ञानं पूर्णम्ह महात्मा (त्यागीशरीर) ह्य बोधिसत्त्वं ब्राह्मणयागु ख्वा स्वया
थय्ये आज्ञाजुल ।

हे महाबिप्र ! बाधयबोनाका दानबीत्यना घया, चन्द्रमा समान निर्मल शीतल स्वभाबपिगु खत्राः स्वया बोधयात । जिनं थौं छिपि निम्ह दाजु क्यहेंपि थ्व बृद्ध ब्राम्हणयात दान बीत्यना दुःखताय्मते खोय्मते जित थ्ये थ्व ब्राम्हणयात बिचारयाना थ्वं धागु ज्यायानाच्चं आः थनवने च्वनेम्वाल थुलि खं न्यंका लिपा मिखा-तीसिना ह्लापायापि भगवान् बुद्धपि लुमंका थुगुप्रकारं प्रणिधानयात ।

जिनं थय्ये पुत्रपुत्रीपि दानयाय्त्यनागु कारण थय्येखः भिगु शुद्ध चित्त सदानं जुइमा थुकिंयाना सकलसत्त्वपिगु पाप दुःख शमन जुइमा । रोगीपिनि बैद्यंयूगु वास नया रोग शमन जुइगु समानं पापशमन जुइमा । हानं बिपरीतगु नया त्वना ज्यायाना रोग शमन जुइ धुंक्रुगुनं हानं लिथोया तच्चतं रोग जुया च्वंगुलि दुःख शंकष्ट पीडाजुइका च्वंगुनं अमृत समानगु वास नकीम्ह सदबैद्यचूलाना वासनकूगुलि लिथोगु रोगनं शमन जूगु तुल्य जुया तच्चगु पापनं शमन जुइमा ।

नेगु मदया पित्याना च्वंगु लः त्वनेगु मदया प्यासं दाहजुया च्वंगु दुःख शमन जुइमा । बखते जलवृष्टि जुया अन्न जल चूलाना सकलया क्षुत् पिपासारोग (नय् त्वनेगु पित्याना दुःख जुया च्वंगु शंकष्टया पीड) मदेमा । गनं दुर्भिक्ष्य जुया बखते जलवृष्टि मजुगुलि आहार चूमला दुःखजुया च्वंगुनं समय समये (थिक इले) जल वृष्टिजुया प्राणि पिनि आहार चूलाश्मा । दारिद्रपिनिनं धनसंपत्ति तथा इलम चूलाना धनि जुइमा । व्यापाद याइपि बणिज महाजन धापिनिनं अनेक बस्तु चूलाना सदानं भिगु चिन्तना जुया धर्मयाय्गुलि सुखीजुया च्वनेकेमा थुलिभिगु चिन्तनायाना प्रणिधानयाय् धुंका ब्राम्हणयात खं न्यंकल ।

हे ब्राम्हण ! छ समान जित प्रीतिम्ह स्नेही मेपिमदु छ जित सुमित्र (भिगु ज्या याइम्ह याकीम्ह त्वाय् समान खः) गथ्येजा भार्या पुत्र पुत्री (कला काय् म्हाय्) धापि जि प्राण समानखः । थुपि दान मयाय्कं दानपारमितानं पूर्ण जुइमखुः । आः जित दान पारमितानं पूर्णयाकीह्य धाथ्येयाह्य थनथ्यंक वल थ्व चुलागु जिगु तःधंगु भाग्यखः जि आपालं खुसिजुल जित दान पारमितानं पूर्णयाकवह्य मेपिमखुः छ हेख छ धन्य हे महा-ब्राम्हणजु ! खं न्यं-

जिनं मर्त्यलोके चक्रवर्तिराजा जुडगु सुख स्वर्गलोके इन्द्रजुया सुख भोगयाय्गु
इच्छायाना दानयायत्यनागुमखुः । थुगु पुण्यानुभावं संसारे सकल प्राणिपिनि मती
अनेक त्राशजुया च्वंगु भय मदया वनेमा दातापिनि दानपारमितां पूर्ण जुया सुख शान्ति
सदानं जुडगु बुद्धचर्य्य बोधिज्ञान अहिंसाधर्म बुद्धज्ञान लाय्फेमा । थुलि मात्र चिन्तना
याना जिनं छन्त जि पुत्रपुत्री दानयाय त्यनागु खः । थुलिधया थ्व बोधिसत्त्वं संकल्पयाना
जलधारा हायेका छुं भतीचा नुगमछिना खोबिवगुलि थःथमं धोरयाना बालकपिगु
स्वा स्वत ।

पुत्र जारिकुमारं च पुत्री कृष्णाजिनी सती ।
वाम दक्षिणयो धृत्या ब्राह्मणाय प्रदत्तवान् ।

सुन्दरह्य काय् जारिकुमार जवंज्वना, सुन्दरीह्य म्हाय् कृष्णाजिनी खवंज्वना
बिम्बन्तरराजकुमार बोधिसत्त्वं भेधधारो बृद्ध ब्राह्मणयात काय् म्हाय् दानयाना
बिज्यात । । उगु बखतस आकाशमार्गे बोयाजुडपि देवतापिसंखना नुगमछिका
खोबिवय्का हाहाकारं हाला साधु साधु बिम्बन्तर राजकुमार नांयात लोगु तःधंगु
ज्यायात धन्य धन्य धया थःथःगु थासेवना प्रशंसायात ।

अनंलि थ्व बृद्ध ब्राह्मणं निह्य बालकपि हर्ष भावंह्लाति ज्वना सालाकया आशी-
र्वाद बिल साधुखः छःपि धन्य भो राजपुत्र ! थुगु दानया पुण्यानु भावं छपिगु मनोरथ
कार्य्य पूर्ण जुडमा सर्वदा कल्याण जुया सुखी जुडमा । छपिगु कृपां जिगुनं इच्छा पूर्ण
जुल । छपिनि प्राण तुल्यपि पुत्र पुत्री जित प्राप्त जुल आः जिगु जन्मनं सफल जुल जि
थःगु थासेवने विदाबिया बिज्याहुं ।

थुलि ब्राम्हणं घास्येलि बोधिसत्त्वं ब्राम्हणयात यथ्ये आज्ञाजुल । हे महामित्र
ब्राम्हणजु ! प्रसन्न चित्तं पुत्र पुत्री निम्ह जिनं दान बोधुन आखबोंका ज्यानं स्यनाति
मवुय्येयात धका बोबिया दाया कसायाना सास्ति इत्यादि पाय्मते बांलागु बिचारं
प्रतिपाल यानाति ।

हे ब्राह्मणजु ! थुमिमांह्यनं ताउजाल मवगु आ वइगु ई जुल भतीचा थनसं च्वना मांम्हयात खवा क्यना फल इत्यादि ज्वनावइगुनं ज्वनाहुं नकेत सफल जुइ । राजकुमारं थय्ये धागुन्यना ब्राम्हणं हानं उत्तर बिल । भो राजपुत्र ! छपि महा बिद्वान् खः तथापि मूर्खं खं ह्माय्थ्ये ह्मात ह्मापानं धाय्धुन मांम्हसिनं खनघासा दानबो धुंसानं बीमखु धका लितकाइ खोया उपद्रवनं अवश्ययाइ दान बिघ्न जुइ अथ्ये जुइगु संभव मांम्ह वइगु पियाच्वने मखुत जि थय्ये वनेत्यल थ्व बालकपि आ जि यथ्येजुल जिगु अधीने लाय् धुंकल मामाथ्येयाना यंके जिकेनं छे नेगु त्वनेगु पुनेगु अनेक वस्तुनं पूर्णजुया च्वंगुदु जि थनपिया च्वने फेमखुः । ब्राम्हणयागु कडा बचन न्यना छुं उत्तर मन्यूस्ये बिम्बन्तर बोधिसत्व सुंकच्वना त्रिरत्न स्मरणयाना ध्याने च्वन ।

उगु बखतस थ्व भेशधारी ब्राह्मण बालकपिन्त थय्ये खं न्यंकल । छिमिअबुजुं जित छपि निह्य दान वियाहल आः जिगु छे वनेनुः याकनं वा । थ्व ब्राह्मणं थय्ये घास्येलि बालकपिसं गप तः पुज्वीका खाखातूगु स्वरयाना खोबिवेका निह्यबालकं थः अबुयागु खवाः स्वया हाहा हीही बने गुजागु जुल धया ह्मापालाक क्येह्यस्ये बिलापयात लिपा दाजुह्यनं खोल ।

थुपि निह्य खोगुखना थ्व ब्राह्मणं तंपिकया निह्यसितं क्वातुक ज्वना सालाकाल । उगु बेलास क्येह्यसिनं यो मां छ याकनंवा धका तस्सकंहासा मां नामकया खोल । दाजु म्हसिनं अबुं ज्यायागु लुमंका बनान्तरे अबुं जिमित छुयागु योमां छगन वना च्वना थन याकनं थ्यंकवाधका विशब्दं हाता खोल ।

अथ्ये खोगु खना न्यना वृद्धब्राम्हणं चिन्तनायात बोधिसत्वया चित्त बिह्वल जुइ-केगु धका हतासनं बनेच्वंगु लहराकयाहया निम्ह बालकयातनं क्वातुक चिना सुन्दररूप क्वातुगु शरीर पिन्त इसा थिसा याना जुकछोत । थय्येयागु बिम्बन्तर राजकुमारं खना बाकूछिना त्रिरत्न लुमंका चित्तयात धैर्ययाना च्वन ।

उगु बखतेहानं थ्व ब्राम्हणं निम्हेसितं सातुसाला ह्मातिदाया यंकल । बनान्तरे बालकपि (दाजु क्यहेँ) निम्हं मूर्खाजुल । उगुइले छुं लिपा धीरयाना दनावया दाजुम्ह

सिनं क्यहेंयात बोधयाना धाल । क्यहें कृष्णाजिनी थुगु अबस्थाप् जिं छुयाय्गु कीर्पि
निम्हसिया ह्लापायागु छुपापं थुजागु दुःखजुल कीसंमस्युः देव्यागु धाय्तनं मस्युः थुजागु
शोक सन्ताप कीतजक मखुः मांयात समेतं अबश्य दुःख जुल ।

अबुजुं थुजाम्ह दुष्ट पापि निर्दय म्हसीकानं मां मदुबले कीर्पिनिम्ह दान बिया-
हल छुयाय्गु । थ्व नापहुं धयाहल थुजाम्ह दुष्टयागु ह्लातिलात थ्व दुष्ट ब्राम्हणं
चिनाह्य धुंकल थनबने थ्व दुष्ट ब्राम्हणं कीत दुःखहे याइगुजुल अथ्ये थथ्ये हाला
खोसानं हे प्रिय क्यहें मेजु ! थ्वं कीतरक्षा याइगु संभव मन्त आः थुजागु बने गनवनेगु
थ्वबुढा ब्राम्हणं कीत सुखयाइ मखुत अबश्यनं न्ह्यागु सास्ति यासानं सहया हे भगिनि!
छं आपालं बिलापयात दुःखताय्मते खोयां छुयाय्धका क्यहेंयात खोबिहुया ख्वाले पिया
छयने उसिउसियाना थः हिक हिकयाना खोबिसोसो वेका क्यहेंयात मायातया ग्याय्मते
तस्सकं खोय्मते धया हेका च्वन ।

दाजुं थथ्ये धया हेकूगुखं न्यना क्यहेंम्ह सिनंधाल । भो दाजु ! छंनं दुःख
ताय्मते छुयाय्गु सुखजुइगु गनं हे कीत मन्त थ्व ब्राम्हण खंमखुः राक्षस अबश्यनं खंः ।
छं भतीचा उख्येयंका की अबुंमखनकि कीर्पि निम्हयातनं थनबनेस्याना कीगु लाःहिः
थ्वं नैगु संभव जिनं सीके धुन । कीर्पि स्वाइगु आशामन्त राक्षसयागु ह्लाते लात छुयाय्
हाहा हेदेब ! गन वनेगु गनच्वनेगु स्वंगु शरण वनेगु सुनारक्षा याइगु गुजागु कष्ट भोग
याय्माल । जिमां लुमंस्येवल योमां छगन वनाच्वना याकनं थन थ्यंक्वा थुजागु तालं
परस्पर (बारंबार) दाजु व क्यहें निम्ह सिया खंल्लाना खोयाच्वन ।

थथ्ये खंल्लाना खोयाच्वंपि निम्हसितनं स्वया वाकटटटंहेया तमंहका मिखा
ह्याउंक गुलिच्याक कना सिमाकचांदाया सालायंकल । उगु बखते दाजुम्ह जारिकुमारं
क्यहेंयात स्वया थथ्येधाल, क्यहें कृष्णाजिनी छं गथ्ये धागुखः अथ्यहे थ्व ब्राम्हण मखुः
अवश्यमेव राक्षसजुइमा गुलिजक करुणा मदुम्ह आः कीर्पिनिम्हसिगु प्राणया आशामन्त
थ्वं सास्तियाना स्पाइगु जुल ।

थन की अबु तापात भतीचामात्र खनेदनि थुगु जन्मस अबुया ख्वाः दर्शन याय्गु
किचित् मात्रजुल सास्तियागु सहयाना अबुयाख्वाः छकसो धया निम्ह सिनं लिफः सोया

भो पिता ! (अबुजु) आः जिपिंगन वनेगु छपिंखने मदेन नमस्कारयाना धया ख्वाले ह्लाति बुबुस्याना निम्हं तस्सकं खोल ।

आः अबुयाखा मखनीन हानं लिपाया जन्मसनं खनीगुमखुत खनेदतलेनि ह्वा स्वये धया लिफः लिफः जकस्वया क्यहेंयात यथ्येधाल । अरे भगिनि ! अबुया ख्वाखंला, क्यहें नं धाल भोदाजु छुं भतीचा खनेदनि छनं सो खंला । दाजुम्हसिनं धाल-भतीचा जक खनेदनि मां अबुया धर्म अकालं मृत्यु मजुइमा थुलिजक आशादनि धया धीरयात ।

अनंलि केहि ब्राम्हण सुंकच्चन उगुइले दाजु क्यहें निम्हसिया खँह्लात । मां स्वां फल कावंम्ह नित्यय्ये लिहां वया ईले फलाहारयाकेत बिचारयाइबले कीपि निम्ह मखना गनवन धकामानं बिलाप अवश्यनंयाइ अथ्येया निम्ति मांयात चित्तबोधयाय्त छक कीपि निम्ह हानं अबुयाथाय् वनेगु समय (मौका) वसाज्यू । थ्व ब्राम्हणं छोइला बित्तियाना धाय्ला धकानिम्ह सिया खँह्लागु ब्राम्हनं न्यनाच्चन ।

उगु बखतस थ्व दुष्टस्वभाव पिकया चवंम्ह ब्राम्हणं हानं ज्वना सालायंकल । ग्यानापुगु ख्वाः याना चवंम्हयागु ख्वाः स्वया तस्सकं हाला धाल । भो पिता ! छपिसं थुजाम्ह दुष्ट ब्राम्हणयात जिपिनिम्ह दानयात थौं निरासजुल प्राणवनिगु संभवनं जुल जिपिं म्वाइमखुत यथापि हेप्रभू पिता ! छपिसं जिपिं लुमंका दुःख कष्टयाना नुगमछिके मते जिमिगु मायानं काय्म्वाल इले स्वां थोवंम्ह मां वइबले जिपिं निम्ह मखना शोक सन्तापयाना बिलापयाइबले सियापिसल किसि ह्यबसा जिमित बियातगु क्यना काय् म्हाय् थुपिं लुमंका धैर्ययानाच्चं खोय्मते धकाहेकाति मांयात बिचारयान्हैः भो पिता ! दानबिया छोसानं छपिगुपालिस जिमिसं शिरविका प्रणामयाना हयागुदु पुनः मांयातनं यथ्येहे प्रणामदु थ्वखँ छपिसं मांयातन्यंका बिज्याहुं जिमिगु सहस्र बित्तिबु धया खोया-खोया ब्राम्हणं गन गननुः धकासाला यंकल अन अनबुलुहुं वन अनंलि बिम्बन्तरं बालकपिं ब्राम्हणं यंकुगु मखन ।

उगु अबस्थाय् मांम्ह मन्द्रीदेबीया काय् म्हाय् निम्हयात स्वांया तिसावय्का फलाहार याकेत फलयको ज्वना हर्षचित्तं बने बिस्तारं उल्ये थुल्येस्वया लिहावल ह्लापा यागु लें मलागुलि मती न्याकुल जुइका थौं जितछुजुल लें दन आःछुजुइत्यन धया ववले

जवे खवे गनं पंछिपि हागु शब्दनं मदु उगु अवस्थास बने पंछिपि सून्य जूगुथ्ये गनंहे पंछिपि मखन मने व्याकुल जुया थय्ये चिन्तनायात अवश्यनं थों जिगु थासे (छें) विघ्न जुलजुइ । काय् म्हाय् निम्हदु थुमित अथवा छुं मखुथ्ये जुलला थुजागु मती चिन्तना याना स्वांमालाया तिसा फल ज्वनावयागु फुक सिमाक्वेतया खोबिवय्का मिखा बुबुस्याना भतीचा बिश्रामयाना थःगु थासेवने थन च्वना छुयाय् पाकनं थ्यंकेगु बिचार याना उगु थासं लिहांवल ।

उगु समये लेँ अमंगल जूगुखन छुधासा निम्ह हाकुपि(काल)सर्प लेँ वने मजीक लेपना च्वन । थुमित तोजक उख्येहुं धया ख्याना छोट थुपि चिलावन । अनंलि भतीचा वंबले धुं किसि बनजन्तुपिवया मन्त्रीदेबीया न्ह्योनेच्वना लेपना बिल थय्येयागु खना मन्त्रीदेबीनं आज्ञाजुल ।

हेहे नानाप्रकारया बनजन्तुपि ! थनवया जित छाया लेँ पना दुःख न्यूवया जिग्यात छिमिगु थासे हुं जिवने घास्येलि थुपि जन्तुपिसं प्रणामयाना लेँ चिलाबिल जन्तुपि मिखाय् खोबि वय्का लिहांवन ।

अनंलि सिमाय् च्वंपि पंछिगनपि हाला थः थःगुस्वरं खोया खोबि भूमीस हाय्का हगुखन थुजागु अमंगल जूगु स्वया ध्व स्वामीभक्ती मन्त्रीदेबी हाहा हीही छुजुइन जित धया तस्सकं खोयावल क्रमरूपं थःगु थासे थ्यन मन्त्रीदेबी द्वाहांवना उख्ये थुख्ये सोत काय् म्हाय्पि मखना अनं पिहांवया प्यख्येसनं स्वया बिचारयात गनं मदु हागु शब्दनं मता-गुलि मती दुःखताया हाहाजि प्राण समानपि काय् म्हाय्पिसं थनछें तोता थों गनवन ।

सदानं जि थनछें वेबले जिगु शब्द तालकि श्व पर्णशाला छैनं पिहांवया जित निह्मसिनं घेः घेःपुना मां मां धया जित प्रिति यार्डापि गनवना च्वन । आः जिनं छुयाय्गु गनवनेगु थय्ये धया पर्णशाला छें तोता सकभनं स्वया मखंगुलि हाहा जि पुर्तापि गनंमदु छुजुल धकाहाला खोया बने मालाजुल । नदीस स्नान यार्वापि तःजाथाय्-लाना चुइक पंकलला चिन्तनायाना नदीस वना थाय् थासे चाचाहुला स्वयाजुल नदीस लः बढे जुयावया थोगुशब्दं हुनुनुनुं हाला कयन ।

थुगु शब्द न्यना थ्व मन्द्री महादेबी मनं थथ्ये चिन्तनायात थन नदीस स्नान याबले लखं चुइक यंकल अबश्यजुइ थथ्ये चिन्तनायाना अनं लिहांवया गन थःस्वामी तपचर्य ध्यानयाना च्वंम्ह बिभ्रन्तरया योगाश्रमे वया स्वामीया निपा पालिस भोः पुया मन्द्रीदेबीनं थुगु प्रकारं बिन्तियात ।

भो नाथ स्वामी ! कीपिनिम्हसिगु हि जन्मजूपि काय् जारिकुमार म्हाय् कृष्णाजिनी पलेस्वांथ्ये सुन्दरगु मिखापि बालक पुत्र पुत्री निम्हथन पर्णशाला छे मद्दु जिनं सकभनं मालास्वेधुन गनं हे मखना गनवन थुपि । थौं जिनं थन बनेस्वां फलका वना थाय् बिस्तार जुल ल्याहां वयाबलेनं म्येगुले लाना बिलंबजुल ले थाय् थासे अमंगल जुगु स्वयावया जिगु मने शोक सन्ताप जूगुलि स्वां फल मूलादि कयाहयागुनं सिमाक्वे तोता मती अनेक चिन्तनायाना चाहला स्वयावया गनं खंके मफुः ।

भो नाथ स्वामी ! छपि तपचर्य योग ध्याने बिज्याना च्वन । थुपि निम्ह बालक की पुत्र पुत्री पर्णशाला छेनं प्याहांवना गन वनजुइ धका मालाजुया लखं चुइक यनला धंगु बिचारयाना स्नानालये नदीस वनानं स्वयावय् धुन गनं मद्दु गनवना च्वन आतकनं छुं खबर मद्दु थौंया दिने थुपि निम्ह गनवनखंः जिगु नुगलं सहयाय् मफुत धया अनेक प्रकारं थ्व पतिव्रतास्त्री मन्द्रीदेबीनं विलापयात ।

स्त्रीनं धथ्ये धया खोया न्यंकूगु खेन्यना थ्व बोधिसत्व बिभ्रन्तरं नोंमवास्ये सुंक च्वन । स्वामीनं छुं लिस मब्यूस्ये सुंक च्वंगुलि फ्न मती तापयाना थ्व पतिव्रतास्त्री मन्द्रीदेबीनं उगु थासे च्वना हापुत्र, हापुत्री छपि निम्ह बिनाकारण मखेकं थन बने मदेगु मखुः अबश्यनं छगुकारण जुलजुइ जिनं मस्यु आः जिनं छुयाय्गु गन वनेगु थनबने स्वइके न्यनेगु अनर्थ जुल भो महास्वामी ! सितला छपिसं छुं धै बिमज्यागुली जिगुमनस संदेह जुल । हे बुद्ध त्रिरत्न ! जिनं सिनावनेगु अबश्यजुल थथ्ये धया थःगु शिरे च्वंगुसं थमंपुया नुगलेह्लाः तया गुबले नुगले दाया ततःसकं हालाखोल । गथ्येजा गोफसं कया हाचंगु सिमा गोतुली थ्ये भूमीस चतावाना बिलापयात । अनंली थ्व महादेबीनं धैर्ययाय् मफया मूर्छाजुइका सीह्य समानं ताउतिनं नोंमवास्ये च्वना च्वन ।

थय्ये जूगुखना थ्व बोधिसत्व बिश्वन्तर तपचय्यं योगाश्रमं दनावया पर्णशाला
छेया समीपसवना लः हया हायाना लः त्वंका मन्दीदेबीया ख्वाः स्वया सता थय्ये
धं बिज्यात ।

हे कान्ते प्रिय स्त्री ! हताय्चाया दुःख ताय्मते शीतलज्वीक लः त्वं धया लः
त्वंका ह्लातिज्वना थना फेतुका थ्व पतिव्रता स्त्री मन्दीदेबीयात उगु बखतस श्रीमान
बोधिसत्वं थः स्त्रीया रुपस्वया बिस्तारं बोधयात जिगु खं न्यं गय्येजा कीसं ह्लापा याना
वयागुज्या लुमंकि नानाप्रकारं दानयानागु खं भिन्न भिन्न अनेक धर्मवु लोमंकेमते ।
छन्त च्वे थ्यंक खं कनातयागु स्मरणया ।

जिनं सत्यतायाना हानं धाय् वृद्ध ब्राह्मण छह्यायात मित्र तुल्ययाना थमं काय्
म्ह्याय् निह्य दान बियागु दान पारमितायागु महत्व खं कना हेकल । हे मन्दीदेबी !
छं बांलाक शीकि खोय्मते धया बोधयात । बिलापयागु (खोगु) दिक्कल । स्वामीयागु
खं न्यना धैर्यता पूर्वक मन्दी महादेबी सुंकच्वन । ० ।

अनंलि निह्य बालकदान कया यंकूह्य वृद्ध ब्राह्मण गुह्यजा बिदमं देशे बिज्याह्य
शिवि राजाया थासेवना राजाया मूलगु लुखास च्वना जुजुयात सूचना बिया द्वाहां वना
जुजुया न्ह्योने च्वना बिन्तियात । भो महाराज ! छपिनि कैल्याण जुइमा प्रणाम धया
छपिनि पुत्र बिश्वन्तरया चित्त गुलितक त्याग जुइ धका फोवनागु इत्यादि च्वंनिस्से
बिस्तारं खं कनालि थुपि निह्य बालक जित दानबियाहल छपिनि छेपि खः । भो नृपेन्द्र
महाराजा ! कया बिज्याहुं धया लः ह्लानाबिल ।

उगु समये थ्व शिविराजा थः थमं आश्रय्यंजुया छेपिनिह्यसिगु ख्वास्वया ह्लिला
घेःपुना चुप्पानया ख्वालेशिरे पिया तच्चगु प्रभावं स्नेहप्रोतितया हर्षयात । छेपि निम्हे-
सिनं आजु शिवि राजायात पालि भोःपुया लिपा ख्वा स्वया इतिइति ह्लिला बिन्तियात ।
भो महाराज पितामह आजु ! धका संबोधनयाना निगु प्यंगु खं ह्लाना तस्सकं खुसि
जुया च्वन ।

अनंलि शिविराजां वृद्ध ब्राह्मणयात आदरतया धन द्रव्य दानबिया योग्यानुसारं
भोजनयाका सन्तोषयात अनंलि छेपि निह्यकया वृद्धब्राह्मण यात बिदा बियाछोत ।

खुसिजुया भेशधारी बृद्धब्राह्मणं जुजुयात प्रणामयाना धन्य धन्य साधु बिम्बन्तराजकुमार
महा त्यागी खः धका प्रशंसायाना राजगृह्या लुखां पिहांवया बनान्तरे वना बृद्धब्राह्मण
रूप तोता अन्तरगत जुयावना इन्द्ररूपकया थःगु थासे स्वर्गस थ्यंक वन ।

अनंलि केबल बनयाज्या बिम्बन्तराजकुमारं योगचर्य्य तपयाना बिज्यात । उगु
बेलास पतिव्रता मन्त्रीदेबीयानं नित्यकर्म थःगु बनयाज्यायाना दान पारमितामूलगु
धर्मसत्वेक खं न्यनाथ्ये ज्यानंयाना च्वन ।

थुलिजुइ धुंका छुंकाल दिन वस्येलि छन्हुयादिने देवराजइन्द्र हानं क्वहांवया
बनान्तरे थ्यंका इन्द्ररूपतोता म्येह्य हे बृद्धब्राह्मणरूप धरेयाना गन बिम्बन्तर तपयाना
च्वंगु ख अनयाकनं थ्यंका बोधिसत्व तपधारीया न्ह्योने वल ।

बोधिसत्वं थ्व ब्राह्मणखना आदरतया बनेदयाच्वंगु फलस्कन्दमुल (तु सकि केरा
धाले) इत्यादि विया ब्राह्मणया खाः स्वया थुगुप्रकारं आज्ञाजुल । हे बृद्ध ब्राह्मणजु !
थुजागु निर्जन बने (मनुष्यपि सुं बासमदुगु थासे) आमथ्ये बुढाह्य बृद्धशरीर दुःख
सिया छुकारणे बिज्यानागु छपिसं थुकीयागु कारण जितघा ।

थय्ये बोधिसत्वं धागु बचनन्यना ब्राह्मणं बित्तियात । भो राजर्षि ! महात्यागी
छपि खः फोंगुतक दानबोह्य धागु खं न्यना जि थनवया छुकारणे घासा भो महात्यागी
बोधिसत्व ! जि जहान् परिवारपि सुंमदु याकचाह्य ब्राह्मण जिगु शरीरनं थ्व हे ख
अपिसंस्वे धुंकल जिण बुढा जुया थःथमं ज्वरेयाना नेमफुत छपिसं म्येह्य जिथ्ये बुढाह्य
ब्राह्मणयात ह्यापा काय् म्हाय् निह्य दान वियाछोत धागुनं भिगु शब्बन्यना जितनं
करुणातया दान अवश्यनं बी ।

थुलि आशायाना मन हर्षजुइका तापाकं निस्ये बलुहुं वया । म्येगु छुं दानकाय्
वयागु मखु छपि अतिदानी खः छपिनि प्राणसमान गुणीक पतिव्रताह्य पत्नी मन्त्रीदेबी
छह्य फोनेधका जि आसायाना वयाह्य खः ।

थुह्य पतिव्रता स्त्री छह्य छपिसं जित दानबोगु योग्यजुः जिनं पत्नीयाय् सत्य
सत्य सत्यणं मखुः भो महाराजर्षिजु ! धर्मपुत्री यानातेत खः जिगु छे गुलि धनसम्पत्ति

दया च्वंगु खः फुकलः ह्लाना बिचार याकातेगु निमित्त खः अध्येया कारणे छलपोलं अवश्यनं दानयाना बिज्याइगु आशा दु ।

थय्ये थ्व ब्राह्मणं धागु खं न्यना बोधिसत्त्वं थः पत्नी मन्द्री देबीयागु ख्वा ताउति स्वया च्वन । उगु इले बुद्धिमानो बिचक्षणी मन्द्रीदेबोनं स्वामीया मनोरथ सीका थय्ये चिन्तना यात । दानपारमिता पूर्णयाय्था कारणे थः स्त्री पुत्र पुत्री दानकावल धासा अर्थपिन्त दानबिया सन्तोषयाय्मा घका ह्लापाजित कनातगुदु जिनं आः छु लिसबीगु स्वामीयात । थन उगु समय आः थ्व बृद्ध ब्राह्मण थ्यंकवल जि दानकावह्य खः हानं छुघाय्गु अध्येया कारणे थ्व ब्राह्मणयात अवश्यनं जि दानबीगु ग्वसायाना जित ताउ-
तिस्वगु जिनंसीकेधुन । जि दानबीमते धालकि थ्व जि स्वामी बोधिसत्त्वया हानं मनस अति खेद जुइ छाप् मनस खेदजुइकेगु थय्ये बिचारयाना स्वामीया ख्वाः स्वया ह्लाः हा ज्वलपा ह्लिला थय्ये बिन्तियात ।

भो नाथ स्वामी ! छलपोल बोधिसत्त्व खः छपिसं जिगु ख्वाः ताउति स्वया छु धं बिमज्यास्ये मनं चिन्तनायाना बिज्यात । थ्व बृद्धब्राह्मणयात जि दानबीगुलि छपि सुंक च्वनेम्वाल । भो प्रभू महास्वामी ! छपिगु मनोरथ पूर्णयाय्त्त जिके छुं दोषमदु । सुनां सुनां छुछुदान कावल अर्थपिगु मनोरथ (बांच्छा) नं पूर्णयाना बिज्याहुं । भो दैब स्वामी महानाथ ! छाप् सुंच्वना बिज्यानागु जि तत्पर जुया च्वनागु दु काः दानयाना बिज्याहुं ।

गय्येजा लक्षणपूर्णपि काय् म्हाय् दानयाय् धुकल आः वय्ये जिनंदान बिया छपिगु मनोरथ कार्य्य पूर्णजुइका योगचर्य्य तप सफलयाना बिज्यासा जगतो हिताय जुइ । ख्वाः चःकंका ह्लिला क्यंसानं मिखाय् खोबिवेका एवंप्रकारं स्त्रीनं धागु खं नुगर्माछिका धीमान् बोधिसत्त्व थः स्त्रीयात थुगुप्रकारं आज्ञाजुल ।

हेकान्ते प्रियस्त्री ! छ साधु महासाधु खः दान याय्गुलि चित्तस्थीर याय्मा दानयाइगुलि गुबलेसं सुनानं गनेमज्यु मगन धासा लिपाथ्यंक च्वेलागु उत्तमपद लाभजुइ । दानयानागु प्रभावं बांलागु पुण्य प्राप्तजुइ लखं खुंतेसं मी फसं जुजुपिसं समेत् स्यंके फैंः मखुः ।

दानयागु पुण्य लोके तिसासमान खः दानयानागु पुण्यं दुर्गति मभिगुगति धाइ पुनः नरक आदि दुःख भोगयाय् मालिमखुः दानयानागु पुण्यं स्वर्गवनेगु लेंपु (स्वाहाने) तुल्यजुइ दानय प्रभावं सदानं शान्ति शुभकल्याणमात्र जुइ । दान समान उत्तमगु पुण्य म्पेगुमदु दानया अर्थत याग चित्त धागु खः बोधिसत्त्वपिनि त्याग चित्तजुइ बोधिसत्त्व मजुइकं बुद्ध कदापि जुइमखुः ।

यद्यपि सीकि दानयानागुलि पाप फुनावनि । उदाहरण थय्येखः गथ्येजा हाकुगु खिति दुर्गन्ध मदेकेत स्नानयाय्गु लः थ्ये शरीरया खिति मदेकेगु उपाय नित्य स्नान-याय्गु तथा लखंप्याका हिजाहीगु (वस हीगु) थ्ये खः गथ्येजा धर्मया मूलदान लः समान खः केवल पाप धयागु नवगु खिति समान जुइ थुजागु पाप फुकेगुहे दान तथा धर्मयाय्गु । थुगु जन्म तोता वनेबले लिपा इष्टमित्र बन्धुबर्ग जहानपि दैमखुः उगु समये सुनारक्षा याइगु ।

- ० इह सर्पा गतेनापि बन्धुमध्येऽपि तिष्ठता ।
मयैबैकेन सो धब्धा मर्मछेदादि वेदना ।

यमदूतैर्गृहीतस्य कुतो बन्धुः कुतः सुतः ।
पुण्यमेकं तदात्राणं मया तच्च नसेवितम् ।

आः थुगु जन्मस बांलागु लासाय् घना रोगीजुया च्वनीगु अवस्थाय् इष्ट मित्रादि (दाजु अथवा किजापि स्त्री पुत्र-पुत्री जहान् परिवार त्वाय् सकलें) मुंका थुमिसं चाहुइका केवल थः दब्धो च्वना च्वनेबले रोगीया शरीरे प्राणान्त वेदना जूगु शंकष्ट पीडायाकें तापजुया च्वंगु जवे खवे च्वना चाहुला च्वंपिसं पुलु पुलुंजक स्वया उम्हरोगीया वेदना जूगु किंचित् मात्रहे (छुं भतीचाहे) करुणातया इना काइमखुः । उगु बेलास जि छह्मस्येहे (किन्तु रोगी छह्मस्येहे) थुजागु वेदना सहयाना च्वनेमा । थुगु जन्मसहे थय्ये जुइगु खः धास्येलि लिपाया जन्मस उजागु बेदनाजूगु गुबले करुणा तथा जितनं छुं भतीचा हि धया इनाकाइगु ।

- ० एव श्लोक निपु बोधिचर्यावितार पापदेशना ४१-४२-स उल्लेख जुया च्वंगुनं दु-

यमलोकबासी यमकिंकर दूतपिसं ज्वनीबले दानधर्म हीनह्य पापियात गपते
 खिपतं चिना मुगलं बराबर दाया दूरवनान्तरे दुतयंका कंदुथाय् ले न्यासि वनेत कष्टगु
 थासे लोहंयागु सिलिदया च्वंगु तुक्रा एवं फिग्वचा ववागु फियाभूमीस न्यासीयंका पालिस
 आपालं पोडा जुया च्वंह्य अन पाशापिनं छम्हहे सुं म्हस्यूपिनं मदया च्वंम्हसिया
 यमंयानागु कर्मभोग याय्मागु उगुथासे यंकूम्हसिया बन्धुबर्गादि इष्टमित्र पाशापिंगन
 वइगु । उगु थासे थःत रक्षायाइम्ह सुदै धाःसा धर्मपाशा छम्हजकदै म्येपिं सुं दैमखुः
 थय्ये थःत रक्षायाइम्ह जिं म्हमस्यूः केबल जिं दानधर्मयाना वयागु मदु उकीं दानधर्म
 घंगु महा उत्तम । दान धर्म बिना दुःखं मुक्तजुइगु गनं मदु संसारे दान धर्म मयाय्कं
 नित्य सुख जुइमखुः उकीं सीकि, हेकान्ते मन्द्रीदेबी ! ह्लापायागु जन्मेनं अनेक जीवन
 त्यागयाना वयागु दु । परहितार्थया निम्ति दानयाय्गु खः परहितार्थयासा लिपा नित्य
 सुखजुइ । थ्व शरीर छन्हुतोता थकेमानोगु खः । आः छ जिनं थ्व ब्राम्हणयात दान
 बीत्यना हे कान्ते ! थुगु दानया प्रभावं लिपा कीपिं पुत्र पुत्रीपिं सकलें नापं च्वनेगु
 अवस्थानं वइतिनि छुं धन्दा काय्म्वाः धैर्य्य याना च्वं ।

थुलि खें न्यंका मन्द्रीदेबीयात बोध याना बृद्ध ब्राम्हणयात सःता आज्ञाजुल
 हे महाब्राम्हण ! छपिसं गथ्ये घागुखः अथ्येहे जिनं दानयाय् त्यना कया बिज्याहुं भो
 महामित्र ! थुलि स्वामीनं घागु खें न्येनेमात्रं मन्द्रीदेबीनं चित्त धैर्य्ययाय् मफया स्वामीया
 पालिभोःपुया हिक्क हिक्क मिका खोबिवय्का बित्तियात ।

भो महास्वामी ! यदि जि थन मदंबले छपिनि नित्य पूजादि बिधियाय्त् सुनां
 स्वां फल हया रक्षायाइगु जिनं छपिनिगु नित्य पूजादि एवं सुभकार्य्य (ज्या) स्वामी
 सेवा यानाच्चनागु छुते जुइन जिमदैबले थुजागु निर्जन बने छपिं याकचा गथ्ये च्वनेगु
 नित्य फलहया स्वामीयात नका च्वनागु आः जिनं थ्व सेवा हीन जुइन धया बिलाप
 यात ।

स्त्रीनं थथ्येधया बिलाप यागुस्वया थ्व बोधिसत्त्व विश्वन्तरं थःगु ह्लाति स्त्रीया
 जंज्वना ख्वाः स्वया बिस्तारं नानाप्रकारं बोधयाना थुगुइले चित्त ववातुका मखोस्ये
 ख्वाः चकंका त्रिरत्न तथा ह्लापा जुया वंपि तथागतपिं लुमंकि ।

एवं प्रकारं स्वामीनं धैर्यया धागु बचन न्यना मन्त्रीदेवीनं हानं ब्रित्तियात ।
भो नाथ महास्वामी ! छपिसं यागु दान निबिघ्नं पूर्ण जुइमा युगु अवस्थाय् छपित्तं जिनं
सेवा याय्गु जितनं छपिसं रक्षायाय्गु लिपा गुबलें छुते मजुइमा । मनं तुनागु याकनं
पूर्ण जुइमा थुलिधया स्वामीया खाः स्वया धैर्ययाना खाः चकंका स्वचा चाहुला
ह्लाःब्रित्तियाना न्ह्योनेचवना हानं थय्ये ब्रित्तियात । भो प्रभू प्राणनाथ ! जित छुं धै
बिज्याय्गु दुसा आज्ञाजुया बिज्याहुं ।

श्व बोधिसत्त्वं छुं छकूचा धया बिज्यात । हे कान्ते छथ्येजाम्ह बिचक्षणी स्त्री
ज्वना थनबने वया तपचर्य्य योगाश्रमे चवना ध्यान यानागु जित सफलजुया थौं स्वपत्नी
दानयाय्गु दानपारमिताया ज्या चूलात श्व छिपि निम्ह तथा पुत्र - पुत्रीपिनिनं अहो
भाग्य खः । ह्लापाजिनं छन्त कनातयागु ज्ञान लुमंकि थुलि धया ब्राम्हणयात सत्ता
आज्ञाजुल ।

हे ब्राम्हणजु ! मखुथ्ये चिन्तना याय्मते ताउजाल धका विकजुइनं मते । योगचर्य्य
तपयानागु सिधल आः छुं भतीचा म्येगुहे ध्यानयाना लुमंके हताय् चाय्मते थुलि
ब्राम्हणयात खँ न्यंका मिखातीसिना ध्यान यात ।

ये धर्मा हेतुप्रभावा हेतुस्तेषां तथागतः ।

ह्यवदत्तेषांच यो निरोध एवंबादी महाश्रवणः ।

थुलि स्तोत्र छपुबोने धुंका ब्राम्हणयात थय्ये धै बिज्यात हे महा मित्रतुल्यम्ह
ब्राम्हणजु ! छपि दानकाय्या निमित्ते अतिकष्टयाना थन निर्जन बने ध्यंका वल छपिसं
थौं जित दानहति धागु बचन पालनयाना जिनं दानबीत प्रतिज्ञायाना । श्व दानयानागु
पुण्यं न्हेगु राज्यांगं पूर्णजुइका चक्रर्बति राजा जुइगु । अनंलि स्वर्गलोके वना सचीदेवी
नाप चवना इन्द्र जुया सुख भोग याय्गु इच्छा । हानं ब्रम्हलोकया मालीक ब्रम्हाजुइगुनं
इच्छामखुः ।

छुयाकारणे श्व दान याय् त्यनागु धाः सा-हे महा ब्राम्हणजु बांलाकन्यं उख्ये थुल्ये
चाहुला सुनां छुछु धर्मयानाजुल थुमित्त मखुथ्ये मतीलुइका धर्म बिघ्न बाय्गु इच्छा

याइम्ह धर्मयाइम्ह खना क्रोधयाइम्ह शत्रु सुखः व दुष्टमारगणयात त्याका संसारे अत्यन्त गौरवगु षट्पारमिता मध्येह्लापांगु मूल धर्म बोधिसत्त्वचर्य्य दानपारमिता याकें पूर्णयांना लोकपिन्त गंभीर ज्ञान आर्य्य धर्मकना वयना क्रमशः दान संभारज्ञान संभारं पूर्णयांना कालान्तरे शील क्षान्ति बिर्य्य ध्यान प्रज्ञा थुजागु सीका षट्पारमितां पूर्णम्ह जुया षडभिज्ञ (बुद्ध) जुइगु पद सम्पूर्ण सत्त्वपिन्त हित सुख जुइगु अर्थे जिनं जन्मपत्ति दानयांना वया च्वना आनं वहे ज्यायाय् त्यना थ्व ज्या पूर्ण याकवम्ह छपि महा- मित्र छः । थुलिखें न्यंका हानं ब्राम्हण न्ह्योनेसःता बोधिसत्त्वं आज्ञाजुल ।

हे महामित्र ब्राम्हणजु ! थ्व जि पत्नी सत्यधारी पतिव्रता स्त्री छः निः संदेह यांना छं ज्वं थुलिधया थ्व महाज्ञानि धैर्य्यवान् बोधिसत्त्वं थः पत्नीया खाः स्वया चित्तस्थीरयांना मन्द्रीदेवीया ह्लाः ज्वना जलधारा हाय्का संकल्पयांना हानं थय्ये आज्ञा जुल थुगु पुण्यानु भावं सकल प्राणिपि उद्धार जुइमा ।

इत्येवं प्रणिधानं च कृत्वा विश्वन्तरः सुधीः ।

ब्राम्हणाय ददौ भार्या दानं दत्त्वा विसर्जितम् ।

थुगु प्रकारं प्रणिधान यांना आपालं बुद्धिमानम्ह विश्वन्तरराजकुमार बोधिसत्त्वं थः पत्नी मन्द्रीदेवी स्त्री थ्व बृद्ध ब्राम्हणयात दान बिया ज्या सिधेकल ।

उगु बखते थ्व बिचक्षणी ज्ञानसंभारं पूर्णम्ह मन्द्रीदेवीनं थय्ये चिन्तनायात । जि स्वामी बोधिसत्त्वया मनोरथ कार्य्य निर्विधनं पूर्ण जुइमा थय्ये धया स्वामी बोधिसत्त्वया पालिभोःपुया विन्तियात । भो नाथ प्रभू स्वामी ! छपिसं जि ब्राम्हणयात दानयाय् धुंकल आः थ्व बृद्ध ब्राम्हणया दासी जुया थ्व नापं वने छपिसं नुगमछिका दुःखताया बिज्याय्मते धया स्वचा चाहुला स्वामीया खाः स्वया थगु खाः चकंसानं मन अधैर्य्य जुया खोबिवयेका विन्तियात जि वने जिलला धया विदाकाल ।

बोधिसत्त्वं नोःमवास्ये शिरं इसारा बिया मिखातोसिना ध्याने च्वन । अनंलि थ्व महादेवी मन्द्रीनं ब्राम्हणयात थय्ये धं बिज्यात । हे ब्राम्हण ! आः थन बिस्तार याय्गु छाय् थन च्वनेगु छुं प्रयोजन मन्त नुः जिनं नापं वय् । हे ब्राम्हण ! छ बुढा जुया च्वंम्ह छः ले बुलुहुं वनेगु स्व ।

थय्ये धागु न्यना थ्व भेशधारी थ्व बुढा ब्राम्हण अति आश्चर्य्य जुइका उगु इले ब्राम्हणं निम्हसितं आशीर्वाद बिल । साधु साधु बिम्बन्तराजकुमार तथा मन्द्रीदेबी निम्हसियां थः थःगु मनोरथकार्य सिद्ध जुइमा । थुलि धाय्धुंका जि वनेत्यल हे मन्द्रीदेबी ! छनंजुः निम्हनापं वने । ब्राम्हणं थय्ये धास्येलि लिपा महादेबी मन्द्रीया स्वामीयात स्वया हानं छक बिन्तियात ।

भो भर्तादेब स्वामी ! छलपोल थन याकचा च्वना बिज्याहुं जि थ्व बुद्ध ब्राम्हण नापं बने न्हैः । थुलिधया बिदाकया प्रणामयाना ब्राम्हणया ल्यु ल्यु मन्द्रीदेबी गमनयाना बन ।

अनंलि थ्व बोधिसत्त्व बिधान रूपं तपयाबले आस्फाण ध्यान याना हर्ष रूपं बास यात ।

अनंलि भेष धारी थ्व ब्राम्हणं मन्द्रीदेबीयात थय्ये बोधयात । नम्रतारूपं लंयागु खं कना बिस्तारं नुः धया थः न्ह्योने च्वनायंकल । ववं याकनं बिदर्भ देशे थ्यंका शिबिराजाया राजगृहे (छे) यंका जुजुया न्ह्योने वना बिन्तियात ।

भो प्रतापि शिवि महाराज ! जिनं बिन्तियाय् त्यना न्यना बिज्याहुं छपिनि कल्याण जुइमा छलपोलया सुपुत्र बिम्बन्तर राजकुमार सामान्य मनुष्य मखुः साक्षात् महा बोधिसत्त्व खः थ्वंगु गुण धर्म अतिगंभीर महाउत्तमगु दानपारमिता पूर्णयाना योग चर्य्य द्वारा तपयाना ह्लापा छम्ह बृद्ध ब्राम्हणयात थः पुत्र पुत्री निम्हवान बिया छोट । आःनं जित थः पत्नी स्त्री दान बियाहल । थ्वंगु त्याग चित्तया बर्णन (बयान) यानां साध्य मजुः छपिसं पुत्रया बिषय छुं धन्दा काय् म्वाः ।

भो राजेन्द्र ! छपिनि भौमचा खः मन्द्रीदेबी जित दानयाना हसानं जिनं यंकेगु मखुः । छपिन्त लः ह्लाना वने कया बिज्याहुं धया शिबिराजायात लः ह्लाना बिल । अनंलि थ्व ब्राम्हण राजगृहं पिहावया सुनानं मखंगु थासे वना ब्राम्हणरूप तोता अन्तरगत जुया वना याकनं थःगु स्वर्गभूवने थ्यंका बिम्बन्तर बोधिसत्त्वयागु तप चर्य्ययाना दान-
गगन त्ते स्वर्गं अनंति देवतापिमंका देशना याना इन्द्रं न्यंकल । सकल देवतापिसं धन्य

प्रशंसायाना पुष्पवृष्टि याना ह्या बंक पर्वते तपयाना च्वंम्ह बिश्वन्तर बोधिसत्त्वयागु थासे सकभनं महामंगल शोभायमान जुइक स्वागत यानाहल ।

अनंलि शिबिराजां पुत्रयागु गुण प्रशंसायाना छेपिं जारिकुमार कृष्णाजिनी निम्हनं भौमचा मन्दीदेवीया न्होने ह्या लः ह्लाना बिल । उगु बखते मां काय् म्हाय् नापलागुलि हर्षया प्रभाव ह्लानां साध्य मजुइक आनन्दं राजगृहे वासयाना च्वन ।

छुलिपा तपयाम्ह बिश्वन्तर लिहांवया दानशालाय् च्वना याचक तथा अर्थजन-
पिन्त धन द्रव्य अन्न वस्त्र मधिफल इत्यादि बारंबार दान बिया च्वन ।

ह्लापा ह्लापाया जन्मेनं मिखा ह्लाः तुति शिर ला. हि थःगु शरीर समेतं दानयाना वैयागु लुमनावल । लिपा अबु शिबिराजां तोता वस्येलि थमं राज्ययाना सकल प्रजा पिन्त दान धर्म याकाच्वन । उगु बेलास नरकबासी पापीत नरकं थाहांवया सुखजुल दुःखि दरिद्र पिनि ज्याचूलाना धनीजुल रोगी पिनि रोगं मुक्तजुया आनन्दजुल । अनंलि कालान्तरे थुजागु पुण्यानु भावं आपालं म्वाना छन्हु देहान्त जुया बिश्वन्तर बोधिसत्त्व स्वर्गलोकं च्वे त्रायत्रिशा भुवने अनया नाय जुयाबास यावन ।

अनंलि लिपा थ्व बोधिसत्त्व लिपाहानं मर्त्यलोके जन्मजुया क्रमशः अनुत्तर अर्हत् संन्यक संबुद्ध जुया लोके प्रख्यात जुइका देव मनुष्य असुर यक्ष गन्धर्व नाग कटपूटन राक्षस इत्यादि पिन्त समेत बोधिज्ञान न्यंका श्रद्धा भक्ति करुणातया जन्म जरा व्याधि मृत्युया मयं मुक्तजुइगु ज्ञान प्रकाशयाना तथागत पद प्राप्तजुइका निर्वाण लाभयाना काल ।

थुगु प्रकारं शाक्यमुनि भगवान् बुद्धं श्रावस्ती नगरे जेतवन बिहारे बिज्याना आपालं घमालुपिमुंका आनन्द भिक्षु न्होनेतया बिश्वन्तर राजकुमार बोधिसत्त्व जन्मयागु बर्णन (खँ) आज्ञादेका बिज्यात । उगु इले पृथिवि कंय जुया पुष्पवृष्टिनं जुल सकभनं महासुख जुया मंगलजुल । हे लोकपि तथा आनन्द भिक्षु ! खँ न्यनार्य्य ज्ञानं याय् फेकि धया बिज्याबले आनन्द भिक्षु तथा अन च्वंपि सकलया थुम्ह बिश्वन्तर बोधिसत्त्व आः गन जन्मजुला जुइधका मतोचिन्तनायाना खच्छि फुसेजुया च्वन ।

परचित्त ज्ञान स्पूम्ह भगवान् बुद्धं आज्ञाजुल । हे आनन्द भिक्षु तथा सकल !
उम्ह बिश्वन्तर बोधिसत्त्व आः थुगु समये मेम्हमखुः जि धका सीकि उगु बखतया
मन्द्रीदेबी थुगु समये यशोधरादेबी खः । उगु बखतम्ह शिविराजा वया स्त्री सुरुचीदेबी
निम्ह थुगु समये शुद्धोधन व मायादेबी जूवल ।

थुगु प्रकारं आज्ञादय्का बिज्यागु खें न्यना उगुस्थाने उपस्थित जुयाच्चंवि सकलें
खुसिजुया धन्यसाधु बिश्वन्तर राजकुमार बोधिसत्त्व, धन्यसाधु भगवान् बुद्ध धका
प्रशंसायाना भगवान् बुद्धयात चाहुला पालिगोःपुया बिदाकया सकलें थःथःगु थासे
लिहांवन । ० ।

—थुलि खें बिश्वन्तर राजकुमारया जातक जुल—



। थुगु खें जातकमाला. अ. ९ व्रतावदान माला. अ. ६ स दु ।



मणिचूड नृपावदान

नमः सर्वबुद्ध बोधिसत्त्वैभ्यः
सकल बुद्ध बोधिसत्त्व पित्त नमस्कार

अनंलि हानं छन्हु ह्लापाथ्ये श्रावस्ती नगर जेतवन बिहारे अनाथ पिण्डव महाजनं वानयागु सुन्दर तःधंगु आराम(क्यब) शुद्धगु स्थाने भगवान् बुद्ध बिज्यात । उगु बेलास आपालं भिक्षुगण उपाशकोपाशिका एवं बणिज महाजन साधु सज्जनवर्गपि तथा नर-नारीपिसं सीका अनवया ह्लापाथ्ये भगवान् बुद्धयात प्रथम दर्शन बन्दन पूजन याय् धुंका छचालं च्वना यःयःगु आश्रमे फेःतुना भगवान् बुद्धयात स्वया ह्लाः बिन्ति यानाच्चन ।

उगु बखतस वसपोल बुद्धं प्रातिहार्य तःधंगु पुरुषार्थ क्यना आकाशे बुलुहुं थाहांवना पलाछिना लिधु थिधु जुया फेनंतुना लिपा क्वाहां बिज्याना आश्रमे बिज्यात । थय्ये याना क्यंगु खना निन्दायाइपि तीर्थंकर धापि पुनः उगु स्थाने च्वंपि सकसिनं प्रणामयाका अङ्भूताश्रय्य जुइक प्रातिहार्य एवं पराक्रम क्यना बिज्यात ।

देब मनुष्य तथा अन च्वंपि सकलया अथ्ये प्रातिहार्य तच्चगु पराक्रम क्यंगुखना छुकारणेजुइ भगवान्याके न्यनेमाल धका चिन्तनायागु सीका आनन्द भिक्षुं बिन्तियात । भो भगवान् ! छपिगु श्व पराक्रम प्रातिहार्यखना सकलया आश्रय्य जुइका च्वन, छगु कारणदे आज्ञा देका बिज्याहु थय्ये बिन्तियागु न्यनां भगवान् बुद्धं आज्ञा जुल ।

खः भिक्षुपि तथा सकल श्व प्रातिहार्य पराक्रम खः सीकि श्व गथ्ये धाःसा षट्पारमितानं पूर्णपि बोधिसंभारया पराक्रम थुजागु जुइ । हे भिक्षुपि! छु धासा आपालं

जुया वने धुंकूपि तथागतपि दु स्वंगु कल्प एवं असंख्य प्रमाणं दुष्कर चर्य्याना सत्तंस
द्वलंद्व तथागतपिसं बोधिसंभारं पूर्णयाना वन ।

थुजागु कल्प बितेजुयाववं आः थुगुकल्पया समये थन भद्रकल्पे बोधिसंभारं पूर्ण-
याय्या कारणे जिनं आपालं दुष्करचर्य्याया ज्या पूर्णयाना । थ्व प्रातिहार्य्य प्राप्त जूगु
कारण जिनंकने एक चित्तयाना बांलाक न्य ।

हे भिक्षुपि ! तथा सकल सज्जनपि ! गथ्ये धाःसा ह्लापा भद्रकल्पस शाकेतु
नगर नामजुया च्वंगु छगु देश दु । (बर्तमान नेपाल सको देश खः) उगु देशे ह्लापा
ब्रह्मदत्त नाम राजां राज्ययाना च्वन क्षत्रि जाति थ्व राजायात गुलि बिद्वान्पिसं
हेमचूडराजानं धाइ । थ्व राजाया स्त्री कान्तिमती देबी महारानी जुया च्वन ।

उगु देशे उगु बखतस पराक्रम दुपि क्षमा धारी महाजन धर्माथि शान्तस्वभावपि
मनुष्यपि यकोदु । देशनं बांला तः धंगु प्रशासन खः । उगु देशे कलह त्वापु याइपि
लुच्चा थक खुं धयापि मदु । अन्न धन तथा नेगु त्वनेगु पुनेगु तीगुलि छुं दुःख स्वयांहे
मदु । सा म्ये इत्यादिनं पूर्णजुया दुरु धौ घ्यः प्रशस्त ।

उगु बखते व राजानं प्रजागणपिन्त याककाय् तुल्यं राज्ययाना देशे प्रजापिन्त
पालनयाना कान्तिमतीदेबी महारानी स्त्रीनाप आनन्दं राजगृहे बासयाना च्वन । थ्व
महारानी लक्षणपूर्ण सुन्दरी युवती स्वस्वकि स्वेमगाथ्ये बांलाना च्वन थ्व महारानीनाप
ब्रह्मदत्त राजां सुखंश्चर्यानिन्द भोगयाना जूगुलि थुह्य महारानी कान्तिमतीदेबीया
गर्भ धारण जुल । राजा खुशियुया अहो धन्य आः जिनं गर्भे च्वंह्य बालकया कल्याण
दीर्घायु निरोगी जुइमा धंगु कारणे व हानं गर्भ धारणयाह्य स्त्रीयानं शरीरे छुं पीडा
मजुइमा धंगु कारणे लुं वह दक्षिणा अन्न बस्त्रादी सहित गुरु पुरोहित भिक्षु ब्राह्मण
दारिद्र भिक्षा कावइपिन्त शुद्धचित्तं दानबोगु इच्छायाना नित्यदानयाना च्वन । हानं
गर्भबती महारानीयातनं पथ्यगु मात्र आहार याका सन्तोषयात राजाया मन हर्षयाना
आपालं मायातया स्त्रीयात बिचारयात ।

उगु वखतस् गर्भस् च्वंह्य बालकया प्रभावं महारानीया मतीजिनं छक राजगृहे
वद्वपि तथा मेपि महाजन प्रजा स्त्री पुरुष पित्त धर्मया खं न्यंकेमाल धंगु इच्छायात ।
महाराजांसोका सिंहासने तथा शुद्धगु अलंकारं तीका देशे प्रजापित्त महारानींभिगु खं
धर्म देशना याइगु न्यंवा धका सकलयात सूचना बिया सतल ।

राजां थय्ये निमंत्रणा ब्यूगु न्यना खुसिजुइका न्यनेगु इच्छादुपि महाजन स्त्री
पुरुषपि राजमण्डिरे उपस्थित जूवल महारानीया शोभायमानं अलंकारं तिया गर्भेच्वंह्य
बोधिसत्त्व बालकया प्रभावं महारानीं सकलयागु खाः स्वया थुगु प्रकारं गाथा बोना
न्यंकल ।

धर्मं स्थितो याति गुणं बिबृद्धि
प्राप्नोति तुष्टि परमायणश्च ।
प्राप्तेच दुःखेन बिषादमेति
परत्रचा प्नोति सुखं बिशालं । १ ।

धर्मं ह्यसीका चय्यंयाना च्वंह्य सिया आपालं ज्ञान गुण बढेजुया उत्तम संतुष्टगु
चित्त प्राप्तजुइ । अधर्म प्राप्त जुइवं (पापयार्के) सदानं मखुथ्ये जकजुयी । थुजागु
सीके फुसा लिपाथ्यंकनं तस्सकं सुखसीदइ । १ ।

धर्मो हि वै रक्षति धर्मयुक्तं
पिता यथा पुत्र मुदार वृत्तं ।
तस्मात् बुधो ज्ञानबलो पपन्नो
यावच्चिरं धर्ममतः प्रकुर्यात् । २ ।

धर्मं हे सुख जुइगु खः धका निश्चययाना धर्मं सहितह्य जुइफुसा सदानं रक्षाजुइ ।
गम्येजा अबुं काय्यात, काय्न् अबुयातप्रशन्नजुइक ज्याखंयाइ । अथ्येया कारणे बिद्वान्
वर्गपिसं ज्ञानया बलं संयुक्त जुइकाच्चनि । गनतक आपालं म्वाणा च्वनि अनतकनं
धर्मयानाहे च्वनि । २ ।

धर्मो हि वै रक्षति धर्मयुक्तं
छत्रं यथा बर्षति धर्मकाले ।
धर्मानुशंसा सुगतेन शस्तो
न दुर्गतिं धर्मं यथा प्रचारी । ३ ।

धर्म हे खः सदानं निश्चययाना चवनेगु धर्मयाकें संयुक्तह्य सदानं रक्षा जुइका च्वनि । गथ्येजा बर्षाऋतु पर्वकाल वइबले' (आषाढ श्रावण, दिल्ला गूला बले) आपालं वावइ उगु बखते कुशां रक्षायाइ । वय्ये धर्मया अनुशासन बांलाह्यसिनं भगवानं धर्मया चय्य (भिगुज्या) या धागु सीका धर्मप्रचारयाइह्य सिया मभिगुगति नरकादिस च्वना दुःख भोगयाय्मालीमखुः । ३ ।

अधर्मचारी तु नरः प्रमत्ता
यायां गतिं गच्छति मूढदृष्टिः ।
निहत्य धर्मश्चरितः स एव
बधो यथा कृष्ण मृगा गृहीतः । ४ ।

अधर्म पापयाइह्य मनुष्य स्यखि घमण्डोजक जुइ । मूर्ख बुद्धिया दृष्टि याना मभिगुगति नरकादि दुःख भोगे सदानं लाइ । थःनं धर्ममयाय्गु म्येपि धर्मयाइपिन्तनं याय्मते धका गना मयाकीह्य थुजाह्य छुथ्ये धासा गथ्येजा हाकुगु चित्तह्य व्याधां चला माला स्याइह्य तुल्यखः । ४ ।

नह्य धर्मश्च धर्मोभौ नहिसम बिपाकिनौ ।
अधर्मा न्नरकं यान्ति धर्मान्प्राप्नोति सङ्गतिम् । ५ ।

अधर्म नहि पाप मयाइह्य धर्मजक याइह्य, पुनः धर्ममयाह्य पापजक याइह्य थुपि न्ह्य कदाचित् बराबर जुइमखुः । छुथ्येधाःसा बिष व अमृत समान जुइ । बिष प्राणि स्याइह्य, पापखः अमृत प्राणि म्वाकीम्ह धर्मखः । अधर्म पापं याना सदानं नरके-
चनि, धर्मखः पुण्ययाना सदानं भिगु गतिसवनि सुखप्राप्त जुइ । थुलि सीकेगु अतिनं योग्य जुइ । ५ ।

अनंलि कान्तिमतीदेवो महारानीनं थुजागु ज्ञान गाथाबोना धर्मोपदेशयागु
खँन्यना अनच्चंविं सकलं प्रशन्न चित्तजुयाधर्मयागुलि निश्चयजुल । क्रमशः महारानीया
गर्भबदे जुजुंवल महाराजयामन अति हर्षजुइका गर्भवती स्त्रीयात बांलागु क्यबेयंका सुग-
न्धगु अनेक स्वांहोया च्वंगुक्यना वध्यं फल सया च्वंगुनं खानानका थमनंनया शरीर
शीतल आनन्दयाना यो धागुतक पथ्याहारेतया आपालं बिचारयाना बखतबखते भिक्षु
ब्राम्हण साधु तथा याचकपिन्त संतुष्टजुइक दानयाना नकानं च्वन । स्त्रीया गर्भधारण
पूर्णजुया गुलाफुना फिला दस्येलि महारानीया गर्भं भिगु शुभ बेलास पुत्र जन्मजुल ।

गुजाम्ह पुत्र धासा अत्यन्त दिव्य सुन्दररूप तेजबान् सुलक्षणम्ह शिरे द्विगु
प्रकारं पुण्यया प्रभाव प्रकाशमानम्ह, स्वस्वकि स्वेयमगागु च्याता प्रकारया लक्षणं पूर्णगु
मकुटाकार शिरम्ह शिरेदुने न्हापुया दथ्वी रत्नया प्रभाव उज्ज्वलगु तेजं सहित जुप्राच्चंगु
मणिरत्नदुह्य ज्वालामाला तेजं युक्तह्य रात्रियासमये सूर्ययागु मण्डलाकारतेज (रस्मि)
सहितह्य । शाकेतु नगरे परमपुज्य देवता समानह्य राजकुमार जन्मजुल धका देश-
बासीपि सकलं अत्यन्त खुसिजुइका च्वन । थुगु मणिरत्नदुगु मकुटाकार शिर थियामात्रं
शान्तजुया रक्षजुइगु । रोगादिसर्व नाशजुया वनीगु ।

हानं उगु देशे खुं दाका लः मि बायुया भयमन्त । बखते जल वृष्टि मजुइगु हानं
आपालं वृष्टि जुइगु पो वइगु इत्यादि भयनं मन्त । देशे अनेक भयं प्रजापिनि महादुःख
जुइगु भयदक्क मन्त । गथ्येजा खितिदुगु बस्त्र, शरीर लखं सिलेबले मदथ्ये स्वयां दुःख
जुइगु भय शमन जुया सकलथा आनन्द जुइका च्वन ।

अथ्येया निर्मित हानं मणिरत्नया प्रभावं छुं वस्तुलि थीका क्यबेवना पुखुली च्वंगु
लखं सिला छोय्बले शोभायमानगु सुवर्ण जुल । सकलं छु हेतु धका आश्चर्य जुइका
च्वन । उगु बखते जन्मजूह्य कुमारं नोः वाना न्यंकल । आश्चर्य जुइम्वाः गुगुजा जिगु
शिरे दुने च्वंगु मणिरत्नया प्रभावं लुं जूगुखः ।

मणिरत्न दुगु शिरे थीका लखं सिलेबले नैयागु वस्तु तथा नैया भारनं शोभाय-
मानगु लुंजुयावइ । उगु लुंयागु धन वस्तु सकल असलगु खँ न्यंकीपि भिक्षु ब्राह्मण हानं
नुग कपतपि सुं फोंवइपि याचकपिन्त सन्तुष्ट जुइक दानया ।

थय्ये धागुन्यना राजा आश्रय्य जुइका याना स्वेधया नं छपाय्हया बालकं धाय्ये याना स्वत नंफुकं लुंजुल । राजा मंत्री सकलें अत्यन्त कौतुक जुइका छय्ये खुसिजुया उजागु लुं असलपि भिक्षु ब्राह्मण नुगस्यापि फोंवइपिन्त संतुष्ट जुइक राजां दानयात ।

उगु अबस्थाय् कुमार जन्म जूगु सीका उगु देशे देवतापिसं दिव्य ध्वज पताक सुगन्ध पुष्प पलेस्वां जीस्वां उफोस्वां सप्तरत्न इत्यादि वृष्टियाना मंगल कार्य्य याना हल । दिव्य सप्तरत्न वृष्टिजूगु कयायंका शाकेतु नगर बासी मनुष्यपि आपालं हर्ष-याना दुःख मदेका धनि जुइका च्वन ।

अनंलि छुं लिपा थ्व जन्मजूह्य बालकयात जातकर्म व्यंकेगु पुनः नामाकरणयात । छु नाम याय्गु धका राजां गुरु पुरोहित मंत्रीपिके न्यन । मंत्रीजुं बिन्तियात । भो देव महाराज ! गुह्यजा थ्व बालकया शिरेदुने उत्तमगु मणिरत्न धारणयाना जन्मजुल अथ्येया कारणे थ्व बालकया नाम मणिचूड धका नामयाय्मा । थय्ये धागु न्यना सकसिनं थिकजु धया समर्थन यास्येलि राजा खुसिजुया अथ्येहे नामयात । सुं म्येपि बिद्वांनपिसं लिपा थ्व बालक मणिचूडयात रत्नचूड धकानं नामयात—अनंलि अन्नप्रासन जानकेगु जंकु बिधियात । हानं लिपा बखत थिकजुस्येलि ब्रतबन्धन क्रियानं समाप्तयाना सिधेकल ।

अनंलि थ्व राजकुमार सद्गुरुयात लः ल्लाना बिद्यारंभयात । क्रमानुसारं बिद्यारंभ यानाहहं संपूर्ण बिद्या एवं शिल्पशास्त्र तथा व्याकरणादि पारंगतयात । थ्व राजकुमारया स्वभाव शुद्ध चित्त कल्याणकारी थः पर समानभाषा शरिर पर उप-कारी करुणादुह्य महाज्ञानि धर्मशरीर धर्मात्मा धाय्का प्रजासेवायाइह्य बोधिसत्वजुया संपूर्णबस्तु अनित्यसीका शरीर तथा सर्वस्व त्याग चित्तयाना महात्यागी जुया किंचित् लोभ तृष्णामदेका शुद्ध पवित्रगु थासे च्वना थमहेदान याय्गु उत्साहयात ।

युवन्नावस्था जुस्येलि भिक्षु तथा याचकपिंगु उपरे करुणा चित्त जुइका दुःखि नुगकेकूंपि दारिद्र याचकादि छुं मद्रुपि फोनानेपि रोगी बुढा बुढी मचात कांपि धुसिलुपि स्वांथ ज्यो पाक लातीपि खनीबले ऊन् नुगमछिका थुजापिन्त प्रशस्त जुइक धन बिद्या

सन्तोषयाइगु एवं प्रकारं नित्यदानयाय्गु स्वभावयात । श्वया थथ्येदानयागु सीका न्यना योजन प्यक्वे च्याक्वे ह्लिछि निन्हु प्यन्हु तापाकंनिस्ये वया याचकपि दानकावइगु जुल । थुजापिन्त सकल बस्तुनं पूर्णयाना थुमिगु मनोरथ सन्तोष जुइक बिया छोइगु ।

थुजागु प्रकारं दान व्युगु कयायंका सकभनं श्व राजकुमार दातायात सकसिनं महात्यागो धंन्य धंन्य मणिचूड राजकुमार धंन्य मणिचूड राजा धका प्रचारयाना आपालं प्रशंसायात । अनंलि हानं श्व मणिचूड राजकुमारं अबुयाके बचनकया थःगु देशे प्यंगु दिशाया प्यंगुद्वारे द्वाहां वेगु लुखादेका दश्वीलाक दानशाला (दानबीगु थाय्) बांलाक तःधंयानादेका अनच्चना अर्थिपिन्त दानयाना च्वन । गथ्ये दान यातधाःसा अन्न कचिगु बूगु नेगु त्वनेगु हानं बस्त्र कोखाय्गु सुगन्ध बस्तु स्वां धूप म्येगु लकां तुतां कुशा पीठ फेतुइगु आशन क्वपु दक्षिणा लुं वहयागु धातु बस्तुया थल । बालकपिन्त कलम सफु बूगु नेगु मधि फल । युबती स्त्रीपिन्त लोगु बस्त्र तिसा शृंगार याय्गु (बांलाकेगु ज्वलं) इत्यादि दानयाना दश असकुल पाप कर्मतोता, दशकुसल पुण्य कर्मजकयाना च्वन ।

थुगु प्रकारं मणिचूडराजकुमारं पुण्ययागु छु कारणे धाःसा भगवान् बुद्धं हे भिक्षुपि! धका संबोधनयाना आज्ञाजुल । श्व गथ्येधाइ चक्रवर्तिराजा जुया ऐश्वर्य्य अनेक सुख भोगयाय्गु कारणे मखुः । दानपारमिताया ज्या भवाना च्वतले सिद्ध याय्गु कारणेखः ।

हानं धाय्प्यं—श्व राजकुमारया भद्रगिरिनाम किसिछह्यदु । श्व किसि ह्लिछिया सच्चिगु कोश तकनं वनेगु समर्थदुह्य । श्व किसिगया छन्हु मणिचूडराजकुमार ग्राम, नगर चाहला गनगन दारिद्र्यपि दु अन वनानं दानयाय् धेगु बिचार निमित्ते गमनयाना बनान्तरे थ्यंकवन हिमबत् नाम जुया च्वंगु वने थ्यस्येसि भागंबगोत्र भबभूति महर्षि छह्य तपयाना च्वंगु आश्रमे थ्यन । किसिह्यं क्वहां वया छथाय् फेतुत ।

उह्य भबभूति महर्षि ह्यापाछन्हु सुथे तप आश्रमं दनावना सुन्दर सुद्धगु पुखुलि स्नानया वंबले दश्वी तः फोगु पलेस्वां होया च्वंगु खना ताउति स्वया उगु पलेस्वां तस्सकं बांला थोयाकाय् धका तीजक वना सोवंबले पलेस्वाने जन्मजुया च्वंह्य पि मदुह्य

सुन्दरीरूप लक्षणं पूर्णं स्त्री बालिका छह्य आनन्दं बासयाना च्वंह्य खना लेःताया बिस्तारं स्वां थ्वय्थ्ये उह्य बालिक कयाहया पालन पोषणयाना पलेस्वाने जन्म जूह्य धका पद्मावती धंगु नामयाना तह्य सुन्दरी रूप युवती जुया च्वंह्य पुत्री तुल्यं बिचारयाना बने भेखाछे देका तयातह्य छह्य दया च्वन ।

भवभूति महर्षि थ्व सुन्दररूप मणिचूडराजकुमार युवन्नावस्था तिनिह्य खना ह्लिला थय्ये धाल । भो महापुरुष ! थनवा छसुः गन वनेत थन वयागु थय्ये खं न्यस्येलि राजकुमारं यथार्थ रूपं धाल ।

भो महर्षि ! जि शाकेतुनगरया ब्रह्मदत्तराजाया पुत्र मणिचूडराजकुमार खः । देशग्राम नगरे गनगन दारिद्र्यपिदु धंगु बिचारयाय्गु निर्मित गमनजुया वया थन भ्यन छपिन्त प्रणाम ।

थय्ये धागु न्यना पुत्री पद्मावती सता न्ह्योनेतया महर्षिजुं धाल । अरे शुद्धशरीर राजकुमार छपिनि बिबाह सिमधनिला थ्व जिपुत्री यानातयाह्यखः फुक खं कना छपिन्त कन्या दानयाय्त्यना कया बिज्याहुं । थुगुबेलास पद्मावतीदेबी दनावना केरामांकिका मिखापतिमयास्ये मणिचूडराजकुमारयात ताउति स्वया ह्लिला च्वंगु मणिचूडं खना थमनं स्वया ह्लिला वयन । थुपि निम्हेसिया दृष्टि संयोगजूगु महर्षिं खना ह्लिलाच्वन । उगु बखते राजकुमारं बिन्तियात, भो महर्षि ! बिबाह जि सिमधनि छपिगु बचन जिनं पालनयाय् बिबाह याय्त स्वयंवर थौं हे सिधेके जि छे वना मां अबु पिन्त खं न्यंका कन्हे बिबाह कर्मखः सहजयान चय्यं याय्गु बिषये थन उपस्थितजूवय्गु अवश्य ।

राजकुमारं थय्येखं न्यंकूगु बिचारयाना थ्व पुरुष महाज्ञानिह्य बिद्वांन् खः धका सीका महर्षि अति खुसिजुया पद्मावती सःता स्वयंम्बर क्रिया आरंभयात । पद्मावतीदेबीं सुन्दर सुगन्ध पुष्पमाला ज्वनावया स्वचाचाहुला मणिचूडराजकुमारयात कोखाय्का पालि भोः पुल । उगु समये मणिचूडं थमं कोखायातगु मोतिरत्नमाला तोया पद्मावतीदेबीयात कोखाय्का महर्षियात प्रणामयात । महर्षिं पद्मावतीयात बोधयात पुत्री छंगु भाग्यं थौं छन्तलोह्य महापुरुष राजपुत्र मणिचूडकुमार स्वामीचूलात थ्व

पूर्वजन्मया भाबी खः । हानं मणिचूडया खाः स्वया खं न्यंकल ऋषिभेश जुया बने बास याना च्वंहा थ्व कन्याया शरीरे बस्त्रतिसा सिमाह स्वांयागु अलंकार खः पलेस्वाने जन्मजूहा जिनंहया पुत्रीयाना प्रतिपालयाना तयाहा थ्व पद्मावतीदेबीया प्रभूस्वामी छपिजुल कन्हे प्रातः समये मंगलयाना का बिज्याहुं धया ऋषि भोजनयाका सन्तोष यात । बिदाकया राजकुमारं किसिगया लिहांवल छे थ्यंका थुगु खं फुकंकना मां अबु मंत्री तथा म्येपि सकलें खुसिजुडका च्वन ।

कन्हेखुन्हु सुथे राजामंत्री सज्जनबर्ग गुरु पुरोहित सहितयाना मणिचूडराजकुमार मद्रगिरि नाम किसि म्हेय् च्वना भब भूतिमर्हषिया स्थाने मंगल बाजा थाका गमन जुल क्रमानुसारं अन थ्यस्येलि आशने बासयात । बनेबास याइपि म्येपिनं न्हेहा ऋषिपि मुंका भबभूति मर्हषिनं बने यज्ञयाना थः पुत्री यानातयाहा पद्मावतीदेबीया ह्लाः ज्वना महापुरुष मणिचूड राजकुमार बोधिसत्वयात ह्लाते बाक्यबोंका मंगल स्तोत्रयाना कन्द्य दान बिल । मर्हषिनं मणिचूडयात सन्तानया निमित्ते छे निरर्ग यज्ञया धका उपदेश बिल मणिचूडं स्वीकारयात ।

उगु बेलास पद्मावतीनं षट्बिन्द सूत्र (बज्रगथ खुगथ (६) चिनातयागु का) स्वामी मणिचूडयात कोखायका स्वचा चाहुला पाली भोःपुया ह्लाः ज्वना खवे च्वन । मणिचूड पुरुषनं वहे षट्बिन्द सूत्र थमतोया पद्मावती स्त्रीयात कोखाय्का उगु स्थाने पूजामण्डपस निहासिया ह्लाः ज्वना त्रिप्रदक्षिणा (स्वकचाहुला) निहानापं आशने फेतुना बित्तियात ।

उगु बेलास अन बिद्वान मर्हषि तथा राज गुरु पुरोहित जुया वपिसं बाक्यबोंगु थ्येखः ।

इयं तथागता मुद्रा ज्ञानालोक प्रभाकरी
गृहीत्वा पाणिना पाणि बुद्ध कीर्ति प्रकीर्तिता ।

थ्व बिबाह कर्मयात तंत्रचर्य्य सहजयानधाइ ह्लापा ज्ञानालोक बोधिसत्वं प्रभाकरी नामस्त्री बिबाहयाना लिपा व बोधिसत्व तथागत (बुद्ध) जुयावन । वहे तथागत

मुद्राखः आःजिनं स्वयंवर सहित पुरुष स्त्री निहसिया पुरुषं स्त्रीयागु ह्लाःज्वना स्त्रीनं पुरुषयागु ह्लाः ज्वना सहजयान क्रिया विवाह जुल । श्व ह्लापाजुया बिज्यापि बुद्ध बोधिसत्त्वपिंगु कीर्ति खः धका विद्वान्पिसं धयातल ।

एवंप्रकारं प्राचीन विवाह विधि सिधेका जिनं छें निर्गं यज्ञ याय् धया विदाकया मणिचूड राजकुमार पद्मावती देवी निम्ह प्रज्ञोपाय स्वरूपजुया किसिम्हय् च्वना आनन्दं थःगु राजगृहे (छें) लिहां विज्यात, कुलानुसारं मागु कर्म क्रिया सिधेकल ।

अनंलि छुं लिपा ब्रह्मदत्तराजाया वैराग्यचित्तजुया पुत्रमणिचूडयात मागुखें न्यंका राज्य लःह्लाना थः निह्म दंपतीनं छेवे एकान्ते च्वना ध्यान क्रिया पुरश्चरण विधि मोक्ष लाभार्थे त्रिरत्न स्मरणयाना आनन्दं वासयात ।

गुह्यजा बोधिसत्त्व मणिचूड राजाया पदवीस च्वना पद्मावती देवी स्त्रीयात महारानीयाना नापं सिंहासनेच्च्वना देशेघण्टा घोषयाका प्रजापिन्त शाकेतु नगरे मणिचूड राजा जुया ज्यायाइगु सूचना न्यंका नित्यकर्म आरंभ यात ।

महारानी पद्मावतीदेवी नाप मणिचूड राजा ऐश्वर्य रमण क्रिडा भोग जुया छुं काल लिपा पद्मावतीया शरीर गर्भवती जुल । पथ्याहार याना गुलाफुना झिला दस्येलि पुत्र जन्म जुल । सकलें हर्षमान जुयाच्च्वन राजगृहे दीपावली दानकर्मया शुभ मंगलयात ।

ब्यंकेगुज्या जातकर्म धुंका नामकरणयात वालक अबुलसीवम्ह अति शोभादुहा जुया विद्वान् गुरु पुरोहितपिंके न्यना पुत्रयात मणिचूड राजां पद्मोत्तर राजकुमार धका नामकरणयात जंकु विधि कुलशेखर दर्शन अन्नप्राशन क्रिया क्षीर (जा) नकेगु विधि धुंका धाइमाँयात विया पालन पोषण याना लिपा तःधिक जुस्येलि युवराजया पदविया विद्यारंभ यात ।

आचार्य गुरुपिंगु पाखें विद्या शिल्पशास्त्रादि पूर्णजुल । धर्मशास्त्र अध्ययनयाका देशेप्रजापिन्तनं त्रिरत्न शरण उपोषधव्रत अष्टमी पुह्लीया पर्वकाले व्रतयाना याका आनन्दं वासयात ।

अनंलि शाकेतु नगरे भिगु खँ न्यंका प्रजा पिसता बोधिसत्त्व मणिचूड राजां उपदेशयाना न्यंकल । हे सकल सज्जनप्रजा लोकपिं! राजां भिगुकर्म धर्म यासा देशे राजा प्रजा सकलया महामुख जुइ । भिगुकर्म धर्म छु धाःसा सत्य अहिंसा सीका दश कुशल कर्म भिगुज्या काय वाक चित्तं याइगुदु ।

मसिलकि अखजुया िगु कुशल जुइमागुलि अकुशल मभिगु जुइ । धनफुका थनं परयातनं परिश्रम जुइका शरीरं दुःख सियागु फुकं होःगंगु थले लः तेथ्ये ज्वयावना यानागुज्या दुःख सियागु फुकं व्यर्थ जुइ ।

धर्म मुख्य निगू प्रकारया भेद दु छगू लौकिक धर्म—निगू लोकोत्तर धर्म । लौकिक धर्म व्यवहार स्वार्थी तामास ममता स्यखि घमण्डी अहंकार अभिमान मिथ्यादृष्टि अन्धविश्वास जुइमज्यु । प्राणिस्याना हि तोंका छः खुसियाय्गु धका धनद्रव्य फुका धर्म यानाधका तामासे च्वना सनि लिपा प्राणि स्याम्ह स्याकूम्ह पापि धया यमपुरे सास्ति याना नरके भोग याकिबले व हितोंकाम्ह छः अनवया थ्वैत छुं सास्ति याय्मते धावइ मखुः । थमं हे दुःख भोग याना च्वने मालि ।

हे प्रजा लोकपिं ! छिमिसं मां अबुपिगु सेवा याना सपरिवारपिन्त सुख विया भिगु उपदेश वीपिं गुरुपिन्त शुद्ध शरीर शुद्धात्मा भिक्षु ब्राह्मण विद्वांन् सत्तिमत्रपिगु सेवा याना दानपुण्य याय्फेकि सत्य अहिंसा पालन यासा उत्तमगु धर्म बहेजुइ मनुष्य जन्म सार जुया अन्त्ये सुख प्राप्तजुइ । च्वेलागु उत्तम धर्म लोकोत्तर धर्मह्यसीकि थःनं परनं उद्धार जुइगु सत्य अहिंसा खः ।

लौकिक धर्म असत्य हिंसा स्वाथि व्यवहार अधर्म क्वेलागु धर्म खः हानं सीकेगु थवखः धर्म पुण्य कमाय् याय्गु खसा शील धारण याना स्वभाव शुद्ध जुइगु । त्याग चित्तं दानयाय्गु परप्राणिपिगु उपरे करुणातया उपकारयाय्गु । दान शील स्वभाव शुद्धयाके जन्म जन्मपत्ति महामुख लाभ जुइ ।

स्वर्गं च्वे आपालं सुखभोग याय्गु अनेक भुवने वासयावनेदइ । चतुर्महाराजापि इन्द्र द्रुम राजा धापि वासयाना च्वंगु स्वर्गलोकेखः । अनं च्वे विशेष उत्तमगु त्राय त्रिंशा भुवन । अनंच्वे यामा भुवन, अनं तुषिता भुवन, अनंच्वे निर्माणरति भुवन, अनं च्वे वसवति भुवन, अनं च्वे परनिमित्त भुवन ।

थुजागु भुवने च्वंणिं बोधिसत्त्व तथा सकल देवतादिपिसं अनेक सुख भोग याना च्वनि । थुमिसंनं सत्यधर्म अहिंसा सीका पुण्य याना अकनिष्ठा भुवन सुखावती अमिताभ तथागत विज्यागु बुद्धिं सकलें विज्याना च्वंगु बुद्ध भुवने वासयाय्गु इच्छा याना धर्मयाना च्वनि । थुजागु भुवने वास यावनेगु यात मोक्ष धाइ हानं जन्म कावय् म्वाल अलेतिनि निर्वणि महासुख लाभ जुलधका सीकेगु ।

जिनं थुगुजन्मस धनसंपति थःगु थ्व अनित्य शरीरया जीवन खः म्वाय्गु सुखैश्वर्यया भोग याय्गु इत्यादि छुं मायामकास्ये दानकावडिं अर्थजनपित्त निराश जुइक लिछोय्मखुः । जिनंफुगतक दानयाय् त्यागी जुइगु कल्पनायाना च्वना । पुण्य याय्गुलिजक जिगु चित्त उत्साह दु । यथ्ये धया थ्व बोधिसत्त्व मणिचूडं उगु बेलास थुगुप्रकारं गाथाबोना न्यंकल ।

दाता विशारदो लोके भगवान् वीत मत्सरः ।

यज्ञस्वी भगवान् श्रीमान् सुगतश्चोपपद्यते ।१।

लोके भगवान् दाताखः धका सकभनं प्रख्यात जुयाच्वन, राग मदुह्य जुया परया भिज्गु खना सहयाय् मकुह्यमखुः मन प्रसन्न जुइका च्वनीह्य ।१।

दीर्घायु बलवान् गौर वर्णवान् कान्तदर्शनः ।

प्रियो भवति लोकानां जौप जीवश्च जायते ।२।

आपालं आयुदुह्य बलवान् गंभीर सुवर्णया वर्ण तेजवन्त रूपदर्शन विद्या च्वंह्य । लोकपिनि अति प्रियम्ह सदानं निरोगी जुया म्वाना च्वनिम्ह ।२।

लाभी भवति दिव्यानां मानुष्यानां तथैवच ।

रूप शब्द रस स्पर्श गन्धाना मप्रयत्नतः ।३।

दिव्यमान् मनुष्यपिनि भिगु लाभ सत्कारम्ह वथ्ये सकलयानं लाभ सत्कार जुया च्वंह्य रूप अनेक मिखां रूप स्वेगु, शब्द अनेगु न्हेपनंशब्द न्यनेगु, रस सा मसाया म्ये रस स्वाद काय्गु, स्पर्श क्वाचु नायू ख्वांगु क्वागु इत्यादि ह्लाति थोगु, गन्ध नस्वागु नवगुयानं ह्लासं छुं प्रयत्न याना स्वेगु मदुम्ह ।३।

अनाद्देय धनश्चैव सुखी नित्यं प्रजायते ।

प्रति भावेन संपन्नो नित्यं त्यागं परायणः । ४ ।

धनद्रव्य संपत्तिया छुंहे माया मदुम्ह जूसानं सदानं सुखीम्ह जुया भिगुं जक उत्पत्ति जुइका च्वंम्ह । दक्ख लक्षणं संपन्नम्ह नित्य त्यागीजुया परउपकारी जुयाच्चंम्ह । ४ ।

यशस्वी शीलवान् चैव नित्यं सङ्भिश्च सेव्यते ।

बिप्रसन्न सुखो भृत्यो वदनं सुखभीक्षते । ५ ।

आपालं यश प्रचारजुया शीलवान्म्ह नित्य सज्जनं ज्ञानिगुणिपिसं सेवायाका च्वंम्ह । अत्यन्त प्रशन्न चित्तम्ह धर्मे सेवायाइपिन्त सुख विम्ह, पाप याइपिन्त याय्मते धाइम्ह सुख ऐश्वर्यया खाः जुया च्वंम्ह । ५ ।

बिश्वासो नरदेवानां प्रामोद्य जजनो भृशं ।

साधकः स्वर्गं मार्गाना मानन्द बहुलः सदा । ६ ।

देव मनुष्यपिनि आपालं धर्मे बिश्वास दुह्य प्राणिजनपिन्त अत्यन्त हर्ष व सुख वीगुजक उत्पन्न जुयाच्चंम्ह । स्वर्गवनेगु लंपुया साधक जुया भिगुलं कयनीह्य सदानं दुःखं मुक्तजुया आनन्द स्वभावह्य । ६ ।

प्रियो देव मनुष्यानां सुगतानांच पूरकः ।

लाभो भवति दीर्घायु यशस्वीच विशारदः । ७ ।

देव मनुष्य तथा सकलया आपालं प्रीति जुया च्वंम्ह सुगत (बोधिसत्त्व इत्यादि पिसनं) पूर्णगु स्वभाव दुह्य धया प्रीतियानातह्य । आपालं स्वाय्गु लाभ दुह्य यश गुणया मुख्यह्य धका प्रकाश यानातह्य । ७ ।

रक्षन्ति प्रणताह्येनं स मनुष्यो मुदान्वितः ।

प्रीति प्रामोद्य जातंच नित्यं स्वर्गं परायणः । ८ ।

सत्यगु ज्याय विश्वास दुपिन्त रक्षा याइ निश्चयमेव थुजाह्य मनुष्य सुख व खना भगवानं हर्ष प्रकट याना च्वनि । धर्वे प्रीति जुया खुसि जुइका च्वंह्य केवल भिगु कर्म उत्पति याइह्य स्वर्ग छोय्गुलि जक नित्य मनह्य ८ ।

तस्माद्दानं सदादायं भोग संतति मिच्छतः ।

सेवितव्यं तथा शील विपुलं स्वर्ग मिच्छतः । ९ ।

अथेया कारणे सदानं थमं दानयाना म्येपिन्तनं याका स्वर्ग लोके भोग याकेगुलि जक इच्छा दुह्य सेवा याय्गु योग्यह्य योग्यगुशील सकभनं प्रचार याना स्वर्ग छोय्गुलि इच्छाह्य भगवान् सुखः कीसं हसीकेमा । ह्यापा जुयावंपि आः जुयाच्वंपि लिपा जूवइपिनं दु । ११ ।

थुगु प्रकारं बोधिसत्व मणिचूडं जनसमूह जुया च्वंपि प्रजापिन्त चित्तबुद्धे जुइक उपदेश विया थःनं प्रजापिन्तनं हर्ष जुइका आनन्दं थःगु थासेवन ।

अनंलि पूर्व दक्षिण पश्चिम उत्तर प्यंगू दिशाया नाय जुया च्वंपि क्रमशः धृतराष्ट्र विरूधक विरूपाक्ष वैश्रवर्ण धापि प्यह्य देवतापि मिले जुया आकाश मार्गं सुनानं मखंक आकाश चारी विमानं (रथे) च्वना शाकेतु नगरेनं सकभनं स्वेगु निमित्ते क्वहाँ वया उगु नगरया पुसे थ्यंवले चाहुले गफुत थ्वछुहेतु जुल धका विचार याना सोवले बोधिसत्व मणिचूडयागु धर्मया प्रभावं जुगु खः धवा सीका मनुष्य रूपजुया देशे सकभनं चाहुला धन्य धन्य बोधिसत्वया अनुभाव धका प्रशंसा याना च्वन । थपि च्वनागु रथ वनान्तरे तथा तगु दु ।

उगुहे प्रकारं त्राय त्रिशा लोके च्वंपि एवं सुधर्मा लोके च्वंपि देवपुत्र देवतादि हानं इन्द्र भुवने च्वंपि स्वर्ग लोकं क्वहा वया मनुष्य रूपजुया शाकेतु नगरे सकभनं भ्रमण जुया बोधिसत्व मणिचूड धाय्का जन्म जुया छु धर्मयात धैगु विचार याना च्वन । च्वं क्वहाँ बिज्यापि देवतापि सकलें नाप लाना गोप्य रूपं छपिनं विज्याना च्वन जिपिनं वया धका परस्पर खँ ल्हाना खुसि जुल ।

अनंलि सकलं क्वहां बिज्यापिं देवता मिले जुया गुप्त रूपं लिहांवना त्रायत्रिंज्ञा लोके थ्यंका इन्द्रादि सुधर्मा देवसभाय् च्वना खं जुल । प्यह्य लोकपालपिसं खं न्यंकल । भो मार्षाः माननीय पाशापि ! जिपिं मर्त्यलोके वना छक गोप्य जुया आकाशमार्गं चाहला शाकेतु नगरे च्वे थ्यंवले जिपिं च्वना वनागु आकाश चारीरथ ह्लाकेमफुत ।

थुकीयागु कारण विस्तारं जिमिसं थथ्ये सीका न्यना विज्याहुं । छलपोलपिं सकसिनं थ्व अत्यन्त आश्चर्य्य खः गुह्यजा मणिचूड बोधिसत्वं शान्तपुरनाम मन्त्री लिसे सह्या याना थःगु देशे ग्रामे थाय् थासे सकभनं अर्थजनपिन्त पुनः दरिद्र दुःखी बुढा बुढी रोगी बालक अन्धा धुसी स्वाँथज्यो ग्वाज्यो पाक लाती इत्यादिपिं सःता प्रशस्तं दानबिया शील धारण याना याक्ता स्वर्ग लोके वाँलागु समानं केवल स्वर्गलोके बास यावेगु चिन्तना गथ्येखः छु खः जुइक निश्चय याना धर्म प्रचार याका थमं याना क्यना च्वन ।

हे पराक्रमी पाशापि ! दिव्य शरीर धारण याना दान धर्म तच्च जुइका च्वन । थ्व ज्या स्वया देवतापिं खुसि जुया ह्लिला च्वनीथ्ये अन शाकेतु नगरे च्वंपिं ह्लिला च्वन । देवतापिंगु समानं दिव्य शरीर जुया च्वंह्य मणिचूडयागु पुण्यया प्रभावं जिपिं उगु देशं पुलावने मफुत ।

अनंलि थथ्ये निश्चय जूगु ववन न्यने धुस्येलि देवतापिनि नाय इन्द्र तथा लोकपाल म्येपिं देवतापिं अत्यन्त खुसि जुल उगु बेलास इन्द्रं थुगु प्रकारं गाथा बोना न्यंकल ।

दानं ददात्ययं राजा सत्वेभ्यः कृपयान्वितः ।

दानेऽवेवं सदा सत्वा न्निव्रियोजयति सप्रभूः । १ ।

थ्व राजां सत्त्वपिन्त कृपातया दान याइह्य खः । सदानं दान यायगुलि जकमन जुइका सत्त्वपिन्त सन्तोष याना त्याका च्वनीह्य थ्व नया खः । १ ।

कायेन संकृतो धीमान् वचसा मनसा तथा ।

धर्मात्मा शील सम्पन्नः सत्यवादी जितेन्द्रियः । २ ।

श्व बुद्धिमानं काय वाक् चित्त शुद्ध जुइका भिगु जक ज्यायाना च्वन । श्व धर्मया शरीर शीलं सम्पन्न सत्यवादी जुया थगु इन्द्रिय जितेयाना च्वन । २ ।

कारुण्यं परमं कृत्वा सत्त्वान् शीले विधौशुभे ।
प्रतिष्ठापयति क्षिप्रं स्वर्गं मोक्ष परायणे । ३ ।

श्व परम कृपालु करुणादुह्य सत्त्वपिन्त भिगु वांलागु शील स्वभावेतया याकनं स्वर्गं तथा मोक्ष छोय्गुलि कोशीष दुह्य खः । ३ ।

अनेन कुशले नैव कर्मणा करुणात्मकः ।
कतुम द्वेवराज्यं वै आकर्षयति महान् । ४ ।

श्व कुशलगुजक कर्मयाना करुणाया चित्त एवं शरीर जुया च्वंह्य । छुः श्व महापुरुषं निश्चयनं देवराज इन्द्रयात आकर्षण याइ केवल इन्द्रयात जितेयाइ । ४ ।

अनंलि उगु सभाय् च्वंप्पि देवतापि सकलें अत्यन्त उदार चित्त जुया तच्चगु प्रभाव जुइकल थथ्ये जूगु स्वया देवतापिनि नाय इन्द्रप्रमुखें त्रार्यात्रिशालोके वासयापि देवता एवं प्यह्य लोकपाल धापि राजापिनि थःथः पाशापिन्तनं सता मानं काययात काय्न् मांयात माया याइगु तुल्य श्व मणिचूडं प्रजापित मान्यता याना च्वन ।

हे पाशापि ! छिमिसंसीकि थथ्ये धागु न्यना आशने च्वंप्पि दनेत थिक जुल । इन्द्रं हानं धाल आस्ये दनेम्ब्वानि छाया् गन वनेगु फुकखें थुइकि छु विकार चित्त जुइ-कागु तच्चगु प्रभाव जुइतिनि थन छुं संशय (संदेह) जुइमागु मदु एवं प्रकारं इन्द्रं खं न्यंका च्वन ।

उगु समये उगु देव सभाय् सहापति महाब्रह्मा तुरन्त थ्यंकवल । श्व ब्रह्मां स्वर्गं देवतापिनि राजा इन्द्रयात सता न्ह्योने थुगु प्रकारं धै बिज्यात हे कौशिक देवराज इन्द्र ! छाया् विचारं मसोयागु । व मणिचूड राजायात कारुणीक आपालं करुणादुह्यसकल सत्त्व-पिगु उपरे बोधिज्ञानया लें भ्रमण जुया बोधि संभारं पूर्णयाइ धका छुं प्रशंसा यात ।

हे कौशिक इन्द्र! उगु बखते छन्त छु जुइ किन्तु छिमिसं कल्पनाया श्वया सहाय धर्म पाशा सुखः बांलाक कल्पनाया । थुलि धया श्व सहापति महाब्रह्मा अनसंतुं अन्तर गत जुयावन । अनंलि इन्द्रं श्व खँ न्यना अत्यन्त विस्मय जुइका विचार यात । श्व प्रीति व खुसियागु ज्याधेख मागु जुइ धया सुँक च्वन ।

अनंलि बोधिसत्त्व जुया विज्याम्ह मणिचूडं उगु दिनया रात्रिस थथ्ये चिन्तना यात । गुम्हजा जित कन्यादान याम्ह भवभूति महर्षिं जित उपदेश ब्यूगु दु गृहस्थि धर्म निरर्गद महायज्ञया धागु श्व जिनं ओः याये । थथ्ये विचार याना स्त्री पद्मावती देवी नाप सल्ला याना च्वन । सुथे जुस्येँलि थःगु नित्य कर्म सिधेका शाण्डिल्य भार्गवगोत्र ब्रह्मरथनाम पुरोहित तथा विद्वान उपाध्याय गुरु मंत्री सज्जन वर्गपिन्त दूतं सतके छोया राज मन्दिरे सभाय् च्वना धै बिज्यात ।

ओ गुरु पुरोहितपि ! सीका बिज्याहुं जिनं ऋषिनाय भवभूति (महर्षि) यागु वचनानुसारं हिंसाकर्म मदिरा मांसाहार बर्जितयाय्मागु उत्तम पुण्य लाभ जुइगु गृहस्थि धर्म निरर्गदनाम महायज्ञ याय्गु इच्छा याना ।

थुगु यज्ञ कर्मस मागु ज्वलं फुकं गुरु उपाध्यायपिके न्यना छिमिसं याकनं थिकया । थथ्ये धै विज्यागु खँ न्यना हर्ष जुइका भागुतक ज्वलं याकनं थिकयाना राजसभाय् मंत्री महाजन राजगुरु सज्जनवर्ग तथा स्त्रीजनपि सहितजुया बोधिसत्त्व मणिचूडयात मंत्रीजुं विन्ति यात ।

ओ देव महाराज! छपिगु आज्ञानुसारं सकसिनं परिश्रम मचास्ये मामागु फुक ज्वलं थिक याय् सिधेकल राजगृहया क्वसं यज्ञ मण्डपनं दानयाय्गु थाय् नं थिक यानातगु दु सोविज्याहुं धागु न्यना सो वंबले बांलाकातगु खना मणिचूड अत्यन्त लेःताया सकसितं जस विया धन्ययात ।

अनंलि उगु बखते सुथसिया द्वितीयप्रहरे (बाह्मिजाबले) न्याह्य ब्राह्मणपि थयंक वया बोधिसत्त्व मणिचूडया न्होने फौवल । न्याह्य ब्राह्मणपि मध्ये छहसिनं थथ्ये विन्ति यात । ओ महात्यागी महाराज ! जित कृपातया विज्याहुं । जि सुन्दरी युवती म्हाय् छम्हदु कन्यादान याय् जि दरिद्र जुया याय् मफया च्वन उकीं जित प्रशस्तं धन फोने ।

हानं निहृह्य ब्राह्मणं थय्ये विन्ति यात । भो देव महात्यागी महाराज ! जितनं कृपातया विज्याहुं जि सदानं रोगी दरिद्र, वास न्यायत धन द्रव्य माक्व फोने ।

पुनः सोह्मह् ब्राह्मणं थय्ये विन्ति यात । भो देवमहाराज ! जि काय् कला निहृ जिसाहुं च्यो भ्वातीं याय्त यंकल । उम्ह साहुयात बीमागु ऋण मदेका विज्याहुं । छलपोल दयावान् खः साहुपुला काय् कला छे वोनाहय् शुकीयात धन फोने ।

अनंलिपा प्यम्हम्ह ब्राह्मणं थय्ये विन्ति यात । भो कृपावन्त महाराज ! जि कला धर्मात्मा खः नापं च्वना धर्म याना च्वना । छन्हु रात्रिस जिमित छ्याना खुंतेसं सर्वस्व हरणयाना यंकल । नय् त्वनेत कष्ट जुया साहुं वयन साहु छे वया छं कला जिगु छे भ्वातीं याय् त्यना धागुलि जि कला ग्याना थःछे वन मवल । थुगु दुःख फुकेत साहुयात ऋण पुलेमाल धन फोने ।

अनंलि न्याम्हम्ह ब्राह्मणं थय्ये विन्ति यात । भो देव दयावन्त महाराज ! जि ह्नापा पहलमान खः आ बुढा जुया शरीर बःमलात जीर्ण जुल दरिद्र जुगुलि जि म्वाना च्वतले नेत धन फोने ।

थुपिं न्याम्ह ब्राह्मणपिसं न्यागु प्रकारया थःथःगु दुःखया खँ प्रकटयाना धन फोने धागु न्यना बोधिसत्वया हृदये करुणा उत्पत्ति जुया खोवि वय्का नुग मछिकल । उगु वखते थुपिं ब्राह्मणपिसं विषाद चित्तयाना बोधिसत्वयात हानं विन्ति यात ।

भो देव महाराज ! छपिनि छाय् खोवि वय्कागु जिमिसं धन फोंवल धकाला ? बोधिसत्वं धै विज्यात, हे महाब्राह्मणपि ! थुजागु दुःखया खँ न्यनागुलि जि चिकिधंगु भाग्यम्ह जूसानं भतीचाजक करुणा दुम्ह खसानं केहिमात्र नुगस्याम्ह मखुसानं ह्नि ह्नि गुम्हजा जिके फोंवइपिं अर्थजनपिं खनीबले मन अशुद्ध मजुः । थ्व परया भय दुःख मदेकेगु जिनंयाय्फैला धैगु कारणे खोविवेका नुग मछिकागु मात्र खः म्येगु छुं चित्ते बिषाद मजु ।

आः म्येगु खँ म्वाल हे ब्राह्मणि ! थ्व जिगु मनोरथ निश्चय खः सीकि याचक अर्थजन (फों वइपिं) खना चित्त शुद्ध जुइका थःगु शरीरया लाहि पुनः छे धन सम्पत्ति

बोमासानं जिके छुंहे कथिन मजुः । छिमि आः ह्वापाया छे धन संपत्ति उत्पत्ति जुया च्वंथ्ये जुइका जिनं बीगु धन ज्वना लिहां हुं ।

अनंलि थुपिं न्याम्ह ब्राम्हणपिनि बोधिसत्त्वयागु शुद्ध त्याग चित्त बचन न्यना अत्यन्त आश्चर्य जुइकल ।

उगु समये बोधिसत्त्व मणिचूडं करुणातया थुमिसं प्रार्थनायागु स्वयानं अपोधन द्रव्य विया सन्तोष याना लिछोत ।

अनंलि मंत्री पुरोहित गुरु उपाध्याय सहित शास्त्रोक्त विधानं शाकेतु नगरे थःगु राजगृहया बधसं पूर्वविशास यज्ञ मण्डप स्थापना यानातगु निरगंद महायज्ञ यागु निमित्तो मामागु ज्वलं इत्यादि फुकं थिक यानातगु पुनः नेगु त्वनेगु शुद्ध निरामीष भोजन यागु हानं दान बीगु धन द्रव्य अन्न वृही लुं वह दक्षिणा किसि सल रथ कोथाज्वलं (लासा फांगा) वस्त्र अलंकार तिसा मामागु थिकयाय् धुंका बोधिसत्त्वया न्होनेवना सकसितं विन्तियात ।

भो देव महाराज ! गुगुजा छपिगु वचनानुसारं निश्चययाना सकल वस्तु हया थिकयाय् धुन । अनेक तीर्थिक न्यनीपिं न्यंकीपिं श्रमन ब्राम्हण त्यागी भिक्षु जोगी ब्रम्हचारी महात्मा साधुधापि वइवलेनं दान बीगु तयारी जुइकातेधुन थुजापि वयानं च्वन ।

आः थ्व महायज्ञ यागु बेला ठिक जुल । आपालं दुःखीजनपिनि नाथ (प्रभू) छपिं छः । थन बरिद्र दुःखी याचक अर्थजन फोना नइपिं वनीपक इत्यादि दान काइपिनं यको वया च्वने धुंकल । हानं छपिनि मित्र (त्वाय्) कुरुक्षेत्रया मालिक बुस्प्रसहराजानं निमन्त्रणानुसारं उपस्थित जुया च्वंगु दु । तथा म्येपिं महाजनधापि सकलें वया च्वने धुंकल । थुगु इले भो देव महाराज ! बिज्याहुं धका विन्ति यागु न्यना करुणाया चित्तजुया च्वंम्ह बोधिसत्त्व लेःताया यज्ञ मण्डपे थ्यंका विचारयात । बेलाठिक जुलछः धकासीका पुरोहित शान्तकुमारनं वया च्वंम्हयात सःता यज्ञ मण्डपया पूर्व विशाय् न्होने सिंहासनेतया क्रमानुसारं म्येपिं उपाध्याय गुरु सहितयाना सकलयागु खाः स्वया भिगु उपदेश थय्ये न्यंकल ।

मूल

इमान् भवन्तो दशकुशलान् कर्मपथान् अप्रजहीत, तत्कस्यहेतोः ।

एभिर्भवन्तः सम्मतैः समाचरितैः कायस्यभेदात्त्वरं मरणोपाय दुर्गति
विनिपात् नरकेषु उपपद्यन्ते ।

अर्थ

थन सकल उपस्थित जुया विज्यापिसं सीकेवहगु खँ थथ्ये खः धया फुक्कसितं
संवोधन याना विस्तारं धै विज्यात । अकुशल कर्मया लंपु छुखः विचार याय्मा
शरीरं मभिगु ज्यायाना म्हुतुं मखुगु खँ ह्लाना मनं मखुथ्ये चिन्तना याना, कुशल जुइ
मखुगु लें पलाते मज्यूगु खः धका सीका, भिगु ज्याखँयात पत्यार मयास्ये मिचेयाना
मभिगु लें पलातैम्हया सदानं दुःख जुइ । थ्व छुया कारणं धाःसा, थुजागुलि छपि
सकलया मभिगुलि सल्लायाना छुजुइ धका अहंकार याना प्राणिपि स्याना ब्यवहार
स्वार्थी धर्मयाना जुल धाःसा सदानं लिपा रोगं पीड जुइका उपाय मदुगु मृत्यु जुयावनी-
वले मभिगुगति भयंकर दुर्गन्धगु नरके वासयावनि ।

मूल

तत्र च उपपन्ना महद्दुःख दौर्मनस्य प्रत्यनु भवन्ति । तस्मादहमेवं वदामि । इमान्
भवन्तो दशकुशलान् कर्मपथान् समादाय वर्तन्वमिति । अपि नाल्यतरैस्तत् कुशलैः कर्म
पथं राज्ञावितैर्भावितैर्बहुलीकृतैः सर्वदुःख क्षयं निर्वाणं मनुप्राप्नुवन्ति ।

अर्थ

अन नरकेचवना तस्सकंदुःख पीड जुइका आः जिछुयाय् धका मलाका खोया हाला
नुग मछिका शोक सतापयाय् मालि । अथेया निमित्तं जि थुगु प्रकारं धाय् थन चवंपि
सकल छपिसं थ्वीकेमा कीपि कुशल जुइगु भिगुकर्मद्वारा लंपुस वनेगु ज्ञानज्वना ज्यायाना
यंकेगुस्वेमा । खःधका सीका थ्वीका भतीचा जकहे मभिगु मयास्ये कुशलकर्मयालें वनेगु
आशा भाव आपालं याय् फेकेमा । अलेतिनि थुजागु दुःख नाशजुया निर्वाण महासुख
(मोक्ष) प्राप्तजुइ ।

मूल

अथ ते महाजन काया इमानेवरूपा धर्म देशनां श्रुत्वा संसारा दुद्विग्ना निर्वाण गुणदर्शी संवृत्तः । अथ बोधिसत्त्व स्तस्याः पर्वद एवं संतति प्रति पालनंकृत्वा पुनरपि कथयति ।

अर्थ

अनंलि अनच्चं पि सकल महाजन धापिनि थुजागु सार गुणया रूप धर्म देशनान्यना संसार याकें पारजुया निर्वाण गुण खंकेगुलि चित्त वंकल । अनंलि बोधिसत्त्व उगु सभाय् चं पि सकसितं थय्ये खं न्यंका कृपा व पालन याना हानं धं विज्यात ।

मूल

अह मस्मिन् भवन्तो निरगंद महायज्ञं यष्टु मिच्छामी यद्युस्माभि ममयज्ञस्य सप्त-
तता कर्तृका मरनुकंपा पुरःसरं मनोभिः सत्कृत्यै मां दक्षिणां प्रगृहीतु मनुग्रहः कार्य्यं
इत्पुत्का बोधिसत्त्व पद्मावत्यादेव्या साद्धं यज्ञ दीक्षा प्रविश्य निरगंद रुहा यज्ञ मनाबृत
द्वारं यष्टुमारब्धः । ततो ब्रम्हरथेनं यथाशास्त्रदृष्टेन क्रमेण यज्ञप्रारब्धवान् नच
तस्मिन्महायज्ञे प्राणीद्यात्पते ।

अर्थ

जि थुगु समये छिमिसं सीकि निरगंद महायज्ञयाय्गु इच्छा याना । गुगुजा थ्व
छिपि सकसिनं जिगु थ्व यज्ञ न्हेगु प्रकारया गुणयागु लहरा प्रकाश जुइगु ज्याय् आपालं
कृपातया न्होने च्वना मनं भिगुजक लुमंका जित अनुग्रह (कृपा) तथा सफल जुइगु
कार्य्यं सिद्ध जुइका बीमा । थुलि घया बोधिसत्त्व मणिचूड थः स्त्री पद्मावती देवी नापं
यज्ञ मण्डपस द्वाहां वना निरगंद महायज्ञ याय्गु विषये मनस्थीर जुइका यज्ञशालाया
मूसुगु लुखामं थासे बिज्यात । अनंलि ब्रम्हरथ पुरोहितगुरूं गथ्ये शाश्वरे क्यनातगुखः
अथ्येहे क्रमरूपं यज्ञ आरंभ यात । उगु बखते थ्व महायज्ञ कार्य्ये तथा म्ये म्येगु यज्ञकार्य्येनं
प्राणि घातक (हिंसाकर्म) स्याय्गुज्या कुकर्मखः धकासीका बोधिसत्त्वं धं बिज्याथ्ये
ब्रम्हरथ पुरोहितनं प्राणि घातकया ज्या योग्य मजुः धका अन सकलयात न्यंकल ।

युजोगु उत्तमोत्तम शब्द न्यंका निरर्गं यज्ञारंभ यांना विज्यात । उजाबले वास दासी धर्मयांना चर्वापिसता जन्मजन्मतकं दुःख सीमालीगु अधर्म गुबले याय्मते परया परिश्रम यांना कमाय् यांनातगु धनद्रव्य त्यांनाकया लिपा नाना प्रकारं पापचित्तयांना त्यांना कयागु धन मब्यूस्ये पचे यांनावगु पापं वहे धनि(साहु) या थाय् दासदासी च्यो भवार्ती च्वना दुःख भोग याय् मालीगु कर्म भोग मदेकेत जिनं छिमिगु नामं धनद्रव्य दान वी धया खं न्यंका दानयात थुजागु चित्त यांना यज्ञारंभ यागुलि केहि विस्तार जुल ।

दानबीगु धनद्रव्य बस्तुया ज्वलं तथातगु कोथार्पति खापाचाय्का ताल गनं तालं ग्वया तगुनं महु । सकल दान कार्वापि अथिजनपित्त सन्तोष जुइक दान विया यज्ञारंभ सिमधेकुस्ये मनोरथ कार्यं सफल जुइमा धका आशीर्वाद बिया दानकावडपिसं धया वनीगु न्यना गुलि दानकार्वापि गुलि दान कया लिहांवपि खना बोधिसत्व अत्यन्त हर्ष चित्त जुइका आनन्द पूर्वकं ह्लिह्लि सुथे दागशालास च्वना ह्लिने यज्ञ मण्डपस यजमान जुया आपालं धन द्रव्य दान सहित यज्ञ यांना याका शुद्ध मन जुइका च्वन । सुं शत्रु मारपिसं विघ्न याय् मफेक भिगुथमं चिन्तना याइगुनं थथ्येखः ।

जि जन्म स्थान देशे प्रजापति यांनागु कार्यं सफल जुइमा । जिनं राज्यैश्वर्यं केवल मालिक राजा धाय्का च्वनागु जिपरिवार सकल मृत्यु जुया वपि नरक वासी पिनिनं पाप मुक्त जुइमा । थुजागु चिन्तना यांना दान तथा यज्ञ यांना च्वंगु नीन्हुया दिन खुन्दु सुथसिया प्रथम प्रहर फुडवं द्वितीय प्रहरे निनिता(१२) इले स्वर्गलोकया इन्द्रं थथ्ये विचार यात ।

श्व बोधिसत्व मणिचूडया चित्तयागु महिमा गुलितक त्यागी शुद्ध जुइ ला हि दान ब्यूसा कया नेगु इच्छा यांना स्वर्ग लोकं वहा वया मणिचूडया यज्ञशालाय् घृताहुति (घ्यो पोंका) बांलाक मिछोय्का यज्ञ यांना च्वंगु यज्ञशालाय् तच्चनं मिछोया तेज प्रकाश मान् जुया च्वंबले उगु थासे सुनानं मखंक प्रवेश जुल ।

त्रिपा मियां तेतं थुजागु रूपजुया वयन, संयागु जटा धरे यांना गुलि च्यागुतः गोगु ह्याउंक मिखा कना रोगं नकतिनिलाम्ह थ्ये जागु गसीगरूप ह्लाः तुति गरल्येसे च्वंगु

मृदुतुनं तःपद्मागु घःवा पिकया भयंकरं म्येनं पिकयावम्ह राक्षस रूप इन्द्र यज्ञशालाया
वयुं तिगा ह्या पिहांवया लापा थाना चाहला फेतुत । उगुबखते महाजन धापि
निमंत्रणाय वया च्वं पि सकलं थ्व भयानक रूपम्ह राक्षस खना ग्याना बिस्युंवन । भार्ग
व मुनीश्वरादि गणपि पुन त्वाय् दुष्प्रसन्नहराजा म्येपिनं राजाया गण इष्टमित्रपिनं
निमण्णणास उपस्थित जुया च्वं पि दु । थुपि सकलं आश्चर्य्य जुइका त्राहि जुया च्वन ।

अनंलि उगु वेलास थ्व यज्ञशालां पिहांवह्य राक्षसं ह्लाः विन्तियाना करुणाया
स्वरं दुःखी नेपित्याह्य थ्ये जुया बोधिसत्त्व मणिचूडया न्होने च्वना कोमल वचनं थथ्ये
घाल ।

भो महाराज ! छपि महात्यागी सुनां छु घाल उगु हे दान वीह्य खः धका लोके
प्रख्यात जुया च्वन । शाकेतु नगरे महाप्रतापी छपि खः । थन आः छपिके जिनं फोने
त्यना थ्व यज्ञस दानकावपिन्त घाःघाःगु विया च्वह्य दाता धका जिनं सीका वया ।
जि तरसकं नेपित्यागु रोग जुया च्वंम्ह दुःखि भ्रमण याना जुया आहार जित चूमला-
गुलि दुःखसिया च्वनागु यको दिन वन । चाहलाजुया जि दुःखिया आहार चूलाइगु
गन बइ पृथिवीस थन छपि पराक्रम यागु यासे वंसा जित आहार चूलाइ धका कष्ट
याना थन थ्यंक वया । आपालं वर्य दत्त पित्याना पीड जुया च्वंगु गन वंसाथिक जुइ
धका न्यना जुया थन वंसाजक जित इच्छापूर्ण जुइ धंगु शब्द न्यना वया नेगु त्वनेगु
अन्न इत्यादिनं छुं हे लाभ चूमला गन दंगु खः मखं ।

हे महाभाग कारुणिक प्रभो ! विचार छपिगु खः याकनं जित आहार सन्तोष
जुइक दान याना जिगु तच्चगु दुःख नेपित्यागु रोग शमन याइह्य छपि खः ।

थनलि बोधिसत्त्व ताउति स्वया चिन्तनायात यज्ञशालां पिहांवह्य राक्षस थ्व
मुजुइ । दोन दुःखि स्वरूपं नेपित्यात नेगुदानया जित धका विन्ति याह्य राक्षसयात
भरोसा विया घं विज्यात । हे राक्षस ! ग्याय्मते धन्दा काय्म्वाः जि यौं छन्त गथ्ये
छंगु अमिलाषा खः उगु रूपं आहार थिक याना सन्तोष याय् अन यज्ञया ज्याय् च्वना
च्वं पि मनुष्यपिन्त सःता याकन छिममं थ्व राक्षस छुनेगु इच्छायागु ख तृप्त मज्जतले
नकेगु ह्या सन्तोषया ।

थय्ये वोधिसत्त्वया वचन न्यना याकनं वना कया ह्या उगु थासे थिकयाना तगु निरामीष भोजन (मधि धौ दुरु फल छुं घासा व्यंजन तरकारि अचार) यको ह्या राक्षसया न्होने ते हल । थ्व खना राक्षसं धाल । भो सहाराज ! छपिसं गय्ये मसिल ! जि मांस नेगु इच्छा दु, थय्ये धास्येलि सीह्य पशु छह्य ह्या न्होने तया विल ।

मूल

नाहमेवं विधमाहारं निरामीषं देवमनुष्य भोजन माहरामि ।
किन्तु सद्योहतं मांसं रुधिरं भक्ष्येऽहं राक्षसाहारं देहि ।

अर्थ

मृतक शरीर थ्व भोजन जिगु विधानया आहार मखुः । हानं थुजागु निरामीष सात्त्विक भोजन देव मनुष्यपिगु मात्र खः । छु धाःसा थौंहे स्यानागु प्राण्यागु ला हि नेगु जि राक्षसया आहार खः जित याकनं ला हि नेगु दान व्युः ।

मूल

तद्यपि कारुणिको भवान् दृढ प्रतिज्ञः सत्यवादी चेत्ततः शीघ्रं वुभुक्षितं पिपासितं च मांसोष्माभि मांसं रुधिरं सन्तोषय । तथा हि त्वयामे मांस मया हारश्च प्रतिज्ञातो न त्वद्विधा कारुणिका महात्मानो मृषावाचं भाषंच ।

अर्थ

थ्व यदि छपि कारुणिक (करुणा) एकाग्र चित्तं प्रतिज्ञा दुह्य सत्यवादी खःसा थुगु बेलास याकनं नेगु त्वनेगु पित्याह्य जित नकतिनि स्यानागु क्वागु लाहि याके सन्तोष याना विज्याहुं । गथ्येजा निश्चय छपिसं जित अथवा जिगु इच्छा लाहिया आहार अवश्यनं वी धका जिनं मनंतुना थनवया । थ्व जिगु इच्छा पूर्ण मयात धाःसा छपिगु प्रतिज्ञानं मखुः । छलपोल विधान कारुणिक महात्मा धागु ऊठा खं मात्र ह्यागु जुइ ।

मूल

तत इत्येवमुक्ते बोधिसत्त्वः कारुण्यादकंपित हृदय संलक्षयति हाकष्टं पर मशंकटं
मह मिदानो प्रविष्टः कथमत्र मया प्रतिपत्तव्यं प्रत्यग्नानां मांस रुधिराणां विना प्राणि
वधेन नास्ति ।

अर्थ

अनंलि राक्षसं अथ्ये धावले बोधिसत्त्व करुणायाकें चितकंप जुइका विचार यात ।
हाकष्टं अत्यन्त शंकष्ट जुल जित थौया दिन । आः गथ्ये थन जिनं छुयाय्गु छु धाय्गु
शरीरणा लाहि प्राणि मस्यायकं दैमखुः ।

मूल

संभवतोऽस्यचाय माहारः प्रतिज्ञातो नचाहं कुत पिपीलिका नामपि प्राणिनां
प्रद्यापितु मुत्सहे सर्वथा दानपारमितायाः परिपूरणार्थं स्वाधीनानि मांसरुधिराज्यस्मै
राक्षसाय दास्यामीति ।

अर्थ


संभव थ्वया युगु आहार मांसनेगु प्रतिज्ञायागु वीत जिनं इमू छह्य मात्रहे प्राणि
घाटकयायेगु उत्साह मयाना आः गनकावनेगु । न्ह्यागुनं सदानं दानपारमिता पूर्णं
याय्गु निमित्तं खः थःगु अधिने दुगु जिगु शरीरे च्वंगु लाहि थ्व राक्षसयात दानयाय्
मालि धका विचार यात ।

मूल

अथ राक्षस भेषधरी शक्रो देवेन्द्र कथयति । अहो पार्थिवेन्द्र किंचितापर
स्तिष्ठसि । अतीव क्षुधितोऽहं अलंबिलं वितेनेति ।

अर्थ

थनंलि राक्षस रूप देवराज इन्द्रं धाल । अहो हे महाराज ! भतीचामात्र मखुत
ताउजाल छपि च्वना च्वंगु । आपालं हे पित्यात जि ताउ विस्तार यात ।



मन्त्रिचूडशू वनतपयावंवलद्रुष्यसहजाजांथःगुदरभ्यमहामात्री
 शर्गप्रजापिंश्रापालंसिनावंगुचक्रायायतथःगुभिययाद्रुनच्च
 गुमभियत्नदानकायकहगुरवंन्यनाश्रापालंलंगायाथमंलिका
 यमजियादानकात्रपिंवास्तुपिन्नखंन्यंकाथःगुभियकर्त्तिक
 काच्चगुभिय -

मूल

बोधिसत्वोवाच - वत्स यादृश आहारो नशक्यते । विना परहिंसया संपादयितुं । अहंच प्राणिवधात्प्रति विरतो नच कश्चित् प्रति अग्राहि दास्यामीति मुहूर्तं चिन्तितवान् ।

अर्थ

बोधिसत्वं धं बिज्यात- हे वत्स पित्याह्य शिष्य रूप राक्षस ! आतकनं छंगु आहार पूर्ण याय् मफुनि खः विना परप्राणि मस्याय्कं ला हि दैमखुगुलि विलंबजुल खः । जिनं प्राणि स्याय्गु ज्या गुवल्ले मयाना ह्लापांसिस्स्ये स्वैतनं गुवल्ले हिंसा मयानागुलि निराश जुल । अथ्येया कारणे आः जिनं थःगु शरीर याकें दया वगु ला हि कया थन छंगु न्होने जिनं दान याय्त्तना छन्त । धन्दा काय्मते थुलि धया छुं भतीचा चिन्तना यात ।

मूल

राक्षसप्राह- महाराज क्षुधार्तेन त्वं मया याचितो यज्ञदिक्षुतो नावृतद्वारश्चते निरर्गतो महायज्ञोवर्त त्वयाच मम प्रतिज्ञात यथाभिलाषित माहारं दास्यामीति । तत्किं मया चिन्तया प्रतिज्ञो यथा वा तथावा यतोमे सद्योहत मांस रुधिराणि शीघ्रं प्रयच्छ यावत् क्षुधा परिपीडित कालं नकरोमीति ।

अर्थ

राक्षसं धाल - भो बोधिसत्व ! छपिसं सोकि नेपित्यागु रोगं पीडजूम्ह जि फोंवया यज्ञशालास दिशापत्तिकं गनं लुखाप्पना मत तोपुयातगुनं मदया छपिसं निरर्गद महायज्ञ यागु थासं पिहाँवया छपिसं जिगु प्रतिज्ञायात गथ्ये अभिलाषायागु आहार खः जिनं वी धं बिज्यात । व धागु छु खः जिनं चिन्तना यानागु यदि छपिसं वी धका प्रतिज्ञा याय् धुंकल । गथ्ये धयागु खः अथवा अथ्येहे नकतिनि स्यानागु ला हि याकनं बिया बिज्याहुं । गनतक पित्याना पीडजुयाच्चन अनतक कालं का वइमखुः अर्थात् जि सिनानं वनीमखुः ।

मूल

एवमुक्ते बोधिसत्त्वो बोधौमनः प्रणिधान अचिराद्गतो मे पुत्रिकायोऽयं
मनुत्तरायाः सम्यक् संबोधेः संभार भावं गमिष्यामीत्येवं विचिन्त्य तस्मिन् राक्षसे मैत्री
करुणा मुत्पाद्य धैर्य्यवल मुदित स्तराक्षसं समाश्वासयन्नुवाच ।

अर्थ

यथ्ये राक्षसं धावले बोधिसत्त्वया मन बोधिज्ञानेलाका प्रणिधान यात । थ्व जिगु
पुत्रिकाये खः (हि ह्नि खै मूत्र मल) मुना च्वंगु शरीर बिस्तार मयास्ये सिनावने ।
उपमा बीमु मडुगु सम्यक् संबुद्धया ज्ञानसंभारं पूर्णयाय्गु निमित्ते पुण्यासंभारे च्वना
वनेगु निश्चय जुइका थय्ये चिन्तना याना थ्व राक्षसया उपरे मैत्री भावया करुणा
उत्पत्ति जुइका धैर्य्य रूपया बलं राक्षसयात भरोसा बिया बांलाक बोधयाना धै बिज्यात ।

मूल

मा भी निराशंकतंच त्वां मांरांचयथेप्सितं ।
प्रत्यग्रं चापिरुधिरं मम त्वमपि तृप्तयः । १ ।

अर्थ

ग्याय्मते निराशनं जुइमते हे राक्षस! गय्ये छं इच्छा यागुखः अथ्येहे छंगु न्होने जिगु
हि त्वंका छन्त तृप्तयाय् जिगुनं छंगुनं मनोरथ काय्यं तृप्त जुइ अर्थात् पूर्णजुइ । १ ।

मूल

अद्य त्वां तर्पयिष्यामि स्वैरहं मांसं शोणितैः ।
अतृप्तं पूर्वमचिरात् संतुष्टो भव पूर्वकः । २ ।

अर्थ

थौया दिने छन्त जिनं जिगु शरीरया ला हिनं संतोषयाय् । बिस्तार याय्मखुत

नृपापालाक तृप्तमजूतले हि त्वंका छन्त संतुष्ट याय् त्यना । २ ।

मूल

अद्य त्वया सुमित्रेण संयुक्तः सुचिरावहं ।
दान पारं प्रयास्यामि सर्वबुद्ध निसे बितम् । ३ ।

अर्थ

थौया दिने छ भीम्ह त्वाय् पाशा समान जुल बिस्तार मयास्ये जिनं दानपारामितां
पूर्ण जुइगु ज्या याय् । नृपापानं संपूर्ण बुद्धपिसं दानपारमिताया ज्या नृपापालाक सेवा याना
वंगु खः । ३ ।

मूल

अद्याहं पूतिका दस्मा द्विनाशं तत्त्व देवरात् ।
भवन्तं मित्रमासाद्य सार मुद्धर्तुमुद्यतः । ४ ।

अर्थ

थौया दिने थ्व दुर्गन्धगु पूतिकाय खः शरीर त्वतेगु, देवतादि तःतः धपि राजापिगुनं
तत्त्व खः । छपिथ्ये जाह्म मित्र याना सारगु ज्या याय्गुलि उद्योग याय् । ४ ।

मूल

अद्य तिर्बृत देहं त्वां स्वमांस रुधिरै रहं ।
उष्मवद्भिः करिष्यामि सर्वज्ञ ज्ञान कांक्षया । ५ ।

अर्थ

थौया दिने तिर्बृत (मोक्ष) लाभ याय्गु गभ्येजा आषाढ मासे वा पीथ्ये थ्व
शरीरया थःगु ला हि जिनं क्वागु तिकया दान याय् थ्व सर्वज्ञ ज्ञान लाय्गु तिमित्ते खः । ५ ।

मूल

अद्य मांस्यानि दास्यामि छित्वा छित्वा स्वदेहतः ।
अचिरा ब्रूते भद्र भवत्वं विगत ज्वरः । ६ ।

अर्थ

थौया दिने जिनं थःगु शरीरस च्वंगु ला कुच्चा कुच्चा थमं ध्यना छन्त दान याना नके । बिस्तार मयास्ये कल्याणगु ज्या तीर्थे लःथ्ये न्हानावल, थ्व ज्या तच्चगु ज्वर रोग शमन याह्य तुल्य छपि खः । ६ ।

मूल

अद्य पश्यत्तु मां दृष्टं देव गन्धर्व दानवाः ।
सत्त्वार्थे निधनं यातं बोधि प्रवल चेतसः । ७ ।

अर्थ

थौया दिने देवता गन्धर्व धापि दैत्यपि सकसिनं जित हृष्ट (संतुष्ट) याना स्वया च्वनेमा । सत्त्वपिगु कारणे बोधिज्ञानया बल पिकया च्वंगु चैतन्य देका सिना वनेगु खः । ७ ।

मूल

अद्य बोधिं समिच्छामि सत्त्व निर्मोक्ष कांक्षया ।
मांसं शोनित दानेन करिष्यामि सुदुर्लभाम् । ८ ।

अर्थ

थौया दिने जिनं बोधिज्ञान (बुद्ध जुइगु ज्ञान, बुद्ध बोधिसत्त्वपिगु ज्ञान) इच्छा याय् सत्त्वपि मोक्ष वनेमा धैगु बान्छा याना थःगु ला हि दान याना अतिनं दुर्लभगु ज्या जिनंयाय् त्यमा । ८ ।

मूल

अद्य मूर्ध्नि करिष्यामि पाप मारस्य हर्षयत् ।
मोक्षकामं जगत्कृत्सन संत्यज्य मांस श्रोणित्तम् । ९ ।

अर्थ

थौया दिने शिर त्रः च्वेलागु ज्या याय् त्यना पापकारी मारया हर्ष याइ । संसारं मुक्त जुइगु मोक्ष लाभ याय्गु विषये जगत् कल्याण कारणे थःगु शरीरया ला हि त्याग याय् त्यना । ९ ।

मूल

इत्येवं बोधिसत्वस्य भाषमाणस्य धीमतः ।
प्रचचाल मही कृत्स्ना नोरिबाम्भसि वायुना । १० ।

अर्थ

थुलि बोधिसत्वया गंभीर करुणाया वचन बुद्धिमान्पिसं न्यना च्वंवले केवल उगु बेलास पृथिवी कंप जुल आकाशे सूर्यया तेज बुलुस्ये च्वंक गोफे वया धू बोल । १० ।

मूल

स सुरासुर गन्धर्वा स्तथैव व्योम्नि संस्थिताः ।
श्रुत्वा तमद्भुतं दानं विस्मय परमंययुः । ११ ।

अर्थ

देव दैत्य गन्धर्वादि सहित तथा आकाश मार्गे खनेसदेक बोवाजुइपि देवतापिसनं न्यना श्व बोधिसत्वं गुजोगु अद्भुत प्रकारं दानयाय् त्यन धका अत्यन्त आश्चर्य जुइका च्वन । ११ ।

अनंलि बोधिसत्त्वं म्येपि कुशलगु ज्या याइपि पुरुषपि सता धै बिज्यात । हे महापुरुषपि थनवा जिगु शरीरे बिस्तारं हि वहन जुयावल छचनंनिस्थे क्वहांवगु हि त्यागयायत्यना जिनं । आपालं दिनवंका पित्यागु रोगं दुःख जुइकावह्म थुह्म राक्षसयात सन्तोष यायत्यना ।

ला हि सुज्जुइका शरीर गंसी जुया दुःखसिया यज मण्डपं पिहांवह्म थ्व अद्भुत राक्षसयात सन्तोष जुइकाबी । पित्यागु रोगं सनेगुनं असमर्थ थ्ये जुइधुंकल थ्वेत पित्याना च्वंगु रोग मवेक जिनं थ्वं नेहि धागु ला हि थःगु शरीरे च्वंगु हि पिकया ला ध्यना दान याना नका तृप्तयाय त्यना सुनानं विघ्न याय्मते थःगु शरीरया ला हि दान याय्गु दानपारमितास दुथ्याइ बोधिसत्त्वचर्य खः अन्त्ये बुद्धत्व प्राप्त जुइ । परप्राणि स्याना स्याका ला हि दानयानागु भयंकरगु नरकस दुथ्याइ अध्येया कारणे जिनं थौं थःगु शरीरया ला हि दान याय्त्त निश्चित यानागु खः सीकि ।

बोधिसत्त्वं थय्ये धागु न्यना मंत्री तथा उगु स्थाने वया च्वपि सकलया शरीर एवं चित्त कंप् जुइका तच्चत दुःखयागु चिन्तना याके आकुल जुइका बोधिसत्त्वया न्होने सकल वया पालिभोःपुया विन्तियात । भो दैव तुल्यह्म महाराज ! प्रशन्न जुया क्षमायाना जिमिगु विन्ति न्यना बिज्याहुं ।

छपिसं थःगु शरीरे थमंहे शस्त्रंकिया घाटक याना असमर्थ जुइका गोतुला शरीर त्यागयाय्गु उत्साहयाना बिज्याय्मते । यदि छपिसं करुणातया छह्म राक्षसयात आपालं अनेक गुणव्यना प्रजापिन्त हित सुख याय्गु शरीर थः थमं फुकेगु योग्यमजुः जिमिगु सहस् विन्ति दु जिपि लुमंका बिज्याहुं ।

थुगु प्रकारं अनेक खँ न्यंका विन्तियावसानं थमं संकल्प यानागु कार्य्य सफल जुइकेत सकलयात बोधयाय्गु थाकुइ धंगु चिन्तनायाना तथापि किंचित् खँ न्यंकल । हे लोकपि ! सुनानं दान याइगु कार्य्यस विघ्नयात धाःसा लिपा बनेबास याइपि पशु जुया जन्म जुइ मालि । परप्राणि हिंसा याना याका तामाम धर्म यातधाःसा हिंसा याना याकागु बोध लिपा थःपशु जुया जन्म कया थमं पीसा पुले मालि हानं नरके ताकालं च्वना दुःख भोग

माय्मालि । श्वजागु खँ न्हापा जुया बिज्यापि बुद्धपिगु यथार्थ वचन तःतः धंगु सूत्रे
उल्लेख दु । जित गने मते श्व करुणाया शरीर सत्वहित गुणं युक्तगु जुया शस्त्रं ध्यना
यःगु ता हि वान यावत्यगा सकलया कुशल जुइमा बोधिसत्वपिनिनं शिरे महामंगल
जुइमा ।

थुलि धाय्धुंका अनंलि बोधिसत्व मणिचूडराजां थमंहे शस्त्र ज्वना कपाले शिरे
किया धाःयाना हि पिकया राक्षसयात त्वंकेत थिकयात । उगु बखते ब्राह्मण पुरोहित
पद्मावतीदेवी म्येपि अन्तपुर (कोथा)स च्वपि तथा राजगृहे सकभनं बासयाना च्वपि
महाजन राजपुरुषपि सकलें वया ख्या खिउका खोविवेका आपालं दुःख मन याना न्ह्योनेवया
पालिभोःपुया थथ्येयाय् मत्ये धया विन्तियात ।

भो महाराज! श्व राक्षस महायक्ष खः ज्या स्यंकेत बह्य खः न्यनागु दु निश्चययाना
सकलया यज्याइगु थासेवया ध्वंशयाइपि पापित खः । थुलि सीका श्व ज्या मयास्ये प्रशन्न
जुया बिज्याहुँ । भो देव ! श्व ज्याय् उत्साह याय्गु अयोग्य । पद्मावतीपुत्र सकलें तोता
छह्य याचक फोवह्य दुःखियात अनाथह्य घका करुणायाना प्राण त्याग याय्गु योग्य
मजुः । जिपि फुकयात शोकयागु मिगाले कुतके त्यन ।

हानं विन्तियाय् भो देव प्रभू ! प्रजागणपिन्त काय् म्हचाय् तुल्य पालनयाना विज्याम्ह
छपि खः । थुलि सकलनाप वियोग जुइका आपालं दुःख शोक सन्ताप याना च्वनि ।
याचक छह्यसिनं सकलयात थन दुःख जुइगु ज्या घाटक लिपा जुइ । छपिनाप वियोग
जुइवले मिपूगु समानं पद्मावतीदेवी प्रमूखं अन्तपुरस च्वनीपि सकल चेतकादिपिनि
महाशंकष्टया दुःख प्राप्त जुइ ।

अथ्येया निर्मित भो मालिक ! श्व राक्षसयात सद्य मनुष्यया मांस आहार बिया
सन्तोषयाय् मज्युः ।

थथ्ये विन्तियागु न्यना बोधिसत्वं धै बिज्यात । हे भिगु ज्यायाइपि मनुष्यपि !
ताउति शोक सन्ताप याय्मते निश्चयनं छन्हु प्रिय संजोग जुया च्वपिनाप वियोग

जुइतिनि खः धका छिमिसं थ्व लोकया स्वभाव सीकि । जिगु इच्छा थ्व खः अनुत्तरया अर्थ थय्ये जुइ । । न उत्तरो यस्य सः अनुत्तरः । । उपमा बिगुहे मदुगु ऋद्धि स्वभाव स्वया खः वइत अनुत्तर धाइ । थुजागु बुद्ध संबुद्ध सम्यक संबुद्धया ज्ञान प्राप्त याय्गु निमित्ते प्रवेश जुया खंकेगु । गनतक अर्हत जुइ मफै अनतक छिमिसं कोशीषयाना विचारया । दानपारमिता खः त्याग चित्तं दान याना परप्राणि उध्वार याय्गु थ्व खः दानपारमिताया ज्या अनुत्तर ज्ञान धका थ्वीकि ।

थ्व छुया कारण धाःसा— गननिस्थे स्वया अथवा सुनां च्वनिस्थे दानपारमिताया ज्या भूमिसि मयाइ वं अनुत्तर नाम सम्यक संबोधिज्ञान प्राप्त याय् फइमबुः । प्रथम दानपारमितायागु ज्या ज्ञान चर्य्य मदेकं मज्युः अथ्येया कारणे केवल त्यागः चित्त जुइ फेकेमागुया निमित्ते यःगु शरीर आदि दान यानागुलि उक्त ज्ञान (च्वे धयागु खँ) खः दानपारमितादि क्रिया चर्य्य ज्ञान बांलाक मद्दं क पूर्णजुइ थ्वहे खः बोधिसंभार बोधिज्ञान बुद्धजुइ फेगु ज्ञान बुद्ध बोधिसत्त्वपिगु ज्ञान, एवं प्रकारं थ्व ज्ञान ह्यसीका क्रिया चर्य्य याना-वने फुह्यस्ये पुण्यसंभारं पूर्ण याइ । पुण्यसंभार पूर्ण याय्त क्रमशः १) दानपारमिता २) शीलपारमिता ३) क्षान्तिपारमिता ४) वीर्य्यपारमिता ५) ध्यानपारमिता तदनन्तर (अनंलि) गंभीर ज्ञान संभारं पूर्ण जुईगु ६) प्रज्ञापारमिता नित्य धारण याय्फेकेमा । खँ जक ह्याय्सेका चर्य्य (क्रिया) छुं याय्मसह्य मयाह्यस्ये बोधिसंभार पुण्यसंभार ज्ञानसंभार आपालं तापाइ ।

अथ्येया कारणे उक्त ज्ञान चर्य्य क्रिया सतिका अर्हत मज्जतले जिनं थ्व दानपारमिता सम्यक संबोधिज्ञानया चर्य्य प्राप्त याय्त्यना । हे जनलोकपि ! सकसिनं सीकि जिगु त्याग चित्त थ्व ज्याय् सुनानं गनेमते थय्ये धया अनच्चं पि महाजन प्रमूखं सकलयात बांलाक बोध याना खँ न्यंके घुस्येलि ।

मूल

स्वयमेव ललाटदेशात् शिरामुक्ता तं राक्षसं प्रियमिबैकं पुत्रवत् कुरुणायमान मुवाच ।
एहि वत्स मनोरथं मे परिपूरय प्रतीच्छ मे दक्षिणां पिब रुधिरं यावदाप्त मित्येव मुक्तः ।
राक्षस भेषधारी शक्रो देवेन्द्र उभाभ्यां मुखेऽर्जलि कृत्वा तद्बोधिसत्त्वस्य रुधिरं संघायमानं
वर्शयामास ।

अर्थ

यमंहे कपाले छ्यने च्वंगुहि न्हापालाक त्वंकेगु मतीतया याचक राक्षसयात याक काय्यात प्रीतियाय्थ्ये मायातया करुणायाना धै विज्यात । हे शिष्य स्वरूपजुया च्वंह्य राक्षस ! थन जिगु न्होने सतिक वा जिगु मनोरथ पुर्णया छ प्रशन्नजुः जिगु ज पाखे च्वंगु कपाया हि पुनः छ्यने च्वंगुनं हि का तों सन्तोष मज्जतले थय्ये धया बोधिसत्वं थगुकपाले थमंशस्त्रंसुया हिपिकया त्वंकल । भेशधारी देवेन्द्र इन्द्र राक्षसं ख्वाःस्वया निपा ह्लाति विन्तियाना बोधिसत्त्व मणिचूडराजायागु हि चुचुप्याना अन सकसिनंखंक सवाकयात्वन ।

मूल

अथ जनकायस्ता बोधिसत्त्वस्य रुधिर धारा लज्जाता त्रिष्क्रम्य राक्षस मुखे निपतन्ति दृष्ट्वा, हाकण्टं देव राक्षसेन भक्षितमिति विदित्वा विक्रोण्टु मारब्धः । बोधि-सत्त्वोऽपि रुधिरधारां प्रत्यरू भवन्ति चा लोक्यपरं दौर्मनस्य मुपगताः ।

अर्थ

अनंलि उगुथासे च्वंप्पि मनुष्यपिसं बोधिसत्त्वया छ्यनं कपालं पिहांवगु हि राक्षसया ह् तुस लागु खना हाहा गुजागुकण्ट हेदेव महाराजयागु हि राक्षसं त्वंगु स्वया सीका नुग मछिका तःतःसकं हाला खोविवेकल । बोधिसत्त्वयानं हिया धारा सोसोवगु थमंखना अत्यन्त मती दुःखताल ।

मूल

अथ शक्रोदेवेन्द्र तस्य भाषमाणजाय प्रकाशयितु कामोवाच । महाराज माहैवते विप्रतिसारि भूदिति बोधिसत्त्वः कथयति । वत्स मे कश्चित् विप्रतिसारो नबितु, तवतीव्र तृषातुरायानुपश्यं तामियं मेरुधिर धारा प्रतन भूता तस्मादेव मे याचकोपरि पूर्णमनो-रथो भविष्यतीत्यनु विचिन्तय न्हं तूष्णी दुर्मनाः स्थितेति ।

अर्थ

अनंलि देवराजइन्द्र राक्षसरूपं बोधिसत्त्वया मती खं ह्लागु सीका प्रकाश याय्गु

निमित्ते छुधाइख्ये स्वयं धका थय्ये धाल । भो महाराज ! स्यातला दुःख ताय् मते कण्ठ जुल खला बोधिसत्त्वं धं बिज्यात, हे वत्स राक्षस ! जित भतीचा जक हे मस्या कण्ठनं मजुः । छंगु तच्चगु पित्यागु रोगं दुःख जुया च्वंगु जिनं सिका छंगु कारणे त्वंकेत जिनं हि पिकयागु खः । अथ्येया निमित्त जि फों वडिपिंगु उपरे मनोरथ पूर्णयाय् मफं धका मती दुःख चिन्तना जुइका स्यासां कण्ठ जूसानं किंचित् माने मयास्ये सूँक च्वनागु खः ।

मूल

एवमुक्ते शक्रो देवेन्द्रोन्तर्गतं प्रहर्षः परंविस्मय मुपगतो मुहूर्तं रूधिरं पिवन्त मित्रात्मानं दर्शयित्वा बोधिसत्त्व मुवाच । भो पार्थिव विगता मे पिपासानं रूधिरेण मां प्रमिदानो प्रयच्छसि ।

अर्थ

थय्ये बोधिसत्त्वं धास्येलि देवराज इन्द्ररूप तोता च्वंह्य राक्षस अत्यन्त आश्चर्य चाया घौछि निघौया हि त्वना थःगु शरीर सन्तोष जूगुथ्ये क्यना बोधिसत्त्वयात हानं थय्ये धाल । भो महाराज ! जिगु, तृष्णा प्यासचागु हि त्वनागुलि लन आः पित्यागु लंकेत ला नेगु बिया बिज्याहुँ ।

मूल

ततो बोधिसत्त्वः प्रमुदित हृदय स्त्वरितं त्वरितं रूधिर धारां निगृह्य शस्त्रमादाया भिवर्तमाण कारुण्यः सरूधिर मेदो वसानि स्व शरीर मांसानि उत्कृत्योत्कृत्य स्वहस्तेन तस्मै राक्षसाय ददातिस्म । शक्रो देवेन्द्र स्तानि मांसानि मुखे प्रक्षिप्य मांसानि च सुत्कनी प्रदेशेषु रूधिरेणैव मद्यच्च तानि परितुष्ट मिव खादं तमात्मानं दर्शयामास ।

अर्थ

राक्षसं थय्ये धास्येलि बोधिसत्त्व हर्षंगु चित्तयाना याकनं याकनं हिया धारा (सोसोवगु) पना शस्त्र ज्वना तच्चतं करुणातया हि सहित दा स्यो थःगु शरीरया

ला कुच्चा कुच्चा ध्यना थःगु ह्लाति थ्व राक्षस यात विल । थ्व देवराज इन्द्र राक्षसं हानं हानं ध्यना न्यूगु लाकया थःगु म्हुतुस तया कुच्चा कुच्चागु ला मुरु मुरुं न्ह्याया सवा कया बारंबार हिफेया नया उगु अवस्थाय् संतुष्ट जूगु थ्ये याना ला घुतका राक्षस् रूपया शरीर क्यना च्वन ।

मूल

यथा यथा च राक्षसो मांसानि भक्षयति तथा तथा बोधिसत्वः कृपणोऽयं तपस्वी मयासुचिरात् संतर्पितेति विदित्वा परांप्रीति मनुभवन् भुयस्यामात्रया मांसान्युत्कृत्योत्कृत्य तस्य राक्षसस्य प्रदर्शयन्नुवाच ।

अर्थ

गथ्ये गथ्ये राक्षसं अनेकतालं ला नया च्वन अथ्ये अथ्ये हे बोधिसत्व नुगस्याह्म धाई थ्व तपस्वी धका मतितया जिनं ताउति थ्वयात सन्तोष जुइक ला नकेगु चिन्तना याना अत्यन्त प्रितिनंयाना हानं हानं (बराबर) ला कुच्चा कुच्चा ध्यना बिया नका । यना च्वंगुलि राक्षसया रूप थथ्ये धाल ।

मूल

इदं सरुधिरं मांसमिदं समेदमिदं सुकुमारं ममानुग्रहार्थं गृहीत्वा परिभुक्षेति । शक्रो देवेन्द्रो बुभुक्षार्तेव नाम भूत्वा त्वरितं त्वरितं तानिमांसानि दर्शयतिस्म ।

अर्थ

थ्व हि प्येपुंगु ला दा क्यातुगु जिगुकारणे कृपातया ध्यना नकल धया न्यासिचागु पह पिकया गुह्यजा देवराज इन्द्र राक्षसं नेपित्याह्म रोगी नं नैगुथ्ये याना ला ध्यना न्यूगु याकनं याकनं कया नया क्यन ।

मूल

बोधिसत्त्वोऽपि प्रीत्या समा पूर्यमाण हृदयं ऊरोर्वाहु मूलाच्च जंघाया मांसं
मुत्कृत्य स्व हस्तेन प्रयच्छतिस्म । ततो बोधिसत्त्वस्तीव्र वेदना हतो धैर्यं मालं व्यदंतेषु
दन्तानां धाय स्वहृदयं संस्थापयन्नुवाच ।

अर्थ

बोधिसत्त्वनं उगु बेलास राक्षसयात प्रीतियाकें पूर्णंगु चित्तयाना खंपा पुलि बोहया
मूल(हा)थ्यंक ला ध्यना थःगु ह्लाति राक्षसयात बियानकल । उगु बखतस बोधिसत्त्वया
तच्चकं वेदना जुइका धैर्यं याना वाकूछिना चित्तयात सहया धका थथ्ये बोध यात ।

मूल

चिरंतवया यद् हृदयाभि वाञ्छितं
कदान्व सृक मांस वसास्थि मज्जभिः
हितं प्रकुर्या हिम देहिनां सदा
अवेज्यमाण खलु बोधि मुत्तमाम् । १।

अर्थ

याकनं छंगु चित्तया अभिवांछाखः (मनोरथ कार्य) गुवले सिद्ध जुइ धाःसा थःगु
हि ला क्वें स्यो इत्यादि नै पित्त नेहिं धावईपित्त दान याना नकेगुलि खुशिजुया ज्या
यायगु शितल आनन्द रूपं शरीरया शोभा सदानं आनन्द जुईगु उत्तम बोधिसंभारं पूर्ण
जुइगु बोधिज्ञान निश्चयमेव याकनं प्राप्त जुईगु खः ।

मूल

अयं सकालः समुपस्थितो ऽद्य
मां मे शरीरं त्वरितं परित्यज ।

क्षुधा परीतं कृपणं निशाचरं
करोति याव त्पिशितं गतं व्यथा ।२।

अर्थ

श्व भिगु बखत थौं तधंगु समय वया च्वन जित केवल जिगु श्व शरीर याकनं
त्यागया धाः । पित्यागु रोग जुइका फों वह्य राक्षस यात गनतक हि ला दाः क्वे स्यो
सहित जुया च्वंगु दान पाय् ।

मूल

अपिच भोहृदय,

कृत्स्नं जगत् परित्रातु मुद्यतस्याद्य मेक्षमं ।
प्रेक्षलोकं मनालोकं कर्तुं धैर्यं समुत्तमम् ।३।

अर्थ

हानं धाय हे चित्त ! छु हे बाकी मदतिनिगु श्व जगत्यात रक्षा पाय् गुलि
उद्योग पायगु थौं वल जित छं क्षमाया । श्व लोक मनं ची मफुगु अज्ञान यात मनं ची
फैगु ज्ञानं सोया धैर्य पायगु उत्तम जुई ।

मूल

इत्युक्ता बोधिसत्व प्रगल्बित मांस स्नायू रुधिर
शरीर तीव्र वेदना भ्या हतो मूर्छितः ।

अर्थ

थुलि धया ला प्येपुना क्वे साहा साहा पति हिमुना च्वंगु शरीरे थाय् थाय् पत्ति
घा जुया हिवगुलि शरीर तच्चकं वेदना जुया बोधिसत्व मणिचूड राजा मूर्छा जुया
भूमीत गोतुल ।

ઉગુ સમયે અન નિમન્ત્રણાસ વયા ચ્વંપિં સકલયાનં મન કમ્પ જુયા પૃથિવીસ ગોતુલા
ગુલિ ભોઃસુલા દુઃખ ચિન્તના યાત ।

અનંતિ પદ્માબતી દેવીનં થથ્યે જૂબલે મૂર્છાં જુડકા ગોતુલા ચ્વંહ્ય સ્વામી
બોધિસત્વ લના તચ્ચગુ દુઃખ મન જુડકા થઃગુ હ્લાઃ નિષાં બુબુસ્યાના નુગલે દાયા સંપુયા
હતાસનં થઃ સ્વામીયા શરીર ઘે પુના કરુણા સ્વરં થથ્યે વિલાપ યાત ।

હાહા ભો સ્વામી મહારાજ ! અત્યન્ત ધાર્મિક મહાકારુણીક છપિં લઃ હાહા દાન
યાય્ગુલિ સુરાહ્ય, હાહા લોકનાથ સુનાં રક્ષા યાડગુ થઃ છં વનેથાય્ મદુહ્ય અનાથ જિત
મું ભરોસાનં મદુહ્ય મિસા જાતીયાત ત્યાગ યાના બિજ્યાત અત્યન્ત દુઃખ જુડગુલિ લાત ।

ભો દેવ સ્વામી ! પ્રશન્ન જુયાં હ્લાપાથ્યે છું મ્વાલેમા નિશ્ચયનં છપિનિ સસ અવજુ
જિ પિતા તુલ્યહ્ય ભવભૂતિ મહર્ષિયા પ્રતિજ્ઞા તથા જિ પદ્માબતી સ્ત્રીયાત ત્યાગ યાય્ ત્યન
જિનં ત્યાગ યાય્ ફેમલુઃ ।

ભો નાથ સ્વામી ! શ્વ લ જિનં છું અપરાધ મયાનાહ્ય સ્ત્રીયાત છપિસં ત્યાગયાના
બિજ્યાત । હાહા જિ ચિકિધંગુ ભાગ્યહ્ય મિસા જાતી અત્યન્ત દુઃખિનીયા ચિત્ત ભ્રાન્તિ જુલ ।
ભો સ્વામી છુયાના ઉપાય જુડગુ વિના ઉપાય જિગુ શરીર તથા મનસ્થીર જુડ મલુત ।

આઃ જિગુ મિલ્યાં છું લની મલુત મન ભ્રાન્તિ જુયા ગન વનેગુ ગન ચ્વનેગુ સ્વંગુ
શરણે ચ્વનેગુ । ભો પ્રાણનાથ ! શ્વ સ્વપ્નાલા વિપનાલા સ્વપ્નાજૂસા જાગ્રત જુડવલે
દુઃખ મજુડ માગુ લઃ જાગ્રતાવસ્થાય્ નં દુઃલ જુલ શ્વ શબ્દ લ દુઃલયાગુ । આઃ જિ
ગન વનેગુ ગનચ્વંસા જિગુ મન શાન્તિ જુડગુ પૃથિવીસ જિ ગન પ્રવેશ જુડગુ લઃ ।

છું તચ્ચકં છોયાચ્ચંગુ મિલઃ અગ્નિશાલાય્ ક્વહાં વનેજિ । જિનં છું મલન અન્ધકાર
લિડેસ્યે ચ્વન શ્વ થૌ સહયાય્ મફુગુ દુઃલ રુપિ મિયા ગાલે મલંક કુર્તુંવહ્ય તુલ્ય જિત
સકમનં થુજાગુ માત્ર લંહ્ય જુલ ।

भो स्वामी प्राणनाथ ! थौंया दिने छपि विना रक्षा याइह जित म्येपि सुं मडु ।
गन बिज्याना छपि जि अनाथ घांय् तुल्यह दुःखि फोगीं खः । स्वामीया शरीर सजीव
स्वेगु जक इच्छाह पिता भवभूति महर्षियागु आज्ञा पालन याना वयाह जित छपिसं
त्याग यात जिनं त्याग याय् मबुः । थुजाह ऋषिपुत्रीयात थुजागु विपरीतया ज्या जुल ।

अहो गथ्ये यासा छु उपाय यार्के छपि सजीवगु शरीर जिनं दर्शन प्राप्त जुइ ।
हे महाबाह स्वामी ! जिगु थ्व मन खोगु वचन छपिसं ताय्का सुदृष्टि स्वया जि स्त्री
यात प्रीति तथा करुणायाना अमृतसमानं निश्चितगु सार जुइका थौं राजगृहे माजु थः
छे मां तताक्यहेंपि सुंन मडुह्य अनाथ पद्मावती प्रिय स्त्री जित सदानं स्नेह तथा रक्षा
मयास्ये तोता छपिगन बिज्याय् त्यना याकनं लिहां बिज्याना जित सोया बिज्याहुं ।

अवश्यनं छपिसं धीरपूर्वकं निश्चय जुइका बने सिमा सिमाह लासा वस स्वांमा
दें फल पाकेजूगु अथवा मजूगु नया त्वना भवभूति महर्षियात बिचार याना च्वनाह्य
ऋषिपुत्री जित तोते योग्य मजुः । छपि प्रिय स्वामीया अर्थे प्रवेश जुया आः छपिनापं
अग्नि संस्कारे जिनं प्रवेश जुइ त्यना । थुगु प्रकारं पद्मावती देवीं अनेक तालं विलाप
याना मूर्छा जुइकल ।

थथ्ये जूगु स्वया अनर्चवंपि सकल हानं शोक सन्तापं पीड जुइका मखुथ्ये ज्या जुल
धका ततः सकं हाला खोल । अनंलि बोधिसत्व चेत दया सकभनं स्वत । थःगु शरीर नं
मरण तुल्य जूगु वेदना वीर्यपारमिताया उत्साह बलं प्रत्येक ह्लापायागु जन्मेनं थथ्ये हे
याना वयागु अनेक वीर्य बल सिंति मवंक हानं थुगु जन्मेनं केवल आनं गुगुजा स्वच्छन्दता
पूर्वक थगु थ्व शरीरया ला हि क्वे स्यो दा इत्यादिनं सहित याना दान याय्गु चिन्तना
याना च्वनागु खः धया हताय् चासानं बुलुहुं दना न्ह्योने च्वंह्य थ्व राक्षस यात थथ्ये
धाल ।

हे गुह्यक राक्षस ! जिनं स्यागु सहयाना ला ध्यना दानवियागु दुष्कृत कर्मखः छे
नयागु तृप्त जुलला मजूनिसा थ्व शरीर समेत जिनं थौं त्याग याना दानबी षट्पारमिता

मध्ये ह्लापांगु दान पारमिता पूर्ण यायगु कारणे खः का ला नः हि त्वं धया पुलिचुया क्वछुना बिल । बोधिसत्वं थथ्ये धयायागु स्वया उगुबेलास राक्षस रूप इन्द्रं थःगु ह्लाः निपां बोधिसत्त्वया शरीरे ज्वना वांन्याना ला नेगु हि त्वनेगु गोसा जुइका ठिक यात ।

उगु बखते बोधिसत्त्व अति खुसि जुइका संतुष्टगुमनं धाल । हे शिष्य स्वरूप जुया बह्य राक्षस ! छंजिगु जीव दतले थथ्ये याना क्वे अथवा वा स्यो हि ला नुगचु स्ये सों न्ह्यपु समेतं बाकि मतस्ये याकनं नया सिधेकि । मुर्छा जूह्य पद्मावती देवीं खनकि खोया उपद्रव यार्ई । गुगुजा थ्व शरीर खना दान यायगु आपालं हर्ष जुया च्वंगुदु सफल जुइमा जिगु इच्छा । जिगु थ्व ला हि दान याकें छनं जित प्रितियाना हर्ष जुइका जिखना लेताया वांन्याना ला नः हि तों जिनंमन अत्यन्त हर्षयाय् । जिगु थ्व शरीर अतिनंसार जुइ ।

छाय् धाःसा अनुत्तरायाः सम्यक संबोधिज्ञान लाभ यायगु न्ह्योने सःतिना वइगु गुया खः । जिनं थुजागु फुक वस्तु दानयाना याकनं मृत्यु जुया वंसा जित दुर्लभगु सम्यक संबोधि प्राप्त जुइ थथ्ये धया गोतुला बिल ।

अथ्ये यावले उगु समये आकाश मार्गे बोया जुइपि तथा स्प्रेपि देवतापि आपालं आश्चर्य जुइका नुगलं सहयाय् मफेका हाहाकारं शब्दोच्चारण याना हल ।

अनंलि देवराज इन्द्र राक्षस बोधिसत्त्वया थःगु शरीरे छुं हे माया मकास्ये त्याग यागु सोका स्वया अहो गुजाह्य महात्यागी बोधिसत्त्व धका अत्यन्त आश्चर्य जुइका थुगु राक्षस भेष तोत्पेत ह्लापा पिहां वयागु यज्ञशाला अग्नि मण्डपस तिगा न्हुया क्वहां वना लिपा थगु रूप इन्द्र जुया यज्ञ मण्डपं पिहांवया बोधिसत्त्वयात थथ्ये धै बिज्यात ।

मूल

महाराज शक्रोऽस्मिदेवेन्द्रो नाहंराक्षस स्तत्साधु मे कथय कर्मभिस्त्वमी दृशैरहो सुबुष्करेण व्यवसायेन च किंप्राथम्यसे इति ।

अर्थ

हे महाराज ! जि देवराज इन्द्र खः राक्षस मखुः छ धन्य महापुरुष साधु बोधिसत्व खः धका जिनं सिल । छंगु चित्तया परिक्षायायत्त राक्षस रूपकया थुगु यज्ञमण्डपस विज्याह्य अग्निदेवतानाप सल्लायाणा यज्ञमण्डपं पिहांवया । थुगु यज्ञयाणा दानवियागु पुण्यं पुनः दुष्करचर्यां थःगु शरीरया ला हि दानयाणागु पुण्यफल लाभयाणा छु जुइगु वाञ्छा याणा यथार्थ जित धा ।

इन्द्रं थःगु रूप धारणयाणा थय्ये धावले चेतदेका च्वंह्य पद्मावतीदेवी पुन अन च्वंप्पि सकलया हानं शरीर कंप याणा गुजागु हेतु खः धका आश्रयं जुइका स्वया च्वन ।

बोधिसत्त्वं धै विज्यात, भो देवराज इन्द्र ! धन्य जिनं छपिं दर्शन याय्दत्त थ्व अहो भाग्य खः । जिनं थ्व यज्ञयाणा अनेक दान पुनः थःगु शरीरया ला हि तथा शरीर समेत दानयाणागु पुण्यं स्वर्गलोके इन्द्र जुइगु ब्रह्मा जुइगु नवीचिमार जुइगु “दिग् विदिग् या मालीक चतुर्महाराज जुइगु सदानं स्वर्गे देवताजुया ऐशयाय्गु पुनः मर्त्य मण्डले चक्रवर्ती राजा जुइगु इत्यादि कल्पना छु मखुः ।

छपिसंस्युः मस्यूसा सिका विज्याहुं अनुत्तरां संम्यक संबोधि ज्ञानलाना सत्त्वपिन्त दुःखया समुद्रं तरेजुइकेगु मुक्ति मज्जुपिन्त मुक्ति वने फेगु अज्ञानिपिन्त ज्ञानया मत क्यनेगु निवृत्ति मखंप्पिन्त क्यनेगु निमित्ते जिनं थुगु यज्ञ अथवा अनेक दान तथा थःगु शरीरया ला हि शरीर समेत दान याणागु खः म्येगु कारणे मखुः । थुजागु ज्ञानया अमृत बचन न्यना देवराज इन्द्र मोहजूह्यथे ताउतिं ऊलेजुया आश्रयं जुइका लिपा थय्ये चिन्तना यात । जिनं योग्य मज्जुगु ज्या याणाक्यना थमं धागुखें न्यना जि अत्यन्त सन्तोष जुल । इन्द्रं धया सकलयात न्यंकल अर्हत मज्जतले आपालं महात्मा शरीर जुया पापया खित यात पुण्यया लखं सिला निर्मल शरीर जुया लोके सुनानं याय् मफुगु ह्लापा सुनानं याणावन धागु मन्यनानिगु महापुण्य महादान याणा शत्रुयातनं करुणातया मित्र भावना याणा थय्ये दुष्करचर्य यागुलि जगतस मारगणपिनी चिमिसं वुं वुं जाय्का त्राश जुया च्वनि ।

परया दुःख खना करुणातया उपकार याय्गुलि थमं दुःखसिया दुःख मचाह्य ।

दुर्लभगुं वस्तुलिसं तृष्णा लोभ मदुह्य शत्रुयात हे क्षमाविया मित्रयाना उपकार याइम्ह धर्मयायगुलि जक उत्साह याना पुण्य याद्वंगा तथा ताफुः समानह्य । सत्त्वपिन्त उपकार यायगुलि राजा समान जुया त्यागी महासत्त्व बोधिसत्त्व जुया तःधंगु करुणाया रथ समानह्य । छपिगु पुनः पुण्यया प्रभावं त्रैलोक धातु भुवने सकभनं वासयाना च्वं पि देव मानुष दैत्यपिनि शरीर कंपमान मज्जुपिसुं दे मखु ।

अहो धन्यधका प्रशंसायाना जिनं दुःख यानागुयात सुनां उपाययाइ उपाय जि हे याय धंगु चिन्तना याना थ्व बोधिसत्त्व राजाया शरीर ह्लापाथ्ये अबश्य नं जुइमा धका सत्याधिष्ठान याना संजीविनी नाम दिव्यौषधी (वास) नं बोधिसत्त्वया शरीरे सकभनं इला थथ्ये धं बिज्यात ।

हे महाराज महापुरुष! शरीर त्यागयाय् अथवा देह तोतावी प्राणत्याग याय् इत्यादि घाल । यदि थ्वं मखुथ्ये खरापगु दुःख यात धका छं मन शरीरे अनेक पश्चाताप जुलला, गनं घाःपाः जुया स्यागु हीस्ये च्वंगुदुला गनं तच्चकं सास्ति जूला ।

बोधिसत्त्वं उत्तर बिल, भो देवेन्द्र ! जिगु शरीरे गनं मखुथ्ये स्याना हीइया दुःख तथा पश्चाताप मजुः । इन्द्रं हानं घाल, गथ्ये थ्वया प्रभाव छुखः सीकेमा । अनंलि बोधिसत्त्व छुं भतीचा सुंक च्वना अमुत्तराया संम्यक संबोधि मनस लुमंका सकल सत्त्व-पिन्त रक्षा जुइमा धका मैत्रीचित्त तथा सत्त्वप्राणिपिगु उपरे करुणा चित्तं जिनं दानयानागु मात्र खः धया उगु समये बोधिसत्त्वं थथ्ये गाथा बोना न्यंकल ।

मूल

यथा स्वमांसानि ममाद्य कृत्वा कृपावसा बोधि परायणस्य ।
ना भूम्भनो विप्रतिसार जातं मात्सर्यं दीन त्वरीतं विवर्जितं ।
अनेन सत्येन सहस्र नेत्र पुण्यानुभावेन च मे शरीरं ।
यथैव पौराण भभूतयैव भवन्तिदं सपरिपूर्णं शोभम् ।

अर्थ

गथ्येजा यःगु शरीरया ला हि दा इत्यादि जिगु थौं दानयाना राक्षसयात थ्व कृपा

तया यानागु याके बोधिज्ञानं पूर्णं जुइके निमित्तो खः । जिगु मनस छुं पश्चाताप मजुः अभिमान मनता स्पखि घमण्डी अहंकार चितं यानागु मखुः । पुनः दुःखी दुःखपिगु रोग याकनं शमन जुईमा अर्थात् मदेमा थुलि मात्र खः । थुगु सत्य धर्मया प्रभावं द्वद्धिग मिखा दुगु जिगु शरीर गथ्ये ह्लापाजुया च्वंगुखः अथ्ये हे अबिलंब सकस अङ्ग पूर्णजुया शोभायमान जुइमा ।

थुगु प्रकारं गाथा बोने धुनेवं याकनं हे बोधिसत्वया शरीर गथ्ये ह्लापाजुया च्वंगु खः अथ्ये हेतुं शोभादया बाँलात ।

अनंलि लिपा छगू अद्भूतं पृथिवी कंपजुल । आकाश मार्गे बोयाजुइपिं अनेक देवतादि पाताललोक वासोपि दैत्यगण लाखौं थुपि थुगु प्रकारं जूगु सीका थुजागु प्राति-हाय्यं ऋद्धिबलखना आपालं हर्षं जुइका लेःतागुलिं जय शब्दोच्चारण हाहाकारं हाला दिव्य विचित्र रूपं स्वांवागाका दिव्यरूपं बाजा थाना महामङ्गल उत्पत्ति जुल ।

अनंलि अन च्वंपि महाजन तथा पद्मावतीदेवी म्येपि सकसिनं थ्व बोधिसत्वया शरीर ह्लापाथ्ये जुगु खना आपालं विस्मय जुइका स्वया च्वन । अनंलि हान देवेन्द्र इन्द्रं बोधिसत्वया शरीर ह्लापाथ्ये जागु तालं गनं घाःपाः मजुस्ये पुष्ट जूगु खना ह्लिला आश्चर्यं जुइका स्वया ह्लाः विन्तियाना बोधिसत्वयाके क्षमा फोना धं बिज्यात ।

हे महाराज ! जित क्षमाया गुगुजा जिनं छंके च्वंगु मांस रूधिर (ला हि) नेत शरीरे स्याक त्यफु थ्यंक ध्यंका वेदना जुइकागु अनेक तालं खं ह्लानागु मखुगु तालं ज्यायाकागु फुकं किन्तु गुगुं वखते छं अनुत्तर संम्यक संबोधि गंभीर ज्ञान लाना बुद्ध पद लाय्मा । जिमित नं उगु बखते अज्ञान मदेके फेमा ।

इन्द्रं थथ्ये धया क्षमा फोंगु क्षमा विया पूजादिनं याना बोधिसत्व मणिचूडराजा आपालं खुसि जुया धं बिज्यात । भो शक्र देवेन्द्र स्वर्गलोकया देवतापिनि राजा ! अनेक प्रकारं जित मणिगु यागु दक्क जिनं छुं मती दुःख मताया भिगु हे ज्यायात धका खुसि जुयागु दु । जितनं क्षमा तथा बिज्याय्मा तथाऽतु प्रमाण धया बिन्ति यात ।

अनंलि देवराज इन्द्र अनेक देवतापि आराधना याना दर्शन विया बोधिसत्त्वयाके बिदाकया उगु स्थानं इन्द्र अन्तरगत जुया थःगु स्थाने लिहां बिज्यात ।

अनंलि बोधिसत्त्वया थुगु निरगंद यज्ञस मागु ज्या समाप्त याना उगु थासं पिहां वया माक्व थिक याना तगु ज्वलं प्रशस्तगु धन द्रव्य अन्न वस्त्र धातु बसा सुवर्ण वह दक्षिणा मामापिन्त शिलपा विया सल किसि रथ नं हया ह्लापां ह्लिछिया सछिगु तकः योजन वनेफुह्य लक्षणदुह्य भद्रगिरि नाम किसि तथा भिह्य बांलाह्य सलरथ सुवर्ण दक्षिणा सहित मूलह्य पुरोहित ब्रह्मरथ ब्राह्मणजुयात दानयात अनंलि उपाध्याय कर्माचार्य्य म्येम्येपि ज्याय् च्वंपि सकल यातनं बिया निमन्त्रणाय् वपि ऋषिमुनिपिन्तनं सन्तोष याना निरामीष भोजननं आनन्दं सिधेकल ।

अनंलि अन निमन्त्रणाय् वया च्वंह्य मणिचूडया त्वाय् पाशा दुस्प्रहराजां पुरोहित ब्राह्मणयात भद्रगिरि किसि दानयागु खना लोभतया थथ्ये चिन्तना यात । थ्व मणिरत्न समानह्य किसि थ्व ब्राह्मणयात दानबिल आः थ्व ब्राह्मण राजा जुई । थ्व किसिजा पुरुषार्थवान्ह्य राजायात अथवा जित शिलपा बीमागु खः जित बोधका आशायाना च्वना अथ्ये विचार मयास्ये ब्राह्मणयात बिल धका नुगः मछिका मणिचूड बोधिसत्त्वयात थथ्ये घाल ।

भो बोधिसत्त्व महाराज ! ब्राह्मणयात भद्रगिरि किसिविल वइत किसि छुं प्रयोजन मदु, व ब्राह्मणं किसि पाले याय् नं फैनखुः व ब्राह्मण यात किसि ब्यूगु शोभामदु व किसि वइत ज्या बी मखुः व ब्राह्मणं किसियात ज्यावीगुनं फैनखुः जित ब्यूसा अति शोभा दइगु खः ।

थथ्ये धागु न्यना बोधिसत्त्वं लिसविल, भो पाशा महाराज ! थ्व उपाध्याय धासां पुरोहित धासां योग्यताह्य खः । थ्व किसि थ्वैत दानबीगु जि अभिलाषा जुल बी धुन । दान बीधुंगु हानं लित काय्गु अयोग्य दान विफल जुइ दान बीधुन यया स्वया माःगुयाइ धया पुरोहितयात किसि गेका छें छोट । पुरोहित ब्राह्मणजु तेथाय् मदेक लेः ताया च्वन । दुस्प्रहराजा बिदा कया मन खिन्न याना लिहां वन ।

अनंलि बोधिसत्वजुया बिज्याह्य मणिचूड स्त्री पद्मावतीदेवी नापं चवना सस
अबुजु भवभूति महर्षि सःता आदरतया विल्लि यात ।

भो महर्षि ! जिनं छपिगु प्रतिज्ञा श्व निरगंद महायज्ञ बांलाक पूर्णयाना पद्मावती
देवीयात महारानी पदवीस तथा अभिल्येक बिया छपिगु वचनानुसारं थुगु निरगंद
महायज्ञ समाप्त याना । श्व यज्ञे हिंसा आमोष वर्जितयाना यज्ञमण्डपं पिहां वया इन्द्र
राक्षस रूपजुया अग्नि देवता उहितकया ला हि नेहि धावल पर प्राणियागु लाहि नकेत
हिंसा मयानागुलि थगुहे शरीरे ला ध्यना नका सन्तोष याना ।

उगु बखते राक्षसरूप तोता इन्द्ररूप धारणया छंगु चित्तया प्रशंसा जिनंसिल
सहस्र धन्यविया छंगु प्रतिज्ञा अनुत्तराया संम्यक संबोधि गुगुं समय प्राप्त जुइमा थथ्ये
आशीर्वाद विया अन्तरगत जुया वन । श्व यज्ञ थ्ये म्येम्येगु यज्ञ होमादि कर्मेनं पर
प्राणिया ला हि होम मयास्ये थःगु शरीरया ला हि होम याय फुसा मनोरथ कार्य्य
सफल जुइगु अवश्यमेव खः धैगु जित ज्ञान प्राप्त जुल । थथ्ये हे सीका निरामिषं
महायज्ञ श्व निरगंद नाम होमार्चनं छपिगु अमृत वचनानुसारं याना विसर्जन याय
सिधल ।

थुगु यज्ञयानागुया पुण्यफल फुकं छपिन्त समर्पण यायधया स्वां सिल्ल लःल्लाना
प्रणामयात । थथ्ये धागु न्यना आपालं खुसिजुया आशीर्वाद विल । । यथा
भिलाषी पूर्णं भूयात् । । गथ्ये छु अभिलाषा (इच्छा) यानागु खः पूर्ण जुइमा धया
अनंलि ऋषि भोजन सिधेका विदाकया भवभूति महर्षि थःगु स्थाने गमन जुल ।

अनंलि लिपाहानं बोधिसत्व थःस्त्री पुत्र नापं चवना हर्षोत्सुक याना निरगंद
यज्ञ यानावलेसिगु विधान लुमंका प्यन्हुपुला वस्येलि दान शालास चवना याचक
अर्थिजनपिन्त छु धाइगु खः थके दुगु बीफुगु दान याना तिनि सुथसिगु राज भोजन
सिधेकीगु ज्या आरंभयात गुवलें नगरे ग्रामे वना याचकपिन्त सन्तोष जुइक ज्या याना
याका दानकावेगु इच्छादुसा राजगृहे दानशालास वया का वा थथ्ये सूचना विया देशेनं
घण्टा घोषयाका दानविगु क्रिया यात ।

बोधिसत्वं निश्चययाना हानं समय समये थथ्येदान विद्या च्वंगु लछि दस्येलि उगु
समये छह्य महर्षि केहि बुढा जूसानं वल दुह्य बाहिकनाम ब्राह्मण ऋषि याकचा थ्यंक
वया बोधिसत्त्वया न्ह्योने च्वना प्रणामयाय् धुंका थथ्ये विन्तियात ।

भो महात्यागी महाराज बोधिसत्त्व ! जि गुरु काश्यपगोत्र मारीचि महाऋषि खः
आश्रम हिमवत् पर्वते तपयाना विज्याह्य आपालं ऋषिपि शिष्य दु छह्य जिनं खः ।
जित यको आख स्यनातगु दु जिनं माक्व अध्ययन याय्धुन । छपिन्त गुरु दक्षिणा वी
मानि धयावले गुरु थुगु प्रकारं धया विज्यात । यदि जित गुरु दक्षिणा वीगु हे खः सा
धाय् ।

जि बुढाजुल छंस्यु हे शिष्य ! छ भक्ति दुह्य खःसा मणिचूड राजाया शिर
ल्वाका अभिषेकं युक्तह्य वया पत्नी पद्मावती युवती पतिव्रता सुन्दरी छह्य बु । जि
बुढा यात तहल सेवा याकेत छह्य मिसा दासी माला च्वन । हानं दासछह्य उख्ये थुख्ये
ज्या छोय्त माला च्वन दास दासी निह्य हया जित गुरु दक्षिणा व्युः मेगु दक्षिणा
जित म्वाः ।

गनं सुनानं वी मखुः छलपोल सकलया मतीच्वंगु सुनां छु घाल वहे दान वीफुह्य
जूया कारणे थन तापाकंनिस्स्ये परिश्रम याना वया । जि गुरुयात गुरु दक्षिणा बीत
छपिनि पत्नी पद्मावती देवी व पुत्र युवराज कुमार सहित निह्य जित दान विद्या
बिज्याहुं । जो गुरु दक्षिणा वीमफया असिद्धिथ्ये जुया च्वन गुरु दक्षिणा विद्या ज्या
सफल जुइकेत फोने म्येगु फों वयागु मखुः । थुलि धया थ्व ब्राह्मण बाहिक ऋषि उगु
बेला थुगु प्रकारं गाथा बोन ।

मूल

परिश्रमन्नहं कृत्स्ता पृथिवी पृथिवी पते ।

काक्षमाणो परिश्रान्त सुचिरंगुरु दक्षिणा । १ ।

त्वंच कारुणिको लोके सर्वस्मिन् वसुधातले ।

सर्वप्रद इतिख्यातः सर्वसत्त्व हितेरतः । २।
 श्रान्तचाहं तपस्वीच वृद्धो ब्राह्मण एवच ।
 अमीकृतो धीर धीर गुरु दक्षिणाय भृशं । ३।
 तत्साधु च महाराज प्रयच्छ कृपया सुतं ।
 पद्मावतीदेवी त्वं यज्ञेप्रतां पतिव्रताम् । ४।

अर्थ

हे पृथिवीया मालिक ! पृथिवीस जि सकमनं भ्रमण याना वया गुरु दक्षिणा वीगु
 धिल्ला जुया च्वंगुलि याकनं वीगु इच्छायाणा परिश्रम जुइका थनवया । १ । पृथिवी
 थ्व लोकस सकभनं महाकारुणीक छपि खः सकलयात धागुतक संपूर्ण दान याइह्य धका
 लोके प्रख्यातह्य सत्त्वपि सकलयात हित याइह्यनं छपि खः । २ । जि तपस्वी बुढाह्य
 ब्राह्मण खः । ह्लिह्लि गुरुयात गुरु दक्षिणा याकनं वीगु जक इच्छा याना विद्वानं
 सुगन्ध रक्तचन्दन श्री खण्डयात इच्छा याइगुथ्ये जिनं बुलुहुं बुलुहुं इच्छायाणा वया । ३ ।
 भो साधु महाराज ! कृपातया जिनं फोनागु छपिनि पुत्र निघा पूर्वक बिया बिज्याहुं ।
 छपिनि यज्ञस नापं तया प्रीति यानाह्य प्रतिव्रता पद्मावतीदेवी स्त्री नं जित याकनं
 दान याना बिज्याहुं । जि गुरु दक्षिणा वीगु निमित्ते खः म्येगु निमित्ते मखुः । ४ ।

थुगु प्रकारं धागु न्यना बोधिसत्त्वया स्नेहरूपि व्याकुल चित्त जुइका चिन्तनायात ।
 थौं पद्मावती देवी स्त्री व पुत्र कुमार निह्य जिनं सजीवं गथ्ये त्याग याना मनं धारण
 याय्गु केवल छुं जतन याना तोतेगु सकल वस्तु दान का वपिन्त बिया च्वना थ्व ऋषि दान
 कावगु वचन न्यना बोधिसत्त्व तच्चकं दुःख मन जुइकाथ्व लु जुइत्यन धया भतीचा सुं क च्वन ।

अनंलि केहि लिपा विचारयात अनुत्तराया संम्यक संबोधि प्राप्त याय्त पुत्र दानं
 विना प्राप्त जुइमखुः । अध्येया निमित्ते थुपि प्रिय स्त्री पत्नी तथा पुत्रनं निह्यहे थ्व
 ब्राह्मण बाहिक ऋषियात दान बिया छोय्गु निश्चययाना पद्मावतीदेवीं स्वामी यागु
 कल्पना सीका अवश्यनं थ्व स्वामीनं जिनं पुत्रनं थ्व ब्राह्मण ऋषियात दान वीगु जुल ।
 निश्चय याना पुत्रनापं वने । प्रिय वियोग दुःखया अवस्था थौं वल धया मिखास खोवि
 चय्का खिउंखाः याना स्वामीया पालि भोःपुया विन्ति यात ।

भो स्वामी महाराज ! जि सिल छपिगु ऋद्धिया संकल्प मनोरथ कार्य पूर्ण जुइगु दानपारमिताया ज्या याकनं सिधेका बिज्याहुँ जित बिकल्प मन याय्म्वाः । श्व ब्राह्मण ऋषियात पुत्रसहित जि नापं दान विया थःगु कार्य सफल जुइका तपसिद्ध यासा शोभा जुइ ।

पद्मावतीदेवीनं मनसाय चिन्तना पूर्ण धाय्गुलि वचन विया धागु न्यना बिस्मय जुल । अनंलि बोधिसत्त्वया मन बोध जुया सन्तोष जुइका धाल । पद्मावती छ धन्य, वने च्वना भवभूति महर्षि अबुयात सेवायानाथ्ये मारीचि महर्षियातनं सेवाया छन्त साहिता काय् दु छुं जुइमखुः धन्दा काय्म्वाः थुलिधया काय्पागु खा स्वया बोधयात ।

हे पुत्र ! जिगु कल्पना छं मानंस्यु मांयात बिचार याय्गु निमित्ते मां नापं हुँ महर्षि यातनं सुख जुइगु ज्याया । थय्ये धाय् धुंका अनंलि बोधिसत्त्वं ब्राह्मण वाहिक ऋषियात धं बिज्यात । हे ब्रह्मऋषि ! छापसं धाय् जे पत्नी पद्मावती व पुत्र सहित दान वोत्यना कया बिज्याहुँ । हे ब्राह्मण ! जि इच्छा थुपि याकनं दान यानागु पुण्यानुभावं संबोधि ज्ञान प्राप्त याय् जिनं थुलि धया श्व बोधिसत्त्वं एकाग्र चित्त याना जगु ह्लाःति सुवर्णयागु जल पूर्ण कलश ज्वना खगु ह्लाति पद्मावती स्त्री व पुत्र सहित ज्वना श्व ब्रह्म ऋषि वा हिकया ह्लाते लः हाय्का संकल्पयाना दान बिल ।

उगु अवस्थास खुता प्रकारं भूमोकम्प जुल । आकाशे बोया जुइपि लाखं मयाक देवतापि श्व अद्भूत त्याग यागु सीका आश्चर्यगु मनयाना छगुपाखं उच्चस्वर याना हान्ताहल । उगु इले पद्मावती धाल अथवा छु नाम जुया च्वंहा श्व ऋषि मां काय् सहित याना दान कावल बोनं धुंकल । हे पुत्र जिनाप वा जि स्वामी छं अबुं प्रीति यानातगु खः थो त्याग यात श्व ऋषि ब्राह्मण नापं वनेनुः । थय्ये धाय् धुंका पद्मावती देवीया मिखास खोबि वेका खिउखाः याना खोया तच्चकं नुग मछिका बित्तियात ।

भो स्वामी ! प्रणामदु पुनः हे ब्राह्मण ऋषि ! भतीचा सुंकि च्वं जि स्वामीया खाः छक स्वेमानि लिपा स्वे दइ मखुतः ।

अनंलि बाहिक ऋषि भतीचा सुंक चवने धुंका पद्मावती देवी पुत्र सहित ज्वना स्वस्ति जुडमा धका आशीर्वाद बिया याकनं थः गुरुया आश्रमे वना गुरुया पालि भोःपुया छलपोलयागु आज्ञानुमारं त्यागी राजा मणिचूड दानयाना हगु पद्मावती स्त्री व पुत्र सहित गुरु दक्षिणा कया बिज्याहुं धया लःह्लाना सन्तोष यात ।

अनंलि हाकनं बोधिसत्व शाकेतु नगरे चाहुला प्रजापिन्त करुणा दृष्टि स्वया दरिद्र याचक इत्यादि बुढा बुढी रोगी बालक अन्धापिन्त मामागु वस्तु पुनः सा भ्ये वस्त्र धातु वस्तु सुवर्ण द्रव्य दान बिया सन्तोष याना थथ्ये खँ न्यंकल ।

हे प्रजालोकपि ! गुरु दक्षिणार्थे दानकावह्य बाहिक ब्राह्मण ऋषियात स्त्री पद्मावती व पुत्रसहित दानबिया छोयागु कारणे स्वयान मती दुःख ताय्म्वाः धया न्यंका बोधयाना जि पासा त्वाय् दुष्प्रसहराजा छह्य सिया भद्रगिरि किसि छह्य जित मव्यू धैगु कारणे मन विन्न याना वन छह्य वइतनं सन्तोष याय् मानि धया थःगु थासे बास याना चवन ।

थुजागु बखतस छन्हू हस्तिनापुरया राजा दुष्प्रसहनं थःगु राज सभाय् चवना मंत्री-गणपि लिस्ये सल्लायाना मणिचूड बोधिसत्वया राजसभाय् दूत छोया धाय्के हल । दुष्प्रसहराजां थथ्ये धया हल भो महाराज बोधिसत्व ! छ जि मित्र आः भतीचा जक जुड । थ्व खँ सोकि जित गजरत्न भद्रगिरि नाम किसि बिया हति अथवा गुबले कावेगु बिया महल बीमखुत धयाहल धाःसा आपालं ताउति छु खँ ह्लाय् ।

छंगु शक्ति बल गुलि दु पिका जि वया पराक्रम कयना छन्त यमलोके छोया व भद्रगिरि नाम किसि जिनं कया तोत्पे । थुजागु क्रोध बचन हूँकार शब्द ह्याउंक मिखां स्वया शस्त्र अस्त्रं प्रहार याना त्वावेगु धका राजपरिषड् मण्डले सल्लायाना थथ्ये धाः धका जित छोयाहल अथ्येया कारणे त्वाय्म्वाक भद्रगिरि किसि याकनं बिया है बिज्यासा बांलाइ ।

दूतं थथ्ये न्यंकूग वचन न्यना बोधिसत्वं यथार्थ उत्तर बिल । हे राजदूत ! छ लिहां वना जिगु खँ बांलाक शान्तिरूपं थथ्ये खँ न्यंकि । पुरोहितयात दान बी धुंगु वस्तु

अथवा किसि लितकया हानं म्येस्हयात वोगु ज्या बांमला छाप् त्वाय्गु सूक च्वना थः मागु ज्या यासा आनन्द जुइ थथ्ये बिन्तियाना हल धका धयाब्बुः धका दूत लिच्छोत । दूत लिहांवना वोधिसत्वं धयाहगु खं फुकं दुष्प्रसह राजायात न्यका बिन्ति यात ।

अतंलि थ्व खं न्यनेमात्रं दुष्प्रसह राजां तं पिकया धाल चतुरंगबल (किसि सल शस्त्रास्त्र शैन्य) सहित याना याकनं वना शकेतुनगरया पर्वतस छचालं लं बन्धयाना व मणिचूड नाप त्वाना वंगु देशहरण यानां तोत्ये धया उगु देशया पर्वते थाप् थासेवया च्वंवल ।

थुगु प्रकारं व राजायागु ढंग खना मंत्री तथा राजपुरुषपि सता मणिचूड वोधिसत्वं न्यना बिज्यात । हे प्रजापि ! स्वैगुबलं थन कीगु देशया पर्वते छचालं च्वंरपि सुख पंत्रीजुं बिन्ति यात । भो महाराज ! छलपोलया त्वाय्पासा दुष्प्रसह राजाया पाख्ये छपिनाप त्वाय्गु गोसायाना वपि खः । छलपोल कारुणिक सकलसत्त्व प्राणिपिगु उपरे दाय्गु चोगु सास्ति याना स्याय्गु ज्या मयाह्यलित्ये छाप् जुइ युद्ध याय्त वगु ।

भो महाराज ! आज्ञा जुया बिज्याहुं जिपि वना नायतेत ज्वना चिनाह्य् छपिसं छुं धन्दाकया बिज्याय् म्वाः । थ्व खं न्यना वोधिसत्वं धैबिज्यात हे प्रजापि ! छिमिसं जिगु स्वभाव स्युः परप्राणिपिगु अर्थे थःहे सिनावनेगु ज्या यानाह्य जिनें आः मनंजक हे हिसा याय् धंगु कल्पना मदु याय् नं मबुः । छगू उपाय थ्व खः उपाध्याय गुरु पुरोहितया थासे वना भद्रगिरि नाम किसि छम्ह दानबियागु बिषये सुवर्ण (लुं) सन्तोष जुइक बिया अर्थात् न्यानाहया थ्व राजायात वोगु ज्यायासा गथ्ये जुइ ।

थ्व खं न्यना मंत्री तथा म्येपि सकसिनं आश्चर्य जुइका परस्पर खं ह्लाना सकल छपं जुया बिन्तियात भो महाराज ! थ्व अहो आश्चर्यगुज्या छाप् याय् थन थौं शस्त्रास्त्र ज्वका कीत त्वाना स्याना देश धन हरण याय् धका तत्पर जुया वे धुंकल । महाराजया मंत्रीचित्तयाना बिज्यात तिनि । दानयाय् धुंगु बस्तु सिधल व हे बस्तु धनबिया लित कया थ्व निः करुणायमान राजायात ब्यूसानं थ्व लोभिया चित्त सन्तोष जुइमखुः संतुष्टयाय् थाकुइ । बचन बिया बिज्याहुं याकनं जिपि वना त्वावनेत सुरा जुया च्वना ।

प्रजापिसं थय्ये धागु खं न्यना बचन मब्बूस्ये चिन्तना यात । हाकण्ट छुं छकूचा चिकिचा धंगु अथवा तःधंगु हे जुइमा ताकालं म्वाणा थ्व जिगु वस्तु पुनः धनद्रव्य छे तिसा वस अथवा जहान् इत्यादि नाम मात्र खः स्थीरगु नित्यमखुः । अथीर अनित्य वस्तुयात मोह तृष्णायाणा किसि छह्य मबिल धका युद्ध याय्गु अवस्था थिक यावल । बुद्धिमान् पासा त्वाय् यासा सदानं म्वाणा चवंतले बाँनागु ज्या जक जुइ । साधारण मनु पासा त्वाय् यासा त्वाय् माली मवुः नेगु त्वनेगु मात्र जुइ । लोभि तृष्णा मोहं तोपूह्य अहंकारो त्वाय् पासायात धाःसा त्वाय्मालि दुःखयाइ धागु धर्मशास्त्रे उल्लेख याणा तगु दु ।

परप्राणिया शरीर धनद्रव्य राज्य ऐश्वर्य लोभ तृष्णा तथा हरण याय्त युद्धया अवस्था जुइवले निगू पाछेनें धन द्रव्य नष्ट जुया आपालं प्राणिपि मृज्यु जुइ । केवल देश त्याग याणा विस्मृ वनेनं मालि । आः जिन थुगु दुःख पोड जुईत अवस्थावल जिनं थजागु घोर दुःख जुइगु उराय मदुगु पावं याता जन्म जन्मान्तरे दुर्गन्धस्थाने कीटाणु पशु पंछि जुया नरके भोगयाय् मालीगु । स्वप्नेखंगु थ्ये उराय मदुगु तिसा तोवले-सिगु कारण थ्व सुनां याईगु भोगी तृष्णां याईगु खः योगीजनं याईगु मखुः ।

जि थुजागु भोगी तोता योगी ढंगं राज्य याणा थःत थमं बन्धने च्वने मालीगु स्वर्गं च्वनानं हानं लिपा नरकयागु गाले फुतका दुःख भोगयाय् मालीगु याकें मुक्त जुया शान्तिया लें पलाछिना बुलुहुं वनेगु ववतत छन्हू अश्रयनं सुनानं हरणयाय् फई मखुगु महासुख प्राप्त याय् त्यना । थुजागु ज्ञान चिन्तनायाणा बोधिसत्त्व मणिचूडं ववागु ताःहाकगु श्वास पिकया (ऋसुकातया) आकासे थस्वया दुःख चिन्तना यात ।

उगु वखते प्यह्य प्रत्येक बुद्ध धापिसं थ्व बोधिसत्त्वं दुःख चिन्तनायागु सीका थःथःगु ऋद्धि विमाने च्वना बोधिसत्त्वया छे क्वे थयंक वल । अनंलि बोधिसत्त्वं थुपि प्यह्य अर्हत् प्रत्येक बुद्धपि अट्भूतं थःगु प्रासाद (छे) क्वसं थयंक विज्यागु खना शुद्धगु आशने विज्याका पालिस भोःपुया अत्यन्त हर्षोत्सुक याणा विन्तियात ।

भो महाऋद्धि प्रत्येक बुद्धपि प्रशन्न जुया थन विज्यात जिगु विन्ति दु संसारयागु विषय तृष्णा मोह जालया भुतुनालं थकया तरेजुईगु ज्या प्राप्त याईगु आशा दु । थन

थुगु अवस्थासं जि याकचा निर्वृत्ति मार्गस च्वना सुख जुइगु उपाय जित हरण याय्त वयाच्वन ।

थय्ये विन्तियागु न्यना उगुवखतस थुपि प्रत्येक बुद्धपिसं सीका थ्व बोधिसत्व मणिचूड राजायात स्वया थुगु प्रकारं धै विज्यात । अथ्येजूसा निश्चय रुपं तपयाय्गु ज्वना विज्याहं । जिमिगु खं न्यना शुद्धगु चीवर बुद्धवस्त्र मनं धारणयाना विज्यासा वांलाइ ।

अनंलि थय्ये धागु वचन न्यना बोधिसत्व आपालं हर्षगु मतीतया जि थ्व काम रागया मनुनालं मुक्त जुइ धया थुपि प्रत्येक बुद्धपिगु ज्ञानया चीवर बुद्धवस्त्र पुनेगु ज्ञानया तिसाहपि न्हेपनं न्यना विस्तार मयास्ये पंक्षिराज (ल हें) समानं विमाने च्वना याकनं आकाशमार्गं बोधावना हिमवर्त नाम पर्वते थ्यंका बासयात ।

अनंलि देशे च्वंपि प्रजागणपिसं आकाशमार्गं विज्याह्य थ्व बोधिसत्व खना आपालं शोकयाना दुःख मन जुइका हाहाकारं शब्द पिकया नुग मछिका विन्तियात । भो महाराज कारुणिक संवत्सवत्सल ! आः अनार्थपि जिमित तोतावन सुना रक्षा याइगु ।

अनंलि बोधिसत्वया थुपि हिमवर्त पर्वतराज थ्यंक हपिखना खुसि जुया च्वन । उगु थासे च्वंपि ग्रामवासीतेसं खना अत्यन्त हर्षयाना विविध प्रकारया फल, दुरु घौ नेगु त्वनेगु शरीरयात आनन्द जुइगु हया लःह्लाना प्रणामयाना विन्तियात । भो महाराज धन्य धन्य धया लिहांवन । महाराज सन्तुष्ट जुया च्वन, हिमवर्त पर्वतराजस नापंवपि प्रत्येक बुद्धपिसं उगु अवस्थाया वखत सीका बोधिसत्वयात खं न्यंकल ।

भो सत्त्ववत्सल बोधिसत्व मणिचूड नृप ! आः जिपि लिहांवने छपिहानं बिबिध प्रकारया शोक सन्तोष लाइगु राजगृहे (छें) वना राज्ययाय्गु गृहजाले तक्कनीगु ज्या पावने म्वाल थन तपयाना ध्यानखंका आनन्दं वासया धया उगु समये प्रत्येक बुद्धपि प्यहास्ये बिदाकया ऋद्धिया बलं विमाने च्वना आकाशमार्गं थःपिगु थासे लिहां बिज्यात ।

उगु इले बोधिसत्व मणिचूड राजा क्वातुक आश्रमे च्वना ऋषि भावया रूपं सुखमन याना आनन्दं तपचर्य्यं याय्त् गुलिच्वने मागु खः उलितकनं च्वने धका चिन्तना याना च्वन ।

देशबासी प्रजागणपि संसारयागु भोगे हिता वासयाना च्वन । विद्वान्पि मुना परस्पर देशे सकलयात भिगु खं न्यका सन्तोष याना च्वन । अनंलि बोधिसत्व थथे चिन्तना याना तप ध्यान यात ।

सुनां गुगु प्रकारं पाप अथवा पुण्ययाना च्वनि वगु प्रकारं पुण्ययाह्य स्वर्गे वनि पापयाह्य पापी नरके बास याइ । स्वर्गे च्वनीपिनं विविध प्रकारं सुखभोग याना मोहे लाइ हानं कुतुं वया पुण्य फुनालि नरकेबास याइपि दु ।

नरके च्वपि पापीतनं लिपा धर्मानुशासने च्वना स्वर्गे बास याइपिनं दु । स्वर्गे च्वनानं धर्मयागु शासन द्वारा स्वर्गं च्वे सुगति अनेक भुवने बास यावनिपिनं दु । थुगु तालं विविध प्रकारया सुख दुःख पाप पुण्ययाकें फल भोग याय् मालोगु धका पण्डित-जनपिस सीका कना च्वन । ज्ञानी जनपिरां तृष्णा लोभयात विष तुल्य याना तोता योगी स्वरूप जुया तपोवन वनी ।

एवं प्रकारं मतीतया एकचित्तं ध्यानयाना योगाश्रमे च्वना तप याना बिज्यात । तामें अभ्यास दुपि बुद्धिमान्पिसं अवश्यनं याइ हे मन सीकि धया बोधिसत्व हर्ष जुइका च्वन । थ्व बोधिसत्व राजा बने याकचा जूसानं छुं भय मकास्ये गुम्हजा दयालु प्रज्ञा (ज्ञान) बहन याना नित्य ध्याने मान जुयाच्वन ।

भनुष्यलोके तथा म्येगु लोकेनं प्राणिपि नित्य काममारया बसे लाना दुःख भोगे लाइगुयात सुखभोग जुल धका खुसि जुया च्वनि । जिनं मैत्री चित्तं अभिमान तोता विपरीत (अख जुइगु) ज्या सीकेमा ।

शरीरं परिश्रम याना धन फुका धर्मयाइ तामासे लाना परप्राणि स्याना स्याका स्वार्थिया व्यवहारे भोग याइगु दु । थुजागु अःखगु विपरीत धर्म तोता अहंकार मयास्ये शान्तिरूपं च्वने फेके । परस्पर परयाजय मंगल जूगु खना द्वेष भावं

निन्दा याना अभिमान याय्गु दुष्ट स्वभाव चाण्डाल धाड ।

स्वके मैत्री भाव खः करुणाया चित्त जुइ वंके उजागु दुष्ट स्वभाव कदापि दैमखुः । थगु शरीरं वचनं चित्तं करुणाया गुण म्हसीका पाप कर्मया ज्या मयाय्गु मधाय्गु चित्तो मतेगु । भाग्यं देवता मनुष्य जुयानं भक्ति श्रद्धाया शुद्धाचार शील स्वभावया मूल (हा) करुणा एवं मैत्री चित्तयाय् मफुत धाःसा म्येगु दानव (दैत्य) कीटाणु पशु पंक्षि जन्मे गुवले दैगु ?

सद्गुरु असलम्ह ज्ञानि गुणिक पठिक अनुभोग दुम्ह गुरुया प्रसाद सिद्धि लाभ दुम्ह शिष्य जूसानं धर्म गुण शील शुद्ध स्वभाव आचरण सिद्धि तापाका अहंकार ज्ञाने भुले जुया जुल धाःसा उह्य व्यक्ति दशेन्द्रिययात चीगु ज्ञान ह्यमसिया मोह जाले लाना मैत्री करुणाया चित्त आपालं दूर जुइ ।

थुजागु जिनं सीका मैत्री भाव करुणा चित्तं मनयात समाधान याय्गु ज्या जित आः प्राप्त जुइन खसि जुः धया यःगु मनयात बोधयाना थन तप याके हल ख्व असंख्य गुण दायक मित्रपि खः । हे चित्त ! (मन) छं पवंतथ्ये निश्चल जुया थन सून्यगु बने च्वना ध्यानया । ह्यापानं छे च्वना राजा धाय्का प्रजापित्त धर्मया खं न्यकार्ये ज्या न याय्मा ।

धर्म हे खः परम अत्यन्त रक्षा याइह्य त्वाय् जुइ । विपरीत अखगु ज्या याकी-मखुह्य सु धाःसा बोधिज्ञान दुह्य व्यक्ति खः ह्यसीकेमा, विपत्तिकाले रक्षा याइम्ह मैत्री करुणाया चित्तं यागु धर्म खः बोधिज्ञान । गुवले विपरीत अखगु ज्या याकी मखुः । गुम्हसिनं थुजागु सीका प्रयोगयाय् फड व माफि थः हे जुया संसार समुद्र पार तरेयाना सुखालये (सदानं सुख त्रुडगु) सुखावतो बुद्ध भुवने थ्यंक बनि ।

त्यागचित्तया दान शील, मैत्री करुणाया क्षान्ति (सहयाय्गु) थुजागुलि युक्तगु ऋद्धि खः वीर्योत्साह जुइका एकाग्र चित्तं ध्यान याइम्ह सु खः वं प्रजा (गंभीरगु बोधिज्ञान) म्हसीका षट्पारमातां पूण याइ बुद्ध हे जुइ । न त्याग चित्तया दान शील मैत्री करुणाया सहयाय्गु क्षान्ति तथा वीर्योत्साहया ध्यान, थुजागुयाकें होन जुइका

चवंम्हसिनं गम्भीर ज्ञान खः बोधिज्ञान धाड प्रज्ञा म्हसिकेत थाकुइ गथ्येजा तुति बः मलाह्य न्यासि वनेबलेथ्ये समान जुइ धंतगु दु । अतः तुति ह्यापालाक बःलाकेमा अले तिनि न्यासि वनेगु समर्थ बःलाई ।

गुह्यसिके प्रथम त्याग चित्त दानपारमिताया पुण्य मैत्री भावया करुणाया चित्त दै वं क्रमशः म्येगु फुकं पूर्णयाना काइ । थुजागु अप्रमेय पुण्य संभार ज्ञान संभार चित्तं ध्यान याना तपयाह्य बोधिसत्व मणिचूड राजा हिमवतं पर्वते बिज्याना च्वन ।

अनंलि उगु थासे गौतम नाम महर्षि छह्य थ्यंकवल बोधिसत्व तप ध्यान याना चवंगु खना मती चिन्तना यागुनं सीका न्ह्योने वना धै बिज्यात ।

भो महात्यागी बोधिसत्व महाराज ! बने याकचा च्वनेगु केवल तप ध्यान याय्गु उत्तम कार्यं खःमानं राक्षसादि धुं सिंहपिगु नाना प्रकारया जन्तुपिगु भय दु । थुजागु थासे निर्भययाना खुसिजुया तपयाना च्वन धन्य खः तर सन्तान वःमलागु कुल छे तोता थुजागु बाँलागु उमेरे योगीजुया बोहें पंछिसमानं एक चित्तं च्वना निश्चय थ्व तप ध्यान छपिस याना च्वन थथ्येयाय् थाकु । हे प्रभो ! आराधन याइ मनोरथ कार्यं सिद्धयाय्त सत्पुरुष धैर्यवानपिसं धर्मयाइ गुगुंबखते थथ्ये खः ध्यान थःगु छे च्वना अथवा वने च्वना ।

श्रीमान् बिद्वांन्वर्गपिसं लोका छे वा म्येथाय गतं देवालये शून्यगु नान्दतर थासे च्वना याइगु खः । धीरवन्त गंभीर शान्त स्वभावपिनं विराग चित्त जुया भिक्षाकया चाहला धर्मयाना जुइ । निर्वुद्धि मूर्खजनपिसं तुच्छयागु अपमान तोति ।

वस्त्र बाँमलासानं इष्ट मित्रादि त्वाय् पासापि मदुसानं बनान्तरेवया दुःख मतास्ये शरीर बाँमलाक दरिद्रह्य फोगीं तुल्यजुया गोप्ययाना जुइगु स्वभाव दु । थुपि गथ्येयाना शोकया बसे च्वनिमखु ।

थुमिगु अवस्था निश्चय मेव छपिगु गंभीर स्वभावनं खः । अथ्येया निम्ति भो महाराज ! राजकुले बिज्याहुं दुःखिपिगु रोग मदेकीह्य मालीक छपि खः । ह्निह्नि दान

शालास चवना दानबिया चवनीह्म खः । थन बने छाप् दुःख सिया चवनेगु थन सुनानं दान काबईमखुः दानशालास छपि मदया बिशोभा जुल दानशालाय् बिज्यासा शोभा दइ ।

यज्ञस अग्निदेबतायात स्वयानं यज्ञशालां पिहा बह्म राक्षसयात सन्तोष जुइक थःगु देहया ला हि थमं ध्यन । नकूगुनं तःधंगु तप ख । राजकुले राजा मदया प्रजापिनि दुःख जुया चवन राजगृहे बिज्यासा शोभा दइ ।

थथ्ये गौतम महर्षिजुं मायातया धागु खैन्यना बिशेष ध्यान याय्गु छे' बने खः धका सीका काम अनेक तृष्णाया उपभोग त्याग चित्त जुइका चव्ह्म बोधिसत्त्वं थथ्ये उत्तर बिया बिज्यात ।

भो गौतम महर्षि छपिगु वचन न्यना जि प्रशन्न हे जुः जि स्वर्गे भोग याय्गु इच्छा याना थन बने वया तपया वयागु मडुः । पर प्राणिना जय जुइमा धंगु निमित्तोनं ध्यान अयवा तपयाना चवना । अधर्मस पलाछिना काममुख इच्छा जुइका विषयात अमृत भापायाना चवनेगु तोता आनन्दं थन बने चवना ।

बोधिसत्त्वयागु चित्तया प्रभावनं सीका धन्य धन्य बोधिसत्त्व धया प्रशंसा याना प्रणामयाय् धुंका थःगु आश्रमे गौतम महर्षि लिहाँ वन । बोधिसत्त्वया थःगु इच्छा थ्ये ध्यान तप याना वनाश्रमे विज्याना चवन ।

अनंलि शाकेतु नगरे शान्तपुर महामंत्री तथा सुवाहुमंत्री पुनः म्येपि नार्यानि चवना देशे राजा विना शोभा गथ्येदइ धका सल्हायाना सकल मुनावना मरोचिमहर्षि-यात विन्तिभावं सन्तोष जुइका मणिचूडया पुत्र पद्मोत्तर राजकुमार कयाहया देशे राजतिहासने विज्याका राजायाना लिपा दुष्प्रसह राजायात भयत्रासविया युद्ध याय्त बह्मयात त्याका नगरे किसिगया परिक्रमयाना मंगलोत्सवजुइका प्रजापिन्त आनन्द जुइका प्रतापि महाराजा धाय्का चवन ।

अनंलि छुं लिपा पृथिवि कंप जुल थुकीयागु कारण खना स्वर्गया देवराज इन्द्र विचार यात । मर्त्यलोके मणिचूड राजा महात्यागी प्रतापी बोधिसत्त्वया ध्यान तथा

तपयागु पुण्यया प्रभावं पृथिवी हर्ष जुडका कं प जुया क्यन हानं श्वंगु चित्तया प्रभाव
स्वेधका स्वर्गलोके च्वंह्य धर्मदेवपुत्रयात सःता थय्ये धं बिज्यात ।

हे धर्मदेव देवपुत्र ! जिगु खं न्यना हुं महाविज्ञ मणिचूड नृपयागु तप ध्यान बः
लागुलि पृथिवि सना क्यन श्व भिगु खः । तथापि श्वंगु चित्तया हेतु छक स्वेमाल ।
वया पत्नी पद्मावती देवी खः बने मरीचि ऋषिया स्थाने च्वनाच्वन छं बलात्कारं हरण
याना तपयाना च्वंह्य मणिचूडयात क्यना वा । इन्द्रयागु खंन्यना भो देवेन्द्र ! तथाऽस्तु
जि वना मागु ज्यायाना वय् धया स्वर्ग लोकं क्वहाँवया धर्म देवपुत्र हिमवति पर्वते
धंका थः छह्य व्याधारूपकया म्येपि प्यह्य पासा देका मरीचि महर्षिया आश्रमे वन ।

अन श्व व्याधां धनुवाण ज्वना ग्यानापुस्ये च्वंगु ख्वापा मिखां स्वया सँ फं
फंतया आपालं बाँमलागु रुपजुया इन्द्रया आज्ञाय्ये पद्मावती ज्वनेत उख्ये थुख्ये चाहुला
जुल ।

उगु अवस्थाय् नित्यय्ये कोमल बस्त्रं पुना सुथे स्वां थोया फलखानाह्य् धका
सुन्दरी रुप पद्मावती देवी बने पिहाँ वह्य खनेवं उह्य व्याधां बलात्कारं ज्वना पाछाया
हया मणिचूडया आश्रमे सतिकयंका तोतल । व्याधा रुप न्याह्यसिनं चाहुला च्वन ।

अनंलि उगु इले श्व पद्मावती देवी भय त्राशं बिह्वल जुडका हाहा धका ततःसकं
हाला थः स्वामी मणिचूड लुमंका खोल । भो नाथ स्वामी महाराज ! छलपोल
गन बिज्याना च्वना जित धुं चलायात ज्वनेथ्ये थन बने व्याधा रुप दुष्टजनं
ज्वना हल छपिसं सीका थन याकनं बिज्याना रक्षा मयासा जिगु पतिव्रता धर्म विनष्ट
जुइन ।

भो दयालु प्राणनाथ महात्यागी ! छपिसं जि अनाथ मित्रायात खुंतेसं धन हरण
याय्थ्ये हरण यागु स्वया च्वने योग्य मजुः हाहा जित गुजागु आपत्ति विपत्ति शंकष्टया
अवस्था जुल । भयंकर रुप चाण्डाल व्याधातय्सं जित महा बिध्नयाना स्याइन जिगु
जन्म व्यर्थ जुडगु वखत थ्यन ।

भो धार्मिक महाकारुणिक सर्वसत्त्व वत्सल महाराज मणिचूड बोधिसत्त्व !

छपिनाप स्वयंवर शिरत्वाका कलशाभिषेक याना होंकागु विधिया धर्मपत्नी जुया स्वामीया आज्ञापालन यानागु खः मरोचि महर्षि अब्रुतुत्यं सेवायाना स्वाँथोया फलखाय् घका पिहाँवयाह्य छपिनि स्त्री जि महारानीयात धुं चलायात ज्वनीगु समानं ज्वना पाछाया थुजागु निर्जनबने तेहल आः जित थुजागु अबस्था जुलनं छपि वया याकनं थुगु शंकष्ट लिकामवसा सुनां रक्षा याइगु ।

हाहा भो देव स्वामी प्राण रक्षाकारी ! जि खोयागु ताय्का थन सोबिज्याहुं । एवं प्रकारं आपत्तियागु तीव्र दुःखया बेगं उच्चस्वरं स्वामी संबोधन याना बिलापयाना हगु शब्द तप ध्याने च्वंह्य मणिचूड बोधिसत्त्वं तावले करुणाया बेगं नुगले कप मान जुइका विचारयात ।

अहो थ्व उच्चस्वरं खोया छपि बिना रक्षा याइह्य स्वामी जित म्येपि मद्दु याकनं विज्याहुं मखुसा भतीचामात्र जिगु प्राण बाकिजुइन जि म्वागागु ब्यर्थ जुयाफुइन । थय्थे यौं छु आपत्तिया बेगं बिलाप याना जितजक नाम कया च्वंगु थन बने सुनां स्वैत छु दुःख बिल जुइ थ्व स्त्रीया स्वर खः जि सुं क च्वने मजिल दना सो मवन धाःसा गुगु प्रकारं छु भय जुया अनर्थ जुइन जुइ । सो बनेमाल थय्थे चिन्तना याना ध्यानयानागु तपचर्या दिना वया उख्ये थुख्ये स्वया चाहुला जूगु अवस्थास थः स्त्रीया आपत्ति जुया च्वंगु खन खनेवं उगु थासे थ्यंका गथ्ये थौंया अवस्थाय महारानी क्षत्रीकुले कलशा-भिषेक सहित विवाह याना तयाह्य जि धर्मपत्नी पतिव्रता स्त्री पद्मावतीयात थुजागु बनान्तरे व्याधारूप चाण्डालतेगु ह्लाते लात छु जुया जुइ अहो स्त्रीयात शरीर अनर्थ पायगु दुष्ट पापी न्याह्यसिनं चाहुला च्वंगु स्वया थुपि चाण्डाल व्याधा रूपधारोतेत थय्थे धं विज्यात ।

अरे पापि दुष्ट मनुष्यपि ! छिमिसं सोकि थ्व जि पत्नी खः जितनं ह्यसीकि थ्व स्त्री काश्यप गोत्र मरोचि महर्षियात सेवा याकेत छोया तयाह्यखः । छिमिसं खिचा बुद्धि न्याह्यसिनं छह्य स्त्री हरणयाना हल । थ्व पतिव्रतास्त्री यागु धर्म छपि अग्नि मण्मयागु समानं भस्म जुइगु श्रापकाय् मालि । हानं जिगु नं मरोचि महर्षि यागुनं श्रापकाय् मालि । सोह्यसिगु श्रापं छिपि भूत बन राक्षस फा खिचारूप जुया थनहे बने सदानं च्वने मालीगु चिन्तनाया ।

श्व कल्याणकारी मिसायागु ख्वाः स्वया माता (मां) तुल्ययाना पालिनिपासं भो पुया जिमिगु अपराध सहस्र क्षमा धया विन्तिया मखुसा स्नापवित्यल । थथ्ये धागु न्यना गरुडया न्ह्योने सर्प च्वनेथ्ये केकेकुना ह्य थरथरं खाका न्याह्य व्याधारूप पापित भयत्राशं व्याकुल जुइका ख्वाः वञ्चुस्ये च्वंका लाज भूमीस भोःसुला ह्लाति थःथःगु ख्वातोपुया च्वन । उगुइले नापं च्वंह्य स्वामी बोधिसत्वयागु मुख मण्डल खना पद्मावती भयंकर भयत्रासं त्राहि जुया ग्याना च्वंह्य गथ्येजा राहुग्रहनं किनातगु अन्धकारं तोतीवले पुह्लोखुन्हु रात्रिस चन्द्रमा प्रकाश जुया आकाश पृथिवी निर्मल शोभायमान जुइथ्ये भयत्राशं मुक्त जुया पद्मावतीया रूप अत्यन्त शोभाया तेज प्रकाश जुल ।

हानं अमाइखुन्हु सुथे राहुग्रहनं किना च्वंगु अन्धकार तोतीवले सूर्य्य प्रकाश जुइथ्ये मणिचूडया रूप प्रकाशनान् जुल दंपति निह्यसिया वं वडगु वंवडगु दृष्टि एवं ख्वा चूलाना ह्लिला मन आनन्द जुइका पतिव्रता धर्म बःलानिगु खँ न्यंका न्यना महाहर्ष जुइका पद्मावतीयात थना, पापि व्याधारूपं ज्वना पाछाया हगु मात्र खं कंगु न्यना स्त्रीयात दानपारमितायागु पुण्य प्रभावं छन्त रक्षा जुल धया शिरे ह्ला दिका धन्य प्रशंसा बिल ।

अनंलि न्याह्य व्याधा रूप चाण्डाल स्वभाव यानावपि तीजक दनावया माता (मां) स्वरूपं पद्मावती देवीयागु पालि भोः पुया न्याह्यसिनं हानं पिता (अबु) स्वरूपं मणिचूडयागु पालि भोःपुया ह्लाः विन्तियाना सहस्र क्षमाफोना करुणाया चित्तपिसं क्षमा ब्यूगु तथाऽस्तु याना क्षमाजुल धास्येलि स्नाप वीगु भयं न्याह्यं विस्युं वना स्वर्ग लोके थ्यंका इन्द्रयात फुक खँ कना मणिचूडयागु पुण्य संभार सीका च्वन ।

अनंलि थुजापि दुष्ट बुद्धि स्वभाव जुया वपि इन्द्रयागु मारगण न्याह्यविस्युं वंगु खना पलेस्वाँथ्ये शीतलगु मनयाना पद्मावती देवीनं थः स्वामी बोधिसत्वयात निपा पालिस ताउति भोःपुया दना ह्लाः निपां विन्तियाना मिखास खोविवेका तच्चगु स्नेहया स्वरं विन्तियात । भो स्वामी ! आः जितनापं बोनायंकि छपि च्वनेगु थासेतया रक्षा याना विज्याहुं ।

उगु बेलास बोधिसत्वं श्व पद्मावती देवीयात तत्सकं भरोसा दिया थथ्ये धं

विज्यात । हे भद्रे कल्याणकारो देवी ! जिगु खँय आतक अनर्थमयानि थुगु प्रकारं प्रिय वियोग दुःख (योह्यनाप वियोग जुइगु दुःख) अप्रिय संयोगदुःख (मयःह्यनाप च्वनेमालीगु दुःख) जन्म जुइगु दुःख बुढा बुढो जुइगु दुःख रोग जुइगु दुःख सिनावने-मागु मृत्यु दुःख शोक सन्तापजुया मती अनेक पोडा जुइका नुगले सन्ताप जुया नाना प्रकारं इच्छा जुया बिछन जुइका द्वलंद प्रकारं दुःखया कु कुविया संसारे बासयाना च्वंयि सत्त्व प्राणिपिन्त आपानं पीड जुयाच्वंगु जिनखना ।

हानं राज्य भोगयागु ऐश्वर्य दक्क एवं छन्तनं तोता त्याग चित्तं दानशील मैत्री करुणाया आन्ति धारण याना बनबासजुया ध्यान दृष्टि तपयाना प्राणिपि उजागु दुःखं मुक्त जुइगु कारणे करुण्य चित्तं तपोवन धाइ एकान्त आनन्दं बासयाना च्वना । छ मरोचि महर्षिया स्थाने वना ह्यापाय्ये अबुतुल्यं सेवायाना च्वंहुं जिनं तपयावने छ ग्याय् मते जि तवय् । थुलिमात्र खँह्लाय् सिधेवं इन्द्रं छोपाह्मि मारपित त्याकल । आः जिहे वनेगु चिन्तनायाना काम धातु भुवनया मालिक दोषीमारया विचार वो'धसत्त्व मणिचूडं जितनं त्याकेत कामराग तोता वैराग चित्तयाना हानं तप यावनीन थ्वंगु चित्त स्यंका तप भंगयाना वीमाल घया पासापिन्त खँ न्यंका उगु थासं क्वहाँवया अन बने थ्यंका माणवक रुपकया (मोतिरत्न हालयागु तिसां तिया छह्य तःधंह्य जुजुथ्ये च्वंक जुया) वोधिसत्त्वया न्ह्योने वया प्रणामयाना थय्ये खँ न्यंकल ।

भो प्रियपासा ! थ्व पद्मावती देवीया रुप अति सुन्दरी युक्ती सुसंपन्न जुया छपिगु वचन पालन याना च्वन तथापि तच्चतं दुःख जुइका खोया जुल अथ्यया निमित्तो पत्नीयात दुःख बीमज्युः मिसाजाती गनवने गन च्वने जुइका थःस्वामी नित्य लुमंका स्त्री धर्मं मग्नयाना च्वन । थुजाह्य सुन्दरीयात तोत्येयोग्य मजुः । मिसाया देह वने छुंतेसं यंकेफुः । आःहानं वने तोत्ये मजिल छगुवार रक्षा जुल हानं जुइफुः । थ्व दुःख मदेकेत छपिथ्ये जाह्य अर्हतं करुणातया स्त्रीया दुःखयात मोचनयाय्त् नापं स्त्रीबोना वेशे राजा धाय्का छे आनन्दं बासयासा गुलि शोभा जुइगु । थ्व पद्मावती देवी नापं राजगृहे बिज्याहुं वने स्त्रीयात तोत्ये म्वाल छपिनं बने च्वने गात अविलंब शाकेतु नगरे राज्यसिंहासने च्वं विज्याहुं ।

हानं ह्लापाथ्ये दानसहित यज्ञारम्भ यांना बिज्यासा छपिगु मनोरथ कार्य याकनं सफल जुइ छाप् बने च्वना दुःख सोगु थ्व खं खःधका मतीतया ज्या यासा स्वर्ग लोके बास यावनेगुनं अवश्यदै ।

थय्येधागु खें न्यना बोधिसत्त्वं विचारयात सु थ्व जित मखुथ्ये चित्त अथीर जुइका धर्म स्यंकेत खें ह्लावह्य मनुष्यला अथवा अमनुष्यला । अनंलि सीकल थ्व अवश्यनं मार वह्य खः जिगु केवल जिमिगु तप धर्म विधन याय्त वह्य धंगु निश्चय जुइका धं बिज्यात ।

हे धर्म विधनकर्ता मार ! गथ्ये मसिल छं बोधिसत्त्व धर्मसत्त्वपिन्त मोक्ष छोयेगु अर्थात् मोक्ष वने फँगु कारणे दुष्करचर्य्य सद्धि द्वद्धि जन्मस यांनागु पुण्य जित मोहयांना विधन याय् त्यनाला । किन्तु छंगु खें व्यर्थ जित स्यंके फँमखुः छ गन वने मागु खः अन याकन हुं गनंनिस्ये वयाह्य छ जित पासा नालावल देवता अथवा मार किन्तु ब्रह्मा इन्द्र मनुष्यपिसं जगतस ज्ञान संभारं पूर्णपि बोधिसत्त्वपिगु गौरभ गंभीर क्रिया दुष्करचर्य्य स्यंके फँः मखु । जित अथवा जिमित छलेयाना व्यवहार धर्म मोह तृष्णास लाइगु अज्ञानं खंका तामास धर्म ह्लापानिस्ये मयाना मच्चना ।

छ दुःखि नुगस्याह्यसिगु कुबुद्धि कुज्ञान जित अथवा जिमित छलेमदुः छंगु खें नं न्यने मखुः । छंगु स्वभावयात धयागु खः छं जिखना तँमोय्केमते छ थःगु थासे लिहां वंसा जित भौजुइ । थुजागु वचन न्यना लज्जाचाया ववछुना च्वन हानं म्येगु खें न्यंकेगु समर्थ मन्त ।

अनंलि गुह्यजा धर्मया ले दुःखिह्य सहयाय् मफुह्य मारया थ्वंगु चित्त गौरव ज्ञान गंभीर दुष्करचर्य्य बोधिसत्त्व क्रिया जिनं स्यंके फइ मखुतः धंगु सीका दुःखि दुर्मन (दुःखि स्वभाव मखुगु मतीतयावह्य) पश्चात्ताप जुईका उगुथासं अन्तरगत जुया लिहांवन ।

अनंलि बोधिसत्त्व दुःखि स्वभाव मारदेवता खःधका सीका बिस्यु' वंगुलि आपालं हर्ष जुइका हानं फेतुना च्वंह्य पद्मावती देवीयात थुगु प्रकारं आज्ञाजुया बिज्यात । हे

भद्रे कल्याणी स्त्री ! दुःखताय् मते आ छुं हे धन्दा मन्त ग्याय् म्वाल दें धया थना हानं तवह बिल । शोक सन्तापयाय् मते भतीचामात्र जूसानं शंकष्ट मुक्त जुयावन थन छन्त जित गुजागु अवस्था जुल सुसु वया छु छु धावल छं न्यना स्वया च्वंगु खः ।

अवश्यनं धर्मयानागु पुण्यनाप बियोग जुइका च्वनेमालीगु अवस्था मारवगु मछाला लिहांवन । किंचित्मात्र जक म्वाना च्वंसानं मनुष्य धाय्का जन्म कावयागु आर्य्य धर्म कुशलकर्मया ज्या त्यागी जुइगु करुणातेगु थःनं परनं कल्याण जुइगु खः ।

जन्म जुइवं सिना वनीबले छुं कुशल कर्म याय् फइमखुः । कीत संयोग व बिप्रयोग (आनं नापं लिपानं नापं च्वनेगु) सिनावंसां हानं म्वाना च्वंसां लिपाथ्यंक विनांगु जुइमखुगु उत्तम चर्य्य क्रिया चूलात । अध्येया निर्मित हे भद्रे कल्याणी ! वनेनुः काश्यप गोत्र मरीचि महर्षिया स्थाने सिंगु कर्मयाके धर्मयाना पुण्य प्रसाद कापगु खः थुगुप्रकारं ज्ञानं खंका धर्मयागु स्तम्भ (थां) घेः पुना लिपाथ्यंकनं मतोतुस्ये संम्यक संबुद्धया मुख्यह्य शिष्य जुइफेकेत जिनंछन्त ज्ञान बिया थन च्वनेगात मरीचि महर्षिया आश्रमेहुं ।

अनंलि स्वामीया बचन न्यना पद्मावती देवी स्वामी बोधिसत्त्वया पालिस ताउति भोःपुया नुग मछिका खोविवेका खाः छिउंस्ये च्वंका क्मुकातया ताहाकगु श्वासह्लाना स्वामीया खाः मिखा पतिमयास्ये स्वया बिनितयात । भो महाराज स्वामी महा-कारुणोक ! जित गुजागु तीब्र दुःखया रोग जुल हाहा थुगु दुःख रोग सुनां लाय्कीगु ।

फुक ज्याय् नं आनन्द जुइगु भाग्य थ्व गुजोगु जुइ जिगु शरीर कंपमान जुया च्वन तिनि । भो स्वामीनाथ ! थौं छयि दर्शन प्राप्तजुल हानं तोता महारानीपद दुह्य पद्मावती जि दासी जूवनेगु छपिनाप वियोग जुया च्वनेगु धिकार मृत्यु जुइवले बियोग जुइगु स्वभाव सकलया दु । सजीव दंपती वियोग जुइका म्वानाच्वनेगु थ्व पापकर्म मिसाया खः न मिजंया । स्वाम्वा मि भस्मजुइगु धिकार निह्यसियां सि धुंका मि भस्म जुइगु परलोक वनेगु खः ।

थुलि दुःख प्रकतयाना बारंबार स्वामीया खाः स्वेगु नापच्वनेगु इष्ट मित्राविपि त्यागयाना तः धंगु अभाग्यया शोक सन्ताप सहयाना च्वने थाकू । थःथःगु पापया भोग

जिनंयाय् आः छयाय्गु जिगु कर्म धया पद्मावती देवी मरीचि महर्षिया आश्रमे बुलुहुं
खोविवेका स्वामीया खाः लिफः लिफः स्वस्वं गमन यानावन ।

ऋषिया आश्रमे थ्यंका प्रणामयाना थःगु दुःखया समस्या (खँ) फुकं कना
खोल । पद्मावती तीव्र दुःखं खोया धागु खँ न्यना ऋषियानं नुगमर्छिका करुणा उत्पन्न
जुइका धाल । हे भद्रे पद्मावती ! थन चवनेगात जिनं बचन बी छुं शंखा तेम्वाल ।
छं पुत्रनं यंकल देशेराजाजुया चवन आः छनं हुं थुलि धया पद्मावती देवीयात रक्षायाना
उगु बेलास मरीचि महर्षिया थःगु ऋद्धि पराक्रमं आकाशमार्गं हया शाकेतु नगरे राज-
गृह थ्यंका राजाजुया चवंहा पद्मचूडयात लःल्लाना हर्षया खँ कना गथ्ये वयागु ख
अथ्येहे आकाशमार्गं ऋषि लिहांवन ।

अनंलि माता पुत्र समागम जूगु मां काय् निह्य राजगृहे (छँ) नापलागु समये
खुसिजूगु सकलया खा चःकंगु तःधंगु धर्मया उत्सव तुल्य मंगलोत्सव जुल । अनथासे
काय् नं शान्त चित्तं मंत्री तथा प्रजागणपि सता मां लितहगु खँ कना देशे ग्रामे बासयापि
सकल सन्तोष जुया दर्शन यावल राज्यस सुख ऐश्वर्य जुइमाल । भो महाराज ! तप
याह्य सिया तथा पुत्र महाराजयानं महामंगल दीर्घायु जुइमा धया प्रणामयाना सकलें
लिहां वन ।

अनंलि छुं लिपा दुष्प्रसहराजाया देशे मित्रद्रोहयागु पापं महामारी रोग (ह्लोइगु
फाइगु) भयंकर रोग उत्पत्ति जुया देशवासी प्रजापि आपालं मृत्यु जुया देशोपद्रव जूगुलि
तस्सकं दुःख जुल । विद्वान्पि पाख्ये अनेक शान्ति स्वस्ति चिकित्सायात शमन मजूगुलि
हाहाकार जुयाचवन । उगु बखते तपयागु सहाय्य मफेका मारवेवतापि मनुष्य रुपजुया
प्यह्य महायोगी धायाका उगुदेशे महामारी रोग शान्त जुइगु उपाय कने धका राजा
नापलाना उपाय जुइगु खँकन ।

भो नृप ! जिमिगु खँ न्य थन देशे भयंकर रोगं प्रजापि मृत्यु जुया उपद्रव जुल
धागु खँ न्यना जिपि योगी खः नुग मछिना तापाकं निस्स्ये वया थुकिया रोग शान्ति
जुइकेत उपायकने थथ्येखः । छपिनि मित्र मणिचूड बोधिसत्वया शिरेदुने मणिरत्न दु
उगुरत्न दानकयाहया तीर्थ लखं सिला लः सकमनं देशे छँ हाहा याना विल धाःसाः

याकनं उगु रोग उपद्रव शमनजुइ मखुसा छपिन्तनं थुगुरोगं थिया याकनं मृत्यु जुइफुः दानकाय्केछो व त्यागी खः बिया हैः धया थुपि लिहां वन । थुगु खँ न्यना दुष्प्रसहराजां न्याह्य ब्राह्मणपि सता खँ न्यंकल । बोधिसत्त्व मणिचूडराजा जि मित्र (त्वाय्खः) व महाकरुणायमान त्यागी खः कीगु देशे महामारी रोगं आपालं प्रजापि मृत्यु जुया वंगु विषये शमनयाय्त महौषधी (तः धंगु वास) छपिगु शिरे दुने च्वंगु मणिरत्न खः । जि ख्वया दान काय्के हल धाः कया हति धया तपयाना च्वंगुथाय् कना न्याह्य ब्राह्मणपि छोया हल । तथास्तुयाना वपि क्रमशः हिमवति पर्वते थ्यंकल ।

उगु समये बोधिसत्त्वया पञ्चावतीयात खँन्यंका लिछोयागु सार जुल । थुगु बखते दानपारमिताया ज्या पूर्णयाय्गु निमित्ते जिनं धनजन थःगु शरीरया छुं माया मकास्ये दानयाना वयागु लुमंसेवल । किन्तु आः थुगु जन्मेनं हानं याचर्कापि वया जिगु शरीरया ला हि न्ह्यपु हि धावपि दत्त धाःसा खुसिजुया यज्ञं पिहांवम्ह राक्षसयात दानबियाथ्ये यन्नं शरीर त्यागयाना दानवी थ्व जिगु तः गंगु भाग्यखः । थय्ये चिन्तनायाना तपचर्या दानयाना च्वंगु अबस्थाय् थ्व ब्राम्हणपि न्याम्ह न्ह्योने वया प्रणामयाना च्वंगु ध्यानं खन ।

मिखाकना स्वत थुपि छु धावपि जुइ जिगु आशय पूर्ण याय्त वपि जुइमा । भो भूतपूर्व तथागतपि ! धका ह्लापा जुया बिज्यापि तथागतपि स्मरण याना थुमित हर्षचित्तं नोतुल । अहो थुजागु थासे थ्यंकवल धन्य, न्याह्य मनुष्यपि तापाकनिस्ये वगु जिनं ध्यान दृष्टिखंका आः मिखांहे खन थन वगु छगु कारण अवश्यनं दैः धया बनया ऋषि आहार फलमूलादि बिया सन्तोष याना धेँ बिज्यात ।

छलपोलपि न्याह्य गनं बिज्यानापि गन बिज्याय्त छु कारणे थन थुजागु स्थाने वया न्ह्योने च्वनागु । थय्ये धेँ बिज्यागु न्यना थुपि न्याह्यसिनं हानं प्रणाम याना बित्ति यात । भो त्यागी करुणाचित्त बोधिसत्त्व महर्षि महाराज मणिचूड महाविज ! छलपोल धन्य खः जिपि वयागु कारण बिस्तारं कने न्यना बिज्याहुँ । छलपोलया मित्र दुष्प्रसह राजाया कुरुदेशे भयंकरं महामारी (थः क्वः चोनं कोनं वइगु) रोगं आपालं प्रजागग मनुष्यपि तत्कारण मृत्युजुया देशोपद्रव जूगुलि हाहाकारं दुःख पीड जुइका च्वन । उगु

दुःख शमन जुड़केत योगी महाभिषग् बंद्यराजपि प्यह्यसिगु उपदेश न्यना छलपोलया शिरेदुने च्वंगु शिरोमणि महारत्न तीर्थोदक (तीर्थलखें) सिला उगु तीर्थ लखं देशे छे सकभनं हाहा याना छेखापत्ति सेचन तथा रोगोपित तोंका बिल घाःसा अबिलंब (बिस्तार मजूस्ये) देशोपद्रव तथा भयंकर महामारी रोग शमन जुया वनि । थुगु महौषधी (तःधंगु अमृत वास) खः बिया है दान कयाहति घका दुष्प्रसह राजां जिपि छोया हगुखः निघा तं बिज्याहें ।

छलरोल निश्चयमेव सर्वत्रद (सुनां छु घाल उगु सकल बस्तु दानबीह्य) सर्वसत्त्वानुकंपक छपि सकल सत्त्वपिगु उपरे अनुकंपा कृपातया बिज्याइह्य । महाकारुणिक आपालं तच्चतं करुणा दुह्य । मैत्रात्मक सकल मित्र समान केवल थः समानगु स्वभावया शरीर मैत्री चित्तह्य धंगु लोके सकभनं प्रख्यातह्य खः ।

छपिनि मित्रं जिपि छोयाहया फोंकेहगु शिरोमणि याकनं लिक्का दान याना बिज्याहें । जिमिगु देशबासी मनुष्यापि अकाल मृत्युं तरेजुया म्वाइ अर्थात् अकालं सी माली मखुः । थ्व जीब दानतुल्य खः । भो प्रभू ! ननानं शिरोमणि फोने कुरुदेशे मंगल जुइ ।

थुगु प्रकारं घावगु खें न्यना बोधिसत्व तार्जति लेःताया च्वन । अहो धन्य जिगु भाग्य जिनं इच्छा यानागु मनोरथ कार्यं पूर्ण जुइन बाँलागु खें न्यने दत्त । परप्राणि स्याय् मागु मखुः थःगुहे शरीरे च्वंगु अमूल्य बस्तु खः दानयाय् दत्त । ह्तापानं परार्थे छह्यसिगु निमित्तो थःगु शरीरया ला हि दा स्यो क्वें इत्यादि दानयाना शरीर त्याग याना वया । आःनं सुनानं कावसा अध्ये हे दानयाय् धंगु मतीतया तप चर्या ध्यानयाना च्वनागु सकल यावल व जित तत्सकं बिश्वासयाना शिरोमणि दान काय्के हल अत्यन्त सन्तुष्ट जुया ।

जिनं परिश्रम याना कमाय् याना तयागु धन मखुः जन्म जुस्यें निस्यें जिगु शरीर-या शिरे उत्पन्न जूगु खः । थ्व शिरोमणि छगू जिके दुगु मणिरत्न दान बियागु याकें दुर्लभः मनुष्यापि अकाल मृत्युयाके मुक्त जुइगु धार्येलि छाय् बिस्तार याय्गु । थ्व

मणिरत्न दानबियागु पुण्यानुभावं दुर्लभ अति गौरव संख्या मदुगु धमया सिमाबुया
 वया बिम्बे प्राणिपि संसारयागु दुःख रूपि भुजुनालं मथोगु निर्मल शरीर जुया निर्वाण
 (मोक्ष) प्राप्त जुइगु प्रज्ञारूपि ज्ञानया फल अनगिन्ति सय्मा । उगु प्रज्ञारूपि फल
 सगु सकसिनं सोका खंका खाना काय्फेमा । कावसानं सिमां काय्मते धाइमखुः
 सीमा प्युह्य थुवानं अवश्यनं परार्थे सिमा प्पूगु खः पल काय् मज्जु धाइमखुः ।

थुगु प्रकारं बोधिप्रणिधि बोधिप्रस्थान बोधिपरिणाम संयोगजुया च्वंगु बोधिज्ञान
 तथा प्रज्ञाज्ञान ध्यानं खंका चिन्तनायाना ख्वाः चकंका हिला न्याह्य ब्राह्मणपिगु ख्वाः
 स्वया भरोसा बिधा थुगु प्रकारं आज्ञा देका बिज्यात ।

हे ब्राह्मणपि ! थौं छलपोलपिसं तःधंगु कार्यं याना बिज्याह्वे । जिनं आपानं
 दिन मास वर्ष दयावन इच्छा यानागु मनोरथ कार्यं दु ।

थौं थुगु जन्मस शिरोमणि रत्न दान याय्गु ज्या पूर्णयाय् । धन्य छलपोलपि
 महामित्र समान जुया बिज्यात सफल याय्त्थना । थौं जिनं असारयाकें उत्पन्न जूगु
 ष्व शरीर सार याय्त्थना । थौंया दिने सत्त्वपिगु दुःख मोचन जुइगु क्रिया खः धर्मया
 मूल जिनं याय्गु खः । थौं संपूर्ण परित्याग याना लोके भिगु ज्या प्रकाश याय् । थौं
 बोधिसत्त्व धंगु शब्दयात सफल याय्गुजुल । थौं दानपारमिताया ज्या पारंगत याय् ।
 दिन जित प्राप्त जुल । थौं मारया मुबन पुनः मारया छे कंय याय्गु खः । थौं मारया
 संताप शोक भयं दुःख जुइगु ज्या जिनं याय्त्थना । थौं संसार सागर पार जुयावने ।
 भिगुज्या जिनं याय्गु चूलात । थौं बोधिज्ञानयात नापं तंफंका त्याग चित्तया ज्याः
 प्रकाश याय्त्थना ।

सकल संपूर्ण दिशायाकें ताकालं बिस्तारगु परम बोधिज्ञान जित दुर्लभगु
 महारत्न प्राप्त जुइगु अबस्था सतित । संपूर्ण जगतस दुःखिपिन्त सुख जुइगु अमृत
 स्वरूपगु लखं हाहायाना त्वंका रोग शमन याय्गु वास नकिह्य महाबंद्यराज जुइगु दिन
 जित प्यंकवल ।

घोर संसार पातालनिस्थे देवलोक ध्यंक च्वंपिसं याय् मफुगु बल बिस्तार मजुइक याकनं निर्बाणि नगर उत्तमगु थाय् जिनं क्षमा बिया प्राप्त याय्त्थना अर्यात् लाभ याय्गु जुल ।

थौया शुभदिने देव गन्धर्व मनुष्यलोकं निस्थे किन्तु थुमिगु स्थानयात त्याका मोक्ष (निर्बाणि) कामनार्थे भिगु कुशलकर्म अति दुष्करया ज्या शिरोमणि मणिरत्न दानयाना अत्यन्त सन्तोष जुइगु जिगु चित्त खः ।

ध्व जिनं सहयाय्मफुगु तीव्र दुःखया रोगं सदानं सहयाये मफेका च्वपि कुरुनाम कौरव देशया जनतापिन्त आनन्द याय्गु निमित्ते मणिरत्न दानयाना आपालं सुख याय् ।

थौ बोधिज्ञाने लागु चित्तं आदर तथा छु दान कावगु खः उगु बस्तुदान याय्त् जिगु चित्त उत्साह जु । गन्धर्व किन्नर मनुष्य यक्षगण दैत्य देवताविपिन्त केवल सत्त्वपिगु कारणे थःगु शरीर दानयाय्गु कदाचित् फेमखु घाय्म्वा ।

थुलिजिनं प्रार्थना यानागु याकनं पूर्णयाय् घका ह्लापांनिस्थे मतीतया च्वनागु खः । थौ दानयाय्गु अवश्य खः जित कृपा दृष्टि स्वया शिरयादुने च्वंगु महामणि लिकाय्त् जिगु कपाया च्वसं शिरस स्वंगु भागे (स्वथाय्) किया लिकाय्गु उगु थासे महामणि दे ।

थौ तीव्रगु असह्य दुःख सहयाय्त्थना कृपाया बलं जिगुशिरे शस्त्रं किया लिका । सत्त्वपिगु कारणे जिनं मणिदान याय् थुगु मणिपाके सीत्यपि स्वाय्मा । थौ मल मूत्र कृमी सहितगु दुर्गन्ध शरीर त्यागयाना परया दुःख पीड जुया च्वंगु रोग शमन याय्गु कारणे धीरयाय् मफुह्य कातर मजुस्ये जिगु शिरे च्वंगु महारत्न दान याना सारगु धानया रत्न ग्रहण याय् ।

थौ मारया बल दक्ख कंप्प याना वया छे स्वानातगु ध्वजानं कंप्प जुइका कुतके । छुया निमित्ते थथ्ये याय्गु धाःसा शिरोमणि दान याय्गु प्रभावं तथा पुण्यपाके सम्भक संबोधिज्ञान लाभ याय्गु निमित्ते खः ।

थुलि धया बोधिसत्व हतासनं दना कमण्डलु जलभाण्ड (ल थल ज्वना थुपि न्याह्म
ब्राह्मणपिन्त हानं थय्ये धं बिज्यात । थुजागु प्रकारं जिनं धयागु सीकि । हे महा-
ब्राह्मणपि ! तांदत जिगु अभिलाषा खः इच्छा यानागु मनोरथ कार्य पूर्णयाना बिज्याहुं ।

थुगु ज्या जिनं सत्त्वपिगु कारणे थगु शरीर म्वाय्गु तोत्ये त्यना । थुगु ज्या
जिनंयाय् धयागु सत्यमेव खः म्वाय्गु दुसानं थुगु शरीर त्याग याय्गु खः सिनावनेगु ।
लिपाया जन्मस राजा जुया सुख भोग याय्गु स्वर्गस देवराज इन्द्र जुइगु मारदेव काम
राजा जुइगु केबल पृथिवीस चक्रवर्ती जुजु जुइगु आपालं धन सम्पत्ति दुह्य महाजन धन-
पति (साहू) जुइगु थुजागु छुं इच्छा यानागु मखुः ।

छु धाःसा संम्यक संबोधिज्ञान लाय्गु इच्छायाना - छु निमित्ते धाइ सत्त्वपिन्त
सुखजुइगु कृपातया ससार तोरं तरे जुइमफुपिन्त तरेयाय्गु मुक्तिजुइ मफुपिन्त मुक्तियाय्गु
पापक्लेश मोचनजुइकेगु छुं मस्यूपि अज्ञानि दुःखिपिन्त ज्ञानबुद्धि बिया सुखी जुइकेगु
आपालं आपालं जन्ममरणया दुःख भोगे लाइगु मिथ्या (फुठ्ठा) स्वाथि तृष्णा मोहया
व्यावहारिक तन्द्राय् लाइगु थुजायुयार्के मथीगु सत्य वाक्यख वचनयार्के फुक्क सोगु बुछेजुइगु
खनीगु बोधिज्ञान लाना शुभजुइगु अनन्तफल (संख्यायाय् थाकुगु) पुण्य लाभ जुइका
क्यनेगु कारणे खः ।

हानं दुष्प्रसह राजाया देशोपद्रव प्रजालोकपिन्त भयंकरगु महामारीरोगं पीडजुया
सिनावंगु विषयेनं उगुशंकष्ट दुःख तत्कारणं शमन जुइकेत खः । थुजोगु मनोरथ कार्य
पूर्णयाना जिगु इच्छा अनुत्तराया संम्यक संबोधि पूर्णजुइकेत मित्रंछोयाहल न्याम्ह ब्राह्मण
छलपोलपि खः ।

थय्ये धया बांलाक खेन्थंका तप यानागु थासं क्वहाँवया पुखुया दहने स्नानयाना
ब्राम्हणपिगु ल्हाःते लः हाय्का मणिरत्न दान बीगु काय्गु बाक्य बोंकल । बोधिसत्व
मणिचूड थय्ये लः हाय्का संकल्प याय्वं पृथिवी खुता प्रकारं कंपजुल । जम्बूद्वीप सकभनं
आकुल ब्याकुल जुइका च्वन । फेःवया धुफा दन सूर्य चन्द्रया तेज खनेमन्त हाकुगु
सुपाचं तोपुल चःकना बांनाना च्वंगु थासेनं खिउंस्त्रेच्वन । सकभनं उलोबोया दिशा
पत्ति मनुष्यपिनि मतोदाहजुन । खनेमदेक च्वना आकाशे दुंदुभिः बाजा थाना देवता-
पिसं सोवल ।

नदीस लःसुके जुयावन मुखू चिगुस्वां फल समेतं हायावन स्वांमा सिमा
बिशोभा जुल । बने च्वंपि पशुपंछिपिनं उख्ये थुख्ये भ्रमणजुया हालाजुल । जंबूद्वीपस
मनुष्यपि तस्सकं शोक सन्ताप जुइका हाला जुल ।

हिमगिरी पर्वते बासयाना च्वंपि राक्षस गन्धर्व महोरग सिद्धा साध्य किन्नरगणपिनं
तस्सकं शोकसन्ताप जुइका हाला जुल । थौं नानाप्रकारं उलुकापात मखुथ्ये जुया वयन
हाहा गुजागु कष्टयाय् त्यन बोधिसत्वयात अनेक दुःख जुइन ।

महाकारुणिक गुणिक प्रकाशह्य सत्वबत्सल राजषि मणिचूडं मणिरत्नदान याइगु
स्वेत आकाशचारी तथा स्वर्गोच्चंपि देवतादि इन्द्र एवं ब्रह्मलोके च्वंपिनं आपालं अनेक
देवतापिसं सोका बोधिसत्वया थुगु अति दुष्करचर्य्य असह्य वेदना (सहयाय् मफुगु कष्ट)
अद्भूत अतिभयंकरगु ज्या स्वय्हे फइमखुगु चिमिसं तःस्वाना शरीर कंप जुया जाइगु ज्या
याना दानयाइन याकीन घया अदृश्यजुया आकाशे च्वना सोवल ।

बोधिसत्वया उगु बेलास ब्राम्हणपिगु ल्हाःते लः धाराहाय्का संकल्य याबले कयहि
मती ग्याथ्ये च्वना धैर्य्यरूपं थय्ये धं बिज्यात । थ्व ग्यानापुगु ज्या जूया निमित्तो हे
ब्राम्हणपि छिमिसंन्य । जिगु शिरोमणि चसुवाले सोचाना च्वंगु खैः।व मणिरत्न अबश्यनं
कपालं निस्ये शिरोध्वंक स्वानावंगुलि लिकाय्बले न्ह्यपु समेतं त्येदना मखुथ्ये
जुइफुः दानयाय् मलाकं सिना वनिगु भयं अथ्ये मयास्ये तीजक ल्हाःति नाइस्ये च्वंक
लिकया जिगुल्हाःते छलपोलपिसं तयाव्युः जिनंखनि उगुमणि रत्नस्वया खुसि जुइका
दानयाय् । क्वेवना सुनानं मखनीगु थासे लोहंफाःदु अन दथ्वी च्वना थ्व ज्यायाय् ।
थय्ये धाय् धुंका उगु पुखुयादहं थासं ब्राह्मणपि नापं क्वहांवया क्वे जवंखवं ताजांगु बने
दथ्वी ल्होहंते च्वना बनं क्वहांवगुलः न्ह्याना च्वंगु शीतल खनामन आनन्न जुइका थुगु
थासे च्वना दानयाय् धया चित्तं प्रणिधानयात ।

स्वर्ग मर्त्य पाताल लोकबासीपि सकलें साछिदु जिनमैत्री करुणा चित्तं छुं मतीबलेश
मतस्ये थन उत्तमतीर्थे च्वना शिरोमणि दान याय्त्यना अनुत्तर संम्यक संबोधि ज्ञान
प्राप्त याय्गु निमित्तो खः । जगत् प्राणिपिनि पाप मोचन जुया सुख जुइमा ।

थुलि चिन्तनायाय् धुंका तः व्यागु ल्होहंकाया दण्वी च्वना पूर्वपाख्ये स्वया पालि
निपा नापंतया पुतुं च्वना निगः पुलि थःगु मनचा कःताका भतीचा शिर क्वहुना ल्हाः
निपां निपुत्वाना (तुति) क्वातुक घेः पुना वाक्छिना मिखानिगनं तोसिना हानं घे
बिज्यात । हे ब्राह्मणपि ! छलपोलपिगु बिचारं जिगुशिरे आम ज्वना वयागु कति
स्वयाय् किया मणिरत्न तोजक मस्यंक लिकया जिगु ल्हाःते ति बिस्तारयाय् म्वाल
याकनं छुं विघ्नमज्जीक ज्याया सुं मनुष्यपिसं खनी हाला बिघ्न याइ धका थन क्वे य्यंक
वयागु छः सीकि ।

थ्व जिगु शरीर अथवा मनस्थीरं च्वने धुन धया मयास्ये शरीरनं कंप मयास्ये
च्वनेधुन । हेमन छ ग्याय्मते थुलि धया बोधिसत्त्व सुकच्चन ।

थुगु वेलास थुपि न्याह्य ब्राह्मणपिनि सल्हायात थ्व महात्मा बोधिसत्त्वया न्ह्योने
छह्य लिउने छह्य च्वना निह्यसिनं सिफाय्गुय्ये थ्वंगु शिरे कतिकिया मणिरत्न
लिकाय्त् थ्व जोगु शस्त्र (कति) सुनां ज्वनेगु धया न्याह्य ब्राह्मणमध्ये निह्यसिनं कीगु
धया कति ज्वना थिकयात स्वह्यसिया जवेनिह्य खवेछह्य च्वना बिचारयाना स्वइपि
च्वन ।

उगु इले अन बने बासयाह्य बनदेवी बिज्याना ब्राह्मणपिगु खा स्वया घाल ।
अरे निःकरुणा ब्राह्मणपि ! छ म्वाकं तपचर्य्य ध्याने च्वंह्य महाबिद्धान् थ्व बोधिसत्त्वया
थुजागु दुर्लभ सुन्दरगु शरीरे आपालं दुष्कर चर्य्यगु ज्या करुणा कृपा दया छुं हे
मतस्ये चाण्डाल स्वभावं छिमिसं शस्त्र ज्वना बोधिसत्त्वयात घाटकयाना सहाय्य फेः
मखुगु दुःख बिया कुकर्मया ज्या याय्त् उत्साह जुया च्वन छाया छु कारणे थ्व भयंकर
रूपं असत्कर्म याय्त्त्यनागु याय्मते तोतो । हा हा गुजागु कष्ट जुइगु छाया थौं छिमिसं
तच्चगु पापकर्म याय्गु । ब्राह्मण जाति जुयानं थुजाह्य राजर्षि परम महाकारुणिक
सर्वज्ञत्व बत्सल दुःख सिया तप ध्यान यावह्य दयाधारीयात उपकार मयास्ये घाटक
याय्त्त्यन जिनं सहाय्य फइमखुः स्वय्नं फइमखुः थ्व ज्या तोता लिहां हुं ।

अनंलि बोधिसत्त्वं थ्व बनदेवीयात थुगु प्रकारं धया बोधयात । भो बनदेवते !

जगास्यंकेत अलमलयाणा विज्याय्मते थुपि जिगु इच्छार्थ्ये दान कावपि याचकपि खः ।
गनेमते जिगु थ्व बोधिज्ञाने विघ्नयाय्मते । थ्व छु निमित्ते धाःसा हे बनदेबते !
ह्लाहाहे जिगु थ्व शरीरे च्वंगु बस्तु सुनानं दान कावसा दानयाय् घका मनसंकल्प याणा
सयागु दु थुमिसं सीका दान कावल थ्व जिगु भाग्य खः । जिगु इच्छा थुमिसं पूर्णयाइ ।
धाःजित थुगु शरीर आपालंपुण्यगु याय्त्यन अध्येया निम्ति थुपि याचकपिन्त दानवीगु
मणिरत्न लिकाय्केत्यना जिहे कति किया लिकाधका बचन बियागु खः थुमिसं जित
बलात्कारं घाटक याय् त्यंगु मबु ।

थुगुज्या सिधलकि आपालं विस्तार मजूस्ये सः तिनावइगु अनुत्तराया संम्यक
संबुद्ध पद लाय्देगुयात तापाकेमते । हे बनदेबो ! हानं धाय् न्य-थ्व पृथिवीमण्डले जिनं
ह्लापा द्विछिक तकनं शस्त्रं थमं अथवा परं घाटक याणा याका त्यागुचितं शरीरदानयाणा
वय् धुन । आःथुगु छगु जन्मेनं जिके जन्मनिस्ये दयावगु खः मणिरत्न जिगु कपाया शिरेदुने
च्वंगु थमं लिकाय्मजिया थुमिसं शस्त्रंकिका अथवा फाया लिकया जित वीगु खः ।
अनंलि दुष्प्रसह राजां धयाहगु थुमित जिनं दानवीगु जुल धका सत्य बाचायाय् धुन
थुकी विघ्नयाय् म्वाल यात धाःसा मारबह्य जुई जिनं मारयात त्याके त्यना ।

केवल हानं धाय् न्य मारं अनुत्तराया संम्यक संबोधिपद लाय्गु तापाका बीत
अनेकतालं सनि । मैत्री व करुणा त्यागचित्तं बोधिचित्त उत्पत्ति जुइका च्वंह्यस्ये
अनुत्तराया संम्यक संबोधि पद याकनं सतिका प्राप्त याइ घका ह्लापायापि बुद्धपिसं धं
बिज्यागु उत्तम चर्य्य महायान बुद्ध धर्म खः धंगु प्रमाण ततः धंगु सूत्रे उल्लेख दु ।
जिनं याय्गु उत्साह जुइका थ्वज्याय् गने म्वाल । एवं प्रकारं धं बिज्यागु त्यागी
बोधिसत्वया गौरव अमृत बचन न्यनां बनदेवीं बिचारयात अहो धन्य थ्व बोधिसत्वया
तच्चवगु ऋद्धि एवं दान शील क्षान्ति बोध्यं ध्यान तप सहित तथागत बोधिज्ञान
खः प्रज्ञा थुजागु षट्पारमितां पूर्णह्य खः धया प्रशंसा याणा चिलावना सुंक च्वन ।

अनंलि बोधिसत्वं थुपि ब्राह्मणपिन्त थध्ये धं बिज्यात । हे याचक ब्राह्मणपि !
छलपोलपि थन बिज्याना जित छु याय्त्यनागु खः अविलंबया अध्येया कारण निश्चय
मेव याकनं जिगु कपाया छस्वागु शिरे शस्त्रं कि ॥ मणिरत्न लिकया जिगु ह्लाःते ति ।

बोधिसत्त्वं यथ्ये धास्येलि ब्राह्मणपिसं दया माया कृपा छुं मतस्ये निन्दायाय्
 बहुगु चित्त जुइका बोधिसत्त्वया कपाया भरोसाय् लागु शिरे जोगु शस्त्रं (कति) किया
 सिफायथ्ये फाया घाटक यात । अथ्ये यासानं थ्व महात्मा त्यागी बोधिसत्त्व थःगु शिरे
 जोगु शस्त्रं (कति) किया फाया घाटक यासानं तोत्र वेदना जूगु (तच्चतं स्यागु)
 दुःख सहयाना काम मारयाकें बिराग जुइ धुंकुह्य बोधिसत्त्व उगु तच्चतं स्यागु वेदना
 वाकूछिना सहयाना ब्राह्मणपिगु दथ्वी च्वना धैर्य्या बलं स्यागु सहयाय धका
 चिन्तनायाना सुंक च्वन ।

थुपि ब्राह्मणपिसं भयंकर चित्तं बोधिसत्त्वया शिर लोहंया छोने च्वना जोगु शस्त्रं
 (कति) किया फाया बिल । अथ्ये यागुलि बोधिसत्त्वया शिरस तच्चतं घा जुया हि
 सो सो दया बहन जुल ।

अनंलि उगु समये आकाश मार्गे बोया जुइपि देवतापिसं खना नुग मछिका धाल ।
 थुपि दया कृपा मदुगु चित्तपि ब्राह्मणपिसं छह्य साधारण प्राणियात स्याय्गुथ्ये सना
 ज्या यात तच्चतं स्यागु रोगं पोड जुइकानं सहयाना च्वन थ्व अहो धन्य खः धया
 नुगमछिका देवतापिनिनं सहयाय् मफुगु चित्त जुइका च्वन ।

अनंलि बोधिसत्त्व तच्चगु कष्ट नया दुःख जुइका च्वंसानं सहयाना क्षान्ति
 पारमिता विचारयात । जिगु इच्छा गनतक खः सहयानां सहयाय् मफुगु वेदना अनतकनं
 धैर्य्य एवं धीरता पूर्वक सहयाय्गु खः क्षान्ति उत्पति याय्फत धाःसा वीर्य्योत्साह
 वीर्य्यपारमिताया ऋद्धि बल पराक्रम धाइगु थ्व तःधंगु गंभीर उत्साहया रूपखः ।

सहयानां सहयाय् थाकुगु दुःख तथा कष्ट उत्पन्न थौं जित जुल खः जिलेःता छाय्
 धाःसा, ह्लापांनिस्थे नरके कुतुंबना च्वपि धीरयाय् मफया खोया काठर जुया दुःख
 भोग याना च्वपि पापित अत्यन्त तच्चगु नरकया सासने लाना (गालेकुतुंबका) च्वपि दै
 धंगु मोका मंत्रोयागु भाव प्रकाश यानागु पुण्ययाकें जिम्बाना च्वनागु शरीर आः थथ्ये
 सिना वने मासानं वने त्यना ।

थुगु कुशलमूलं बोधिचित्त उत्पत्ति जुइका अनुत्तराया संम्यक संबोधिज्ञान लाना थुजापि नरक बासी पापितेगु दुःखं मुक्त जुइका सिंहनादं अतिखुसि जुया हालेगु समर्थ खः । थ्व तच्चगु थौं बेदना सहयाय्गु खः थय्ये थःगु चित्तयात बोधयाना धै बिज्यात ।

बिस्तार जुल छं गुगुजा अभिबांछा यानागु गुबले पूर्ण जुइ । छंगु ला हि दा क्वे स्यो याकें रक्षायाना हित जुइका तगु थ्व शरीरयागु दक्क बस्तु थन थौं प्रत्यक्ष रूपं क्यना निश्चय बोधिज्ञान लाय्गु अति उत्तम धका छं सीकि । थ्व बेला थौं थ्यंकवल जित अथवा जिगु थ्व अनित्य शरीरया छुं माया मदु याकनं हे त्यागया ।

गुबलेतक मनोरथ कार्यं सफल मजुइ उबलेतक थन बिस्तार जुइमा अथवा बिस्तार मजुइमा अत्यन्त दुर्लभगु संपूर्णफल लाय्गु ज्या जिनं याय् । अथ्येया निम्ति भो चित्त ! हाकुगु बिरूप तोता निःशेष याना (बाकि छुं मतस्ये) जगत् रक्षाजुइगु कारणे पलेस्वाने गुलि गुण दु वथ्ये थुपि ब्राह्मणतेत याकनं कृपा तया क्षमा बीगु स्व । जिगु थ्व अनित्य आत्मा खः थुगु शरीरं दुःख सिया धैर्य्य (सहयाय्गु) अति उत्तम जुइ थय्ये बोधिसत्त्वं थःगु चित्तयात थोरयाना हानं थुगु प्रकारं धाल ।

अहो दुःख तच्चतं कष्ट खः संसारबासीपिगु दुःख खनीबलेनं सहयाय् थाकु तथापि सहयाना जिनं सत्त्वपिगु कारणे छगू छगू दुःख भोग सहयाना क्षान्ति पारमिता लिधंसा याय् । गथ्येजा कुं वंगु थासे च्वनेबले मिखा पालुया कनेमजि मिखा तिसिना सहयाना च्वनि । लिपा कुं चिलावनि मिखा कनेजिः पालुस्येनं च्वनीमखुः । वथ्ये त्यागिह्य बोधिसत्त्वया ब्राह्मणपिसं अत्यन्त निःकरुणा याना तच्चतं वेदना यागु सहयाना च्वन ।

गथ्ये गथ्ये थुमिसं निर्दया जुया बोधिसत्त्वयात जोगु कति बिस्तारं किया शिरे फाया घाटक याना च्वनि अथ्ये अथ्ये हे बोधिसत्त्वं थुमिगु दक्खी च्वना सहयाना दुष्प्रसह राजाया देतोवद्रव जुया सपरिवार प्रजापिगु दुःखया उपरे क्षान्ति धर्म मैत्री करुणा-याकें सहयाय्गु बोंगाले लः बुईभ्ये थःगु नुगले बुइका च्वन ।

उगु अबस्थाय् अनच्चवंपि ब्राह्मणपि बोधिसत्वं सहयाना च्वंगुखना थःथःपिंगु शरीरे चिमिसं तःतः स्वाका म्हः ल्हा खाका शरीर कुचुका तःच्चगु ज्या दुष्करचर्य्य खना अत्यन्त आश्रय जुइका च्वन ।

थःथः पासापिंगु ख्याः स्वया परस्पर खं ल्हात थ्व बोधिसत्त्व जक मखु त्यागी भगवान् खः । ल्लापा कोसं न्यनागुदु गथ्येजा निश्रयमेव थ्व महात्मा खः थ्व आत्मारूपी शरीरयात माया छुंहे मकास्ये दानकावंपि याचकपिन्त कृपातया धा धागु दानबीम्ह थ्वं छुं कल्पनानं याइमखुः गथ्ये ल्लापा क्खिसं न्यनागु खः अथ्येहे आ खन सिल । थ्वं द्वछिगु गुण धरे याना शरीर त्याग याइम्ह कोतनं करुणा तथा सहयाना च्वंम्ह खः । थ्वंगु करुणाया स्वभाव कोसं प्रत्यक्ष खन थ्व महात्यागी खः थुलि खं ल्हाय् धुंका थुपि याचक ब्राम्हणपिसं थःपिंगु ज्या सकल याय्त्यन ।

थुपि पुरुष ब्राम्हण याचकपिसं बोधिसत्त्वया शिर कपाथ्यंक कतिकिया (फाया) आपालं हि पिहांवया च्वंगुलि बनदेवी वया हि हा हा याना लिहां वंगुलि शरीर स्थोरं च्वना च्वन । उगु बेलास याकनं हे न्ह्यपु ग्वाराया द्योने च्वंगु पंच रस्मि सहितगु शिरोमणी रत्न तीजक लिकाल ।

बोधिसत्त्व अत्यन्त ग्यानपुगु ज्यायासानं मृत्यु जूसानं छुं प्रवाह मदुम्ह जुया अति कष्ट जुया स्यासानं महास्ये आइया मशस्ये मसस्ये क्षान्तिया बल बोध्यं पारमिताया ज्या वयना मनयात बोध जुइका समाधान रूपं एकचित्त याना च्वंम्ह जुया सुद्ध च्वन ।

अनंलि यमकिकर समान निर्गुण निर्गुणात्मकपि पुरुष ब्राम्हणपिसं न्ह्यपुग्वाराया द्योने पञ्चरस्मि सहितगु हानापं मणिरत्न (शिरोमणी) लिकाय् धुस्ये'लिनं उगु अबस्थाय् बोधिसत्त्व असह्य बेदनाया शरीर सजीव तिनिगुलि तीजक सना थुपि पुरुष ब्राह्मणपिन्त थय्ये धं बिज्यात ।

अवश्यनं निश्रयमेव छलपोलपि भद्रमुख देवतातुल्य जुया भिगु ज्या यागुलि जि मसीनि म्थाना च्वनतिनि । किन्तु म्थाना च्वतलेनं दानयाय् । यथाशीघ्र जिगु शिरे

च्वंगु मणिरत्न लिकाय् धुंकल जिगु ल्हाःते तयाव्यु जिनं थःगु ल्हाति स्थीर चित्तं
सन्तुष्ट याना दान बी । थय्ये धास्ये लि अनंलि थुपि ब्राह्मणपिनि सन्तोष जुइका
बोधिसत्त्वया ल्हाःती मणिरत्न तया बिल ।

अनंलि बोधिसत्त्व खुसि जुया ख्वाले हि सोसो देका थःगु शिरे च्वंगु मणिरत्न ताउति
स्वया अहो भाग्य थौं थुगु वेलास श्रद्धा व त्याग चित्तं दानयाय् । ह्तापांनिस्ये थुगुप्रकारं
दान बिया वयागु खः आःनं मणिरत्न दान कावल बीत्यना । शरीर वचन मन शुद्ध
जुइका थौं दान बीगु खः केवल थःगु धनरत्न थमंहे थःगु ल्हातीं दानयाय्गु उत्तमगु
क्रिया जुइ ।

गथ्येजा जिनं थ्व शिरोमणी रत्न दानयाय् धका संकल्प यानागु हित सुखचित्त
थःनं परयानं जुइगु कारण संयोग थनि चूलात । थुगु सत्य वाक्यद्वारा थ्व महा-
मणियागु प्रभावयाकें दुष्प्रसहराजाया प्रजागणपि तथा भ्येपि सत्त्व प्राणिपिनिनं सकलया
पाप रोग मोचन जुया निरोगी तथा सुखी जुइमा । संपूर्ण उपद्रव बिषयागु दोष दुर्भिक्ष
देशोपद्रव याकनं शमन जुइगु समर्थ प्रकाश जुइमा ।

मूल

मम च बोधिलाभार्थे कायंत्यगत्वा सर्वसत्त्वानां मैत्र्या स्फारयित्वा तेभ्यो ब्राह्मणे
भ्यो महताप्रसाद बेगेन तन्मणिरत्नं स्वहस्तेन दत्तवान् ।

अर्थ

जिगुर्न इच्छा बोधिज्ञान लाभार्थे मणिरत्न तथा शरीर समेत त्याग याय्गु सकल
सत्त्व पिगुदुःख बेदना फुकेगु उपकारार्थे मैत्रीयागु चित्तं थःगु शिरे कति फाय्का
(कीका) याचक जुया वपि थुपि ब्राह्मणपिन्त तच्चगु प्रसादया बेगं थुगु मणिरत्न
थःगु ल्हाःति त्यागी मणिचूड राजा बोधिसत्त्वं दानयाना बिज्यात । ।

श्रावस्ती नगरे जेतवन विहारे बिज्याना भगवान् बुद्धं थुगु खं न्यंकुगु अवस्थाप्य न्यनाच्चपि सकल तथा भिक्षुपिनि नुग मछिना नुगले ह्लाः तथा शिर क्वछुना च्वन । उगु समये हानं सम्बोधनयाना भगवानं आज्ञाजुल ।

हे भिक्षुगण तथा सकल ! अनंति मणिरत्न शिरोमणि दानयाह्य बोधिसत्त्वं चिन्तना यात । सकल सत्त्वपिगु उपरे थः समानं मैत्रीचित्तं दानयागु प्रभावं अनुत्तराया संम्यक संबोधि आराधना यानाच्चन ।

संपूर्ण जगत्वासी देवतापि अत्यन्त विस्मय (आश्चर्य) जुइका थःगु ज्या सफल याना सिद्धयागुलि धन्यं धन्यं धका सकसिनं प्रशंसायात ।

अनंति हर्षगु चित्तयाना च्वंह्य बोधिसत्त्व थःगु स्वभाव मतोतूत्ये धैर्यवान्ह्य छुं मतोचा सुंक च्वना शरीरे उत्साह दुसानं पीडा जूगुलि तागत् हीन जुया सूर्य खने मदेबलेत्ये मिखा खिउंत्ये च्वना मूर्छा जुया पृथिवीस गोतुल ।

देवतापिसं गोतूगु शरीरे आकाशं स्वांवागाका मंगल यानाहल । थःगु मनोरथ कार्य सफल यात । महाकरुणा बोधिचित्त प्राप्त यात प्रणाम दु धया शुभाशीर्वाद बिया हल । थुजागु प्रभाव जूगु स्वया थुपि ब्राह्मणपिस छलपोलया मनोरथ पूर्ण जुइमा धया प्रणाम याना बिदा कया मणिरत्न शिरोमणि महारत्न दान ब्यूगु छगू थले गोप्य रूपं तथा सुरक्षा पूर्वकं ज्वना लिहांवना याकनं थःपिगु देशे थ्यंका दुष्प्रसहराजाया थासेवना प्रणामयाग् धुंका सफल यानागु ज्या खं यथार्थं कना पञ्च रस्मि सहितगु शिरोमणि लःह्लाना खुशियात । । दुष्प्रसहराजां फुक खं न्यना शिरोमणि स्वया ताउति कंग कुले जुइय्ये कुलेजुया च्वन । अनंति अहो महात्यागी बोधिसत्त्व मणिचूड जि मित्र खः परार्थे करुणातया दान याना हल धन्य प्रशंसायाना शिरोमणी दर्शन व प्रणाम याना मंत्री तथा राजगृहे च्वपि सकलयात वयना अत्यन्त खुश जुया च्वन ।

मूल

बोधिसत्त्वस्य शिरोमणि तस्य महात्मनः सत्याधिष्ठानवलेन राज्ञो दुष्प्रसहस्य विजितेयन् । सर्वानुपद्रवान्सर्वानुपसर्गा न्सर्वाणि विशषानि तंचमहामणिं प्रक्षालनात्त्युक्षेण प्रशमितम् ।

अर्थ

बोधिसत्त्व मणिचूड राजा महात्मायागु सत्य अधिष्ठानया बलं राजा दुष्प्रसहया इच्छायागु पूर्णजुल । गथ्ये धाःसा मणिचूड राजां दानवियाहगु वसपोलयागु शिरोमणि महारत्न तीर्थलखं सिला उगु लखं दुष्प्रसह राजाया देशे सकभनं छेखापत्ति रोगीतेगु शरीरे हाहा याना बिल गुलि रोगी तेतनं त्वंकल थथ्ये याना ब्यूवले देशे सकभनं जुया च्वंगु उपद्रव भयंकर विष समानगु महामारी रोग तत्कारणं शमन जुया ह्तापाथ्ये उगु देशे सकलया आनन्द जुल । न्याह्य ब्राह्मणपिन्त दुष्प्रसहराजा लेः ताया शिलपा बिया सन्तोष यात ।

अनंलि गुह्यजा पृथिवीस गोतुला च्वंह्य महात्मा बोधिसत्त्वं दुष्करचर्य्य यागुलिं उगु बखते एवं त्रिसाहस्र महासाहस्र लोकधातु थ्यंक कम्प जुल । थ्व बोधिसत्त्वया अद्भूतगु ज्या शरीर त्यागयागु थ्व गथ्येजा सुनानं अथ्ये थथ्ये धाय् मफेके सकभनं पृथिवी कम्प जुया च्वंगुलि उगु अवस्थाय् सकले अत्यन्त आश्चर्य्य जुया च्वन । सम्पूर्ण पर्वत नदी समुद्रे खोयाहगु भयंकर शब्द पिहाँ वल । प्यंगू दिशाय् नं ग्यानापुस्ये च्वंक खसु हाकूगु सुपाँय् कुं वया नन्याना उलोदोल मनूत सकलया मती दाह जुइका ग्याना च्वन ।

चन्द्रमा तारा (नौ) ह्तिने खने दत्त सूर्ययातेज बुलुस्ये च्वंगुथे जुल । अदृश्य देवतापिं मखंक च्वना दुंदुभिबाजा थाना पोंगापुया काहा शंख पुया मंगलयाना हल । हाहाकण्ट बिना अपराधे घाटकयाना थ्व महात्मा बोधिसत्त्व महर्षि मूर्छा जुइका च्वने धुंकल धया उच्चस्वरं हाला अन्तरीक्ष देवतापिसं बोधिसत्त्वया शरीरे दिव्य सुगन्ध पुष्प पलेस्वां उफोस्वां जीस्वां चस्वां सुकुन्दरास्वां चमेलिस्वां लवंस्वां गुलफस्वां यलकोस्वां इत्यादि वृष्टियाना श्रीखण्ड रक्तचन्दन अगुरु चूर्ण होला सुगन्ध बासया धूप थना देवबाजा थाना शोकयागु मंगल यानाहल ।

अनंलि देवराज इन्द्र महेश्वर तथा म्येपि देव पुत्रपि अन थ्यंक बिज्याना कीपि सकलयानं मालोक तृत्यह्य बोधिसत्त्वयात तच्चगु वेदना जुल मृत्युजकं जुलला धका

हथाय्चाया शरीर थिया विचारयाबले चेतनादनि सजीवतिनि धंगु सीका उगु तीर्थया लखं सेचनयाना लःतोंका थःथःपिंगु तेजंखेका रक्षा याय्गुलि ध्यानतल । थुगु अवस्थास मणिचूड बोधिसत्त्वया थःगु शिरे कर्तिफाया मणिरत्न लिकागुलि घाःजुया बेदनाजुगु सहयाय् मफया मूर्छाजुइका गोतुला च्वन धागु खं न्यना दुःखताया थःथःगु आश्रमं दना गौतम भार्गव मरोचि महर्षिपि अन थ्यंक वया स्वत मरोचि ऋषि बिचार याना धाल ।

अहोकष्ट छु अर्थे छु कारणे थुजाह्य बोधिसत्त्वया शिरे थुजागुतालं शस्त्रंकिया बेदनायात थ्व यापि निर्दयात्मक सुजुइ धया चिमिसं तःस्वाका खोबिवेका थ्व ज्या जूगु कारण निमित्त लिपासीका उगु थासे उपस्थित जुया च्वंपि देवतादिपिसं विस्तारं परस्पर खं ह्लाना प्रशंसायात दुष्करचर्य्य याना क्यन थय्ये सुनानं ह्लापा यानावंपिदु धंगु न्यने फइ मबुः । लिपानं थय्ये ज्या याइपि सुं दैमबुः । आःनं थ्वहे छह्यस्ये जकयात खः म्येपिसं याय्फुगु थ्व ज्या मबुः । धन्य धन्य मणिचूड महात्मा शरीर बोधिसत्त्व धया स्वां देखाया प्रशंसा यात ।

थुगु प्रकारं दुष्करचर्य्ययागु खं सीका चिमिसं तःस्वाका नुगमछिका पराक्रमीत थःथःगु ऋद्धि आकाश मार्गं देवपुत्र तथा म्येपि न्यास क्रमरूपं थ्यंकवया थ्व मूर्छारूप बोधिसत्त्वया शरीर दर्शन याना स्वां देखाया प्रणाम याना धाल । अहो धन्य महासाधु धन्य त्यागी धका मिखाय् खोबि वय्का प्रशंसायात । थ्वहे खं न्यना भबभूति महर्षि हतासनं अनथ्यंकवया देवतापिके खं न्यना अत्यन्त बिस्मय चित्त जुइका बोधिसत्त्वया शरीरस्वया स्वां देखाया स्वया च्वन । विचारयाय् धुंका थ्व बोधिसत्त्वया परिवारपिंगु थासे वनेत मरोचि महर्षि च्वे आकाश मार्गं थःगु ऋद्धि पराक्रमं शाकेतु नगरे थ्यंकल । राजगृहे वना पद्मावती देवी थ्वया पुत्र पद्मे ार राजा तथा म्येपिन्तनं बोधिसत्त्वयागु शरीरया ब्यथा यथार्थरूपंकना थुपि सकलें मुना सतीगु शान्तपुरे थ्यंका अनया पुरुषार्थ-बान्पिनापं ऋद्धि प्रकाशयाइपि सहयोगकया आकाशमार्गं वना याकनं बोधिसत्त्व च्वना च्वंगु थासे थ्यंकल ।

मूल

पद्मोत्तर राजा माता पद्मावती सह परिवारो बोधिसत्त्वस्य पादयोनि पत्य प्ररुद न्नेकान्ते वस्थिताः । अत्रान्तरे च बोधिसत्त्वो धैर्य्य बल समन्वितः संज्ञा प्रतिर द्भवान् ।

अर्थ

पद्मोत्तर (पद्मचूड) राजा माँ पद्मावतीनापं चवना म्येपि परिवारपिसं नं बोधिसत्वया पालि निपायसनं भोःपुया खोया छवे एकान्ते चवन । अन उगु बखते बोधिसत्वं धैर्यया बलपिकया चेतना दयावल ।

तीजक उख्ये थुख्ये स्वत अनमुना च्वपि देव दैत्य मनुष्य गन्धर्व इत्यादिपि आपालं मुना च्वंगु खना छाप् थन थुलिमछि मुनाच्वंगु धका हानं विचारयात । अनंलि मरोचि महर्षिं बोधिसत्वयात थय्ये बिनितयात ।

भो राजर्षि बोधिसत्व ! छाप् थन छपि आश्चर्य जुयागु । बोधिसत्वं धै बिज्यात । अनुत्तर ज्ञान लाभ यायगु निम्ति जि थुगु थासे चवना संपूर्ण ज्ञानं पूर्णपि बोधिसत्वपिगु गंभीर चर्य थय्ये खः । छुं ज्या यानागुलि चैतन्यमन्त केवल विचेत जुल ।

मरोचि महर्षि अत्यन्त विस्मयचित्त जुइका बोधिसत्वयात हानं धाल । हे राजर्षि ! छपि मूर्छा जूगु कारण बाँलाक मसिल जिमिसं सु व्याधा पिगु ज्याजुल । सत्वपिन्त भयंकर चित्त जुया च्वपि दयाकृ॥ मदुगु मनपि पापकारीतेगु सिनावने मानी धैगु चेत हीनपि करुणा धैगु छुं हे मस्यु मस मदुपि दुष्टचित्त थुजापिसं जोगुशस्त्रं छपिन्त कपायानापं च्वंगु शिरे पाला घाटक यानावन धै बिज्याहुं ।

बोधिसत्वं हानं उत्तर बिल । गथ्येजा जित कल्याण मित्रपिसं आपालं दयातया यागु खः । ताकालं दत जिनं इच्छा याना तयागु मनोरथ कार्य पूर्णयाय्त दानपारमिताया ज्या सःतिका बिल । अत्यन्त खुसिगु चित्तं जिनं वचन विया । जिगु शिरे दुने च्वंगु शिरोमणी महारत्न लिकाय्त जोगु शस्त्रं (कति) किया फाया लिकया जिगु ल्हाः तेति धयाथ्ये ज्यानं यात । उगु रत्न जिनं दान विया छोप् धुन । केवल छुं संखा मदु ।

थुकियागु मुख्य कारण जि मित्र दुष्प्रसह राजाया देशोपद्रव प्रजागणपि भयङ्कुर महामारी रोग मृत्यु जुया च्वंगु बिषये तत्कारण सनन याय्त न्याम्ह ब्राह्मण याचकपि छोयाहल थुमित दान याना छोया जिगु कपा शिरे घाटकयापि थुपि खः तर जिगु वचनं

यागु खः । बोधिचित्तोत्पत्ति जित जुइमा । जित तीव्रगु बेदना जूसानं स्वैतनं दोष महु
किंचित् अपराध याय् महुः । सत्त्वपिन्त दूढ चित्तं जिनं भक्ति याना विमान आराधना
यानागु तुल्य जुया कष्टगु बिपत्ति प्राण त्याग याय् सना तथापि मृत्यु मज्जनि परयात गथ्ये
दोष बीगु । थ्व दान कावपि ब्राम्हण याचकपिसं तिद्धिया प्रसाद आपालं दुगु थाय् कयन
सत्त्वपिन्त जगते कल्याण जुइमा थय्ये जिगु चिन्तना दु ।

थुजागु चिन्तना याकें भद्रवटस अमृतं पूर्ण जुया महागुरूयात देवतापितनं त्वंकेफेमा
धंगु चिन्तनायाकें आराधना याना । गुगु कारण जुइमागु खः उगु प्रकारं थुगु दान यानागु
बलं तथा पुण्ययाकें जिनं उत्साहयाना नरके बासयाना च्वंपि पापित सछि दूछि लाख
कल्पतकं च्वनेमापिनं च्वने म्वाला सुखी जुइमा ।

थय्ये धावले मरोचि ऋषि बोधिसत्त्वयात प्रशंसा याना धाल । साधु साधु राजर्षि
बोधिसत्त्व अहो धन्य छपि खः धैर्यया महादूढ चित्त क्वातुगु प्रतिज्ञायाह्य महासाधु
अहो धन्य खः । छपि सत्त्वपिगु कारणे करुणा तथा स्नेह कृपा याना दान याइह्य थौं
छपि समान महाकारुण्य म्येपि महु ।

बोधिसत्त्वं धं विज्यात, हे काश्यप गोत्रोत्पन्न मरोचि महर्षि ! शिरोमणी रत्न
दान यानागु प्रभावं संख्यक सम्बोधिज्ञान लाना सत्त्वपिन्त बोधिज्ञानया बलं थःगु इन्द्रिय
रत्न समानं बलाका सन्तोष याना संसारयागु बन्धन याकें मुक्त याना बीगु इच्छा खः ।

हानं मरोचि ऋषि त्रिन्ति यात गथ्ये थुजागु ज्या जुइगु जि पत्थार मज्जुः । अनंलि
बोधिसत्त्व भतीवा सुंक च्वना धाल । हे महर्षि ! थुकें निश्चयमेव ज्या जुइ न्यना
विज्याहुं आः जिनं सत्य अधिष्ठान याय् । थुलि धया बोधिसत्त्व सकल सत्त्वपिगु
कारणे मैत्रीचित्त उत्पन्नयाना मनयात धीरपूर्वकं बोध याना प्रणिधानयात उगु बखते
सत्य उपचारया गाथा बोना प्रार्थना यात ।

मूल

यथा स्वदेह हि ममाद्य दत्वा
कृपा वशा द्वोधि परायणस्व ।

नाभू म्मनो विप्रतिसार जातं
मात्सर्य्य दीनत्व बिर्बजितं च ।१।
अनेन सत्येन सुभाषितेन
पुण्यानु भावेन च मे शरीरं ।
यथैव पौराण मभूतथैव
भवन्तिवदं सपरि पूर्ण शोभन् ।२।

अर्थ

गथ्येजा थःगु शरीर निश्चययाना जिगु थौं सत्वपिगु उपरे कृपातयागु याकें
बोधिज्ञान लाय्गु कारणे दान याना । जिगु मनं छुंहे आश्चर्य्य मजुः घमण्डी जुयागुनं
मखुः दीन दुःखिनं जुइ तोता ।१। थुगु सत्य बचनं धयागु पुण्ययागु अनुभावं जिगु थ्व
शरीर गथ्येजा ह्लापा गुगु प्रकारं जुया च्वंगु खः अथ्ये हे थ्व शरीर पूर्णजुया शोभादया
वय्मा ।२।

अनंलि थथ्ये गाथा बोना सत्य अधिष्ठान यागु अबस्थाय् ह्लापायागु थ्ये अंग
पूर्णजुया (शिरेघाः छुंहे मजूस्ये) बोधिसत्वया शरीर क्षण मात्रं गथ्येजा ह्लापायागु खः
अथ्येहे जुल । शिरे मणिरत्न ह्लापायागु दुगंछि तेजं सहित उष्णीषमणि उत्पत्ति जुल ।

अथ्ये जुइवं खुता प्रकारं पृथिवी कंप जुल शीतलगु बायु बहन जुया दिशाय्
च्वंपि सत्व प्राणिपिनि मन आनन्द जुल । चन्द्र सूर्यया तेज प्रकाशमान जुया दिन
बांलात । आकाशे गमन जुइपि देवता पिसं दुंदुभिः देब बाजा थाना मंगल यानाहल ।
आकाशचारी देवतापि अद्भूत जुया ततःगो याना मिखाकना हाहाकारं शव्द बिया
खनेमदेक च्वन ।

अनंलि बिचित्रगु स्वां बस्त्र तिसा रत्न इत्यादि आकाश मार्गं वृष्टि याना देव
बाजा थानाहया मंगलोत्सव यानाहल । जम्बू द्विपस बास याना च्वंपि सकल देब
मनुष्यपि आश्चर्य्य जुइका गुलि लेः तापि गुलि ऋतेजुया च्वंपि गुलि अहो धन्य धन्य
पुण्यया महात्म्य क्यंगु धया खुसिजुया च्वंपि ।

थय्ये जूगु अबस्याय् मरीचि महर्षि गथ्येजा ह्लापायागु शरीरथ्ये जुह्य बोधिसत्त्व
खना अत्यन्त बिस्मय चाया तंगोगु मिखा याना सकभनं स्वय् धुंका ह्लाः बिन्तियाना
आपालं उत्साह जुइका धाल ।

साधु साधु थ्व राजर्षि बोधिसत्त्वया बांलागु निश्चय थ्वेगु बुद्धि ह्लाना साध्य
मनुः घयागु बोधि प्रणिधि चित्त जूगुलि (सत्त्वसिन्त महाकरुणा तह्य जुया) थ्व गनतक
म्याना च्वनि अनतक महाकरुणीक नामजुया च्वनि । सकल त्रास जुइक धर्नयाना
त्रंलोके प्रचार यात बिस्तार मजुइक थ्वेकन धर्मयागु बांला स्वभाव यागुलि अनुत्तराया
संम्यक संबोधिजान लाभ यात ।

युलि धाय् घुस्येलि मरीचि भवभूत गौतम आदि महर्षि तथा म्येपि न्यास
परिवार एवं ब्रह्मा इन्द्र महेश्वरादि पिसं बोधिसत्त्वयात आपालं धन्य प्रशंसा याना थः
पिगु थासे लिहांवन । अनंलि पद्मोत्तर (पद्मचूड) राजा पद्मावती देवी मूर्छाजुया च्वंपि
लिपा चेत दया अति हर्षोत्सुक जुइका मां काय् निह्यसिनं बोधिसत्त्वया निपा पालिसं
ताउति भोःपुया हर्षया खोबि पूर्णगु मिखां सोया ख्वाः चकंका दुःख तंका बोधिसत्त्वयात
श्रद्धा भक्ति तथा थय्ये बिन्ति यात ।

भो देव महाराज पिता ! प्रशन्न जुया बिज्याहुं जिपि अनाथ खः तच्चगु शोक
रोगं कया दुःख जुया च्वं पित्त त्याग यात । आः बिज्याहुं शाकेतु नगरे भो देव !
हानं राज्यस च्वना बिज्याहुं मखुसा म्येगु खं छु धाय् जिपि थनहे सिनावनीन ।

उगु बखतस बोधिसत्त्वं करुणातया ह्लितायन । उगुइले अनप्यह्य प्रत्येक बुद्धपि
न्होनेवया थय्ये धं बिज्यात । साधु साधु भो महाराज ! अतिनं शोभा दइगु खः
छपिसं गुगुजा शाकेतु नगरे बिज्याना आः राज्य याय् योग्य जुः । यवि छपिसं थौं
राजा मयात धासा अवश्यनं छपिनि पुत्र पद्मोत्तर राजा (पद्मचूड) मां नापंच्वना पुनः
म्येपिसनं संपूर्ण छपिगु भरोसाय् च्वंपि सकसिनं क्वागु हि ह्लोया निरासजुइका प्राण
त्यागयाइ ।

हे साधु ! उकीं शाकेतु नगरे वना धर्मयाकें राज्यपालनयासा असलजुइ । थथ्ये धया प्रयेक बुद्धपिसं बोधिसत्व तथा परिवारपिनं नापंतया थुगु प्रकारं ऋद्धिया बलं आकाश मार्गं बिमानद्वारा शाकेतु नगरे थयंका राजगृहे प्रवेश जुल ।

बोधिसत्वयात पुत्र पद्मोत्तर राजां सकल परिवारपि मुंका तच्चगु सत्कारं मंगलोत्सव याना सिंहासने बिज्याका राजमुकुटं पुइका राज्याभिषेक सहित ह्यापाथ्ये राजा स्थापना यात । थुगुखें दुष्प्रसह राजां छुं लिपा वृत्तान्त खें न्यना हताय् चाया सलगया वया याकनं अन थयंका बोधिसत्व बोधिचित्त दुह्य मित्र मणिचूड राजा यागु पालि भोःपुया बित्तियात ।

भो महामित्र ! छपिगु त्याग चित्तयागु प्रभावं जिगु अपराधं उत्पन्न जूगु देशोपद्रव भयंकर महामारी रोगं पोडा जूगु संपूर्ण तंकारणं समन जुया देशे प्रजापिनि आनन्द जुइकल तथा जिनं सुख जुल । छलपोल प्रशतनीय महा धन्य खः धया बारंबार प्रणामयाना नम्र जुल ।

अनंलि थथ्ये नम्रजुया वह्य मित्र दुष्प्रसहराजा तथा थ्व नापं वपि परिवार पित्त स्वया बोधिसत्व लेः तागुलिं करुणाया चित्तं ख्वा चकंका थुमित स्वया जिगु इच्छा पूर्ण याकूह्य छपिं खः धया सुवर्ण सहित रत्न द्वहलपा सन्तोषयात । म्येगु खें फुकं तोता काय बाक चित्तं याय्गु ङ्गिगु अकुशल पापकर्म तोतका, ङ्गिगु कुशल पुण्य कर्मया खें कना ज्यानं याका बोधिज्ञान ह्यसीगु भिगु चर्य्य लं क्यना बोधयात ।

एवं प्रकारं सकल यातनं चित्त बोधयाना आनन्द जुइका जंबूद्वीप बासी म्येपि राजा पिसं अहो महाभाग महाकारुणीक बोधितत्व राजर्षि खः मणिचूड राजा धया आपालं प्रशंसा याका जंबूद्वीपया राजा जुया बिज्यात । म्येम्येपि राजा पित्तनं कुशल कर्मया चर्य्येतया धर्म याकल । भिगु थुजागु ज्या निश्चय हानं समयानुकुल मनुष्यपिगु स्वभाव बिचारयाकें जंबूद्वीपे ऋद्धिबल क्षमाधर्म सकभनं प्रचारयाना मनुष्य पित्त सदानं कल्याण जुइगु पुण्यफल ह्यसीका बिल ।

थ्व बोधिसत्व मणिचूड राजाया पर्याये सकभनं बखते जल बृष्टि जुया चवंगुलिं संम्यक बारिधा बोधिसत्व धकानं नाम प्रसिद्ध जुल ।

देशे सकम्भनं अन्नं फलं स्वां संपत्तिं प्रशस्तं जुया च्वन । थुगु प्रकारं जंबूद्विपे च्वंप्पि मनुष्यंप्पि सुखं कालं हना आनन्दं जुइकल ।

गुह्यजा मणिचूडं बोधिसत्त्वयागुं करुणायां बोधिचित्तं उपकारं जुगु पुण्यया प्रभावप्रकाशं जुगु स्वर्गसं चतुर्महाराजाप्पि बासं याणां च्वंगुं प्यंगुं दिशाय् थ्यंक्कं प्रचारं जुया उगु स्थाने च्वंप्पि सकसिनं धन्यं बोधिसत्त्वं धया प्रशंसां यातं देशे णिगु कुशलं कर्मया लं पलातया सकसिनं पुण्योदयं जुइका च्वन ।

अनंलि पुत्रं पद्मोत्तरं राजकुमारं यातं माक्खं ज्ञानया खं कनां राज्यैश्वर्यं यागु अधिकारं बिया थः राजर्षिं बोधिसत्त्वचर्यां धरे याणां कामरागादिं तोता एकान्ते समाधि योगे च्वना दीर्घायुं जुइकां छंहुं शरीरं त्यागयानां आपालं देवतादिं पिसं माने दानां तगु ब्रह्मलोकया मालिकं महाब्रह्मा स्वयानं च्वेलागुं बोधिसत्त्वं भुवने आनन्दं बासं यावन ।

श्रावस्ति नगरे बिज्यानां भगवान् बुद्धं हानं थथ्ये आज्ञां जुया बिज्यात । छुं थथ्ये खः घासा कने बांलाकं सोकि । हे भिक्षुप्पि ! बोधं याणाकां, उगु समये थःगु शिरेदुने च्वंगुं शिरोमणिं (मणिरत्नं) थःम्वाय्गुं त्यागयानां सत्त्वप्पिगु कारणे शिरे शस्त्रं (कति किंका) फाय्का उगुरत्नं लिकाय्का थःगु ह्लातिं दानं याणां बोधिसत्त्व चर्यं बोधिचित्तोत्पत्तिं महाकरुणां स्वभाव उत्तमं दानं पारमिता पूर्णं याणां बंहं मणिचूडं महाराजं थुगु समये जिं धकां सोकि ।

। उगु समये पद्मावती देवी थुगु काले यशोधरा देवी खः । । उगु समये पद्मोत्तरं युवराजकुमारं (पद्मचूडं) राजा जुया बह्म थुगु काले राहुलकुमारं भिक्षु खः । । उगु समये ब्रह्मरथ नाम ब्राह्मण पुरोहितं थुगु समये शारिपुत्रं भिक्षु खः । । उगु समये भवभूतिं महर्षिं पद्मावती देवी कन्यादानं ब्यूह्य खः थुगु समये आनन्दं भिक्षुं जुवल । । उगु समये मरीचिनाम महर्षिं मणिचूडया शरीरं क्यनेतं लिपा पद्मावती देवी पद्मोत्तरं कुमारं थमं दानं कयाप्पि नापं बोनाहया क्यनेहं ह्य खः । थुगु समये काश्यपं भिक्षुं जुवल । । उगु समये मणिचूडया पिता ब्रह्मदत्त राजा थुगु समये शुद्धोदन राजा जिं पिता खः । । उगु समये ब्रह्मदत्त राजाया पत्नी

मणिचूडया माँ कान्तिमती देवी, थुगु समये जित लुम्बिनी वन स जन्मयाह्य महामाया देवी जिमाँ खः । । उगु समये देवेन्द्र (इन्द्र) रूप तोता राक्षस रूप धारण याना यज्ञ कुण्डं पिहांवया मणिचूड राजायागु क्वागु द्वि तोना दान ब्यूगु ला नह्य याचक आः थुगु समये नागिरोनाम भिक्षु खः । ख्वं लिपा स्वर्गे भ्येह्य इन्द्र जुल । । उगु समये मणिचूड बोधिसत्वया मंत्री शान्तपुर कुमार महामंत्री नापं न्यास (५००) राज पुरुषपिं दु थुपिं फुक्कं थुगु समये मदिक शाक्य राजकुमार पिं न्यासह्य शाक्य जुवल । । उगु समये दुष्प्रसह राजा थुगु समये देवदत्त कुमार खः । । उगु समये न्याह्य ब्राह्मणपिं वया जिगु शिरे दुगु शिरोमणि रत्न लिक्कया दान कया यंकूपिं थुगु समये (१) अनिरुद्र भिक्षु (२) सुभूति भिक्षु (३) पूर्ण भिक्षु (४) कात्यायण भिक्षु (५) सुचेतन भिक्षु पिं खः । ।

हे भिक्षुगण तथा म्येपिं सकल उगु समये थुगु प्रकारं बोधिसत्व मणिचूड राजा जुया बोधि संभार (ज्ञान संभार) पुण्य संभार पूर्ण जुइका आपालं तच्चगु दुष्कर चर्य्य यानागु त्रिधातु लोके बास यापिं देवतादि महर्षि बौद्ध विद्वान् पिसं स्युः ।

थुजागु खँ न्यना भिक्षु पिनि मती संदेह जुइका प्रश्न यात । भौ महागुरु छु खः धाःसा मणिचूड राजां ह्लापा छु गथ्ये भिगु कर्म याना वगुलि जन्मं निस्स्ये शिरे महारत्न उत्पन्न जूगु हानं जन्म जुइवं देवतापिसं दिव्य ध्वज छत्र पताक च्वाँमो समस्त स्वां नाना रत्नादि उगु देशे वृष्टियाना दिव्य बाजा थाना मंगलोत्सव यात सकभनं महाशुभ मंगल जुया देशवासी पिनि सुखि जुल थुकियागु कारण न्यनेगु इच्छा जुल ।

थथ्ये प्रश्न यास्येलि भगवान् बुद्धं आज्ञा जुल, छिमिसं न्यंगुलि जि खुशी जुल कने एक चित्त याना न्य । धर्मोपदेश न्यनीपिगु स्वभाव प्यंगु प्रकार दु - (१) छगु ह्य थन मन पिने छोया न्यनीगु- (२) सकलें वन जिनं न्यने धका लोके पत्यार याध्त जक न्यनीगु (३) गथ्ये कनी थ्ये छक न्यो वने धका अहंकार याना न्यनीगु (४) श्रद्धा भक्ति तथा उजागु स्वंगु तोता मन क्वातुका न्यनीगु न्यनागु फुकं लुमंका म्येपिन्त नं कने फेकेगु दु सीकि ।

ह्लापा स्वी छगु (३१) कल्पया सत्य युगे बिपश्चि बुद्ध लिपा शिखिबिनाम

संन्यको संबुद्धया पर्याये वसपोल उदय जुगु संपूर्ण बिद्याया आचरणं पूर्ण सुगत धाय्का लोकत्रिद्व अनुत्तर पुरुष दक्कया सारथि देव मनुष्यादि पिनि शास्ता महागुरु तथागत भगवान् बुद्ध प्रकाशमान् जुया बिज्यात ।

श्वसपोल छन्हू अरुणावनी देशे बिज्यात । उगु समये अन देशे च्वंह्य राजा म्येपि सकलयात बुद्ध कार्यया ज्या कयना याका छुं काल वस्येलि निर्वाण जुया बिज्यात । उगु वखतस अन देशे च्वंह्य अरुण नाम राजा निर्वाण जुगु शरीरे सत्कार भावं पूजा याना लिपा अष्ट सुगन्ध सहित श्रीखण्ड तथा अग्नि संस्कार याय् धुंका प्यंगु द्वीप रत्न प्रमाणं अष्ठि धातु फुकं गर्भं तथा तःगो याना चैत्य बिम्ब स्थापना यात ।

अनेक सद्धि द्वद्धि सत्कार याना मोक्ष लाभार्थे जवे खवे क्वेछितक छचालं शोभा याना शुद्ध रूपं बांलाक उगु चैत्ययात पूजादि यात । अनैलि छुं लिपा अरुण राजा स्वर्गबास जुल वहे चैत्य बिब स्तूपस लीन जुया श्रद्धा भक्तिवान्ह्य जूवल ।

अनैलि श्व अरुण राजाया पुत्र रत्नधर राजकुमार धार्मिक राजा जुया उगु स्तूप चैत्यस आपालं सत्कार भावं पूजादि भाव याना च्वन । उगु अबस्थाय् शिखिबि तथागतया शिष्य क्षेमराज बोधिसत्त्व वया उगु स्तूप चैत्ययात तथागत गुरुया अनुमति गुण लुमंका पूजायाना थःगु शरीरयागु चूडामणि लिक्का उगु स्तूप चैत्यया गजुलि समरपण यात । छत्र ध्वज पताक आदि नाना प्रकारयागु स्वां फल मधि पंचामृत सुगन्ध धूप दीप मालिका ध्यः हामो चिकं ईकाचिकं यागु मत छचालं च्याका पनेस्वां उफोस्वां द्वाफोस्वां अपराधि स्वां म्येम्येगु नं नस्वागु स्वानं प्यन्हुतक निराहारं नियम शील स्वभावे च्वना पूजायाना थथ्ये प्रणिधान यात ।

जिनं थुगु बिधानं पूजादि यानागु छलपोल गुरुयागु गुण लाभ जुइका सकल लोक पित्त आपालं धर्म चित्त जुइका ताकालं सुखि याय्फेमा धका ह्लिन्हि थुगु शिखिबि तथागतया परिनिर्वाण जूगु गर्भ स्तूप चैत्य भक्ति यात ।

वहे खः उगु समये मणिचूड राजा जूह्य, वं शिखिबि संन्यक संबुद्ध तथागतया

स्तूप चैत्य बिम्ब प्रतिमा यात असंख्य गुण लुमंका श्रद्धा भावं नित्य सेवा भक्ति पुजा
यागु पुण्यानुभावं एबं भिगु कर्म बिपाकं सकल लोक पिगु उपरे थःगु जीवनया माया
छुं मयाह्य राजा धाय्का उत्तमगु धर्म मार्ग क्यना उपवेश वो फुह्य जुल ।

ह्लापा गुह्यस्ये जा अन उगु चैत्ययात छत्रं कुइका ध्वज पताक सहित पूजायाना
वगुलीं उगु मणिचूड जन्मस दिव्य छत्र ध्वज पताक पुष्प देवता'द पिसं वृष्टि याना
पूजायात देव बाजा थाना मंगल यानाहगु खः । ह्लापा अनथासे च्वंगु चैत्ययात थःगु
चूडामणि समरपण यागु पुण्यया कर्म बिपाकं उगु समये मणिचूड राजाया जन्मस शिरे
दुने शिरोमणि रत्न उत्पन्न जुल ।

हानं म्येगु खँ छगु नं धाय् मणिचूड राजा मज्जनिबले विवाहनं सिमधनि उगु
बखतस छह्य सार्थबाह बैद्यराज रूपधरेयाना छह्य प्रत्येक बुद्ध धाह्यया बिषयागु रस
शरीरे प्येपुना दाहजुया च्वंगु रोग शमन जुइगु वास दान याना सकमनं शरीरे इला
बिष रोग पीडित दुःख शमन याना बिल उह्य प्रत्येक बुद्धया शरीर स्वस्थ जुया
आनन्द जुल । थ्वया शरीर स्वस्थ जूगु खमा सार्थबाह बैद्यराजं प्रणिधान यात । गुगु
जा खः जिनं प्रवजितह्य प्रत्येक बुद्धया बिष रोगं दाह जूगु शमन जुया शरीर आनन्द
जुल । वहे कुशल मूल गनगन रोग जुल अन तक वास दान यागु कुशल मुलया पुण्य
प्रभावं जिगु शरीर सिलागु लखं हाहायाना रोगीया शरीरे थीवं लःतोनेवं संपूर्ण रोग
जूपिनि याकनं रोग शमन जुया स्वस्थ शरीर आनन्द जुइमा ।

थथ्ये प्रणिधान याह्य सार्थबाह बैद्यराज थ्व हे मणिचूड खः । थ्वं थथ्ये प्रणिधान
यागुलि थुह्य मणिचूड राजाया शिरोमणि सिलागु लखं हाहायाना शरीरे थीवं
त्वनेवं देशे उपद्रव जूगु भयंकर महामारी रोग तत्कारनं शमन जुयावन ।

हे भिक्षुपि ! थुलि खँ मिश्रय खः धका सीका महाकरुणा उत्तमगु बोधिचित्त
बोधिज्ञान बोधिप्रणिधि बुद्धचर्य्य पलातय् फ्यकि । सुनां याकचा च्वना निर्मल
यचुगु तुयूगु पुण्य खः धर्मयाइ । वंहे याकचा च्वना निर्मल यचुगु तुयूगु धर्म खः
पुण्यया कर्म बिपाक जुया भिगु भोग याइ ।

सुनां याकचा च्वना हाकुगु पापयाइ वंहे याकचा च्वना हाकुगु पापकर्म बिपाक

जुया दुःख भोग याइ । पापकर्म दुःख भोग याइगु तीर्थक पशुपंछि जन्म पुनः नरक बास ।

सुनां याकचा च्वना हाकुगु पापनं निर्मल यचुगु तुयूगु पुण्यकर्म याइ । वंहे हाकुगुनं तुयूगुनं नितानं पाप पुण्य यागु कर्म बिपाक (पाकेजुया) दुःखनं सुखनं भोगयाइ ।

मूल- ये नैव याकृतं कर्म तेनैव फल भुंजते

पुनः- ये नैव याकृतं कर्म तत्फलं तेन भुंजते । इती ।

अर्थ

सुनां भिगु मभिगु छु कर्मयात वंहे उगु उगु भिगु मभिगु फल भोग याइ । सुनां मभिगु अधर्म (पाप) याइ-केवल सुनां भिगु धर्म (पुण्य) याइ-उगु उगु थमं पिनागु । भिगु मभिगु पाप पुण्यया फल सैगु थमं हे खाना नया दुःख सुखया भोग याइ । थमं यानागु पाप पुण्यया भोग म्येपिसं याइगु मखु थय्ये सीकेमा । ० ।

थुगु प्रकारं भगवान् बुद्धं आज्ञाजूगु अमृत वचन न्यना सकलया मन सन्तोष जुइका, धन्य धन्य क्षेमराज बोधिसत्त्व, धन्य धन्य मणिचूड बोधिसत्त्व, धन्य धन्य भगवान् बुद्ध धका प्रशंसायाना भगवान् बुद्धयात तुति भोःपुया प्रणाम याय् धुंका बिदा कया सकलें थःथःगु थासे लिहांवन । ० ।

। थुलि खं मणिचूड नृपजातक समाप्त जुल ।

थुगु खं महज्जात माला गद्य पद्य ५० अध्याये पूर्णरूपं दु ।

हानं स्वयंम्भू बृहतश्रवणम्भू स्वल्पस्वयम्भू पुराण ४ अध्याये संक्षिप्त रूपं दु ।

ये धर्मा हेतुप्रभावा हेतुस्तेषां तथागतः ।

ह्यवदत्तेषां च यो निरोध एवंवादी महाश्रवणः ।

। पुनः महाश्रवण इतार्थः ।

गुगुजा धर्म खः अनेक दया च्वंगु संसारे खना च्वंगु फुकं हेतुयाकें मात्र उत्पन्न जुया च्वंगु खः । उकीयात निरोध याय्गु (पनेगु) द्वादशांग (१२) प्रतीत्य समुत्पाद पुनः सप्तत्रिंशत् (३७) बोधिपाक्षिका ज्ञान उपदेश विया बिज्याह्य तथागत बुद्ध खः धका सुनां थुगु ज्ञान सीकि किन्तु थमँ सीका म्येपिन्तनं कना बोधयाय्फइ । अविद्या अहंकार स्यखि घमण्डि मूर्खबुद्धि तोता बोधिज्ञान धारण याना शान्ति जुईफई थुजाह्य बौद्ध बिद्वाँन यात सद्गुरूवादी महाश्रवण धाइ श्रमण नं खः । ० ।

इति थनतक १० जातकया खँ द्वापरयुगे जन्म धै तल ।

हानं थन प्रश्नया उत्तर बियागु खँ छगुनं च्व धै बिज्यागुलिं च्वया छन्हु शिक्षित वर्गपि छँ वया थथ्ये प्रश्न याना बिज्यात – छपिसं ने० सं० ११०३ स् चिल्लागा समये दिक्षाया क्रियास ला वर्जितयाना ज्या यात मनबोध याय्त खँ न्यनेगु ईच्छा दु ।

जिनं उत्तर बिया थिकहे धै बिज्यात न्यना बिज्याहुं – स्वार्थि व्यवहार तामास घनघोर चर्य लौकिक धर्म नरकया गाले क्वब्याइगु हिसायाणा याका जिनं ला दिक्षा बियागु मखुः । । तथागत वचन शिरे लाका ला वर्जित याय्मागु प्रमाण बुद्धो भवेयं जगतो हिताय – वाक्यबोनेगु यात त्वयक अहिंसा ह्यसीका लोकोत्तर धर्मः ज्ञानया दिक्षा बिया जिनं पूजायानागु खः ।

कीसं तारा पूजायासानं मद्य मास नेगु तोत्ये मफु ;

भगवान् बज्रसत्त्व वचन, बज्रसत्त्व पाराजिकास प्रमाण थथ्ये दु

व्रत पूजादि तारायां मद्य मासैव वर्जितम् ।

ज्ञाता ज्ञातंच भक्षेऽपि तुल्यं गो मांस भक्षणम् ।

व्रत त्रिरत्न तारा पूजाय्नं मद्य मांस दुर्गन्ध वस्तु वर्जित याय्मा । सीकं मसीकं मिचेयाना नल नक्रल धासा, गो मांस नगु नकुगु तुल्य जुई । थुजागु प्रमाण सीका शुद्ध रूपं क्रिया याना सिद्धि लाभ याय्मा । थुलि धयागु न्यना जिपि आपालं सन्तोष जुल धया प्रणाम याना लिहाँ बिज्यात ।

पं. बै. आशाकाजी वज्राचार्य

जापान देशया भ्रमण यांनांवेले स्वयावयागु छुं भतीचा विवरण -

स्वयंभू धर्मधातु महामण्डलाकार स्थान पवित्र नेपाल गौतम बुद्ध जन्म भूमी लुम्बिनी खः । प्राचिन महायान बुद्ध धर्मया चर्य चैत्य त्रिरत्न बुद्ध पूजादि तारा लोकेश्वर बसुन्धरा व्रत पुनः बज्रयान यज्ञ होमादि श्राद्ध क्रिया यांनाचवंगु नेपालदेशे जनकल्याण जुइगु धर्म खः उकीयागु दर्शन (अर्थ) खः सीकेगु अत्यन्त योग्य जुः । एवं महायान बुद्ध धर्म विषये नेपाया दर्शनज्ञः बौद्ध गुरु बज्राचार्य पाख्ये छुंजान छलफल याय्गु निमित्ते जि अल्पज्ञ जूसानं सुन्दर जापान देशया लोकेश्वर संघ बौद्ध विद्वांन् संस्कृतं खें ह्लाइपि घूम्रपान आमोष आहार बजितपि भिक्षु बज्राचार्य सज्जन बर्गपिगु निमंत्रणास नेपाल सम्बत् १९०५ कच्छलागा पंचमी तिथि मंगलबार दिन प्रातः समये जि, जि पत्नी बेतीमाया नाप अनं छोया ह्म भिक्षुजु तिस्रें वना । अन ध्यत्तेलि अनया विद्वांन् हिते नोबु ताका ओका इतोजि म्येपि सज्जन बर्गपिसं भागु खें ह्ला य् घंका छुं दिन लिपा भ्रमण्याका क्यनाहगु खः जिनं सोया वयागु दृश्य थय्ये खः ।

सुवर्णमय (लुंयापि) महावंरोचन ४४ हाकह्य अमिताभ अपरिमित भंषज्यराज दीपंकर दुर्गंतो परिशोधन शाक्यमुनि तथागतपि हानं गोतुला बिज्याह्य निर्वाणमूर्ति बुद्ध पुनः प्रजापारमिता आर्यंतारा बसुन्धरा - न्याकु हाकपि जवे न्यास जवे न्यास दथुइ ३२ हाकह्य सहस्र भज लोकेश्वर सुखावति व्यूह लोकेश्वर अमोघपाश षडक्षरी लोकेश्वर चण्ड महारोशन मैत्री आदि सर्वणीवर्ण, बिष्कुंभि अष्टबोधिसत्व हारतीवेबी घृतराष्ट्र बिरुढक विरूपाक्ष कुबेर वैश्रवर्ण, विश्वपाणि वज्रपाणि खड्गपाणि पद्मपाणि रत्नपाणिपि बिज्याका तगु हानं पुलांगु सिन्तो धर्मया विहार बुद्धालय मण्डिर थाय्या नामावली-

१. तोक्यो २. क्योतो ३. नागोया ४. नारायामा ५. ओशाका ६. कानायामा ७. कंबुयोगुजि ८. तःधंगु बज्र पर्वत ९. चीधंगु बज्र पर्वत १०. गुणवन ११. खेबुरिया १२. नागोशाका १३. हिरो सिया १४. कामाकुडा १५. कावा गुजि १६. खेता गावा १७. वगेता १८. अतानो १९. मोरिया २०. हिरोको २१. चैत्य बन २२. कानेको २३. एइको २४. हिरोसी इत्यादि ।

अन बिहारे द्वाहां वनेत लकां तपलि तोत्येमा दुर्गन्ध वस्तु धून्त्रपान आमिष सेवन बर्जित प्रातः समये पूजादि पाठ याइवले उख्ये थुख्ये सोया खँ ह्लाय्गु बानिमदु सकलें पुलि चुया ह्लाः बिन्ति याना च्वनि । पूजा सिधेवं मधि फलाहार मात्र भोजन याइ ओशाका बिद्यालये छगु कोथाय् तया नेपाले महायान बुद्ध धर्म गुबलें निस्यें दुगु धैगु विषय जित नोःवाकल प्रवचन यानागु थथ्ये खः नेपाले स्वयंभूत्पत्ति जूगु त्रेतायुगे विश्व भू तथागतया समय निस्यें महायान बुद्ध धर्म क्रमशः प्रादुर्भाबि जूगूलि आदि बुद्ध भगवान् स्वयंभू स्थान धर्ममुख पवित्र मंजुपतन नेपालदेश खः धका नामाकरण जुल ।

कलिया प्रथम चरणे जन्म जुया बिज्याह्य गौतम बुद्धं बोधिसत्त्वादि असंख्य विद्वाँन वर्गपि मुंका गृद्धकूट पर्वते विज्याना निकगु धर्मचक्र पवर्तन याना महायान बुद्ध धर्म उपदेश विया बिज्यागु खं मैत्रीबोधिसत्त्वं उल्लेख यानातगु नवसूत्र-बृहत स्वयम्भू पुराण (नेपाल महात्म्य) अध्ययनयात धासा थब खँ यथार्थ बोध जुई । गौतम बुद्ध निर्वाणं लिपातिनि महायान बुद्ध धर्म तथा बज्रयान तन्त्रचर्य्य दयावगु मखु धका बांलाक सीकेत कुत दई । । थथ्ये नोः वानागु विषये अन उपस्थित जुया बिज्यापि सकल सन्तोष जुइकल । पुनः छह्य बिद्यार्थी भाजु इहि विधिया बारे प्रश्न यात । जी श्रीमती उत्तर बिल, दशकर्म मध्ये मिसाया छगु कर्म १२ बर्ष न्ह्यव याय्मागु पाणिग्रहन विधि खः धया चित्त बोधयात, अनुवाद याह्य हितेनोबु ताकाओकाजु । जापान देश छें मार्ग बिहार मनुतेगु शील स्वभाव बुद्ध धर्मया नियम बांलागु खँ ह्लाना साध्य मजुः । ३८ दिन बासयाना लिहांवय्त बिदाकया जित तगु थाप् नागोया ताकाओका भिक्षुजु बिज्यागु टोको डिन् गुणवन बिहारे लुंयाह्य शाक्यमुनि बुद्ध मूर्तिया न्ह्योने च्वना पुलिचुया बन्दन याब् धुस्येंलि थुगु स्तोत्र छपु बोना ।

बन्दे सबार्थ सिद्धं सुगतवर गुरुं गौतमं बुद्ध नाथं ।

भूय इन्त्येऽपि जन्म सतत प्रभु जिनं मारजित् धर्मराजम् ।

अनया बौद्ध विद्वाँन्पि नाप महायान बुद्ध धर्मया बिषये खँ छलफल याना अमूल्य ज्ञान प्राप्त यानावया । बाङ्कूक्स निन्हु च्वना थाइलाइण्ड देशया बिहार सकभनं चाहुला लुंयापि पंचबुद्ध शाक्यमुनि बुद्धमूर्ति यको दर्शन याना बहनी छें थ्यंका आनन्द जुइका - सकलया सर्वदा मंगल जुइमा -

छगूगु थास

सत्ययुगे जन्म ११ ग्रन्थथा नाम मदुगु थन चवथा -

- १) रूपावत्यवदान, दिव्यावदान ३२ अध्याये दु -
- २) सुप्रभासनृपावदान, वृ. जातकमाला ६ अ -
- ३) पुण्यवलनृपावदान, वृ. जातकमाला ३६ अ. -
- ४) धर्माकरनृपावदान, वृ. जातकमाला ३७ अ. -
- ५) दुर्धननृपावदान, वृ. जातकमाला ३८ अ. -
- ६) प्रदीपप्रयोतनृपावदान, वृ. जातकमाला ३९ अ. -
- ७) अमरनृपावदान, वृ. जातकमाला ४२ अ. -
- ८) यक्षनृपावदान, वृ. जातकमाला ४४ अ. -
- ९) शिविराजानृपावदान, वृ. जातकमाला ४६ अ. -
- १०) मैत्रीवलनृपावदान वृ. जातकमाला ४८ -
- ११) कविकुमारावदान. व्रतावदानमाला २ अ. -

अङ्कसंज्ञा-आख्यात्या सीकेगु

कु. ए. - आं. - श्री. अं - १

द्वि. - द्वी - थ - आ - २

तृ. त्रि. ल. आ, त्रयः - ३

प्ल. फा. भ. चौ. चउ - ४

ह. भृ. आशा. पञ्च - ५

अ. फ. चू. षष्ठ - ६

नो. ग्रा. चु. सप्त - ७

ड - उ - अष्टी - ८

डे - डो - नव - ९

ओ - अः - सृ - दश - १०

- आखलं गव्यातगु त्याख (त्या) सीकेगु -

१. इन्दु, भूमी, गण, रूप, इला, पृथ्वी, अग्नि, भू, वृच्छ चन्द्र, द्वार, कर्ष, शशि, इन्दु -
२. लांचन, पक्ष कर नेत्र तन युग्म भुज हस्त पाणि बाम फल -
३. अग्नि राम गुण त्रय तृतीय विविध शाखा -
४. वेद दुर्गाद्वि युग चात्वार चतुर चड ब्रह्मा विद्याना मागर मार अविद्य -
५. बाण पञ्च इगु मर विशिख शर चाप -
६. रस मधु मधुर षड् पट् विर गति पत्रम् -
७. बार मखिन समुद्र हय नग जैल गगा मुनि ऋषि अर्थ पाताल -
८. बसु मंगल गज नाम अष्ट अगार मातृका भुजग हस्ती -
९. नव अङ्क नन्द भुजंग अवूज ग्राहि ग्रह अहि रन्ध्र रन्धु भुजंग -
१०. इन्द्रिय तनु दश - ११ रुद्र १२ द्वादश - १३ काम मारग -
११. शून्य ३ अम्बर व्योम नभ अश्र वियट् आकाश गगन विन्दु विन्दुष्ट आरूप वन अरूप रूपम् -

युलि खे युगु मन्त्रितस चवथा नेपाल देश तथा जनताणि सकलै मदानं शान्ति जुइमा घका प्रगवान याके प्रार्थना याना - शुभम् इति -

11

12

13

14

देव :- अथ हिता राज, त्पूहि, दायमेन, ... मः दमः गान्धि कुटी ५ ८